

四庫未收書輯刊編纂委員會編

四庫未收書輯刊


北京出版社

壹輯·貳拾捌冊

四庫未收書輯刊

四庫未收書輯刊編纂委員會編

北京出版社



壹輯 · 貳拾捌冊目錄

九華紀勝二十三卷首一卷 [清] 陳蔚撰

一

石鐘山志十六卷首一卷 [清] 李成謀 丁義方撰

二〇九

河渠紀聞三十卷 · 之一 [清] 康基田撰

五〇九

〔清〕陳蔚撰

九華紀勝二十  
三卷首一卷

清道光刻本

九華紀勝序

池郡雖帶長江襟巨浸實萬山叢沓區地山之縵透者  
齊山奇秀者九華齊山以巖洞勝九華以峯巒勝乾隆  
乙巳予嘗作齊山磨崖辨嘉慶甲子復輯齊山巖洞志  
時吾友俞子澹川題詞有九華望君歸作志之語予因  
作九華考異二卷今山僧卽以是志請夫我家世居九  
華南麓嵐翠環扉煙霞入夢此身日在雲泉內固無事  
白綾半臂圖也然九華自唐宋來有山記有舊錄有新  
錄有總錄有拾遺有詩集有外史諸書至明嘉靖初始  
編爲山志萬歷崇正間後先增訂相距數十年耳逮

九華紀勝

序

國朝康熙己巳纂輯後歷今百三十餘年不事續修則賢  
哲之芳蹤高僧之梵行名流之著作故老之傳聞積久  
漸湮良堪扼腕况今

景運維新香煙日盛

御書疊錫

天使頻臨佛祖叨承

龍渥山靈與有榮光洵曠古所稀逢前志未會有尤不可不書  
也爰載筆攜筇披巖討壑窮探幽奧徧陟高寒或仰摘  
星辰或俯瞰雲雨凡夫春花夏放冬霰秋飛峯月恒明  
巖冰不冶以及鐵氣金光雪潭雲海醫魚藥鳥靈簡雜

碑莫不親見確稽旁參曲証於是訂訛補漏徵信開

刪其繁詞益以近事歷周兩載勒成一書名曰九華紀

勝釐爲廿一卷因念我大父箭泉公性好佳山水嘗作

九華新志未及刊行以原藁上之郡志館被好奇者搜

去若其書尙在不獨後人有所遵循卽當時藉以流傳

者豈少耶今是編出敢曰承先志繩祖武乎亦聊借我

之勝情助人之勝具且以一人之目游博千萬人之臥

游云爾

道光元年歲次辛巳端陽日青陽陳蔚序

九華紀勝

序

二

九華紀勝凡例

一 九華疊膺

龍錫為

列聖所加禮

墨寶天香尤山之藉以為重者故恭紀

盛典特冠於首

一 繪圖依方布置使人展卷了然按圖可得其概

一 引証諸書註明所出徵信也九華志肇於唐續修者

不一家惜諸編散軼不見原文歷代沿修莫辨其說出

自誰手其存而可考者不過數種今見於宋陳清隱九

九華紀勝

凡例

華詩集註者曰陳詩註見明蘇淮楚侍御九華志者曰

蘇志顧韻設方伯九華志者曰顧志見

國朝吳少友文學九華全志者曰吳志李介菴觀察九華志

者曰李志九華散錄曰散錄九華目游集曰目游集九

華考異曰考異如舊志滕錄程圖之例皆省文也

一 顧志吳志李志多仍蘇志之舊惟詩文日增而李志

存詩頗慎繪圖較精乃其圖說謂魚龍洞遠而并刪南

陽澗謂圓寂寺廢而并刪拾寶巖不知洞遠而澗近寺

廢而巖存連而汰之不失咫尺之幽區山水之實境乎

一 採詩文於九華如入寶藏美不勝收茲編僅登十之

二三其餘不能割愛別輯九華詩文集

一周益公九華山錄即游記也用列記前

一 凡詩有序或序有詩者舊志分載兩處不無割裂之

弊今觀其所重而輕者附焉序重則詩附詩重則序附

如李太白九華聯句序劉夢得九華詩之類是也

一 舊志有非九華詩而摭入者李青蓮至陵陽山登天

柱石酬韓侍御鄭七松贈鞏驕詩并序趙青巖過荻江

紅楊樹追述覆舟諸篇與九華無涉薛陶臣九華觀廢

月池七律乃蔡國公主上池院非山也凡如此類今悉

汰去

九華紀勝

凡例

一 前人青陽道中暨江行諸詩每賦及九華如王荆公

次青陽文文山解文毅過池州之類究與專望九華之

什不同概置不錄

一 九華樓有二一在池州城東門一在無為州城移風

門上皆以望見九華得名而詩中言樓而不及山如杜

樊川登九華樓寄張祜高九萬楊次公九華樓諸篇不

得與郡樓望九華詩並錄也

一 九華以峯勝故分紀以峯為綱凡巖洞泉石建置人

物著作磨崖麗於一峯者隨地著焉其餘溪嶺倣此

一 書院所以講學育才與學校相表裏雖或改為祠廢

為墟必詳其顛末

一是編專為紀勝而名賢祠墓忠孝大節橋梁鉅功開  
有增者隨地紀載其於茲山無涉及遺漏者自有郡邑  
志在

一舊志有因一詩一文載入流寓者如呂涇野鄒南臯  
之類載之不勝載矣故刪之

一物產有異於他山者載之其餘不錄

一志家以詩文為藝文非古也今倣漢書例以歷代所  
輯九華志乘編目附以序跋為藝文志至詩文分載各  
條下亦漢書載著作於列傳例也

九華紀勝

凡例

三

一九華事故見諸他書今無類可歸者附於編末曰雜  
紀亦撩零拾剩之意耳

一是編繪圖則張查山夫子璿華壇諱則我友姜仲馨  
兆蘭校字則兒子塾族姪孫松鶴外孫何錫純

陳蔚識

九華紀勝目錄

卷首恭紀

盛典

卷一山圖

卷二原山

卷三錄記

卷四唐宋元詩

卷五明詩

國朝詩詞

卷六賦

卷七諸勝

山西一

卷八諸勝

山西二

卷九諸勝

山西三

卷十諸勝

山西四

卷十一諸勝

山東一

卷十二諸勝

山東二

卷十三諸勝

山東三

卷十四諸勝

山東一

九華紀勝

目錄

一

卷十五諸勝

山南二

卷十六諸勝

山北

卷十七諸勝

山西南

卷十八諸勝

山西北

卷十九物產

卷二十藝文

卷二十一雜記

卷二十二補遺文

卷二十三補遺詩

九華紀勝參訂姓氏

趙紹祖 琴士涇縣

劉宗向 經門桐城

翟漱芳 藝圃涇縣

張瑞庚 雪樵當塗

楊依仁 行之青陽

王元林 翰雲青陽

張名標 蘭坪青陽

陳匡之 一峯青陽

庖姪堅 錢門

九華紀勝

從姪鴻藻 雲勳

蔡邦霖 靖遠合肥

查炳華 瑤圃涇縣

李玉衡 在亭石埭

徐鳳翔 梧坪青陽

夏棠 鶴皋青陽

江琪 竹筠青陽

奈作霖 以雨銅陵

陳攀桂 馨山青陽

壤 梅田

參訂

九華紀勝題詞

涇縣翟漱芳藝圃

九十九峯何嵯峨芙蓉朶朶撐銀河奇秀一壺納不盡

造化尤物爭森羅梅緣先生臥南麓領略靈山真面目

登高一嘯五嶽搖收拾煙霞入卷軸搔首頻將太白呼

舊錄新錄今俱無常侍白綾合再書拾遺彩筆宜重圖

茲山首推孟得句後來誰繼陽明賦批巖導壑供冥搜

範水模山得佳趣勝跡從茲出愈奇名山名士交相資

瑤編讀罷神飛越恍惚龍眠攜手時

貴池韓正翔晚峯

九華紀勝

題詞

芙蓉千疊一節支攬盡天河秀與奇半臂雲泉令我在

九峯煙月任君披文章壓卷陽明賦山水開端太白詩

載筆林巒重紀事木蓮花底寫烏絲

當塗張瑞庚雪樵

詩壇久占大江東著述名山典未窮細剔綠苔搜勝迹

遠從丹嶂溯流風磨礪巖壑開生面組織煙霞奪化工

不事雲泉圖半臂九華收入一壺中

江都王 屋小邨

昔公過翠屏屋年未毀齒侍立被春風澄懷映秋水茲

屋客秣陵欣然見令子謂熟之大兄道公隱九華白髮著書



史山中闕文獻搜討煙雲裏九朶青蓮花古翠撲窗几  
謫仙千載來醉臥呼不起公也應

制科高名無與比嬰鍊八十翁吐氣如蘭芷家君辭

詔辟時大吏舉家君應詔垂老荒江汜侍養非遺榮恭敬必桑

梓對酒輒思公明月同千里安得來山中共商風騷旨

江都王迺敏又邨

老作九華隱清名重大科碧雲隨杖合香草為君多元

氣關邱壑秋風冷薜蘿白頭勤纂輯相憶奈愁何

貴池高世瑄遜齋

芙蓉綠水湛南天生長名區也夙緣盡把峯巒歸月旦

九華紀勝

題詞

二

勝教圖畫寫雲泉煙霞點綴成山史巖壑遨遊即地仙

呼吸真能通帝座前身應是李青蓮

九華紀勝卷首

孝廉方正

熙朝盛典

康熙四十二年

聖祖仁皇帝南巡二月下泮

駐蹕金陵時將屆

萬壽五旬兩江總督阿山安徽巡撫喻成龍兵部左侍郎胡會

恩隨

駕江南同奏池州府青陽縣九華山為地藏王菩薩道場靈感

昭應各建祝

九華紀勝卷首

盛典

釐之醮隨奉

俞旨遣包衣昂邦赫奕內侍李環太僕寺少卿格爾芬進香山

上

賜銀三百兩為供

康熙四十四年

聖祖仁皇帝南巡三月

回鑾駐江寧府時安徽巡撫劉光美隨從

行在敬以九華顏額上請蒙

御書九華聖境四大字以

賜謹奉

墨寶珍弄藏經樓鉤摹製額恭懸化城寺楹

康熙四十八年正月

聖祖仁皇帝分遣內府諸臣加禮山嶽以九華為四大名山之一

特遣內務府虞備司員外郎烏爾胡進香山上

賜銀百兩為供

乾隆三十一年兩江總督高晉以九華山額奏請

御題蒙

高宗純皇帝親書芬陀普教四大字以

賜敬鉤摹其副製為匾額三月十一日江寧布政使普齋奉

九華紀勝

卷首

盛典

二

到山恭懸化城寺仍珍藏

御書真本於藏經樓

九華紀勝

卷一

圖

九華

圖


藏經樓

九華


圖

藏經樓


藏經樓








大善刹形 卷一




大善刹形 卷一





大青糸月 卷一


十



大青糸月 卷一

十一







九華紀勝卷二

原山

九華山在江南青陽縣西南高一千丈延袤二百里北俯大江南連黃海東鄰句曲西接匡廬舊名九子山唐李太白更名九華為四大名山之一金地藏駐錫於此其山多陰多寒幽谷深巖冰雪不化雲海霧海偉為奇觀

顧野王輿地志曰九子山上有九峯千仞壁立周迴二百里高一千丈出碧雞五釵松

李太白集改九子山為九華山聯句并序曰青陽縣南

九華紀勝卷二

原山

有九子山山高數千丈上有九峯如蓮花按圖史名無所依據太史公南游畧而不書事絕古老之口復闕名賢之紀雖靈仙往復而賦詠罕聞予乃削其舊號加以九華之日時訪道江漢憩於夏侯迴之堂循簷岸幘坐眺松雪因與二三子聯句傳之將來妙有分二氣靈山開九華李白白屑標過遲李白半壁明朝霞高齊積雪曜陰壑飛流歎陽崖韋權青熒玉樹色縹緲李窮人家李白福地考九華山為三十九福地在池州青陽縣寶真人上昇處

太平御覽曰九華山錄云此山奇秀高出雲表峯巒異

畫苑謂宋滕司諫始作九華圖不知唐封太守終日披圖向闕常侍白綾半臂皆在趙宋之前迨曹大令石刻六圖而後程待制總而為二吳天錫分而為四方子春又繪山之東西繡入於梓前人取次經營必有可觀惜皆散逸今存者惟前明蘇志十九圖蔡志十四圖顧志十八圖及

國朝李志十二圖耳梅緣先生纂輯九華紀勝命予作圖予筆墨庸疏烏能寫茲尤物而橫側參差之狀修纖瘦削之觀或稍得其彷彿敢曰此即廬山面目五嶽真形哉

雲間張齋筆寫并題

狀其數有九故號九子山焉李白因游江漢睹其山秀異遂更號曰九華山

太平寰宇記曰青陽縣九華山在縣南二十里舊名九子山李白以有九峯如蓮花削成改爲九華山因有詩云天河挂綠水秀出九芙蓉今山中有李白書堂基址存焉

梅溪集曰九華之勝不在山中從江上望之秀逸清遠夕波落日邈然於懷又得太白嘯歌每舟泊林岸便覺九子依依向人

入蜀記曰二十三日過陽山磯始見九華山九華本名九華紀勝卷二 原山 二

九子李太白爲易名太白與劉夢得皆有詩而劉至以爲可兼太華女兒之奇秀南唐宋子嵩辭政柄歸隱此山號九華先生封青陽公由是九華之名益盛惟王公文公詩云盤根雖巨壯其末乃修纖最極形容之妙大抵此山之奇在修纖耳然無含蓄敦大氣象與廬阜天台異矣

桂海虞衡志曰余生東吳而北撫幽薊南宅交廣西使岷峨之下三方皆走萬里所至無不登覽太行常山衡嶽廬阜皆崇高雄厚其最號奇秀者莫如池之九華歛之黃山括之仙都溫之鴈蕩夔之巫峽此天下同稱之

者

古今合璧曰太行五嶽匡廬皆崇高渾厚雖諸峯魁然其奇秀莫如蜀之岷峨巫峽楚之太岳池之九華歛之黃山休之齊雲括之仙都溫之鴈蕩桂之靈山滇之點蒼非東西南北之人而走萬里窮荒險者不可與言也方輿勝覽曰青陽九子山李白以九峯如蓮花改爲九華

明一統志曰九華山在青陽縣舊名九子山李白謂九峯似蓮花乃更今名

海內奇觀曰九華山原名九子山自池州東南行六十里過玩華溪三十里至山下陟嶺踰天橋十里則化城寺絕頂爲金地藏寶塔李白書堂九峯秀色峭拔如青蓮花歸故李白易九子而名之峯之左右可以峯舉者更九十有九嵐煙森列紫翠萬狀當其返照入山月出東方殿角上氣清籟寂呼吸真與帝座通古人如杜荀鶴羅隱葛洪杯渡咸負笈往而獨稱白者山白所居且志顯也

語冰曰九華奇秀初不入江上名山巢湖亦江淮巨浸而不入禹貢水經山川有知寧不感憤金陵瑣事刺錄曰西域三僧云彼國能望見四山之氣

九華山鐵氣補陀山銅氣峨眉山銀氣五臺山金氣  
明青陽縣志曰九華山在縣西南四十里南望石埭西  
望貴池東望涇川北望大江此池之鎮山也

九華散錄順天孫北海云余嘗過五溪望九華而樂之  
歎爲海內寡二時以使事嚴程不及登今二十二年矣  
瑰異張譎頻入魂夢予能爲我道其勝乎又曰九華羣  
峯之特出者以數十計爭峙其間者以數百計稱九十  
九峯亦好事者槩其成數不能縷悉也又曰造化尤物  
劉夢得之所羨也盤根巨壯其末修纖王荆公之所評  
也紫翠千仞融結奇巧周益公之所題也獨陸務觀謂

九華紀勝

卷二

原山

四

其無敦大氣象蓋遙觀揣度之言非實履其地也鄒嶧  
之奇磊磊落落近玩之不啻江南益益中川珍海錯而  
百里以外則嶽立莫與儔矣西山之遠業業峩峩遠瞻  
之畧似江南黃海中奇峯怪石而十里以內則龐博莫  
與比矣務觀既限於地不得北遊又限於舟不能攀陟  
宜其言之易耳

靈竊集越遊紀事曰由陸路之秋浦遙望九華如黛蒼  
翠幽深惜未登其巔過此則林巒秀美邱壑欽奇龍眠  
有未能及者

明池州府志曰九華山在縣治西南四十里峯巒之勝

不可名狀蓋江南第一名山也唐金地藏駐錫於此卒  
塔於山中今遠近焚香者日以千計叫呼膜拜不絕於  
道與泰山元嶽比盛云

江南通志曰九華山在青陽縣西南唐金地藏駐錫於  
此靈異甚著今爲江東香火之宗

九華歲時紀曰山多雲多霧雲則粹焉而起如平水橫  
諸嶺之半青峯在其上蒼翠如初若波濤之鬻其臍者  
謂之雲海霧則瀾漫山澤非里道之可計也曰霧海四  
時多雨不苦旱旱亦不踰四十日多寒山之幽谷陰崖  
冰雪不化非獨天臺爲然四月間猶有飛霰十月必雪

九華紀勝

卷二

原山

五

九華考異曰予嘗曉立天臺峯頂俯見白雲一縷橫抹  
峯腰已而眾壑漸漫諸山隨沒大江南北皆雪浪銀濤  
與晨曦相照耀惟黃山三十六峯雲外遙相拱揖縹緲  
如海上三山令人有褰裳涉足想又南兩峯青翠欲滴  
聳立雲端或曰石埭之歷山所謂九華雲海卽黃山後  
海也

九華紀勝卷三

錄記

宋周必大九華山錄乾道三年九月

庚寅早欲如九華而雲夢宋宰及歸州助教張蒙正相候過午乃能上馬時侯差忠訓郎趙良弼等同行辭之不可五十里至鐵券山投宿葉蒼秀才家蒼有子楠登進士第山深夜甚寒辛卯早再赴葉君飯乃行尉亦並轡二十餘里至青陽縣令成文林雩丞熊從政實褒主簿陳朝立巡檢程大夫同來送館於驛中尉廡即宋齊邱宅其旁對九華而齊邱之墓在牛心山下去縣東五

九華紀勝卷三

錄

里赴陳朝立會以能仁院為廡傍有妙音院同至縣學登經史閣望九華紫翠千仞造物融結奇巧真尤物也壬辰早同陳簿葉尉趙忠訓出郭十餘里登雙練亭原注南瀛披崖故以名亭度西洪嶺入龍安院自此徐行歷永安塔虎跑泉過石龍口虎跑嶺此兩處地勢稍高望雙峯九子甚奇遂入廣修院去縣已二十五里院宇頗雅潔寢堂望雙峯原注遠望如雙劍此二峯也橫峯真人峯蓮花峯是為五老峯步至上雪潭源高而遠仰視蓮花峯正如所倚之屏其前即石門水所注也峭壁削成懸瀑十丈怒濤駭浪不減三峽或瀆為深淵或散為奔湍雷轟

電擊約二百餘步為下雪潭其間多大石水平布者數

丈潭中產石斑魚不常得有瓊瑤泉水跳石上如貫珠

尤為奇絕而土人不貴也食罷轉山而行終日觀山而

殊不厭約十餘里入無相院有觀音閣對峯巒數重留

題而去又二三里至協濟廟神兄弟三按三當人日方

脯或謂化城遠不可到遂止陳朝立置酒中坐帥諸人

下九華溪踏石涉水以為戲葉尉體肥甚獨墮水中溪

自龍池來欲訪其源或曰路太遠惟禱雨乃至今蕪穢

不治不果行終夜如大雨可聽突已早隨溪而入至亂

山環合處登化城嶺嶺峻窄時時回望諸峯層出殊快

九華紀勝卷三

錄

二

心目少休半霄亭已時至化城寺寺宇甚佳唐時新羅

王子金地藏修行之地飯罷謁金地藏塔又在寺後突

然一山上常時可望大江是日適為晴嵐所蒙僧祖瑛

獨居塔院獻土產茶味敵北苑陳朝立以翰先歸邑乃

同葉趙行二里訪龍女泉其旁乃李太白書堂基今為

張氏墳地原注或謂書堂在牛霄亭傍者非自此下嶺過苦竹坑俯視

羣山左右對列中有平田氣象極好稍前即寨頭蓋建

炎間張遇寇青陽縣官移治於此真關隘也行近懸橋

雙瀑石山對瀉未經名人品題故無聞焉又行至盤盤

嶺而化城峯盡矣化城九峯最高處蔣穎叔嘗有悔游

之語傳十里殆不止此賦小詩曰攀蘿度險捷猿猴  
石角鈎衣履盡穿莫訝遠尋金地藏也會徐步玉階前  
又數里至龜山一上復數里尤為險峻有崇壽寺慈雲  
閣對雙劍峯又賦詩曰注坡緣壁化城中客慍奴曠我  
亦慵及至龜山還一上為憐高閣對雙峯寺僧善修年  
八十六贈以詩曰老僧九十視耽耽二十年來不下山  
我得九華充法供亦能禁足老山間日向早愛其景物  
遂宿焉甲午早下龜山行十餘里入聖泉院泉在院側  
石巖下號無底泉試之僅二丈蓋游者未嘗測其淺深  
耳水自巖出甚清駛中有五色石飯罷即行過慕善鎮

九華紀勝

卷三

錄

三

回望九華橫側高低無一同者又五里至曹溪寺又五  
里至覺安寺五溪合流於此故地名五溪又五里入大  
路過鐵券葉元質別去又二十五里投宿馬牙酒坊二  
三里有長安寺夜不果往陳朝立自青陽致饋是行自  
西洪嶺入山蓋西南也終日觀山面既至聖泉蓋自北  
而出所謂山之東乃山背關聞有廣福等院甚佳而從  
者猥眾頗不自由不無遺恨泛舟山  
明張寰遊九華山記嘉靖  
乙丑達池州丙寅故人李方伯恭川邀登齊山山傍城  
隅巖洞多奇亭榭一一可憩非復峻陟遐登可少謝濟

攀之勞矣戊辰達五溪橋橋畔小山有玩華亭乃暮登  
九華之巔盤折而上峯巒疊翠多類廬嶽而秀聳過之  
兩山以伯仲稱夜宿化城寺之方丈已巳早謁先師陽  
明遺像於祠堂遂登金地藏塔院於西嶺計升石級八  
十四而上遐眺江城渺若襟帶塔前有千年寶樹森秀  
異常新構石亭並偉尋弔李翰林太白於書堂堂將頽  
敝廟貌儼存有王文肅公餼記於碑按九華插天峯之  
顯著者九十有九卽徘徊數日未易窮撿矧茲一宿而  
遂別殆李五峯所謂彷彿見其皮膚耳不見笑於山靈  
乎庚午雞鳴起則皓月已升松嶺與恭川判袂於此恭  
九華紀勝

卷三

記

四

川許明年遊吳門予笑曰世豈復有千里命駕訪道名  
山如予之漫浪而忘家者乎僉為輟然名山勝  
袁表遊九華山記嘉靖  
自安慶趨池陽二十里外卽望見九華諸峯甚奇麗五  
月朔抵池明日路東行五十里至玩華亭渡溪又三十  
里抵九華山下陟嶺十里餘到化城寺謁地藏塔院及  
李白書堂小飲法堂明日午後始還舟夫九華凡九十  
九峯遠而望之奇峯峻嶽縹緲霄漢間如青蓮花爭開  
競發煙雲蓬勃翠紫萬狀信東南名岳也然皆峭拔不  
可登化城踰高入深復嶺迴抱疏竹清泉儼然出塵名山

勝槩

唐樞遊九華記

五溪口登玩華亭南眺山有九十九峯已得其弱半行數里至六泉口所見有強半山峻峭插空石峯嶙峋壁列大者如屏展帷蓋細者如波濤點點如筍茁如指伸如覆釜如閣鐘如仰盂如立戟如冠頂如鳥喙山脈拖曳而下有六七疊復行數里過九華廟過小橋山光澗響石橫谷虛甚幽致五里至湧泉亭杉箐兩崖中通一徑又五里至望江亭幽花名藥種種北瞰池州東仰羣峯又別易形狀更逾嶺而下入化城寺窩坐四山中嵐九華紀勝卷三 記 五

光促席崖竹密覆泉聲不歇木鐘臺集

吳同春遊九華記

余聞九華舊矣兩於江心南望輿勃勃動思欲飛陟其巔丙子過青陽以目病阻惘然若失已卯二月以公役抵池陽而遊興劇甚瀕行置九華志於笥廿四日至青陽適役會弗齊宜候數日乃決意往縣侯蕪君遣僧會先焉自青至化城約五十里許去輿就騎由九華廟行十五里至西洪嶺適天氣和明諸山拱秀左一峯最高詢輿人則枕月也右峯突起雲觀山也西洪南下有山在東南兩峯間則蓮花峯也其他峯指顧類是又五里

至石龍口十里至山西屯中有田數十頃寬平如山外而春水之漲日光掩映四山又環列如黛亦奇境也路東折見獨峯雙峯等列峙上華石照諸峯升高時見之經協濟祠抵橋庵日已西僧具飯飯已過伏龍橋路險甚易肩輿着道袍僧會前引按志指諸峯觀焉二里許有巨石名定心百餘步至湧泉亭山泉冷噴流諸峯各露頂巔又二里至半霄亭自橋至化城路之半也里許兩澗深絕中一路僅通人行小仙橋也半里許至碧霄亭十餘步過大仙橋狀如小仙橋而長已至望江亭老僧前指曰西北煙霧中如練此長江也登是亭見之九華紀勝卷三 記 六

故名又東指某天柱某雲門某二神天柱北五峯拱對

余問曰此五老邪僧額之稱是經元覽亭路南左折過聚仙橋懷賢亭抵化城寺則日銜山矣峯巒四列橫藍疊翠在在奇絕飯飯已出門緩步老僧出觀諸名賢詩數數陳山中故事已蘇君遣青衣擊門以酒至觴數舉問天色晴晦忽失星宿予恐曰諸峯尚未登覽將山靈祕不視予耶為乞晴文禱之夜宿于佛樓風聲四作翌晨二吳生攜榼來則蘇君不得至遣二生侍也起視雲氣漸微齋沐謁太白陽明先生祠已諸峯盡出偕二生至玉香笑指諸亭禮金地藏環視塔院老僧談地藏

顛末疊疊不倦東折登神光嶺最高處采五釵松翠天香嶺金剛尖二生啟榼酒數舉東遊宴坐巖自山根至巖五里許路九轉有石甚平可坐數人足至是亦倦小憩焉題緩步二字於石又五轉觀龍女泉路左有石突出狀如龍頭題云龍頭石至巖巔四壁峭削巖石倒垂上有陽明親書周經和尙偈臥而仰讀筆跡宛然南折一庵庵內石洞長丈餘金地藏修行處也庵外有舍生崖其下深不可測令數人牽衣袖側身下視毛髮竦動稍東一禪室懸巖東向適對外山坐牖中界境空寂二生觴子予亦觴二生遣人取石芝烹以侑酒涉地源摘

九華紀勝

卷三

記

七

茗汲泉水煎啜各歎奇不置已登洞之巖與二生蔭夜合趺坐僧環列指云此古仙此鉢孟此中峯此雲門其對巖稍西而最高者此天臺他峯類是皆外峯也自神光嶺而宴坐至棋盤石而北則內峯也皆拱向化城宴坐巖一名東巖登是巖則內外諸峯皆在几席巖額大石二方平廣如削予書千峯坐照四字於上僧立鐫焉內峯之外有溪石聲括括僧曰此溪經龍池而下即伏龍橋水也志載龍池者三歷數之實數十焉此內池也每山一重則有溪緯其下外峯有數重焉各奔連近縣自縣來化城途所見獨高蓮花等峯與九子巖獅子行

道羅漢面壁等峯不止百數皆外峯之巖巨秀麗者其溪因之其外峯之二重溪流直抵協濟祠同諸山之水而併入西北則驛路之五溪橋水也外峯險絕游足鮮到與僧周歷內峯焉二生力倦不能從峯巔上下殊險怪肩輿亦弗能就徒步往命兩人掖之由插霄峯摩空嶺觀虎洞僧云數年前有僧坐此六年不出虎不入洞經讀書臺望一中石乃緣蘿而下觀五龍池削壁千丈僅樵路一綫下視神竦行者足凜凜聲前後相呼僧求止者三余弗能已坐棋盤石觀仙棋棋手動不可取仰視經行諸峯其高如天復緣蘿上數休息而至峯之別

九華紀勝

卷三

記

八

支從者縱火爆山聲相應震蕩若雷已降至甘泉書院二生亦下東巖往逆坐竹樓復舉觴者三行數十步經禪堂偕二生入問禪有老僧論禪甚悉還賜漏下十刻肩輿至化城與二生別就寢是夜大雨如注且則雲氣濛濛入牖間出門環視咫尺莫辨一混茫界境矣如是者二日已又大霽復登巖周覽得所未見日午由舊道而觀無相寺二生家山下設具余入觀二生由六泉口至五溪登玩華亭回望焉其戀戀於懷如遠行者之初去閭里也余惟天下名勝惟巖居隱處之夫朝夕焉官途紛囂即欲拈觀山靈驅而左矣余自誦太白之章覽

陽明之賦全懷九華廿年於茲乃今得陟巔探奇而山  
靈復假我兩日之晴數日之暇豈非宦途中一厚幸哉  
然兩悵望於江心再顧瞻於道左五載江南數役池邨  
始得一寓日焉亦甚艱矣夫不朝則山不軒冕則巔  
戀戀於此而又欲兼得乎彼世寧有此適願事哉余欲  
解綬懸車盡闕宇內名勝九華山靈他日能霽顏待我  
否願志

曹學佺遊九華記

江上望九子如出水青蓮在龍背反視則盆中花也過  
其下如長城列戟凜然生寒如鳥旂之狀隨風而靡陟  
九華紀勝卷三 九

其巔則銳者爲筍凹者爲門有作貔虎有作錦像奇詭  
百出而皆無所因依江水若浮之也九華之山有數十  
重每入一重則溪水絡焉五溪之水出而匯於一橋橋  
上與九華相對然正面非華山也華乃從傍而側出其  
色與他山別如金屏綺障之中有豔姬微露頰妝焉儻  
在朝霞夜月當如何作姿態耳從此入山經一橋則一  
嶺而一谿也今人所遊止化城耳寺去平地十餘里而  
近之巔尚一日程也化城閔氏故居僧金地藏卓錫於  
此後捨宅爲寺文其說者不僧地藏而佛地藏以來四  
方進香之人而僧爲駟僧佛壤爲市翠微掣爲田澗水

蒼爲溝矣客遊至此興味索然遂有九華可望不可登  
之說夫客不登東巖乎東巖平頂而虛腹猶有山意但  
視華巔則在雲表也東巖而下是閔園此一片地尙稱  
故物隔於谿則上華山既上山又不知其隔幾谿也嶺  
直削無磴躡小石而上過大石則緣遇谿則斷而稍下  
然下不能敵上三之一谿盡而嶺始有橫者嶺盡則江  
始橫矣嶺多古松壑石隙或儂或舞江上視之如花鬚  
也巔上以天臺峯爲最高其下有寺更越嶺數里始到  
僧皆苦行境色清絕夜中始聞鐘磬梵音真離一切垢  
濁而入寂樂國矣次日徑雲峯臺出龍鬚之青陽縣又

九華紀勝卷三 十

次日始達江上江上復望九華也山人曰夫九華有大  
白祠云祠在化城寺地亦差高余意宜在天臺或之東  
巖亦足以面華矣華豈兼以太白顯哉不然則於報德  
何取焉舊府志

王思任游九華山記

予令姑孰歲謁監司於秋浦每吟老杜高山擁縣青則  
願調青陽一尉至玩華亭每恨不夕得長此亭足矣壬  
寅六月以課績往而兄大然師漏仲容實來乃訂門人  
張仲濠王中履共訪九子山臂篆手鑣約從修禮出青  
邑九華廟十五里至西洪嶺雲物作盪各有改意而大



然力呼以爲卽撻鐵勿阻俄而霽矣見枕月一峯秀矯  
天左雲觀弼之自此但有蓮花層臺煙鬟亂堆聚首而  
攀者命爲九子餘不勝問也五里至石龍口峭蒨漸迫  
怪體幻來十里至山西屯則垂天之雲倒立陰陽失昏  
曉矣乃飯於橋庵過野梁下有朱砌石骨席平三十丈  
流泉一派如雪霞舒走急置酒上流腹臥而味接之吾  
家伯安先生賦九華瀨流觴而縈紆遺石盤於澗道者  
豈樂此邪去梁百步望見懸瀑一通馬上人眉岸盡帶  
樓賢二峽數里至湧泉亭此雲石中仙醮也數里至半  
霄亭巒螺髻蟠糾今弁兜洵武如此行小仙橋兩澗孤  
九華紀勝 卷三 記 二

之此山獨小圓直中立似萬萼護包者佛所藏亦八風  
不襲人子更須知矣白塔之事似若荒唐然青泥可食  
於傳有之予幼遊盱江從姑有米脂三穴氣每臭人仙  
佛作戲不可以腐斷也第舍利妙光緣薄未觀差爲闕  
事乃東上神光嶺望金剛尖山若戴杵束巖是地藏若  
行處數轉而得龍頭石一巖險挂伯安手書周經偈在  
焉巖下則爲舍身厓乘人膚股者也南折而入一禪室  
枯僧一人跌其中啖五釵松而已而所謂古仙鉢孟雲  
門天臺繡壁聚講內峯外峯皆以萬壽卷揚共衛金藏  
之樞也自此而往猿居熊府啼嗥幽暗無樵迹矣予膽  
九華紀勝 卷三 記 三

天啟二年壬戌秋仲月幾望自郡之青陽爲九華也次  
五溪登望華臺誦王文成公四詩旁晚汪侍郎墓展  
焉哺入西門宿妙音寺會邑令縉雲李君如桂有世好  
驪然道故謂遊九華必出青陽邑南至龍口迴視芙蓉  
修織繡錯然後歸而從西洪嶺廣勝寺登化城然後出  
六泉口渡五溪梁乃爲得之余領其說明日別李抵龍  
口凡八九十里道甚險仄罕從此上下九華者還宿南  
郭明日曉發自西洪嶺廣勝寺上山宿於立庵明日禮  
地藏塔徧歷東西寮詰旦謁李太白祠陽明祠有絕句  
遂訪甘泉祠憩化城寺詰旦上東巖窺闌悚仄僧曰陽

九華紀勝

卷三

記

三

明先生來此時未有關履前出巖外者足三分諸從遊  
學士皆變色戰戰又曰焚香之眾誓捨身於茲者歲數  
人多不及防或損肌膚卒不得死亦有失足捐軀者因  
募十方甃石以干之乃至余亦賦絕句既讀陽明周  
經偈復覽周公汝璣黃公尊素諸題名極目遐瞻凡峯  
之有嘉名者以數十計可視而不可即猶之乎五溪望  
華臺也暮返立庵明日下定心石二聖廟迴視鷹石左  
右巖岫窈窕去東巖不遠至老田少憩至六泉口已亭  
午徘徊依戀不遠行至陽華樓迴視芙蓉猶之乎東巖  
所見也既暇還入通遠門踰三日李行李達來問遊興

余以三事實之曰李太白久寓秋浦特表茲山是開元  
時也在地藏前甚久九華俎豆宜無先此者而乃雜處  
荒居僅與一片亭垣兩行翠柏饗此煙霞可勝歎乎過  
此不葺恐尙爲勢家之所奪遊事之當講求者一也宋  
人有言新羅王子金地藏非佛國地藏王也按之九華  
碑版亦然然地藏來此在唐至德以前其涅槃在貞元  
十載使非諸佛應化之身豈能生而地湧泉歿而山隕  
石鎖骨屈伸如故哉歧地藏而二之亦非通識游事之  
當講求者二也陽明之學所在必雷况東巖託迹又有  
異於尋常題詠者固不必效廬山白鹿洞奏置弟子員

九華紀勝

卷三

記

十四

凡督學使者莅池宜奠一爵以志作人庶幾芹藻得以  
常存且初名陽明書院今僅稱曰祠豈萬曆初年詔革  
書院之故歟祠幸不廢然不能必之千秋遊事之當講  
求者三也行季闢予說而避之曰興廢有司職也辯論  
學人職也請以告後之遊者

池州府志

國朝施閏章遊九華記

昔劉夢得嘗愛終南太華女几荆山以爲此外無奇秀  
及見九華始自悔其失言是說也嘗竊疑之而李太白  
以山有蓮花峯改九子爲九華子舟過江上望數峯空  
翠可數約畧如八九仙人云其山外峻中夷由青陽西

九華紀勝

卷三

記

五

蒼髮裝則寒泉數十百道噴激沙石碎玉哀絃而入其中則輿以靜蓋巖壑盤旋白雲蒼鬱道士之所族處者是爲化城一峯屹然四山雲合若羣龍之攫明珠者是爲金地藏塔循簷送目虛白之氣遠接江海而四方數千里來禮塔者踵接角崩叫號動山谷若疾痛之呼父母蹈湯火之求救援道士爭緣爲市幾以山爲壘斷矣寧復知有雲壑乎於是擇其可遊者曰東巖其上有堆雲洞師子石僧屋數間刻王文成手書文成聚徒講學遊憩於斯有東巖燕坐詩今求其講堂無復知者天柱

道林

學餘文集

高誠遊九華山記

庚辰春子押運赴淮返棹次大通因慕九華欲往瞻禮四月十日偕友人周子淇園肩輿登程晚抵甘露庵距化城寺尚十里許其夜雷電交作山鳴谷應大雨如注

九華紀勝

卷三

記

六

竟夕不止明日晨興雲霧瀰漫咫尺莫辨予曰今陰晦如此展聖像後卽行回舟遊覽之事待之他年耳於是冒雨經望江亭至地藏大殿瞻禮畢覺稍霽而四面峯巒猶未現出山僧凌雲曰磴道濕滑曷若在山暫宿一宵乃住於立庵與周子憑樓而坐清茗閒話則見霖雨飄飄煙雲直入窗戶子戲謂周子曰吾子此次遊山飲食之際不知吞却多少煙雲耶周子曰君明日回舟詩囊中又不知捲去幾多風雨耳相與撫掌歡笑復招凌雲談禪直至更深雨勢轉大四山水發其聲洶湧遂各就寢至夜半睡覺忽見月色滿窗光明如晝驚起開戶視之皓魄當空浮雲四散喜不自勝詰朝乘興登東巖以眺望適值白雲鋪海下齊山腰彌亘千里不見際涯而羣峯秀出峙立晴空加之旭日東升光彩掩映真綠翠如芙蓉也青蓮之詩爲不誣矣已而下東巖復陟殿後平臺同周子遙望羣峯凌雲爲我逐一指點其最遠者蓮花峯獨秀峯其次則雙峯五老峯其最近者天柱筆架諸峯疊翠層巒不可悉數眞天下之大觀也因憶少時遊西秦入函關仰瞻華嶽觀三峯仙掌欣羨無窮今見此山玲瓏透秀勝於太華劉夢得之言不信然乎於是相攜仍至立庵與山僧共飯而別須臾至甘露庵

已在山半見雲霧尙迷濛也下至一宿庵則徐徐酒散  
矣又前行數里至甲子嶺回望五老天柱突然挺峙於  
天際其色蒼翠異常復前行至西洪嶺仰瞻蓮花獨秀  
諸峯修纖秀削莫可名狀沿途流覽雖一邱一壑皆有  
可觀洵造化尤物也是晚宿青陽城其山陰雨如故次  
日乘小舫回大通舟次不辭固陋因援筆而爲之記李記

朱筠遊九華題名記

安徽督學使者翰林侍讀學士大興朱筠竹君以乾隆

壬辰夏五月廿二日自池將之寧國取道青陽爲九子

九華紀勝

卷三

記

七

之道是日過老田宿一宿莽中廿三日入山憫甘露寺  
再上觀於金地藏塔殿躋迴香閣下閱園度溪橋再緣  
壁直上登玉屏峯之石亭是日天臺廼下宿于德雲庵  
僧出所藏唐閔居士爲金地藏師畫像觀之畫時師年  
五十也廿四日復踰嶺而下過溪再上遊東巖極前後  
兩山之勝下入化城寺觀唐至德中玉印文曰地藏刊  
生金印是遊獲觀二寶遂出同遊者上虞張鳳翔方海  
餘姚邵晉涵二雲及門歸安吳蘭庭胥石上海劉濯桐  
引瞿華叔游宛平徐瀚文圃陽湖洪禮亮後改吉稚存武  
進黃景仁仲則宛平莫與儔遜之昔青陽學生陳蔚讀

書東巖請余留題未之應明年癸巳秋九月廿有一日  
再至池將北渡江迺追記前遊書之俾陳蔚刊諸山石  
東巖  
嵌碑

洪亮吉自下洋川取道遊九華山記

壬戌八月自下洋川將遊九華梯峯礪川蹈險踰暗凡  
百有六十里甫至山麓過嶺四九峯三折柯冲樵嶺越  
水三洋河麻川舒溪洋河合於麻川麻川合於舒溪下  
不十里石潘灘險所謂青弋江也穿縣三太平石埭青  
陽均不及城郭或遠至半程或近在百步時暇閱井輕  
烟閒之遐瞻浮圖飛瀑又隔途次望名山二黃山則天  
九華紀勝 卷三 記 六  
都蓮萼近接眉睫陵陽則洪嶺旋溪不越肩背又沿路  
可觀覽者蓮心之亭石柱之灣烏林之社黃華之岑金  
光臺笠洞盡穴窈舒姑黃雀波悉鑑心初七日宿汪王  
岑月方上弦天若覆笠候蟲入枕蝙蝠拂衾鵝鴨上樓  
牛竿下穴數寐數起猝不能臥披霧入嶺追雲過橋依  
乎杉楠飯止梨栗日昃已至南陽灣樓臺破空崖壑頓  
遠是夕初八宿陳氏湛清園主人明經蔚他出其弟爲  
呼網師捕此溪鯽山筍裂徑秋菱溢池烹鳴旦之雞漉  
隔宿之酒子弟聚立多於鳧鷗房廊散空盡逼星斗飛  
雨適至煩襟頓除休乎北窗懷此清夢翊日筍輿竹篔

已布門外自屋後上嶺復四十里迺其所居陳氏子弟之雋者二人偕行度澗越壑能言其名躡履撰杖過愜所望石屋木柱危橋蔓支舍輿而行憩一陟兩回皇峯巔屏息樹杪飲泉一甌未抵雨汗休橙百級纜平喘聲徑逾精廬遠跡危巘山僧出迎訝素識披薜讀碣則壬辰年石刻在焉是夕初九宿捨身厓之東牖霖電怒飛松櫟雜響雷斧劈牖雲光閃窗披衾驚寒穴竇望曙通殘漏冒宿霧復與二生拉一老衲等所謂轉磨之峯摩空之嶺木獸猛而若摯雲峯奇而欲飛時絕幽深時漏光影蓋半日始徧歷焉洞外獨支房廊別一天地足

九華紀勝

卷三

記

七

力既乏凝神久之仍臻來途復飯故處始悉呼僦從下嶺時主人已自江北回余少日同學也來迎山輿笑關水榭盤羅川陸話匪今昔又命少子壘猶子壤執經於余卽偕行之二生也天曙別取道陵陽鎮以避柯冲之險過沙澗復飯於及門曹汝賢宅乃回是遊也狂返共五日上距壬辰年偕諸同人隨學使者大興朱先生筠過此信宿已萬一千一百七十餘日嗟乎回眸未周云已一世申臂俄頃先逾卅年以至昭昭笑言落落指顧珠玉之氣久幽於泉扃雲霞之光不升於天闕蓋前遊十二人墓木拱者已十有一均未臻徂年隕以半道摩

濠讀碑鳴咽詰舊者僅後死之一人耳以親悽澗之窟頂仍未丹嶺庭之松蓋初欲儂人之不能與植物動物等也一至此哉又怪乎山水顯晦各自有時陵陽樓真神仙窟穴今則磴道棘梗厓谷晦霧而梁陳以前輿地不紀如九子峯者金碧蓋地丹青燭天赤松不遊白足斯集居者若聯房之蜂來者若赴垤之蟻相隔數里間有所謂仙人子明與弟子安者已不能舉其姓氏矣不又重可歎哉重可歎哉遊中及登山所歷之境各繫以贊共十六篇以貽明經及兩生九華山贊曰古之陵陽神仙所都時移世易競築浮圖靈蹤沉埋梵宇凌逼我

九華紀勝

卷三

記

三

登經樓東望太息

更生齋集

終

九華紀勝卷四

詩

唐李白望九華贈青陽韋仲堪

昔在九江上遙望九華峯  
天河挂綠水秀出九芙蓉  
我欲一揮手誰人可相從  
君爲東道主於此卧雲松  
李太白集

金喬覺送童子下山

空門寂寞汝思家  
禮別雲房下九華  
愛向竹欄騎竹馬  
懶於金地聚金沙  
深瓶澗底休招月  
洗鉢池中罷弄花  
好去不須頻下淚  
老僧相伴有煙霞  
唐詩紀事

寶叔向青陽館望九子山

九華紀勝卷四

詩

一

蒼翠岩巖上碧天  
九峯遙落縣門前  
毫芒映日千重樹  
涓滴垂空萬丈泉  
武帝南遊曾駐蹕  
始皇東幸亦祈年  
雲祠絕跡繁難訪  
惟有猿聲到客邊  
寶拾遺集

劉禹錫九華詩并序

九華山在池州青陽縣西南  
九峯競秀神采奇異  
昔予仰太華以爲此外無奇  
愛女几荆山以爲此外無秀  
及今見九華始悼前言之容易也  
惜其地偏且遠不爲世所稱  
故詩以大之

奇峯一見驚魂魄  
意想洪爐始開闢  
疑是九龍天矯欲  
攀天忽逢霹靂一聲化爲石  
不然何至今悠悠億萬年

氣勢不死如騰奮  
原註音驚 輕舉貌  
雲含幽兮月添冷  
日凝

兮江漾影結根不得要路津  
迴秀長在無人境  
軒皇封禪登云亭  
大禹會計臨東溟  
乘樑不來廣樂絕  
獨與猿鳥愁青燐  
君不見敬亭之山  
廣索漠兀如斷岸  
無稜角

宣城謝守一首詩  
遂使聲名齊五嶽  
九華山九華山自是造化一尤物  
焉能籍甚乎人間  
劉賓客集

蕭建代書問費徵君九華事

見說九華峯上寺  
日宮猶在下方開  
其中幽境客難到

請爲詩中圖畫來  
唐詩紀事

費冠卿答蕭建問九華山

九華紀勝卷四

詩

二

自地上青峯懸崖幾萬重  
踐危頻側足登塹半齊胸  
飛狄啼攀桂遊人喘倚松  
入林寒痒痒近瀑雨濛濛  
徑滑右稜上寺開仙掌中  
幡花撲淨地臺殿印晴空  
勝境層層別高僧院逢泉魚候洗鉢  
老纓戲撞鐘外戶憑雲掩中廚課水春  
搜泥時和麵拾橡半添種渡壑綠  
樣險持燈入洞窮夾天開壁峭透石  
蹙波雄澗靄青無土潭深碧有龍奮  
田一片淨谷樹萬林濃野客登臨慣  
山房幽寂同寒爐樹根火夏牖竹梢  
風邊鄙籌賢相黔黎託聖躬君能棄  
名利歲晏一相從  
唐詩紀事

霍總郡樓望九華歌

樓上坐見九子峯翠雲赤日光溶溶有時朝昏變疏密  
八峯和煙一峯出有時風卷天雨晴序立聯聯如弟兄  
陽鳥生子偶成數丹鳳養雛同此名日日遙看機已熟  
未離塵躅思真境子明駕龍騰九垓陵陽相對空崔嵬  
玉漿瑤草不可見自有神仙風馬來唐詩紀事  
對放西隱寺憶九華

三年未到九華山終日披圖一室間秋寺喜逢晴後賞  
靈峯看待足時還猿從有性留僧住雲自無心伴客閒  
勝事儻能銷歲月已拚名利不相關唐詩紀事

杜牧登九峯樓

九華紀勝

卷四

詩

三

凌空瘦骨寒如削照水清光翠且重却憶謫仙詩格俊

解吟秀出九芙蓉明一統志

柴夔望九華山

九華如劍插雲霓青靄連空望欲迷北截吳門疑地盡  
南連楚界覺天低山池水蘸中秋月石路人攀上漢梯  
惆悵舊遊無復到會須登此出塵泥唐詩紀事

楊鴻晴望九華山

九華閒望簇清虛氣象羣峯盡不如惆悵都南挂冠吏

無人解向此山居唐詩紀事

曹汾早發靈芝望九華寄杜員外使君

戴月早辭三秀館遲明初辨九華峯嵯峨玉劍寒鋒利  
裊裊青蓮翠葉重奇狀却疑人畫出嵐光如爲客添濃  
行春若到五溪上此處褰帷正面逢文苑英華

林滋望九華山

茲山突出何怪奇上有萬狀無凡姿大者嶙峋若奔兕  
小者崑崙如嬰兒玉柱金莖相拄杖千空踰巒勢參差  
虛中始訝巨靈擘斗處乍驚愚叟移蘿煙石月相蔽虧  
天風裊裊猿啾啾龍潭萬古噴飛瀾虎穴幾人能得窺  
吁予比年愛靈境到此始覺神魂馳如何獨得百丈索  
直上高峯拋俗羈唐詩紀事

九華紀勝

卷四

詩

四

孟遲發蕙風館遇陰不見九華

我來淮陰城千江萬山無不經山青水碧千萬狀奇峯  
急派何縱橫又聞九華山山頂連青冥太白有逸韻使  
我西南行一步一攀策前行正雞鳴陰雲冉冉忽飛起  
千里萬里危崢嶸譬如天之有日蝕使我昏沈猶不明  
人家敲鏡救不得光影却屬貪狼星恨亦不饒通言亦  
不足聽長鞭揮馬出門去是以九華爲不平本集

譚銖題九華山

憶聞九華山尚在童稚年浮沉任有路窺佛會無緣罷  
職池陽時復遭迎送幸因茲契誠願矚望枕席前况值

春正濃氣色無不全或如碧玉靜或似青靄鮮或接白  
雲堆或映紅霞天呈姿既不一變態何啻千擲我本無  
動崇峻性豈偏外景自隱映潛虛固幽元我來暗凝情  
務道志更堅色與山異性併山亦然境變山不動性  
存形自遷自遷不阻俗自定不失賢浮華與朱紫安可

楚心

唐詩

郭夔九華山

巖翠凌空出迥然岩巖萬丈倚秋天暮風飄送當軒色

曉霧斜飛入檻煙簾捲綺屏雙影聚鏡開朱戶九條懸

畫圖何必家家有自有畫圖來目前

唐詩

九華紀勝

卷四

詩

五

正季文九華山謠

九華崢嶸占南陸蓮花擢秀山半腹翠屏橫截萬里天

瀑水落成千丈玉雲梯石磴入杳冥俯看四極如中庭

丹崖壓下廬霍勢白石隱出牛斗星松杉一歲抽數尺

瓊草黃緣秀層壁南風拂曉雲霧開滿山蔥蒨鋪鮮碧

雷霆往往從地發龍卧豹藏安可別峻極遙看曼吳蒼

挺生豈得無英傑神仙憚險莫敢登馭風駕鶴循邱陵

陽鳥不見峯頂樹大火尙結巖中冰靈光爽氣曛復旭

晴天倒影西江淥具區彭蠡夾兩傍正可別作一嶽當

少陽

唐詩

許棠旅中送人歸九華

分與仙山背多年負翠微無因隨鹿去只是送人歸  
木晴摩日根嵐曉潤衣會於猿鳥外相對掩高扉

本集

盧嗣立望九華山

九華深翠落軒楹迴眺澄江氣象明不遇陰霾孤岫隱  
正當寒日眾峯呈坐觀松雪銷煩思惜別煙嵐駐曉行

得路歸山期早缺夜來潛已告精誠

唐詩

張喬劉補闕自九華山拜官因以寄獻

冥鴻久不羣微拜動天文地主迎過郡山僧送出雲登

車殘月在宿館亂流分若更思林下還須共致君

本集

九華紀勝

卷四

詩

六

神穎和王季文題九華山

眾岳雄分野九華鎮南朝彩筆凝空遠崔嵬寄青霄龍

潭古仙府靈藥今不凋瑩爲滄海鏡煙霞作荒標造化

心數奇性狀精氣饒玉樹鬱玲瓏天籟韻蕭寥寂寂尋

乳竇毓毓行石橋通泉漱雲母藉草榮香茗我往幽且

深君賞昏復朝稀逢發清唱片片霜凌颺

唐詩

羅隱憶九華

九華嶢嶢廡柴扉長憶前時此息機黃菊倚風邨酒熟  
綠蒲低雨釣船歸千戈已是三年別塵土那堪萬事違

回首佳期恨多少夜闌霜露又霑衣

江東集



殷文圭九華賀雨吟

陶公雅也焦思念生靈變早為豐合杳冥雷劈老松疑

虎怒雨衝陰洞覺龍腥萬畦香稻蓬慈綠九朶奇峯撲

亞青吟賀西成饒旅興散絲飛灑滿長亭本集

樓上看九華

九朶連雲勢欲騰鳥飛難到最高層誰家寫在屏風上

巖下松間盡是僧名勝志

九條寒玉罩雲中雨外霞分海日紅疑是巧人新畫出

與他天柱作屏風

四顧巒峯峭莫羣翠光長與曉光分盡分明處無些障

九華紀勝 卷四 詩 七

獨倚青天絕片雲舊池州府志

曹松望九華寄池陽太守

造化峯峯異宜教嶽德謙靈蹤載籍古怪刃刺雲尖盤

盛陵陽壯孤標建業瞻霽餘堪洗目青出謝家簷本集

南唐李中舟中望九華山

排空蒼翠異輟權看崔嵬一面雨初歇九華雲正開當

時思水石便欲上樓臺隱去心難遂吟餘首懶迴僧休

傳紫閣屏歇寫天台中有忘機者逍遙不可陪愚雲集

宋徐鉉奉使九華山中途遇青陽薛郎中

故人相別動相思此地相逢豈素期九子峯前開未得

五溪橋上坐多時甘泉從幸余知忝宣室徵還子未遲

且飲一杯消別恨野花風起漸離披駒省集

潘閔九華山

將齊華嶽猶多六若並巫山又欠三好是雨餘江上望

白雲堆裏潑濃藍方輿勝覽

曹清登九華山

浮生江路水茫茫彭澤原非令故鄉為訪子明尋玉洞

也因太白宿雲房詩摩古壁搜遺韻井煉丹砂辨舊方

從此欲歸情復結擬移亭舍築山傍郡志

王安石和平甫舟中望九華山二首

九華紀勝 卷四 詩 八

楚越千萬山雄奇此山兼盤根雖巨壯其末乃修纖去

縣尚百里側身勇前瞻蕭條煙嵐上縹緲浮青尖徐行

稍復逼所矚亦已添精神去疊疊氣象來漸漸卸席取

近岸移船傍蒼兼窺觀坐窮晡未覺暮刻淹江空萬物

息四面波瀾恬然九女鬟爭出一鏡奩卧送秋月沒

起看朝陽暹遊氛蕩無餘瑣細得盡現窺空翠轟舞照

影寒銳鉅冢木立紺髮崖林張紫髯變態生倏忽雖神

詎能占當雷老吾身少駐誰云屢惜哉秦漢君黃屋上

衡濤等之事嬉遊捨此何其廉我疑二后荒神物久已

厭埋藏在雲霧不欲登昏愴又疑避褻封蔽匿以為

或是古史書脫落簡與籤當時備巡遊今不存細練終  
南秦之望泰山魯所詹天王與秩祭俎豆羅醢醢荷能  
澤下民維此遠亦沾方今東南旱土脈燥不黏尚無膚  
寸功豈免竊食嫌神莽吾難知士病吾能斲文章巧傅  
會智術工飛箱薦寶互珪璧論材自樵枿苟以飾婦妾  
謬云活蒼黔豈如幽人樂茲山謝閭闔穴石作戶牖垂  
泉當門簾尋奇出後徑覽勝倚前簷超然往不返舉世  
徒咕咕高輿寄日月千秋伴烏蟾遐追商洛翁秦火不  
能炎近慕楚穆生竟脫楚人鉗吾意竊所尚人謀諒難  
僉

九華紀勝

卷四

詩

九

重和

誰謂九華遠吾身未嘗詹唱篇每起予予口安能籍憶  
在秋浦北空江上新蟾光潔寫一鏡迴環兩隄險露坐  
引衣襟風行敬帽簷維舟當此時巨細得盡瞻試嘗論  
大畧次乃述微纖此山廣以深包蓄萬物兼噓雲吐霧  
雨生育靡不漸巍然如九皇德澤四海沾此山相後先  
各出羣峯尖毅然如九官羅立在堂廉挺身百辟上附  
麗無姦愴此山高且寒五月不覺炎草樹萎以綠冰霜  
向涵淹頽然如九老白髮連蒼髯此山當無雲秀色鬱  
以添姦然如九女靚飾出重簾瓊環與巾裾紺玉青統

緣遠之妍西施近或醜無隨變態不可窮詩者徒咕咕

我初勇一往役世難安恬浪荒不徒職民瘼當誰斲乖

離今數旬夢想欲窺覘自期得所如何啻釋囚鉗念昔

太白巔下視海日還公嘗宰鄆縣有太白巔揭來天柱遊展齒尚

苦黏猶之健飲食屢饗亦云饜胡為慕攀踏已憊且不

嫌豈其仁智心山水固所潛男兒有所學進退不在占

功名苟不諧廊廟等閭閻况乃掄椽杙其誰辨梗枿歸

歟巖崖居料理帶與籤得石坐兀兀逢泉飲厭厭取舍

斷在獨豈必詢謀僉子語實慰我寧殊邑中黔玉枝將

在山當倚以葭蒹詩力我已屈鋒銳予猶銛扶傷更一

九華紀勝

卷四

詩

十

戰語汝其無謙臨川集

蕪轍過九華山

南遷私自喜看盡江南山孤舟少僮僕此志還復難局

促守破窗聯翩過重巒忽驚九華峯高拱立我前蕭然

九仙人縹緲凌雲煙碧霞爲衣裳首冠青琅玕揮手謝

世人可望不可攀我行竟草草安能拍其肩但聞有高

士臥聽松風眠松根得茯苓壯若千歲龜煮食一朝盡

終身棄腥羶腹背生綠毛輕舉如翔鸞相逢欲借問已

往長松端樂城集

郭祥正盛仲舉秀才歸自九華極譚勝賞取李白九華

聯句元韻誌之

客從青陽歸爲我譚九華雪潭昨夜宿衣上有殘霞

漚隔深木白鷗棲翠崖南遊豈是遠乘興必攜家

晁補之過銅陵南望一山高出雲上奇秀可駭余未嘗

至江南遽曰此九華也問之良是

雲端忽露碧孱顏如髻如簪縹緲間驚駭舟中齊舉首

不言知是九華山

雞册集

程俱望九華

船發大雲倉五十里許顧江南眾山中有數峯奇爽特

異一見卽知其爲九華問篙人果然因知褚季野於廣

九華紀勝

卷四

詩

十一

坐中識孟萬年正應如此作詩一首

捲簾坐對江南山掠眼送青來塵壘雲泉肺腸久厭厭

拄頰悠然聊復爾奇峯遠淡忽四五爽秀駭駭逼窗几

平生九華夢遊中一見定知真是矣非關目力視天與

正覺羣山如聚米好山如人有高韻不獨江州孟公子

直緣佳處無仕徑落莫道邊同苦李大是忘年耐久交

藜杖青鞵結終始

北山小集

章賁九華山

九子峯名勝更題作九華皆因謫仙句適遇野人家列

岫分龍脈尖峯擢象牙布金黃粒稻浮綠碧蓮花霜過

收松實春深摘茗芽雲根搜伏髓玉液腐胡麻道境同

丹竈仙巖薦白蛇兩潭泉瀉雪一柱氣棲霞祇掌脾難

擬重唇味最嘉乾源登緊樞賜谷種西瓜地狹農事繁

民醇俗不奢溪從虎頭去雲趁鶴泉銜仙字刊巖際

宮鎮水涯百靈扶表裏千古斷妖邪祕洞敲銀甕真源

量寶沙黃猴虔作供白鹿皎無瑕晚採柏庵筍早供崇

聖茶有針垂檜柏無核供枇杷官絹丹青畫公言賦詠

誇天河津可開吾擬泛仙槎

願志

楊萬里金陵得郡歸晚發梅根市舟中望見九華

山外雲濃白峯頭日淺紅橫拖一疋絹直掃九芙蓉奔

九華紀勝

卷四

詩

十一

走來船裏提攜入袖中寄言杜陵老不用剪吳淞

過池陽舟中望九華

役役催行邁匆匆過此春杯翻五湖月筆掃九華雲不

是風煙好何緣字句新茲遊四千里今日過三分

過青陽縣望九華山雲中不眞來早大霧竟不見其全

山長百里玉孱顏百里何緣盡好山只是縣前青一簇

九芙蓉出五雲間

肩輿過了九華西恨殺秋風故故低遮盡奇峯時放出

逐峯放出不教齊

懊惱西來不見山五更指準月中看却將香霧寬裁

性燥和天總一般皆誠齋集

王十朋九華山

予過池陽登郡樓望九華僅見一峯舟出清溪始見之然猶滅沒於雲霧之間晚泊梅根浦方了了見諸峯也

宋仲文謂不可無詩因作九絕

九芙蓉自九天來太史南游山未開仙境曾經謫仙眼佳名傑句兩崔嵬

舟出清溪尚逆風觀山却得少從容浮雲不礙天邊翠

放出神山八九峯

我在芙蓉山下家四年秋色隔天涯如今漸覺鄉山近

九華紀勝

卷四

詩

三

已見芙蓉吐九華

江南一嶽占青陽多少神仙此地藏聞說仙翁搗藥處

鳥聲依舊克丁當

九華山下化城寺太白書堂高處閑想見江山無此境

故宜頭白懶歸來

峯巒列峙神仙境子母相依孝義山莫向山中摘花果

惜春啼鳥怒人攀

郡樓初見一奇峯深恐煙霞無路通神母遙遙將九子

總將山色到舟中

曾見齊山小九華夢游縹緲羽人家靈山面日忽相見

舟繫梅根秋日斜

日華曰予數俱九細看峯巒何許多今古畫工圖不足

冠卿詩奈九華何柳溪集

袁甫九華山

天河秀出九芙蓉白也詩詞信是工我欲依然名九子

人情山意兩融融崇齋集

錢時畱青陽遊九華寄袁倉使

元自與山無半面昔人詩裏舊相知西風吹上千巖頂

竹杖芒鞋住幾時融堂詩集

元文宗皇帝望九華

九華紀勝

卷四

詩

四

昔年曾見九華圖為問江南有也無今日五溪橋上望

畫師猶自欠工夫元詩選

汪銖九華道中

西風吹馬耳去去奈愁何一路人家少亂山秋色多荒

原巢虎穴壞壁網蛛窠搖落巖時晚悲懷寄九歌雅苑

聶古柏九華山

江上青芙蓉遙遙隔秋浦九莖風露寒萬壑煙霞古瑤

草含芳春青松立亭午安得一把茅移家白雲隔元詩選

集

貢奎望池州山

少年江上一官閒老去重來似夢間欲覓故人行樂處

白雲遮盡九華山元詩選

曹天祐登九華山

問法尋空洞憑高望遠山人煙開合處江練有無間雲

暖花繁鷓鴣峯清月近關禪心何最寂鐘磬夜來聞李志

吳師道望九華山

輕舟下池口遙望青陽郭雲開見九華爭先出鋒鏑參

差敵背缺峭銳圭首削竹箭拔春芽芙蓉攢秋萼奇姿

信明麗遠勢仍聯絡下有巖谷幽真靈諒茲宅詭哉末

世士強以名號託調宋齊邱丹崖不受滓青峯鎮如昨千載

九華紀勝卷四

詩

五

知屬誰含情寄冥漠吳禮部集

薩都拉石墨驛望九華山

馬上行人看九華飄飄高興滿天涯排空峭石生元筍

落日奇峯挂赤霞仙掌三秋擎露屑銀河半夜礙星槎

雲中五老應招手呼我來游太乙家脚門集

劉承之舟中望九華山

春游秣陵涉夏還船頭初見九華山乍起雲煙碧窗外

忽生金彩夕陽間玉幢字隱仙書古石扇苔青洞府閒

安得山東李太白共看山色弄潺湲元詩選

終

九華紀勝卷五

詩

明周浪舟中望九華山

貞履無素期勞生意恒窘誰云戒戎路曾是返初隱水

宿淹長魯山行阻修吟縹緲對雄標噴吭發奇蘊巖回

氣如熾峰去勢猶引刻削冠青蓮雕鏤盡丹筍岷霞上

斑剝石乳下礪礪山鬼從文狸淵靈闕元蜃睞言志藜

藿未遂采芝苗即事情已悲懷賢跡俱泯潛吳愧梅福

去汶羞閔損人德險未夷天道明可準皋蘭豈徒歇巖

桂方未隕歲暮山中人寤歌候歸軫明詩綜

九華紀勝卷五

詩

一

周忱池陽大江望九華

九華信名山峯律盤京甸江淮數千里秀峙真獨擅我

從池陽來十載履行縣攬結非無懷煙雲惜多變勝處

不易窺或隱或半現及茲泛長江浪靜風亦便回首豁

晴空九華一時見千態與萬奇指點堪數遍倚篷過百

里注目心不倦恍如逢故人愜意欣覲面緬懷唐詩僧

靈境搆深院又聞錦袍仙書堂蔽蔥蒨安得躋其崖吟

玩恣游衍功名未有期對此空眷戀顧志

程敏政和許侍御李節推登九華山詩韻二首

遙揖山靈感物華翠微深處欲移家千峯列戟疑無地

一壩浮春忽有花，世外丹青開棟宇。空中雞犬隔煙霞，歸裝尙縹宮衣在。邨釀猶堪幾度賒。

細從雲外數奇峯，九朵芙蓉翠萬重。月上老猿攀石葛，

雨晴馴鹿臥沙茸。請仙詩重天池錦，霸相身慙雪澗松。

原註指宋齊邱言玉洞祕函無恙否，他時容啟綠苔封。望嶽集

劉淮次日擬登九華雪偶齋

詩人得得爲山來，阻雨空吟御史臺。一夜雪深春忽霽，

青天半面白蓮開。願志

王守仁江上望九華山二首

當年一上化城峯，十日高眠雷雨中。霽色曉開千嶂雪，

九華紀勝 卷五

詩

二

濤聲夜渡九江風，此時隔水看圖畫。幾歲綠雲在桂叢，

却負洞仙蓬海約。玉函丹訣在崆峒，

窮探雖得盡幽奇。山勢須從遠望知，幾朵芙蓉開碧落，

九天屏嶂列旌麾。高同華嶽應無忝，名亞匡廬却稍卑。

信是謫仙還具眼，九華題後竟難移。

江上望九華不見

五旬三過九華山，一度陰寒一度雨。此來天色稍晴明，

忽復昏霾起亭午。平生山水最多緣，獨此相逢容有數。

人言此山天所祕，山下居人不常睹。蓬萊涉海或可求，

瑤水崑崙俱舊遊。洞庭何止吞八九，五嶽曾向囊中收。

不信開雲掃六合，手扶赤日照九州。駕風騎氣覽八極，視此瑣屑眞浮漚。

遊九華道中

微雨山路滑山行，入輕舟桃花夾岸迷。遠近迴巒疊嶂，

盤深幽奇峯應接，勞回首瞻之在前忽在後。不道舟行，

轉屈曲但怪青山亦奔走。薄午雨霽雲亦開，青鞋布襪，

無塵埃梅蹊柳徑度，柳落長松白石穿林隈。始攀風磴，

出木杪更俯懸崖聽瀑雷。亂山高巔藏平野，茅屋高低，

自成社。此中那得有人家，恐是當年避秦者。西巖日色，

漸欲下且向前林秣吾馬，世途濁隘不可居。吾將此地，

九華紀勝 卷五

詩

三

營蘭若

遊九華

九華原亦是移文，錯怪山頭日日雲。乘興未甘同俗駕，

初心終不負靈均。紫芝香暖春堪茹，青竹泉高晚更芬。

幽夢已無塵土累，清猿正好月中聞。

宏治壬戌嘗遊九華，值時陰霧竟無所睹。至是正德庚辰，復復遊之。風日清朗，盡得其勝喜而作歌。

昔年十日九華在，雲霧終旬竟不開。有如昏夜入寶藏，

兩目無睹成空回。每逢好事談奇勝，即思策蹇還一來。

頻年驅逐事兵革，出入賊壘衝風埃。恐晝夜不遑息，

豈復山水能徘徊郡湖一戰偶天幸遠隨歸凱停江  
是時軍務頗多暇况復我馬方馳賸舊遊諸生亦羣集  
遂將童冠登崔嵬先晨霏靄尙賸晦却疑山意猶嫌  
肩輿一入青陽境忽然白日開西嶺長風擁箠掃浮陰  
九十九峯如夢醒羣巒踴躍爭獻奇兒孫俯伏摩其頂  
今來始識九華面恨無詩筆爲傳影層樓疊閣寫未工  
千朶芙蓉抽玉井怪哉造化亦安排天下奇山此兼并  
攬衣登高望八荒雙闕下見日月光長江如帶繞山麓  
五湖七澤皆陂塘蓬瀛海上浮拳石舉足可到虹可梁  
仙人爲我啟閭闔鸞鶴駕紛翔翔從茲脫屣謝塵世

九華紀勝

卷五

詩

四

飄然拂袖凌蒼蒼皆王陽明全集

湛若水登九華

愛魚數臨淵安知網罟愆愛山見山好安知上山難山  
高高無極步步如升天有如入大道疾徐無所先無先  
即高步造詣何超然俯視眾山小灑落如雲煙特立在中  
峯逸矣坐忘言

九華

曾見陽明說九華千重山鎖萬重霞中巖覓得幽人宅  
終夜無言月自斜皆甘泉集

胡纘宗九華山

江南多名山此山還第一下覽羣山低瓌奇無與匹卓  
於鍾山長峯與黃山密金焦盡兒孫匡廬非甲乙千嶂  
雲翻萬嶠風凜深奇鳥不知名異花無從詰春半尙  
餘霜夜中先見日步步踏巉巖層層對翠律九十九峯  
餘奇峯仍秩秩仰如凌眾星俯如伏羣卒緩如百獸踣  
急如千馬逸遠如鵬搏空近如燕依室髡如羽人冠銳  
如文士筆平如溟渤恬險如蛟龍軼大如鼇擎天小如  
猿抱膝放如江上花欵如池中實親如鴻序隨疏如鴈  
行失朝如美女嬌暮如丈人佚碧如蓮萬叢翠如羽干  
伶陰如錦忽藏晴如髻初櫛畫工應失真野人不能噴

九華紀勝

卷五

詩

五

誰起司馬遷一一爲之述

陪陳侍御子敬游九華山

只聞三島人間絕不見九華天下奇王維一幅江邊畫  
李白千年石上詩大嶂小嶂子依母上峯下峯花出枝  
蓮柔荷花一色碧茫茫滄海眞爲池皆鳥鼠山人小集

廖道南池州望九華

九華山色落青天天際遙瞻思惘然安得仙遊騎白鹿  
直從絕頂摘青蓮洞簫石屋雲生袖短簫江舟月滿川  
李白不來空浩歎歌翻玉樹幾千年元稹子集

汪道昆望九華

九華秋色媚江濱  
片片芙蓉照水新  
望裏蔚藍疑見佛  
行邊空翠欲霏人  
汗衣赤日航長路  
立馬青山負近鄰  
百里未能窮窈窕  
千年誰與鬪嶙峋

太函集

張佳允過九華作

倚杖貪看紫翠重  
謫仙人號九華  
峯中王玉柱參差出

萬壑朱霞次第封  
地壓長江標砥柱  
雲垂並蒂擁芙蓉

平生自負蓮花掌  
過此休談五嶽蹤

居來山房集

吳國倫舟中望九華山

秋浦城頭九子山  
峯紋片片落江關  
斗邊金削芙蓉朵

雲裏珠簪婺女鬟  
客棹遲回看未足  
仙蹤縹緲帳難攀

九華紀勝

卷五

詩

六

何當把釣清溪曲  
老傍煙霞醉不還

麟魏洞乘

李菱登九華山

高峯平限日絕巘  
橫排霄永歲雲煙  
護中天神鬼朝石

泉飛晝雨風竹送  
江湖白也人千載  
感流不可招

盛明百家

選詩

王寵池州章汝愚家九華山之陽  
邇來游學吳中盛談

峯巒之勝慨然長懷作九華山歌

平生寤寐九華山  
不謂今逢九華客  
上談絕嶂下瀑泉

已覺風雲生兩腋  
蓮花之峯九十九  
江海為池插天碧

合沓千里連荆吳  
嶙峋四甯開蓬萊  
神光絕頂最上頭

傳是金仙此蛻骨  
至今白日虹霓生  
青天倒映五色石

飛流挂澗不知數  
雷聲霹靂蛟龍格  
散作銀河下五谿

東走長江西七澤  
六月陰崖雪不消  
三冬琪樹花猶白

齋房乞鉢饌紫芝  
古洞朝元奠瑤席  
笙鶴嘈嘈空外音

鹿麋隊隊雲中跡  
嗟予獲落無所成  
狂心時夢升天行

名山或有異人遇  
晚受寶訣求長生  
浮名詡詡何足戀

斥鷃騰躍蒼蠅鳴  
青鞋布屨已結束  
桃竹胡藤相拄撐

遨遊五嶽從此始  
他日寧慚尚子平

雅宜山人集

沈懋學登九華山得靈字

袖拂孤雲度石屏  
月明飛錫下仙靈  
江涵練影浮煙白

九華紀勝

卷五

詩

七

山插蓮花逼漢青  
北望玉京開碣石  
東來紫氣接稽亭

冷然恍欲乘風去  
未許人間識歲星

九片芙蓉列翠屏  
誰憑雙屐慰山靈  
杯翻雪浪蓬瀛白

杖撥秋雲泰岱青  
日月吐吞元幻相  
乾坤離合總虛亭

閒人自隔塵寰夢  
狂殺當年臥客星

郊居遺集

鄒元標登九華山歌

扁舟昨日過匡廬  
沐浴焚香謁五老  
今朝乘興上青陽

九華蒼蒼色更好  
歷歷星辰皆可捫  
迢迢直上青天道

青蓮居士何太奇  
江上看山便題詩  
胸蟠珠璣何磊落

於今巖壑光陸離  
新建生平真好遊  
獻俘重來十八秋



心印只今誰具領乾坤俯仰空悠悠空悠悠淚雙流  
得一真萬事休悟來只在剎那間山僧含笑虎溪頭石  
火光陰轉瞬過文章道德莫蹉跎古今不少奇游者幾  
人山色共嵯峨願學集

湯顯祖九華

滴翠峯前天柱高雲門清醮發仙墩不知海上金輪月

夜夜神光起白毫玉茗堂全集

吳應賓別九華山

踏碎蓮花路不迷出門長嘯楚天低青山送客忘三笑

綠樹隨人過五溪洞裏煙霞晴自散雲邊鐘鼓鳥空啼

九華紀勝卷五

詩

八

殷勤更上層臺望怪底羣峯似掌齊李志

董其昌詠九華

嵐深山影寒樵響不知處綠樹早鶯啼千峯一家住顧志

湯寶尹重至九華九首錄四

擬將白石煮清泉夜夜雲峯落枕邊十六年來舊時道

熟雪熟雨飽周旋

萬瓦如鱗繡碧空僧寮客舍處西東獨遺佛殿灰堆裏

記取菩提一切中自註時化城殿火

瓣瓣蓮峯似蒜頭一層山裏一溪流夜來踏得溪聲壯

疑在錢塘江頂遊

詩如太白遺仙蛻學到陽明結聖胎歎負無能班睡菴詩稿三刻

駱駿曾遊九華

芙蓉片片晚峯頭秀色含空况早秋地盡大江青未了

天圓列岫翠長流人生幾日名山臥佛骨千年野寺憑

百里下山秋浦月閒雲遙接城樓化城寺詩碑

鍾惺遊九華值陰靄

到悔三冬晚綠纔二日慳客能饒遠目天未破愁顏雲

鎖將飛石煙縫欲斷山歲除花落遍羨爾惜春閒九華山鳥名

九華紀勝卷五

詩

九

雪霽終幽壑泉喧亦上方山輿窺鵲屨巖戶像蜂房寒

火千龕影風林一縷香似多僧舍柏夏臘未全忘顧志

吳兆別九華山二絕

寺前秋淨萬峯閒正好尋山又別山谷轉溪迴雷不住

水聲相送到人間

複嶺重巖出路賒漸看龍口有人家行行數里猶回首

秋雪滿山蕎麥花詩集

劉城九華雜詩

祇園高處不勝寒四望悲風獨立難我以輕衫當書解

僧言殘雪昨宵乾木皮覆屋冬偏好竹葉編籬臥亦安

忽覩金光爍初地滇南一塔日中看明詩

國朝施閏章九華山中寄顧池州澹叟

人因訪舊來秋浦天遣尋幽入九華迴合松杉清磬遠

峻嶒宮觀白雲斜吞江西嶺橫飛練射日東巖側作霞

遙憶使君驅五馬何時乘興問山家學餘詩集

王澤宏五溪望九華諸峯雪

出門朝日照溪明忽望諸峯入眼驚但識夜寒同氣候

如何天半異陰晴山舍微雪蒼然白水帶殘冰分外清

到此倍知身世幻九華真有故人情鶴嶺山人詩集

田雯九華山

九華紀勝卷五

天河秀出九芙蓉拄杖登九子峯小雨過橋衣漸濕

大江吹浪日高春數聲搗藥林間鳥五粒垂髯澗上松

徒倚青蓮讀書處黃陂巴水欲相從古歡堂詩集

潘耒經車家湖望銅陵青陽諸山蒼翠萬狀遂登陸遊

九華

江行足風湍愛此溪路永沿湖得澄湖渟渟一鏡靜空

天碧無痕萬象森倒影靡靡葭茨深落落鳧鴈冷舉頭

見遙青飛巖怒而騁尖圓各異狀雄秀隨所領九華高

摩天一氣含芒穎削成九芙蓉照灼三霄頂吾本餐霞

人失脚墮塵境對此如家山得歸萬緣屏登頓憑肩

起遙度煙嶺嗟爾市朝人何年夢初醒遂初堂集

毛奇齡舟行望九華山

溜水下江關輕帆天際還望中雲欲滿知是九華山河

集

宋華江上望九華山

我行訪蓮峯鼓柁凌江湍蕭辰懷勝賞敬枕未能安須

臾共舟子指顧天際看龍從羣岫出秀色良可餐嵐光

殊縹緲頓令江空寒雖未窮靈境已發中心歡如同所

思友一旦相盤桓悵望空即過舍權步回灘亭午獨延

佇願假高飛翰將毋樓稿

九華紀勝卷五

查慎行兩後望九華山

橫看不與側看同九朵芙蓉並插空去為已衝殘雨沒

歸雲忽漏夕陽紅劈開華掌層層翠使盡湘帆面面風

終是詩人言語大攜來直欲置壺中

行經九華山麓欲登不果任可有詩戲次其韻

玉池瓣瓣蓮石角株株筍去天纔一握豈可尋丈準一

百六青峯峯峯入吾眇終焉就埋沒雲霧諒不忍天如

憐詩人久被陰雨窘雖非鸞鶴姿稍異蟄蟲蠢接雲使

就道迴馭控鞅朝我僕忽告勞從旁乃微哂平生汗漫

遊衰暮興易盡向來徒碌碌臨去猶懸懸寄語雲中人

塵寰終遠引他年香案吏名籍倘未泯皆敬業堂詩集

宮鴻歷自大冶往金陵舟過池口望九華同馮漢英

人誇游山好游山祇一餉後山甫登陟前山已遺忘縱

令腰齊健蠟屐費幾緡藉日在山佳在山似屏障圖書

久相狎寂寞神已喪生平喜看山眼明心曠放看山肩

短輿不如乘白舫舟行山側飛舟徑山正向我從磁湖

來輕舟狎波浪初裝宿溢浦匡廬固無恙今晨池口泊

九華爭獻狀朝日生紫煙夕靄羅翠幃雲端九仙人如

坐几案上小峯插釵鈿高岫排隊仗尖稜隱復見陂陀

抑逾兀琉璃一湖水澡洗出盆盎盡日相周旋

九華絕勝 卷五

變相贈君看山詩不游寧缺望江左十五子詩選

顧嗣立望九華山

昔年曾賦九華圖淋漓墨汁煙模糊今年親對九華面

山氣離奇白一片太白死後誰詩人陽崖陰壑無精神

娟娟芙蓉隔江水飄風倒影搖嶙峋思得荆關好身手

割去白雲入窗牖飛霞忽送日光開九峯嵐翠濃於酒

桂林集

吳襄游九華同金華虞使君

造物好奇不肯住蓮花飛入青天去千枝萬朵翠欲流

碧霞罩起銀河注探奇客自金華來一筇兩屐相追陪

袖中雲氣自出沒脚底峯勢爭崔嵬忽然松風座中起

幽泉細滴冰崖裏一絃一絃空山鳴誰其鼓之僧齊已

胸中屋壑當筵飛東峯霞舉烘朝暉青鞋布襪出門去

千仞東崖一振衣飛樓面面開窗牖鬚眉突出煙波叟

講張南軒來消清夏住名山九峯拈出風雷手老僧指說東

崖東丹崖雲峽跨秋虹棲息其中者誰子青鸞蒼鹿黃

眉翁座客聞之清興發褰裳欲採蓬萊窟游人聚散會

有期此山靈氣終突兀吁嗟乎君家名勝在金華峯峯

遙挂赤城霞丈夫裹糧走五嶽天台咫尺非天涯隨君

東去問劉阮桃源會否見空家高登華頂望九子青天

九華絕勝 卷五

細數青蓮花

雨後九華歸

鶴背翩然別翠微葛衣芒屨送人歸巖消宿霧青如染

瀑瀾斜風雪亂飛僧餘雨前圍茗綠樵來雲外土芝肥

遠山十里柴門近流水孤村樹一圍皆錫老堂集

陳捷登九華山

不待登山興早濃當門常列碧芙蓉路穿絕巘入如巖

石湧靈泉女是龍香氣花籠千佛塔濤聲風捲五釵松

老僧引我東巖頂數徧雲間九九峯簡泉集

湯懋綱九華山晚行印事

何必攜僧覓古蹤，景當佳處卽拖筇。  
唐突閒雲入萬松，春籟靜流虛谷冷。  
危崖坐嘯欲忘返，下界一聲催喚鐘。  
出九華境

看山未足杖歸筇，回首依依緩去蹤。  
雲中推出兩三峯

吳絃憶九華舊遊寄弟紀

涼煙壓葉霜橙黃，團團桂樹山風香。  
清澗石裏聲琅琅，幽禽苦喚日欲落。  
向晚蒼山望轉高，巉巖萬丈青琅琅。

九華紀勝 卷五 詩 上  
疏籬野菊寒初花，山邨稻穫酒正熟。  
此身自落風塵裏，昔日故人今半死。  
魂迷歸路三千里，燕臺搖落時悲秋。  
對牀風雨渺何許，夜深蟲語燈前愁。

雙慶遊九華山絕句十二首 錄四  
勝賞曾經入夢賒，星輶幾載愧煙霞。  
得趁公餘到九華

五溪橋上日初高，放眼林巒引興豪。  
亂飛山翠上征袍

愛山憶在江頭見，却喜山頭又見江。  
樹杪依稀明一鏡

壯心會否片時降  
天臺峯與青天近，石磴凌虛到上方。  
巉巖幾點露斜陽

袁枚九華山  
九華如屏風好處都在外，勢有龍門高徑無鹿角陰直。

登天臺巔氣象始覺大，霞標多遠矚巖景。  
新羅王此處持法戒，烏共魚派游虎隨僧禮拜千年委。  
蛻形舍利今安在，萬釘包塔縫銅繡發光怪。  
方到此作頂戴僧，因香火富佛被禪門壞我亦三日雷。

九華紀勝 卷五 詩 上  
胡承祝江上望九華作歌

曉開霽景澄瑤空，江風蕩漾波溶溶。  
連莖附萼紛蒙叢，光入蔚藍碧漢混積氣直壓衡巫東。  
浮嵐翠落紫冥外，旭日遠映扶桑紅。  
颺帆竟日瞻龍從，俯視羣山盡培塿百里之外青無窮。  
疑是聯翩班九老，昂首天半窺寰中。  
欲與十嶽相爭雄，纖翳不染淨如浴。  
彷彿舟行九江上，匡廬曉色侵孤篷。  
最喜雲隙露峯頂，小如靈鷲飛來蹤。  
吐出沒恣狡狴

一時變滅難爲容昔聞九華號尤物內美無具外飾下  
縱然可望不可即妖冶難免吾情鍾憑虛縹緲足荒幻  
奚啻碧海浮方蓬洞天古稱三十六此間定有金銀宮  
赤松子浮邱翁青筠手握方雙瞳錦袍學士釣鼈客類  
然何處眠孤松我欲借得葛陂杖化作天矯雙飛龍迷  
茫騰海霧汗漫隨天風逍遙直挾羣仙去鐵笛吹落梅  
花峯

登九華山歌

昔人動欲窮五嶽金箱常貯真形圖九華之名遷史欲  
沉淪僻壤埋榛蕪青蓮欲作名山主伐茅開道搜靈區

九華紀勝

卷五

詩

六

九十九峯一筇占笑傲不顧山靈趨自此遊人屐齒相  
絡繹遂與黃山白嶽鼎峙東南隅奇峯爭起盡纖屑秀  
出天半青芙蓉亭亭儼濯銀河水浮嵐染碧侵衣裾丹  
崖峭立一千仞飛鳥不到元猿呼化人樓臺起無地軒  
窗鑿翠懸空虛奔流破壁白練挂珠沫灑落天模糊五  
叙之松不在土谿衍倒促虬龍拏陰晴迴與下界異積  
雪照曜三春餘琪花瑤草自氣候不與凡卉同榮枯白  
雲高可及山半蕩漾時作銀濤鋪扶桑曉日出殘夜紅  
光掩映琳瑯居乃知扶輿靈氣此團結比之終南女兒  
良非誣芒鞋布鞵豈易到天風吹我登雲途長嘯一聲

斷塵塊飄飄恍若遊蓬壺匡廬近抱羅几席裨海遠吸  
浮盃孟呼出九華主人太白叟爲問茫茫月下騎鯨何  
處朝清都

寄九華山人

靈山真秀出九十九芙蓉未識餐霞客今居第幾峯欲  
來求至道可許覓孤蹤帳望南天杳浮嵐隔數重皆楊耕書

屋嶺吟

周天慶望九華山

寒溪百折繞歌屏石甌香林徑眇冥欲向懸橋問雙瀑

斜陽猶隔數峯青

九華紀勝

卷五

詩

七

嶽巖如錫月如繩菡萏浮空夜色澄好似露涼風定後

秋河遙挂九枝燈十韻齋集

陸錫熊大通望九華山

陵陽郭西秋浦東我少讀書依泮宮九華當窗送晴碧  
吹落硯匣眉痕中疲勞塵土三十載夢魂常與名山通  
昨朝分手辭皖公旗脚正飽西南風千巒萬壑過飄忽  
鏡天忽認青濛濛雲鬢窈窕倚霄立四面轉側難爲容  
青霞半隨步障捲翠朵折盡花房重信知造化妙融結  
欲與仙佛畱靈蹤桐江回首富春嶺潯陽遠揖香爐峯  
嬋娟突兀各有態奇秀獨絕誰爭雄我從夬角已識面

垂老未聽蓮城鐘提壺裏糗定何日莫令猿鳥愁煙空  
山前石室開文翁憶煮瓠葉歌絲桐諸孫白首訪遺跡  
講肄知已埋蒿蓬老人大父問會見只有九子青芙蓉

朋舊遺詩合鈔

王懿修九華山

拔地千峯秀盤空萬笏分嵐光晴滴翠花氣暖蒸雲頑

石聽經慣仙禽搗藥勤一節尋舊約差免北山文校經齋詩

集

陳芳登九華山

地據長江勝名傳太白詩曉雲聯嶂合夜月度林遲瀑

九華紀勝卷五

詩

六

自銀河落峯從鷲嶺移昔人多宴坐巖土足療饑華溪草堂

徐曰都落城書院望九華山歌

我來半載塵事無出門大笑成癡愚隔溪九子似招手

春雲暑雨還模糊睡吾老矣弛筋骨九十九峯愁欽幅

泉壑奇詭佛林怪亦恐見與聞懸殊譎賦高詠擬劉李

就令接武猶區區前朝王湛盛講學訪古寧免慚吾徒

以此堅臥逸然思若遠若近同方壺七月晦日託靈應

士女頂祝勞形軀遠者裹糧足重親環城繞郭爭奔趨

謂我殷勤仗神力何為趨趨仍守株我近聖居偏止學

自註書院與學宮隔一牆平生韓子論浮屠若也登眺稍齟齬何如坐對長吟娛誓將遠購朱元志兼遣圖畫張庭隅撫琴日得眾山響名山豈必皆游乎蹟

黃景仁舟中望九華

九峯何削劣秀出東南隅分根擲黃海削黛參匡廬名

與八桂泐地近三天都楚江走其下練帶煙中鋪秋水

淬劍鏑清波濯芙蓉天色盡破磁雲氣交模糊前景轉

盼失後態觸曉俱可望不可即信矣高真居一航去何

駛百里青猶餘長呼謫仙人山中近何如兩當軒詩鈔

魯瑣青陽道上望九華山

九華紀勝卷五

詩

五

仙雲離合江之涯中有九十九朵青蓮花微茫鐵氣不

可辨但見天香幾縷空中斜後峯似挽前峯任舉雲忽

逐西雲去來邨陰雨去邨晴一鞭高嶽青陽路風村詩鈔

洪亮吉九華道中

近郭郭亦青山光雨難晦衣山翠厚顏色飛鳥愛亂

興入深林餘陽復暖曖炎天異昏霽高阜互向背井中

忌前顧折級戒再退行李復載途勞勞感負戴平生夢

五杖十載始晤對偶與閒僧俱孤吟出流輩附註軒詩

張崧仲冬日遊九華

嵐光凌漢碧瘦影落江清牛臂寒難畫千峯凍愈呈

僧蒙雪臥遊客踏冰行忍冷看雲海銀濤萬里平碧橋詩草

趙紹祖雪後過五溪望九華山有作

東風吹雪雪未融凍雲片片巖前封千山萬山馬頭過

瞥然捧出九朵銀芙蓉老蛟攫雲向霄漢巨靈斧闢撐

穹窿不知拔地幾千尺渾渾一氣通洪濛眼前奇景說

不出但覺曠盪來心胸謫仙仙去仙才絕前度劉郎今

未逢才人無命似僧好金沙金地開琳宮後來遊人何

寂寞空使山鬼嘯離離安能耀此怪峯變作如椽筆一

掃萬古如發矇洗幽此山真面目煙波江上青重重右墨齋詩

九華紀勝卷五

詩

三

王豫陳梅緣隱居九華山中詩以寄之

九華有通隱吟嘯翠微間采得青瑤草餐之駐妙顏豈

不惜離別勞予夢往還謫仙歿千載讓汝占名山種竹軒詩

董桂山遊九華山

我本山中人愛向山中宿山中何所有白雲半腰束九

十九芙蓉跼粉簇簇嶢嶢天柱峯摩空森鏗鏗俯視

諸培塿兒孫纜及腹或飲如蚌螺或展如旗幟或散如

列仙或聚如羣玉或羅漢行道或文殊拱握如甌如摩

覆如猿如獅伏旁有五老人跌坐彈棋局面臨巴字泉

天神掛飛瀑隱約黃匏城長江渺一粟終南與女兒無

此好巖谷伊昔李青蓮山頭駐仙躅勝列九華名錦袍

傾醪濁我攜雙不借應接看未足倏忽朔風生雪意已

合苦躡級去後齒遂循山下麓何日登天臺更窮千里

目瓊媛仙廬詩集

劉宗儉九華紀遊

漢武樓船江上還登封未到負名山明星玉女參差似

鴈蕩羅浮伯仲開地有奇觀開洞府天將積氣壓塵寰

遊人來往紛如織邱壑翻合變市闕

閑地茶煎碧正泉此行不費杖頭錢仲堪地主為東道

九華紀勝卷五

詩

廿

自註謂潤微仲標諸宗好夢得豪情感暮年放翁已窮千里外聳身

還踞萬峯巔攜來那有驚人句搔首蒼茫莫問天艾堂詩稿

劉宗向遊九華

雲端縹緲午鐘聲路轉峯回入化城仁壽詩壇推太白

千秋講座仰陽明由來出世皆仙佛底事磨崖紀姓名

望裏天臺更奇絕懸巖積雪路難行望

王鳳翽秋日望九華山

夙愛青蓮句靈山見九華

宸章光洞壑佛地借袈裟雨霽崖飛瀑霜空樹點鴉天開圖

畫好收入梵王家聽嶽山房詩集

聞煌夢遊九華

九華山擅東南奇雄秀獨出罕等夷我昔一遊窮幽邃  
至今往往想見之天風吹我浮雲外夢中忽與名山會  
窈窕山中仙羽衣何翩翩若非實子明恐是李青蓮我  
借仙人綠玉杖天柱峯頭我獨上千山縹緲紫翠浮珊  
瑚結綠心自盪山腰香露荷濛濛層樓金碧梵王宮浮  
圓彩射朝霞紅諸天清嘔飄天風探奇更向平岡去五  
釵松影青連路巖前細認種桃人池上還尋垂釣處興  
來時復發清謳笑招五老偕我遊問君蓮花開放幾千  
秋何以九朶秀出時並頭欲折不得我心愁我心愁情

九華紀勝

卷五

詩

廿二

悠悠仙人勸我山中留山中有泉甘可飽芬芳更愛菖  
蒲草徘徊正喜風光好一聲雞唱東窗曉曉來披衣喜  
欲狂昨宵仙境樂未央平生欲踏五嶽徧婚嫁未畢空  
復忙安得今宵有夢更飛去名山一一恣徜徉瀑布山房詩草  
彭輔周冬日遊九華  
岸曠眺青松循簷興早濃撥雲穿巨壑冒雪探奇峯石  
凍爭鳴屐冰堅不受筇衝寒臨絕頂俯看玉芙蓉

其二

巖壑影迷離空山欲齋時茶煙猶裊戶松雪已侵籬寺  
暗懸燈早林深度磬遲香厨剛有酒入社不攢眉筠溪詩草

儲徵甲五溪橋眺九華山色

一橋眾水匯萬壑勢寬廣僊靈弄奇詭煙霞入朝爽峯  
巒乍隱現雲樹亦疏放萬古青崢嶸飛鳥落靈掌千載  
謫仙人驂鸞結幽賞九十九峯巔隱隱松濤響紀堂詩集  
朱元理庚寅夏偕董純甫張友梅遊九華  
芙蓉九九恣躋攀直上銀河綠水間巖壑游行皆壽境  
煙霞世界隔塵寰即今勝具堪同濟到此凡心早自刪  
搔首天臺峯更秀雲端標標露屣顏鹿峯詩稿

九華紀勝

卷五

詩

廿三



詞

查慎行調得碧芙蓉 望九華山

參差伍伍倚翠屏千仞芙蓉碧聚微陽初逗幾峯見日  
幾峯還雨浮嵐擁靄青不斷池陽路乍前頭秀偏人來  
被長風猛送帆去 擬向遙空攬取挹玲瓏一壺貯怕  
仙人掌上九女鬟輕幻成煙霧釐罷青蓮句問東道今  
誰為主拚盡日閒倚船牕舉頭數了重數 敬業堂集  
餘波詞

九華紀勝 卷五

詞

廿四

九華紀勝卷六

賦

明王守仁九華賦并序

九華爲江南奇特之最而史記所錄獨無其名蓋馬遷  
足跡之所未至耳不然當列諸天台四明之上而乃畧  
而不書邪壬戌正旦予觀九華盡得其勝已而有所感  
遇遂援筆而賦之其辭曰

循長江而南下指青陽以幽討啟鴻濛之神秀發九華  
之天巧非效靈於坤軸孰構奇於元造遷史闕而弗錄  
豈足跡之所未到白詩鄙夫九子實茲名之所肇予將

九華紀勝 卷六

賦

一

窮祕密於崔嵬極元搜而歷考涉五溪而徑入宿無相  
之窈窕訪王生於蓬谷掬金沙之清涼凌風雨乎半霄  
登望江而遠眺步千仞之蒼壁俯龍池於深宵弔謫仙  
之遺跡躋化城之縹緲飲鉢盂之朝露見蓮花之孤標  
叩雲門而望天柱列仙舞於晴昊儼雙椒之闕門真人  
駕陽雲而獨躡翠蓋平臨乎石照綺霞掩映乎天姥 案  
天姥當作  
五老 二神升於翠微九子鄰於積稻炎煇起於玉甌  
爛石碑之文藻回澄秋於枕月建少微之星旄覆甌承  
滴翠之餘瀝展旗立雲外之旌纛下安禪而步逍遙覽  
雙泉於松杪踰西洪而憩黃石懸百丈之瀨瀨瀨流觴

而縈紆遺石船於澗道呼白鶴於雲峯釣嘉魚於龍沼  
倚透碧之晚帆謝塵寰之紛擾攀齊雲之巉峭鑑琉璃  
之浩漉沿東陽而西歷餐九節之蒲草樵人導余以冥  
探排碧雲之瑤島羣巒翳其繆藹失陰陽之昏曉垂七  
布之沈沈靈龜隱而復僂履高僧而屣招賢開白日之  
杲杲試朝茗於春陽汲垂雲之淵湫凌繡壁而據石屋  
何文殊螺髻之蟠糾梯拱辰而北盼際遺光於拾寶緇  
裳迓於黃袍休圓寂之幽悄鳥呼春於叢篁和雲韶之  
鶯鶯喚起促余之晨興落星河於簷椽護山嘎其驚飛  
怪遊人之太息挽井木之如濯被晨暉而爭皎靜鏡聲

九華紀勝

卷六

賦

二

之剝啄幽人刷參蕨於冥杳碧雞噉於青林鷗翻雲而  
失皓隱搗藥於樛蘿挾提壺併焦而翔繞鳳凰承孟冠  
以相遺飲沆瀣之仙醴羞竹實以嬉翔集梧枝之嫋嫋  
嵐欲雨而霏霏鳴濕濕於豐葆躡三游而轉青峭拂天  
香於茫渺席柳潭以濯纓浮桃瀉而揚縞淙淅漸而落  
蔭飲猿猴之健狡睨斧柯而升大還望會仙於雲表憫  
子京之故宅款知微之碧桃條金光之閃映曉異景於  
穹坳弄元珠於赤水舞千尺之潛蛟並花塘而峻極散  
香林之迴颺撫浮屠之突兀泛五釵之翠濤襲珍芳於  
絕巘鼻金步之搖搖莎羅躑躅芬敷而燦耀幢玉女之

妖嬌攀龍鬚於靈寶墮鉢囊之飄緜開仙掌於欽哉散  
清馨之迢迢披白雲而躡崇壽見參錯之僧寮日既夕  
而山暝挂星辰於陸叡宿南臺之明月虎夜嘯而驚嘯  
鹿麋羣遊於左右若將侶幽人之岑寥迴高寒其無寐  
聞冰壑之洞簫溪女厲晴瀧而曝朮雜精苓之春苗邀  
予觴以仙液飯玉粒之瓊瑤溘辭余而遠去颯霞裾之  
飄飄復中峯而帳望或仙蹤之可招乃下見陵陽之蜿  
蜒忽有感於子明之宿要遊予將遺世而獨立採石芝  
於層霄雖長處於窮僻迺永離乎厯鷲彼蒼黎之緝緝  
固吾生之同胞苟顛連之能濟吾豈靳於一毛矧狂寇

九華紀勝

卷六

賦

三

之越獵王師局而奔勞吾寧不欲請長纓於闕下快平  
生之鬱陶願力微而任重懼覆敗於或遭又出位以圖  
遠將無謂於鷓鴣嗟有生之迫隘等滅沒於風泡亦富  
貴其奚爲猶榮燼之一朝曠百世而與感蔽雄傑於蓬  
蒿吾誠不能同草木而腐朽又何避乎羣喙之啾啾已  
矣乎吾其鞭風霆而騎日月被九霄之翠袍搏鵬翼於  
北溟釣三山之巨鼈道崑崙而息駕聽王母之雲璈呼  
浮邱於子晉招句曲之三茅長遨遊於碧落共太虛而  
逍遙亂曰蓬壺之藐藐兮列仙之所迷兮九華之矯矯  
兮吾將於此巢兮匪塵心之足攬兮念鞠育之劬勞兮

苟初心之可紹兮永矢弗撓兮

王陽明集

章棟九華山賦

四可書生性嗜山水三登化城兩遊九子枉躋佳境靜思可恥俗緣猶在塵心未洗山靈笑我徒生於此而長於此墨工槩人高才雅士披圖摹名望峯獻句徒得其槩未詳其巖赤髯白足樵夫牧豎坐臥朝昏遊移遠邇或三為羣或四為侶遇險不懼逢幽不喜禱雨祈晴如斯而已嗚呼自有乾坤便有此山其曰九子取其若弟兄之班史遷南游畧而不錄唐李諤仙加以九華之目素絲收色璞玉發藏何否於漢而泰於唐諒尤物之不九華紀勝

卷六

賦

四

終祕迄於今而名逾彰東迓宣歙西控長江上摩青蒼以掩靄下壓后土之鴻龐孰刻刻兮染斧琮璜孰陶鑄兮廣輪無疆孰比鄰兮衡蘆茅蔣孰主客兮岱崔嵩恒爰有鳥兮曰克丁當爰有草兮莎羅鉢囊龜年莫辨神農未嘗鬪雞有石搗藥有方遊仙有跡去賢有堂冠卿名高荀鶴名芳希坦學幻清隱言麗季文高尚葛翁荒唐白龜現瑞丹鳳呈祥浮桃可以致富仙燭可以秉光龍泉可以沾丐培土可以充腸鳴鼓吹於萬壑響雲韶於叢篁禽言漏梅蘇之集多識缺風雅之章乃若所謂天河挂綠水秀出九芙蓉方將愛其清絕層標過遲日

半壁明朝霞則又駭其奮迅也積雪曜陰壑飛流歎陽

厓方將歎其含蓄鴻驚曉霜淨花明初雨收則又賞其

閒曠也其中幽境客難到方將訝其靜定神母遙遙將

九子則又驚其活動也排空峭石生元筍落日奇峯挂

赤霞此山間之朝暮也峯巒列峙神仙境地母相依孝

義山此山間之今古也嗚呼千變之形無極萬殊之象

不同歟敏諸或不能盡家筆更僕不可終欲升高而舍

其下等借道而破於矇母效潘孟陽母為阮嗣宗申伯

神嶽孺子靈洪三蘇顯眉叔易愧嵩家隨司馬谷隨愚

公指終南而鄙盧子語瑯琊而仰醉翁北山迴俗士之

九華紀勝

卷六

賦

五

駕南陽臥人中之龍或地靈而人傑或鶴怨而帳空履扁石之亦卑于青雲而益崇信崇卑之由我而敢迷亂其所從乎許曰九華之鬱鬱兮新舊號以芙蓉兮佳名傑句兩寄窪兮誰復於此巢雲松兮將往者之不可作而作者之不工兮我思無窮兮

補定歷代賦彙

補遺

陳蔚九華山賦以妙有分二氣靈山開九華為韻

繫九華之萬仞兮插天漢而干星斗嶙峋兮狀簇青蓮

崩劣兮根盤碧藕崇巒聳而鸞驚飛疊嶂撐而龍蛇走

屏藩上郡華萼重重砥柱南天芙蓉九九岩堯過日林

靄朝飛帶嶼臨江風濤夜吼金光開祕宇之那函鐵氣  
現靈仙之珉牖顧野王搜奇紀勝始彪炳於圖書李商  
仙聯句更名遂頡頏於岳阜爾其雲門峯嶺天柱屏顏  
翠屏縹緲華蓋編爛玉饒霞蒸而歛起石碑雨洗而痕  
斑招列仙於蓬島挽五老於廬山矯矯七賢競起依依  
九子聯班月照蛾眉美人臨鏡煙浮螺髻神女低鬟看  
眞武之欽峯劍岫中撐霧海聳少微之巖薛星壇直接  
天關莫不修纖秀削森列乎雲間更有城號黃袍鸞名  
青峭東藏幽深南臺靜妙探九曲之紆徐歷三游之窅  
窅巨碑砥之風輪嵌瑩圓之石照花應射月偏明蓬谷

九華紀勝卷六

賦

六

凝冰越耀畱鬪雞於絕徑曉日應啼起伏虎於深苗晚  
風欲嘯臥牛無恙疑聞叩角之聲呈鳳非遙好覓吹簫  
之調望繡壁之荒煙想天香之遺詔訪高僧而白石依  
然問仙子而碧桃猶笑斧柯嶺畔曾共客以看棋滴水  
巖前復枕流而垂釣則見百丈奔泉迅疾千尋懸水喧  
厓虎跑含花上涌龍池映月宏開沉石船於澗底沸丹  
井於巖隈春溜浮桃波明燧雪靈源淪茗浪激驚雷七  
布分流盡自峯腰噴出雙泉合瀉想從天際淨來弄珠  
兮百琲漱玉兮千堆喜嘉魚之潑刺看翠羽之濛洄洗  
鉢而金波欲亂流觴而碧瀨潛催臨潭水以濯纓清漪

漱澗向溪流而揚縞黃石崔嵬雲母確喧花塘雨過水  
晶簾捲翠瀑風回既選勝於蛟宮貝闕更尋幽於瓊宇  
瑤臺雲房碧瓦朱甍石室赤文綠字龍女傍砌以齋瀟  
獅子負楨而巖巖頭陀嶺峻院鎖茶蘼處士巖空牀堆  
薜荔湖遺緒於甘泉緬前徽於勉志香林之故址猶存  
花舫之流風夫墜諫堂人去雷雲外之孤峯詩社曾歸  
剝澗濱之古寺龜山則崇壽清幽鳳嶺則延華靜蓬松  
雪博岸幘之觀水月寫安禪之意開元舊觀路通逐鹿  
之區四寂荒巷石懸騎驢之地墜化城之壯麗黃金世  
界三千尊藏經之嶽我碧玉闕于十二樓望江而懸納

九華紀勝卷六

賦

七

煙波亭覽勝而檢飛蒼翠爰靜觀以笑指倚檻偏佳遂  
緩步而忘歸巡簷欲醉而且黃粒堆玉田之稻紫旗展  
金地之茶松五釵而散粉蒲九節而含華石竹瑤芝並  
秀莎羅躑躅交加仙掌蹠躡而作扇步搖婀娜以垂德  
玉女之幢旖旎飛仙之蓋敬斜舞罷林梢看碧雞於烏  
道銜殘竹實集山鳳於人家惜春偕念佛嚶嚶喚起窗  
前紅日搗藥共提壺嘔嘔啼酣嶺上朱霞獸則羚羊挂  
角蒼鹿銜花魚則石斑戲浪鯢依沙吐秀舒奇徵山  
靈之蘊蓄呈祥獻瑞誌風物之清嘉於是集名賢招逸  
叟揮毫枕月峯頭墨堆雲洞口圖驚元帝江上疑無

評出劉君寰中僅有立煙摩日起張許之幽思羅雪明  
霞想韋高之妙手文圭數寒玉以凝眸杜牧愛清光而  
醜酒陽明則灑翰千言清隱則淋漓百首稽化文之吟  
咏青嶂俱畱邀友石之雕鐫貞珉不朽一篇山水費徵  
君詩可圖會半臂雲泉關常侍綾能畫否別有山僧煮  
石羽客餐苓花擁新羅之塔壇披寶令之經知微玩月  
之峯雨外晴光獨照葛氏燒丹之竈林邊紫氣常熒思  
神穎而吟篇猶在憶冷然而鳴錫如聆尋杯渡之幽棲  
崖蒼岫紫甲季文之芳躅潭碧山青睡虎何存中嶺之  
洞雲寂寂臥龍已去南陽之澗水泠泠今幸名山紀盛  
九華紀勝 卷六 賦 八

福地呈靈烟神光之煜煜標佛塔以亭亭

皇祖則璇榜榮頌聖境賴

天書益耀我

后則奎章寵錫芬陀與

寶墨俱馨地接陵陽靈分丹瀟雲連黃海氣吸滄溟拱筭則神  
遊化宇添瓶則膏溢仙醪隱霧何年倚天臺而捧日摩  
空有路登斗嶺以摘星因爲之歌曰振衣山之巔豁我  
胸中氣欣值風飄飄掃開霧縵皎皎蓮花對夕曛九  
十九峯誰能分開昨翻笑眾山小不知身立萬重雲  
梅

文

九華紀勝卷七

諸勝 山西一

化城峯峯以寺名居九華之中稍偏西南自峯麓伏龍  
橋盤折而上歷甘露菴定心石湧泉亭龍池菴半霄亭  
亭畔有半山土地祠自橋菴至化城寺路之半也更上  
大小仙橋爲碧霄亭址陟望江亭抵江山一覽亭路南  
下左折過迎仙橋爲接引殿卽舊懷仙亭址稍前陰隲  
堂卽下禪堂  
泛舟山浙錄曰隨溪而入至亂山環合處登化城嶺嶺  
峻窄時時回望諸峯層出殊快心目又曰過苦竹阮行  
九華紀勝 卷七 諸勝山西一

至蜃蟠嶺而化城峯盡矣

周必大題九華化城峯

攀蘿度險捷猿猴石角鉤衣屨盡穿莫訝遠尋金地藏

也會徐步玉階前省齋稿

洪亮吉自一宿庵至化城峯

疏鐘動蘭若日華在朱樓瞻言視吾徒明發不與儔出  
屋始見山啟戶礙碧流延緣上層阿竹密阻且修寧知  
高峯雲出處尙未謀回瞻及林泉一金碧稠居人香  
火心列屋無平疇雲仍五百家晨鐘炊煙浮朝餐歛伊  
蒲一飯未易酬五月山氣涼江聲拍林阪誰能持回光

照此絕壑舟僧臥不復言長廊繪滄洲附詩

黃景仁夜宿化城峯和洪稚存

僧宇結巖罅一院百其級到門白蝠飛窺火蒼鼠立坐

久百谷陰凜冽破窗入流梵帶雨沉潛蚪歛聲集塔然

面壁臥精禱雷電及一靜息百勞隨身膺吁吸到耳稍

猿呼入夢或蕉指飯香腸吼聲寒退膚平粒了見峯壓

檐萬翠成一濕避世此最佳何異百蟲蟄欣然語緇衣

竹閣勤補葺他年借石牀今方作遊急兩當軒詩鈔

蘇志伏龍橋舊名集福在化城寺山麓橋畔有庵有亭

知縣蘇萬民額曰第一禪關

九華紀勝

卷七

諸勝山西一

二

邑志大橋巷在伏龍橋畔涇縣查圖源建

錢人麟涇縣志明查圖源字節清造九華山麓石橋及

茶庵并捐田六十餘畝入焉

吳襄橋庵贈僧果成

九子禪關第一奇伏龍橋鎖五龍池雷轟風吼聲難辨

請試山僧耳順時錫老堂詩

湯懋綱橋庵觀瀑

駕言陟蒼翠蘿葛恣延緣淙淙瀑布中一道飛梁懸上

束萬派流下注千丈淵噴薄濺松竹崩騰雜雲煙半空

吼晴雷曉夜爭喧闐野鳥無停棲山麋失穩眠我來心

眼豁塵纓亦已湔會當拂薜石和以伯牙絃奕圃詩集

李志甘露庵在橋庵上定心石下康熙丁未僧傳燈建

喻成龍建九華甘露禪林記

江南九華崖壑樹石奇秀甲天下自閔讓和施山金地

藏開山以來縹流雲集精舍星羅余久宦池上數來山

中始得吾洞安洞安居虎洞廿餘年默坐石窟以虎自

衛老田吳氏多與遊最敬信者惟吳翁爾俊焉一日玉

琳國師雲遊九華屬洞安募蒲團地建叢林爾俊慨然

以山業施之是夜滿山松頂降生甘露神人應兆此甘

露之名所由始也余念釋子多不受戒律兩請登堂為

九華紀勝

卷七

諸勝山西一

三

之說戒一時託鉢披纓者頓易舊習今遂成淨土焉余

嘗訪爾俊於洞安座上風骨如巖松野鶴雅與洞安相

似且聞爾俊至性孝友幼失母倍弟從尊人華川君客

西江尊人疾不起旅殯如禮時年甫十三弟九齡歸理

舊業復子身負骸骨以歸弱弟相依易衣讓食晚年好

山水喜浮屠凡佛緣法會皆賴總持又與祀典睦鄰鄰

敦倫樂善始終不倦蓋天性過人遠也昔子韶親征山

學佛而後知真儒魯直從晦堂聞樵而悟無隱則余之

與洞安爾俊遊豈徒然哉更聞洞安俟了大眾事仍歸

虎洞爾俊長齋繡佛日居化龍岡課讀督耕之兩人因

足繼金地藏閣讓和之跡而堪與茲山茲林永垂不朽

也是為記乾隆邑志

華黃甘露庵

到此禪關宿方知山色多萬松藏古寺孤月上寒坡屋

到泉聲落牀頭風氣過欲窮諸勝覽秉燭問檀那李志

陳蔚甘露庵晤僧優曇

古刹繞千松松聲雜梵鐘風回溪渡虎雨過鉢藏龍撥

火勢熾華分泉午課春講堂塵不到為有白雲封梅緣詩鈔

蘇志定心石在湧泉亭下距伏龍橋二里許郎中朱麟

題

九華紀勝 卷七

諸勝山西一

四

按石上刻定心石三字旁署芝山二小字

吳同春遊記定心石百餘步至湧泉亭又二里半霄亭

按亭前有泉一泓湛然而清故名

陳詩註龍池菴龍池北唐詩僧神穎所居

萬歷邑志龍池菴一名清隱

陳巖龍池菴

惠崇往矣邈遺蹤時有風來撼古松想見草庵無恙日

月明池上獨支筇九華詩集

陳詩註半霄亭在化城寺之中途疊石危巖繚繞為徑

因結亭為遊人憩足之所

袁甫題半霄亭

今朝帶月上山頭面而晴嵐翠欲流此處青霄纔是半

半霄以上許登石樂齋集

陳巖半霄亭

煙際晴嵐似有無舉頭相望是雲衝若為透入雲間路

直渡銀河採白榆九華詩集

陳鳳梧半霄亭

引繩千尺上高峯身在高峯第幾重隱隱鈞天仙樂導

層層鏡石白雲封潛龍洞杳藏秋雨伏虎巖深蔭老松

徒倚半霄亭半晌飄然物外奇吟蹤顧志

九華紀勝 卷七

諸勝山西一

五

楊芝瑞半霄亭

縹緲孤亭出翠微江山雲樹帶晴暉怪來刺骨寒生粟

上有龍湫作雪飛原註上百步有龍池○顧志

顧志小仙橋山脊也在望江亭下長五六丈濶三尺許

傍臨不測之險兩崖欲絕一徑中通若畚土而成者舊

有如來真境坊上半里許碧霄亭址又十餘步大仙橋

狀如小仙橋而長有江左名山坊俱萬歷六年邑令蘇

萬民建

陳詩註望江亭在半霄亭上穿雲躡嶺下視長江蛟如

曳練

按望江亭在大小仙橋上嘉慶乙丑歲蕪湖嚴必奎重  
建

陳巖望江亭

滾滾長江浸落暉水流不盡覺雲移登高忽動離騷恨

無奈山川苦要詩九華詩集

梅清望江亭

十坡爭一徑九步果三休到此眼逾曠悠然天外流峯

多疑擁浪亭小若虛舟吳楚江邊路風波悔舊遊瞿山詩畧

許承家望江亭

澎湃江聲壯登臨快此亭浪搖千里白光逼萬山青洲

九華紀勝卷七

諸勝山西一

六

島連荒漠蛟龍入窈冥凭高聊眺望身世似浮萍獵微閣集

萬歷邑志江山一覽亭一名元覽亭在望江亭上萬歷

六年蘇邑令萬民建韓太史世能題

顧志迎仙橋舊名聚仙在懷賢亭北按乾隆二十三年

重建

萬歷邑志懷賢亭在迎仙橋畔嘉靖間化城寺僧佛院

建郡節推楊迴書額謂懷李青蓮王陽明也按亭址今

改建接引殿

○化城寺在化城峯上峯巒環匝泉壑縈回面陽而寬  
平類天竺之鸞嶺晉隆安五年杯渡禪師始卓錫於此

唐開元末金地藏自新羅至九華巖棲土飯苦行十餘  
年至德初諸葛節等買僧檀公舊地建殿宇延地藏居  
之建中初刺史張巖奏請寺額名曰化城遂為地藏道  
場厥後興廢不一至  
國朝香煙日盛靈應逾常

天使頻臨

奎章堂錫璇題銀榜照耀雲泉信斯山遭遇之隆千古所未有

也

陳詩註曰化城寺起於齊梁逮建中中金地藏依止禪

眾有平田數十畝

九華紀勝卷七

諸勝山西一

七

何壁記曰四面嶙峋其中平廣依山為化城寺寺數百

楹

萬歷邑志化城寺洪武二十四年成立叢林宣德十年

住持僧福慶同寺僧了源重建隆慶三年毀於火徽郡

賈人黃龍鼎建

順治邑志萬歷三十一年僧量遠赴京題奏太后御前

頒銀重建

李志

本朝康熙二十年郡守喻成龍復建  
考異曰順治邑志載萬歷三十一年太后頒銀重建化



城寺太后謂李太后也俗傳爲陳太后考陳太后爲穆宗次后隆慶元年册封李太后爲神宗生母由宮嬪進至貴妃萬歷元年前上兩宮徽號尊皇后曰仁聖皇太后尊皇貴妃曰慈聖皇太后慈聖好施奉佛名山福地置寺頌經邑志稱重建化城者慈聖也况仁聖崩於丙申至是已八載矣其爲慈聖無疑前此十四年頒賜藏經敕曰聖母慈聖宣文明肅皇太后確有明文非陳太后也

石刻明駱御史駁會詩碑

國朝喻太守成龍康熙二十年重修化城寺碑在寺東廊明

九華紀勝

卷七

諸勝山西一

八

李進士廷璋成化四年重建化城寺碑在藏經樓下

費冠卿九華山化城寺記

九華山古號九子山崛起大江之東揖濤廬於西岸儼削成於天外旁臨千餘里高峯峻嶺臣焉連岡走隴子焉直元氣凝結幾萬斯年六朝建都此爲關輔人視山而天長山閱人以波逝其間聖后賢臣詠歌迭興言不及者茲山屈焉開元末有僧檀號張姓自羣舒至爲鄉老胡彥請任廣度男女觸時豪所嫉長吏不明焚其居而廢之時有僧地藏則新羅王子金氏近屬項聳奇骨軀長七尺而力倍百夫嘗曰六籍寰中三清術內惟第

一義與方寸合落髮涉海捨舟而徒踏茲山於雲端自千里而勁進披榛援藟跨峯越壑得谷中之地而陽而寬平其土黑壤其泉滑甘巖棲澗汲以示高潔曾遇毒螫端坐無念有美婦人作禮奉藥云小兒無知願出泉補過應視坐石石間漑澹時人謂九子神焉素願寫四邨經遂下山至南陵有俞蕩等寫獻焉自此歸山迹絕人里逮至德初有諸葛節等自麓登峯山深無人雲日雖鮮明居惟一僧閉自石室其旁折足鼎中惟白土少米烹而食之羣老投地號泣和尙苦行若此某等深過己出泉布買檀公舊地敢冒死請大師從之近山之人

九華紀勝

卷七

諸勝山西一

九

聞者四集伐木築室煥乎禪居有上首僧勝瑜等同建臺殿棟桷豫章土地生焉斷而斲之玳瑁瓊不求他山肆其磨礪開鑿澗盡成稻田相水攸瀦爲放生池乃當殿設釋伽文像左右備飾次立朱臺挂蒲牢於其中立樓門以冠其寺丹素交彩層層倚空岳巒隊起於前而松檜陣橫於後嶺日月晦明以增其色雲霞散散而變其狀松聲猿嘯相與斷續都非人間也建中初張公巖典是邦仰師高風施捨甚厚因移舊額奏置寺焉本州牧賢者到寺嚴師之敬西江估客於雲外見山巖昂若干足錢若干緡焚香作禮遙以祈祐師廣德焉况

親承善誘感悟深哉旁邑豪右一瞻一禮必獻桑土豈  
 諸牧不合禮焉富商大旅輕其產哉道德感也本國聞  
 之相與渡海其徒實眾師憂無糧發石得土其色青白  
 不摻如麩夏則食兼土冬則衣半火無少長畚田採薪  
 自給中歲領一從者居於南臺自緝麻衣其重兼鈞堂  
 中榻上惟此而已池邊建臺厝四部經終日焚香獨味  
 深旨時年九十九貞元十年夏忽召眾告別罔知攸適  
 但聞山鳴石隕感動無情將示滅有尼侍者來未及語  
 寺中叩鐘無聲墮地尼來入室堂椽三壞吾師其神歟  
 跌坐函中經三周星開將入塔顏狀亦如活時身動骨

九華紀勝卷七 諸勝山西一 十

節若撼金鎖經云菩薩鉤鎖百骸鳴矣基塔之地發光  
 如火其圓光與其佛廟羣材締構眾力保護施一金錢  
 報一重果下爲輪王上登聖地昔有護法良吏洎施力  
 僧檀越等具刻名於石深疾後代不能立殊績以濟眾  
 又不能破餘財崇勝因緣啄腥羶顧兒婦生爲人非死  
 爲鬼責悲哉時元和癸巳歲子閒居山下初所聞見謹  
 而錄之孟秋十五日記 文苑英華

費冠卿秋日與冷然上人化城寺莊觀稼  
 世人從所好獨自愛身閒美景當新霽隨僧過遠山  
 橋出秋稼空翠落澄灣惟有林中犬猶應望我還 唐詩紀事

僧冷然宿九華化城寺莊  
 佛寺孤莊千嶂間我來詩境強相關巖邊樹動猿下澗  
 雲裏錫鳴僧上山松月影寒生碧落石泉聲亂噴潺湲  
 明朝更躡層霄去誓共煙霞到老閒 唐詩紀事

羅鄴化城寺  
 慶雲生處梵王宮躡磴攀蘿一徑通金殿忽開青嶂裏  
 天人疑在白雲中秋霄爽朗空潭月暑氣蕭寥古柏風  
 况是慈悲清淨地香煙像設固無窮 本集無見顧志

釋應物化城寺次羅鄴韻  
 憑高選勝創蓮宮一水縈流處處通畫閣晝開紅日畔

九華紀勝卷七 諸勝山西一 十一

禪房夜掩碧雲中平川不見龍行雨幽谷遙聞虎嘯風  
 偶與友人論法要眞元浩浩理無窮 唐詩紀事

李虛已寄化城寺  
 化城金地出人羣瀑布峯前一徑分寶塔香燈諸洞見  
 石樓鐘磬半天聞子明丹竈封秋蘚李白書堂鎖暮雲  
 欲去未能還結念展圖時誦北山文 顧志

蔣之奇遊化城寺  
 級級躋攀險肩輿若上天雲端開淨刹峯頂見平田水  
 石清無價煙霞翠滿前高僧卜居此意欲斷塵緣 顧志

陳巖化城寺

匪徑茸茸菜甲青透池豔豔藕花明四方衲子尋幽踐  
多少空山振錫聲九華詩集

王守仁化城寺六首

化城高住萬山深樓閣憑空上界侵天外清秋度明月  
人間淋雨結浮陰鉢龍降處雲生座巖虎歸時風滿林  
最愛山僧能好事夜堂燈火伴孤吟

雲裏軒窗半上鉤望中千里見江流高林日出三更曉  
幽谷風多六月秋仙骨自憐何日化塵緣翻覺此生浮  
夜深忽起蓬萊興飛上青天十二樓

雲端鼓角落星斗松頂袈裟散雨花一百六峯開碧漢  
九華紀勝卷七 諸勝山西一 十三

八十四梯踏紫霞山空仙骨葬金榔春暖石芝抽玉芽  
獨揮談塵拂煙霧一笑天地真無涯

化城天上寺石磴入星躔雲外開丹井峯頭種石田月  
明猿聽偈風靜鶴參禪今日指雙眼幽懷二十年

僧屋煙霏外山深絕世譁茶分龍井水飯帶石田砂香  
細雲嵐雜窗高峯影遮林棲無一事終日弄丹霞

突兀開穹閣氤氳散曉鐘飯遺黃粒稻花發五釵松金  
骨藏靈塔神光照遠峯微茫竟何是老衲話遺蹤

重遊化城寺二首

愛山日日望山晴忽到山中眼自明鳥道漸非前度險

龍潭更比舊時清會心人遠空遺洞識面僧來不記名  
莫謂中丞喜忘世前途風浪苦難行

山寺重過十九秋舊僧零落老比邱簷松盡長青冥餘  
瀑水猶懸翠壁流入住層崖嫌海淺鳥鳴春磬覺山幽  
年來別有閒尋意不似當時孟浪遊岩王陽明全集

湛若水化城寺  
山遶如城是化城城中佛子但知耕高低心地田塍在  
未許叮咛起妄爭甘泉集

鄒元標化城寺

化城寺倚碧山幽門對平田江水流半夜風聲吹鐵瓦  
九華紀勝卷七 諸勝山西一 十三

有時燈火照龍湫千僧樓閣層層起九子芙蓉面面浮  
暫爾驅車塵土去他年結屋最高頭顧志

余翹宿九華化城寺  
石割毘邪路金鋪舍利城客來千嶂暝僧定一燈明蘿

月中相松泉枕上聲十年迷下界今夜夢魂清翠微集

邱兆麟上九華山之中桑田萬畝其菩薩人呼地藏王  
白雲裏面石中央人說其中是上方山有桑田渾擬俗

佛無國土亦稱王顧志

吳綺入九華宿化城寺  
我本黃山人九華經信宿未盡九子巖一上一換目秋

高天宇澄孤磬聲滿谷忽墜龍女簫竚望仙人鹿一漉  
塵中襟揮手謝拘促適逢餐霞徒清談互往復願言住  
此中坐臥靈泉曲夜永對禪燈妙香媚幽獨亭阜集

潘耒化城寺

盡道靈山地藏開不知杯渡已先來琳宮直占蓮花酌

香沼如安明鏡臺璽押金經原內賜原註明慈聖太后賜藏經押以寶璽

塵封隻履未西回原註遺履一枚長二尺許僧房簇似蜂房啟畱客

家家掃碧苔遂初堂集

陳塾宿九華山寺

寂寂禪關寒氣增玉峯當戶影層層犬依爐火常親客

九華紀勝卷七

諸勝山西一

十四

雀入香廚不避僧斜日雪消簷滴雨殘杯風冷酒成冰

巖巒擬待煙雲散蠟屐扶笻次第登四堂詩草

陳匡之化城寺

縹緲山中寺雲深徑不封開門成小市倚檻數奇峯鶴

夢鐘千杵僧樓閣五重游人忙頂禮老佛自從容一峯詩草

王屋化城寺

早從江上見嵐光躡磴探奇興倍狂萬壑煙霞通帝座

一天星斗護僧房雲橫嶺半山成海塔聳松梢佛是王

綠水芙蓉留雅韻謫仙千古有書堂爾雅山房集

陳鋤化城寺

空谷猿啼暝色浮蕭蕭木落碧山秋香焚玉髓煙成  
璽押金經帙滿樓一鳴鐘聲迎月度萬峯雲氣接江流  
西風吹起狂吟興多少嵐光筆底收硯圃詩存

○化城寺代有高僧其最著者則明之宗琳法鑑福慶  
道泰量遠佛智

郡志宗琳號玉潤涇縣人洪武十六年住持化城二十

四年重建殿宇廊廡禪堂齋僧養老學事淨業諸堂土

庫方丈九華復興法鑑字無礙初住金陵靈谷寺宣德

二年住持化城後以年老仍還靈谷而化城東文殊庵

西有法鑑塔豈圓寂後歸葬九華耶

九華紀勝卷七

諸勝山西一

十五

李志福慶字雲巖永樂間居靈谷寺既而還山住持化

城宣德十年重新殿宇裝飾佛像作退居庵歿厝寺後

西塔院

蘇志道泰字嶽宗姓蕭氏四川成都人正統六年住持

化城十一年敕授北京萬壽戒壇宗師景泰七年乞歸

九華未行歿天順元年遣官諭祭曰爾以堅持梵行撰

為宗師克振法音化人為善奄忽長逝良用嗟悼爾其

有知服茲諭祭歸葬化城寺後即東塔院也

舊邑志量遠字徧空萬歷三十一年化城寺災量遠赴

京奏聞奉皇太后頒銀重建兼修塔院三十四年賜額

封護國肉身寶殿之額并賜大藏金塔量遠紫衣

蘇志佛智字大圓住化城寺年八十餘忽召徒眾告別

沐浴更衣入龕端坐而逝越七日顏色光潤如生將昇

至寶峯庵後入塔路經龍女泉側三昧火發須臾屍化

○化城寺後為藏經樓供奉

高宗純皇帝墨寶本干佛閣也明正統間僧道泰建嘉靖末督

學御史耿定向改題曰聚華閣萬歷二十七年珍弄頌

賜龍藏尊經遂易今名其敕書梵帙金印衣履猶存寺

前為化城池一名放生池形如偃月唐至德間僧勝瑜

鑿用蓄朱魚越元明改種碧藕今則金鯽赤鯉充物其

九華紀勝

卷七

諸勝山西一

七

中人以食物投之則羣躍爭啖丹鱗與碧浪相摩燦若

濯錦池南有金銅千佛塔乃萬歷三十四年頒賜者相

傳黔國公自滇南鑄就奉敕齋送至此塔東舊有芙蓉

閣僧佛稜建陽明先生書額續僧能演僧宗佛先後重

建今不存

明神宗頒賜龍藏尊經敕諭

敕諭九華山地藏寺住持及僧眾人等朕發誠心印造

佛藏經頒施在京及天下名山寺院供奉經首護敕

已諭其由爾住持及僧眾人等務要虔潔供安朝夕禮

誦保安妙躬康泰宮壺肅清懺已往愆尤祈無疆壽福

民安國泰天下太平俾四海八方同歸仁慈善教朕成

恭已無為之治道焉今特差內官監太監漢經廠表白

李官齋請前去彼處供安各宜仰體知悉欽哉故諭大

明萬歷二十七年閏四月二十四日年月上有廣運之寶

王安石宿化城寺閣

白雲如驅羊滿谷不可量散作兜羅縣中藏寶月光山

窗夜閒靜時聞葉鳴廊僧房香清寐佛爐篆餘香

吟猿遞空壁宿鳥驚飛霜起坐四面顧芙蓉蔚蒼蒼人

生始得飽豈必二頃糧金地黃粒米當味齋廚香本集無見

九華紀勝

卷七

諸勝山西一

七

鄧旭九華寺樓

寺樓高不極恰與翠微齊嶺樹雲終日松花風滿溪竹

深山鼠窺谷靜野猿啼坐對殘陽晚清鐘聞殿西林屋詩集

袁啟旭宿九華僧閣

山樓出雲際正對東巖松朝光一以開照耀金芙蓉水

石有奇態煙霞無定容欲參向來意寂歷諸天鐘中江紀年

曹貞吉藏經樓藏古繡歌

道之大者含元氣小物亦足千秋垂地藏古佛有遺蛻

黃金妙相光離離袈裟至今貯經閣千年不毀神靈司

天吳紫鳳文斷續青蓮幾朵纒葳蕤非錦非繡那易測  
天衣無縫差得之蠻女刺成共檀施右肩偏袒常相隨  
爾日慈航涉溟渤一鏡萬里如星馳颶風陰火不敢射  
魚龍跋浪瞻威儀名山小住八十載莊嚴展也天人師  
兒孫護惜等頭目捧持膜拜惟嗟咨余雖下土未聞道  
好奇之癖安能醫六合內外無不有失喜頗類優婆夷  
此時暇日明殿角長空一洗青琉璃器鉢無聲鳥語靜  
相輪替戾微風吹興闌踏屐下山去作歌妄欲傳來茲

瑯雪集

太平御覽曰九華山錄云山之上有池塘數畝水田千

九華紀勝

卷七

諸勝山西一

六

石其池魚長者半尋頰首頰尾朱髯丹腹人欲觀之即  
木魚即躍以可食之物散於池中食訖而藏焉

陳巖化城池詩註寺前植蓮於中

簇簇青蓮滿意開老僧誇說舊栽培塵埃不涅花心性

淨客原從淨土來

九華詩集

何璧記寺東爲太白書堂前爲芙蓉閣

王守仁芙蓉閣

九華之山何崔嵬芙蓉直傍青天裁剛風倒海吹不動  
大雪裂地凍還開夜半峯頭挂明月宛如玉女臨樓臺  
我拂滄浪寫圖畫題詩還愧謫仙才

芙蓉閣二首錄

青山意不盡還向月中看明日歸城市風塵又馬鞍

陽明全集

○化城寺西里許稍折而北爲拱金閣距龍女泉咫尺  
而近萬歷十四年頒賜藏經珍藏於此嘉慶二年僧端  
昂移藏化城寺後樓越數日閣災而藏經存拱金之右  
舊有景命閣珍藏萬歷二十六年頒賜地藏菩薩本願  
尊經康熙四十七年蛟汛衝決殿宇漂沒經寶俱亡化  
城之東西寮舊稱七十二刹今存者曰水陸殿俗呼龍  
菴因高僧利鉄而名曰菩提閣曰木蓮閣曰旃檀林曰

九華紀勝

卷七

諸勝山西一

十九

佛陀里曰心齋曰祇園祇園左爲接引殿所鑄金身長  
丈有六尺又菴曰定慧俗呼立菴曰通慧爲詩僧敬簡  
所居曰長生曰永慶曰寶積曰鳳林曰大定曰大夏曰  
九蓮曰三昧曰報國曰樂山曰白雲曰綠雲曰天池曰  
天然曰海度曰東勝曰環翠曰雨花

明神宗頒賜藏經救諭

皇帝敕諭地藏寺住持及僧眾人等朕惟佛氏之教具  
在經典用以化導善類覺悟羣迷於護國佑民不爲無  
助茲者聖母慈聖宣文明肅皇太后命工刊印續入藏  
經四十一函并舊刻藏經六百三十七函通行頒布本

寺爾等務須莊嚴持誦尊奉珍藏不許諸色人等故行  
褻玩致有遺失損壞特賜護持以垂永久欽哉故諭大  
明萬歷十四年二月 日

郡志明萬歷二十六年十二月初三日接到御前欽差  
漢經廠皇壇念經內官監太監李官欽奉聖旨齋送地  
藏菩薩本願尊經計一百七十五部著令九華山地藏  
禪寺修行僧眾焚香看念

梅清月夜同覺上人景命閣

月冷峯纔吐山深夜已分峽埋南北斗巖宿去來雲就  
衲搜靈蹟篝燈讀祕文藏經三閣廢封禪幾人聞

九華紀勝 卷七 諸勝山西一 二十

九華景命閣坐雨

重雲撲面萬山迷小閣沉吟孤思危上界氤氳深護處  
下方潺湲倒聽時瀾空忽灑尊前墨殘夜驚呼夢裏詩

安得西風吹到曉芙蓉朵朵射朝曦 皆羅山詩畧

僧敬簡見東巖百桃園

李志僧利鉄號龍庵和門黃氏子禮九華廣達禪師祝  
髮焚修年九十有四天啟二年拈偈云歸去懸崖空撒

手溪山處處是蓮宮踟躕而適異香滿室人因呼水陸

殿曰龍庵

潘耒龍庵

香刹遙看一抹青籃輿轉向此中停炎蒸不上三層閣  
紫翠全收九疊屏屋後新泉龍女供夜分清梵厲王聽  
苾芻好事能攜杖徧剔蒼苔讀舊銘 遂初堂集

○李太白書堂一稱太白祠舊在化城寺西龍女泉側  
唐天寶間建宋嘉熙初邑令蔡元龍更建於寺東明永  
樂間邑人王友益王遜綸重建前立石坊并置祀田成  
化末友益孫王道同柯志洪吳璣僧德侃重修隆慶間  
毀於火萬歷五年邑令蘇萬民即舊址重建二十二年  
邑令蔡立身以舊制過隘徙建東巖麓天啟三年邑令  
李如桂又徙建下禪堂側其右有明方伯王一楨柱明

九華紀勝 卷七 諸勝山西一 廿一

精舍今皆不存

太平寰宇記九子山李白改為九華山今山中有李白  
書堂基址存焉

泛舟山浙錄龍女泉其旁乃李太白書堂基今為張氏  
墳地自此下嶺過苦竹坑原注或謂書堂在半霄亭傍  
者非

何壁記化城寺東為太白書堂前為芙蓉閣又曰有仙  
人峯舊為李太白書堂基今有甘泉書院

顧志太白書堂坊在書堂前邑人王友益始建書堂併  
建石坊置祀田以供春秋之祭

考異曰李太白書堂諸志皆謂創自唐至宋南渡後  
為邱隴子考太平寰宇記云山中有太白書堂基址是  
趙宋初已為荒煙蔓草矣而嘉熙間吳夢祈移建書堂  
記有曰書堂蕪沒殆百年則紹興以前歸然尙在北宋  
時曾經重建但歲月莫考耳又按天啟三年邑令李如  
桂建太白祠以王柱明方伯陪祀其記云舊祠當事者  
移置東崖不佞改建於禪堂之隙其修復已非故處矣  
而山志皆缺而不書夫一書堂也由龍女泉而化城東  
而東巖下而禪堂隙徙遷不一而廢興之可稽者如此  
至若何蒲溪九華記又謂仙人峯舊為李太白書堂基  
九華紀勝 卷七 諸勝山西一 三

今有甘泉書院李公郡志亦曰太白書堂在仙人峯下  
而泛舟山浙錄原注或謂書堂在半霄亭傍者非今按  
仙人峯卽中峯也距半霄亭不遠似乾道以前又嘗徙  
建於中峯下矣予世居九華南麓春秋佳日載展開游  
抵禪堂太白祠前見三間古屋寂寞於頽垣落照中未  
嘗不流連感歎以爲經藏盛而書堂衰也今三十年來  
其遺基盡被緇流占爲菜圃求一破瓦殘磚不可得更  
足慨已

吳夢祈李翰林九華書堂記

李翰林玩世似東方朔傲物似孔文舉蓋放蕩不羈之

尤者也而東坡先生獨愛其眼高四海且謂能識子儀  
之爲宗臣豈不知永王之非眞主每欲澡而雪之蘇李  
蓋一流人也其表而出之固宜初翰林之棄官也卽有  
蓬邱之思訪道江漢遙望九華峯顧而樂之會故友章  
仲堪宰是邑乃卜居焉始易其舊號加以九華之目其  
居介乎龍女泉之側南渡以來夷爲張氏之邱夫九華  
之得名自翰林始而書堂蕪沒殆且百年無興敝起廢  
者豈吾青之眞不好事也耶嘉熙初年奉議蔡君元龍  
來尹是邑訪其遺跡始於化城寺之東偏草具其堂焉  
嘗謂古今天下其道同則千載之下或有襲裳之人其  
九華紀勝 卷七 諸勝山西一 三

趣異則一座之間或有割席之士公之爲此豈徒然哉  
想夫春樹連邨早鶯喚人綠水浮雲紫煙繞谷公之於  
斯來也必將解障泥坐前櫺橫琴花間欣然起春日樽  
前論文之恩矣涼風起天落日照島山雲薄暮江色映  
秋公之於斯來也必將戴烏紗酌白酒顧影起舞浩然  
如秋日山中初歸之時矣率是以往脫巾挂壁盛夏可  
以灑松風岸幘開簷元冬可以眺松雪或浩歌以待明  
月或展席以俯清流方將臥與太白同夢坐與太白同  
意又豈笑兀見此屋而遂已哉是役也披圖憶古令尹  
實肇其謀度材鳩工吳君洪與弟忠振實任其事氣以



類至俗以化成民之歸仁令尹固有以先之歟令尹字  
驥甫淮之無為人未弱冠試中禮部爲名進士未幾仕  
改今秩爲賢明府其政學道而愛人好古而貴義此百  
世之下翰林之所以遭云志

王僕太白書堂記

池之青陽縣南有九華書堂蓋唐供奉翰林李太白所  
嘗讀書處初公之浮游江漢也遙望九華山而樂之適  
故人章仲堪爲邑令遂卜居焉其居在龍女泉側歲久  
掩爲民邱宋嘉熙初邑令蔡元龍訪求遺跡始創書堂  
於茲山之麓化城寺東偏以山初名九子公易以今名

九華紀勝

卷七 諸勝山西一

甚

故因以爲書堂冠焉勝國初邑人柯敬之嘗加修葺去  
今二百年已敝不支敬之之曾孫暹爲按察使欲修未  
果至是其從子志洪率其親知吳嶽僧德侃輩捐貲集  
材撤而新之中爲正堂五間翼以兩廡前爲碑亭又前  
爲石門施以扁額始事於成化丙申七月訖工於己亥  
十月既落成德侃來謁予請記公蜀人也初隱岷山出  
居襄漢之間南游江淮至楚雷雲夢三年去之齊魯居  
徂徠山至竹溪入吳至長安被遇元宗頃之不合去北  
抵趙魏燕晉西涉岐邠歷商於洛陽游梁最久復之齊  
魯南游淮泗再入吳轉徙金陵上秋浦歸陽受承王璠

辟磷敗長流夜郎遂泛洞庭上峽江至巫山會赦還  
岳陽江夏久之復如潯陽過金陵徘徊於歷陽宣城二  
郡其族人陽冰爲當塗令往依之卒葬青山是時寶應  
元年也其始終閱歷可考見者如此所謂公嘗讀書於  
九華者當在天寶十四載前上秋浦時而郡志則又謂  
公樂五松山水之勝建堂讀書於此豈記者誤以九華  
爲五松抑銅陵別有書堂而此特其下居後人因以爲  
堂今皆不可考也噫公一代文豪也舊史稱公有逸才  
志氣宏放飄然有超世之心故其平生歷涉會無膠滯  
而後人仰之每因其所至而表見焉如齊魯之有酒樓

九華紀勝

卷七 諸勝山西一

甚

有六逸堂其在姑孰謫仙樓翰林宅十詠亭之類尤  
多清風逸韻千古不泯宜乎茲堂之建於昔而復於今  
志洪輩倦倦致意於斯而爲之惟恐後也抑嘗考蜀之  
彰明有大匡山山下亦有公讀書堂卽少陵寄詩所謂  
匡山讀書處頭白好歸來者是也遺址尙在今隴西寺  
而茲堂既移建化城寺側乃復有如侃者協力以相成  
之於此可見其風聲氣類之相感不徒在我儒輩雖異  
道之人亦皆知景仰而効力焉故不辭爲併著之碑刻  
石堂下志修復歲月若夫公之文章流播宇內光燄萬  
丈人皆見之又無俟予言之贅也志

孫棧重建太白書堂記

九華以太白而得名則太白之祠宇與九華而俱永可也自唐迄今祠之興廢更徙備登往牒無贅已隆慶己已毀於火其址遂為浮屠氏之廬而詩文殘碣落落於荒煙叢蘚之中矣萬歷五年春邑侯蘇淮楚先生以公務至化城訪古探奇過而慨焉命僧人某即遺址上方建書堂數楹肖其像祀之屬余紀其事夫以華之九十九峯秀拔江左非託湖海名世之英何以昭垂不朽以白之天挺人豪傲睨百代非茲山之靈異變幻亦何以駐其洋洋如在之神也耶是故太白往矣岫雲川月瑩

九華紀勝

卷七

諸勝山西一

共

然者其儀容也崖瀑谷響淙然者其警欬也朝霏夕靄琪葩瓊卉絢然者其文章也蓋宇宙寥廓正氣常存當時之所以眺玩而吟嘯者宛無恙焉百世之下凝睇遺跡不與白之精神相對越也哉語曰道不同不相為謀王君滌修昌黎之廟范希文構子陵之祠其趣一也觀侯之用心斯舉可以得其為人之槩矣侯名萬民江陵人淮楚其別號云

蘇志

柯敬之李白書堂

久欲華山訪謫仙謫仙書舍尚依然青松翠柏疑無路流水高山別有天千片浮雲飛碧漢一聲啼鳥破蒼煙

扶筇直上中峯頂俯看千山在眼前顧志

陳巖李太白書堂

蘭芷春風滿地香謫仙會臥白雲鄉山間精爽今猶在落月時時見屋梁九華詩集

柯暹李太白書堂

謫仙讀書處塵世少人知路盡天疑近巖深月到遲殘碑竊自續新塔共誰移老去空懷古巢雲未有期顧志

王守仁李太白祠二首

千古人豪去空山尚有祠竹深荒舊徑蘚合失殘碑雲雨羅文藻溪泉繫夢思老僧殊未解猶自索題詩

九華紀勝

卷七

諸勝山西一

七

謫仙棲隱地千載尙高風雲散九峯雨巖飛百丈虹寺僧傳舊事詞客弔遺踪回首蒼茫外青山感慨中王陽明全集

張名標李太白書堂

積雪山椒冷流花澗水香巖阿成鷲嶺僧舍簇蜂房盡禮金喬覺誰懷顧野王青蓮詩社散雲鎖舊書堂蘭坪詩稿

顧志柱明精舍在新建太白祠右為王方伯一楨建邑

令李如桂有記

○陽明書院在化城寺西嘉靖戊子邑令祝增以王文成公守仁宏正間兩至九華學者多從之遊為建陽明

書院後有仰止亭嘉靖甲午郡丞任柱改亭爲祠萬歷甲午邑令蔡立身重修前建石坊一座天啟癸亥邑令李如桂復加修葺內有鳳臺精舍南臺精舍雙華精舍還素精舍欽所精舍

王陽明先生年譜卷十四年奉命獄獄江北事竣遊九華

明史王守仁傳正德十五年張忠許泰恨失宸濠揚言帝前曰守仁必反試召之必不至忠泰屢矯旨召守仁守仁得永密信不赴及是知出帝意立馳至忠泰計沮不令見帝守仁乃入九華山日晏坐僧寺帝規知之曰

九華紀勝

卷七

諸勝山西一

艾

王守仁學道人聞召卽至何謂反乃遣還鎮

鄒守益陽明書院記

青陽九華山之勝與匡廬武夷競秀至李太白始發其奇嗣是詩人隱士仙釋之流相與經營其間而未存以聖賢之學倡而振之者宏治壬戌陽明王先生以恤刑至池變其勝而遊焉至正德庚辰以獻俘江上復攜邑之諸生江學會柯喬施宗道以游盡蒐山川之秘凡越月而去嘗宴坐東巖作詩曰淳氣日凋薄鄒魯亡眞承各勉希聖志母爲塵所縈慨然欲建書屋於化城寺之西以資諸生藏修而未果也嘉靖戊子金臺祝君增令

茲邑諷俗稽典始克成其志中建正堂大書曰勉志東

西有廊室而亭其後曰仰止合而命之曰陽明書院池

守韓君楷二守張君邦教往視而嘉之更議置田以贍

學者而九華之名將與白鹿雲谷煥然照方策矣諸生

樂其績之成也不遠南都以來徵言守益竊聞緒言之

教矣先生之學以希聖爲志而希聖之功以致良知爲

則良知也者非自外至天命之性靈昭不昧自塗之人

至於聖人同也特在不爲塵所縈而已矣二三子亦知

塵之害乎目之本體至精至明妍媸皂白卑高大小無

能遁形者也一塵縈之則泰山秋毫莫之別矣良知之

九華紀勝

卷七

諸勝山西一

艾

精明也奚啻於目而物欲之雜然前陳投間而抵隙皆塵也故戒慎恐懼之功如臨深淵如履薄冰所以保其精明不使纖塵之或縈之也纖塵不縈則無所好樂忿懣而精明之凝定廓然大公矣親愛賤惡無所辟而精明之運用物來順應矣大公之謂中順應之謂和中以立天下之大本而天德純矣和以行天下之達道而王道備矣此鄒魯之眞承也古先聖王競競業業克勤克儉不遁不殖亦臨亦保率是道也故堯舜禹湯以是道君天下而孔顏曾孟以是道爲天下師後之學者見聖賢之君師天下其成功文章巍巍若登天然而遂以爲

不可階譬諸入明堂清廟之中見其重門層閣千萬  
員前瞻後盼眩然以駭矣而不知所以翫造方圓規矩  
之外無他術也二三子其將求之規矩乎將求之方員  
乎良知之教操規矩以出方員也而摹方倣員者復闕  
然以禪疑之嗚呼愛親敬長吾良知也親親長長以達  
天下將非致吾之良知乎惻隱羞惡吾良知也擴而充  
之以保四海將非致吾之良知乎孰爲禮孰爲非禮吾  
良知也非禮勿視聽言動而天下歸仁將非致吾之良  
知乎是鄒魯之真承也而禪之疑禪之學外人倫棄事  
物遺肝膽耳目而要之不可以治天下國家其可以同

九華紀勝 卷七

諸勝山西一

三

年而語乎書院之建羣多士而青之固將使之脫未學  
之支離闕異端之空寂而進之以聖賢之歸也二三子  
處則以是求其志達則以是行其義毀譽不能搖利害  
不能屈夭壽不能貳使尙論道術者按名責實炳炳有  
徵焉則知良有司鼓舞之典眞爲聖代作人之助規模  
宏遠矣豈繫山水巖壑之遺而已乎

湛若水訪陽明書院

不見高人新建公舊遊跡已成空當時吟弄人何在

明月清風只自同

呂柟仰止亭記

仰止亭者青陽祝尹之所構也正德末年陽明王公與  
其徒講學九華山中一時青衿之士如雲滄霧集而致  
良知之說以行爲知之論由此其發也其徒守之如父  
母之命著龜之告而不敢易焉然亦有得者焉亦有不  
得者焉故天下之士是陽明之學者半不是陽明之學  
者亦半他日宏齋陸子伯載東郭鄒子謙之固蚤從陽  
明游者也數以難予曰予敢以陽明之學爲是乎予敢  
以陽明之學爲不是乎二子曰如子之言不幾於持兩  
端乎曰不然昔者先正以一言一字發人而況陽明之  
學痛世俗辭章之繁病仕途勢利之爭乃窮本究源自  
九華紀勝 卷七

九華紀勝 卷七

諸勝山西一

三

近及遠而曰行卽知也知本良也亦何嘗不是乎但人  
品不同受病亦異好內者不可與言禁酒也好奕者不  
可與言禁財也故夫子詎牛之躁言色商之直義達師  
之務外懼由之好勇故德無不成材無不達如人病瘡  
有在手者有在足者有在肩背者有在面目者皆足以  
帶一身之氣壅百骸之腫所病者去則全體無不安矣  
故受藥亦易而起其病亦不難故有知而後能行未有  
不知而能行者也猶目見而後足能走未有不見而能  
走者也若曰見走齊舉知行并進惟聖人能之故陽明  
之學中人以上雖或可及中人以下皆茫無所歸故論

語不道也亦何嘗是乎雖然自夫俗儒而言忘其良知而又不知以行之爲急也其弊至於戕民而病國則陽明之學又豈可少乎哉

順治縣志

之

祠前石坊刻高山仰止四大字旁署萬歷二十二年縣令蔡立身題

鄒元標重修陽明先生祠記

庚寅秋予赴銓曹舟過池陽望羣峯昂霄聳壑鬱鬱青靑問之則九華峯予乃躡蹻而登僧來亭指山隈爲陽

九華紀勝

卷七

諸勝山西一

三

明先生祠導予遊予至祠前荆棘莽翳堂戶傾圮不可爲禮予賦詩寄慨屬秦令君新之令君唯唯會以遷去畱金俟後來者而繼秦者爲蔡君君履其地慨然曰無論先生勲賢彌宇宙卽吾里先哲流風詎可令漸滅草莽間爲遂捐俸大加修葺堂額門廡仍舊而祭有田田有志備矣復遣僧來亭者問記鄒子以鄒子故竊聞先生緒餘予執筆茫然者累日憶予幼從鄉先正游言必曰先生心竊疑之而實嗜文清所爲讀書錄也者故曰必有錄然於先生學未嘗置念也及戍貴筑畱心格物之學語人人殊獨於先生致良知事事物物之間格其

不正以歸於正之語有入因歎曰往儒博物理於外先生約物理於內夫博約不同趨內外不相謀已久約而反求諸身者端本之學也然盤桓日久知與事相持正與不正相敵因讀先生戒慎恐懼語曰戒慎恐懼是功夫不睹不聞是本體已又曰不睹不聞是功夫戒慎恐

懼是本體曰合得本體是功夫做得功夫是本體恍然曰功夫卽本體本體卽功夫離本體而言功夫者是妄鑿垣牆而殖蓬蒿也然心雖自信而於所謂本體者若猶有端倪可卽於心未有當也年華浸盛至道無聞每

九華紀勝

卷七

諸勝山西一

三

所謂無善無惡心之體者遂躍如曰先生蓋已上達天德非庸儒所能窺測然元標從事先生之學蓋三變矣先生之祠所至增修而先生之旨不明則誰之憂乎予等與有責矣祠始議於予師大中丞鑑塘朱公子同年操江元冲張公二公皆當時名臣贊成於下則予同年兵憲玉峯侯君都諫南臺吳君太守滄南何君蔡君下車未幾首先茲典可謂知所重矣是爲記

願學集

劉光復庚申釋歸登九華謁陽明先生祠

歸存松菊過空堂九子峯高古寺旁瘴驛君應如李白夏臺余頗似鄒陽未明易道尤多悔私淑良知險亦常

此日登臨叻主聖却緣底事見羹牆顧志

鄉元標陽明祠有感

元化會將赤手扶名賢高勝映寰區先朝勲業誰能並

此地宮牆半欲蕪簷際閒雲蛛挂網松梢明月鶴呼雛

巖前空對蘋葉色幾向庭階薦束芻顧學集

王一楨陽明仰止祠

蝌蚪尼山學麒麟漢代功人分千古局公擅一身雄元

水珠先握迷川筏蚤通青雲蔭汗簡赤日照葵忠自奮

神羊觸宇甘伏馬志直聲寒九域正氣懣重瞳僮耳投

蘇老雷州遣魁公憑天驕國狗射影伏沙蟲劫盜遙行

九華紀勝

卷七

諸勝山西一

三

刺孤臣但叩衷誰知膏刃客猶能泝波翁信有良知在

無憂直道窮終焉迴聖怒無復據神叢風力南溟厚龍

光北斗冲為霖開幕府仗劍領元戎義戰宸濠縛妖氛

彭蠡空康侯勞汗馬楓陸賜形弓河帶盟淮上茅封出

海東濟川才既偉銘鼎志尤洪道蹟終無損經籍老更

豐壽山同祖禍聚石倚壘兩度芙蓉嶺諸峯錦繡中

曼陀花似雨聽講狻吟風半偈東巖唱巖歌絕頂工整

衣致構俎縹緲浙雲紅李志

陳以剛王大尹令祖司農公崇祀九華陽明先生祠

姚江講學處百年盛衰藻從遊四先生配享酌行潦愾

歎東巖詩鄒魯真承少岱岳司農公遺躅繼江表既同

系瑯琊等是國元老當時皆恤刑來茲昭天討允從四

子側俎豆永不祧况有文孫賢花縣甘棠紹昨從大吏

請齋板妥厥考迎神吉日時蘭芷擷溪沼叢祠古木深

斜陽噪山鳥靈風颺虛寢幽冥合一道山雨杳然來鸞

旂夜杳杳燭門詩集

蘇志鳳臺精舍在仰止祠左為本府同知任柱建柯喬

有記

郡志任柱廣東東莞人舉人嘉靖十四年任池州府同

知

九華紀勝

卷七

諸勝山西一

三

顧志南臺精舍在陽明祠東為都諫吳文梓建

郡志吳文梓號南臺青陽人萬歷五年進士歷官兵科

都給事中以言事降崇善縣典史卒於家天啟初褒錄

先朝之建言被斥者贈文梓太常寺少卿

蘇志雙華精舍在仰止祠右為邑侍御柯喬建郡丞任

柱有記

郡志柯喬字遷之號雙華青陽人篤志好學王陽明來

遊九華喬執贄為弟子既聞湛甘泉講學南都又往請

業焉嘉靖八年成進士累官貴州道監察御史外轉為

湖廣按察司僉事尋以憂去服闋改補福建備兵海上

以事觸權貴能歸先是喬偕同學在化城寺右朔陽湖書院復於書院右自築精舍既歿學者卽精舍爲祠以從祀陽明焉

顧志還素精舍在會文堂左爲封侍御劉繼建學博徐鳴臯有記

郡志劉繼字章甫號還素青陽人幼從鄉先正吳邦治講陽明之學以主靜爲功而極之於不動心焉特九華山陽明書院爲六郡之會繼往往爲之主其在鄉每以孝弟倡立宗祠設義倉所最著也後以子貴累封監察御史有還素精舍傍九華陽明祠歿卽其所以陪祀文九華紀勝卷七 諸勝山西一 三

顧志欽所精舍在會文堂右爲副使羅賜祥建邑令羅華衮有記

郡志羅賜祥字應敬號欽所青陽人幼好學在九華山僧舍篝燈夜誦焚其中不自覺山僧稱爲焚巾秀才隆慶四年舉應天鄉試歷官武庫司郎中出爲湖廣按察司副使嘗師事楚耿恭簡公定向悉本良知宗旨以主敬爲先務不欺爲實際可謂涉姚江之閩奧者矣有精舍附九華陽明祠卽以陪祀焉

○東壁祠在寺東爲長林畢似范建似范嘗講學於此

郡志畢似范字一衡號心坡石隸人少保尙書鏘之仲子幼篤學有希聖之志長以廢歷官戶部員外郎萬歷間命中使採珠寶於滇廣疏請罷之不報遂棄官歸益研精心性之學與貴池丁旦考究源流辨析同異每夜分不休嘗於九華山築精舍延四方來學之士歡欣接引適館授餐雖貴竭不顧也後遭母喪躃踴七晝夜裂肺而死學者祠之九華山東壁謂之東壁祠云

焦竑畢心坡先生東壁祠記

歲甲寅諸君子爲其鄉先正畢君心坡置尸祝拓基於九華之東壁層巒寫黛前憑後擁隱然天設其址長廣九華紀勝卷七 諸勝山西一 三

短狹皆如法榷稅輿昨勻賁繪飾無不中度歲時脩舉樽俎有常數致祭亦有常期堂固容奉禮其左右覆露有餘寬於燕息無所艱下擇守僧謹厚者以居供灑掃備巡葺於廢墜無所虞比量劑約區處匝至屹將百世存矣夫士有具一節飭一行立一言猶能並高深齊流時挂吻頰而不墜者如君孝友其所率性愛親憂國之心未嘗以難危避也且爲人多慷慨積能散安能遷誘掖後進諄諄不倦朋遊過從無論貴賤窮達率以道義相尙無挾貴之容恬吝使驕之色所師友盡一時之名賢時望士論翕然歸之先畢君在時創陵陽館舍集二

三君子朝夕切劘聲應者數郡無慮千百人君其寔領  
二十年不少怠易質之際語不及他拳拳以陵陽諸君  
爲念此可謂稱道不亂者殆如斯乎余與君嘗相講論  
習知君者無如余二三君子以故以君之祠堂記請余  
重述其意且不能默默於畢君呀後世名稱豈非上之  
願與芳腴者其積厚源深者其澤長斯知非泯泯矣昔  
兩楹就莫當日諸賢築場室植封樹求似聖人者而事  
雖一時及門服勤之誼不足以增夫子之高深實使千  
古可聞而知者也則今日東壁之舉所以繼陵陽之志  
其在畢君固無負於所學其在二三君子尙亦無負於

九華紀勝

卷七

諸勝山西一

三

畢君顧志

○金地藏塔在化城寺西神光嶺麓一小山歷八十四  
級以上建塔時其地發光如火故嶺名神光塔覆以殿  
瓦皆銅鐵爲之明萬曆中賜名護國肉身寶殿康熙二  
十三年太守喻成龍重修塔前向有笑指亭玉香亭華  
雲深鎖坊瑞光樓皆圯洗心亭會仙橋存  
泛舟山浙錄曰至化城寺飯罷謁金地藏塔又在寺後  
突然一山上常時可望大江是日適爲晴嵐所蒙  
陳詩註化城寺東當作西唐僧地藏貞元十年趺化年九  
十九檀信爲建塔於臺南三年塔成將遷舉頌狀如習

骨節有金鎖聲地發光景因名神光嶺

金地藏傳曰釋地藏俗姓金氏新羅國王之支屬也心  
慈而貌惡穎悟天然於時落髮出家涉海徒行振錫觀  
方至池陽觀九子山心甚樂之乃徑造其峰而居焉藏  
嘗爲毒螫端坐無念俄有美婦人作禮饋藥云小兒無  
知願出泉以補過言訖不見視坐左右間沛然流衍時  
謂爲九子山神爲湧泉資用也至德年初有諸葛節率  
邨父自麓登高深極無人唯藏孤然閉目石室其傍有  
折足鼎鼎中白土和少米烹而食之羣老驚歎曰和尙  
如斯苦行我曹山下列居之咎耳相與同構禪宇不累

九華紀勝

卷七

諸勝山西一

元

載而成大伽藍本國聞之率以渡海相尋其徒且多無  
以資歲藏乃發石得土其色青白不礮如麪而共衆食  
其衆請法以資神不以食而養命南方號爲枯槁衆莫  
不宗仰龍潭之側有白塔礮取之無盡一日忽召衆告  
別罔知攸往但聞山鳴石隕扣鐘嘶嗷踴跌而滅年九  
十九其尸坐於函中泊三稔開將入塔顏貌如生舉昇  
之際骨節若撼金鎖焉神僧傳  
何鑿記化城寺西南里許有神光嶺嶺有塔寺  
王思任記禮地藏殿隨喜其塔以堪輿理察之此山獨  
小圓直中立似萬萼護包者佛所藏亦八風不蕩入子



更須知矣

施閨章記一峯屹然四山雲合若羣龍之攫明珠者是為金地藏塔循簷送目虛白之氣遠接江海

陳巖地藏塔

八十四級山頭石五百餘年地藏墳風撼塔鈴天半語

衆人都向夢中聞九華詩集

唐一夔地藏塔一作周必大

渡海離鄉國辭榮就苦空結茅雙樹底成塔萬花中九華

山

陳巖神光嶺詩註南臺直上金地藏遷神之後發光如

九華紀勝

卷七

諸勝山西一

早

火

眼看恒河幾劫沙隨身鎖子骨鈎如嶺頭閃閃神光動

無盡燈中轉法華九華詩集

余翹神光嶺

蒼嶺盤空磴道長幽尋重問贊公房到來不用愁昏黑

夜夜珠光照上方浮齊集

陳巖笑指亭詩註金地藏塔前

多少人間狹路偏山川還是舊山川淡然忘笑兼忘指

默然成第一禪九華詩集

蘇志玉香亭在地藏塔下華雲深鎖坊在塔寺前南臺

知府吳炳庶題戶科給事中高鶴書瑞光樓在金地藏

塔寺之東嘉靖十三年同知任棟建督學御史聞人詮

題扁因前有神光嶺故名會仙橋在玉香亭下

李志洗心亭舊志缺今補按亭在塔下十王殿前亭楣

刻洗心亭三字秀畧丙辰贈題乃乾隆元年李太守重

建也

○平田岡在金地藏塔南即神光嶺之最高處岡下有

庵名南臺復有石浮圖皆金地藏常領一從者居於此

陳巖南臺詩註龍女泉南金地藏禪息所

舊日新羅國異僧山間散滿百千燈只將一默消諸妄

九華紀勝

卷七

諸勝山西一

四

坐透禪機最上乘九華詩集

○芙蓉峯在化城寺西南五嶺隆起與寺門遙對

李志九華自七井山發脈而來至芙蓉峯結為珠墩成

地藏塔院峯不甚高上起五嶺如青蓮花此峯在芙蓉

關之西南遙與關對者是



九華紀勝卷八

諸勝 山西二

華嚴嶺在化城寺南距東巖里許

閣詩僧智旭所居

郡志智旭號素華一稱藕益上人蘇州人住九華華嚴

菴工詩有淨信堂集

吳光裕華嚴嶺

迢迢華嚴嶺石竇偃蒼松峯外一峯出天臺隔幾峯

康熙

陳暉華嚴嶺

九華紀勝卷八

諸勝山西二

巖深秋老覺風涼手折蓮花別上方心被白雲留欲住

人如黃葉散偏忙勝情兩屐差堪濟詩債千峯未易償

歸去靈山仍在望向南嵐翠落門牆

石船詩草

○東巖舊名東峯在化城寺東巨石豁窅突兀如舟虛

敞似屋金地藏始棲於此一名晏坐巖又名捨身崖巖

巔為飛雲石倚天坐折而南為堆雲洞洞前舊有環竒

亭今改建佛殿殿左窗櫺洞達而東向者曰天籟軒崖

南畔有金跡石其高僧則有周金道士則有蔡蓬頭巖

僧祖格清時輯有東巖志

陳詩註晏坐巖若地源南金地藏嘗攜道侶晏坐巖中



定起而還

何璧記塔東里許有東巖舊名舍身崖深無底止陽明

嘗於絕壁題詩易今名

蘇志圖跋惟燕坐巖鬼然特峙於寺之東隅尤為萃秀

之所昇巖四顧則長空飛練萬壑鳴秋飄飄乎有遺世

獨立羽化登仙之意矣

壺中九華集吳襄詩全家住石船註崖形如船人呼曰

石舟

考異曰東巖為金地藏初至九華棲止之處俗呼捨身

崖謂地藏捨身空門如梁武帝三捨身同泰寺陳高祖

九華紀勝卷八

諸勝山西二

捨身大莊嚴寺耳古人皈佛謂之捨身史云二帝捨身

羣臣以錢奉贖表請還宮果捐軀也雖億萬矣能贖哉

愚夫不曉此義以投崖身死為得解脫夫投崖可以解

脫地藏胡弗先為之而猶坐化函中耶

東巖磨崖

宴坐巖內懸石倒覆處仰刻王陽明與周金和尚偈云

不向少林面壁却來九華看山錫杖打翻龍虎隻履踏

倒巉巖這箇潑皮和尚如何畱在世間呵呵會得時與

你一棒會不得時且放在黑漆桶裏偷閒後有正德庚

辰三月八日陽明山人王守仁到十六字

齊山磨崖辨曰馬公郡志以先生年譜庚辰正月入九  
華二月已有觀兵九江之作疑其三月不應尚留九華  
茲據寄隱巖磨崖清明在齊山是歲清明乃三月九日  
則三月八日在東巖有足証也年譜云云殆二月有觀  
兵之命至三月初旬方自九華過齊山而去耳  
東巖二大字旁署李暉書又朱笥河先生九華題名碑  
亦在巖內

陳巖宴坐巖

掠地霜風黃葉飛山人宴坐已多時但知六鑿俱通透

不省支牀舊有龜九華詩集

九華紀勝

卷八

諸勝山西二

三

王守仁巖下桃花盛開攜酒獨酌

小小山園幾樹桃安排春色候停橈開樽旋掃花陰雪

展席平臨松頂濤地遠不須防俗駕溪晴還好着漁舸

雲間石路稀人跡深處容無避世豪

巖頭閒坐漫成

盡日巖頭坐落花不知何處是吾家靜聽谷鳥遷喬木

閒看林蜂散午衙翠壁泉聲穿亂石碧潭雲影透晴沙

癡兒公事真難了須信吾身自有涯王陽明全集

陳第登九華東崖絕頂

昔從江上望數朵遠空青今在崖頭坐竒峯併此亭高

能摩斗極秀自洩坤靈信宿堆雲洞風塵夢已醒五嶽遊草

胡宗仁登東巖

始經五溪路望見九華頂如賭仙人儔雲中列羣影行

行入翠微細路束危嶺屢息古樹林汲泉煮山茗漸升

東巖巔衣裳雜雲冷雲始片片生倏爾成千頃恍若天

上居豁然發深省李志

蔣超登九華東巖

列萼攢峯費化工老僧次第說芙蓉何時插脚東巖外

補足雲開一百峯續菴集

施麟章九華山東巖自注旁有天柱峯王文成嘗燕坐東巖

九華紀勝

卷八

諸勝山西二

四

出巖東巖好橫開翡翠屏招提含宿雨洞壁倚寒星杖

底千峯小煙中九子青昔人曾燕坐天柱一荒亭學餘詩集

潘耒宴坐巖

大士潛修地雙趺尚宛然巖空眠似屋壁削望如船崩

合疑無地江翻覺有天由來參觀者相見別峯巔遂初堂集

吳襄東巖有感

松石關嶙峋竒山逢故人往來天際路吟嘯夢中身三

月雪猶凍一巖花不春泉聲雲外落洗盡十年塵壺中九華集

劉柏乾隆二年丁巳四月自江寧會讞還皖道過青陽

登九華遊東巖之天臺信宿僧寺得二十韻

周覽江上山九華更縹緲尖峯露奇秀懸崖復天矯去

年過五溪未能恣幽討蒼翠在空濛悠然映清沼今歲

重行役秋典已粗了式敬盟此心山靈堪默禱仰觀四

宇清肩輿尋窈窕濤聲漱青松雲影入翠篠曲折經古

寺眼底塵埃掃禪關頗寂靜佳境易昏曉更上東巖東

衆山培塿小搜茲煙霞窟疑是神仙島結茅凌清虛天

臺出雲表飛雪挂流泉俯仰澄懷抱翼然天籟軒吳君

題句好天籟軒中吳七雲先生銘句甚佳淡淡一鳴雲寂寂千林鳥深

山如太古淨土生瑤草昔望不可即蓮花仍杳杳攬勝

九華紀勝 卷八

諸勝山西二

五

歷層巔奇觀相與繞始知深妙處未可憑遠眺石刻

陳芳登東巖

行到東峯峯盡聚東峯似舫兩崖分秋高鷹石臨風立

春暖龍泉帶雨聞苦行僧餐巖下土豪吟客卧嶺頭雲

天臺有路招劉阮更訪胡麻闕水濱華溪草堂集

洪亮吉石舟崖贊自註即東巖

羣峯西傾一徑東突下視佛樓陷同蟻垤萬愁蒼蒼蓋

此九野摩挲石碣行感逝者更生齋集

蘇志飛雲石在冥坐巖上知縣蘇萬民題

飛雲石磨崖千峯坐照四大字旁署汝南吳同春題羣

巒會奇四大字旁署口虞阮演又華境第二四大字旁

小字不可辨

倚天坐三字無書人姓氏在巖巔

蘇志堆雲洞在東巖上邑令蘇萬民題

萬歷邑志環奇亭在堆雲洞前九華峯巒之奇於此環

聚故名

吳文梓東巖佛殿碑記

化城東一峯蜿蜒為東崖地藏焚修初地也有洞曰堆

雲巖曰宴坐峯巒峻絕高插雲表俯瞰數百里泉飛岫

立如列掌紋真九華一大觀也四方之登山者歲不下

九華紀勝 卷八

諸勝山西二

六

十萬人佛號連天哀求冥福一謁法王塔輒踉蹌而去

其陟東巖者百無一二焉夫東崖去化城高不踰二里

許苟能持半日糧陟巔遠眺凡九十九峯之奇秀足雖

未歷而目已全攝其於梯航跋涉之苦亦差足償也而

顧祈禱者多探奇者少即一崖而登者尚寥寥他如危

峯刺目焉道盤雲為遊展之所不能躡者又何怪其千

載蕪沒空山也哉乃世搜探不深而妄以為九華可望

不可登又私訝地藏棲真何甘處湫隘之化城而不擇

一奇秀處居之抑知九華之奇秀聚列於東崖當地藏

卓錫時早已盡挾其靈奧而納之袈裟半臂矣曩王姚

江所禮周金和尚卽其地嗣僧普通承先啟後思所以  
修創而莊嚴之行將募鼎建因余有檀護之誼丐予勸  
募予思語人以山水人卒莫之解惟藉佛力以倡焉自  
有羣起而應者因聚族屬而語之曰余家乘所紀遠祖  
用之公最初與地藏遇賦詩垂贈有慕道相逢之句事  
蹟甚異吾吳之子若孫與地藏之子若孫夙有因緣又  
何惜此片地不力新之以彰神聖之遺跡諸父老咸感  
此語欣然解橐不日而工役聿興先爲之殿以焚修次  
爲之堂以收東南諸勝復面東爲樓樓下爲軒以憩遊  
客其制宏麗縝密頗與巖洞之勝相稱余於落成而登  
九華紀勝 卷八 諸勝山西二 七

覽之歎曰佛力之感人若此哉夫山水冷趣也惟佛果  
冥福輒能熱人之中故海內佳山水每盛於一二香火  
仙佛之宮而游人之筇屐日多山靈之聲價反日減吾  
恐殿成以後其寬敞足以納客金碧足以炫人梯航來  
者將于于登焉安保他時東崖不如化城喧雜以致香  
火盛而山水掩也乎爰勒此語於石願後之來遊者因  
法王之勝跡以探崖壑之幽奇庶於地藏卓錫清淨之  
初心不至相左也夫萬歷四十七年歲在己未九月吉  
日碑

天籟軒康熙間田別駕庶額曰天籟悠然因名

吳襄東巖天籟軒銘

東巖之東翼然軒廡倚洞若負瞰巖而俯日月當牖煙  
霞啟戶天臺瀑懸閔溪流聚觸石爭鳴乘風乍鼓簞酒  
蒼嵐松飛白雨鳥寂千林雲歸一隴列翠成屏凌虛結  
宇芥子安居蓮花坐數身接層霄神游太古天籟在心  
悠然領取立洗塵根來皈淨土 石碣

按金跡石磨崖有仙掌崖三字又沿崖北行數十步絕  
壁有雲舫二大字旁署康熙五十七年孟冬山右河東  
袁廷選題又雲深處三大字旁小字莫辨

郡志周金和尚明正德間自少林來居九華東崖石竇  
九華紀勝 卷八 諸勝山西二 八

中新建伯王守仁登九華金謁之守仁與語有契因留  
一偈又贈以詩嘉靖戊子金去九華不知所之

李志周金太平山僧也嘉靖戊子金還太平山未久踟  
蹰而逝

王陽明先生年譜宏治十四年先生遊九華訪道者蔡  
蓬頭請問仙道不答頃之引至後亭屏左右再拜請問  
蔡曰汝禮貌雖隆終不忘官相大笑而別聞地藏洞有  
異人坐卧松毛不火食者有年先生歷巖險訪之異人  
方熟睡先生默坐其旁久之開目視曰周濂溪程明道  
是汝儒家兩個好秀才轉身復睡明日再往其人莫知

所之矣

九華散錄蔡道士不知所自來常蓬首不櫛人以蓬頭

稱之宏治中居九華之東巖下後不知所往

○由東巖崎嶇北行歷小天柱峯插霄峯以達於摩空

嶺嶺上有飛來石摩空亭摘星菴萬歷間老僧海玉居

此故俗稱百歲宮嶺側為說法臺迤北有鷹石棋盤石

伏虎洞諸勝洞之異僧曰睡虎

施閩章記天柱峯最高俯視化城為一盂

李志天柱菴在東巖北

梅清天柱峯

九華紀勝

卷八

諸勝山西二

九

峯頭更上升天柱足底無憑只太空世外蒼茫休悵望

白雲揮手任西東瞿山詩畧

吳國靖天柱菴值雪

滿天風雪蔽空山梵閣無人早閉關玉磬一聲持半偈

蕭然分得老僧閒鳴草

顧志插霄峯在摩空嶺左按石壁上有周汝璣黃尊素

題名

吳襄壺中九華集絕句曰烈烈黃忠端姓字照天口擬

構雙懸亭守護磨厓筆注云插霄峯前石壁高數丈上

勒黃尊素周汝璣同遊字蹟忠端同周玉汝登九華詩

有絕壁雙為懸姓字敢云山水並高深之句蓋指此矣

擬面壁建亭曰雙懸為名山增色焉

蘇志摩空嶺在東巖側嶺上望長江千里如帶

洪亮吉摩空嶺贊

秋風集谷鳴蟲不驪露白於月光疑九霄三更中峯謂天

柱霄彩明滅飛仙人來識此佳節更生齋集

蘇志飛來石在摩空嶺上吳同春題

邱兆麟題飛來石

目力窮千里遊情恣十分捫蘿躋翠律選石坐氤氳景

騰蕪於應仙靈慰所聞衣裾兜欲滿都是嶺頭雲李志

九華紀勝

卷八

諸勝山西二

十

陳塾飛來石

飛鳥化為石九華添一峯夕陽明濛濛空翠落寒鐘巖

室大如斗山僧枯似松坐看雲影起何處覓芙蓉四堂詩草

陳墀小雨至飛來峯步從兄梅臨壁閣韻

山曉遠鐘微狂僧約竟違風濤搖石船煙雨鎖巖扉千

水樹頭落一峯天半飛青蓮詩興好誰共對寒暄石船詩草

磨厓海潤天空四大字在飛來石下環翠菴之上

萬歷邑志摩空亭在摩空嶺上

顧志摩空亭萬歷七年邑令蘇萬民建

沈懋學摩空亭

萬仞峯頭一振衣十洲遙見白雲飛塵寰未是仙人宅

且向遙空馭鶴歸郊居遺稿

萬歷邑志摘星菴在摩空嶺上萬歷七年邑令蘇萬民

建

李志百歲菴在天柱菴北

郡志海玉字無瑕順天宛平人行脚自五臺遍天下而

峨眉四至焉萬歷間來住東巖摘星亭閱一百有二歲

拈偈而逝逝後三年其徒將火之啟視顏狀如生遂漆

其體塗金為文像供養亭內至今稱百歲菴云

按海玉生正德八年癸酉卒天啓三年癸亥

九華紀勝

卷八

諸勝山西二

十一

沈懋學摘星菴

碧霄雲取自僊僊一笑黃塵隔大千不是長庚翻入夢

人間何處覓青蓮郊居遺稿

袁濂文摘星菴贈圓暢上人

縹緲蔚藍天峯頭老衲禪千重花世界三宿月因緣見

慣忘真佛吟遲愧謫仙明當歸澗戶只共此雲泉印溪書屋

稿詩

李志說法臺在摩空嶺側石刻三大字

日游集鸚鵡石摩空嶺下說法臺鸚鵡石側

謝陸雲說法臺

高處登臨眼界開摩空嶺上獨徘徊探竒未盡遊山興

又上生公說法臺

百尺凌虛勝虎邱老僧引我踏雲遊四圍頑石如人立

盡日談經可點頭墨跡

吳襄由東巖至伏虎洞望雲峯詩註云洞之巔有鷹石

禿石

李志伏虎洞亦名睡虎洞在摩空亭棋盤石之北

九華散錄萬歷壬子冬有僧卧甘泉院嶺北洞中是歲

一雪四旬跡處氣蒸汗沸如珠人訪得之有以飯茹

進者隨少與多必盡然亦有却不食者常不言言或發

九華總勝

卷八

諸勝山西二

十一

人陰事眉長面赭目光如射兩耳際各茸毛少許指爪

如麻姑吳光錫訪之曰爾識我睡虎石再訪之去矣

磨崖別有天地四大字旁署

潘耒伏虎洞

徑險從猿挂崖危舊虎巢半龕留客夢一飯試山肴石

勢翻風旆峯稜疊卦文應知習定者不受一塵消遂初堂集

洪亮吉伏虎洞贊

截峯成佛削石製虎一松千年栽作木主大石自轉枯

僧不驚半黍出洞初疑耳鳴更生齋集

陳瓌遊伏虎洞登棋盤石

巖峯當面落半壁覺天低僧老洞爲屋石高松作梯探  
奇寧惜命選勝定留題回首白雲起來時路已迷詩梅田

陳塾遊伏虎洞登棋盤石

古洞倚崖懸老僧延我入陰風吹颺廳空翠客衣濕洞  
頂天光開巖峯如拱揖一石當空撐兩松夾石立對峙

分東西天然作梯級夜靜聞棋聲月出仙人集詩草

○由東巖拾級西下數折爲龍女泉又數折過漸昇亭  
址爲緩步亭再數折抵巖麓有閔公墓百桃園

郡志龍女泉在東巖之半

按龍女泉有二一在東巖一在化城寺西詳見卷七

九華紀勝 卷八 諸勝山西二 五

蘇志漸昇亭在緩步亭上巖之翠微也

顧志緩步亭在東巖之麓吳同春題其石曰緩步因名

亭焉

磨崖緩步二字旁刻□□吳同春書

吳翔有東巖緩步樓碑記

郡志閔公名讓和青陽人東巖山主也地藏初至山向

讓和乞一袈裟地與之後偕其子爲寺伽藍號長者其

墓在東巖下

陳塾閔公墓

選勝東峯幾度過偶因寒食弔煙蘿九層塔護金喬覺

三尺墳畱閔讓和老帶曉雲浮嫩綠源經春雨長微波  
當年只捨袈裟地便與名山共不磨詩草

郡志僧敬簡號佛萌住東巖之麓自開一圃種桃百株

號百桃園日吟咏其內有百桃園集韻一卷里人吳鍾

爲之序

○茗地源亦名閔源在東巖東溪上產茗味殊佳

江南通志閔源在九華山由神光嶺南遶東巖外上中

下凡三處皆產茗

考異曰由化城寺東踰華嚴嶺渡溪曰閔源爲登天臺

者所必經之路正當宴坐巖東陳清隱九華詩集註謂

九華紀勝 卷八 諸勝山西二 五

在巖北誤閔公墓在宴坐巖西麓新郡志載於閔源麓

亦誤

陳巖茗地源

暖風吹長紫芽壅人向山頭就水烹陸羽儻曾經此地

谷簾安得擅佳名九華詩集

吳仕義茗地源

犬吠披雲客花迎看竹翁山家供玉乳一椀便生風李

張惣過閔源

閔源傳派遠夾道作溪聲風激雜松聽雨傾穿石鳴擔

書無徑入探藥有僧行午枕遙聞罷長合魂夢清郡志



○東藏源在化城寺東

陳巖東藏源詩註化城東平原沃壤兩山之間怪松檉柏石耳雜藥樵採無窮

賦雨增多樹色深惠風吹轉藥苗新一灣水繞旃檀國

流向山前普濟人九華詩集

○中峯在東藏源東九華之正中也上有甘露泉一名

仙人峯宋時嘗徙李太白書堂於其麓明嘉靖初即其

地為湛文簡公若水建甘泉書院及中亭今皆不存院

基側有甘泉石石下出泉味甘美曰甘泉

陳詩注中峯東藏源東尊居於中峯峯環列上睇日月

九華紀勝卷八 諸勝山西二 五

下颺雲雨清泉迸石翠霧凝空昔有羅漢居之

費冠卿題中峯

中峯高拄沆寥天上有茅菴與石泉晴景獵人曾望見

青藍色裏一僧禪唐詩紀事

陳巖中峯

峴鬱盤紆直挂空峽峯環繞獨居中山頭要看僧禪定

南北東西路各通九華詩集

夏良勝登中峯和陽明山人

客裏有懷風土好眼中無障畫圖開一江煙影孤帆過

半夜潮聲送月來松關迴應自鐘磬竹泉分雨淨飛埃

山僧也欲窮幽勝踏遍緇經最上臺江西詩徵

皇甫濂遊中峯憩竹下石成詠

悵憶高僧迹空餘竹院陰偶來成燕坐猶可會禪心春

色花開暮山光雲際深無情鳴谷鳥亦自戀蕉林盛明百家

選詩

陳巖甘露泉詩註中峯上泉味甘美如飲沆瀣舊有禪

取以療人之疾或曰在雲門寺北

山接靈河兩派長松間石上瀉天漿幾思吸取清冷味

洗我一生煙火腸九華詩集

何璧記有仙人峯舊為李太白書堂基今有甘泉書院

九華紀勝卷八 諸勝山西二 六

萬歷郡志李白書堂舊在仙人峯下按仙人峯即中峯

摩空嶺即中峯頂也

明一統志甘泉書院在化城寺東為禮部尚書湛若水

建呂枏記

郡志甘泉書院在九華山中峯之下明嘉靖初邑諸生

為增城湛尚書若水建

顧志甘泉祠即書院嘉靖十三年督學御史聞人詮屬

知府侯緘同知任柱建尋廢萬歷五年知縣蘇萬民重

建二十一年知縣蔡立身重修改為甘泉祠其前有甘

泉石上刻甘泉二字

呂柟甘泉書院記

九華者池州府青陽縣西南之山也其下有五溪曰龍溪瀾溪漂溪雙溪曹溪出山五谷合為一流妙當山央宛若地肺九華羅綻乎芙蓉六泉旁湧乎金碧於是南引羣翠北入大江世傳江南之山莫秀於九華而九華之勝實行於五溪蓋信吳楚之美石鍾江湖之英者也嘉靖乙酉青陽生江學會施宗道來南都受學於吾甘泉先生暇或談及九華先生飄然有往之意二生對曰願築書堂立以候也越明年柯生喬亦及門受業勃興其構之心又明年邑尹德興祝增北覲而還亦翩然欲

九華紀勝

卷八

諸勝山西二

七

助舉之二生乃徧選九華之妙獲茲五溪之選諷日程工召匠計木其地舊有小菴後帶淫祠祝尹即曰廢撤用廣厥基宗道曰經營出於民力於義則弗堪創建舉於公家其事則難久乃出身貲金以董其務而祝君捐俸以贊其能後以他阻未竟厥成未幾甘泉先生自南少宰被命徵入宗伯二生及潮陽周字先永豐呂懷宜興周衝懷寧尹愔送先生至淮安或至彭城先生猶拳拳不忘九華也使道通堯臣居五溪限之以三年有詩以遣使克道汝德遊九華望之以九秋有詩以送諸君歸皆示子而施江二生星言先往哀是地之秀俊以俟

也今甲午春提學聞人君同巡按虞君其莫陽明先生

祠於是池州侯守因白其事二君乃相基於化城寺之東命侯守構講堂齋舍曰甘泉書院而同知任君柱遂捐金買田計二十畝以為書院資既落成學會請記其事予歎曰嗟夫九華者古九子山也今茲之名則唐李白之所改也白與高霽韋權輿嘗訪道江漢隱於夏侯之堂開簷岸幘坐眺松雪以茲山舊云九子按圖徵名無所依據太史公南游略而不書事絕古老之口復缺名賢之紀雖靈異往復而賦咏罕聞於是始改為九華有聯句云然其詩或歎標日壁霞之景或羨玉樹羽

九華紀勝

卷八

諸勝山西二

六

人之况若甘泉先生之遣尹周也其詩則曰人人有真源自酌乃自得送呂周也其詩則曰神物貴變化九仞安可停彼李白之訪道曾至此乎夫先生嘗患人之徒知而不能行也則著知行並進之說又患人之徒養心而忘所有事也則著心事合一之說而以隨處體認天理發之諸君之九華築居者以是為居而無忘乎寢興遣行者以是為行而無忘於動履游觀者以是游觀而無忘於登覽察之隱微之際驗之飲食男女倫事物之間久常見五溪同出一源九華生於一本也夫揚州有甘泉行窩葛澗所作也予嘗記之以是為說矣金蔘

有新泉精舍史際所作也予嘗記之以是爲說矣九華  
先有仰止亭祝尹爲陽明王先生所作也予亦嘗記之  
以是爲說矣今又於甘泉書院云云蓋棟爲先生禮閣  
所取士受教最久且深故敢發先生之旨以告諸君願  
從事於力行而不文飾於外也不然則行窩也精舍也  
書院也適足爲先生多而予記之爲贅辭願

顧志中亭在甘泉書院左南陵汪景邑人施宗道建

汪景中亭記

亭取中名中峯華之中也命名者誰吾師甘泉湛夫子  
也夫子建書院於中峯落成之日乃來自甯都偕門下  
九華紀勝卷八 諸勝山西二 九

諸友共聽講於書堂而於爲己爲人之訓諄諄尤不倦  
焉越三日重登眺巔贊行者獨陸侯以逸興獨追踵其  
勝跡景與施子大觀幸獲命侍從簪筆之列其亦不負  
遊山之緣也已日霧廓雲收海天來碧層巒簇簇獻  
奇競秀惟茲峯屹乎其中挹眾水之歸流環羣山之拱  
峙蓋化城以下諸峯未及睹也於是夫子景與地會物  
與目會趣與神會席草茵以幽憩攀松崖而遐觀進景  
謂之曰道至乎中而備山至乎中而勝其義二也予盍  
爲中亭以誌之因與陸侯各坐一石而定其號復指旁  
石示景以坐所豈非以中道立教欲人各知所止之意

歎噫嘻自妙有開華之詠造化尤物之語一經品題古  
今豪儁慕九華者寧獨吾夫子哉怪如鬪雞麗如螺髻  
叢如蓮花古如老人峭如雲峯峻如天柱按圖望景莫  
不心駭目異爭欲一履其境然卒考其所之不過遵舊  
轍騁奇觀弔謫仙之遺跡窺地藏於幻化耳孰知九華  
之有中峯涵精蓄粹固不因見而顯亦不因未見而隱  
矣乎泉翁夫子以中道履天下之地以中心觀天下之  
物宜其以中峯定天下之居然則茲峯之得爲中也雖  
今日而始顯實曠古之有遺是故亭之作景不能已也  
雖然竊有言焉山之中以定形人心之中以有定理

九華紀勝卷八

諸勝山西二

九

無常在中無常名指是亭以見山之中可也拘四方上  
下之中以例吾心萬感萬殊之中不幾於執中矣乎後  
之君子登斯亭者玩中之義而求諸易之時焉庶不失  
夫子命名之義而知陸侯之守地者政出於用中矣景  
不敏敢規成亭制以記一中之教於無窮云願  
江南通志甘泉在東巖中峯下明嘉靖初湛若水講學  
於此書院旁有一泉公自署曰甘泉  
蘇志甘泉石在甘泉書院側湛尚書若水題石底有泉  
湧出故名  
磨崖甘泉二字在甘泉石上

○中峯側有會仙峯唐道士趙知微宴羣仙處其下有  
大還嶺知微燒丹處斧柯嶺兩仙對奕處

考異曰陳清隱會仙峯詩有人間風雨山頭月之句此

用趙知微事張皇仙境耳非謂是峯即知微玩月地也

舊山志乃以會仙峯為知微中秋遇雨率其徒玩月因

是詩而附會之不思玩月事在天柱峯見三水小牘若

清隱詩註中明云知微宴羣仙於此今云玩月不與會

仙之義相左耶

陳巖會仙峯詩註中峯側趙知微常宴羣仙於此

仙袂飄飄拂翠巖知微來此宴羣仙人間風雨山頭月

九華紀勝卷八

諸勝山西二

廿

始信仙家別有天九華詩集

羅少微大還嶺

還嶺高頭霽色清知微會此學無生鳥從青壁屏邊過

人在白雲天際行一片晴霞迎曉日千年老檜起秋聲

箇中仙景真奇絕寶塔玲瓏最得名李志

陳巖大還嶺詩註中峯下知微煉丹所俗呼太灣

龜腸剝盡不緣饑鶴骨生來豈解肥煉得丹成生羽翼

山中無復趙知微九華詩集

蘇志斧柯嶺在中峯下世傳仙客圖棋於此

陳巖斧柯嶺

偶爾觀棋忽爛柯豈知勝負是如何歸來笑問人間事  
恰是人間勝負多九華詩集

徐鳳翔斧柯嶺

陟嶺看棋偶息肩斧柯已爛始言旋山中轉覺千年速

世外還爭一着先橘裏輸贏誰再問樵夫歲月我癡癡

業黍也有年枯事不獨清霞入洞天樵坪詩草

陳襄烈斧柯嶺

看奕足稍停下山柯已爛仙家日月長一局成今古國

詩

○澌澌水在中峯北透峯麓而下匯為飲猿潭深碧可

九華紀勝卷八

諸勝山西二

廿

玩再下為漂溪西流為五溪之一

顧志澌澌水在中峯北西流或淺而出或深而衍亂如

絲棼其聲澌澌然

陳巖澌澌水詩註中峯北西流

危柱抨抨曳素絲水聲還解發天機風來未定威還住

恍訝山中鼓瑟希九華詩集

陳巖飲猿潭詩註漂溪上源澌澌水流向中峯北直下

為潭

月照秋空風滿林孤猿渴飲碧潭深我今忘我兼忘物

兀坐怡然不動心九華詩集

郡志漂溪從飲猿潭西流而下為五溪之一

陳巖漂溪詩註飲猿潭水西流為溪

搖搖曳曳水西流風定波凝不起漚傍岸人家星散住

塵埃終莫汚沙鷗九華詩集

○龍池一稱龍潭在化城北綺霞峯西其上為五龍灣

每一灣為一池注下為千尺泉傾瀉池中噴沫跳珠涌

洶數丈所謂龍潭也旁有白塔窟復注下為弄珠潭出

伏龍橋北流為五溪之一

太平御覽引九華山錄曰山之上池塘數畝水出千

石其流洩為龍池溢為瀑泉入龍潭潭有白塔窟

九華紀勝卷八諸勝山西二 三

陳詩註龍池山之絕頂崖立四壁巉絕屬天自五龍灣

合流為千尺泉傾注池中濛濛然如龍噴沫騰湧數丈

寒氣凜然潭深而碧莫知其極

何璧記甘泉書院東北里許有鳧鴈峯有龍潭波流清

澈色如蒼苔有綺霞峯有合澗二水合流下瀉為千尺

泉

蘇志龍池在上下華池之間

釋應物龍潭

石激懸流雪滿灣五龍潛處野雲閒漸收雷電九峯下

且飲溪潭一水間浪引浮槎依北岸波分曉日浸東山

回瞻四壁如看畫須信遊人不欲還唐詩紀事

高子洪龍池

九朶芙蓉天琢開煙霞靜處翠成堆鹿銜花向林邊過

龍帶雲從樹杪來最愛山中閒日月如遊海上小蓬萊

翛然自覺清風爽直欲臨風到上台蘇志

陳巖龍池

噴激喧騰無已時驚雷出地怒濤隨水從千仞峯頭過

遇險應成一殺奇九華詩集

王守仁觀九華龍潭

飛流三百丈瀕洞祕靈湫峽坼開雷斧天虛下月鉤化

九華紀勝卷八諸勝山西二 四

形時試鉢吐氣或成樓吾欲鞭龍起為霖遍九州王陽明全集

陳巖五龍灣詩註龍池上源五池相貫如連珠然內一

池方而平

石骨分開四角稜日華磨透鏡光明水流圓折仍方折

忽作鏗然戛玉聲九華詩集

陳巖千尺泉詩註上下二龍池之間飛瀑直下全規詩

斜飛千尺水直拔九條峯

下臨無地上連天中有飛流湧滿泉今我不圖今日到

詩成要檄兩龍眠九華詩集

費冠卿化城寺記地藏閉日石室其旁折足鼎中惟白  
土少米烹而食之又曰其徒實衆師憂無糧發石得土  
其色青白不摻如麩

太平御覽引九華山錄龍潭有白塹窟其土如麩歛歲  
人多食之

陳詩註白塹穴金地藏居山學徒日衆因坎土得白壤  
甘滑如麩衆賴以濟費冠卿有滌泥時和麩之句

神僧傳曰其徒且多無以資歲藏乃發石得土其色青  
白不礮如麩而其衆食龍潭之側有白塹礮取之無盡

按礮  
同阮

九華紀勝

卷八

諸勝山西二

五

考異曰予讀九華山書郡邑志謂白塹穴在東巖下及  
設榻巖之天籟軒下上林麓間求所謂蟻穴不可得心  
竊疑焉乾隆丙申郡伯張芝亭先生重修郡志予與校  
訂舊編之役始據六書故更蟻為塹蓋塹白塹土也然  
終未知穴之所在茲讀永樂間所修神僧傳見其刊本  
從塹并知穴在龍潭側與太平御覽所引九華山錄龍  
潭有白塹窟之說相符始歎古人先得我心矣

陳巖白塹穴

炊沙自昔終難飽坎土於今乃可餐翻笑青泥變青石

稽康無分啜仙丹九華詩集

陳蔚白塹穴

白塹復白塹膩滑堪和麩有麩且摻和無麩將奈何昨  
日鄰家糧已絕今朝市肆米復缺銀賑未來粥廠遙敲  
望瓊脂與玉屑攜鋤急取莫遲疑煮石炊沙可療饑充  
腸今號觀音粉糊壁昔稱處士泥自古成仙也如此青  
髓能吞方不死小女嬌癡弗肯餐淒然銜土淚潛潛堪  
歎前邨尚閉糶復誰將此窮情告梅緣詩鈔

何壁記有弄珠潭漚浮如珠

弄珠

九華紀勝

卷八

諸勝山西二

其

陳巖弄珠潭詩註龍池下既碧且深有耕夫宿山中夜  
覺光彩洞射溪谷熟視之有龍驤首玩珠

龍抱明珠出岸隈夜光草木亦昭回丁寧莫向深潭睡

恐有人從領底來九華詩集

○龍池西有花塘澗北有龍池菴東有綺霞峯綺霞之  
北為鳧鴈峯在上下龍池之間

陳詩註花塘澗龍池西其水來自放生池蓋化城寺所  
散香花隨流而下地藏時嘗置水碓俗名水碓阮

考異曰花塘澗九華詩集註言金地藏居住化城之時

寺僧嘗置水碓於此其碓非地藏所置也新舊山志及

郡邑志日游集直謂地藏嘗置確於此皆誤

陳巖花塘澗

疏巖剔藪空王宅金碧光中開寶坊日日散花方丈裏

山門流水例沾香九華詩集

湯顯祖花塘答蘇青陽

巖壑朦朧煙雨初龍池風色散花餘遊人自惜三春草

仙令裁飛五色魚五菴堂全集

明邑志龍池菴一名清隱

陳巖龍池菴詩註龍池北唐詩僧神穎所居

惠崇往矣邈遺蹤時有風來撼古松想見草庵無恙日

九華紀勝卷八 諸勝山西二 七

月明池上獨支筇九華詩集

陳巖綺霞峯詩註龍池東瀑布直上旁臨巨壑林木尤

美朝暉夕照燦若綺霞

欲識晴嵐態度奇直須待到夕陽時回光倒影山如染

狀出餘霞散綺詩九華詩集

顧志鳧鴈峯在綺霞峯北上下龍池之間

陳坡鳧鴈峯

風吹鳧鴈到南邦雲外分明見一雙晴日却從波面出

不知峯影落秋江諫亭詩草

○鳳凰嶺在東藏源西北有碧桃巖浮桃澗延華觀皆

唐道士趙知微遺跡曹溪出其下西流為五溪之一

陳巖鳳凰嶺

望望梧桐一剡齊山深曾是鳳來棲只今吾道非邪是

更有何人歌鳳兮九華詩集

蘇志碧桃巖在鳳凰嶺下趙知微種桃千樹花皆碧色

每花盛開則率徒宴其下

陳巖碧桃巖

自要貪閒非避秦洞門隔斷世間塵山中不置四時歷

開到碧桃知是春九華詩集

謝省山行

九華紀勝卷八 諸勝山西二 七

杖履躋攀到九華不知何處是仙家高蹤一去無消息

惟有碧桃春自花明詩綜

江南通志浮桃澗在碧桃巖下懸水西南

陳巖浮桃澗詩註懸水西南昔趙知微植桃千株於中

峯之北鄉人於澗下獲桃有致富者亦名餘桃澗

廬山董奉曾栽杏鳳嶺知微亦種桃怕有人來問前古

澗中不肯放漁舸九華詩集

吳襄遊浮桃澗

碧桃拾得沿溪上忽落鐘聲雲外響四顧空山不見人

飛來瀑布三千丈

不知路遠近但聽水潺湲桃謝仙歸去樵餘僧倦眠石  
臺會立鶴古樹一聲鶉嶺寺鳴孤磬悠然落暮天皆錫老堂

陳巖延華觀詩註鳳凰嶺東唐乾寧中道士趙知微建

膝錄云在漂溪東飲猿潭北後移額崇教院西北

五百年間岸谷移邯鄲枕上夢回時兔葵燕麥元都觀

好繼劉郎舊日詩九華詩集

吳名瓊往延華觀途中雜咏

曉霽層巒出嵐開萬壑分猿啼雙澗月人踏一溪雲茆

屋依巖構山田帶石耘憑高雙屐倦隨意坐天垠

九華紀勝

卷八

諸勝山西二

五

徑窄雲常滿遊人藉短筇曙鐘飄別鴨初日澹遙峯澗

曲泉流細巖高竹影重羣仙如可會拍手一相從

吳翼成延華觀口占一首

策杖尋幽寺相將到草堂殘花飛客帽高樹覆僧房不

盡遙林翠悠然暮色蒼感時思一醉春釀正濃香禮園詩集

陳巖曹溪詩註鳳凰嶺水西流為溪會龍池溪漂溪雙

溪澗溪合流出覺安院前總曰五溪

近水人家自是奇水成灣處各開扉波光一片青銅鏡

無數文禽照影飛九華詩集

僧希坦曹溪

五水奔流會合通大溪飛過一長虹芙蓉面目重重見  
多在煙霞變態中九華詩集

姜夔善過曹溪聞鐘

一徑入雲峯峯雲知幾重水喧深澗石風落半天鐘殘

日驅羸馬荒崖隱毒龍禪心知未定何處覓幽蹤柳隱詩草

○懸水在浮桃澗東北勢如建瓴從峭壁而下若懸空

際吳文簡公襄愛其勝因自號懸水構山莊於延華觀

旁陳巖懸水詩註呈鳳嶺北

日夜雲間噴薄鳴玉龍千尺繞山行漏天瀉下銀河水

九華紀勝

卷八

諸勝山西二

三

來作僧窗夜雨聲九華詩集

○呈鳳嶺在懸水南昔有樵人得鳳雛於此故名

陳巖呈鳳嶺詩註協濟廟南

綵鳳飛來以瑞呈飄飄五色錦衣明情知不入鴟鴞伴

要向朝陽效一鳴九華詩集

○一宿菴在協濟祠南里許距橋菴四里許萬歷三十

六年建

洪亮吉遊九華止一宿菴

西沛百里江東照十里郭巖光溢郊野黛色轉澗壑侵

暝走山店馬首青欲落羣峯勢中斷深竹補翠幙石頂



一寸光離雲白噴薄愁霖甫歸澗白月已在閣章香閣  
鳴蟲松聲契歸鶴心期東走岱誓欲南赴霍愁無裏糧  
具十載空宿諾茲山暨黃海數郡秀盤錯對此石骨道  
危峯憶蓮鐔歡游念旬日久與猿狖搏孤筇半生事寧  
勞四禪縛齋遲殿前磬暝巖際鐸撫枕不能眠雷聲  
殷遙嶠附鮪軒詩

黃景仁發一宿菴

曾聞絕頂接天梯幾疊煙嵐望已迷得意總忘山遠近  
但行不問路東西飄蕭洞氣成飛雨冥漠丹根護紫泥  
空自笑人巖畔月有山如此不幽棲兩當軒詩鈔

九華紀勝卷八

諸勝山西二

三

○西協濟祠俗稱二聖廟在呈鳳嶺西旁有芙蓉館溪  
石上有激清亭今圯

泛舟山浙錄無相院又二三里至協濟廟神兄弟三人  
按廟止二神不知周錄何據

陳詩註協濟祠昔傳神姓曾諱肅避三國時亂死於此  
遂為山之神宋大觀中詔加侯封

明一統志協濟祠在九華山東西凡二所舊傳二神姓  
曾三國時人兄弟避兵於此既歿有禦災捍患功遂立  
廟宋大觀間賜額至今祈禱屢應

陳巖協濟祠

水流無限白雲深勝跡靈光古到今第一溪山神卜宅  
蕙肴椒酒萬家心九華詩集

陳巖芙蓉館詩註協濟祠左嘉定中林令奇之剏

拂壁留詩墨尚鮮如今屈指五年前直須強健常來此  
到老寧消幾五年九華詩集

蘇志激清亭在協濟祠前大溪環石清流激湍而一亭  
巍然石上誠佳景也

陳巖激清亭

燈影昏昏枕半欹此清原自少人知水聲到夜渾如雨  
睡思過於聽雨時九華詩集

九華紀勝卷八

諸勝山西二

三

○登瀛橋在伏龍橋北里許俗呼小橋菴菴久圯橋下  
巨石刻崇正壬申適慧菴僧暨康熙壬辰乾隆癸卯里

人柯世恂前後重建是橋年月其左有倒刻喬幼男姚  
虞洪吳有聲吳□□同遊十餘字其右有倒刻字數行

隱約見中直同來等字餘莫辨此宋元人題名不知何  
年為洪水衝決而倒置於此距橋數武有巨石聳立路

左刻鳴湍二大字旁署海岱張季子題又刻漸入仙境  
四大字旁署□□江錯陰山題按季子名燭高苑人萬  
歷末青邑令也

王思任記乃飯於橋菴過野梁下有朱砌石骨席平三

十丈流泉一派如雪霞舒走

九華紀勝

卷八

諸勝山西二

三

九華紀勝卷九

諸勝山西三

少微峯在翠微峯南以唐費拾遺隱居名其故宅在焉  
或曰臥雲菴是溪中有枕流石峯北天香嶺使者焚香  
宣詔處也旁有風輪石石崖上有碧玉泉泉上方石相  
傳為竇子明醮壇俗呼仙人石

陳巖少微峯

隱居不惠不夷間拜爵山中驛使還身遠舳稜幾千里

少微星影墮空山

九華詩集

龐昌允少微峯

九華紀勝

卷九

諸勝山西三

一

處士星間下帝都居然巖穴老癯儒吳人謾道戴君頤

九子今猶見謝敷

李志

吳鍾早起看日從少微峯頂上出山時八月初十日

日出少微巔晨曦布曉妍萬峯齊一照單頂出孤圓樹

色迎秋老山光滴露鮮為憐秋易開朝起不成眠

劉冲山人稿

神仙感遇傳費冠卿池州人也進士擢第將歸故鄉別  
相國鄭公餘慶公素與秋浦劉令友善喜費之行託以  
寓書焉手札盈幅緘以授費戒之曰劉令久在名場所  
以不登甲乙之選者以其褊率不拘於時捨高科而就

卑宦可善遇之也費因請公署批行止於書本貴其因所慰薦稍垂青眼公然之發函批數行復緘如初費至秋浦先投刺於劉劉閱刺委諸案上畧不顧盼費悚立俟命久而無報疑其不可干也卽以相國書授閱者劉發緘覽畢慢罵曰鄭某老漢用此書何爲孽而棄之費愈懼排闥而入趨拜於前劉忽憫然顧之揖坐與語曰暮矣劉促令排店費曰日已昏黑乞於廳廡之下席地一宵卽自解囊裝舒種席於地劉拂衣而入良久出口此非待賓之所有一閣子可以憩息僕乘於外可也劉引費挈氈席入廳後對堂小閣子中旣而閉門鎖繫甚嚴費莫知所以據榻而息是夕月明於門竅中窺其外悄然無聲見劉令自操篲畚掃除堂之內外庭廡階壁靡不周悉費異其事危坐屏息不寐而伺焉將及二更忽有異香之氣郁烈殊常非人世所有良久劉執版恭立於庭似有所候香氣彌甚卽見雲冠紫衣仙人長八九尺數十人擁從而至劉再拜稽首仙人直詣堂中劉立侍其側俄有筵席羅列餽饌奇果香溢閣中費聞之已覺神清氣爽須臾奏樂飲酒命劉令布席於地亦侍飲焉樂之音調非人間之曲仙人忽問劉曰得鄭某信否對曰得信甚安頃之又問得鄭某書否對曰費

九華紀勝

卷九

諸勝山西三

二

先輩自長安來得書笑曰冠卿及第矣今在此耶吾未合與之相見且與一杯酒但向道早修行卽得相見矣命劉酌酒一杯送閣子中費窺見劉自呷酒半杯以階上盆中水投杯中疑而未飲仙人忽下階與徒從乘雲而去劉拜辭嗚咽仙人戒曰爾見鄭某但令修行卽得相見也旣去劉詣閣中見酒猶在驚曰此酒萬劫不可一遇何不飲也引而飲之釐力爭得一兩呷劉卽與冠卿爲修道之友卜居九華山以左拾遺徵竟不起鄭相國尋亦去世劉費頗祕其事不知所降是何仙也太平寰宇記九華山在縣南二十里費冠卿及第歸後九華紀勝

卷九

諸勝山西三

三

以不榮養遂絕跡不仕隱此山中長慶中三徵拾遺不起  
唐詩紀事費冠卿字子軍池州人登元和二年第母卒既葬而歸歎曰干祿養親耳得祿而親喪何以祿爲遂隱池州九華山長慶中殿院李行修舉其孝節拜右拾遺制曰前進士費冠卿嘗預計偕以文中第祿不及於榮養恨每積於永懷遂乃屏身邱園絕跡仕進守其至性十有五年峻節無虧清臆自遠夫旌孝行舉逸人所以厚風俗而敦名教也宜承高獎以儆薄夫擢參近侍之榮載佇移忠之効冠卿竟不應命

母府元龜李行修爲殿中侍御史貞元中費冠卿及第  
歸而父母卒嘗恨不及榮養遂絕跡不仕元和三年行  
修薦之授右拾遺

李志費拾遺書堂在少微峯下或云臥雲菴卽其舊址  
也前爲天香嶺

費冠卿隱居卽事

生計惟將三尺僮學他賢者隱牆東照眠夜後多因月  
掃地春來祇藉風幾處紅旗驅戰士一園青草伴衰翁  
子房仙去孔明死更有何人解指蹤  
不赴拾遺召

九華紀勝

卷九 諸勝山西三

四

君親同是先王道何如骨肉一處老也知臣子合佐時  
自古榮華誰可保

蒙召拜拾遺書情二首

拾遺帝側知難得官繁才微恐不勝好是中朝絕親友  
九華山下詔來徵

三千里外一微臣二十年來任運身今日忽蒙天子召  
自慚驚動國中人

皆唐詩  
紀事

楊巨源題五老峯下費君隱居

解向花間栽碧松門前不負老人峯已將心事隨身隱  
認得溪雲第幾重

楊少尹集

姚合寄費拾遺徵君

逍遙繪繳外高鳥與潛魚闕下無朝籍林間有詔書夜  
眠幽洞石曉飯白雲蔬四海人空老九華君獨居此心  
誰復識日與世相疏

姚少監集

顧非熊寄九華山費拾遺

先生九華隱鳥道隔塵埃石室和雲住山田引燒開久  
聞仙客至高臥詔書來一入深林去人間更不回

本集

李羣玉經費拾遺所居呈封員外

雲臥竟不起少微空隕光惟應孔北海爲立鄭公鄉舊  
館苔蘚合幽齋松菊荒空餘書帶草日日上階長

文山集

九華紀勝

卷九

諸勝山西三

五

張喬經九華山費徵君故居

草堂蕪沒後來往問樵翁斷石荒林外孤墳晚照中數  
溪分大野九子立寒空煙壁會行處青雲路不通

本集

羅鄴費拾遺書堂

滿袖歸來天桂香紫泥封降舊書堂自憐韋帶同巢許  
不駕蒲輪佐禹湯怪石盡含千古秀奇花多吐四時芳  
何人更肯追高躅惟有樵童戲薜蘿

本集

羅隱九華山費徵君所居

草堂何處試徘徊見說遺蹤向此開蟾桂自歸三徑後  
鶴書曾降九天來白雲事跡依前在

一作  
雖然

在青瑣光陰竟

不迴盡日爲君思曩昔野泉鳴咽路莓苔江東甲乙集

張嶺費徵君舊居

浮世拋身外棲蹤入九華遺篇補樂府舊籍隸仙家池

靜龜升樹庭荒鶴隱花古來天子命還少到煙霞文苑英華

胡駢經費拾遺舊隱

林下茅齋已半傾九華幽徑少人行不將冠劍爲榮事

只向煙蘿寄此生松竹漸荒池主色琴書徒立世間名

白楊風起秋山暮時復哀猿啼唐詩紀事

釋齊已經費徵君舊居

高眠當聖代雲鳥未爲孤天子徵不起閒人親得無猿

九華紀勝

卷九

諸勝山西三

六

猿狂欲墜水石怪難圖寂寞荒齋外松杉相倚枯白蓮集

劉昭禹經費冠卿舊隱

節高終不起死戀九華山聖主情何切孤雲性本閒名

傳中國外墳在亂松間依約曾棲處斜陽鳥自還唐詩紀事

江景春費拾遺書堂

投閒深處聖君恩放浪華山酒滿樽高下數峯撐日月

東南一柱壯乾坤鴈拖秋色迷漁浦鴉背斜陽過洞門

傅聽山中風水響忍疑仙樂和朝垣顧志

李之世費拾遺書堂

一自遺榮謝瑣闥天香嶺畔掩巖扉閒看九子雲雲云

若箇雲峯是少微九華逸史

喻成龍經費拾遺隱處

少微高隱白雲端苦塊圍爐血淚乾丹詔身榮全節易

孤臣心死報恩難空山日落猿啼急古墓松深月到寒

流水不關人代謝秋生巖谷野花殘望華亭壁石刻

鮑蘭阜過費徵君隱居

迢迢少微峯中有高人宅谿雲隔岫飛旁歌枕流石先

生隱牆東敗屋青苔積鶴書九天來僊臥輕束帛明發

觸素懷捧檄終何益潛身老煙蘿琴書常自適至今草

堂間松風響朝夕小瀛洲吟稿

九華紀勝

卷九

諸勝山西三

七

顧志枕流石在少微峯下溪中

費冠卿枕流石

不爲幽岸隱古色涵空出願以清泚流鑿此堅貞質旁

臨玉光潤時瀉苔花密往往驚游鱗尚疑垂釣日唐詩紀事

陳巖天香嶺詩註少微峯北臥雲菴前下卽費徵君隱

居昔天使馳詔費辭避不起使者恐其逸去遂於此焚

香諭旨

日邊有詔起徵君遙望長安隔暮雲一炷清香天在上

徵君只欲斷知開九華詩集

吳鍾天香嶺

莫羨希夷避詔巖天香曾發紫泥函紛紛盡是終

不使雙峯等傳巖劉冲山人稿

蘇志風輪石在天香嶺側勢以旋欲轉故曰風輪

陳巖風輪石

我心匪石不可轉有石當風如轉輪何物山靈能薄相

工夫勝却斲輪人九華詩集

陳巖碧玉泉詩註少微峯北石崖上澄碧如玉費拾遺

嘗烹茶於此

蘊玉含暉一水間碧光炯炯照人寒却疑洗出荆山璞

若有瑕疵試指看九華詩集

九華紀勝

卷九

諸勝山西三

八

考異曰碧玉泉上有仙人石亦稱寶子明醮壇在九華

少微峯北隸青陽縣江南通志作石埭誤

陳巖醮壇詩註碧玉泉上其石方平陞級如壇昔仙人

寶子明嘗醮其上今俗呼仙人石

粲粲無塵一石平向來此地步虛聲薜蘿今繞空山裏

千古清風寶子明九華詩集

○昇雲峯在少微峯東四山雲氣必先自此起上有淵

潭旱乾不竭雲興卽雨

陳巖昇雲峯

雲本無心盡日閒溶溶曳曳不離山忽思去作人間雨

騰上虛空一餉間九華詩集

○翠微峯在昇雲峯下天香嶺南凝煙積翠秀色宜人

陳巖翠微峯

嵐氣陰陰淺色山更分黛墨染松關噴雲泄霧空濛外

濕翠冷沾襟袖間九華詩集

夏棠翠微峯

晚霽出巖扉攜筇陟翠微泉爭緣壁立石欲挾雲飛殘

雨松梢滴枯僧嶺外歸貪奇因徙倚山色染人衣鶴泉詩草

○野螺峯在雙峯南臥雲庵後形如螺旋故名

陳巖野螺峯

九華紀勝

卷九

諸勝山西三

九

野螺倒向空中立回旋縈成翠甲長沐霧濡雲真得計

魚蝦舊侶莫相忘九華詩集

○保真院在野螺峯西南卽南唐圓證禪師臥雲菴也

或以爲卽費徵君故宅宋治平初賜今額景祐中九華

詩社僧清晝居之

陳詩註臥雲菴野螺峯下費徵君舊隱按南唐保大中

高僧圓證禪燕之地宋朝景祐中一日自操手疏命九

華詩社僧清晝居之越三日而化墳塔俱存

何壁記羅漢峯其下有雙峯舊有臥雲菴下有清漪潭

有處士巖清隱巖

陳巖臥雲菴

亂雲堆裏酣酣夢人在清泉白石間膠擾勞生鼎中許  
有官不換此身閒

保真院

野寺荒山澗水濱古藤翠篠自搖春僧閒宴坐無人到  
內保禪心一味真皆九華詩集

○滴水巖在保真院東有巖溜從高滴下下一石窪承  
之

陳巖滴水巖

點溜常穿石眼寒薛紋如繡不會乾山頭一滴曹溪水  
九華紀勝卷九 諸勝山西三 十

山下人人仰面看九華詩集

○巖泉在保真院東北泖澄湛碧號巖泉聖水

陳巖巖泉

月光泉脈瀉虛明澄碧無瑕注一泖大字石間標聖水  
只緣徹底是真清九華詩集

○處士巖在臥雲菴東北處士失其名巖內石牀猶存

陳巖處士巖詩註相傳昔有處士居此數十年人不知  
其姓氏今石牀遺跡手植松栢在焉

枯松瘦栢幾千年老屋相依住翠煙雷破前山風撼海

先生兀兀正逃禪九華詩集

陳九鼎處士巖

路入深巖見古蹤石牀常被白雲封不知處士歸何處  
此地猶存手植松石坡詩草

○煉丹泉在臥雲菴北葛稚川煉丹井也

明一統志煉丹井在臥雲菴北相傳葛仙嘗煉丹於此  
何壁記枕月峯又前有煉丹泉其上有五老峯

陳巖煉丹井

閒中惟有高低枕老去寧無內外丹手載稚川今往矣  
誰言古井不生瀾九華詩集

楊少愚丹井

九華紀勝卷九 諸勝山西三 十

造化難臧物外情一泖流出淨無聲如何不悟金丹訣

却愛香甜入夏清李志

○雲外峯在雲門峯西竇子明醮壇側高出雲外其山

半有宋滕子京書堂故名諫堂山下有思賢巖亦以子  
京名也

何壁記赤壁峯下有集福橋西十里與中峯對峙有雲

外峯有思賢巖巖半舊為滕司諫書堂

陳巖雲外峯

聳入雲端一壁青地高轉步即天京有人著屐衝雲去  
但見雲從脚下生九華詩草

宋史滕宗諒字子京河南人與范仲淹同年舉進士其

後仲淹稱其才召試學士院改大理寺丞遷殿中丞會

禁中火詔劾火所從起宗諒與祕書丞劉越皆上疏諫

罷詔獄因請太后還政太后崩擢嘗言還政者除宗諒

左正言遷左司諫坐言事降尚書祠部員外郎知信州

又降監池州酒久之通判江寧府徙知湖州除刑部員

外郎直集賢院知涇州葛懷敏軍敗於定州會范仲淹

自環慶引蕃漢兵來援薦以自代擢天章閣待制

范仲淹滕子京墓誌銘曰公監鄱陽郡權酷請改池州

郡權酷就九華以葬先君又曰諸子奉公之喪以某年

九華紀勝卷九 諸勝山西三 三

月日葬於青陽邑東十里之金龜原

郡志滕宗諒嘗稱池之九華山上菱紫箬下盤洪流千

巖白雲萬壑清風草木多靈民人熙熙書契以降不知

干戈居者得其壽藏者得其朽可以隱志可以宅先於

是葬其父於邑東石嶺鋪遂築書堂於雲外峯下讀書

其中

梅堯臣題滕學士九華山書堂

處山方畏淺會慕結深廬要與雲峯近寧將野客疏澗

苗來入俎林鳥或窺書何事輕茲樂而從出塞車自出

為涇州 宛陵集

陳巖滕子京書堂

雲外峯前結舊廬胸中經濟眼中書兵間一范同鞍馬

不記深山蕙帳虛九華詩集

陳蔚滕子京書堂

泉光峯影碧糾紛卜築非關戀白雲兩疏同時劉子長

一生知己范希文移官僻郡雖盛酒葬父名山好築墳

咫尺層巖芳躅在千秋游客尚思君梅緣詩鈔

陳巖諫堂山詩註劉子京書堂人思之故名焉後屬會

氏今屬吳氏

茸茸莎草裏風長二百年前一諫堂舊地幾番新地主

九華紀勝卷九 諸勝山西三 三

諫堂名字愈輝光九華詩集

孫睿諫堂山

謫官南去不知還自請江鄉獨閉關名勝定緣名輩重

至今爭指諫堂山李志

陳巖思賢巖詩註山北保真院東自天香嶺沿溪九曲

入至滕司諫書堂基址猶存故號思賢巖巖壁有泉或

名絲懸

諫稿成埃兩鬢絲考槃在澗恃天知巖前風葉行人耳

便是襄陽墮淚碑九華詩集

○枕月峯在少微峯側石雲卷後雙峯野螺之洞



中凹似枕每山月初上皎皎然從峯而出土人以孟夏之望候月出爲準

蘇志枕月峯少微峯之夕陽也四平中凹延庚揖辛蟾吐半規如月枕然

陳巖枕月峯

層崖缺處月嬋娟金背蝦蟇就石眠笑問月邊人在否中宵有夢到鈞天九華詩集

陳塾枕月峯

日暮步空庭月光未入戶出戶望東方一峯闕不補中凹如枕橫圓月半吞吐須史露嬋娟清光照眉宇幸值

九華紀勝卷九

諸勝山西三

西

此良宵胡不觴飛羽既醉歌繩牀素影轉廊廡四堂詩草

○青峭彎在天香嶺東天柱五老西乃東西山所分路

蘇志青峭彎在天柱五老之西南

何璧記天香嶺側有梅花峯美人峯西南五里有青峭彎諸峯秀拔面挹其勝

陳巖青峭彎

石澗竹岡無盡時上難著脚下難窺平生所性佳山水煙雨中行不廢詩九華詩集

○歸雲嶺在雙溪上華池下

何璧記有上下華池雙峯下曰下華池有歸雲嶺有閣

秀峯野螺峯

陳巖歸雲嶺

飛雲靄靄出從龍遍爲山邨辦歲豐雨到足時雲自歛有功及物不言功九華詩集

○雲門峯在開元觀南兩阜如門舊有雲門菴其南爲會侍中別業景全亭久圯

陳詩註雲門峯鉢孟峯南程圖無

何璧記有蓮花峯有無極峯下爲碧雲菴前有雲門峯上有碧雲峯峯之半有石室

蘇志雲門峯在開元觀南兩阜相向如門雲氣出入冬

九華紀勝卷九

諸勝山西三

五

夏有泉涌沸而下

考異曰清隱詩集註雲門峯在鉢孟峯南蓋山之南也

何蒲溪九華記云蓮花峯下爲碧雲菴前有雲門峯則

山之東也蘇顧諸志謂雲門峯在雪潭後開元觀南則山之西也又考清隱註雲巖洞則曰雲門峯北或曰雲

外峯南註雲外峯則又曰雲門峯西夫雲巖洞爲九華

深遠處故再往則途迷失其所若謂雲門近在開元觀南其北無甚幽奧之區則雲巖距邨落非遙應爲人所

熟遊何至再往途失今卽雲巖以度雲門之所在似清

隱之說較長而程圖不載其闕疑也久矣

陳巖雲門峯

兩崖對聳三千丈上倚清虛小有天玉戶金鋪雲霄竄

羅衣搖曳幾神仙九華詩集

王守仁雲門峯

雲門出孤月秋色生蒼濤夜久羣籟絕獨照宮錦袍陽王

男全

吳璋雲門吟

九華特起倚寥廓分出千山如緯絡中有雲門峯作屏

斧痕曾見仙人鑿涸古虺蛇老不羣峯高時礙流星落

瀑飛萬丈濕晴天巖壁藤蘿自盤錯迂斜鳥道出巔峴

九華紀勝卷九

諸勝山西三

六

三五人家藏洞壑下有開元仙觀存羽客呼我吞丹藥

怪我雄心銷此中因號雲門差不惡去後尋真倘再過

可能遲我緱山鶴李志

陳巖雲門菴詩註菴前石峯雙聳望之如門雲氣多出

其中號淨信院俗呼雲門寺後移額山東碧雲菴

暮鼓晨鐘不復聞秋風吹遍草紛紛山間古意依前在

淡抹松梢一筆雲九華詩集

蘇志曾侍中別業在雲門峯南內有景全亭

陳巖曾氏景全亭詩註雲門南侍中曾公別業

綠色軒窗四面開幾曾閒却對山杯十分盡是天然景

未信丹青畫得來九華詩集

○雲巖洞在九華深處怪石凌空廣邃如堂奇花異草

為九華絕勝傳有獵者逐鹿偶值其所再往不可得

陳巖雲巖洞詩註雲門峯北或曰雲外峯南深廣如堂

可容數百人四隅石室中石像若真人羅漢然乳溜凝

結如羽蓋幡幢尊疊之屬洞前有溪雲徑幽僻人閒遇

之再詣則失其所

卷曲山阿路窈深春風隨地散幽芬洞中仙客誰為伴

去去來來自在雲九華詩集

○天池峯在雲門峯南池在絕頂菰蒲菱芡不種而生

九華紀勝卷九

諸勝山西三

七

何壁記百丈潭又東南十里有雲峯絕頂有天池峯有

鳳棲峯其下有碧桃巖有二神峯下有黃石溪

陳巖天池峯

鴈浴鷗棲水影平菰蒲菱芡透波生冷風瑟瑟山前起

應有天仙下濯纓九華詩集

○二神峯在天池鳳棲二峯之間高下比肩如兄弟然

陳巖二神峯

伯仲怡然意甚真齊肩握手笑相親雲陰解駁排空立

秀出人間棟蓼春九華詩集

○老田九華之西阪也在蓮花峯西清溪之側吳氏世

居之有松陽宅新城宅上田月窟亭翠光亭源清莊  
溪書舍歸雲洞回光壺天花舫諸勝

江南通志吳用之宅在九華山西阪吳氏自唐以前居  
之號松陽宅

陳巖吳氏新城宅詩註蓮花峯西有壺天月窟花舫回  
光洞諸景

溪聲西去疾於雷山麓雲根翠戶開枉却幽尋三十載  
壺天月窟欠曾來九華詩集

江南通志唐刺史吳器高築新城精舍

陳巖新城精舍

九華紀勝卷九

諸勝山西三

六

朱甍碧瓦粉牆圖花舫回光洞戶輝自是故家開第宅

喬林景物兩芳菲九華詩集

日游集月窟亭吳從吾所居

陳巖翠光亭詩註吳族魚池有亭李金題額默笑張奉

議賁作記

呷呷波開錦羽明地無塵處可幽亭喚回天上張公子

來與山家注水經九華詩集

陳巖源清莊詩註吳氏別業山泉環繞鑿池以名其軒

取源清則流清之意

湊入方池一脈泉泥沙不雜性中天時時自照清潭影

白鷺風標是水仙九華詩集

吳止道歸雲洞

釀雨歸來戀舊岑悠揚散入洞中深已甦天下斯民望

暫息人間濟物心陰護碧潭龍穩臥暝迷珠樹鶴難尋

誰言舒卷渾無意有待重為傳說霖郡志

郡志吳光錫字少友青陽人早嗜學工篆籀與兄光裕

齊名嘗築一室名花舫讀書其內里中稱為花舫先生

後棄諸生為汗漫遊既而歸修九華全志

陳蔚花舫

杜却柴門絕市譁高風自比野人家臨溪搖蕩渾如舫

九華紀勝卷九

諸勝山西三

九

滿屋粉披半是花日抱壺觴心獨遠偶揮翰墨興偏賒

晴窗默與山靈約組織雲煙築九華梅緣詩鈔

○吳給諫文梓宅在老田

奈翹下九華宿都諫吳公宅

悔別遠公室欣逢季重家當庭攢嶂帆滿座散煙霞晝

省猶傳草青門久種瓜掖垣雖貴近不換九蓮花翠微集

○吳公尖在老田之西南突起一尖鬱然深秀半嶺有

吳文簡公讀書莊即舊墨莊也

吳襄聞兆爰構得山莊感而得句四首

吳公尖下景荒涼抱卷童年就草堂憶得山廚供飲啖

松花餅軟荀羹香

沿岡竹樹碧叢叢門外千峯盡列東晴雨朝昏看不厭  
堆藍積翠畫屏中

青山休笑老還鄉隨處菟裘足徜徉惟屬兒孫思舊業  
墨莊應改讀書莊

環邨黃粒稻芑芑蒸熟香饋進老翁山骨通泉流活活  
石田數畝接方冲錫老堂集

○頭陀嶺在老田南有唐王季文故宅季文歿捨為寺  
宋治平元年賜額無相寺前舊有心期亭寺南有金沙

泉嶺下有秀綠亭  
九華紀勝卷九 諸勝山西三 三

唐詩紀事王季文字宗素池陽人少厭名利居九華遇  
異人授九仙飛化之術曰子當先決科於詞籍後策名

於真列真注使然不可移也登咸通進士第授祕書郎  
尋謝病歸九華日一浴於山之龍潭寒暑不渝

陳詩註王季文書堂頭陀嶺下季文池人唐咸通中登  
第尋歸山築室於蓬谷日浴龍潭風雨不失期或終日

對客談論而鄉人亦於龍潭見之寺有碑記  
楊夔尋九華王山人

下馬叩荆扉相尋春半時剝蘿盤磴險疊石渡溪危松  
夾莓苔徑花藏薜荔籬臥雲情自逸名姓厭人知文苑英華

陳巖王季文書堂

要學騎蟾王簿仙休官直上九華巔我來細讀碑問字  
風葉時時一颯然九華詩集

柯崧王季文書堂  
祇樹何年闢茶蘼此度花看山攢玉筍酌水聚金沙句頌

邑真人宅唐朝處士家雲霞護金碧瞻眺夕陽斜頌  
泛舟山浙錄無相院有觀音閣對峯巒數重又二三里

至協濟廟  
陳詩註頭陀嶺無相院即王季文書堂僧智英翔  
蘇志無相寺在頭陀嶺下舊為王季文書堂季文臨終

九華紀勝卷九 諸勝山西三 三  
呼隣僧智英至捨為寺宋治平元年賜額

考異曰江南通志萬歷池州府志俱云唐開元初王季  
文捨宅為寺考季文咸通二年登第後以仙去其宅遂

為蘭若則捨宅事當在咸通以後若開元初在咸通前  
百三十餘年又諸志乘皆謂寺初於僧智英而萬歷府

志作僧淨冲亦誤  
陳巖頭陀嶺無相院

頭陀嶺下招提境畫閣闌干幾度凭遊客驟來還倏去  
看山輪與在家僧九華詩集

王守仁夜宿無相寺

春宵臥無相月照五溪花掬水洗雙眼披雲看九華巖  
頭金佛國樹杪謫仙家彷彿聞笙鶴青天落絳霞

無相寺三首

老僧巖下屋繞屋皆松竹朝聞春鳥啼夜伴巖虎宿  
坐望九華碧浮雲生曉寒山靈應祕惜不許俗人看  
靜夜聞林雨山靈似欲畱只愁梯石滑不得到峯頭  
重游無相寺次韻四首

遊興殊未盡塵寰不可畱山青只依舊白盡世間頭  
人迹不到地菲茨亦數間借問此何處云是九華山  
拔地千峯起芙蓉插曉寒當年看不足今日復來看

九華紀勝

卷九

諸勝山西三

三

瀑流懸絕壁峯月上寒空鳥鳴蒼磻底僧住白雲中

重遊無相寺次舊韻

舊識仙源路未差也從谷口問桃花屢攀絕棧經殘雪

幾度清溪踏月華虎穴相隣多異境鳥飛不到有僧家

頻來休下仙翁榻只借峯頭一片霞

皆王陽明全集

郡志無相寺前有心期亭明湛尚書若水題今廢

湛若水無相寺心期亭

無相心期期亦無此心直與天為徒從前欲問天何以

無相參前即是吾

宿無相寺心期亭

無相中間真相在有期前路是真期有無並作中宵夢

似到羲皇穆穆時

皆掛泉文集

蘇志金沙泉在無相寺南泉由石罅中湧出大不盈甌  
而四時不竭掬飲之則細沙如金

陳巖金沙泉詩註頭陀嶺前

金能生水水涵金本本源造化心幾許碎金隨水出

披沙終日若為尋

九華詩集

王守仁無相寺金沙泉次韻

黃金不布地傾沙瀉流泉潭淨長開鏡池分或鑄蓮興

雲為大雨濟世作豐年縱有貪夫過清風自灑然

王陽明全集

九華紀勝

卷九

諸勝山西三

三

集

陳巖秀綠亭詩註頭陀嶺下吳氏南莊前後浚二池取  
程雙峯一水綠繞環千山秀攢聚之句

會看雙峯老子詩秀攢綠繞妙天機有人愛此無聲畫

更著幽亭相發揮

九華詩集

終

九華紀勝卷十

諸勝 山西四

雙峯在卧雲菴東北巉巖雙頂其南麓為虎頭巖峯下有三游洞洞深遂凡三曲如螺旋其泉流為雙溪

泛舟山浙錄雙峯注遠望如雙劍此二峯也

何壁記羅漢峯其下有雙峯舊有卧雲菴

陳巖雙峯

仙洞深沉杳不扁層巒雙聳插天青禱雲常抱山頭石

曾是前朝嶽降神 九華詩集

王守仁雙峯

九華紀勝卷十

諸勝山西四

凌崖望雙峯蒼茫竟何在載拜西北風為我掃浮靄 王陽明全集

明全

陳巖虎頭巖

下視耽耽猛若神世方重利反輕身縱教是虎豈非石

藜藿來尋亦有人

三游洞

清風披拂蘚苔痕洞裏仙鄉萬古春有路盡通塵世客

來游何獨是三人 皆九華詩集

吳世閱三游洞

摩空知幾層三曲入寒冰明月空相照洞門封古藤 李詩

○大芙蓉峯在雙峯下三游洞上怪石層嵌如蓮瓣胡

舒最為奇秀

林鴻遊芙蓉峯

密竹不知路渡溪微有蹤懸知石上約定向松間逢物

候變黃鳥菖蒲花蒙茸相望不可即裊裊霜天鐘 明詩錄

○雙溪自雙峯出在上下華池之間俗呼蠶溪石港下

注清漪潭西流為五溪之一

陳巖雙溪

二水來從翠嶺頭相逢澗谷却同流冷光如鏡清人骨

探借山間六月秋 九華詩集

九華紀勝卷十

諸勝山西四

何壁記卧雲菴下有清漪潭

蘇志清漪潭在雙溪下水波如錦文曰漪一名清式潭

陳巖清漪潭

水出雙溪似鏡平縈回遇石自成文眼明波上誰相對

只有飛來白鷺羣 九華詩集

○十丈洞在雙峯側深十丈有石臺四圍松檜森秀前

橫一溪南則葛仙洞高二丈餘洞口如囊入其內茫無

畔岸

陳巖十丈洞

水從洞口瀉玻璃松檜林中日影低勝景畧無人避世

始知不是武陵溪九華詩集

○上下華池一在雙峯下一在雙溪上即合澗也凡三坎其上池之深處即龍池而下池逆上激水最奇

明一統志在雙峯下曰上華池雙溪上曰下華池泉甘土沃產異茗

陳巖上下華池

聽鐘喚飯東西寺就水烹茶上下池二百年來陳迹在

摩挲苔蘚日西時九華詩集

僧希坦上下華池

陽魂日運金烏髓陰魄時含玉兔脂一旦相交化神水

九華紀勝

卷十

諸勝山西四

三

山中分作兩華池九華詩集

蘇志合澗在上下華池之間雙溪之水合流而出

陳巖合澗

澗分南北兩源通繞轉春山翠幾重偶爾混然成一派

滔滔東去共朝宗九華詩集

○獨秀峯在華溪上東西俱見壁立萬仞孤聳凌空特

出煙嵐之表滕錄云在舊延華觀東

陳巖獨秀峯

一山雙出眾山中日照煙浮紫翠濃山不爭高人共仰

幾多邱垤儼相從九華詩集

○清隱巖在雙峯下宋劉放隱居在其側謂之劉世疏

菴有磨崖清隱巖三大字徑二尺餘為放手書嘉祐熙

寧間朝士過訪者多刻名於石人遂呼其地為劉冲明

季吳鍾仍舊址築雲波書院於此

江南通志劉放字世疏青陽人隱居九華雙峯下自題

石壁曰清隱巖著九華拾遺一卷

陳巖清隱巖

平生不買真清譽平日不歌招隱詩底事琢巖成大字

有名還被眾人知九華詩集

蘇志劉世疏菴在雙峯下保真院東北

九華紀勝

卷十

諸勝山西四

四

陳巖劉世疏菴

亂草枯茅町疇場寒風捲地日荒荒有來提起山菴話

又是先生朽骨香九華詩集

僧希坦題劉世疏菴

藏却胸中萬卷書却來山頂結茅廬當時若也羈韉鎖

爭得高名是世疏九華詩集

吳鍾弔劉世疏先生

世代無真隱先生肯耐窮捫蘿開石徑斬草結雲宮潭

漱幽人齒巖高處士風自留清隱蹟名擅古劉冲雙峯詩

日游集雲波書院在劉冲吳鍾讀書處

郡志吳鍾字空之青陽人給諫文梓子少孤嗜學爲文  
仿曾南豐才名翕然動江左明季卜築於宋劉世疏舊  
隱處曰劉冲著書送日以卒所著有雙峯詩劉冲山人  
集

吳鍾雲波書院記

劉冲居雙峯麓而雙溪迴旋其間爲唐費子軍先生歸  
隱處先生登元和第以孝節徵拜右拾遺不赴卜隱茲  
山宋劉世疏先生亦結菴於茲冲之名自先生隱居始  
也山居九華中勝自觀音巖入兩峯如天門對峙曲徑  
盤旋迴溪轉合又進之爲清隱巖巖高一丈巖下爲石

九華紀勝

卷十

諸勝山西四

五

池方廣各以丈計巖壁有清隱巖三字乃世疏先生手  
蹟而山多懸崖絕巘峭壁凌空望之寒冽雲根石穴歷  
歷可探少微野螺天香翠蓋昇雲碧桃諸峯環列左右  
前後遂擅東山之勝余籍前澤得守茲土嘗欲於徵君  
遺址構瓦數椽祀兩先生因而歸老終以塵所絆未果  
崇正癸未春二月左鎮兵叛焚鄉掠野慘傷異常男女  
奔伏余亦率家人窮巖歷壑帶雨衝虎立荆棘中扳藤  
涉險墜落谷底肌無全膚二齒併落凡五晝夜而兵始  
退去遂果居山之志三月朔吉始鳩工程材因徵君故  
址營構之周圍以磚樹以數椽然經叛洗掠身外遂無

長物一粒一文皆仰藉人是以乍作乍輟凡五閱月始  
可安椽頓瓦以免風攢露滴之苦自入門而爲堂者凡  
二層各三間高廣皆僅盈丈非惟廣大力不能充亦非  
山勢所宜也中堂奉兩先生神主以先給諫配焉又其  
後一石高數尺廣丈餘稍補砌之構書屋二間深廣各  
八尺爲藏書計其右爲厨宅一間其左一小房奉關聖  
神像以其忠勇可畏朝夕自爲簡束也堂之兩廂置小  
倉二間爲儲穀計門之前鑿一小池可容魚數十頭室  
之後爲園園築土牆五十堵園之中構一亭客至則以  
住客客去爲主人遊行地顏曰雲蔬亭蓋取姚合寄徵

九華紀勝

卷十

諸勝山西四

六

君詩曉飯白雲蔬之句也室之四際修竹萬竿堪與淇  
園相配兩旁巨石纍纍相卸而下如石城也山之內有  
田數區可畊而食筍蕨茶茗可採而茹開窗則月影參  
差撫几則煙雲滿室晴則綠英滴翠雪則千峯競白倦  
則登高以闕江流閒則縱步可探雲穴風吟鳥咏虎嘯  
猿啼皆可滌除繁穢開擴心胸朔望則揖兩先生之神  
省愆釋疚大節設饌以祀余將於斯考古立言以終身  
焉幾不知有塵世中事庶其不墮先賢遺風昔人有言  
地以人重而費劉兩先生旣足傳茲山於不朽矣余幸  
託足茲地後之君子有慕先賢高風探雙峯雙溪之勝



知踵兩先生而起者有吳子其人余不反藉地以重乎  
故於其成援筆爲記使後之君子及余子孫知余志而  
各自勵也夫

劉冲山人集

孫欽題雲波書院

小築劉冲圃衡茅矢勿諉松雲開曉鑰雞犬辨仙源池

草閒生夢山禽雅作言著書齊太上不更說窺園

李志

陳匡之雲波書院

雲構雙峯下波光繞戶流耽幽謝塵俗卜築在林邱芳

躅追唐宋私衷慕費劉我來重弔古煙雨一山秋

詩草

○翠蓋峯亦名石蓋峯在蓮花峯北其下出泉爲雪潭

九華紀勝

卷十

諸勝山西四

七

陳巖翠蓋峯

煙際亭亭出古崖幾層翠蓋倚天開鏘然風度林梢過

知有神仙玉珮來

九華詩集

○上下雪潭在廣勝山從翠蓋峯發源飛流激石而下

有上中下三級上潭有三汲亭下潭有雪浪亭中經一

平石名釣魚臺又下則櫻珞泉也廣勝寺即廣修院舊

在觀音巖宋淳熙初移建上雪潭側明洪武末重建改

今額嘉靖間徙建下雪潭今寺址寺前有壽字石由上

雪潭上行有五石居明末邑令龐公昌允所居里人吳

世閱亦結廬隱居此山中

泛舟山浙錄廣修院步至上雪潭源高而遠仰視蓮花  
峯正如所倚之屏其前卽石門水所注也峭壁削成懸  
瀑十丈怒濤駭浪不減三峽或瀦爲深淵或散爲奔瀉  
雷轟電擊約二百餘步爲下雪潭其間多大石水平布  
者數丈潭中產石斑魚不常得

陳巖上雪潭三汲亭

水沫拋來驟出奇滿空灑下雪紛披雲端驚見雙峯面

恰似仙人剪水時

下雪潭雪浪亭

潭面波光媚日華水紋倒影射簷牙倚欄如在雲霄上

九華紀勝

卷十

諸勝山西四

八

俯看縈風萬雪花

皆九華詩集

泛舟山浙錄有環珞泉水跳石上如貫珠尤爲奇絕

陳巖櫻珞泉

花花結結淨無塵却笑莊嚴未是真五色明珠光照水

湛然清淨本來身

九華詩集

泛舟山浙錄度西洪嶺過石龍口虎跑嶺遂入廣修院

去縣已二十五里院宇頗雅潔

陳巖廣修院

別去招提恰十霜幾番夢到五峯堂有懷此地同僧夏

對佛閒燒結愿香

九華詩集

何壁記觀音巖巖上有真人峯又東北十里折而南爲廣勝寺

施達重建廣勝寺碑

九華巖巨八十里中咸釋子之所營構也而化城爲一都會四方走集化城輒詫稱九華九華徒爲福地後爾山水則概乎其未窺陟也如道左廣勝寺一帶日曉失之遑問其他廣勝南接青峭巒北漸蓮花峯銳嶠連雲飛瀑洞海層巖邃谷乳竇怪石窮幻極態應接不暇何止山陰道上行也寺舊在觀音巖名廣修院後移上雪潭三級亭側相傳宋淳熙元年初建然舊徒佛座石

九華紀勝卷十

諸勝山西四

九

鐫有元祐四年字其闕祀亦逸不可復遡矣入國朝兵燹摧毀之餘有鮑景春者於洪武三十五年布金仍舊址重構更名廣勝寺實爲寺奕世檀樾主云蓋景春當戎馬閒關寧居林遠不悛重賞鼎新梵判黠殺山川羽翊聖化其人可想而知也越景泰二年景春孫鮑貴宗重修嘉靖六年貴宗子鮑子慎子昇徒建下雪潭今寺址左隅萬歷二十六年僧海極具言請募基左僻稍右則吉其徒寂良慨然募徒今址則猶景春子姓鮑德周輩率貲埤厥役也徙基已向入山門幾武爲大雄氏殿又幾武爲演法堂右翼爲觀音樓左翼庫藏齋廚總屋

若干楹樓前右迤爲雪浪亭蓋古亭名今修復舊觀云陶甃甃石朱獲白聖壯麗宏敞而雙峯翠蓋芙蓉獨秀諸峯羅列寺門雪潭三激砢砢峭壁垂珠濺沫榮迴右址部勒羣勝今而後始爲廣勝寺也工肇戊戌年十二月迄今十載而始竣蓋奏衆訾以成閔宮厯稔積歲功爲不易矣於是鮑茂才復恢借寂良圖石言於施達謂達棲遲巖壑具領山川勝會叙紀山寺爲宜達惟九華唐以前無聞也自李供奉而人知有山水自金地藏而人知有福地其驅馳四方則以福地不以山水司福地者挾山水以抗香火之靈彼展謁福地者又不甘無與

九華紀勝卷十

諸勝山西四

十

山水也耳攝九華之勝而願望實不過希豔福田匍匐千百里之遙一周迴塔院東崖遂自謂遊已至矣以僧寮樓閣爲峯巒庭廡爲巖洞溝渠爲沼渚巷陌爲谿谷縱觀滿志附和矜奇而山水亦竟以福地掩卽士大夫以尋幽訪古自標亦不過盛儀衛於岡陵厲騁唱於林薄喁喁然一望紺宇琳宮而去其能策足東崖以東蓋百不一二見也安能窮探九十九峯奇詭幽邃哉雖然山川亦良不易知其人胸中介不如石峻不如峯幽邃不如巖壑清澈不如乳泉洶湧不如濤瀑卽瑰奇屬目亦意興落寞少趣尚何暇過而問焉蓋九華之勝東則

九子以南爲最西則蓮花雙峯天柱天臺爲最化城僅一東巖足兜塵襟而已當時地藏亦止棲託其上天柱爲趙知微丹臺而頭陀嶺王祕書書堂特與天臺天柱諸峯相照映雙峯蓮花之間則費拾遺滕司諫劉世疏隱跡在焉九子峯下有李化文築室有識者果不異人意矣化城故有李供奉祠堂實後人追饗其地非公所卜居也公雖肇錫九華嘉名乎其題識諸詠皆爲眺望之作亦不必其蠟屐遊歷何所故予謂化城不踰東崖遠不足當廣勝之前引諸峯近挹雙瀑以雄攬一方之勝概也特其香火差互塵躅所趨在彼不在此潛光未

九華紀勝

卷十

諸勝山西四

十一

耀爾今寺僧寂良輩趣向日遠精進淨業招延十方雲水駢集冠帶萃止將令西北名勝不致終闕而驅馳九華者得一闕跡壘塊葱蒨間必自廣勝入矣余方纂輯山志而又賞徒寺之擅全勝也不辭蕪陋爲標其勝概如此時萬歷己酉陽月

吳光裕入廣勝山

遯跡嗟無地藏名幸有山瀑飛三級雪谷隱幾重關鹿忘機事松杉無世顏晨昏鐘鼓定長此抱幽閒  
中椒園草  
磨巖八分書大壽字徑一尺一寸在廣勝寺前臨溪巨石上旁有九華山三大字亦八分書又歛識小字二行

隱約見己亥三月等字餘剝落莫辨

南邨日記云龐公昌允蜀人號再玉明季令青邑稱神君初謝政里人吳敬之築五石居以處焉

考異曰由雪潭沿溪上行有四巨石峭立路隅一巨石覆之如屋明邑令龐公昌允所住之五石居在廣勝山中應以此得名但未知古屋之所在耳或曰今芙蓉巷是當考之

龐昌允五石居

女媧失守蓬萊圻夜半飛來五片石峭壁千層棲冷雲懸巖萬仞流寒液故人招我住高峯仰逼神霄剛咫尺

九華紀勝

卷十

諸勝山西四

十二

至今冷冽臥雲根一枕愁眠山月白  
吹吟集  
南邨日記隱逸載吳鍾亦聞其姪世閱字子功者棄諸生結廬廣勝山隱居終老乎蓋不可不知也此君嘗著有九華詩草與施達吳鍾譚巖沈元復姜寅稱九華六逸云

○蓮花峯在雙峯北翠蓋峯東南亂峯層疊石瓣嵌空如菖菡初舒色青紫欲浮上中下三處皆有蓮花菴今惟下菴存卽石雲菴也峯前有拱笏石峯半有天門峯下有棲禪洞洞之高僧曰古澗其東面卽稻積峯

陳巖蓮花峯

風動雲開淨客顏三千丈石錦爛斑淤泥不是花開處

擢出天河綠水間九華詩集

王守仁蓮花峯

夜靜涼颺發輕雲散碧空玉鉤挂新月露出青芙蓉

登蓮花峯

蓮花頂上老僧居脚踏蓮花不染汚夜半華心吐明月

一顆懸空黍米珠皆王陽明全集

施達蓮花峯

瀛海茫茫咫尺寬神洲中擁一泥丸那應種得如船藕

十丈蓮花天外看

九華紀勝卷十

諸勝山西四

三

蓮蕊蓮花簇簇奇一莖霄漢散歲蕤清宵賸吸秋空露

時有飛仙飲不知本集

甯峒入友人寺寓望蓮花峯

入寺尋吾友開樓且縱觀雲深山色老風急鐸聲寒雖

以遊爲寄難言世不午酒來須痛飲有鉢莫輕彈希帽山人

集

胡翔雲癸酉十月將歸新安雨雪連朝遲而未發留別

蓮花峯兼寄豹章先生

一覽蓉城無可愛獨有蓮花屹相對玲瓏峭拔有奇骨

晴雨朝昏具異態門前尺水便溯從關外羣巒作襟帶

落落無徒未易親依依向我不少背時而吐萼掬笑容

時而斂華存梗概肯教面目失本來日與周旋等朋輩

飽餐秀色飢已療藉慰孤岑心轉快古傳共語惟片石

又聞石丈特下元章拜我今所好將毋同任嘔癩癡且

多怪合將終老締石交爭奈秋期促瓜代半年懽聚忽

分手茫茫後會愁難再有情未免爾銷魂黯然頓覺山

光晦留行故雨雪紛霏踟躕忍遽揚歸旆爲語元龍志

九華是峯位置非曹鄴還家聊效宗少文縮取林泉入

窗內臥遊夢冀通山靈四壁蓮花滿圖繪韻餘詩鈔

顧志石雲菴在蓮花峯西僧希坦詩云有石有雲重疊

九華紀勝卷十

諸勝山西四

十四

處深藏茅屋兩三間卽下蓮花菴也天門在蓮花菴前

旁二石峭立上石突覆其狀如門拱笏石在蓮花峯前

棲禪洞在蓮花峯下

九華散錄古洞蜀峨眉人從補陀至九華居蓮花峯洞

中數十年嘗語人云昔住燕京三教菴數十年後乃遍

歷名山至此始定卓錫焉萬歷間蜀楊仲愷刑江南訪

得之稱其通慧皈依者日衆遂成叢林以一字不立棒

喝爲宗不誦經念佛不蓄魚磬鐘鼓佛前止一香一燈

不募化以鋤懇種植易衣食有餘則供僧盡散去順治

辛卯春三月忽召徒衆告別走入木龕趺坐而逝其僧

臘殆不可考

○瀾溪出蓮花峯濯纓潭北繞西洪嶺西流為五溪之

一

陳巖瀾溪

小溪亦有怒濤翻可但滄溟始足觀世事會心無廣狹

請君來此試觀瀾九華詩集

蘇志濯纓潭一名洗心瀾溪上源也以其潔故云

考異曰濯纓潭在平坦寺前清水潭在蓮花巷前雖相距非遙而一東一西各自為潭至鳳凰背始合流出華

陽橋李大令山志云濯纓潭即清水潭誤

九華紀勝

卷十

諸勝山西四

五

陳巖濯纓潭

山深地僻人稀到安得滄浪孺子歌纓上本無塵可濯

莫將止水強揚波九華詩集

○平坦寺在蓮花峯西麓瀾溪上旁有吉慶橋南距蓮

花巷五里西北距西洪嶺三里明成宏間僧顯玉建

平坦寺鐘文云朱進才何金宗陳貴等各出已財鑄洪

鐘一口重千斤入於平坦寺募緣僧善聰正德十二年

丁丑歲十月吉旦又云一代開山僧顯玉下至七代其

第三代即善聰也

邑志平坦寺在蓮花峯下

按俗以平坦寺為廣福寺蓮花峯為覆甌峯以濯纓潭

側巨石為沉機石為陽春臺俱非是詳卷十覆甌峯下

○安禪峯在蓮花峯東晉杯渡唐道濟二禪師曾結茅

於此又名禪師峯其頂有蓮花巷道濟所居也江南未

或竊九子菴額易之遂為福安院院前有宋程待制九

萬雙峯居士書堂堂面雙峯因號焉張紫微為之記

陳巖安禪峯

山頭兀坐已忘年咫尺孤雲兩角天但有圓明真實在

是身何往不安禪九華詩集

考異曰高僧傳杯渡元嘉三年行至赤山湖而死還葬

九華紀勝

卷十

諸勝山西四

六

建康覆舟山元嘉為宋文帝年號閱七十五年方至蕭

梁九華詩集註稱梁杯渡誤

舊邑志道濟禪師居蓮花巷五十年常有雲覆其所菴

在拾寶巖東即福安院

顧志蓮花菴在蓮花峯下正德初重建今廢石柱尙存

陳巖蓮花菴

冷屋棲雲是幾年嗔人履跡破苔錢不辭更入山深處

手種西方社裏蓮

福安院

門前黃葉斷人行寂歷山房畫亦扁疏竹矮窗僧兀坐

炷香薰筆自鈔經

雙峯居士書堂

夜鶴相催蕙帳眠歸來領畧舊山川  
油雲捲入雙峯頂

收得聲名四十年皆九華詩集

○羣蛙嶺在蓮花峯北

陳塾羣蛙嶺

蓮花峯影碧桂巍亂石如蛙聚嶺隈  
小立雲端天欲暮

西風吹得梵音來四堂詩草

○寶陀巖在蓮花峯北巖戶峻嶒迴若樓閣異草奇花  
叢生其上次有仙人塘在巖內上有石牀丹竈

九華紀勝

卷十

諸勝山西四

十七

何壁記積稻峯北有寶陀巖下五里有幽谷為廣福寺

又五里為拾寶巖

陳巖寶陀巖

陰磴層崖洞室寬奇花異草幾多般  
絲雲不動金光起

便作金蓮法界看九華詩集

○西洪嶺在蓮花峯西北靈鶴山東縈紆數里由西道

入九華者必經此有會龍菴舊為光梵院南唐末闕僧

立行改為龍安院明萬歷丙申僧道經重建家宰陸光

祖頌曰會龍禪林菴左雙泉源出龍安山二泉相去咫

尺宋宣和間曹令機引泉築池亭其上曰雙練泛舟錄

原註云兩瀑披崖故以名亭又當路有環翠亭今皆不

存院前派派泉即雙泉所注院西舊有永安塔嶺側有

虎跑泉澗中有伏虎石嶺東麓有宋淮東提刑江忠顯

應洪墓

泛舟山浙錄出郭十餘里登雙練亭度西洪嶺入龍安

院自此徐行歷永安塔虎跑泉過石龍口

陳巖西洪嶺

衆壑中分嶺勢回數家茅店傍山開長風吹入松梢去

一片笙簧動地來九華詩集

儲峻西洪道中

九華紀勝

卷十

諸勝山西四

十六

一重山絡一重溪翠障金屏望去迷竹裏鳥聲知引客

攀蘿斜上白雲梯李志

王熹儒西洪嶺望九峯作

山容漸以親輕車亦徐引空曲多異觀回轉非一境松

篁澗圖畫巖壑分晝暝孤雲遊半岑寒日薄高頂稜稜

八九峯直上天路承秀發想元初萬古一俄頃平生感

塵壒老欲就真隱丹藥苦無方筋力絕堪晒暫追物外

蹤得借霜邊景墜葉舞微風隨人過西嶺西齋集

陳巖龍安院

蔓草叢生伴棘薪古藤直上繞松身寺前寺後清幽處

山鳥飛來不避人

雙泉

檻泉涌出不多深兌澤相資互有心水淨苦嫌塵土汚

底須吾欲濯吾襟皆九華詩集

蘇志環翠亭在西洪嶺北通縣治南趨九華前列雙峯

後擁靈鶴東時蓮花而蒼翠環繞故名

陳塾環翠亭

風起天開霽嵐光似列屏煙雲歸萬壑蒼翠擁孤亭靈

鶴秋逾碧蓮花晚更青倪迂傳畫稿遊屐且稍停門堂詩草

陳巖派派泉

九華紀勝

卷十

諸勝山西四

五

水源同出萬山頭山半支分各自流曲折繞從山下去

短莎隨地弄輕柔

永安塔

心不能安總是魔亭亭孤塔鎮巖阿儻無佛力三千行

奈此邱蛇井鼠何皆九華詩集

蘇志虎跑泉在西洪嶺側相傳有渴虎跑地而泉出

曹建猷伏虎石

拳擊渴虎踞溪濱苔蘚斑斕自有文月落隄昏驚過客

彎弓誰是李將軍墨蹟

江南通志江應洪字泰之青陽人登慶元五年進士第

累擢淮東提刑兼知揚州元兵大至多方禦之力屈死

郡志云友人林彥博昇其櫬歸葬九華西洪嶺之麓

○靈鶴山一名雲鶴又名雲鶴在西洪嶺西孤峯聳秀

縹緲如雲有崇聖寺舊名靈鶴菴唐光啟初改名圓照

南唐保大間復為靈鶴宋祥符六年賜額崇聖寺

國朝乾隆間袁氏重建寺東有翠瀑泉飛溜琤琮流繞寺

前則曼玉亭址在焉由翠瀑泉而上山之半為逍遙臺

至此則西南諸峯歷歷可數老嫗石在寺側

何飛鵬登雲鶴峯絕頂

奮勇登峯頂春巒列繡屏長江橫素練遠樹入蒼冥雲

九華紀勝

卷十

諸勝山西四

五

氣侵脊宇天風振羽翎自憐雙老眼留取看山青樂天室集

考異曰舊山志邑志俱稱崇聖寺舊名靈鶴菴南唐保

大間建中和五年復為靈鶴光啟元年改名圓照新舊

郡志雖節其字句而不究其紕繆今按南唐主璟於後

晉天福八年改元保大上距唐僖宗光啟元年五十九

年乃叙光啟於保大之後又中和只四年明年改元光

啟既曰中和五年復為靈鶴又曰光啟元年改名圓照

其顛倒錯誤皆易見者也

陳巖崇聖寺

山形四抱水來前中有金蓮色界天清磬一聲僧定起

松間靈鶴舞蹁躑九華詩集

陳埤崇聖寺

遊興夢中迫塵心秋後開晚風吹急雨獨客入深山翠

瀑響何處白雲生此間故人多負約不共叩禪關石船詩草

陳詩註翠瀑亭當作泉崇聖院前蔣穎叔詩有雲賓落來

如曳練煙崖穿過似夢絲之句又夏玉亭註翠瀑泉側

考異曰崇聖院東為翠瀑泉泉側為夏玉亭自陳清隱

集翠瀑泉詩題上繕寫者誤書翠瀑亭其後蘇頌吳李

山志郡邑志日游集遂增翠瀑亭復增曳玉泉不分為

二泉二亭乎今觀清隱夏玉亭詩註在翠瀑泉側則濕

九華紀勝卷十 諸勝山西四 廿一

翠拋來一絕題上翠瀑亭應作翠瀑泉明矣况袁蒙齋

集崇聖寺瀑布泉詩有古來翠瀑僅涓涓夏玉新亭卻

沛然之句不尤足証乎

袁甫崇聖寺瀑布泉一首

古來翠瀑僅涓涓夏玉新亭卻沛然世事廢興皆若此

醉眠何用問青天

半山飛瀑元如雪况是今朝雪裏來界破青山休設託

神光妙用亦奇哉蒙齋集

陳巖翠瀑泉

濕翠拋來覺染衣倚欄兀兀坐移時偶因過雨添流水

增重芬絲曳練詩

夏玉亭

邱中流水度鳴琴靜與僧房發妙音高下抑揚渾不斷

時時寫出昔賢心皆九華詩集

蘇志道遙臺在崇聖院側翠瀑泉上靈鶴山之半也

陳巖道遙臺

拂面溪風灑灑清輕衫短帽御風行逍遙自是天遊樂

不結沙鷗水石盟九華詩集

陳塾老嫗石

薜髮苔衣翠色深夕陽相對託知音攜來白傅新詩句

九華紀勝卷十 諸勝山西四 廿一

聽我長吟復短吟四堂詩草

○石龍口在西洪嶺西南五里有石龍菴

陳蔚由五溪抵石龍口

嘯曲循溪入崎嶇歷幾重引人增勝具到眼盡奇峰疊

嶂依雲鶴寒泉咽石龍名山饒古刹頻與老僧逢梅嶽詩鈔

阮亨石龍口

古剎藏幽谷沿溪一徑通展穿紅葉外磬響白雲中列

障圍初地奇峯聳遠空扶筇閒覓句靈鶴唳天風珠湖草堂



九華紀勝卷十一

諸勝 山東一

稻積峯在寶陀巖北勢如露困即蓮花峯之東面也峯麓木舟坦有尙書王文僖公墓

考異曰稻積峯陳清隱詩顧吳李三山志新舊郡志俱

從稻積何壁記萬歷縣志目游集俱從積稻今按王陽

明九華山賦云九子鄰於積稻始知非繕寫之偶爾顛

倒也當兩存之

陳巖稻積峯詩註山西曰蓮花

探得松苔足養身仙家畱稻滿倉困豈知山下人辛苦

九華紀勝卷十一

諸勝山東一

五月青苗已糶新 九華詩集

董誥王文僖公墓誌云葬九華山麓木舟坦有

賜葬原任禮部尙書諡文僖王懿修碑文

○小天柱峯在蓮花峯南正直如柱高僅天柱之半

○碧雲峯在蓮花峯側有煎茶峯鬪雞石轉入大谷曠

如平原有九子寺即廣化院其麓翠羽池舊有李昭象

書堂

陳巖碧雲峯詩註廣福寺南其峯巖削上連空碧下則

李化文書堂

瘦藤引我上峻嶒蒼壁如梯石作層袖得碧雲無用處

卻將分贈住山僧 九華詩集

蘇志煎茶峯在廣化院東鬪雞石上福海寺舊有十景

詩碑其一題此有擊石旋分崖上火引瓢還汲澗中泉

之句香林峯北亦有煎茶峯詳山南

考異曰煎茶峯有二一在山南一在山東李山志列山

西誤

陳巖煎茶峯詩註廣化寺鐘樓在其上

春山細摘紫英芽碧玉甌中散乳花六尺禪牀支瘦骨

心安不惱睡中蛇

鬪雞石詩註煎茶峯下二石相對一起一伏宛如鬪狀

九華紀勝卷十一

諸勝山東一

未悟雄冠死結纓昂然對峙只徒爭山頭化作千年石

盛氣虛憍不再萌 九華詩集

陳堅鬪雞石

淮王仙去層霄迥遺卻餘砂在丹鼎雙雞偷啄並飛昇

雲中仍復爭先鳴鬪心未泯忽遭謫向巖前化爲石

不效陳倉振羽翼宛然紀消養全德凌風對立隨天雞

扶桑日出石應啼 錢門詩草

陳詩註九子菴碧雲峯頂僞吳曦順中建即廣化寺

蘇志九子寺即廣化院在碧雲峯頂由鬪雞石轉入峯

阿如在平地四面翠石環時真煙霞幽窟也

陳巖九子庵

修途百折到山頂紺宇數間開道場倦臥儘人身自在

翻愁作夢趁黃梁九華詩集

僧希坦廣化院

路轉幾多曲山登千萬重未遊走馬澤先看關雞峯高

樹出雲簷寒泉趁石春徜徉因覓句時復倚青松名勝志

譚巖避暑九子寺

一瓣青蓮倩水圍石橋灣處對開扉朝分僧鉢千家飯

暮宿禪單五戒衣月立孤簷寒鐸語風沈古塔夜靈歸

自從劫火無餘後只覺山山廢自注佛寺災後

九華紀勝卷十一 諸勝山東一 三

因樹爲巢鶴不如敢言吾亦好樓居無人自寫來禽帖

有客閒求賣菜書莫信聚難嘗鹿豕未應兼可得熊魚

雲煙況復相供給五尺何勞費米蔬

元是黃楊木子禪去來空費草鞋錢他時歸計商秋燕

此日長吟學暮蟬脫粟春雲孤磬後葛藤話雨一燈前

桃花應笑劉郎老屈指於今二十年

一瓢獨對散花宮消受蒲團幾片樓雲去未能醫鶴瘦

月來應爲救詩窮林園入夢燈愁客風雨欺人子落楓

行矣復留緣二阮相期秋色又洲中栖竹居詩

徐念祖九子西閣

尋幽歷禪室俯視環嶼虛閣延層竄陰壑斂芳榛

呼泉聲亂靜聽各還真鏗然晚鐘出殿角風暗巡明月

空潭影照我清心神哀猿叫清夜百感遙無垠俱李詩

陳巖翠羽池詩註碧雲峯下百丈潭上雲泉幽寂鴛鴦

翡翠常集其中又名鴨子湖

錦雞花鴨爛成文乘鴈雙鳧雪羽紛同免王孫金彈子

飛來飛去一羣羣九華詩集

唐詩紀事李暉象字化文池州刺史方元之子父卒因

家焉懿宗末年以文干相國路公巖問其年曰十有七

矣巖以年尚少尤器重之薦於朝將召試會巖貶遂還

九華紀勝卷十一 諸勝山東一 四

秋浦移居九華與張喬顧雲輩爲方外交龍紙中楊行

密奔宣州以書招之不從

江南通志李昭象書堂在九華山翠羽池

郡志李昭象入九華結屋碧雲峯下與張喬顧雲輩唱

酬送日垂釣流觴至今尙留遺跡

陳巖李化文書堂註碧雲峯下

世路欹崎兩鬢絲山中留客且伸眉竹林勝踐雖相似

猶恨前賢所欠詩九華詩集

僧希坦李昭象書堂

廢興生死妄安名山水何曾改舊清孰謂堂空人

溪聲還作讀書聲 宋詩 紀事

李之世李化文書堂

龍去潭空山月深草堂猶鎖碧雲陰閒雲出岫有何意

不似高人此際心 九華 逸史

○九子峯在碧雲峯側其上有碧霄亭垂雲澗白如雲

垂峯側有石照旁有天井其東麓為福海寺唐景定二

年建本名景福宋治平初改賜今額寺門舊有唐僧手

植松寺右宋雙峯居士程待制九萬墓寺前臥牛石寺

東花廳石狀若綺疏寺西七布泉夏秋間瀑分七道注

下亦奇觀也由七布轉入遂谷為劉公寨建炎初制置

九華紀勝 卷十一 諸勝山東一 五

使劉光世禦張遇寨於此寺東北三斧巖西北毛萬戶

寨西麓甲子嶺有雙峯菴唐新羅僧建

陳巖九子峯詩註碧雲峯側排列有九小峯尤多林滋

詩云大者嶙峋若虎兕小者巖窺如嬰兒

小大扶攜作伴行歡然戀戀意相傾信知萬古山頭石

還有人間母子情

碧霄亭詩註九子峯前

秋風吹上碧霄亭足躡靈河袖拂星雲影四垂天接地

恍疑有路到仙局 俱九華 詩集

陳蔚碧霄亭

危峯千仞插岩巖選勝人來倚碧霄坐久始知塵世險

一天星斗列檐楹 梅嶽 詩鈔

顧志垂雲澗在九子峯頂澗有醫魚出則雨

陳巖垂雲澗詩註九子菴前有瀑布如垂素雲

飛瀑奔崖色皎然飄空上下勢相連看來不是天河水

盡是兜羅片片絲 九華 詩集

考異曰九子峯前有石照言石有方竅南北洞達窺之

空明如鏡耳蘇志謂如風櫛月牖東西洞穿日升沈則

相透照非是

陳巖石照

九華紀勝 卷十一 諸勝山東一 六

刮垢磨光碧色深日華穿漏解雲陰十分疑是仙人鏡

照見茫茫萬古心

天井詩註石照側其深如井

分派天河入地深斷無射鮒汨泥塵仙鄉初不諳機事

多少山間抱甕人 俱九華 詩集

李志福海寺託九子之平麓挹雙溪之上流遠而睇之

峯橫黛色溪湧碧瀾山與水交勝矣

陳巖福海院詩註九子峯下院前舊有壽松今主僧能

醫

風送香來草木靈壽松何事不重青日當亭午禪扉靜

藥杵聲中鶴夢醒九華詩集

僧希坦福海院

路入轉幽處渾疑別有天蚪松雖變化牛石尚酣眠驟過一番雨鳴飛七布泉望中千點雪白鷺立平田名勝志

陳芳穀雨日遊福海寺

古刹藏林暗飛泉對檻明時禽鳴穀雨遊客趁花晴暖日寒巖酌新詩故友評孤雲無滯迹眾籟有餘清華溪草堂集

集

江南通志安撫使程九萬墓在九華山福海寺旁九萬字鵬飛青陽人登淳熙二年進士第初知武康縣以政

九華紀勝

卷十一

諸勝山東一

七

績卓越內擢歷司農簿太府丞奉使兩淮改鑄鐵錢具有規畫出知和州擢華文閣待制襄陽安撫使封青陽

開國公

陳詩註臥牛石福海院前形如臥牛正對雙峯居士程待制之墓

考異曰九華臥牛石有二一在山之東福海寺前一在山之南金剛石下李志列山之西誤

陳巖臥牛石

石犀沉後波濤息石燕飛時風雨來堪笑石牛徒解臥山田無數任蒿萊九華詩集

陳蔚追和譚總庵臥牛石詩

綵繪文繡已全除猶憶媧皇鍛煉初萬火劫餘身化石五丁迎後國為墟羊皆復起何堪比馬縱能流總不如說法臺邊頭一點勿隨詔使駕柴車

默對流泉口未汚逃名一任作牛呼雲迷函谷真人杳

星隕銀河織女孤鐵馬汗枯荒寢外銅駝淚滴故街隅鬱林不復為霖雨漫把青泥竟體塗梅嶽詩鈔

蘇志花牕石在福海寺東縱橫玲瓏透若綺疏

吳志七布泉在福海寺西劉公寨三斧巖下絕壑千盤轟流百丈夏秋傾注分而為七散落層崖所謂雲邊野

九華紀勝

卷十一

諸勝山東一

八

鶴窮來處石上寒猿見落時也

陳巖七布泉

只緣雨過水傾崖霍地冰簾數幅開始信人間眞實相盡從無始劫中來九華詩集

陳詩註劉相公寨基九子峯廣化寺上宋建炎間當作初

寇張遇犯境井邑邨落多罹賊害劉鄴王光世因險立寨於上

明邑志劉公寨在九子峯之半左右石壁峭立中甚繁

紆

李志由七布泉轉入蘧谷為劉相公寨基別一洞天

武所罕至者

考異曰宋史建炎元年十一月戊子真定軍賊張遇入池州列傳劉光世改滁濠太平無為江寧制置使討張遇池州陣不整幾為遇執王德救之免遇行寇青陽光世追擊至此必因險以立寨者豈前鑒不遠而加謹耶抑張賊所部萬人徧滿城鄉官軍無列營之地耶

陳巖劉相公寨基

苦霧腥雲染寇鋒萬家鄉井雉懼暈山前堆滿縱橫骨換得將軍不戰功九華詩集

何壁記九子峯有三斧石按石有大斧劈痕者三亦稱

九華紀勝

卷十一

諸勝山東

九

三斧巖在七布泉上

考異曰甲子嶺在九子峯西麓卽周益公游山錄所謂虎跑嶺也唐末新羅僧淨藏建雙峯菴於此舊山志但云峯下而不註明西麓不混入於山之東乎

○覆甌峯在東協濟祠西北峯巔巨石歌如覆甌其東麓有廣福寺本南唐宋齊邱所居初稱超回書堂後元宗起齊邱於此遂改爲應天院又改爲徵賢寺宋改今額寺前沉機石狀如女機澗水暴集則半沉也澗側春陽臺寺後移黃匏城南淨信寺上距故基五里許

南唐書宋齊邱字子嵩廬陵人家洪州進兵部侍郎居

中用事且倚以爲相齊邱自以資望尙淺或不爲國中

所服乃告歸洪州改葬因入九華山累啟求致仕不許時元宗已爲大將軍烈祖以吳主命元宗躬往迎之於是齊邱託不得已而起遂拜中書侍郎遷右僕射平章事烈祖既受禪齊邱以丞相同平章事尋拜鎮南節度使元宗卽位召拜太保中書令旋出爲鎮海軍節度使齊邱快快力請歸九華舊隱從之賜號九華先生封青陽公食青陽一縣租稅或謂齊邱先帝勛舊不宜久奔山澤遣馮延巳召之不起遣燕王景達再持詔往乃起拜太傅中書令封衛國公後放歸九華山卒

九華紀勝

卷十一

諸勝山東一

十

考異曰清隱九華詩集註廣福寺云覆甌峯下註覆甌峯云廣福寺西今觀峯巔有石歌如覆孟者覆甌峯也東協濟祠在其東南麓則廣福寺應距此不遠俗以山西之平坦寺爲廣福寺以平坦寺東之峯爲覆甌峯不思註云覆甌在廣福西非廣福在覆甌西也江南通志謂廣福在峯下後移山上今平坦寺在峯下與後移山上之說不符則平坦非廣福明矣况周益公九華山房記曰山之東聞有廣福等院甚佳王文忠公九華山房記曰宋子嵩營宅九華之東不確可據乎總之寺經遷徙久而遺基蕪沒殆盡後人莫指其處傳會多矣然考阮

機石清隱詩註在廣福寺側此指原寺而言則是石必  
在山之東且在山之下斷不隨寺而移或謂石在西洪  
嶺澗東則山之西矣即謂石在淨信寺土則又山之上  
矣其說豈足憑乎故新舊山志及九華散錄覆甌峯仍  
列於東不盡改於西亦闕疑也若何蒲溪九華山記云  
寶陀巖下五里有幽谷爲廣福寺此指徙建之所言耳  
陳巖覆甌峯

生鐵團圓鑄翠巒一甌倒覆白雲端甌中姓字無人識  
應被山靈靜揭看九華詩集

九華紀勝卷十一 諸勝山東一 十一

石壓峯巔號覆甌不關枚卜宋齊邱野人艷說徵賢寺  
只恐山靈笑且羞梅糶詩鈔

明邑志廣福寺在覆甌峯下後邊山上前有二龍潭可  
祈求雨澤景泰六年黃山翠微寺僧顯裕崇廣遊九華  
過此遇早祈雨果應里衆請留募緣重建

顧志廣福寺有唐人手鈔四大部經水漂兩函歲久忽  
發光尋其處得焉

陳巖廣福寺詩註覆甌峯下唐屬人所鈔經今藏寺中  
五百年來貝葉光劫灰難泯壁中藏山僧要廣人間福

長日工夫一炷香九華詩集

施達廣福寺

古刹曾臨碧水灣幾時徙建白雲關依然作寺祠西竺  
未許移文繼北山梵宇唐書何代泯給園祇樹有僧還  
岡前上下蓮花漏盆入疎鐘香靄間天柱志

陳巖沉機石詩註廣福寺側平坦可容數人南唐宋超  
回所憩朝有機謀畢咨訪焉

忠誠爲國心無累簡易臨民訟自稀與世相安眞省事  
若爲作意苦沉機

春陽臺詩註沉機石側上有柱穴尙存

富貴風吹一闕埃春陽留得舊時臺老松偃蹇山前立

九華紀勝卷十一 諸勝山東一 十二

曾見昔人歌舞來俱九華詩集

○招賢峯在廣福院西南唐起宋齊邱於此故寺與山  
皆以賢名或曰唐有隱士棲此旁有高僧石直峙巖側  
高可三丈許

陳巖招賢峯

翹翹車乘力招賢建業山河五十年欲問興亡無問處  
一聲山鳥忽來前

高僧石

柏根翻動一爐香白足高僧禮梵王還了十方行脚債

卻來山頂放圓光俱九華詩集

○唐周繇故里在覆甌峯麓後裔世居於此

唐詩紀事周繇字爲憲池州人及咸通進士第以明皇

夢鍾馗賦知名調池之建德令李昭象以詩送之曰投

文得任而今少佩印還家古所榮後以御史中丞與段

成式韋瞻溫庭皓同遊襄陽徐高幕府

一統志周繇建德人調河南尉秩滿歸隱九華山僕射

王徽稱其孝弟可以表俗奏爲建德令

讀書紀數畧九華四俊張喬許棠張蠙周繇

考異曰明一統志稱周繇建德人而萬歷青陽縣志作

青陽人厥後志家以李昭象送繇合建德詩有佩印還

九華紀勝

卷十一

諸勝山東一

十三

鄉之語遂定爲建德人焉案唐詩紀事曰周繇池州人

調池之建德合蓋言繇爲池人而建德亦池屬耳凡池

人官建德者皆可謂之佩印還鄉不獨建德人也若果

籍隸建德紀事當曰周繇建德人調建德合何必統稱

池州人乎繇或非青陽人亦斷非建德人矣且各志稱

其歸隱九華而覆甌峯麓有繇舊隱子孫自唐迄今世

居於斯萬歷青陽縣志之言不爲無據古人託迹無常

况近在接壤或因官而家鄰縣或因隱而徙名山謂之

建德人可謂之青陽人亦可總之不外池州近是予故

謹遵

鈔定全唐詩仍曰池州人

○東協濟祠在覆甌峯東南祠北里許有九華書舍爲

明僉事吳淵讀書處舊在蓮花峯麓後徙建於此

羅鄴協濟祠本集無今仍舊志載之

靈廟門依山半開松庭瀟灑絕塵埃時聞樵者經過說

數有神仙變化來龍起陰雲生畫壁鳥歸寒粟落蒼苔

自從鼓吹喧闐日千里封疆不復災郡志

陳巖東協濟祠

新祠金碧照林邱十五年前認昔游月桂山茶分左右

滿庭花事各春秋九華詩集

九華紀勝

卷十一

諸勝山東一

十四

邑志吳淵永樂丙申進士官浙江按察司僉事有賢聲

○文殊峯在九子峯北有元末土人江華甫寨下有湯

侍郎書堂前有獅子行道峯羅漢行道峯後有拱辰峯

陳巖文殊峯

佛法中存不二門空然洗盡意根塵山頭日月如旋磨

照見光明示現身九華詩集

李志江元帥寨在文殊峯元末池郡邑爲趙普勝所據

守將曲律不花不能拒而遁統兵官鄧公總制宣城合

各邑互相保障以邑人江華甫雄武劉付稱元帥結寨

於文殊峯與錢清相犄角招集義勇固守地賴以安

顧志湯侍郎書堂在文殊峯下宋侍郎湯允恭築

吳志獅子行道峯東連文殊北倚螺髻巨腦虬尾形若  
狡狴升而望之如行道然因五老峯側亦有獅子峯故  
別爲此名

郡志獅子行道峯在文殊峯之前較獅子峯差大

陳巖獅子行道峯

佛力所至物皆化看取南山金碧堆林游莽伏不銜毒

獅子昔曾行道來九華詩集

顧志羅漢行道峯在文殊峯前狀蒲伏而上若羅漢之  
行道也

九華紀勝

卷十一

諸勝山東一

十五

陳巖羅漢行道峯

碧眼禪師錫振空石頭無路不相通俯看塵世三千界

總在空花起滅中九華詩集

胡翔雲羅漢獅子二峯歌有序

向在江中望見峯巒簇簇以爲九華當如是也癸酉夏

入山始知九華氣勢雄厚固不以峯巒見竒而向之簇

簇在望者則山之羅漢行道及獅子峯也秀拔絕倫而

江南通志遺之未載夫負竒才異能終身居人下淹沒

無稱者不少豈是峯爲然哉陳君梅緣將修九華志故

作長歌屬之

黃山六六金芙蓉中有羅漢獅子峯我生其間未一見

欲寫竒狀難形容竭來九華攬諸勝勝概翠巖凌虛空

膚無寸土石作骨開張面面都玲瓏峭壁默然如澄墨

黠沒更著煙嵐濃九十九點劇變幻稱名毋乃渾而同

一則羅漢一獅子餘石磊落該其中或爲行道紛接踵

或者奮足追長風半途突兀出眼底直引遊興飛層穹

倚天卓立攀援絕愁無綫路安支筇九華黃山僅距百

餘里靈氣脈脈相通峯巒造設千萬態開與之合皆

神工家山此地儼識面喜出望外開心胸作圖合向天

都去較論伯仲誰稱雄所嗟此峯伏處煙霧裏江南通

九華紀勝

卷十一

諸勝山東一

六

志遺竒蹤纂修今有陳無已如定律呂先黃鐘蓮花秀

拔另一格并期附載爭從巖歸將蒐討黃山志寄君副

本憑飛鴻說餘詩鈔

陳巖拱辰峯詩註文殊峯後衆峯羅列低昂拱揖若衆

星拱北辰

水合衆流同赴海山分一嶺獨朝天居高素以謙爲德

日日傾心斗極邊九華詩集

○螺髻峯在獅子行道峯北其下無極洞仙人塘塘之

下爲石室又下靈龜石

顧志螺髻峯在碧雲菴西仙人塘上如黛巖高竒



考異曰吳志失載螺髻峯遂將陳清隱螺髻峯山無正  
數一絕作野螺峯詩誤

陳巖螺髻峯

山無重數總蟠青直北孤峯最有情天巧縮成螺髻樣

梳雲沐雨百嬌生九華詩集

蘇志無極洞在螺髻峯下即空谷傳聲處也俗呼聞聲

洞

顧志仙人塘碧雲菴上有靈龜石石之上有石屋屋之

上有仙人塘塘之上則螺髻峯也

郡志仙人塘在螺髻峯一曰在寶陀巖下葛稚川丹室

九華紀勝

卷十一

諸勝山東一

七

也

陳巖仙人塘詩註碧雲菴上錄云在幘峯巖內上有石

牀丹竈按裴錄葛洪居於下又互見寶陀巖註

陂塘一曲水泐澄山簇瑤臺十二層剩脈餘膏流不盡

芝田蕙圃歲常登九華詩集

陳詩註石屋碧雲菴上山半內有程介翁伯南居晦等

同遊題名

考異曰陳清隱石屋詩註云在碧雲庵上山之半今考

各志曰仙人塘下曰靈龜石上乃螺髻峯半也而何蒲

溪記云碧雲峯峯之半有石室西有螺髻峯似誤

陳巖石屋

磊砢中間忽洞開舊題字字照蒼苔只言如我貪山少

亦有遊人先我來九華詩集

蘇志靈龜石在碧雲庵上其石上隆下平丹甲咸具

陳巖靈龜石註形似之

巧石排成五總龜人間無事不前知如今己自靈於物

還記泥中曳尾時九華詩集

九華紀勝

卷十一

諸勝山東一

十八



九華紀勝卷十二

諸勝 山東二

黃袍城在淨信寺上仙人塘側



其出泉為龍溪下流有龍溪橋

陳巖黃袍城詩註碧雲菴北

草色濃於野燒煙春風吹面午陰天長江搖蕩游人眼

興在悠悠一鴈邊 九華詩集

蘇志龍溪出碧雲菴黃袍城東北流為溪

○淨信寺在碧雲峯西南黃袍城下舊碧雲菴也宋紹

興中里人遷雲門寺額於此遂易今名為詩僧希坦棲

九華紀勝卷十二 諸勝山東二

禪之所明成化間僧覺信重建石屋三間山門一座寺

前數武有溪有橋橋畔為三笑亭高松偃覆碧蔭蒼幽

一清涼境也其麓小菴曰洞雲宋侍郎湯允恭墓在焉

考異曰明郡志云淨信寺在黃袍城下唐開元間賜額

考黃袍城下僧院舊名碧雲菴淨信之額宋紹興中自

雲門寺移來非李唐即賜於是菴其初賜雲門寺也或

者開元時耳

陳巖淨信院

來自青松翠竹關秋風吹帽醉醒間紛紛遮眼塵如海

拈起毫端又說山 九華詩集

陳聖典淨信寺

三間蘭若傍蓮峯得句僧撞夜半鐘惻悵禪關詩社散

黃袍依舊碧雲封 慎齋詩鈔

陳巖碧雲菴詩註今為淨信院西廡猶揭舊額

常日雙扉多不開客須投分始相陪庭前驀地失松影

試問碧雲何處來 九華詩集

張德碧雲菴

飛雪濺溪橋松風未寂寥高僧會此住何處覓詩瓢 李

陳堅碧雲菴懷宋僧希坦

為訪碧雲菴蓮社今寂寞不見吟詩僧松風滿山郭 門

九華紀勝卷十二 諸勝山東二

詩

李志希坦號率庵宋末居淨信寺工吟咏有九華詩集

蘇志三笑亭在淨信院前溪橋上取陶陸遠公送過虎

溪之意

陳蔚三笑亭

蓮社重開晚遠公過溪送客也相同我來誰共拈花笑

日暮山坳虎嘯風 梅緣詩鈔

江琪三笑亭和陳丈梅緣韻

送客何心學遠公度溪一笑偶然同小橋依舊長松畔

流水行雲夕照紅 竹筠詩草

江南通志宋侍郎湯允恭墓在府城南山川壇北一云在九華黃苑城之麓

邑志湯允恭本殷文圭之後登宣和六年進士歷官兵部侍郎歸老九華築書堂於文殊峯下卒葬淨信寺麓

○天泉在淨信寺西泉瀦峯頂四時澄澈俗呼仙人造酒處其下九曲洞

陳輿天泉

千尋峯頂噴靈泉一片清澄浸碧天手摘星辰敲活火試茶人坐白雲邊竹源詩草

○赤石壁繡石壁在淨信寺南赤石色純赭繡石斑剝

九華紀勝

卷十二

諸勝山東二

三

如古錦並立千丈宋建炎初居民避亂之所

陳巖赤石繡石壁

聖世承平百歲餘老翁因話建炎初綠林躡藉人波迸二壁中間各占居九華詩集

○獅子峯在九子峯南峯頂巨石橫臥如獅故名其隄有清涼菴俗呼獅子菴為邑人施傳芳遇仙處後置屋

施田遂成蘭若

陳巖獅子峯詩註五老峯側

懶上維摩室裏牀却來山頂現毫光紛紛百獸俱馴伏蒼蘂春風到處香九華詩集

○滴翠峯在獅子峯東九華諸峯皆聳身銳首惟滴翠峯上天下小蒼翠三層露洗煙消鮮新可掬峯前有天

柱菴唐末從天柱峯徙此宋乾道中余志源居之因易名翠峯寺側透碧巖巖石相錯如簷牙中有大竅高

廣各三丈而深倍之晴光穿漏湛然凝碧亦勝概也翠峯之東崖有泉湧出石罅四時常溫曰溫泉有眾峯攢

簇叢列於滴翠之南者曰聚玉峯有巨石如碣屹立于滴翠之西者曰石碑峯過此其伏而復起者則齊雲嶺

矣

淵鑑類函曰青陽山川志絕巖有滴翠峯烟嵐濛濛翠

九華紀勝

卷十二

諸勝山東二

四

色欲滴

陳巖滴翠峯詩註高舍絕頂天柱菴後

春氣薰空草木浮綠雲冉冉起山頭嵐光浥翠濃於染潤入衣襟冷欲秋九華詩集

黃吉迪滴翠峯

雲氣沾衣濕嵐光着樹濃玲瓏三襲幻空翠滴芙蓉李志陳巖天柱菴詩註舊在天柱峯前唐末遷滴翠峯下俗

呼高舍即今之翠峯菴

石壁參天駐冷雲一聲幽鳥忽驚人菴前菴後山如舊朽栢年來不再春九華詩集

何壁記三斧石南上里許有特峯又南十里有石崖石  
翁石泉石池並崇崛清麗爲翠峯寺絕巘有滴翠峯有  
石碑峯下有透碧巖

考異曰余志源居翠峯菴陳清隱詩註江南通志郡邑  
志山志皆稱宋乾道中而吳志獨云端平中端平距乾  
道六十餘年未知何據

陳巖翠峯菴詩註乾道中余志源因折柳溪邊悟解聚  
徒稍衆卽高舍居之自稱曰翠峯

縛屋山中數十年薙茅誅棘旋開田何須折柳溪邊去  
枯木寒林總是禪

九華紀勝 卷十二 諸勝山東二 五

透碧巖詩註滴翠峯旁與五老雙峯空翠相接

空洞玲瓏萬石攢中間逗入翠光寒人來坐對山無語

表裏虛明不礙觀皆九華詩集

施達透碧巖

孤巖再起翠偏重峽坼天開側背容當隙一松橫絕巘

下臨無地挂蒼龍天柱志

蘇志溫泉在翠峯東崖壁上出石罅中凝寒不凍掬飲

之味殊佳

顧志聚玉峯在滴翠峯南

陳鴻藻聚玉峯

玉韞深巖寶氣鍾輝生九十九芙蓉良工不敢輕彫琢  
堆積名山作一峯雲舫詩鈔

吳志石碑峯在滴翠峯西錫按齊雲嶺突然危岑旁壁  
一石方正削直爲石碑

李志石碑峯舊志作石牌誤今據陽明賦爛石碑之文  
藻改正

陳巖石碑峯

山斷空青近玉京一碑就石琢磨成煙措霧拭明如鏡

畱與游人記姓名九華詩集

陳塾石碑峯

九華紀勝 卷十二 諸勝山東二 六

巨碣畱題更待誰弗鐫篆籀意何爲有文曷似無文好

莫笑人間沒字碑四堂詩草

謝添籌石碑峯

齊雲嶺半石方平苔篆都從雨後生莫道此碑無一字

列仙高會好題名承燕堂詩草

何壁記斧柯嶺其東有列仙峯齊雲嶺嶺南香林峯

考異曰雲棲嶺在老人峯下正當雙石巖南齊雲嶺在

天柱滴翠之間北接石碑南連列仙乃諸山志謂在雙

石巖南是誤以雲棲嶺爲齊雲嶺矣其誤端由陳清隱

詩註然詩註雖云雙石巖南而卽引吳圖云列仙峯側

猶是疑而未定之詞也

陳巖齊雲嶺

金闕瑤階路不迷白雲翠嶺一般齊我今要達參寥境

借作凌虛萬丈梯九華詩集

○列仙峯在香林峯北與天柱峯相屬列石成隊縹緲

雲端如仙侶也

陳巖列仙峯

笑闖黃冠高切雲前攜後掖互相親我來歷歷披雲看

試問肩隨是幾人九華詩集

王守仁列仙峯

九華紀勝卷十二

諸勝山東二

七

靈峭九萬丈參差生曉寒仙人招我去揮手碧雲端王陽

明全集

○梅花峯在展旗峯西五石挺峙峭入層霄有枯株含

萼之象

何壁記天香嶺側有梅花峯美人峯西南五里有青峭

彎

陳巖梅花峯

僵立枯梢帶雪霜至陰極處動潛陽不嫌孤寂無人到

一點春風萬壑香九華詩集

施達梅花峯

疏枝瘦影倚天斜抹雨批煙帶碧霞應有羣仙吹鐵笛

空山處處落梅花天台志

陳塾梅花峯

五石凌霄翠影新枝枝雲外見丰神花開不逐東風落

常作林巒一段春門堂詩草

○玉甌峯在列仙峯北碧雲峯南距普賢臺數武而近

其峯圓直如甌下有懸巖若竈釜峯側有淨巾石石甯

而直狀如巾悅峯麓舊有最勝亭宣和中曹合機建五

老獅子仙人羅漢諸峯環列聳秀詩僧了機於亭前植

茶名夢覺香

九華紀勝卷十二

諸勝山東二

八

陳巖玉甌峯

茹芝仙客老仙鄉淨盡人間粒食腸玉甌豈能無用處

幾番與世熟黃梁

淨巾石

炯炯豁開明鏡臺是中無處著塵埃平生心地常如此

何假頻頻拂拭來

最勝亭

煙收霧歛翠成圍來助幽亭眼界奇衲子苦於山索句

稜稜瘦骨不禁詩皆九華詩集

○雙石巖在玉甌峯下雙石夾聳一瀑懸流舊淨居院

址也前爲東陽澗澗水順流而東有漱玉灘漱石鏗鏘  
聲如戛玉有琉璃灘水平鋪石上色似玻璃灘右舊有  
法樂院灘左有巨石方平而長臥於路側曰鞋石雙石  
南有雲棲嶺嶺上爲老人峯

陳巖雙石巖詩註老僧云嘗有異物狀若蛇蜃有角無  
足彩色斑駁三十年時一見焉出不畏人久乃復入石

巖中

舊日禪扉松竹幽寺移西去幾經秋誰知一匝枯茅地

曾是談經石點頭九華詩集

吳志東陽澗在雙石之陽踰琉璃灘而下東注龍口河

九華紀勝卷十二 諸勝山東二 九

水勢激怒谷口巨石填委古木蕭森參差閉出

陳巖東陽澗

澗平如剗水流遲湛碧溶溶可染衣白石欄邊人不到

月明風細一鷗飛九華詩集

江南通志漱玉灘在雙石巖東

陳巖漱玉灘

水石相逢驟作聲鏗然律呂自天成山中縱乏知音聽

亦有游魚傍岸行九華詩集

蘇志琉璃灘在青峭巒東水流澄澈光若凝冰

陳巖琉璃灘

青碧琉璃手可拈寒花多在雨中添高風不捲銀河浪

彷彿康王谷裏簾九華詩集

顧志法樂院在雙石巖東唐開元中建宋端平間縣令

喬幼聞移額邑東二十里秀巖洞前後復遷於舊址

陳巖法樂院

無住師參第一禪指開古洞秀巖天東扶西倒都休問

且結人間現在緣九華詩集

蘇志鞋石在琉璃灘側

陳塾鞋石

峯影崔巍澗水隈空山誰踏鐵鞋來琉璃灘畔畱芳躅

九華紀勝卷十二 諸勝山東二 十

春雨秋煙繡碧苔四堂詩草

顧志老人峯在雙石南峯頭狀如老人

吳志老人峯由雲棲嶺崛起一峯突兀方石架空旁下

一石偃偃若老人垂頤而坐拱手拄膝襟袖宛然

陳巖老人峯

佝僂形容古貌渾旁連衆嶺似兒孫荒山太古萬萬古

眼見游人來幾番九華詩集

僧希坦老人峯

二氣分時有此翁壽年直與太虛同想應偃僂千峯上

點笑人間說錢音錢又子公九華詩集

○普賢臺在滴翠峯下玉甌峯側臺前爲淨居寺舊在  
雙石巖宋大中祥符初僧雲林啟建治平中賜額靖康  
元年僧道生徙建於此崇巒四擁清瀨一泓泉雪松風  
最爲幽勝寺側疊石塔欹而不傾寺前菖蒲澗石上多  
九節菖蒲有一寸十二節二十四節者澗有霧則雨寺  
東有巴字泉水勢縈回三折而下形如巴字

陳巖普賢臺詩註淨居院北

石臺宿草幾年荒不比維摩獅子牀  
大士向來曾晏坐是身如電暗回光  
九華詩集

考異曰雙石巖正當玉甌峯下巖西稍上爲普賢臺則

九華紀勝卷十二 諸勝山東二 二

陳清隱詩註稱淨居寺今遷於上者即謂臺也乃何蒲  
溪山記萬歷邑志九華目游集皆謂寺在天柱峯下江  
南通志又謂在獅子峯下不知寺距天柱峯中隔一澗  
一坂距普賢臺咫尺而近臺北稍側爲滴翠峯而獅子  
峯更在滴翠峯之北

陳巖淨居院詩註舊在雙石側今遷於上

繚白縈青照眼波芙蓉出沒在天河不因雲影閒來去  
安得春山態度多  
九華詩集

章聖謨淨居寺

清曉尋巖壑林端嫩日升亂峯回合處古寺忽逢僧澗

響泉相觸山空語自謦  
枇杷知愛客傾蓋一層層  
謹堂詩鈔  
考異曰疊石塔陳清隱詩註云在淨居院前雙石舊寺  
基上唐時置高丈許欹而不仆蘇志云唐時人疊亂石  
而成者今寺前石塔微偏於西亭亭直立石皆方正與  
欹而不仆亂石疊成之說不符乃寺僧重建者非唐時  
舊物矣

陳巖疊石塔

無復晨鐘暮鼓聲  
慧雲猶護法鐙明  
佛乘大有扶持力  
舊塔雖欹不解傾  
九華詩集

陳懋豎疊石塔

九華紀勝卷十二 諸勝山東二 三

選石疊巖阿團成  
窄堵波雲霞爭擁護  
鳥雀敢經過  
近日香煙盛  
空山舍利多  
欹斜終不仆  
靈異竟如何  
陳氏清芬錄

何壁記石碑峯下有透碧巖南下有菖蒲澗

陳巖菖蒲澗詩註淨居院前

膜外浮雲不較多  
只將無事養天和  
生來懶覓仙人藥  
九節菖蒲奈我何  
九華詩集

蘇志巴字泉在淨居院東仁和王一槐與縣尹祝增學  
諭李山同遊題曰巴字泉蓋取巴江學字流之意也

終

九華紀勝卷十三

諸勝 山東三

天柱峯在雲峯北滴翠峯西南聳拔千仞如柱插天華東第一峯也唐道士趙知微嘗中秋陰雨率其徒玩月於此峯前有宋程槐閣肅書堂明徵君施達天柱書堂徵君輯有天柱志其南有展旗峯其前有龍游澗源出天柱展旗之間澎湃而下東注於嘉魚池池有石臺舊傳寶子明李化文垂釣處一名祈雨壇嘉魚池南為蛾眉峯池北為桂家山有劉侍御光復墓池水東出天秦橋與百丈潭水會

九華紀勝卷十三

諸勝山東三

吳志天柱峯由中峯委折歷梅花列仙五老諸峯拔起百餘仞其陰峭削其陽圓聳峯半有平岡岡下有懸壺石諸勝

三水小牘九華山道士趙知微乃皇甫元真之師少有凌雲之志入茲山結廬於鳳凰嶺前諷誦道書鍊志幽寂蕙蘭以為服松栢以為糧越數十年遂臻元化由是好奇之士多從之元真既申弟子禮服勤執敬亦十五年至咸通辛卯歲知微以山中鍊丹須西土藥者乃使元真來京師寓於玉芝觀之上清院皇甫牧時居蘭陵里第日與相從因詢趙君事業元真曰自吾師得道人

不見其情容常云分杯結霧之術化竹釣鱸之方吾久

得之問耻為耳去歲中秋自朔霖霖至於望夕元真謂同門生曰堪惜良宵而值苦雨語頃趙君忽命侍童曰可備酒果遂遍召諸生謂曰能升天柱峯翫月否諸生雖唯應而竊議以為濃陰駛雨如斯若果行將有墊巾角折屐齒之事少頃趙君曳杖而出諸生景從既闕荆扉而長天廓清皓月如晝捫蘿援篠及峯之巔趙君處元豹之茵諸生藉芳草列侍俄舉卮酒詠郭景純遊仙詩數篇諸生有清嘯者步虛者鼓琴者以至寒蟾隱於遠岑方歸山舍既各就榻而淒風飛雨暗晦如前眾方

九華紀勝卷十三

諸勝山東三

服其奇致元真器格無敵黃白術復得其要妙壬辰歲春三月歸九華亦不更至京洛

江南通志趙知微九華山道士結廬鳳凰嶺前乾寧中屢詔不出賜碧雲星冠青霞羽衣以寵異之鄭思肖中秋苦雨趙知微登天柱峯賞月圖人愛中秋月色同忽驚涼雨翳昏鐘如何只隔一重膜不見仙家天柱峯 一百二十四圖詩集 陳巖天柱峯詩註雙石巖南直柱虛空倚不斜上通絳闕玉皇家若移此柱天西北鍊石無功說女媧



鬼爛神焦不救燃豈知此柱固依然九關當藉扶持力

肯信人間有杞天九華詩集

陳輝望天柱峯

一柱擎天翠色濃亭亭高壓九芙蓉松風萬壑晴飛雨

識是知微玩月峯石船詩草

陳巖閣肅書堂詩註程激賞槐初在天柱峯前峯下有

泉竇深廣幾盈尺許清冷甘美

人生隨遇是行藏最有山靈引興長安得居鄉伯休父

再來閱肅舊書堂九華詩集

考異曰閱肅書堂宋程待制九萬子槐讀書所也後十

九華紀勝卷十三 諸勝山東三

世孫學諭懋即遺基重建歸田後授徒講學其中至老

不輟今天柱峯尚有程氏山莊乃世守舊業也

江南通志施達字下之青陽人研精理學不應科舉隱

天柱峯一門之內家人應對起居悉準內則曲禮傳經

講學聽受者常數百人稱天柱先生懷宗九年尚寶卿

張璋以隱士薦不赴卒其門人即天柱講堂祠之所著

有讀書知易信易序卦圖儒行註孝經註諸編

杜應成施徵君天柱書堂及莊田碑記

九華志稱五老最勝其東一峯為天柱下乃徵君書堂

也徵君姓施氏諱達字下之別號五峯人即其書堂尊

之曰天柱先生及膺薦辟又曰徵君云先生耻禮闈達

既幼棄舉子業一意理學著書會友凡三卜築而獲斯

勝終隱焉書堂創於泰昌庚申落成癸亥齋廬庖福畢

備朋儕之釀金庀材者詳載天柱志中不贅述此書堂

之所繇構也嗣是先生攜室入山士贊其門者益衆春

秋會集遠邇不下數百人鄰邑聘主會盟者踵相望崇

正丙子先生以璽卿張君璋疏薦將上所著書及時事

十三策明其所學之正以見諸行事乃不幸是秋捐館

舍諸門下士輒祠於其堂而尸祝之又岌岌然隕覆是

懼請余不佞歲一莅盟暨厥伯兄渭叟主攝焉適余偕

九華紀勝卷十三 諸勝山東三

邑友邵孝廉樸元張文學良翰胡上舍嘉亨弔唁因共

籌所以永斯館者眾即忻忻輸金若干為母施子鳴三

方子曦輩日相積累遂置莊田常稔者若干畝以成先

生天柱莊之志禋祀廩餼外仍有修葺葺葺蓋自是而

後賓至如歸書堂歸然不頽此又莊田之所繇置也易

稱何以聚人曰財又云苟非其人道不虛行先生懲虛

無之敝習力返博約之教其為功先聖不啻孟距楊墨

而闢館授徒日課居學嘉惠抑豈淺鮮哉此之胡居仁

陳憲章將千載不祧矣諸君子第以永斯館者永斯學

守先待後不墜先生之志則先生之道長存鹿洞鶴湖

且不得專美何費李王劉之云區區館與田爾乎余與先生學最契交最久何子機施子體以記請義不獲辭故述所稔知如此其功於館與田者悉列之碑陰以視夫來者順治己亥秋日

施氏宗譜

施達將家入天柱峯作

總耽邱壑葺廬深半託樵踪半道心別有蓮峯藏翠陽更開竹徑在丹岑尚平隱未借妻子陶令歸寧卜澗澗我却挈家仙掌上時人應作武陵尋

飄零一覆舊田廬贏得青山可寄逋妻有勝情饒領畧家無長物足踟躕鷓鴣自典曾歸蜀程襖難完已去吳

九華紀勝

卷十三

諸勝山東三

五

行李肩輿天柱路祇疑拔宅到蓬壺

生平勝具絕林巒管領名區作長官沮溺隴頭無產業融元帳裏有瓢簞惟邀地主營茅棟不藉門徒給糲餐見說蹲鴟餓可食更兼蘆菹大如盤

寥寂蓮華數百秋謫仙人去句誰酬自憐有術驅金趙却笑無家比費劉薛縣卜居多俠侶孔林買宅即名流

轉添勝事圖經上隱蹟於今又一邱

天柱志

吳光裕答施下之攜家入天柱

石柱撐天絕世塵高人遺跡欲尋真攜家好與煙雲住定性何妨虎豹馴悔未買山諧夙願慙終混俗作陳人

他時儻有楚然到飲犢何須上水濱

東西山嶺與君分寄老移家迴出羣同去孟光堪舉案歸休元亮未能文夜深但課兒攻月門靜惟餘犬吠雲從此世情真勅斷齋心蚤晚薦溪芹

千尺蓮華仙掌擎幾年尋隱隱初成欲將耕鑿安妻子肯許壺餐混友生流水杜門心不競飛花欹枕夢同清無煩齷石愁楊子拚與山林作主盟

近起飛樓懸木杪旋開曲牖頰山隅好借王烈朝餐髓恰許於陵夜緝繡石罅栽松形共瘦峯頭看月影同孤吾來欲就龐公語入室應知主客無

申椒園草

九華紀勝

卷十三

諸勝山東三

六

陳懋南題天柱書堂

峯頂聚生徒春風德不孤泉聲清几席雲氣滿庖廚誓與山靈約祈將世教扶亭亭天外立砥柱屬真儒

陳氏清芬錄

陳巖展旗峯詩註天柱峯側

山形南去疾如馳高處展關三丈旗山下行人爭指似

龍蛇影動夕陽時

九華詩集

何壁記普賢臺嶺外有龍游澗下有嘉魚池

陳巖龍游澗詩註資聖菴南縣流而下入嘉魚池說者謂嘗有神龍遊戲其中

龍蟠水底安於命龍奮雲間便自神或躍或潛須早與

何須來往澗南濱九華詩集

李玉衡龍游澗

梯雲千仞上絕澗繞奇峯花暖眠蒼鹿潭陰起白龍仙  
人垂釣罷高士入林逢落日書堂畔徘徊倚碧松詩稿

明一統志嘉魚池在青陽縣南三十里百丈潭側

考異曰百丈潭源出雲峯堂由百尺箭而北流嘉魚池

源出天柱峯自龍游澗而東注雖同歸石船澗實為二

水其合流處當天泰橋左西距池數十步南距潭里許

蘇志謂嘉魚池源自雲峯堂又謂池之上有百丈潭誤

九華紀勝卷十三 諸勝山東三 七

矣馬西齋承其誤而舛益甚謂百丈潭折至斗嶺為石

船澗復下為龍游澗復下為嘉魚池若是則嘉魚池在

百丈潭下更在石船澗下矣清隱先生詩註云百丈潭

昔有龍居之以當雲峯下流澗濯不潔龍遂徙嘉魚池

此潭水不入池之確証也何蒲溪九華記又云嘉魚池

下有百丈潭亦誤然此或以地勢高下言猶一統志云

嘉魚池在百丈潭側非謂潭隸池下也他若資聖菴遺

墓在五老峯側百丈潭西郡志謂在雲峯下流觴瀨近

在潭上而郡志叙之於下皆宜改正者也

筍菊庵嘉魚池

匹百峯巒影畫屏翠光樓閣起山溟高俾太嶽千山小

勢壓坤維萬古清石洞猿啼煙月落嘉魚龍起水雲腥

臨流磯上誰遺跡隱約仙人竇子明顧志

陳巖嘉魚池詩註龍游澗下池中有石臺乃竇子明李  
化文垂釣處其水多出異魚或亢歲鄉人乃屠豕瀝

血以激之須臾間必興雲致雨呼為仙人塘臺名祈雨

壇池深三四尺周迴不滿三四尺峻壁四合上有二水

湊為垂瀑乃山東第一奇觀

客有忘形物我間寸絲不挂謾垂竿游魚得計洋洋樂

人作西方丙穴看九華詩集

九華紀勝卷十三 諸勝山東三 八

施達嘉魚池

絕壁誰開面面孤雙懸瑤柱瀉冰壺北崖赤磤南崖紫

一片天臨尺五圖天柱志

吳志祈雨壇在嘉魚池南崖巨石孤拳方正如琢鄉人

歲早取池水禱雨故名一名釣臺漢仙令竇子明唐隱

士李化文嘗垂釣其上

陳巖祈雨壇詩註嘉魚池前之石

萬感生於一念間炷香驚起老龍蟠今年人協嘉魚夢

荒却池前古石壇九華詩集

李之世竇子明釣臺

垂釣深潭萬古清一官應比竹竿輕高人往矣臺空在

九十九峯孤月明九華逸史

考異曰蛾眉峯纖圓如新月蘇志云在嘉魚池南郡志云在雲峯側其實峯側即池南也

陳蔚蛾眉峯

行過山家欲叩門沒煙籠徑漸黃昏美人峯上三分月

照見蛾眉晚翠痕梅緣詩鈔

郡志劉光復字見初青陽人萬歷二十六年進士授諸

暨知縣以最聞擢河南道監察御史巡按山西素著風

采四十二年以張差挺擊案召對慈寧宮忤旨下獄久

九華紀勝卷十三 諸勝山東三 九

之釋歸光宗即位以光祿寺丞起用未赴官卒卹贈太

常寺卿論祭葬於縣之龍口桂家山

通鑑紀事本末萬歷四十二年五月己酉張差持棗木

棍擅入慈慶宮打傷守門內官李鑑癸酉駕幸慈寧宮

召見百官從御史劉光復請也輔臣方從哲吳道南暨

文武諸臣先後至上宣諭曰昨有風癩張差闖入東宮

傷人外庭有許多閒說爾等誰無父子乃欲離開我耶

尋執東官手示羣臣曰此兒極孝我極愛惜御史劉光

復跪於班後大言曰皇上甚慈愛皇太子甚仁孝其意

固將順也上不甚悉詰問為誰中使以御史劉光復對

光復猶大言不止上斥之至再光復不聞仍申前說上

色頓改令中涓縛之六月戊子着刑部擬劉光復罪既

而釋光復於獄

陳塾展劉侍御墓

我我桂家山鬱鬱劉御史東官偶被驚閒說遂不止請

幸慈寧宮百官見天子雅意乃排紛大言非忤旨君王

聽未聽反致下於理五載始釋歸一蹶終復起丹詔方

徵楊玉樓忽召李豐碑卹典隆論葬松楸裏咫尺嘉魚

池春風薦魴鯉四堂詩草

○雲峯在羅漢峯側高出東南雲將峯抱峯與雲摩挲

九華紀勝卷十三 諸勝山東三 十

聳層霄最為奇勝絕頂白鶴廟其下雲峯堂加冠石摩

雲臺峯巒環匝溪隴縈旋濤捲松蘿煙籠茅舍亦妙境

也東上五里嶺脊有常將軍廟稍前為宰牲臺又下則

旌表孝子陳鎬哭冰崖又下則梅邨岩為明進士陳邦彥設

義學處今學舍猶存由東南入九華者取道於此

陳巖雲峯詩註羅漢峯南去天尺五晴雨視雲出入其

中

詰朝雲出雨如傾向晚雲歸日逗明不比世間翻覆手

望雲人要驗陰晴

有動皆從靜處生嵐光正與日爭熏山靈要眩游人眼

石縫中間旋出雲皆九華詩集

王守仁登雲峯三子詠歌以從欣然成謠二首

淳氣日凋薄鄒魯亡真承世儒昌臆說愚瞽相因仍晚

途益淪溺手援吾不能棄之入烟霞高歷雲峯層開茅

傍虎穴結屋依巖僧豈曰事高尚庶免無予憎好鳥求

其侶嚶嚶林間鳴而我在空谷焉得無良朋飄飄二三

子春服來從行詠歌見真性逍遙無俗情各勉希聖志

毋為塵所縈

深林之鳥何閒關我本無心雲自閒大舜亦與木石處

醉翁惟在山水間晴窗展卷有會意絕壁題詩無厚顏

九華紀勝卷十三 諸勝山東三

願謂從行二三子隨遊麋鹿俱忘還

登雲峯望始盡九華之勝因復作歌

九華之峯九十九此語相傳俗人口俗人眼淺見皮膚

焉測其中之所有我登華頂拂雲霧極目奇峯那有數

巨壑中藏萬玉林大劍長鎗攢武庫有如智者深韜藏

復如淑女避讒妬聞然避世不求知卑已尊人羞逞露

何人不道九華奇奇中之奇人未知我欲窮搜盡拈出

秘藏恐是天所私旋解詩囊旋收拾脫穎露出錐參差

從來題詩李白好渠於此山亦潦草曾見王維畫輞川

安得渠來拂纖縞皆王陽明全集

陳巖白鶴廟詩註雲峯絕頂常有鶴翔舞於此

廟貌森嚴屋枕崖地寒鋪滿紙錢灰空明一碧秋如洗

若有神仙引鶴來九華詩集

考異曰雲峯堂一稱雲峯岩吳仙似九華志云錫詢之

故老皆言雲峯之下從來無堂應是四山皆聳中獨平

伏故謂之岩則從岩者是

陳蔚雲峯堂

山巖窈然深嵐翠撲眉宇松杉晝沉沉萬壑飛蒼雨

隨流水聲步入白雲隴修竹隱茅茨桃花閒藥圃山中

高臥人日午門猶杜梅線詩鈔

九華紀勝卷十三 諸勝山東三

願志加冠石在雲峯堂側狀類人加冠於首

陳壤過常將軍廟

石磴沿崖轉樵歌隔嶺聞宰牲傳故老駐馬弔將軍古

樹落黃葉亂峯飛白雲我來攀險阻不為建奇勳梅田詩鈔

邑志陳鎬邑諸生性至孝母病六月思冰夜半入九華

深谷中採冰以進乾隆十三年

旌表

陳塾哭冰崖

火德方炎暑氣蒸斯時那見水堅凝墮殘孝子千行淚

化作懸厓一片冰哀感蒼天珠錯落寒生赤夏玉峻滑

捧來梓內慈顏喜孟荀姜魚足並稱四堂詩草

郡志陳邦彥字汝美青陽人萬歷二年進士官工部員外郎在鄉創義學延師以訓後進

○五老峯在獅子峯側羅漢峯東北

考異曰周益公錄稱雙峯嶺峯真人峯蓮花峯合為五

老峯吳子功曰蓮花峯東北有五峯並峙者五老也乃

施徵君又謂天柱後高出二峯旁立二峯并天柱而為

五吳仙似遂仍其說然考清隱詩集青峭巒註天柱與

五老並稱劉輿父散錄云五老峯在天柱峯西南半里

則天柱又非五老之一雖清隱集無五老詩而其註曰

九華紀勝卷十三 諸勝山東三 十三

獅子峯在五老峯側則五老即在獅子側註曰羅漢峯

在五老峯西南則五老即在羅漢東北註曰資聖菴在

五老峯側按資聖菴東臨百丈潭則五老即在百丈潭

西也

史午雨霽望五老峯

去時急雨千峯來雲鎖九華頑不開失却五老空徘徊

但聞隱隱轟鳴雷同時山靈報消息逐雨驅雲放山出

五老亭亭俱供立疑自匡廬挽來得餘峯錯峙分卑尊

若父命子公領孫可但衡山能開雲此山亦有神異存

願志

王慎中遊五老峯四首

積石耽奇癖登山好問源不辭千嶂迴獨訪一峯尊

袖連飛鳥攀蘿學挂猿纍纍岡阜起坐閱盡兒孫

悠然獨抱此含意在乾坤陟險消多病尋真契寡言桂

叢冬亦茂石室午方暎倚杖神凝處泉聲樹裏喧

茲山尤物眾一一愜遊盤芝可充饑茹蒲堪結坐團題

詩生葉大濯足有泉寒由來吾所愛欲道與人難

難息煩囂久幸然未白頭靈藥非難得名僊或可求金

光叢裏映玉乳石中流回首願妻子真堪傲屣儔道巖集

施達五老峯歌

九華紀勝卷十三 諸勝山東三 十四

噫吁嘻五老之峯何危乎絳霄逼入紫宸孤橫巨欲將

山併起岩巖却與天相扶目眩仰窺猿鳥泣魂酸下瞰

鬼神呼剝裂披雲仙掌合連縣蔽日紺蓮敷峭絕飛塵

亦罕集龍鬚草秃蚪松枯我能口吐不能上五丁枉死

無通塗九華奇峰雖云九十九此峯迢遞直居首錯出

天臺卑可陵崛起雙峯孤不偶何如連峯一柱拄青天

五老肩摩南極煙三山橫出青冥隱一隊東來縹緲懸

我卜高齋天柱下蓮花據勝老危巔天柱志

陳塾五老峯

簇列華東峯不少歸然五老尤奇矯晴嵐近接天光寒

百里送人青了了俯視眾峯兒若孫參差左右相環繞

霎時雲霧四圍遮疑化流星飛入昇詩草

○資聖菴在五老峯側百丈潭西宋興國中高僧雲譯

初建菴前為忘歸亭今皆不存一澗從雲峯堂而來其

傾注直下者為百尺箭至潑澗曲折處為流觴瀨唐李

化文嘗引客泛觴於此有石渠天井之勝瀨下即百丈

潭潭西南數武舊有仙居菴為嘉定間孝子諸大道廬

墓處復下里許與嘉魚池水合流至斗嶺為石船澗嶺

上有止菴山房復下與龍口河合流為雙溪龍口乃東

入九華之山徑也有龍口寨明季我高祖造之公嘗率

九華紀勝卷十三 諸勝山東三 五

鄉勇拒左鎮叛兵於此

陳巖資聖菴

朝暮相依五老仙鳥啼花落幾何年塵勞不到山深處

窗外日高人尙眠九華詩集

忘歸亭詩註資聖菴前面對五峯相看不厭程圖在雙

石南

兩袖飄飄恍欲仙半醒半醉酒明船太虛一室都無礙

皎月涼風石上眠

百尺箭詩註百丈潭上有瀑布懸崖而下湧激如箭

飛瀑春撞破的餘速如蓬矢脫柔弧誰知水底天吳伯

曾識人間金僕姑

百丈潭詩註資聖菴前深谷其水來自雲峯湊潭垂瀑

而下高數百尺潭面南北廣六丈東西三丈黯黯如墨

昔有龍居之以雲峯人家日繁多澣濯不潔潭在其下

流龍遂避而徙於嘉魚池

日觀溶溶眩水精耳根龔龔受雷聲一杯更吸潭間味

併要胸中領此清

流觴瀨詩註百丈潭上有石渠天井唐李化文避巢賊

之亂入山隱處與客就水泛觴遊宴之所

四海秋風吹戰塵有來濯足到溪濱天荒地老人間世

九華紀勝卷十三 諸勝山東三 六

醉把流觴一笑春九華詩集

江南通志諸大道嘉定間孝子父令青陽死即葬百丈

潭大道築廬守墓洪武初廬猶存開平王常遇春勦趙

普勝過此題詩曰赤汗透征袍何如孝隱高結廬親塚

側只為報劬勞

考異曰昔趙普勝寨於遂谷巖開平王常遇春以兵討

之山梅邨岩登山崎嶇西上歷宰牲臺雲峯堂南踰巖

思嶺黃石溪以達其處宰牲臺在雲峯堂東五里許開

平王祭旗處俗呼殺猪臺今嶺上有常將軍廟焉江

南通志云諸大道父令青陽卒葬百丈潭大道築廬守

墓洪武初廬猶存開平追趙過此題詩於壁不知百丈

潭在雲峯堂北五里許開平未曾經此或進兵前亦嘗

訪開道乎夫諸博士嘉定間孝子廬墓在潭西南數武

諸氏譜牒謂之仙居菴菴雖圯而廬墓事土人津津言

之也且孝行不以開平重又何必問詩有無耶

蘇志石船澗在福海院南十里其下有石如艦

考異曰石船澗在百丈潭下再下與龍口河合流謂之

雙溪李志列山之西誤

陳巖石船澗

不怕掀天浪拍春石船繫在古溪濱縱然水繞東流岸

九華紀勝

卷十三

諸勝山東三

七

猶勝虛舟誤觸人

九華詩集

陳壤石船澗

一澗曲涵煙山幽地亦偏亂雲都上樹怪石恰成船鳥

語桃花外人家春水邊兒童欣客至相與煮清泉

梅田詩草

考異曰蘇志稱斗嶺在石船澗舊有止菴山房今東陽

澗東之嶺是也其高而峻者謂之上斗嶺踰嶺而東即

石船澗山房遺基在上斗嶺

陳堊過斗嶺值雨

驟雨過山來千峯一時暮翠壁瀉飛泉白龍挂高樹雷

霆震空巖煙霧失歸路澗底石船橫行人不可渡

四堂詩草

陳堊雙溪

幾曲雙溪十里長沿隄雜樹自成行僧歸野寺隨流水

人倚桃花釣夕陽柳外風來吹面暖潭心雲起上衣涼

誰家林麓廚烟出晚饌初炊笋蕨香

石船詩草

潘耒下天臺自龍口出山遇驟雨山徑險仄不容肩輿

跣足行巖澗中二十餘里却視諸山在雲海中隱見出

沒備諸奇詭賦詩誌快

天臺路氣氤其下常晴霽朝來僧牕中縷縷雲出砌謂

此無妨行出山志頗銳如何轉前坡雷雨竟狂厲却回

既艱難逡巡亦非計行行屏肩輿赤脚下天際緣崖杖

九華紀勝

卷十三

諸勝山東三

六

孤撐過澗裳屢揭沾濕何足辭所愛烟景麗峯尖遞隱

顯雲氣乍開閉或閃波中帆或露牆外髻眾壑瀉奔淙

瞥電無停勢透迤歷山邨取酒時一憩須臾斜陽明漸

次豁蒙翳千峯儼新沐晞髮遙相睇綠玉切無垠芙蓉

露其蒂平生嗜登覽茲遊諒難儷歷險境乃奇闕變心

始契思我同懷人強半班行綴此樂誰得知放浪天所

惠

遂初堂集

陳壤龍口

策馬懸崖度高峯見九華山田秋刈麥澗水夏流花雨

霽龍歸洞煙籠鳥宿沙空濛深樹裏野店雨三家

梅田詩草



九華紀勝卷十四

諸勝 山南一

天臺峯在東巖之東若地源東上十里許九十九峯最高處也層岡疊巘上聳雲霄登高四盼蒼然一色惟黃山對峙遙相主賓

李志天臺去化城峻嶒峭出二十里

吳光裕遊天臺記

九華之中蓋亦有天臺云天臺於九華為最高其境苦寂非人所能久居其徑又非人所常行去化城寺尚二十里程也舊有叢林浸廢近復開山靜室幾二十餘處

九華紀勝卷十四

諸勝山南一

一

多行僧居之名稍稍聞予山之人也壯矣每約朋友過而問奇輒興倦於化城之既跋又或為他事所絆今乙巳八月一日始與施君下之五弟璽偕往焉苦不知道謀之化城寺眾其時朝謁者盛僧俗咸候役罔利若供歲事無有應者有居士程喬出橐中錢覓一人為余輩鄉導余輩躡屐曳杖從導者後徑化城寺前取道上導者曰此有歧焉一東向稍直一南向歷鉢孟峯再折而東則迂居士將何之余輩遂南行里許為巖華嶺嶺下為上閔園昔閔公因金地藏捨宅為寺此山多其故土尚有一園在東巖下則梅下閔園也少憩松下解衣漱

豐行徑甚狹而陡秋草蒙戎被覆路上巖雲斐亶點綴

杖頭雖足繭而神甚適忘其為倦也迤邐遶大山幾折

始至鉢孟峯復跨木踐石去半里許乃得登其頂頂平

而峻當化城之面對之若鉢孟然旁一石峯孤起上銳

下直有領有袖人呼為石和尚向鉢孟拱立也又去里

許眎前徑則狹而又陡矣實為九華之巔仰視霄漢若

可捫語而草石縱橫迷不知所之乃從獸蹄鳥跡類身

而行然勢逾下草半枯少肆則屐滑而身仰臥惟余弟

能不須杖行也望山底有茅屋二間巨石蹲其後雖覺

幽爽然固知非天臺也負杖疾趨遂先後不相及余輩

九華紀勝卷十四

諸勝山南一

二

從山腰呼之谷響相答如聞清嘯下既乃始有微徑逢  
繖者問前茅屋知為石菴問天臺則曰此非其道然亦  
可達也導者復先驅喘息徐行不勝迤頓復上數里有  
松十餘株烈然蒼碧則舊叢林地也導者攜茶至啜之  
真若醍醐一比邱肅客入禮佛畢遂如歸也僧知其迂  
道來皆為勞苦導者曰余但能嚮東道三居士欲南觀  
鉢孟峯是以誤余笑曰欲觀山者豈計程哉少選出山  
門散曠諸靜室若星羅然有泉當叢林前兩山缺處直  
出而餘山則皆高也日尚曛山已作陰寒風浸人肌骨  
須臾鐘磬交發香雲互橫梵唄清越而余輩亦覺身世

之俱浮矣翌日從叢林左上登華巔向東道歸非復來  
時路也巔皆巨石崢嶸拔地起上干青霄返視東巖培  
塿化城洵塵土矣狀如列戟張屏如獅虎如獺鳥如佛  
像或上削若筍或下細如莖或飛空而側立或三五攢  
聚而半掩半露遙睇長江眇若勺水稍下則又或平如  
几遠峯上插若布諸物玩者又稍轉則改容化態倏忽  
萬狀而煙雲從石罅中出入又疑墮疑斷疑曳而巖隙  
偃仰婆娑撐搭奇不可言真若覆蓋若柔蔓亭亭上攀  
也比南道更勝路稍治而險倍之遇大石下臨數百丈  
緣鑿痕過幾犯垂堂過澗斷履石而渡至中嶺忽聞佛

九華紀勝

卷十四

諸勝山南一

三

號意非人間世逮前見三五僧眾策杖來疑在西方路  
上也過東巖則漸平乃反憩於化城寺之藏經閣吳居  
士曰余學道未有指歸與下之往返天臺兩日聞霏霏  
玉屑遂不徒作山水觀不知下之於此更作何觀也天臺

遊草

葉元天臺山

卓爾東南華孤筇天之半雲氣互吐吞上與鴻濛貫青  
天歸牧人日與山娛玩會當陟其巔揮手扶雲漢江西詩微  
鄒守益遊天臺山

見說天臺好星辰掌上看一溪中斷處石磴勢巉巖既與

劇初穿屐風高欲側冠悠然忘日暮佳會古來難江西詩微  
陳懋詣天臺峯

昔人惟賦赤城霞誰識奇觀屬九華亦有石梁通日馭  
更開雲峽渡星槎羣峯疊作芙蓉萼一柱中擎菌萐花  
同是天臺應有遇好隨流水認胡麻陳氏清芬錄

吳光裕天臺峯

九華最高天臺峯峯如挂青茆龍雲氣蒼茫蔽朝暮  
真宰出入陰重重我生其下三十載夢寐趨之鬢毛改  
前年結束約躋攀塵勞阻隔仍相待此日攜朋一往遊  
長天恰值秋風秋徑草離離半枯死木橋倒挂沿溪流

九華紀勝

卷十四

諸勝山南一

四

一里三休不得達左拽丹梯右援葛巨石斜飛當路橫  
手趾錯接兩蹙蹙仰面上視青天低頰身下瞰紅塵迷  
渺渺汪洋一衣帶林巒萬籟何淒淒我欲狂歌問天帝  
數聲清嘯煙霞契蒼松偃偃舞虬鬚青黛濛濛點螺髻  
屏風疊障陰晴殊大峯出雲小峯翳努力直上中頂看  
飄飄自絕閣浮世峯頭老僧向我揖破袖無緣戴臺笠  
溪毛作羹相共餐石泉煮茗手自汲人間那得似僧閒  
跌坐悠悠日閉關清磬名香修竹裏勸君且住不須還

天臺遊草

潘耒登天臺絕頂

九十九峯何重重就中第一天臺峯遊人千百無一到

往往氛霧迷樵踪我來恍惚有神助迅風掃出青芙蓉

徑上層岡度陰壑風日淒凜如霜冬羣山漸漸覺低伏

泉石一一呈玲瓏如屏如笏千萬態造物所幻難形容

飛橋橫空最奇絕側足萬仞臨奔淙靈草輪囷九節狀

壽藤蟠絡千年松登登絕頂何所見千巖萬壑來朝宗

九子伏如馬仙姑覆如鐘惟有黃山三十六峯相拱揖

磅礴一氣分橫縱舉手摘牛斗俯身跨虬龍西眺江楚

東吳淞盧霍八九吞心胸乃知茲山撐天拄地自雄絕

何必虞帝望祀秦皇封送初堂集

九華紀勝 卷十四

諸勝山南一

五

柯友桂天臺晚霽

芙蓉初過雨四面玉屏顏雲散秋橫漢月來詩滿山數

峯松影外一榻磬聲間煮石人何處高風我欲攀李志

陳其名登九華天臺峯

芙蓉絕頂是天臺一綫危梯度得來十五里鐘衝月上

兩三家寺傍雲開洞因多曲煩僧引峯不知名任意猜

到此方能寬眼界人間端的有蓬萊天柱詩草

洪亮吉天臺

中峯抗佛殿累數百級人攀鐵鎖竟千尺復起立飛

泉走巖竇龍臥未敢汲初程事牽衣猿猴步難入同濟

去百步顧視不可集履石石欲下奔瀑勢躡及勞生幸

出險且復眺原隰人言天都雲百里光可吸支笻暫思

憩復與孤僧揖山月出白扉盤餐幸粗給僧難資半被

骨冷起膚粒林深巖氣重蒸此簷宇濕空山五月中水

寒蟲尚蟄挑燈夜難寐窗戶坐補葺聞鐘百年心披衣

出遊息附結軒詩

○天臺峯頂有雲峽玉屏峯捧日亭渡仙橋活埋菴

磨崖雲峽二大字旁署西江朱大器書在峽口內一線

天三大字旁署康熙三十六年春季春月觀察使三韓朱

作鼎題并書

九華紀勝 卷十四

諸勝山南一

六

吳國靖雲峽

深山豈無鬼斧跡尚可尋百巧開蒙祕一線通晴陰乍

入起寒色輕呼流空音星銜疑蚌剖風盪作龍吟非無

幽賞士難知造化心悠悠孤岑頂對峙獨至今鳴草

翟漱芳雲峽

乍入青天窄如窺一畫文松稀深透日石裂任通雲出

峽千峯匝凌虛兩片分層霄誰點筆劃破碧苔紋詩藝圃

陳其位玉屏峯

黃金鋪地玉為屏萬丈高懸捧日亭石磴煙霞縈鳥道

天橋簫鼓度雲耕遠吞江影胸中碧俯瞰山光眼底青

寄語謫仙沉醉後好將佳句問蒼冥天臺詩草

李暉捧日亭贊有序

余於乾隆丁巳閏重陽登九華經再宿九華佳處在東巖天臺而天臺尤高其玉屏峯之頂極目千里心曠神怡念此大觀不可無以挹之因捐貲建石亭名曰捧日創始戊午三月至七月而竣願後賢隨時修葺勿為風雨所剝以長保此勝爰為之贊

雲門轉上帝座可通天都對峙長江盪胸城市歷歷景

象融融黍膺五馬結緣九峯

運逢清晏政自從容遐瞻黜韓長保和豐廣宣陽德上答高

九華紀勝

卷十四

諸勝山南

七

穹構亭蓮頂用傾葵表陳連枝捧日亭

陳連枝捧日亭

到此青天近吟聲上界開孤亭危捧日雙展穩盤雲宣

歛千山合荆揚一水分石梁今已渡回首念同羣墨蹟

按渡仙橋亦李太守暉建東跨天臺岡西跨玉屏峯

渡仙橋南磨崖非人間三大字亦朱作鼎題旁署小字

與雲峽同

李暉年歲遊歷記碑刻在渡仙橋畔計三千餘言畧曰

四十六移守池州四十七按行六邑由石埭至青陽始

從九華後山登天臺躡東巖奇峯瘦削宛然圖畫又曰

乾隆二年閏九月考自前明崇正壬午至今丁巳百年始得一閏重九真人人生不易遇之日豈可虛擲適以公

至青陽遂復登九華之東巖天臺躡玉屏峯絕頂四望

無際仰捫星辰因度地建石亭名曰捧日遍搜諸奇覽

宿真如菴月映松林清沁肌骨蓋天臺之勝至是始盡

領其趣又當閏重陽之期美景良辰一時兼得白公詩

云青山巖眼三千里白髮平頭五十人余髮雖白長將

與山水為緣不勝自幸矣

按活埋菴在天臺岡面真武按劍峯康熙末僧塵塵子

築

九華紀勝

卷十四

諸勝山南

八

乾隆縣志塵塵子名杜多康熙庚子行脚至天臺峯結

茅住焉能詩工書法年七十猶兀坐蒲團嚴冬着單布

衣圓寂後六年其形趺坐不仆皮肉如生

潘耒活埋菴贈默安禪老

九子山頭第一峯掩關枯坐有南宗銜花罷供心離境

撥草無人路絕蹤脚下雲生長似絮膝邊松偃欲成龍

挂瓢只合相依住掃雪敲冰過幾冬遂初堂集

○雲峽下面陽阿中印信石畔舊有天臺寺今禪菴之

歷落於古松奇石間者曰護國曰德雲曰招隱曰東度

曰東慶曰真如真如菴後有青蓮詩社其側有香象石

印信石西面刻印信石三字字大徑寸旁署天啟乙丑年潘應龍書按石在德雲菴前天臺寺遺基側其上舊有金銅千佛塔

江南通志天臺寺在天臺峯之下

曹學佺遊九華記巔上以天臺峯為最高其下有寺僧皆苦行境色清絕夜中始聞鐘磬梵音真離一切垢濁而入寂樂國矣

甯華池天臺寺聽松

謾謾蒼濤徹夜吟高山疑有客鳴琴踏殘空谷知音少

辜負松風一片心李志

九華紀勝

卷十四

諸勝山南一

九

按護國菴俗稱老常住

德雲菴俗稱正常住明萬歷間僧明惠建

招隱菴俗稱中常住明天啟二年僧離知建

陳蔚天臺峯招隱菴施田記代

嘗讀南史武帝就王壽市田施大愛敬寺唐元載王綰

杜鴻漸喜飯僧徒而京畿之豐田美利多歸寺觀李贛

以俸贖田奏復善權寺蓋古之薰修身田者亦必資乎

命田而有恒心者須有恒產豈惟吾儒然哉歲嘉慶癸

酉余登九華謁金地藏於化城寺乘輿陟其巔曰天臺

峯見境界清幽僧皆苦行因思化城左右開鑿瀆澗盡

成稻田惟此天臺求黃粒稻不可得蒼松一鳴任種苦

提翠石千尋只生靈藥倘嚴冬之際雪封山磴煙斷齋

廚豈能託眾香鉢入舍衛城乞食耶爰出橐金買峯麓

伏龍橋側田若干畝施於招隱菴聊以歲入之租少助

伊蒲之饌昔棲霞素菴禪師欲置千田以供僧眾比示

寂時得三百有奇其徒復丐袁主政作長生田碑記且

募足其數若余之區區者僅足充蔬僧之一飯耳顧田

雖千畝施不一人要由慇懃而成累積所致有與余同

志者爭扶淨土廣獻芳疇庶幾諸佛弟子藉常有之資

為自然之食無勞飯塔復免千人莫不面壁潛修心田

九華紀勝

卷十四

諸勝山南一

十

普潤矣或曰佛氏有福田三種次為功德田謂是田即

功德田也則吾豈敢梅稼文鈔

按東度菴在護國菴西北

東慶菴在護國菴北

陳能儉東慶菴

入山雲路迥梵宇絕巒塵嵐重晴如雨花暹夏始春林

禽知念佛籬犬欲迎人老衲歸松徑烹茶自負薪墨蹟

按真如菴明萬歷末僧明預建明預字見空

僧觀身青蓮詩社

東林社散幾經年喜得青蓮繼白蓮搔首有人同謝眺

攢眉無客似陶淵  
頻開壇坫爭搜勝  
好與雲山廣結

岸憤循簷風雅侶  
日標霞壁句重聯

南巖詩草

陳匡之題香象石

兔馬河同渡淺深各有因  
馱經今化石方免齒焚身

詩草

○真如菴南里許岡外舊有寶筏菴  
明嘉靖間建後異

僧宗印居焉又南為淨土菴  
萬歷初僧如松建

九華散錄璽田住天臺率七日一食  
山中雖風雪必夜

巡曉返為常壽百十餘歲至崇正  
五年壬申一日自架

柴數束坐其中火之時有紫雲  
覆其上火之地有異

九華紀勝

卷十四

諸勝山南一

士

香經旬不散今俗名其菴為西天云

考異曰僧宗印字璽田寶筏庵以宗印居之因呼為璽

田庵後音訛遂為西天

鮑震天臺峯淨土菴

直行天上路下視萬山寒怪石連星  
落橫峯側面看幾

人窺象臥千疊關龍蟠擬共高僧住  
朝朝踏翠巒

二溪詩草

○自印信石北行二百步許復興菴址  
下行二里許白

雲菴址再下數十級折而入為獅子  
鳴有九如菴碧雲

庵乃真如庵德雲庵別刹也復出  
隴下行五里嚴思嶺

沿流而南達黃石溪踰嶺而東通雲  
峯岩嶺產名茶為

九華上品

陳墀嚴思嶺

九九芙蓉次第登  
路經百折石嶒嶒  
風喧洞壑疑飛雨

霧撲鬚眉欲作冰  
解渴苦無沽酒店  
衝寒已有探梅僧

行行漸入天臺境  
又比雲峯上一層

石船詩草

○自雲峽循岡而北為羅漢峯俗呼羅漢墩  
有撲雲菴

萬歷間僧祖安建

考異曰諸志皆謂羅漢峯在五老峯西南  
雲峯在其下

今觀羅漢墩近在雲峯上正當五老西南  
乃羅漢峯也

陳巖羅漢峯詩註五老峯西南昔有僧挈  
瓶持錫嘗詣

九華紀勝

卷十四

諸勝山南一

士

金地藏竟日談論去住不常人莫知其  
所地藏示化後

二十年樵者登峯見居此顏貌清古宛如  
昔時膝錄云

在老人峯西南

閱盡人間萬劫塵平生結習一無存居山  
更向山頭坐

兀兀真成不動尊

九華詩集

○自天臺岡西下三里許為真武按劍峯  
其麓有龜石

蛇石俗稱雙燭峯兩峯並峙相距可三百  
尺其間巨石

橫亘壁立而上平者曰曬經臺

陳秉烈雙燭峯

雙峯並列勢岩崑百丈亭亭燭兩條冷翠  
曉沾膏露商

晴嵐晚借火雲燒高摩慧日光尤炯直透罡風影不搖

想是山靈留法炬神燈夜夜照丹霄詩澗

曬經臺磨崖九華以天臺為最勝自閔園上天臺至此

已過半其上即曬經臺前望平疇萬卉長江一線後望

則諸峯羅列俗號為香爐蠟燭峯者雖不甚肖然莫不

挺秀聳奇於臺前為登天臺者之所憩足而寫心也靜

樂李暉題其前有乾隆二年又九月七字

陳鴻藻曬經臺

百丈丹梯接杳冥一臺高占萬峯青瞳矐慧日諸天近

好曬楞嚴十卷經雲舫詩鈔

九華紀勝卷十四 諸勝山南一

十三

○聚猿峯在天臺峯西南其下為石佛巖巖內石佛一

尊稍上十步許有石洞菴一稱石菴明高僧德道始結

茅於此上距天臺三里下距黃石溪十餘里按德道字

東祖今德雲菴真如菴之僧眾其法嗣也

陳懋興石佛贊

是石非佛佛由石成是佛非石石由佛靈無須鐵臂宛

見金身佛耶石耶誰假誰真陳氏清芬錄

○龍湫一名浴龍池在黃石溪西上十里許其境幽邃

水從石壁空竇中噴出懸流數百尺琤然有聲前橫石

檻內深黑如井龍所窟焉澎湃滂洏足與鴈宕爭雄禱

雨輒應其水注入黃石溪

孫槎龍湫

萬仞峯頭挂玉虹銀河高瀉水晶宮迴風噴雪驚雷吼

疑是蛟龍撼碧空蘇志

陳蔚龍湫水

龍湫水神奇靈應真無比千尋飛瀑挂山巔噴出珠璣

勝醴泉芳田十日斷雨澤爭向龍宮丐一滴拳旗擊鼓

到靈湫焚香羅拜虔心求取得甘泉覓歸路天心會見

油雲布邨前邨後雨翻盆晚稅結子稻生孫昨日縣前

禁屠宰青荷裹肉人爭買零雨雖祈心未誠城頭杲日

九華紀勝卷十四 諸勝山南一

十四

挂銅鉦梅棣詩鈔

○黃石溪盤屈幽深為甯成登仙之所其水發源天臺

峯飛瀑北注漸折而東過嚴思嶺麓再折而南十里與

龍湫水會稍折而西五里抵牛軛嶺麓復折而南與分

水嶺南長阮諸澗水合流東注於鮎魚潭潭瀑飛沙激若

晴雪滿灘涼沁肌骨天造佳境也下出鮑邨橋以達於

三溪口鮑邨橋東有明鮑太守旭祠及文峯塔橋西有

舞鶴山莊

陳詩註黃石溪雲峯南近南陽

何璧記有二神峯下有黃石溪平田千畝水旱無患

陳巖黃石溪

平田千畝萬山中水脈高低處處通黃石一溪三十里

暖風吹動稻花叢九華詩集

九華散錄甯成黃石溪田父也一日鋤山側遇一翁引

之叩石壁壁啟有官室非人間居翁即其地拾半桃食

成成食之心知其為遇仙矣顧念家尚有母未畢養奈

何翁即知其意謂成曰爾欲還當閉爾目否則墮水中

也成如言聞波濤澎湃者久之翁語之曰至矣令張目

則在其家屋上攀其背使嘔所食半桃即訂曰萬歷二

十四年之某月某日當俟我於山中言訖翁不見成乃

九華紀勝卷十四

諸勝山南一

五

叫號屋上家人聞其聲掖之下則去家已三載母尚無

恙也復事母盡孝六年母逝適往山中採石耳遂不歸

其日月適如翁前訂云

蘇志牛軌嶺在臥龍菴北按嶺近黃石溪非牛欄院之

牛軌嶺也

陳磊過牛軌嶺

秋風蘭蕙放一徑挹清芬雜樹孤亭合流泉峻嶺分无

猿啼落日黃嶺臥寒雲茅舍青山裏書聲隔隴聞湖南吟稿

陳壤夜雨過鮎魚潭

雙屐衝泥勢欲頽孤燈攜雨步崔嵬林含宿霧吞滄海

石激奔泉吼怒雷漸近山莊聞犬吠那知松徑有人來

老翁見我衣襟濕忙進銷寒酒一杯梅田詩草

萬歷縣志鮑邨橋在十三都洪武八年邑民鮑伯華伯

祥建

鮑爾臯題鮑邨橋

林亭霽景午霏霏挈伴幽尋傍翠微杏雨半侵新鴨褥

蘋風亂拂舊魚磯一行野鷺衝煙出幾處殘花逐蝶飛

不是溪橋題柱客那堪千里又征衣小瀛洲吟稿

廣輿記名宦明鮑旭知興國州治民以慈愛為本有冤

抑者為為伸之

九華紀勝卷十四

諸勝山南一

六

興國州志鮑旭字景昇池州舉人嘗曰救荒無善策然

須預為之計乃修常平倉六所慎典出納水旱不災朝

天隄橋圯砌以石復亭其上人呼為鮑公橋

王宗誠新建太守鮑公祠碑記

古之仕者惠澤及於民不愧慈父母則郡邑圖其形以

祀之碩德著於世可稱鄉先生則里黨配於社以祀之

此名宦鄉賢二祠所由分也然人果仁政克布於他邦

斷未有流風不存乎故里是祀於彼為名宦而祀於此

為鄉賢又一而已矣我邑前明武昌太守鮑公景昇先

生以宣德壬子舉於鄉初膺均州牧再補興國州擢武



呂守卽賦遂初一時仁風善政楚民不能忘已祀公  
官祠今嘉慶初吾邑人士以公未祀於鄉合詞丐大吏  
請於

朝祀鄉賢祠噫公距今三百餘載楚民沐其澤祀之宜矣而

桑梓之間猶思慕不置請薦馨香何曠世相感若是耶

今其裔芳浩溍等於公之故里謀建專祠益以見循吏

有後而念祖者多也夫公宦楚政績以慈愛爲本若修

常平興學校築隄橋辨冤獄戢叛苗散見於我郡邑志

及廣輿記興國州志者不勝縷述特以盛德所被愈久

愈深粉榆景仰芳徽奕葉淪浹遺澤而是祠卜基命匪

九華紀勝卷十四 諸勝山南一 七

旬日告竣遂使道旁過者瞻其堂之軒軒而闔而其峯

之巍巍而尊俯其溪之漾漾而清不特觸景賦詩而勃

然興起之思竟未有盡也余故樂而爲之記神刻

青陽縣志鮑邨橋旁有南陽文峯塔萬歷間里人鮑楚

率族同建

鮑氏家乘鮑溥字希大明建文間代父從役有司憫其

孝尋得歸舞鶴山莊溥讀書處也後裔修葺弗替

○仙人峯一名仙姑峯在天臺峯東南遙望纖秀峯之

半曰上園爲明孝子陳伏元廬墓處稍下有慕仙菴其

水曰平泉發源仙源洞下出蟠隴橋瀉於東溪經善成

橋達三溪口善成橋左爲東溪亭右爲九華廟廟北則

宋詩人陳宗故宅在焉峯東麓有圖南閣有雙河橋

顧志仙人峯在陵陽山西舊傳賣子明劉光世楊元秉

陳昇卿所經遊處頂有石壇夜吐金碧光歲旱燔其壇

輒雨

陳嵩萬仙姑峯

月爲明鏡石爲屏欲把閒情問巨靈縹緲仙姑眞絕世

置身天外影亭亭詩草

邑志陳復源字士蘊性至孝友父客死源號泣奔赴扶

柩甫歸母亦尋逝合葬仙人峯下泣血廬墓二十餘年

九華紀勝卷十四 諸勝山南一 六

鄉孝廉鮑珪著有廬墓記按陳氏家乘復源作伏元

慕仙菴木榜畧曰陳道榮永樂閒入生子五晚年喜奉

佛結屋仙人峯下題曰慕仙菴祝髮焚修卒葬菴後

王元林慕仙菴

仙佛慣同區禪棲鳳嶺隅丹光團舊竈花影閃浮圖搗

藥禽爲侶談經石是徒門開黃海近雲外見天都古藤小築

陳匡之慕仙菴

濃淡煙嵐遠近浮千林葉落一山秋天開雨霽雲成海

風靜波恬屋似舟鐘逐泉聲沉絕壑月移松影上層樓

老僧出定渾無事對客談禪夜未休詩一峯

陳坡東溪夜坐

積藳暮霏霏亂山橫翠微空亭日已落古寺僧未歸漁

歌隱隱隔溪去淡月如煙在高樹詩草

陳一經善成橋碑記畧曰家飲賓君諱世鑑字榜山嘗

欲架石橋於東溪之上而未果易簣時謂家人曰爾母

子必建是橋以成吾志今年二月孺人張追念厥夫遺

命使次子上舍生萬中解橐捐金鳩工伐石不數月而

橋成名曰善成時萬歷四十有七年也

邑志陳譚字維靜嘗建東溪亭於善成橋側又曰九華

九華紀勝

卷十四

諸勝山南一

二

廟在隴上水口

郡志陳宗字顯之青陽人宋紹興二十年以明經發解

按宗有紹興壬申題小魚龍洞詩爲世所推其故宅在

東溪之西

雙河橋在仙姑峯東麓里人陳連枝建

何聯珠過雙河橋

落日山開霽溪光淡茫中懸厓飛正練壓水架雙虹柳

密青煙合波迴碧岸通不須舟與楫自有濟川功詩草

○鳳凰嶺又名鳳棲峯在仙姑峯西南有唐道士趙知

微延華觀今遺址在嶺西北麓

陳詩註鳳凰嶺又名鳳棲峯滕錄云在東藏源南

考異曰九華有兩鳳凰嶺一在山西曹溪出其下一在

山南仙姑峯側考陳清隱詩註謂在東藏源西北者山

西之鳳凰嶺謂又名鳳棲峯并引滕錄云在東藏源南

者山南之鳳凰嶺故何蒲溪九華記鳳棲峯別列於雲

峯黃石溪之間是也而嶺亦各有延華觀滕錄云在漂

溪東飲猿潭北者山西之延華觀遺址在鳳凰嶺西北

者山南之延華觀蓋當日知微丹廬諒非一處厥後其

徒分住諸峯各藉延華以艷其所居如詩註云延華觀

額後移崇教院福海寺詩碑以鳳凰嶺爲十景之一是

九華紀勝

卷十四

諸勝山南一

三

山之東又援以爲勝矣宜考古者莫能定其處也

陳蔚鳳凰嶺

羣峯高刺天空翠光凌亂飛泉挂壁鳴松風相續斷仙

人趙知微煉丹延年筭桃隨巖罅栽月向雨中玩元牝

道術精羽衣上霄漢我行恣清遊捫蘿陟嶺半路逢采

藥人猶說延華觀詩草

陳賈之鳳凰嶺抵慕仙菴

翠影參天千仞岡草深難辨路微茫幾家茅屋水邊靜

何處野花風際香泉瀉忽驚青嶂裂身閒翻笑白雲忙

山僧入定客初到林表一聲清磬長唯齋詩草

九華紀勝卷十五

諸勝 山南二

鉢孟峯在天臺峯西若地源南當化城之面頂平而峻若鉢孟然旁一石人立而拱向者俗呼石和尚

陳詩註鉢孟峯若地源南如覆孟

何壁記天臺下有鉢孟峯勝概斂目為化城東界

蘇志鉢孟峯南連黃池峯西接平田岡

按石和尚淨居院亦有之詳山東

陳巖鉢孟峯

農家辛苦勒逢年誰似僧家飽飯眠畱得巾孟為老伴

九華紀勝卷十五

諸勝山南二

一

豐年常在粥孟邊九華詩集

○遂谷巖在金光洞東巖谷幽深夏月猶積冰雪元末

趙普勝寨於此為開平王所破巖下有小石橋傍有石

墩

程山東圖云在東藏源南

陳巖遂谷巖

千古常畱一窖冰女蘿籜竹鎖寒陰仙人肯為遊人出

試問中間若許深九華詩集

陳巖遂谷巖

天風吹絕壑謖謖松壽遂谷藏兵密層巖結寨牢若

非常萬戶誰破趙雙刀炎夏冰猶積當年冷戰袍梅鈔詩鈔

考異曰郡邑志載黃石溪有中寨北寨每陰雨時聞呼

號金鐵聲稱為元季居民避亂之所按其地西通遂谷

巖即趙普勝結寨區也明季土寇汪瑞郎亦寨於此

蘇志小石橋遂谷巖下水流巨石間或平鋪石上臥而

觀之真枕流也傍有大石倒刻端平甲午中和節廬陵

虞會錢塘趙直建安劉煥四川梁明卿同來二十六字

或云洪武開山水衝決所致

又石墩在遂谷巖溪傍有積石高涌故名

○翠屏峯在雲外峯西頂方如屏

九華紀勝卷十五

諸勝山南二

二

何壁記頭陀嶺西有翠屏峯

陳巖翠屏峯

削玉橫陳開翠屏東西有路總堪登向來同識春山面

猶有蒼蒼九節藤九華詩集

○煎茶峯在香林峯北形似人立傍有石如爐故曰煎

茶或云金地藏山行苦渴煮茶於此

陳詩註煎茶峯龍池西昔金地藏招道侶於峯前汲泉

烹茗

按廣化院東亦有煎茶峯詳山東

陳巖煎茶峯

緩火烘來活水煎山頭卓錫取清泉水茶懶檢茶經看

舌本無非有味禪九華詩集

○平田岡在神光嶺南再南上為茅菴嶺俗稱三天門

沈端平田岡

洞口奇峯吐玉蓮寺門迴瀑湧珠泉仙人春到閒無事

犁月耕雲學種田李志

○香林峯在平田岡南多靈藥奇花微風拂林則異香

聞數里道旁多古僧墳塔有巨石五各高六七丈層巒

聳立如人力壘成者曰金剛尖其下有金光洞窺之若

有金光照耀相傳金地藏嘗棲此洞口舊有佛刹今惟

九華紀勝卷十五 諸勝山南二 三

茶亭存亭南有臥牛石

陳詩註香林峯雲外峯西南西則平田岡旁則金光洞

何壁記齊雲嶺嶺南香林峯

陳巖香林峯

幾許山光照夕陽不栽不植自芬芳林梢一點風微起

吹作人間百合香九華詩集

陳蔚香林峯

晴巖風日暖杖策共追隨峯影連雲密松聲出鴨遲山

花迷木客藥草走蛇醫遺宅今何在空懷杜彥之梅嶽詩鈔

陳塾香林峯

遠上香林路百盤摩空怪石勢噴岷山飛翠雨含擘澗

松捲蒼濤落響寒佛刹鐘敲殘照外書堂鴉散暮雲端

臨風重憶唐風集五字詩篇盡可觀四堂詩草

王思任記乃東上神光嶺望金光尖山若戴杵

李志九華自筆架峯而來歷七賢峯再起為金剛尖此

山之小宗也過此則千峯峻拔瞰日月而薄霄漢矣

查炳華金剛石

說法雷音衛世尊寶刀金甲鎮山門何時小試神通力

磊磊松梢五石蹲墨蹟

張名標金剛石

九華紀勝卷十五 諸勝山南二 四

五石堆成似累棋巍巍屋大問誰移行人只說金剛力

到此方知造化奇蘭坪詩稿

陳詩註金光洞香林峯下神光金包充塞洞戶或擊拳

瞻仰則髮鬚見金人像

陳巖金光洞

神剎鬼剗劇幽深門外藤蘿淺結陰洞裏金仙十年坐

湛然認得本來心九華詩集

陳懋達宿金光洞

鐵氣連峯合金光匝洞浮轉身驚脫蛻跨石當騎牛香

飯和雲煮繩牀共月留鶴歸松已暝一枕萬山秋清分

洪亮吉金光洞贊

履危無梯怪蔓作索緣邪營下如石投壑秋隼攫笠飛

瀑搏顛神光驟離骨節競響更生齋集

蘇志臥牛石在金剛石下

按福海寺前亦有臥牛石詳山東

陳芳臥牛石

想因行雨失龍湫一臥蒼苔萬古悠天上還從銀漢覓

人間久伴石羊畱敢將紫氣驚關吏聊對清泉傲許由

聞道精靈常不昧花蹄夜夜印巖頭華溪草堂集

○杜荀鶴書堂在香林峯荀鶴嘗與秋浦顧雲殷文圭

九華紀勝

卷十五

諸勝山南二

五

同肄業於此

唐詩紀事杜荀鶴有詩名號九華山人大順初擢第授

翰林學士主客外郎知制誥序其詩為唐風集顧雲字

垂象池州饒賈之子也與杜荀鶴殷文圭友善同肄業

九華咸通中登第為高駢淮南從事後分修宣懿僖三

朝實錄書成加虞部外郎有文號鳳策聯華編殷文圭

池州人居九華小字桂郎苦學所用墨池底為之穴舉

進士中途遇一叟曰如學道當冲虛為儒當大有名於

天下文圭乾寧中及第尋為裴樞宣諭判官後事楊行

密終左千牛衛將軍

一統志杜荀鶴生七歲家人令相東作荀鶴怒曰吾豈

耕夫耶比長擇居得香林之勝與顧雲諸賢為友官至

翰林學士知制誥其詩律自成一家世號晚唐格

日游集香林峯杜荀鶴隱居

考異曰明一統志萬歷郡志順治邑志皆謂杜荀鶴擇

居得香林之勝則荀鶴書堂斷在香林峯無疑今以形

勢度之乃金光洞側也荀鶴家石埭往來九華恒出南

道故卜築於斯九華散錄謂在九華東距柏橋小龍山

三里許馬志因之皆誤

杜荀鶴和友人見題山居

九華紀勝

卷十五

諸勝山南二

六

避時多喜葺居成七字君題萬象清開戶曉雲連地白

訪人秋月滿山明庭前樹瘦霜來影洞口泉噴雨後聲

有景供吟且如此筭來何必躁於名

和舍弟題書堂

兄弟將知大自強亂時同葺讀書堂巖前過雨多還閣

溪竹唯風少即涼藉草醉吟花片落傍山閒步藥苗香

團圓便是家肥事何必盈倉與滿箱

山居寄同志

茅齋深僻絕輪蹄門徑緣莎細接溪垂釣石臺依竹壘

待賓茶竈就巖泥風生谷口猿相叫月照松頭鶴並棲

不是無端過時日擬從窗下躡雲梯

秋日懷九華舊居

吾道在五字吾身寧陸沉涼生中夜兩病起故山心燭

共寒酸影蛩添苦楚吟何當遂歸去一徑入松林皆唐風集

陳坡杜荀鶴書堂

書堂舊築碧山中雲鎖香林石徑通想見撚鬚深夜坐

一簾明月著唐風諫亭詩草

○分水嶺在金光洞南七賢峯東北舊有迎仙亭石額

猶存

奈作霖分水嶺

九華紀勝

卷十五

諸勝山南二

七

危亭屹立挂斜懸一綫清泉兩派分南北各隨遊客去

也應回望嶺頭雲三餘詩草

陳敬敷分水嶺

出山泉濁在山清一嶺泉分兩道行從此殊途各千里

不知何處始相并一鳥詩草

○七賢峯在香林峯南分水嶺西七峯端立宛如賢者

其麓有松木橋暗阮橋控華菴

陳文泮七賢峯

分明洞府八仙差較比徂徠六逸加想是七人爭

一齊化石傲煙霞樂水詩草

吳襄松木橋

峽口蜿蜒入行行松木橋怒泉衝石骨微日截山腰怪

鳥如人語斜峯似手招欲尋瑤草去倚樹問巖樵錫老堂集

彭同育暗阮橋路記

九華分水嶺之南流歷數級至暗阮巖谷尤遼神蛟宅

焉舊有石橋為蛟所圯明經陳翁異三伐石新之乙巳

夏蛟汛復發路截如壑者數處翁即集工修築之越數

月平如康莊登斯途者前望七賢二士諸峯回顧筆架

嶺篁竹寨等勝仰慕留連未嘗不歎翁之好善也予聞

翁性穎異讀書日數行下嘗慕陳文範郭有道之為人

九華紀勝

卷十五

諸勝山南二

八

平生善不勝紀郡伯寶公特表其恤行即如橋路之修

治亦皆彰彰在人耳目乾隆癸未率眾創建長阮橋已

丑修考阮橋又與其弟徽五同修華溪橋皆有記載郡

邑志辛丑修華溪橋是冬修華溪橋西路長楓樹路今

年近八十猶孳孳為善如此可謂篤行君子矣夫有善

必錄官斯土者之責也况翁之身眾善皆集乎故予樂

其善為之記刻碑

按控華菴俗稱二天門里人鮑寧安建

○二士峯在七賢峯側

何合璧二士峯

餐霞飲露不知名對立山頭望化城一鳴松風兩澗雨  
送來琴韻讀書聲壘蹟

○松影菴在松木橋下俗稱一天門菴側為陳希器公  
祠又三里為長阮嶺又一里為牛軛嶺

懷輝松影菴

借榻禪房秋復冬一天雲影落簷松心忘得失情方澹

詩解推敲興轉濃買醉閒求邨店酒聞聲默數寺樓鐘

塵氛脫盡渾無事時問梅花過遠峯石船詩草

○筆架峯在七賢峯南九華自七政山歷白沙嶺迤邐

而來至此頓起三峯始高始奇為九十九峯之首

九華紀勝卷十五 諸勝山南二 九

○南陽澗在牛軛嶺南發源有二一自筆架峯潺湲而

下踰鮑東公祠有雪灘三級二石對峙曰龍門龍門之

下有牛迹石石上蹄痕宛然一自南陽山東注折而北

流會於清泉口下流為華溪

陳詩註南陽澗臥龍菴前流入南陽古猷州境

陳巖南陽澗

人家四散占荒邱曉夜悲鳴澗水流點點寒鴉來不盡

昏雲頽日古猷州九華詩集

郡志鮑東青陽人性好義而不豐於貲萬歷二十二年

饑東出穀五百石以賑監司以尙義旌之

蘇志龍門一躍在南陽里北行二三里有雪灘三級上  
行橫池淵深莫測石壁削立約五六丈飛流直下上有

二石對峙如龍門然督學聞人詮過而奇之因名焉

陳壤九華龍門歌

山雨初霽雲未收一山落葉千山秋山鳥不啼山亦愁

一嶺直穿雲上頭幾家茅屋清且幽霏霏翠色空中浮

兩石相對夾清湫形勢居然據上游奔泉百丈天際流

怒雷迅發風颼颼吾聞神禹治九州龍門鑿破功無儔

如何九華山之阪更有名字相比侔居人勸客勿久留

下有深潭碧悠悠每見白日飛龍虬梅田詩草

九華紀勝卷十五 諸勝山南二 十

陳其位牛跡石

柱史出關去青牛何日回無人識紫氣畱跡在蒼苔天臺草

何壁記貴池界東南五里有南陽山羣巒積翠羅列如

仙按山在白沙嶺南

陳蔚遊南陽山

遊興深夢寐殘月疑曙色披衣步中庭月落庭重黑攜

杖出柴扉漸漸晨光逼遠山宿雨過巖壑淨如拭靈禽

振彩翰花藥爭霞葩時有縉風來清芬散林樾緩步入

雲深峯回路愈仄遙聞清梵聲隱隱松杉側梅稼詩鈔

吳荔娘華溪望九華

百家邨落一溪圍到此心安便是歸已隔南天閩嶠遠

九華山色在雙扉白注吾莆陽亦有山名九華者

江南也有此奇山乍聽驚疑一餉間名號却同巖壑異

每瞻嵐翠憶鄉關謝稿

○華溪北有

旌表孝子陳天惺公墓稍東有明闔門殉節四川布政司經

歷陳懋監公衣冠墓其側則亡姬吳荔娘墓沿溪而下

數百步有忠孝節義祠祠後稍右為鳳梧軒又下百步

許當溪流三折處有虹跨兩岸倒影波光與綠樹碧簷

九華紀勝

卷十五

諸勝山南二

七

相掩映者為華溪橋地名南陽灣蓋以此耳橋西華溪

草堂橋東百松墩又下半里許為梅田橋

府志陳天惺字思吾父患癰醫治不痊惺日夕吮之父

早春思蕪惺入山徧求遇虎不傷母歿廬墓悲泣三年

不輟嘉慶十六年奉

旨旌表

安徽通志陳懋監青陽人崇正中官四川布政使經歷

流賊張獻忠破蜀被執不屈死妻高氏子良臺良卿及

僕王香等十三人從死焉

陳蔚展高伯祖伯建公衣冠墓

我陳氏高伯祖字伯建諱懋監當明季膺簪組擢參軍

佐大府獻賊忽肆虐蠶叢振金鼓成都夜破火燭天滿

地流紅血如雨仗劍將軍囚作奴持符官吏縛為虜蜀

王遇害蜀宮焚成仁誰繼龍巡撫參軍不屈臣死君良

臺良卿子死父孺人高氏婦死夫更有王香僕死主闔

門殉難十三人毅魄聯翩難悉數長子良閣雷侍親一

脈不絕微如縷痛哭西望萬里天剪紙招魂葬山陽青

苔三尺碑碧血一坏土年年麥飯薦王孫夜夜春風啼

杜宇梅紫詩鈔

洪亮吉陳姬吳荔娘壙志銘

九華紀勝

卷十五

諸勝山南二

七

吾友陳明經蔚有別室曰吳荔娘歸明經甫一歲而卒

明經傷之乞余為志壙倉猝未果壬戌九月雨夜偶檢

案頭得荔娘所作蘭陂刺稿讀竟憮然曰是其慧業或

可傳矣因據明經所作傳畧為之志曰荔娘福建莆田

人父農家粗識書義荔娘幼即喜從父讀年八九即學

作五七言詩黍室之智可云無師椒盤之詞是日夙慧

然性絕愛潔每獨處一室其齒櫛几榻之屬光可鑑也

香焚篤禱日必數周米飯桃花晨無半合尤異者閩俗

尙鬼荔娘獨不然歲時自展敬祖先外無所拜也姚江

幼女不事婆娑之神清源小家尤嚴腹臘之祀其智識



有過人者焉年十四問名者踵於庭無適從也明經獨以後至得之迨結褵之夕卻扇之辰明經方賦詩催粧而荔孃茗詩卽有嫁得江南詞伯之句可云識所歸者矣時明經以將軍之殘客得仙遊之麗人慕之者既多妒之者亦衆於是遂挈以歸江南度仙霞之嶺則嬌鳥助其清音泛嚴陵之溪則潛鱗訝其明豔望鳳山而弔古過虎阜以聯吟樂事賞心於斯爲極歸青陽數日明經卽有秣陵之行而荔孃遺疾遽卒年僅十六未及與明經握手訣也嗟乎繁欽定情之詩士林方播庾信傷心之賦鄉里已傳春甫牛而先凋月未圓而遽隕亦可

九華紀勝卷十五 諸勝山南二 三

謂悽愴傷情者矣明經葬之於九華山側原樹東向不無情於故鄉唐蒙孤寡尙有懷於高格重爲之銘曰生於海浦兮嫁於江沱降年何促兮賦才何多事君子兮別所親志懔懔兮甫經旬一棺旣闔兮詩亦焚以松爲隴兮桂作墳庶靈光之不闕兮吾知其不爲九峯之月而卽曠爲五溪之雲更生齋集

萬歷縣志南陽道院在十三都今爲觀音堂

乾隆縣志觀音堂灣里陳宗標重建

乾隆府志鮑宏迅青陽人少爲崇眞觀道士尋移居華溪之龍虎廟

考異曰忠孝節義祠在華溪側舊爲南陽道院俗稱龍虎廟明隆萬間吾六世叔祖學敬公重建改名觀音堂前供大士像後奉祖考羽士鮑宏迅曾守之詳新舊邑志嘉慶二年不戒於火後裔再建改今名遂專爲奉祀祖先之所

陳芳鳳梧軒記

鳳梧軒者從弟藹讀書處也弟工畫軒以畫著名然江上之過客九華之遊侶以及仕宦旅寓於我池者皆踵其門以求以爲出自鳳梧軒者始眞似畫又必係之於軒然則軒與畫可共傳矣抑猶有說焉昔我同郡華子

九華紀勝卷十五 諸勝山南二 四

西以殿元工詩善畫乃前則力抵韓侂胄後則謀去史彌遠平生又以氣節顯陶守立唐之髙行也觀圖畫見聞記所載亦長於繪事者古人之有技藝皆先敦質行如此我弟年方盛志方嚴必思有用於世思有用於世凡翰墨之事若字畫若詩文皆所不廢然未有品不純學不粹而其餘技足傳於後者我弟勉之華溪草堂集

鄭煜重修華溪橋記

九華筆架峯下水與管冲諸泉合流爲南陽澗澗中雪灘三級兩石對峙曰龍門龍門之下爲華溪環溪而居者皆陳氏嘉靖中陳宗貴等建石梁於溪之曲青陽縣

志所載金鎖橋者是橋東有書舍爲陳進士景讀書處  
橋西有關聖殿爲陳衛尉天然借其弟天球天謨所構  
橋之上下高柳夾岸春來翠色染人傍復周以梅田松  
墩雖窮冬自有古幹蒼枝可玩也故南路入九華者無  
不流連於此自明迄今橋經屢修改題華溪蓋橋又以  
溪名也乾隆己丑宗貴裔孫聖撰葺考阮橋成還視斯  
橋與弟聖典捐金重修加以石欄予時長蓉城書院邑  
令周嘉其邑人爲善屬爲文以記之聖撰字異三貢生  
聖典字徽五考授州目其學行皆足採焉乾隆邑志

陳芳華溪橋亭

九華紀勝

卷十五

諸勝山南二

五

岸曲橋橫綠樹齊書堂佛寺水東西溪亭落日闌千外  
九十九峯影盡低華溪草堂集

陳域金鎖橋晚坐

亂山高下屋東西流水灣灣度碧溪沙路不嫌微雨濕  
酒旌時帶晚煙迷亭邊葉落邨童掃竹外僧歸野鳥啼  
近日田家都種麥老農荷耜夕陽低虛航集

洪亮吉南陽灣贊

黃禽白雀背負山雨穿松北來翅濕不舉陵欺谷壓賭  
勢競高一風吹空萬木怒號更生齋集

陳芳華溪草堂

溪枕名山屋枕溪窗前倒影萬峯低輕煙嫩柳歌黃鳥  
暖日長松舞碧雞尋勝最宜春岸曲歸林每覺晚扉迷  
小橋時有雲遮斷不使遊人過水西華溪草堂集

吳襄游南陽百松墩和孫梁樹韻

酒闌何處解愁顏邨路尋春自往還細草正堪留客坐

晴花那得伴人閒三溪口束魚龍水兩壁牙交虎豹山

對景高吟金石句驚濤飛下百松灣錫老堂集

陳堅青松墩

隴外溪橋橋外墩蒼松百本覆雲根月移虬影秋橫澗

風遞濤聲夜入邨直勝萬花開繡谷卻同五柳種柴門

九華紀勝

卷十五

諸勝山南二

六

竭來誰是題詩手懸水先生句尙存鐵門詩草

陳蔚梅田橋

攜得詩瓢與酒瓢沿溪風冷雪蕭蕭芒鞋踏徧寒林路

又爲梅花過小橋梅緣詩鈔

楊依仁梅田橋

春田侵曉問寒梅一點枝頭破凍開雪滿溪橋驢跡在

有人先我探花來墨蹟

○梅田有

旌表孝義陳明兩公祠祠後稍北爲湛清園園後稍北爲特  
園書屋梅田西南五里有臥龍菴址唐天祐中臥龍和

尙居焉其前石湖阮水東趨梅田與華溪合流出青雲

橋再與黃石溪東溪匯於三溪口

汪廷珍孝義陳明兩公祠記

乾隆四十一年

朝廷旣旌孝義陳公之行而祀之忠孝祠矣越四十餘年爲

嘉慶辛未其後裔復建專祠於其里華溪之上其元孫

壤予及門佳士請勒公事於石以昭後嗣予惟公池陽

一布衣耳其行立遂足上動

朝廷下穀子孫而旁淑其族黨觀其行事又未嘗爲奇節異

概以自表見惟是一念之誠浹於家而著於鄉亦可見

九華紀勝

卷十五

諸勝山南二

七

誠之動人者深而庸德之洵足貴也予故樂表而出之

按公名良台字明兩世居九華南麓爲池之青陽人自

其高祖以來世積內行其父諱懋詣少失怙事後母以

孝聞嘗以鄉勇拒左夢庚兵於邑之龍口鄉賴以安鄉

之人固祝其有賢子孫矣方公年十二其父遇難卽能

號泣請代父竟得脫公家嘗不戒於火而母章孺人尙

在內室公自外至突入負之出諸烈燄中身無恙若有

神護者父嘗晨起思鄰邑佳果公潛往取之去復八十

里比夕以獻凡公之先意承志率類此父素厚鄰里公

尤能推廣爲之周恤益至凡代其里人輸稅課與完人

婚娶者殆不可勝計康熙戊子歲歉至減值鬻產易穀

以贍飢者蓋公之事亡如事存其好施與匪惟其性然

周鄰贈族凡皆如其親之自爲之者其體親之心旣歿

不忘故其濟貧之行亦至老不倦孝經云資於事父以

事母而愛同資於事父以事君而敬同予嘗推論之以

爲推事親之心以待人則愛敬之心無時可忘而凡事

必求乎親心之安而後可以無愧公亦可謂安乎親之

心者哉其列諸祀典也固宜噫凡事之不全於誠者必

不能始終如一以予所見高行畸節豈無一二事卓卓

可驚喜而按其生平劃若兩人其本不立其他固無足

九華紀勝

卷十五

諸勝山南二

六

觀耳若一統志及公家傳載公還旅次金歸鄰園墜果

諸事其亦細行之克謹哉要之公惟一念之篤於其親

而其內外行習遂以此一念貫之故其所爲雖若平平

無奇而皆足薰閭閻而傳不朽則洵乎誠之足以動人

而庸德之可貴如此也故從壞請而爲之辭俾覽者庶

有感焉

碑刻

章道鴻謁孝義陳明兩公祠

急難護雙親彌徵救水真

詔旌名勳

主祀祀澤沾人代族完通稅錫田易賑銀雲仍崇俎豆祠宇

在溪濱 華嚴詩稿

陳斌湛清園記

父子兄弟皆篤雅誼經問字自相師友又得園林山水之助以辭賦綴述其間名人碩儒時時過存而遺題詠某邱某池隨指其處久後且為名蹟則若南陽陳氏之湛清園宜必有以記之矣余初至青卽聞湛清主人之賢迂道訪之與豹章茂棠兄弟相見益歡維時宵雨達旦秋風颯來樹枝盡亞水鳴階除余信宿而還愒然不能忘也後再至三至聯珠集中景蘇諸君子相識過半余未能卽有題贈去後輒思之思其人思其所處也余

九華紀勝 卷十五

諸勝山南二

七

以且暮遇此人事且為烟雲其何有於是園而惓惓是園者夫豈在一時之勝集已哉湛清主人其必有以見之矣吾宗自蜀遷南陽陳氏亦聞有蜀東門之支異日當考之附記於此 白雲文集

陳蔚湛清園記

湛清園者七弟萼之別業也地當九華南麓擅華溪之幽饒水木之勝余撫而樂之曰是宜名湛清其曲而長者曰皺春池東向而臨於池上者曰問渠水樹水榭北渡石梁為領鶴樓取唐人書樓領鶴開之句樓側為藕花繆水榭南渡畧約踰短墻為小方壺繞屋折而南復

折而西過飛翠橋磴道而上曰竹香喚則山響亭在焉曲檻飛簷高出花竹披襟放眼近接雲霄左挹天臺右姑右帶南屏白鶴金霞虎豹踞其前白沙羅漢拱其後洵山水之奧區而煙霞之窟宅也亭下為招雲洞沿嶼而南不數武為聽綠軒與山響亭皆園之最高處也軒稍前而偏者曰醒樓夫斯園之未闢也不過一隴畝耳自我弟經營創築而為樓為榭為軒為池為亭為橋為洞次第畢舉雖一邱一壑佳趣正不少也人之立業樹德亦猶是也苟蹉跎不振自安簡陋隴畝也將日就荒蕪矣又安有若此之曠如與如耶噫陟斯園也可

九華紀勝 卷十五

諸勝山南二

三

以悟學 梅緣文鈔

洪亮吉湛清園

不用屏風六曲遮屋頭了了見金霞 自註門外一門詩即金霞山

集追元祐百里溪光似永嘉墨雨醉看飛四座水雲涼

欲掃千家平生幾兩遊山屐到處爭園問字車

湛清園贊

過橋飛電正值天笑入門稜稜奇石礙帽新雨瞥下魚

梭亂飛意欲上樹藤為作梯 皆更生齋集

吳襄特園書屋記

從九華南下為南陽里陳氏居之一溪環繞如帶蜿蜒

數折出三溪口人呼爲灣里云灣側有園一區竹樹蔽之亭軒翼然出竹樹之上則吾友能五之別業也先是孫子淳淵甯子達可涉其園而樂之謂四山環衛此即踴躍而起若岸然特立者是宜名曰特未幾園之書屋成而二子俱歿主人告余曰吾不忍忘二子意也即名之爲特園書屋請子爲之記余曰特之失也近於傲以今人之樂於靡靡而特立者之不能免也子以特名其居過者笑之矣然特之失吾知其爲傲也而今人之不傲者吾不知其爲何也特亦安望於今之人哉士君子窮年讀書必默默自許深信此中之特然者不爲世俗

九華紀勝 卷十五

諸勝山南二

世

所摧折遇如是也不過如是也而後讀書之用始盡彼二子之以特自命久矣不幸而未竟其用余與子年益加長而自今以往日習於今人之所爲如痿不立如跛不行此中之特然者欲不消蕩無餘豈可得哉吾子勉之能於特之一字持之弗失則余且愧子而余與子之奉教於二子者亦將受益無窮時也已因書此語於壁以爲特園書屋記

錫老堂集

陳詩註臥龍菴平田南今南陽里李常侍有志未遂唐天祐中泛舟慕九華削髮更所居曰臥龍菴呼臥龍

尚

陳巖臥龍菴

孔明西去終扶漢散騎南來莫拯唐同是臥龍殊用舍

古今易地兩南陽

九華詩集

青雲橋在南屏山麓距三溪口數十步里人陳基鼎建

○三溪口在南陽里東南三溪迸流兩山夾立路出山下爲九華南面之門戶也其水經魚龍洞入舒溪三溪

舊有石橋今居人陳鮑等姓重建橋東有夕佳亭臺笠

洞即舊志所載赤壁洞橋西有南望華亭雲路菴址由

南路入九華者自此始

陳翰三溪口

九華紀勝 卷十五

諸勝山南二

世

百道雲泉下石磯三溪匯作一溪歸落英芳草通仙境

曲岸橫橋鎖翠微波底綠沉山倒影林端紅漾日斜暉

何時得似垂綸客坐釣春潭學息機

乾隆邑志

陳塾三溪晚歸

颯颯晚風天人歸夕照邊溪光灘背上峯影馬蹄前近

水沙爲路依山石作田故園秋色早菊蕊綻寒煙

詩草

洪亮吉國子生考授州吏目陳君墓志君諱聖典字慎

齋性慷慨三溪口爲縣南孔道舊聚石爲砥遇水漲則

相顧不得渡君首出金五百率里人建石梁至今賴焉

蘇志赤壁洞在南陽里牛欄院之東

洪亮吉臺笠洞贊

石上戴石危如累碁黑白未判仍思出奇如古畸人長

劍空佩雨零日炙臺笠被碎更生齋集

施騰輝遊臺笠洞

海風吹瀉一蓬壺老鶴長鳴碧水隅雲氣洞天花滿谷

神仙何必有丹爐

囊括乾坤古洞秋彈棋橋裏尙浮游颺輪弱水歸來後

星日光華十二樓紹德堂詩鈔

順治縣志雲路巷陳姓同建

九華紀勝

卷十五

諸勝山南二

三

終

九華紀勝卷十六

諸勝山北

幘峯在真人峯北雙壘如幘下有觀音巖峭壁叢聯懸

石四覆由竇而入深廣如室天光上透翠彩環生誠異

境也唐末高僧卓庵感大士示現於此

名山志云九華真人峯北有山雙壘如巾幘然昔顧野

王望而愛之因名

陳巖觀音巖註幘峯西冲有石室唐末高僧卓庵感觀

音現故名

一性圓時萬境通三生綺念墮真空如今舉眼無非佛

九華紀勝

卷十六

諸勝山北

一

身在光明法界中九華詩集

○拾寶巖在蓮花峯北巖東麓舊有圓寂寺初名伏虎

庵爲伏虎禪師道場梁天監二年建宋太平興國五年

賜額圓寂寺寺前有果老石一名驢跡石俗傳張果老

曾策蹇觀花於此寺上有白龍池池側爲白龍廟亦天

監初建今寺廟皆不存惟石左有廣福禪林石稍下有

伏虎庵乃後人所建者自此折而西有曹冲庵由庵北

拾級漸下數里有伏龍潭潭當鶴子峯麓巨石夾岸一

水中通泉聲清冷樹木蒼鬱最爲幽致

陳巖拾寶巖註圓寂寺西南

梵王住在光明殿萬寶真同瓦礫看玉塊金沙隨地有

好來擷取入中單九華詩集

甯峒宿拾寶山

草庵橫竹榻夜氣冷如斯雲讓峯開面僧隨客展舒孤

猿啼絕巘叢菊綻疏籬幾日遊難竟燈前共課詩布帽山人

集

考異曰江南通志云圓寂寺在縣拾寶巖本甘贊故宅

梁天監二年建為伏虎禪師道場按寺雖賜額於趙宋

寶肇始於蕭梁不思甘贊唐人也豈有捨唐行者之隱

居為梁禪師之蘭若哉或因甘贊嘗捨宅為龍門寺而

九華紀勝卷十六 諸勝山北

誤歟然其誤自何蒲溪九華記始也厥後各志遂承其

繆明郡志又云唐開元間建不足辨也

陳鴻飛過圓寂寺址

千年石認蹇驢蹤果老看花與特濃今日偶尋圓寂寺

白龍池上白雲封山響亭詩稿

舊山志梁伏虎禪師不知何許人天監初居九華或半

月休糧或經旬入定夜巡山中虎輒避去武帝為建道

場於拾寶巖側即今圓寂寺也嘗賜山茶一本花品異

常張果老騎驢來觀石上蹄痕宛然可識人稱果老石

僧希坦詩云騎驢來果老伏虎住禪師

隙躍雲果老石

怪石巋然梵院屏苔痕驢跡認依稀一勾淡月黃昏後

樹底翩翩蝙蝠飛芸鄉詩草

王敏果老石

為訪禪師入九華蹄痕一片綠苔遮不知策蹇仙何往

巖石纍纍戴野花詩徵閣學吟

陳錢白龍池

拾寶巖深路逶迤白驢也過白龍池清波一片明如鏡

照見仙人訪導師述齋詩草

何壁記伏虎巖下三里為曹冲庵舊為廣化寺

九華紀勝卷十六 諸勝山北

蘇志伏龍潭在圓寂寺鶴子峯下

○費拾遺冠卿墓在拾寶巖北雞母山江南通志云在

早麓山

考異曰拾寶巖北行五六里為雞母山一稱機謀山又

里許為早麓冲山志云費拾遺墓在雞母山江南通志

舊郡志云在早麓冲余嘗至其處碑塚俱無未知誰是

杜荀鶴經九華費徵君墓

凡弔先生者多哀荆棘問不知三尺墓高卻九華山天

地有何外子孫無亦閒當時若徵起未必得身還唐風集

○望仙墩在青陽縣南二里由縣城入九華者取道自

此始有協濟行祠一名望仙祠不知創自何代宋淳熙十一年青陽令許公介重建自爲記明嘉靖三十一年重建邑人何璧記萬歷五年知縣蘇萬民修每歲重九縣官詣祠致祭以許公配享

國朝順治六年何應典重修祠北舊有訪山亭又北則許公墓在焉

許介重建協濟行祠記

自青陽治南行三十里有山名九華壁立千仞氣歷嶺霍下有神人居焉能陰能陽能翕能張能返饑人之魂於粒米狼戾之場國人用是嚴之如父戴之如天春秋

九華紀勝

卷十六

諸勝山北

四

伏臘烹牲燎禱祀之如先屢居于室魚鱗差差距神之宮道遠莫獲由以展布旦而望九華白雲之飛暮而望九華白雲之歸若笑若慕若思若迷若有弗滿於心者神人哀之陰勅二士指南山之岡使定址焉民卽岡巒而廟之且不忘其初命之曰望仙之墩今不知幾千年矣中更回祿之變遺址巋然而頽簷腐楹不可旋拜介蒞事之三日爲禮一行視廟貌弗嚴口語心思吏之責願豈不在是益敬不怠苟有水旱之災必奉辭以告苟有精一之薦必隨感而應天人和同年穀豐登是爲神人之靈彰彰如是民益信不疑更相號召合力併心哀

錢於家罄材於山規摹故基築而廣之始於甲辰仲冬之十七日成於乙巳仲春之二十二日爲亭爲門爲東西廡爲前後殿爲寢閣爲妝樓合二十有三間塗以金碧護以欄楯侍衛有人供給有物威儀凜然觀者歎息是役也蓋居民楊中行方永總其要陳煥葉端吳祓葛

明佐其事官爲之紀綱引領而始終焉樓殿旣新祀典旣崇犧牲酒醴旣潔旣豐國人曰吾終無以報神而答

神盍爲詞貽我將詠歌燕享焉介爲之作清觴謠曰芙蓉兮侯城水晶兮侯官侯出兮乘之天矯兮雙聽金鐙兮陸離玉佩兮玲瓏侯來兮已坐盍舉兮瑤鍾旣醕兮

九華紀勝

卷十六

諸勝山北

五

復進一笑兮春風金石兮鏘鳴肴饈兮羅充我心兮靡忘侯德兮焉窮明信兮俱存願侯兮從容是年新祠落成侯生期致奉幣特來朝者萬人遂歌此詞爲侯壽千百歲之後歌吾詞以爲壽者自今日始國人曰令三年衣我食我善言藥我爲祠與詞本根植我今殿院謝公以令之故大書額以籠光我若建廟本末缺而不記我後世子孫無傳焉此則介重國人之請也遂爲之記陳巖望仙祠註卽邑南協濟行祠入山西路嵐翠相迎一笑中窅然想見舊仙蹤紛紛雲氣蓬萊日斷前山幾十重

九華詩集



青巖志許介高陽人淳熙十一年令青陽縣有惠政  
建九華祠及去民思之請於朝以介配享其中

邑志許公墓在縣南二里協濟祠之北

甯庭堅許公墓

荒墳三尺碧苔封許令各高九子峯閒向望仙墩畔望

一鈎新月挂寒松

考異曰許公夬由繁昌尉調青陽令有政聲嘗建高陽

橋及協濟行祠後仕至安撫使卒於官櫬過大通有風

送其舟至青陽因墓望仙墩且廟於橋右曰安撫相公

祠按公協濟行祠日記曰始於甲辰成於乙巳是宋孝

九華紀勝

卷十六

諸勝山北

六

宗淳熙十一年十二年也又曰令三年衣我食我其調

青陽必十年也舊郡邑志俱稱嘉定中縣令許公重建

則上距淳熙二十餘年邑志又稱神宗朝任青陽熙寧

戊申卒於官櫬歸至童埠逆風返其舟因墓望仙墩則

下距淳熙六十餘年皆非是按公建高陽橋爲淳熙十

四年而蘇令萬民作許公祠記云紹熙元年亦失考

陳巖訪仙亭註望仙祠側

又拚十日作山行去路一程高一程三十年游游未了

青山應笑白髭生

九華詩集

○蓉溪在縣南五里其源六發於仙隱山者一由蒼鹿

冲出何邨而發於九華山者五一自小分流嶺經梅邨

塘塔水橋出小雙河口一自雲峯堂經百丈潭合嘉魚

池歷石船澗出林口一自七布泉出江邨一自黃菀城

出龍溪一自西洪嶺拾寶巖出石子港會於高陽橋遠

縣治而北經峽山達大通河入江

陳蔚蓉溪

出郭千峯碧沿溪一徑斜人家隔春水釣艇繫桃花雞

犬晴依岸鳧鷖暖宿沙何須武陵路卽此謝紛華

○九華書院在高陽河側宋處士陳巖築有溪山第一

樓靜觀室燕居室前爲月池池上爲臨清亭日嘯歌其

九華紀勝

卷十六

諸勝山北

七

內初元世祖徵求隱逸乃汗漫江湖及老始歸卜築於

此同時方時發以巖自號九華山人故題是額今失其

所在

楊少愚分詠九華書院

溪山第一樓

高樓勝概冠城東舉目溪山面面同一帶清漪秋雨後

數峯晴翠夕陽中雲隨簾捲歸前浦鳥傍闌飛度遠空

乘興登臨堪把酒此身恍若到崆峒

臨清亭

幽亭小結月池濱纔入衡門趣十分四望有隣依水石

八牕無處着塵氛雪浮波面魚吹浪日落山頭鹿下羣  
最愛高歌濯纓處蘋香倚影思紛紛

靜觀室

道人構室傍林坳一目入關心輒醒芳草最宜煙裏綠  
亂峯偏向雨餘青落花片片隨流水鬪雀雙雙下小庭  
萬物看來皆自得欲將斯理問山靈

燕居室

布韋高遜築安居富貴浮雲意自如醉裏有懷嘗倚劍  
闌邊無事只觀書落花踈雨吟成後修竹清風睡醒初  
客到莫嫌生計薄九華山水任樵漁九華詩集附

九華紀勝卷十六

諸勝山北

八

李之世九華書院

三十年遊未了緣詩魂如夢寄蒼煙九華亦有閒樵子  
山月山花不管年九華逸史

九華紀勝卷十七

諸勝 山西南

古仙峯在香林峯西五臺南下有古仙洞深數里有石  
牀石座或溪或田乳溜凝結時若螭蟠遊者必以火費  
冠卿詩持燈入洞窮即指此

何驥記神光嶺之南上有古仙峯其下有洞

疎巖古仙峯

日薄煙低莽蒼間古仙相望白雲端山中儻有安期棗  
覓取歸來當晚餐

古仙洞註化城寺西南  
闕古仙峯下

九華紀勝卷十七

諸勝山西南

風裊藤蘿水舞苔洞門常閉不常開草根滿地皆靈藥  
彭祖偃佺曾到來俱九華詩集

○五臺曰般若曰白雲曰集寶曰樂地曰華嚴在古仙

峯北曹山西接貴池界舊有五臺明智院今白雲菴是  
江南通志五臺明智院在青陽縣曹山之西今爲白雲  
菴

疎巖五臺明智院

前岡後隴盡紆餘嵐影煙光半有無山脚斷邊開古刹

五臺分布似連珠九華詩集

僧希坦五臺明智院

時過九月秋來作上方遊林瘦霜凋葉鐘鳴風滿樓

臺新月上一洞暮雲收奪利爭名者寧知此地幽九華詩集

○曹山在龜山南五臺東有延壽寺本道者甘贊莊改

為龍門寺宋祥符間賜今額大殿後有井曰三角泉近

不戒於火惟左右天然房曰雲居彼岸居存耳其高僧

宋則玉田雲譯廣宗元則真觀寺西舊有玉田莊寺前

折而南有秀華亭址今為池袁山南麓有甘贊墓西麓

有滙源橋

蘇志圖跋九華諸峯皆峭拔而上龜山曹山獨蹲伏蜿

蜒以其伏也而峭拔者反若環而揖焉

九華紀勝卷十七 諸勝山西南 二

顧志延壽寺在曹山三角泉前本道者甘贊莊改為龍

門寺宋建隆元年僧玉田建祥符五年賜額

考異曰延壽寺萬歷郡志謂唐貞觀間建江南通志謂

唐貞元間建考寺本甘贊莊五燈會元稱贊久參普願

禪師普願貞元十一年慈錫貴池之南泉太和八年示

寂則贊之捨莊為龍門寺應以貞元間為是若云貞觀

則相距百四五十年矣至明邑志稱正統九年僧福慶

重建今觀寺內鐘文景泰元年僧福慶募鑄及成化六

年重修延壽寺碑皆足証也三角泉在大殿後形正而

方惟三隅有眼出泉故曰三角

陳巖曹山延壽院註玉田莊東

三角坳泖一角虧其間濁水照摩尼風幡不動鑪煙直

正是僧禪定起時九華詩集

郡志僧玉田即建隆初建龍門寺於曹山者僧雲譯興

國中嘗創資善菴於百丈潭西僧廣宗號冠傳禪師南

宋末曾住持化城僧真觀號無象禪師元至治元年以

濟宗禪師來九華亦嘗住持化城

郡志玉田莊曾侍中築在延壽院西久廢

陳巖玉田莊

婦媪夫耕笑語喧地平一望暖生煙得毋剗草來尋壁

九華紀勝卷十七 諸勝山西南 三

好倩山家護玉田九華詩集

考異曰秀華亭陳清隱詩註云在曹山寺前今考寺前

大池南畔為竹蔭橋下小池即秀華亭故址也舊志

謂李太白所名無考

陳巖秀華亭

瘦田糝糝豆花明冷徑粃粃柏葉青何處路通雲際寺

山人指我秀華亭九華詩集

日游集甘贊墓在曹山南麓將軍廟側

按甘贊久參南泉詳五燈會元

江南通志滙源橋在青陽縣西八都

按滙源橋跨七星河乾隆三十六年西館劉氏重建

○龜山在曹山北有崇壽寺南唐昇元間建宋祥符間

賜今額山門右為白龜泉一名靈源蔣之奇嘗題名石

上寺前舊有靜觀亭其高僧宋則善修山西麓有雙虹

橋鎮華橋

泛舟山浙錄屨盤嶺又數里至龜山有崇壽寺慈雲閣

對雙劍峯寺僧善修年八十六

陳詩註龜山崇壽院化城西開山初白龜出現因號龜

山西廡有泉曰靈源兩有蔣穎叔遊山題字

周必大登龜山次七兄韻

九華紀勝卷十七 諸勝山西南

注坡緣壁化城中客慍奴噴我亦慵及至龜山還一上

為憐高閣對雙峯省齋稿

陳枋曉登龜山

啟戶見龜山山靈舊結想夢寐時往遊彷彿窮其像茲

辰幽興生逍遙自曳杖曉露冷沾衣危磴疊榛莽朱輪

耀羲馭騰騰日初上宛轉達招提一帶軒楹做池水淡

鬚脣清冷照萬象秋山霽景澄目曠神駘蕩團圓桂樹

佳摩挲冷心賞朗吟招隱詩幽人自長往醉草堂集

陳巖龜山崇壽院

白雲起處著招提一嶺嵯峨眾嶺低多少山間好風景

人來先看蔣公題九華詩集

僧希坦崇壽院

踏破蒼苔徑幽居在嶺巔亭臺清映月松竹淡籠煙佳

客纔登席高僧忽起禪呼童急煎茗新汲白龜泉九華詩集

陳其名龜山崇壽寺

此地初開選佛場寶龜曳尾頭呈祥靈源映月苔常滿

仙桂迎風葉自香鐘韻半沉荒院靜茶煙纔動老僧忙

慈雲高閣知何處惟有雙峯挂夕陽天柱詩草

陳枋遊龜山崇壽寺

碧磴度春風攀躋發清興曳杖拱幽禽驚飛棲不定

九華紀勝卷十七 諸勝山西南 五

振衣臨絕頂高閣俯深林靜裏通天籟豪情託短吟

滿院種芭蕉房櫳透深碧活火煮清泉香風生兩腋醉草堂集

考異曰崇壽寺坐西面東白龜泉在寺南隅九華詩集

註蘇頌吳李山志及通志郡邑志皆謂泉在西廡誤

陳巖白龜泉註即靈源表提刑甫題名

白龜擺脫泥塗辱步入金蓮佛道場玉水迸流山石裂

有靈初不為剝腸

靜觀亭

打圍行蟻時時戰觸紙癡蠅日日鑽有客雲山深處臥

靜中回向此心觀俱九華詩集

周必大贈崇壽寺僧善修

老僧九十視耽耽二十年來不下山我得九華充法供

亦能養足老山間省齋稿

陳鶴雙虹橋

千家郵落岸西東兩道長虹四徑通下得龜山剛五里

桃花春水養苗風需辦詩鈔

邑志姜大望曾捐建社郵石橋後圯眾姓改建鎮華橋

○桐嶺在化城寺西望江尖側下有錢指揮清九華山

房

九華紀勝卷十七 諸勝山西南

目游集九華山房桐嶺下元末時義士錢清建以面對

九華故名嗣孫登重建

考異曰錢指揮清九華山房蘇顧吳李志不言其所

在而新舊郡志謂在六泉口不知六泉口乃立寨之區

也嘗讀王文忠公九華山房記曰山之西錢氏世居之

又曰公清嘗即所居之旁別築館舍以為游息所名曰

九華山房則山房在錢氏郵落中非六泉口矣况九華

目游集謂在桐嶺下自述先世寧有誤耶

王禕九華山房記

九華山在池之青陽按九域志舊名九子山輿地志云

上有九峯出碧雞之類唐李太白乃易其名曰九華其

詩有秀出九芙蓉之句而劉禹錫所為九華歌其詞尤

奇諷宋宣和紹興間縣令曹公機宋公文堪嘗列為六

圖其後縣人吳天錫合之為圖四而程九萬又賦詩凡

百篇於是九華之奇形秘迹瓌詭幽邃之觀攬拾無遺

矣論者謂是山與衡廬茅蔣濬皖相伯仲特以地僻江

左舜巡禹奠足跡有弗及故名不大著耳山之西錢氏

世居之錢氏家饒於貲而尚詩禮在其鄉為望族有子

公清者個儻好義遭時多故集義旅以衛城邑人賴以

為安兵燹之餘田野蕪萊則率鄉人使耕墾荆榛之墟

九華紀勝卷十七 諸勝山西南

荐為稼穡民以故不饑其有功於鄉邦甚厚朝廷嘗授

以閫帥之職且其於術數尤精一時士大夫多慕而與

之游公清嘗即所居之旁別築館舍以為遊息之所開

軒而東望九華秀色近在目睫若可攬結因名其館曰

九華山房問求余文以記之蓋自昔君子其志於邱壑

者初未嘗忘情於用世及既為世用矣乃始遂其素願

而高蹈以遠引此出處之節所為全也考之前記有若

王季文宋子嵩者皆青陽人季文在唐末嘗擢科第為

秘書郎然後移疾而歸築室九華之西受異人天皇九

仙飛昇之術遂以仙去子嵩在南唐為佐命元勳嘗以

司徒鎮江西晚乃得謝營宅九華之東因賜號九華先生而終老焉此其餘芬遺蹟去今未遠猶有存者公清生長於茲庶幾聞其風而興起顧今方嚮任用雖林慚澗羞或不免他日功成名遂獲返初服而逍遙林壑以樂其真媿之昔人又何愧耶余辱交公清故爲之記既志九華之勝又以論君子出處之概不可以不審焉謂古今人爲不相及也

王文忠公集

毛師彬九華山房贊

翼翼山房九華對峙闢帥造基南泉整理樂耕購復桐園增美三百年來有成有毀中或改題莫悉原始今仍

九華紀勝

卷十七

諸勝山西南

八

舊額蓋有微旨理學文章忠臣孝子垂統續緒皆見於此得憇斯廬良非偶爾敢告來者永保故址

木榜

九華紀勝卷十八

諸勝 山西北

苦竹阮在化城寺西稍前爲寨頭又前爲蜃蟠嶺泛舟山浙錄訪龍女泉其旁乃李太白書堂基自此下嶺過苦竹阮俯視羣山左右對列中有平田氣象極好稍前卽寨頭蓋建炎間張遇寇青陽縣官移治於此真關隘也行至蜃蟠嶺而化城峯盡矣

考異曰周益公錄云過苦竹阮稍前卽寨頭蓋建炎間張遇寇青陽縣官移治於此考宋史建炎元年十一月戊子張遇入池州十二月丙寅犯江州是遇在池甫一

九華紀勝

卷十八

諸勝山西北

一

月去縣官暫避於此不得稱移治且事屬元年而云建炎間亦未安

陳巖蜃蟠嶺

註岡勢築回如蟠蟠蜃

迤邐岡巒迅下馳縈回蟠結幾蛟螭終然鼓勇歸滄海只待風雷借便時

九華詩集

○四峯山在龜山西有龍潭利衆院卽今四峯庵也在中平河西四峯東麓龍潭側里人重建遂易名焉又有四峯書堂胡公祠俱近在世榮橋之左右

陳巖龍潭利衆院

日涵林壑紫光凝草動花翻氣似蒸勝地剗開鸞鶴選

數間松屋住殘僧九華詩集

目游集四峯書堂羅雲達讀書處

郡志胡功孫青陽人少喪親貧無以殮同里羅勝二為

之殯感其恩遂服勤於羅氏洪武初勝二以運糧違限

應論法功孫念其老而任其罪羅氏世祀之

陳躍雲世榮橋

平橋雜樹映清波兩岸人家盡姓羅行過溪亭還小坐

九華東望好峯多詩草

○抱兒山在龜山西北林家井側有

旌表陳孝子良台公墓孝子以母葬此山臨終屬家人曰必

九華紀勝卷十八 諸勝山西北 二

附我於慈親墓下庶游魂常依左右也俗以子耐母墓

謂之抱兒葬人遂呼為抱兒山

王懿修過抱兒山陳孝子墓

平生孝義重鄉評身後猶蒙

紫詔旌耐葬願依親塚下青山贏得抱兒名校經齋詩集

○魁山在龜山西有聖泉寺宋治平元年建寶慶三年

賜額寺前有覽勝亭泉在寺後自石巖噴出產五色石

俗號無底泉其流瀉為縞溪與諸澗水匯繞墓善鎮經

五溪橋以達於梅根

泛舟山浙錄下龜山行十餘里入聖泉院泉在院側石

巖下號無底泉試之僅二丈蓋遊者未嘗測其淺深耳  
水自巖出甚清駛中有五色石

江南通志聖泉在青陽縣西南四十里魁山下冬夏不

竭民田賴以灌溉

陳巖聖泉院

釋子親傳馬祖衣枯藤來此卓煙霏爛斑錦石寒泉底

湛碧中涵五色輝九華詩集

陳其名遊聖泉寺

久安慙谷謝塵緣何幸春山覓聖泉靈液遠通巖下窟

滯光倒漾水中天原因有本名初錫靜則同符妙自傳

九華紀勝卷十八 諸勝山西北 王

瀉出入間資灌溉方知功德更無邊天柱詩草

蘇志覽勝亭在聖泉寺前僧宗道建

陳巖覽勝亭註野堂葉大卿平甫書扁

亭中妙墨粲於珍添得一番山色新幽坐看來如看畫

我今欲畫悵無人九華詩集

陳詩註縞溪聖泉院水如縞帶

目游集縞溪由聖泉院出志誤作入清溪

考異曰縞溪有二一發源於九華埠頭尖下入貴池界

由蝦湖達清溪一發源於魁山下出聖泉會諸溪繞墓

善鎮經五溪橋達梅根馬西齋郡志叙貴池界之縞溪

曰源出九華魁山下而叙魁山之縞溪又曰流入十里  
爲清溪蓋互錯也予觀清隱詩註及蘇顧吳李山志俱  
云魁山之縞溪出清溪則其誤已久矣今皆辨正

陳巖縞溪

風信吹涼入鬢清悠然目送一鷗輕鷗飛不盡天回影

練色波光曳曳明九華詩集

○慕善鎮在魁山北五里距老田亦五里俗呼五顯廟  
前有華西橋其水通五溪河

泛舟山浙錄聖泉院飯罷行過慕善鎮回望九華橫側

高低無一同者

九華紀勝卷十八 諸勝山西北 四

通志慕善鎮縣西二十五里前通五溪河

陳坡慕善鎮

帘影鐘聲聚一灣臨溪百室抱禪關兩橋晴雪入歸市

十里斜陽僧上山飛鳥微茫青嶂外好峯出沒白雲間

何年慕善成斯鎮千古高風不可攀諫亭詩草

○白石池在慕善鎮北明邑令龐公昌允盡節處

明史龐昌允西充人崇正十年進士授青陽知縣南京

覆走匿九華山謀舉兵事洩被執夜死旅店中

吳志白石池在五顯廟下六泉口內兩河合流有巨石

數十塊捍禦色白如霜雪明邑令龐昌允殉難於此有

白石池見志詩

○六泉口在五溪橋之南泉孔凡六今近有一二智者  
元末里人錢清砦此拒趙普勝明常遇春禦陳友諒亦  
伏兵於此其西岸爲曹溪寺貴池劉廷鑾有六泉日記  
唐樞記五溪登玩華亭南眺山有九十九峯已得其弱  
半行數里至六泉口所見有強半

江南通志六泉由石罅中湧出旱則愈溢民田賴之

今翹六泉道中

大似桃源勝溪流幾百盤崖崩疑路斷山盡見天寬處

處舟維樹郵屋倚巒九華知漸近蒼翠壓巔端翠微集

九華紀勝卷十八 諸勝山西北 五

郡志錢清字公清青陽人倜儻好義元末趙普勝立砦

九華遂谷巖清集義旅立砦六泉口相爲犄角以捍衛

鄉邑寇來則拒退則率人力耕一方賴之至正十七年

清率眾歸附授寧夏衛千戶調萊州衛指揮吳元年從

征張士誠平江歿於陣

明史至正二十年徐達守池州高帝謀知陳友諒且犯

池命常遇春以兵來助使之語達友諒旦夕至則重覆

於九華山之下而掩其後可盡取也達乃與遇春策選

卒萬人伏九華友諒至盡銳攻城城中伐鼓大譟伏盡

發而城中兵又出應之遂大破其眾斬首萬餘級生獲



三千人遇春曰此勁敵也不殺爲後害達不可以狀聞  
高帝報使者天下戰爭方始毋多殺多殺是逆拒之也  
遇春則以夜阮其十之九上不憚命縱其三百人歸友  
諒

郡志云遇春坑俘卒十之九於六泉口

吳志六泉口在五溪內曹溪寺東邑志稱趙普勝立寨  
起兵卽此地郡志則稱常遇春攻陳友諒伏兵於此而  
普勝與友諒合兵攻安慶立寨九華又別有址蓋兩軍  
相攻必不共地而壘常之寨在六泉則趙之寨必在九  
華郡志所列爲是又史傳稱陳友諒犯池徐達與常遇  
九華紀勝卷十八 諸勝山西北 六

春伏精銳萬人於九華大破其衆生獲三千人遇春盡

坑之六泉谷中其然歟

泛舟山浙錄慕善鎮又五里至曹溪寺

吳志曹溪祖源院卽曹溪寺在六泉口西有鳳樓菴東  
西二峯甚聳拔有上下池吳少友嘗揭東坡白雲自占  
東西嶺明月誰分上下池作聯甚確曹溪溪名非假詔  
州六祖山之美名也

○五溪在九華山西北合曹溪瀾溪漂溪雙溪龍池水  
而爲五自六泉口迸流至此橋於其上溪流六十里至  
梅根入江橋左陽華樓今不存橋右望華亭領九華寨

峯之妙亭之上爲五溪山房今改建佛殿亭右則江侍  
郎珊墓在焉邑人陳蔚輯有五溪詩畧

太平寰宇記五溪在縣西二十五里源出九華山合大  
江

泛舟山浙錄曹溪寺又五里至覺安寺五溪合流於此  
故地名五溪

明郡邑志五溪河發源並自九華一曰漂溪出飲猿潭  
二曰瀾溪出蓮花峯三曰雙溪出上下華池四曰曹溪  
出鳳凰嶺五曰澗溪出龍池會於六泉口經五溪橋達  
梅根入江

九華紀勝卷十八 諸勝山西北 七

曹組五溪道中望鳧鴈羅漢諸峯

天平現諸相峯峯鑄欲眞嵐清山亦喜石礙水宜噴人  
面堆新翠羊腸貯小春芝光千萬狀去去逼人親馬志  
薩都拉過五溪

萬壑泉聲瀉碧溪小涼天氣過溪時相逢橋上無非客  
行盡江南都是詩苦雨最嫌鳩喚急看山不厭馬行遲  
何當高上華峯頂涼月蕭蕭生桂枝天錫集

王澤宏曉行至五溪卽事

臥聞簷溜響天明只作空山落雨聲起看凍雲隨望迥  
始知殘雪滴朝晴草豐竹密禽喧語溪澗沙柔馬愛行

竟日攀援來絕頂萬峯氣候一峯生鶴嶺山人集

徐倬五溪道中

逕曲峯盤類剝蕉長將去路問來樵墟煙似水浮山角

嶺霧隨風壓樹腰蕎麥花開秋夜雪長松聲沸六時潮

無邊好景難收拾可許詩人貯一瓢黃邨集

袁枚宿五溪有懷亦葦上人

遊徧千山與萬山好山容易好僧難偶來蕭寺停遊屐

得見支公在講壇語妙直教花欲笑詩成常被佛偷看

與師邂逅雲堂意雨後吹來月一九小倉山房詩集

魯琢五溪道上

九華紀勝卷十八 諸勝山西北 八

四布同雲勢漸分九華峯破碧峻嶒雪橋煙樹長林外

一路寒泉響帶冰南莊詩鈔

陳連過五溪

夾岸峻嶒石作關奔泉百折響潺潺一筇扶日頻回首

雙屐穿雲已出山衲子經聲高閣上遊人詩思亂峯間

溪橋佇立低徊久準擬歸來次第攀醉庵詩稿

魯瑣五溪道中

九子山巔雲縹緲五溪橋下水瀠洄春田牛背鳩爭落

野店牆頭花亂開少小邨童分路去笑談樵父隔林來

海關點計無多遠立馬吟詩日幾回星邨詩鈔

蘇爾詒宿五溪

前路夕陽低鬢鬢望五溪草深曾虎過樹老只鴉啼到

店惟焚葉移牀半補泥雞聲催短夢戴月度橋西墨雨堂詩

釋禪渡五溪望九華

九華欣在望放眼鬱崔巍石氣浮青壁溪光接翠微峯

俱迎面出鳥亦破雲飛絕勝南樓上披圖對夕暉塔影集

徐鳳啗自清泉嶺之五溪

飽飲清泉上石梯嶺頭松檜壓雲低老僧指點斜陽外

一縷人煙是五溪

九華紀勝卷十八 諸勝山西北 九

波光人影石橋東峯列煙消眼界空嵌壁孤亭紅樹裏

經聲散入六泉風調鶴山房吟稿

方中晚抵五溪

行行日欲暮路轉九華西忽見排千仞方知到五溪泉

聲穿樹響峯影壓波低晴翠霏霏落登亭望眼迷墨雨

陳塾曉過五溪

偽曉出門早林巒過幾重橋邊素雪積溪面輕煙封老

馬踏凍月荒雞啼寒鐘靈山漸開曙空翠沾衣濃凹室詩草

明一統志五溪橋在青陽縣跨五溪水

王思任記寒碧秋凝集眾美而得大意者庶幾五溪

上乎

吳同春遊記其外峯之二重溪流直抵協濟祠同諸山之水而併入西北則驛路之五溪橋水也

曹學佺記五溪之水出而匯於一橋橋上與九華相對然正而非九華也九華乃從旁而側出其色與他山別如金屏綺障之中有豔姬微露頰粧焉儻在朝霞夜月當如何作姿態耳

萬歷邑志化成橋即五溪橋在縣西二十里五水合流於下故名宋慶元六年邑令傅誠建名曰午橋紹定丁未重修置屋於上明宣德三年洪水衝圮景泰四年僧

九華紀勝

卷十八

諸勝山西北

十上

會禮瑛重建後廢建不一萬歷四年知縣蘇萬民重建

馮副使叔吉改今名

考異曰紹定只六年元年戊子並無丁未

田雯五溪橋絕句

淺流壓石澌澌動怪鳥穿松濕濕啼偶被青山留便住

木蓮花下小亭西

第九層山路最遙曳筇筋力未全消刺衣數本鉢囊樹

撲面一聲婆餅焦

自注鳥名

閒挂紅藤採藥行山中瑤草盡知名黃鵠西去無多路

九節菖蒲滿澗生

直上九峯峯上頭吳頭楚尾大江流他年追憶看山事

槐子蟬聲細雨秋

古歡堂詩集

陳捷宿五溪讀化成橋碑記見五世祖後千公名因思

先人創造之艱敬賦一律

溪亭寂歷暮寒增水落平沙凍欲凝疏樹隔橋煙籬屋

奇峯當檻雪峻嶒幾家帘影人沽月一路鈴聲馬踏冰

先世清芬遺碣在拂塵捫讀亟挑燈

箭泉集

吳詔恩五溪橋

雨過溪流竹箭奔六泉飛雪走梅根芙蓉日暮青如洗

人立橋頭月一痕

墨蹟

九華紀勝

卷十八

諸勝山西北

十下

蘇萬民建五溪橋亭樓坊記

五溪之水源出九華北流梅根入大江溪橋去九華不

二十里而近登橋望天柱雲門諸峯宛如圖畫誠邑中

勝概也溪不甚廣春夏水漲漂迅不可航舊有橋橋之

西有小山上有玩華亭址乃都憲彭公命建亭廢碑蝕

獨溪山之勝存耳夫橋之造不一人亦不一次就工者

鮮如石堞木梁乃兵憲馮公鎮池時營也歲久腐欲傾

萬歷四年二月余始到逾橋危之暫命支以木三四月

間洪濤衝大傾矣往來人病涉欲橋渡且弗得矧冀亭

榭樓閣之一登覽乎夏五月按臺唐公道經橋見圮甚

日余修之云此王政之一端也余隨召工度費又逾月  
因候送兵憲公同步至玩華亭址觀之亦云有司正務  
不可緩余乃謀諸邑耆民吳仕範章元縉章士傑徐世  
廣熊鐘王致佑陳宗貴李文林汪廷衢章允中十人靡  
不欣欣承焉又據案草疏授僧人了瑾遍募通邑大夫  
士庶施財助工余首捐俸爲倡通邑之大夫士庶咸多  
寡悅輸計簿可得六百餘金擇九月初三日起工十耆  
民同委官施表臣等竭心殫力先以十數枯棹運水別  
流合溪作三泖每一泖濶三丈高二丈七尺左右有差  
下築松椿於沙爲橋樑駐脚之基基固方礮以石石採

九華紀勝 卷十八 諸勝山西北 二

於溪傍之山用匠幾三百人費七白金有奇民工無算  
至五年三月初橋將告成適按臺唐公又經此觀其壯  
固喜甚兵憲公始以工大難就爲恐既見次緒尤喜甚  
而又有復舊亭之命矣余親詣橋西山額去遺址數武  
得一曠坪命工開築爲堂三楹堂之上構亭一座少側  
對華亭之左取舊毀四峯菴所供神像廟之廟之前爲  
小室設牀帳備往來宦遊者憩焉橋西建石華表四柱  
橋東建樓三大間下周以磚石上開八窻立一佛龕於  
中樓前左建關王祠擇一黃冠守之并守樓中什物右  
建碑亭藏新舊詩文刻石樓臺亭榭東西時立屹然煥

然一大觀矣向橋圯人欲渡且艱今遊者玩者日駘而  
應接不暇凡慕九華之勝者過此亦少酬心賞奚俟登  
化城上東巖乎是役也按臺唐公首命之兵憲馮公大  
府王公共主之二府俞公四府吳公協贊之三府范公  
樂成之勤其役者十耆民爲最環溪百姓承委人役孰  
不宣力效勞於余何與哉橋募金所建亭堂坊廟贖金  
所建樓十耆民所建橋名化成堂名元夷亭更名望華  
樓名陽華皆兵憲公之命名書額也工完首末共十七  
閱月謹記之以遺後云 碑刻

李世傑重修化城橋碑記

九華紀勝 卷十八 諸勝山西北 三

嘗考之爾雅云隄謂之梁詩傳又云石絕水爲梁古者  
天根見而水涸則成梁蓋所以濟舟楫之窮而通往來  
之跡也青陽城西二十里有石橋曰化城建於宋慶元  
六年其流匯九華五溪之水層折而下每當春夏飛湍  
迅駛舟楫之用勢無所施而又路當衝扼輪蹄交錯實  
繁有徒且九華峙其南凡四方之孝子悌弟仰名山禮  
淨域者絡繹轉走相望於道皆賴茲橋以渡自宋迄明  
屢經修行人便之至於今勿替乃經年漸久將致頽  
圯予以按部至其地卽與邑宰周公震榮有修葺之志  
維時撫軍桐鄉馮大中丞延訪民間利弊洽城隍增隄

壁濟津梁修道路四廢俱興予乃以茲橋之圯墜

丞中丞曰可其急修之爰捐俸三百金屬予授邑宰

公董其事予感中丞惠民之意青陽又予屬邑乃急

工集事而經營指示周公之力居多焉閱三月工竣其

修一十六丈有奇廣一丈一尺有奇規模宏巨基趾堅

固於是途之出其上者如履坦道不知有蹇裳濡足之

患歌呼頌禱莫不戴中丞之德而樂邑宰之賢也予曰

是不可以不誌爰為之記而叙其顛末如此時在乾隆

三十四年己丑冬十月

碑刻

考異曰陽華樓在五溪橋左舊邑志山志皆稱邑令蘇

九華紀勝

卷十八

諸勝山西北

三

萬民建予考蘇大令自作五溪橋亭樓坊記云樓十者

民所建據此則建樓者吳仕範章元縉章士傑徐世廣

熊鐘王致佑陳宗貴李文林汪廷衢章允中諸公也

張寰遊記戊辰達五溪橋橋畔小山有玩華亭

吳同春記由六泉口至五溪登玩華亭回望焉其戀戀

於懷如遠行者之初去間里也

萬歷郡志玩華亭在縣西二十里五溪橋濱宏治十四

年郡御史彭奎建

蘇志望華亭在五溪橋側舊名玩華都御史彭禮建後

廢萬歷五年兵備副使馮叔吉命知縣蘇萬民重建易

今名

劉淮玩華亭賦 并序

巡撫坦洞先生愛九華山山去縣治觀望雖甚邇即之

約廢二日士大夫過青有高興欲往者輒復中止先生

注之意妙擇地分虛而且豁可以一覽九華無遺者得

五溪遂亭之題其楣曰玩華公賞眺也爰命教諭葉中

聚作記大畧已具予為先生門下士今天子十有五年

奉命渡江巡歷畿郡凡郡之諸山並佳殊可愛愛之尤

者則九華耳九華蟠結江表為池陽之矚目其峯九十

有九言九舉峯大數也言華美峯如花裊娜也考郡史

九華紀勝

卷十八

諸勝山西北

四

唐李白始以九華易九子之名得之矣夫世之花本有

開必謝有榮必瘁然能偕天地而不朽一寒燠而常榮

其惟此華乎但諸人聞見小局於形骸之鋼不知耳先

生有獨知之妙而扁之玩予知吾先生有獨知之妙而

足其玩玩之云者愛而無已之詞可玩者楚之玉趙之

璧隋之乘珠耳是諸人之情也豈復知此玩之妙哉然

非心體高明如此華之凌摩霄漢志意鎮靜如此華之

盤礴坤軸體之不可量如此華之靈異而嫗煦人物於

一方也用之不可測如此華之出雲而為霖雨天下也

默會之九華不在池陽而在吾心詠歌之九華不在吾

心而在吾憂昔荆公邀伊川天門看花有平生不好花  
之語公曰吾輩看花不類常人自足以觀造化之妙伊  
川曰如是願從先生遊此可知吾坦洞玩華之本體也  
又五峯遺考亭之詩曰野人偏愛青山好爲是青山青  
不老山中出雲雨太虛一洗塵埃山更好此可知吾坦  
洞玩華之妙用也夫九華自開闢來始有此亭千載之  
下將不廢此亭之名固宜課之賦詩刻於亭石以足玩  
華之餘意且以附名於不朽耳賦曰

瞻彼尤物兮絙池陽之盤紆  
覽彼奇窟兮窳窳兮瞰大江之一  
漚白雲朱草兮蔚鬱瑤芳珠藹兮  
贏餘丹梯翠嶠嶺巖巖  
九華紀勝卷十八 諸勝山西北 五

兮固眞仙之所廬秋昊亭然朶出兮乃造化不死之英  
藻謝巨靈巧擘兮裨大觀者驚倒而噫噓念予釐之寡  
合兮笑颺風之毀譽將拋冠以遊神物外兮飾葆羽之  
巾裾輓飛猱以爲馭兮縹緲於鴻濛之太初吾將訪河  
上公以譚元兮乞丹粒而餉虛歷諸峯之絕巘顧戀戀  
兮吾皇之極居秋將暮兮未度輿欲遺鶴兮傳尺書仙  
人不我招兮蓬蓬夢雲紀而騎蟾蜍誰構亭兮溪之墟  
掬九華兮一瞥餘可握粟兮呼鳥狙九華之靈兮安秘  
儲玩之不置兮樂何如永懷坦洞兮鐫瓊瑤

陳斌重建望華亭記

碑刻

昔之爲青陽者作望華之亭於五溪之上蓋其教令既  
成吏事稍逸因百姓之心爲之雖志述已畧其流惠則  
亦遠矣天下山水奇勝之地不遇名臣大儒或闕而不  
發遇其人留憩其地則不但流連光景與一時人士不  
能舍去更必寄之詩歌鏤之金石并與其清名惠術遺  
諸後來之人後來者或不能盡考信其遺事至夫一詩  
一石既得之類垣頽壤之間則益爲摩挲愛護慨乎欲  
繼其流風者尤必於其地識之是奇勝之地再發而遇  
也賦受事茲邑期月以來從簡書之役於西鄙則必一  
登斯亭竊愧治行不立無可託以信後世然由金陵達  
九華紀勝卷十八 諸勝山西北 五

池口制府以下輜車之使有事於勤民校士而至於斯  
者悉  
國家政體所繫守土者不敢慢聽其廢壞也而况名臣大  
儒之遺迹照燭千古有與山峙谿渟而不可沒者哉用  
是因其舊址爲之具材用令住持僧秀崑葺而新之以  
待賢大臣之留憩即其前後碑刻皮置於楹壁間者亦  
宜其可久也遂與邑之人士落成之而並記其月日云  
時嘉慶十四年二月之望 碑刻  
王守仁歸途有僧自望華亭來迎且請詩  
方自華峯下何勞更望華山僧援故事要我到渠家

謂遊已至那知望轉佳正如酣醉後醒酒卻須茶

蔡汝楠望華亭寄雙華柯丈

空亭入望九芙蓉想見幽人未可從徒倚不知天傍午

松風吹到隔巖鐘

湯顯祖望華亭夕

華嶺懸泉下飲猿六池秋色映梅根今宵滅燭華亭上

可是前身水月魂

余翹望華樓

芙蓉城倚白雲端笙鶴曾遊夜月寒今日重來迷入路

九華紀勝

望華樓上隔溪看

施閻章池陽經望華亭

九子峯開碧玉林五溪亭上好招尋早霞隱見仙樓出

積雪淒迷山寺深短髻星霜還策駕多時猿鶴勸抽簪

憑闌舊憶經遊處曾踏東峯第一層

龔翔麟五溪橋登望華亭

人行畫裏路忘遙况近風光百五朝弛擔不嫌邨店窄

半竿斜日五溪橋

粼粼水漾鴨頭綠淺山堆螺髻青欲識九華真面目

一節扶上最高亭

周天度遊九華歸途作

五溪雪後響潺湲席帽復與一日還更上玩華亭上望

隔簾黃對夕陽山

黃景仁望華亭

日晡攜酒上危亭亭外雲巒接杳冥送客五溪聲入座

邀人九子翠依橋山因當路名增重我到憑欄眼已青

多少征夫掉頭去獨將顏色助山靈

潘瑛望華亭

乾坤好怪乃如此芙蓉倒插天河水上出星辰猶不根

下蟠雷雨知何底妙有分二氣靈山開九華謫仙題名

九華紀勝

發奇秀世人始識青蓮花蓮花向人各有情含睇倚笑

空中斜太史南游畧不載隨園先生亦不愛我與青蓮

阿所私望之欲下顛翁拜憶昔經過五溪橋望華亭上

孤雲高倚欄危立若棲鳥舉目極眺窮秋毫天風飛翠

落襟袖氣與客子爭雄豪名花到手不可採徑欲往涉

秋江濤歸來胸貯九雲夢回首十年堪一慟衰疾空餘

崖壑思幽尋誰與仙靈共御笑山中人不知舉頭無奈

身居巖許作江南第二山登亭始信吾言中

浮渡第三〇晉希堂集

王仲淮登望華亭

畫圖四面列雲屏縱目危欄極杳冥練影一條環寺口  
蓮華九朶插天青佛開香界延清景人共春風到野亭

他日耕桑如有暇探奇還擬叩山靈

天繪閣詩稿

朱士彥過望華亭

兩師雲中滴馬驤五日甫至池陽東或言九華近可見

夜半簷溜驚房櫳曉來南行放霽色青山一桁橫長虹

山腰飛泉曳練素谷口急湍鳴絲桐陽曦偶爾射一線

陰崖照耀光瞳矓五溪橋下溪水惡驚瀧駭浪奔淙洪

登山但見雲黯黯沾衣又復雨濛濛神山咫尺局不放

拒客毋乃北山翁雲翳忽開白壁素天容倏露青磨銅

九華紀勝

卷十八

諸勝山西北

九

嶺岨盡放眾峯出森列不許大山宮蛾眉娟娟鬪濃淡

螺髻一一排清空塊磊全消氣吐臆氛霾淨掃夥指瞳

足雖未到化城寺九芙蓉已蟠胸中登州子瞻望海市

衡嶽退之觀祝融奇蹟都由僥倖得誓言敢詡精誠通

俄頃雲封望不見安得巨斧揮神工

詠齋詩稿

周炳曉過望華亭

雲氣霏霏競撲眉九華巖壑已迷離天明燈影穿林淡

寺冷鐘聲度水遲覓句剛逢驢背雪看山空憶鴈門詩

亭邊野店梅開早花裏東風漾酒旗

墨蹟

涼攀柱過五溪望華亭

簷牙搖曳酒帘低野店門開傍五溪翠嶂插天新雨後

紅亭嵌壁午橋西詩成社散僧初定柳擘風恬鳥自啼

咫尺名山欣在望停鞭乘興上丹梯

馨山詩草

吳荔娘望華亭

溪上危橋橋上亭憑欄山色向人青芙蓉疊疊秋空淨

一幅王蒙水墨巖

蘭陂詞稿

錢清五溪山房記

乾隆壬申春三月余葺山房於五溪之西始訖工將記

其事於石或曰是役也可以作可以無作余曰不然夫

人得一勝地則必經營翫造以寄其憑眺之懷故土木

九華紀勝

卷十八

諸勝山西北

二

之工與山水之勝相因而致余竭來學製幸與九華為

鄰碌碌簿書未遑蠟屐五溪居山之陽距城二十里奔

走公事必數經其地每見峯巒之秀美林壑之幽深輒

徘徊焉不忍去山房之設所以誌欣幸之心而風塵下

吏因得藉是以結山水勝緣也或曰允若是則前合蘇

公會構亭矣構堂矣是役也曷為而作余曰不然夫人

得一勝地往往以名公鉅卿之涉歷為幸五溪西接皖

江東連白下路當孔道冠蓋如雲今其亭甚隘堂雖爽

塹而不足蔽風雨上憲之往來於斯者會弗克留連日

夕以盡是山之勝余為增置山房則山間朝暮可以盡



發其藏而余所藉為埽榻迎候地者亦於是乎在矣山房東向平屋三間與向所建亭堂相聯屬其址高出堂檐之上宛若樓焉凡鳩工三百六十有奇所費木石磚甃如屋之值皆余親詣經理不敢假手胥役致滋擾累也是為記

碑刻

江南通志侍郎汪珊墓在青陽縣五溪西岸

明史御史汪珊於嘉靖元年七月疏陳十漸畧言陛下

初即位天下忻然望治邇來漸不如初帝頗納其說未

幾出為河南副使歷官至南京戶部右侍郎珊字德聲

貴池人正德六年進士巡撫貴州時討都勻叛苗有功

九華紀勝

卷十八

諸勝山西北

五

陳其名展汪侍郎墓

翁仲何年物高風仰侍郎一揮清凱水十漸凜秋霜續

著碑銘古疏留史册香佳城依岸曲澤並五溪長

天柱詩草



九華紀勝卷十九

物產

黃粒稻舊傳金地藏自新羅攜種其色殷味尤香軟與凡稻異

陳巖黃粒稻

紫芒金粒動秋風三月腰鎌捲地空農事倦時天與力

機舂相繼更論功

原註寺前有水確○九華詩集

李之世黃粒稻

金粟原來是佛糧僧云移種自殊方山禽未敢銜遺粒

香鉢先擎供法王

九華逸史

九華紀勝

卷十九

物產

仙人掌茶託植崇巖得乳水而生拳然重疊其狀如手

採而飲之能潤脂骨振枯還童

洪邁容齋隨筆曰太白有贈荊州玉泉仙人掌茶詩池

州九華山中亦頗有之其狀畧似蕨拳

茗地源茶出閔園陰谷中春夏之交萌芽始發乍紫乍


綠旗槍不大展

顧志茗地源茶天聖初郡守李虛已太史梅詢試之品

以為建溪諸渚不過也

金地茶相傳金地藏自新羅攜來其梗空筒者是大抵

煙霞雲霧中氣常溫潤味自異也



陳巖金地茶

瘦莖尖葉帶餘馨細嚼能令困自醒一段山間奇絕事

會須添入品茶經九華詩集

李之世金地茶

碧芽抽穎一叢叢摘取清芳悟苦空不信西來禪味別

醍醐灌頂雪山中九華逸史

竹實不常見春夏花開紫色結實如麥

萬歷邑志嘉靖六年九華山叢竹結實延十餘里小者

如米大者如麥中赤外青甘食如飴民賴以不饑

陸岡進九華竹實表云嘉靖十四年六月間本邑九華

九華紀勝卷十九 物產

山竹實盛生如米活人甚眾

陳芳九華物產記九華產竹實乾隆乙未尤多徧生巖

谷箨竹上大如麥色深紫採食之味如黍

筍脯產閩園味勝天目琴溪

郡志九華石竹萌脯之尤佳

竹蓐生叢篠中柔白如菌先以灰煮其汁如血去汁再

煮味勝珍脯

通志曰竹蓐出九華山生竹根者味甘

石耳一名石芝生陽崖者其色紫陰崖者其色黑

顧志石芝生於九華峭壁懸崖猿猴不可度處採者絕

引而上服之輕身延年

李之世石芝

明知服餌駐仙魂何憚高崖不肯捫三月荻芽纔出水

人人拚命食河豚九華逸史

葛粉產黃石溪以白花者勝

黃精一名救窮草九蒸曬可服食益人產九華絕壁者

為上品

考異曰九華黃精有偏正之分正精葉細形如芍藥串

生十二珠閩年則十三珠偏精葉大亦串生惟形偏如

薑俗呼野生薑

九華紀勝卷十九 物產

土人參苗長一二尺葉如匙而小對生五七節花紫青

色根似桔梗而柔

段成式與周為憲求人參

少賦令才猶強作巫醫多識不能呼九莖仙草真難得

五葉靈根許惠無集本

周繇以人參遺段柯古

人形上品傳方志我得真英自紫團慙非叔子空持藥

更請伯言審細看集本

黃連葉如小雉尾草花作細穗淡白色其根黃六七月

可採

考異曰蕭炳謂黃連出宣州絕佳圖經云黃連以宣城者為勝青陽唐屬宣州則知九華黃連即岐黃家所謂宣連也

九節菖蒲生溪澗沙石上其根有一寸九節者并有一寸十二節一寸二十四節者節愈密則愈勝耳

韓世能謝蘇令君惠菖蒲

令君元是九華神遺我菖蒲九節勻為問當年勾漏令丹砂煉後可分人

七葉一枝花草本一莖挺生高一尺數寸許葉作二三層每層七葉莖末一花四月方開黃紫色間有白者根

九華紀勝

卷十九 物產

四

如紫參皮黃肉白丹家用之

考異曰七葉一枝花一名重樓金線草一名三層草見本草一名蚤休見羅浮志又名紫河車見廬山志蓋一物而數名也

鉢囊花木本高丈餘葉細而長色翠而澤花生葉上莖

如黃葵香聞數里

考異曰江南通志謂鉢囊花出九華南臺其實九華諸峯皆有之不僅南臺也舊志云金地藏遊南臺適花落鉢中故名尤妄說也

莎羅花木本其枝每生七葉九葉苞如人面花似牡丹

色類拒霜香如菡萏

木蓮花木本高數丈皮似厚樸葉大如扇其端微凹潤六七寸長倍之四月花開如蓮香聞數里有紅白二種

考異曰舊志謂木蓮花花先於葉二月輒花開謝相禪歷八九月乃已余登石佛巖見木蓮花問之山僧則云

每歲花開只四月一度故白樂天木蓮樹圖詩序云木蓮花四月初始開自開迨謝僅二十日吳廷簡黃游紀

畧亦云四月游黃山至藏經樓觀木蓮花志謂二月輒花歷八九月乃已傳聞之誤也

玉瓔珞其花圓潔如真珠散綴柯條宛若流蘇

九華紀勝

卷十九 物產

五

金步搖草本叢生花四出偶對於枝葉間無風亦搖或

謂即獨活

僧希坦金步搖

偶對叢條巧構成動搖芳徑寂無聲山花不識興亡事豈學吳官步履行

九華詩集

蠟花草本花五出房小瓣厚色殷紅黃子如朱櫻率皆

類蠟

並蒂蘭叢生幽谷中有素心者紫色者

雲霧草產天臺峯色淡綠細如結綫吸雲霧而生故名杏柳偶談雲霧草出天臺山僧畧中一二莖入茗露夜

飲之可以却煩熱貴池吳非詩有云餉客勿視等凡草每與松柏爭長年其稱之如此

千秋松卽萬年松一名卷柏又曰苔松高數寸莖端布葉皆有毛生絕蠟人得之多植於盆山之上或置之乾燥處日久枯瘁見水則依然蒼翠舊志列於木類誤

龍鬚草叢生石壁間長三尺許勁細無節

考異曰廬山石門峯多龍鬚草而九華亦有之一名縉雲草見古今註又名石龍芻見本草今九華織草屨者多取以作經不知爲蓆最佳

鳳尾草生巖谷水次葉如鳳尾性最寒

九華紀勝卷十九 物產

六

金星草葉上有金星點根中有黑筋如髮

五釵松每枝五針五股其實可食文理綜縝如羅縠

輿地志曰九子山產五釵松

考異曰五釵松一孔五鬣或三鬣四鬣不等天臺峯最多塔院亦有之舊志謂金地藏自西域攜來種潛確居類書亦承其謬不知顧野王輿地志作於金地藏之前

幾二百年已云山產五釵松矣且地藏履渡南溟亦非來自西域又謂每一株枯死則旁透一小株今觀天臺峯森然數千株豈盡旁透耶

陳巖五釵松

五股釵松黛色鮮山家插髻不成妍道人見了都無用付與雲鬟霧鬢仙九華詩集

仙人燭本似梧桐大盈握長尺許多津液一枝可燃數刻好事者多秉之以遊洞穴

李之世仙人燭

梧桐心

浥露釀成淚竹幹迎風迸作珠堪笑世人多漆睡

神仙雷燭照昏衢九華逸史

羅漢柏幹高一二尺歲久亦有丈許者但不易得耳葉

如刺柏翠色可愛

日游集曰羅漢柏卽翠柏通志郡志謂之羅漢柏

九華紀勝卷十九 物產

七

仙人掌本端三四葉大如羽翠色青翠

李之世仙人掌

仙人掌搖風立翠巒似迎毳下雲端人間熱惱真難遣

纔到蒼巖沁骨寒九華逸史

飛仙蓋一本高挺無他枝惟木末樛然下垂圓密如蓋

新郡志謂卽玉女幢誤

玉女幢木名葉細長而清澤經霜不凋生陰巖絕壁之

上本高一二丈自成行列如幢節然

李之世玉女幢

重重羽節去如翬玉女神幢下翠微時有雲敞空際度

碧天如水鶴來歸九華逸史

陳蔚玉女幢

雲軒冉冉上遙空玉女投壺宴已終巖樹不知仙去盡

碧幢依舊挂春風梅緣詩鈔

羅漢條木本如繪高數丈翠葉閒垂心白色長尺餘作

結成條故名新郡志謂卽菩薩線誤

李之世羅漢條

羅漢迢迢行道時衣條解下挂巖枝生來不作同心結

一任柔絲拂地垂九華逸史

菩薩線一作菩提線木本類檜枝葉長垂如線色翠香

九華紀勝卷十九

物產

八

清

李之世菩薩線

誰將弱縷散晴暉菩薩峯頭喻法微雷與山僧閒補衲

白雲裁作七銖衣九華逸史

香桂葉如柿尖狹光淨有三縱文而無鋸齒其花有黃

有白皮薄而卷若筒以手撫其枝葉十指清香

考異曰香桂樹爲龜山六景之一見郡志故玉屏山舊

有香桂樹至今人猶稱焉其實九華山谷間皆有之按

南方草木狀及本草圖經卽筒桂一名筒桂交趾潯州

間製以入藥者是也土人惟取以爲箸

天蓼本與梔子相類其葉冬月不凋花開黃白色結實如棗子可爲燭

平泉草木記天蓼產九華

藥樹未詳其狀

考異曰宋史勃泥國有藥樹取其根煎爲膏服之及塗

其體兵刃所傷皆不死則九華藥樹當亦能療諸疾者

青樾高二三丈葉如橘四五月開花如栗淡黃色其實

曰椽八九月始熟如荔枝核而蒂有斗包其半截項斯

詩所謂青樾林深亦有人是也樾與櫟同見張衡南都

賦李善註

九華紀勝卷十九

物產

九

黃心椽子赤如大豆俗云雷鳴子

考異曰李鄴侯平泉草木記云是歲又得九華藥樹天

蓼青樾黃心椽子朱山龍骨蓋言藥樹等物來自九華

龍骨來自朱山舊郡志以山爲杉引草木記謂九華產

朱杉誤

金錢樹葉串如錢

南天竹瘦幹森立密葉團欒夏著白花冬垂朱實雪澗

冰崖賴此點綴

石竹一名龍鬚竹生紅紫色細花

觀音竹莖小而葉細長不滿三四尺生巖石間

碧雞翠鷓碧臆形采如鴉雌雄相逐鳴聲甚清

顧野王輿地志九子山產碧雞

考異曰碧雞五距鳥也竺法真雜山疏云足有重距其

音呼先顧或謂之先顧鳥似孔雀背連錢文而多碧羅

浮書云似孔雀而小每當日出則先鳴山中人乃以為

天雞余遊天臺峯見碧雞五六翔集五釵松間則六帖

所云碧雞羣飛於絕巘信然舊志云歲翼二雞羽翮成

則舊者飛去亦臆說也

念佛鳥形大如鳩羽色黃褐翠碧閒而成文音韻清滑

如誦佛聲一名念佛子

九華紀勝卷十九 物產

李之世念佛鳥

蓮花九瓣坐中央欄楯重重樹幾行是處海潮聲不斷

人禽同說往西方九華逸史

搗藥鳥形罕見春夏之間月夜鳴於深巖幽谷中曰克

丁當宛如杵臼敲戛之聲清亮可聽

王十朋九華詩註山中有鳥啼聲曰克丁當時人呼為

葛仙翁搗藥處

考異曰搗藥鳥一名藥師又名紅翠以色閒紅綠也李

石博物志云葛仙翁嘗於西峯石壁上石臼搗藥因遺

一粟許有飛禽過而食之遂得不死至今夜靜月白風

清之時猶作丁當杵臼之聲名之曰搗藥鳥按仙翁名

元字孝先三國時吳人嘗上羅浮過蘇元明授以金丹

之旨

惜春鳥形似燕而小黃白翅春日啼曰莫摘花果或犯

之則羣飛掠人鄉人謂之護山鳥

戒菴漫筆池州九華山中奇花歲發則有護花鳥鳴焉

遊人欲折者鳥則盤旋其上鳴聲云莫損花莫損花

王十朋九華詩莫向山中摘花果惜春啼鳥怒人攀注

云春景人或登山有啼鳥曰莫摘花果人或違之方鼓

翅羣飛厲聲而啼

九華紀勝卷十九 物產

李之世惜春鳥

名花偏如鳥銜殘多著金鈴樹底安誰信山禽更解惜

聲聲啼切護春闌九華逸史

雲韶部即音聲鳥有二種一如練鵲具五色而紅喙碧

足一差小羽黃黑足青赤面場谷而巢每春暮秋初時

風輕煙暖則羣鳴互答宛如一部簫韶

李之世雲韶部

雲韶幾部韻玲玲引動山樵側耳聽不似人間絲與竹

花來節鼓草搖鈴九華逸史

山鳳凰大如雄雉繡頸袞背勁骸悍目朱冠特起狀如

戴孟夜以承露互飲之不常見

李之世山鳳凰

苦竹無花詎足殮禽聲悶嘿訟煩冤人間亦有戴盆者

甘露誰為灌頂門九華逸史

婆餅焦大不逾雀春夏秋皆鳴曰婆婆餅焦

梅堯臣山鳥

婆餅焦兒不食爾父向何之爾毋山頭化為石山頭化

石可奈何遂作微禽啼不息宛陵集池州後詩

僧希坦婆餅焦

綠柳含煙煙不消紅花噴火火無燒如何焦却婆婆餅

九華紀勝卷十九 物產

每對春風苦舌饒九華詩集

李之世婆餅焦

院院山花紅欲然怪禽何事苦熬煎滿爐焦爛那堪喫

誰與阿婆納餅錢九華逸史

提壺蘆狀類燕子色錯黃褐春日則呼曰提壺蘆沽美

酒

梅堯臣提壺鳥

山路暗松篠幽禽語前後上言勸提壺下言勸酌酒但

取醒後醉莫問升與斗人生朝齒榮綠髮可無負

提壺蘆沽美酒風為寶樹為友山花繚亂目前開酌

今朝千萬壽宛陵集池州後詩

劉宗軾提壺蘆

提壺向何處滿鵲松花春野鳥心先醉聲聲更喚人七星

書屋詩稿

濕濕鳥羽色黝翠修尾揚翅似燕自呼其名鳴則雨

李之世濕濕鳥

谷鳥聲殘春雨濃浮嵐飛濕下千峯覺來稼圃禪多韻

收拾閒情付老農九華逸史

喚起形不踰反舌春曉則鳴每聲連呼起字圓滑如鵬

考異曰韓吏部詩喚起窗全曙註云喚起禽名也聲如

九華紀勝卷十九 物產

絡緯圓轉清亮偏鳴於春曉江南謂之春喚

李之世喚起

海白沙明風滿天宿雲如絮裏山巔曙窗喚起遊人夢

猶有山房熟睡禪九華逸史

壽帶鳥一名帶鳥雙尾修纖如帶見則主人壽

陳芳九華物產記壽帶鳥華溪常有之故老云鄉人多

壽此其徵也

蒼鹿毛長而色蒼千年物也

通志蒼鹿九華山中天柱峯下時有見者

羚羊如羊而褐色角類竹節足最捷罕得之者

脆蛇好倚石豎立見人則仆碎為數段中惟一線相聯  
良久一縮即續游行如故

石斑魚長二三寸鱗具五色而味極甘

泛舟山浙錄九華雪潭中產石斑魚不常得

考異曰石斑魚九華諸溪皆有之墨客揮犀謂南方溪

澗中有魚生石上號石斑魚作鮓甚美

陳九鼎石斑魚

五色游鱗號石斑雪潭深處影嫋嫋何年也學垂綸客

偷得龍池半日閒石坡詩草

嘉魚出涌泉中白鱗紅鬚巨如手掌味甚美

九華紀勝卷十九

物產

丙

考異曰埤雅廣要云嘉魚食乳泉出丙穴今九華面陽

乳泉中凡穴口向丙者皆產嘉魚或地氣使然也

鮑魚出黃匏城溪中極小可食

考異曰爾雅釋魚鮑大鮑小者鮑疏云即鱧也鱧即今

之烏魚此則烏魚之極小者當謂之鮑而舊志云鮑魚

極小然亦未聞烏魚以小者為貴當是另一種而名偶

同耳

石雞一名石柳產巖澗中形似蛙有黃黑二種

李志鮑可大曰有業捕蛙者於九華溪陽中夜捕一巨

蛙蛙舉二足挽其兩手不少寬其人求脫不能時已四

更矣忽聞鐘聲蛙投足俛首西向若禮拜然始得脫免  
遂收業焉

考異曰山志紀石雞為石柳言其聲橐橐然如柳也游

宦紀聞稱為石撞本草謂之石鴨又名山蛤韓吏部詩

云蛤即是蝦蟇同實浪異名蓋石雞亦蝦蟇之類也

醫魚四足身黑腹紅較蛇醫肥而短生垂雲澗久旱出

則雨

考異曰醫魚即北戶雜錄所謂四足魚也俗稱水鼠舊

山志云小鮮也語欠分曉殆未詳其性并未見其形耳

九華紀勝卷十九

物產

五

終



九華紀勝卷二十

藝文

唐九華山錄一卷未著撰人

考異曰九華山錄宋初撰太平御覽已引之其為唐人

所輯無疑也且宋史藝文志云唐僧應物九華山記二

卷又九華山舊錄一卷蓋是錄與應物山記並載於史

而特以舊稱則其書尚在應物山記之前雖無作者姓

名而為唐賢所著述斷斷然矣郡志作宋九華山錄誤

僧應物九華山記二卷

唐詩紀事曰應物大中時江南詩僧也與羅鄴倡酬作

九華紀勝卷二十

藝文

九華山記按馮贄雲仙雜記所引記作志不知是此書

否

宋滕宗諒九華山新錄一卷又九華山圖

新錄見宋史藝文志

畫苑曰滕宗諒始作九華圖今不傳按舊山志亦開引

滕圖當即錄前之圖也

沈立九華總錄四卷

考異曰九華總錄即九華拾遺序所云沈太守撰總錄

於後者是也按通志郡志職官表趙宋一朝池寄姓沈

者只郎中沈立一人齊山磨崖漫巖華蓋洞各稱太守

沈立題名皆為至和元年則至和二年序稱沈太守者

立也宋史本傳謂立歷知滄州越州杭州江寧府不言

知池州蓋傳缺耳

劉放九華拾遺一卷

直齋書錄解題曰九華拾遺一卷山居劉放至和二年

自序曰滕天章作新錄於前沈太守撰總錄於後博考

傳記文獻通考復得三十餘節

曹機石刻九華山六圖

見畫苑按曹機宣和六年青陽令

程九萬九華詩百篇又九華山東西二圖

九華紀勝卷二十

藝文

郡志曰九華詩百篇宋青陽程九萬著今逸

畫苑曰程鵬飛總九華六圖為東西二圖

程太古九華總錄十八卷

文獻通考云九華總錄十八卷陳氏曰邑人程太古撰

哀集諸家所記萃為一編

陳詩註云程介翁名太古宋紹定中以僧應物滕子京

九華新舊二錄增以近時人詩文編為九華總錄

考異曰沈太守程介翁二人所編皆名九華總錄而沈

先於程百七十餘年介翁殆仍其名而增輯之耳

陳巖九華詩集四卷圖六幅

按九華詩集宋板兵燹元至大元年方子春重刊明成化五年清隱五世孫輕重刊莆田林文序萬歷八年七世孫時勉再重刊詩二卷序圖弁於首元明諸公贊記詩及九華書院志二卷附後邑令蘇萬民同里施蓋臣皆有序

欽定四庫全書總目云九華詩集一卷宋陳巖撰巖字清隱青陽人咸淳末屢舉進士不第入元遂隱居不仕築室於所居高陽河日嘯歌其內出則徧遊九華之勝至一處則作一詩紀之名九華詩集其詩皆七言絕句凡咏名勝者二百七首咏物產者三首九華山自唐以李白得九華紀勝卷二十 藝文 三

名詩家多有題咏而取泉石洞壑之勝徧加品目實莫備於是編其詩亦俱瀟灑出塵絕去哇淫有高人逸士風格不僅足供山志採擇而已

欽定四庫全書簡明目錄云九華詩集宋陳巖撰凡七言絕句二百十首皆咏九華山川古蹟物產舊與九華山圖合刻今圖佚而詩存其詩多意境蕭灑在阮閱許尙會極張堯同等咏風土者之上

湯顯祖讀陳清隱先生詩小序曰予過青陽九華山下尋南唐時吾家湯相書堂旁及三笑亭而上遇友應魁示其先人宋陳清隱先生山居二百一十首詩絕幽香

冷碧嵐霏竇流時開入道之機盡絕維塵之想余既棄綬西歸未果後約特此臥遊神光少微吾几閣間物矣嗟夫文之不可已也如是過九華者三不見清隱詩何知清隱宋超回費冠卿不亦遠乎大都天步將移則城野可以戰豪傑山澤可以臥賢良陶靖節薄遊陳清隱不仕詩中都不及世故達生任運有何介然至如司空文明仕爲諫官避居王官谷則慷慨多於韻致矣豈同道哉余所喜者應魁爲博士叔大謨爲諸生皆能世其清與二百一十首詩長共九蓮中清複也

釋希坦九華詩集一卷 九華紀勝卷二十 藝文 四

郡志曰釋希坦原集不傳今存詩十一首

元方時發合刻九華詩集四卷

自序曰九華池陽勝境也山有九峯若兄弟班列古以九子名之唐李太白來是山改今名與高齋輩聯句云妙有分二氣靈山開九華由是九華之名彰彰於世得非地以山川重山川以人重歟范至能云余生東吳北南西三方皆走萬里所至無不登覽太行常山衡嶽廬阜皆渾樸高厚其最奇秀者莫如池之九華歎之黃山括之仙都温之鴈蕩夔之巫峽此天下所同珍者劉賓客所謂舟過江上望九華奇峯自是造化一尤物也李

太白杜荀鶴羅隱費拾遺滕子京王季文讀書有堂杯  
渡金地藏葛稚川負笈修煉至於潘道遙王介甫張丁  
湖等吟咏歌記散出於郡邑誌書者不一予世居其下  
雖乏濟勝之具坐臥偃息獨專所好雨捲朝晴嵐光滴  
翠且而視之入吾窗戶矣泉流耀日杉影舞煙畫而對  
之搖吾樽俎矣月明鶴唳雪擁猿啼夜而聽之透吾几  
席矣故以山之東西繪爲圖本繡入於梓與遠方朋友  
共之昔詩人陳清隱嚴任山釋率菴希坦遍遊歷覽隨  
寓吟咏凡山中草木羽毛之名品泉石巖洞之靈異煙  
霞風月之氣象悉採而模寫於中皆得其事迹景物之

九華紀勝

卷二十

藝文

五

眞蓋陳君生於九華希坦居於九華身所親歷目所親  
睹也詩有舊板兵燬不全竊謂山乃無聲之詩詩乃有  
聲之山山之有詩猶天有日月星辰之光彩人有衣冠  
佩玉之文華也苟或泯沒山靈其不抱冥冥之恨乎特  
捐已帑而重梓之俾詩與山相照耀於無窮云歲至大  
戊申仲秋之吉

楊少愚九華外史四卷

明一統志元楊少愚青陽人少好學博通羣書所著有  
九華外史

吳天錫九華四圖

畫苑曰元吳天錫復分東西二圖爲四圖  
明包廣九華山詩集二卷正德十三年輯

自序曰余少時嘗閱九華山圖見其尖秀怪異崇聳嵯  
峨疑而未信逮赴春闈經池陽數次江上望之果鬱乎  
蒼蒼然未獲登眺也正德甲戌秋承乏青陽越明年二  
月戶曹主事南海何君獻卿以公幹至拉余同遊時余  
主祀事未暇何君先往三宿爲陰雨朦蔽而返翼午祀  
事畢復偕往是日天光日朗雲白風清凡昔日圖中所  
闕峯壁巖岸洞池溪磴尖秀崇聳羅列拱揖在前始信  
畫工之不虛也余乃與何君升巍峩登峻險攜酒殺隨  
九華紀勝

卷二十

藝文

六

行隨酌唱吟於煙霞之表徘徊於霄漢之間宛然如天  
上人竟日緩步而下何喜謂余曰吾聞九華老僧云此  
山神極靈凡來遊多遇陰雨不得觀玩如吾前日是也  
今公來雲氣開明陵谷響應應知山靈識有主也余笑  
而答曰有是哉自是而夢寐間此心身常在諸峯頂戊  
寅孟冬又隨大巡陳公戶曹胡公再遊屬目縱觀盡得  
其佳趣嗟夫名山勝概無處無之若充之太華均之武  
當南康之匡廬雖爲世所尙然皆未有若九華之奇峭  
尤爲超拔者也山之形狀品題前人識之詳矣第後來  
名公巨卿所詠未悉備余乃集而備之捐俸餼諸梓因

序余遊事而記其歲月云

王一槐九華山志六卷嘉靖七年重輯

都御史陳鳳梧序曰大江以南山之峭拔而秀麗者莫如九華蓋其高數千丈上有九峯若蓮花然合諸峯凡九十有九扶輿旁礴之氣實於是乎鍾焉然其地僻在青治之南去江百里而遠故禹跡之所不經職方之所不載自昔以九子稱至唐李太白始易今名詠之以詩且讀書其中而九華之名遂聞於天下嗣是名人文士登高覽勝往往加題品焉予自筮仕已慕其勝而未獲一登嘉靖乙酉秋奉命巡撫江南明年丙戌遍行諸郡

九華紀勝 卷二十 藝文

七

十月之交由徽而池所經郡邑率深山大谷行部所罕至者入青陽境將十餘里忽見峯巒融結璀璨奪目固已心偉而神會之既弭節行臺則茲山適對峙乎前若錦屏若芙蓉恍然心曠神怡而忘其撫政之填委也比竣事戒行欲償斯遊而朝霧晦冥風雨驟作然吾意已決遂出城而南倏雲開日霽吏民咸有喜色老僧迎而慰曰曩時士大夫之游遇陰雨者十常八九今且陰而復晴殆山靈之默相乎既入山口煙嵐森列若天柱老入二神雲門諸峯皆爭奇獻秀於雲霄之表予喟然歎曰此天設而地藏乎抑神劈而鬼鑿乎褰帷而觀應接

不暇約行三十餘里上半霄亭陟天樞至化城寺

太白書院遂登絕頂露坐金地藏塔外前對神光嶺時夕陽西沉皓月東出光景異常九十九峯歷歷可數神清境絕眞天下之奇觀也已而霜氣凜然不可久坐乃入寺宿漏下二十刻矣詰旦下山天色微晦而峯巒尙可辨將午至玩華亭少憩復縱觀焉凡得詩若干首付老僧藏之山中旣抵池郡取九華舊志閱之僅有邑人陳清隱諸詩而采錄未備乃命銅陵王教諭一槐重輯之稟旣具而予以休致南還乃授之門人韓太守楷俾終其事焉越歲政通人和韓太守與張貳守邦教再加

九華紀勝 卷二十 藝文

八

參校編成新志首之以峯巖泉洞次之以亭堂寺院又次之以古今詩文考據精博凡爲卷六將付青陽祝知縣增刻之以傳郡守貳以予嘗與聞斯志也走使請爲之序予嘗東陟岱宗南躋衡嶽中登嵩高西北上太行其表鎮一方巍然高而大則有矣未有九華之奇秀者也矧山以氣而靈抑以人而勝若太白之流風餘韻諸名公之詞賦翰墨又所以重乎茲山也志之作其可少乎予方徜徉泉石夢想九華有不可再遊之期又恨不得結茅山阿以靜修而終老焉故因其請也幸得託名其間輒序而歸之

柯喬施宗道江可立同輯九華山詩集二卷柯喬序

考異曰九華山詩集乃江可立同柯喬施宗道所彙纂

九華之詩也明史作汪可立九華志二卷以江為汪以

詩集為志誤

蘇萬民九華山志六卷凡十九圖萬歷七年重修

自序曰九華舊有志惟遐阻未躬歷者則人人循圖指

跡而云山盡是矣詎知茲山之奇勝有未易盡窮者乎

不佞夙抱山水之興亦嘗涉洞庭陟祝融泛沔漢登太

和濟汝洛遊嵩高收覽風景矣始承乏來面九華得峭

削於目而意欣欣焉俗沓未遑登也退亦按圖跡而閱

九華紀勝卷二十 藝文

九

之謂山如是爾暇叩邑人士則咸曰茲山亘二百餘里

界三邑江左山之擅名者如金焦如匡廬如黃古今稱

巨勝九華與諸山擬則相埒不少讓其間峯巒巖洞千

奇萬怪真難殫狀夫豈志能載哉不佞銜之丁丑夏仲

以事由五溪六泉口入抵麓日已夕暝火光中盤折攀

磴而上宿化城次曉升東巖四望長江匹練羣峯羅列

天柱雲門五老等呈奇獻秀歎曰奇偉哉諒非筆之可

書繪也戊寅秋九月緣九子寺僧訟山遭隣豪侵不佞

親往對觀山北境象尤異步輿上九子山坐招提環視

眾奇峭隱見殊態遙望天臺峯獨崇插霄漢又諸奇之

最則歎曰幽萃哉較東巖之觀愈增勝矣乃己卯春暮

聞道蓮花峯之麓心神勃勃飛越攜友命駕經西洪嶺

改筇輿歷崎嶇險峻陟其巔俯天柱拱辰諸峯觀大江

如流山足指金陵姑孰皖潯陽歷歷在目池寧邇且藪

不足經全視昔云登東小魯諒矣又歎曰宏巍哉陋九

子東巖之覽多多矣信志所不能載也歸與明經孫氏

汝實按汝實名樞議謀鏤梓其書識所得某曰舊志列圖則

方隅不辨失之畧志錄文則去取未精失之蕪且木久

字滅新之是然茲山之奇即吾儕三登猶未盡得也不

佞更令方氏子汝明攜繪工遍歷四境遇一奇則圖之

九華紀勝卷二十 藝文

十

回旋得圖彙十有九汝明又手書其圖之不可盡者不

佞乃付之孫汝實輯次焉此書終未罄此山之勝而較

往志則無訛舛矣夫山亦豈有遇不遇哉漢史遷東南

遊入會稽探禹穴凡攸歷諸山靡不錄獨此山遺迄唐

李青蓮望之江上榮以佳句易今名山始顯與金焦廬

黃並稱勝吁豈前此人皆忽而未之奇耶自今上溯潯

陽及皖及姑孰或江或原望者孰不凝睇欣羨青蓮未

名之前何茲山之泯泯也山遇李青蓮而顯名幸矣乃

青蓮名亦藉此山顯而秀出芙蓉之句與山共此不朽

則亦幸矣不佞慕青蓮之風今得志此山而序之其非

幸也夫

蔡立身九華山志八卷凡十四圖萬歷二十一年重修

按蔡邑侯字師會平陽人嘗定九華供應民頗便之

陳天球九華山帖二卷

郡志文苑傳曰陳天球字惟珍青陽人精楷法刻有九

華山千字文及臨懷素自叙諸帖行世名與同時文祝

鼎峙

吳光裕天臺遊草一卷

顧元鏡九華山志八卷凡十八圖崇正二年重修

自序曰嘗考太史家言有本紀有年表有世家有列傳

九華紀勝 卷二十 藝文

二

備矣更有八書以志天官封禪諸事洎班孟堅氏始易

其名曰志而志自此昉矣漢輿地圖蓋即古職方遺意

而名山大嶽之志則又不昉於史而昉於經如書稱歲

二月東巡狩至於岱宗其南北西嶽如岱禮詩稱陟其

高山墮山喬岳云者謂非四嶽一大志哉他若崑崙軒

轅之墟燭龍夔鼓之塾生日浴月之鄉吹冬呼夏之城

則山經志之又如桐柏金庭句曲華陽既侈地勝之名

復標天柱之號則仙經瓊爰志之又峨眉匡廬羅浮女

几終南大滌王屋會稽一切洞心駭目之觀則古今登

眺吟咏之士志之志之雖不必盡出於經而羽翼鼓吹

寧詎可闕者予不佞少負子長游覽之願嘗欲採錄海

內名山著成一書而力未遑也茲幸承匱池陽得與九

華作緣亦生平一大快也甫下車即齋宿往謁第見夫

岡巒之龍從隱巖也泉瀑之飛濺澄鮮也竹柏之鬱蒼

輝媛也宮觀之博敞鴻紛也鳥獸之豐潤悅妍也以爲

九華之勝而勝固不盡於此也升而望之其光熊熊其

氣魂魂意必有出雲吐澤膚寸而合不崇朝而雨天下

者顧歷於衡而不得嶽於南其宜嶽而不得嶽也雖山

靈亦有數哉然予憑覽九派之江湖渤瀆薄迅復懸騰

自岷山而東所過都會郡國之水每出而會之如鄱陽

九華紀勝 卷二十 藝文

三

諸河不可指屈愈東而溢皖諸水復會於池則池固扼

江之要者假令任其滔滔汨汨直注於海池之爲池不

且碣爲平沙民爲浴鷺城爲萍葉市爲東楚耶則夫嵯

峨聳峙如九華非所以奪江之雄而植之砥吸江之脈

而聚其氣者哉信乎函蓋之神工而東南之巨鎮也不

特此也昔虞允文策宋事以爲駐池之軍足爲襄漢後

援若出巢湖則經畧且及於淮而收其兩用池之爲重

自古已然我高皇帝定鼎金陵亦藉池當上游屏翰要

以鍾山石城蜿蜒旁礪非茲山聯絡拱衛之力不及此

則池得稱股肱郡者繫惟茲山是賴山靈有知雖不得

嶽奚惡焉顧訪閩圖象而漫漶放失不勝憮然遂蒐之  
碑板之所紀載與夫薦紳先生之所題詠山僧逸民之  
所傳聞網羅考證彙成若干卷而付之梓因歎志與史  
傳體殊功均傳而徒志官爵名位志而徒傳草木鳥獸  
亦奚足有無者惟人有神情啼笑山亦有神情啼笑人  
有才具經綸山亦有才具經綸竊希識其大者此志所  
以重修乎雖不敢追虞書周詩山經仙笈而聊爲茲山  
補遺亦欲後之君子讀是志而興起焉使池無失其爲  
上游則予不佞編輯意也然則劉夢得天下奇秀之目  
猶是騷客恒言慎無執此以求此書而例之謝康樂游  
九華紀勝卷二十 藝文 十三

山一志也不候幸矣

李之世九華逸史三卷自序

郡志李之世字長度東莞人進士崇正七年爲池州推  
官暇卽徧覽山水罷去留九華山中著九華逸史

施達天柱志六卷

自題引曰余集輯天柱志南山志有龍游別墅中山志  
有飽仁樓大烹廚大鑊北山志有天柱莊及諸亭閣皆  
有待乞山乞貲而成意且俟竣工而始勒木旣而笑曰  
漁獵無官之勢循乞無佛之靈侈心何由得遂不若以  
翰墨爲梓材詞賦爲丹牘託諸空文以自慰則老蒼

任經營楊馬皆我班倕結雲構於頃刻雖係子虛貴且  
快意矧空山臺榭何成不壞志牒常有徵實十無五全  
未成與已壞均屬空文而弔古起墜則又不無賴於記  
籍之臚列矣姑且刻之或尤足爲戶曹之簿書闡維之  
疏記也世界缺陷名山天造觀者縱病其誕亦當謂施  
生蓋點綴山川名手乎

張瑋九華山游紀一卷青陽甯應祖序

吳鍾雙峯詩一卷邑令西充龐昌允序

國朝吳光錫九華全志十二卷凡十五圖順治九年重修  
自序曰九華山造化一尤物也劉夢得意想洪爐始闢

九華紀勝卷二十 藝文 十四

九龍攀天矯騰騫霹靂化石何奇迥也視李太白天  
河綠水秀出芙蓉猶凡近矣然皆遙望摹其影似耳或  
又從長江引睇其光熊熊其氣魂魂吐澤出雲不崇朝  
而雨天下謂其宜嶽於南顧壓於衡而不得嶽也若重  
爲悲憤者太白云太史南游畧而不書以致名賢闕紀  
賦詠罕聞夢得云結根迥秀不在要津而封禪會稽旣  
所不及又不若敬亭邀謝朓一詩遂使齊名五嶽斯慨  
言之重有志也雖然志胡易言也夫前此不嘗有志乎  
宋元固無問矣余及見前明五志若包祝蘇蔡并崇正  
顧志矣大都始則以清隱詩註爲粉本其司筆者

原無邱壑不辨方隅參錯荒鄙恣其淆雜後則襲舛沿  
譌浸假而漸失其真屢變而愈離其質實則當日不過  
移博士一牒喚集一二學究充例塗飾但知按某薦紳  
某鉅公翰軒泣止增入其數十詩耳不大悖哉余因念  
昔者曹能始先生來游亟取志闕有以邑侯蘇本進者  
甫展卷輒喟然謂家仲氏寬生曰此山人之事也詎郡  
邑長吏事子不畏山靈擲揄子乎子責且奚道焉家仲  
姑唯唯又十年天都潘景升氏輯名山註復以九華秋  
浦諸志見屬時勤敦迫仲氏始勃然振臂曰我將拚三  
十年重躡清隱之蹤遍諸巖壑俾山無遺勝無匿奇乎

九華紀勝

卷二十

藝文

五

萬歷癸丑招施徵君下之先生及余小子錫爲幽尋始  
事每歲或春杪夏初或秋冬之際必三四十日乃返計  
三十年可得千日足畢乃事然恒以事絆不及期卽出  
約畧前後止七年共二百十七日耳輒若有物焉敗之  
余知施君謀道志切若此以不急之務相邀家仲以一  
襟袍繫意且俟繫解一意了此無難也嗟乎孰謂繫將  
解而疾作然疾革猶不忘前諾語施君曰此事終當屬  
余弟錫矣余時雖銜其語猶幸有施君在也施君後二  
年僅成天柱一小志卽繼家仲蛻骨於九十九峯縹緲  
之間兩君之子皆孱弱不好紙筆昔游詩冊都不存十

一此事竟屬余矣嗟乎又孰謂余沉淪婚嫁復三十年  
不自堪作尙平何以謝仲氏地下也迨歲壬辰邑學博  
李君從長安來忽以書幣請纂山志暗與夙願相酬豈  
復固遜慨然於酷暑中揮汗草此用報嘉命未幾李以  
故去志未卽梓幸假茲五載時時從病癢中竄易點定  
以成今本敢自謂無遺勝無匿奇乎賈啟之曰九華之  
奇萬古奇風流占斷無聲詩王伯安曰何人不道九華  
奇奇中之奇人未知我欲窮搜盡拈出祕藏恐是天所  
私余謂天下之奇奇必祕祕則無聲無聲而名存名存  
而仍祕則古今之善名未有如九華者也唐天寶以前

九華紀勝

卷二十

藝文

六

祕矣物不可以終祕故一受之太白一受之夢得再受  
之伯安而山終祕焉則所稱扶輿清淑之氣鍾此九華  
巖亘八十里中崢嶸磅礴環瑋怪異雖諸詞翰雲蔚霞  
翻神鏤鬼劃而猶然有渾沌不死結繩未易者非乎若  
謂扼江之要而植之砥吸江之脈而聚其氣控禦上游  
屏翰南服固郡侯推廣語又如截天萬里落玉千丈其  
區彭蠡夾其左右猶里紳張大語余山之人也弟次其  
危巒絕巘鑿壑區作康樂游山一譜以供墨士騷壇  
元覽勝臨助耳或蠟屐倦於躋攀并以資少文之賦游  
可矣時順治丙中秋九月旣望仙似吳光錫書於華



之花舫

劉廷鑾九華散錄三十卷

李燦九華山志十二卷凡十二圖康熙己巳重輯

自序曰池郡九華一山坤輿磅礴之氣實鍾於是詎止

峯名九子峭拔凌空與天下爭勝哉其重巖疊嶂各賦

奇形潭止溪流咸秉異趣以至泉飛月落壑邃雲封無

一不天造地設自呈一部大志於天地間也自唐李青

蓮為秀出芙蓉更名九華而名始著及至德間新羅國

王子金地藏航海來居得道顯異而山益彰至於高人

傑士龍遊豹隱若費拾遺王季文杜荀鶴輩接踵邱林

九華紀勝

卷二十

藝文

未更僕數迨勝朝宏治正德間王陽明先生兩居其地

講學考道從遊日眾而吾道以南之數人者挺生天地

為茲山主持迄今浮屠梵宇書院講堂猶令人曠覽憑

弔不置此九華志之所由作也九華一志夫豈一邱一

壑一吟一咏流傳紀述於影響間哉粵稽載籍唐僧應

物宋滕宗諒有九華山錄劉放有九華拾遺楊少愚有

九華外史均未敢言志宋末處士陳巖釋希坦遍歷吟

咏元義士方時發彙集製序亦未嘗以志稱明初始編

為志嗣後增訂不一崇正己巳郡守顧公修刻成帙迄

今已越六十載天時人事三十年一小變且中經鼎革

世更時遷其間豈無高人逸士遁跡山阿覽景物之俗

殊睹煙霞之變幻有得於中發為文章播為歌咏足為

茲山生色者乎况

景運維新又豈無賢豪長者歷遊所至登高作賦以鳴

一代之盛足為茲山增重者乎此正文章人物鍾聚一

會也然事無常司或畱蹤於緇流或傳記於野老欲訪

其事而零星散失十無一二存者可勝歎哉九華一志

待人而修也蓋亟亟矣不佞謬守池郡為茲山主人丙

寅秋下車展閱舊志佳章殘缺俚語續貂不禁掩卷太

息慨然有重輯之意焉二三年來鞅掌於簿書訟獄之

九華紀勝

卷二十

藝文

事奔走於楚漢戎馬之間鹿鹿風塵未暇一陟茲山探

奇索勝亦嘗登秋浦樓遙挹山靈天半峯青一屏如畫

已得其大概焉又嘗公巡青陽往還五溪林麓間每於

玩華亭脫駕東望九十九峯縹緲拱揖不可端倪因增

構小軒亦以愛此山者愛此亭也已已春前守喻公白

江右轉任謹使遣一函於白下張子南郵馳以告予曰

九華一山不特池陽名勝實為宇內奇觀山之有志猶

國之有史郡邑之有乘不可不修也僕與九華號稱知

已十載交游而未能一成其事是蓋有待而然也今九

華已得賢主人矣借穎增光山靈厚望不佞竊叨主人

三載於茲幸值閭閻熙皞案牘稍清優游公餘不遑  
輯幾何不與入寶山而空手歸者同日語哉爰屬南郵  
偕山中老僧攜畫工歷諸勝採訪咨求以與學博華子  
中涓宗子鶴問同堂較閱考論編次而不佞亦以政事  
之暇竭其一得謬加折衷自夏徂秋乃訖厥功披覽之  
下凡山川之勝概建置之廢興名賢之棲止方外之潛  
眞錯綜迭出一若身歷其地山僧父老指點而告予者  
然至篇章吟咏或觸景標題或遊歷奇興或就情肆志  
感慨係之其流風餘韻又若置身數百年上下恍然相  
對嗚嗚而不能自己也

九華紀勝

卷二十

藝文

十九

錢之選姜成憲同輯九華日游集一卷

貴池姜可久跋曰昔楊用修嘗憾元修宋史嘗用監臨  
遂壞千古史法蓋作者莫有適主動必稟命去取不能  
自行其意故無足觀也夫筆墨之事不可以監豈惟國  
史凡郡邑志乘名山錄記皆然予見近代地方有作輒  
標守令之名以爲監修往往以庖代祝道聽途說考核  
既不能詳且濫詞惡札屠沽牧豎輩皆得以賂遺混載  
名山有此其不致列壑爭譏攢峯碎語者幾何矣文青  
孟儒兩君產自九華性癖耽奇每尋幽采隱必幾經遊  
歷目所親睹而後書之尤快者詩文詳古而畧今字句

芟繁而就簡端由身能濟勝情不徇人無有得而撓之  
者故筆削自由點竄精當成此一家言也雖卷帙無多  
而靈山之面目胥呈古今之事蹟咸備卽兩君之史才  
史筆亦因是窺見一斑云

僧祖格清時同輯九華東巖志一卷

張愨序曰余束髮輒聞九華之勝讀李白詩秀出九芙蓉  
竊以爲山必九峯如九朶青蓮花而歲次丁巳始一  
造山中至江上五溪而遙望果奇秀不羣六泉口望之  
而益暢入山之橋巷再望抵化城登東巖而更望之但  
見諸峯高下羅列不可數記秀絕天半總莫辨所謂九  
九華紀勝

卷二十

藝文

二十

峯也顧愛東巖之勝流連者久之時以友人相訂於黃  
山之天都匆匆別去迄甲子秋乃一宿巖上戊辰嗣訪  
舊游又風雪迫歸己巳以編次山志之役特借老僧半  
間經夏及秋彌月有餘而東巖之勝既得之於游復得  
之於住蓋九華之勝不在化城而在東巖人皆知之或  
謂山有九十九峯陳清隱所云三十年游未了而東  
巖僅其一峯耳余心識之因探奇覽秀不憚歷崎嶇凌  
險峻躡九子天柱蓮花天臺暨雙峯獨秀諸峯與淨居  
廣勝各寺披霧踏雲攀崖涉澗而返祇不過旬日自笑  
未免走馬看山然足跡所到耳所聞目所睹於清隱所

呀之勝大約已彷彿過半而終愛東巖之勝爲之徘徊不能去坐擁千巒俯臨萬仞上方下界了然眉際掌間或晴徹太虛或陰浮空翠或江天霞綺或雲海如兜羅絳晨靄之鮮妍夜月之明皎無不極其曠觀即時或風霆怒號震動林谷亦復驚人視聽噫巖之勝豈易測哉凡居巖中者二時鐘梵肅然耽幽味澹多道人家風而子卓格公乃見時公爲法門大小阮與余晨夕談諧九至契一日出所藏紀勝先代遺蹟并碑記文若詩且索余題八景以志之余笑曰此現成公案也因畧爲編次而與風禪侶爲作圖以傳鄙詠亦收錄不遺以志由二

九華紀勝卷二十 藝文

廿

公所輯較不能掩其拙也余時亦拔九峯爲九華之秀而諸峯次第於左獨拳拳東巖意惟天臺之雲峽雙峯之雪潭差足角勝而他非所慕余異日將於茲巖掛一瓢焉漫序康熙己巳孟秋之望

毛師彬九華遊草一卷

吳襄壺中九華集一卷

自序曰東坡題石爲壺中九華其詩曰九華今在一壺中言納大於小也東巖爲九華一片石能獨攬萬峯之勝老人自幼愛居之晨夕所得饜於胸而澁於手未能張大之也以故吟咏亦最少庚寅北歸銷夏無事追錄

少作成一帙題以東坡語付主人慧公曰佛有天瓶貯多寶此固恒河沙一粒耳慧公持去越二十年庚戌智若上人至燕行際中攜得此帙視之恍若前生事故山猿鶴對之有慙色爲題數行歸之世傳東坡解學士帶鎮山門似非解脫人所爲若慧公能以此長覆蓋甌則妙悟勝佛印遠矣雍正八年六月下浣懸水老人書於京邸之晚香齋

陳捷九華新志十卷

郡志文苑傳陳捷字露書青陽人歲貢生邃於經學治易尤精詩文亦工雅屬行著書以老輯有九華新志

九華紀勝卷二十 藝文

廿

陳蔚九華考異二卷

孫邑侯爾修序曰歲丙子予承乏青陽下車初見九華奇秀幽邃謂必有醇儒碩彥抱道著書潛修於泉石間者叩之邑人士僉以陳梅綠明經對行于役九華南麓訪其居在華溪之曲濃青瘦碧倒蘸波心喬木修篁斜籠邨落雖其間山地畸零石田境塙而高粱粳稻品物清嘉陳氏聚族於斯蓋七百年矣梅綠老屋數十椽藏書萬卷日事鉛黃嵐光泉響逼几硯間且精神矍鑠德器溫醇望而知爲端士續與令弟茂棠交得讀陳氏聯珠集齊山巖洞志詩則詞尙清新旨歸雅正而音節冲

和具有蕭閒之致志則搜羅博洽考核精嚴力闡明志之說追復唐宋之舊愈信邑人士之言爲不虛也厥後過其里必造其廬而梅緣足跡未嘗一至縣署以是欽其品益重其人今

皇帝御極之元年

詔舉孝廉方正張查山董香南兩廣文暨邑紳士合詞以梅緣薦再辭不獲卒牒於縣予見冊開所著目有九華考異二卷索而觀之引據詳論斷確折衷一是以醒羣迷其有補於名山者不少昔劉放作九華拾遺於新錄總錄外復得三十餘節見賞於陳氏載諸直齋書錄解

九華紀勝

卷二十

藝文

廿

題茲考異一編淹雅宏通在劉放拾遺之上不堪與名山並傳千古哉故序而歸之

陳蔚五溪詩畧二卷

自序曰九華山高數千仞峻嶺橫撐奇峯森立大江南北數百里莫不在望其望而最親切者惟山南之三溪與山西北之五溪五溪距山不二十里而近溪上有橋明萬歷初七世祖後干公承蘇邑侯命督建橋東陽華樓後干公同吳章諸公自建橋西玩華亭宏治間都御史彭公創建倚高臨深踞溪山之絕勝則見九十九峯參差高下秀削修纖如玉筍如芙蓉如羣仙如美女如

譬如簪莫可名狀其色蒼翠青葱與他山迥異洵造化一尤物也余家三溪之側每過五溪登斯亭必岸輒徘徊雷連竟日不知過客之往來於斯者又何以爲懷也亭之左右壁題咏甚夥石刻墨蹟雜如繡錯先大父路書公宿亭上有幾家帘影人沽月一路鈴聲馬踏冰之句至今傳爲絕唱歲乙巳仲冬八日余自齊山搜錄磨崖歸而宿此因念此間名作森立若不彙而存之勢必日就散佚遂篝燈呵凍鈔寫達旦并錄平昔所見唐宋元明諸公之作弁於首裝成一帙題曰五溪詩畧付守

九華紀勝

卷二十

藝文

廿

制劇氏夫九華瑰奇秀麗海內爭相羨慕往往數千里裹糧蠟屐以探其幽勝乃或因事過其麓而不獲登只此憑欄一望又復就壁鈔詩鈔不數章輿從催促卽匆匆就道寧不惘然若失耶今梓成是帙可以置諸行笥他日明窗之下展卷披閱直如曉日朝霞跨蹇驢度溪橋行亂山叢翠間也乾隆丙午後七夕

陳萼湛清園志二卷

自序曰憶自幼時從先君子遊於邨南之梅田先君子輒指峯巒溪澗邱隴林薄稱羨不置謂此間風景幽絕俟婚嫁畢當結草廬三間令子孫耕讀於此洎乾隆甲

辰先君子年已六十有八始卜築而居焉十笏做廬  
足容膝半弓隙地僅可栽蔬欲更構書塾不果越十有  
二年丙辰舍北有小邱某氏之棄地也求售於余余愛  
其嶽然高砢然長也亟請於先君子而售之乃卽負土  
累石築牆爲園半繚邱上邱下故有池湛然而清故名  
園以湛清而作室臨於池上令子弟讀書其中當是時  
先君子雖已老而神明筋力不少衰時命僮僕種藥蒔  
花或坐深林彈琴長嘯每花朝月夕必集族子弟分韻  
賦詩以爲樂事且先君子雅好客以故遊斯園者多當  
世名士往往爲詩文投贈足令園林生色先君子嘗謂  
九華絕勝 卷二十一 藝文 廿五  
是園以翠嶂爲屏白雲爲幔鳥聲爲笙歌落花爲茵褥  
經史圖書爲玩器名人翰墨爲丹牋金碧雖僻處深山  
寂寞人外亦可以娛耳目悅心志今先君子見背已四  
年矣平泉草木不敢毀傷況如文字之足以久傳者其  
敢聽其泯滅耶爰取詩文之繫乎園者手錄成帙并請  
孫子心田爲余圖之而付諸剞劂嗟夫牆陰樹木尙未  
十年鏡裏看花居然兩世數傳而後園林易主亭館荒  
蕪亦興廢自然之理也惟藉文傳而園亦與之俱傳庶  
令後之過斯地者雖見爲野田荒草或且指而目之曰  
此某氏之湛清園也豈非斯園之幸歟嘉慶八年歲在

癸亥南至後一日

九華絕勝 卷二十一

藝文

廿五

九華紀勝卷二十一

雜記

高駢傳呂用之者鄱陽人世為商僧往來廣陵得諸

之驩既孤依舅家私盜其室亡命九華山事方士牛弘

徽得役鬼術賣藥廣陵市給詣駢親將俞公楚驗其術

因得見駢署幕府稍補右職新唐書

關文衍為散騎常侍畫九華山圖於白綾半燐號九華

半燐自云令吾此身常在雲泉之內

青陽記云九華小民浚池得物狀類竹根旁有一銘曰

浮陽筍太古孕舉投醬岳三年不盡民不識字令人讀

九華紀勝卷二十一

雜記

之試以豆一斗造醬投物其中果三年不滅皆雲仙雜記

池州僧默公住長安慈恩寺鄭谷題其院曰雖近曲江

居古寺舊山終憶九華峯春來老病厭迎送剪却牡丹

栽野松池州府志及雲臺編

陶雅合肥人生故與太祖同邑太祖用為將討定舒州

盜吳迴李本等命雅攝舒州刺史未幾為許勅所襲奔

還廬州已而擊趙乾之於九華破之授池州置制使改

團練使雅治池州有惠政寬厚得民十國春秋吳列傳

陶守立於九華草堂壁畫山程早行圖圖畫見開志

晉昌唐燕士隱九華山夜步林中有白衣丈夫戴紗巾

猶孤後年近五十循澗而來吟步自若曰澗水潺湲

不絕溪隴茫茫野花發自去自來人不知歸時惟對空

山月將與之言未及而沒明日燕士問里人有識者曰

是吳氏子舉進士善為詩卒數年矣古今詩話

梅堯臣九華隱士居陳生寄松管筆詩曰春松抽瘦梗

削束費長毫雞距初含澗龍鱗不自韜嘗為大夫後欲

寫伯夷高一獲山家贈令吾媿汝曹宛陵集

蘇東坡壺中九華詩序云湖口人李正臣蓄異石九峯

玲瓏宛轉若窗櫺然予欲以百金買之與仇池石為偶

方南遷未暇也名之曰壺中九華且以詩紀之云清溪

九華紀勝卷二十一

雜記

電轉失雲峯夢裏猶驚翠掃空五嶺莫愁千障外九華

今在一壺中天池水落層層見玉女窗虛處處通念我

仇池太孤絕百金歸買碧玲瓏其後八年復過湖口則

石已為好事者取去乃和前韻以自解云江邊陣馬走

千峯問訊方知幾北空尤物已隨清夢斷真形猶在畫

圖中歸來晚歲同元亮却掃何人伴敬通賴有銅盆修

石供仇池玉色自瓏瓏蘇東坡先生詩

黃山谷和蘇東坡壺中九華詩序云湖口人李正臣蓄

異石九峯東坡先生名曰壺中九華為作詩後八年

自海外歸過湖口石已為好事者所取乃和前篇以為

笑實建中靖國元年四月十六日明年當崇寧之元五

月廿日庭堅繫舟湖口李正臣持此詩來石既不可復

見東坡亦下世矣感歎不足因次前韻云有人夜半持

山去頓覺浮嵐暖翠空試問安排華屋處何如零落亂

雲中能迴趙璧人安在已入南柯夢不通賴有霜鐘難

席卷袖椎來聽響玲瓏山谷內集

晁補之云元符己卯九月貶上饒艤石鍾山寺下僧言

壺中九華奇怪而正臣不來余不暇往庚辰七月遇赦

北歸至寺下首問之則為當塗郭祥正以八十千取去

累月矣然東坡先生將復過此李氏室中嘗萃森森殊

九華紀勝卷二十一 雜記 三

形詭觀者尙多公一題之皆重於九華矣雞肋集

池州匠作秋浦九華筆兼有清趣師董源畫繼

九華樓在無為州移風門上米元章建江南九華諸山

屹然相向方輿勝覽

清江九華圖一卷畫秋浦兩岫中橫大江林木椒臺極

其精細全類燕文貴後有石林二印併劉須溪跋雲煙過眼錄

錄

九華松煙品中龐氏墨經

宋滕宗諒始作九華圖今不傳曹機有石刻九華六圖

程鵬飛改六圖為東西二圖元吳天錫復總東西二圖

為四圖圖佳亦無取多也畫苑

馬臻栽孤松為九華山鍾道士作云九華何崔嵬融結

本真宰神器之所鍾雲物足瀟灑挺挺秦大夫獨立而

不改既出眾木羣豈為豔陽待初疑凍蛟掉禿尾怒若

山靈張假蓋又如元鶴歸來視城郭悵別人間動千載

楚南靈椿浪得名茫茫天壤知何在流精貫浹骨欲飛

風雨或致雷公怪林林紅紫索價高幄錦圍春鬪光彩

憐君令色不隨時空負才名成感慨畱向青山閱古今

為問桑田幾滄海霞外集

倪雲林聽袁員外彈琴詩序云至正四年十一月袁員

九華紀勝卷二十一 雜記 四

外來林下為畱兼旬臘月十七日快雪初霽庭無來迹

與僕靜坐因取琴鼓之古音蕭寥如茂松之勁風春壑

之流冰員外時年八十有二顏貌筋力未如四五十許

人為言甫弱冠遭逢盛明初宰當塗過九華山道逢神

人與棗食之後數數見夢寐間若冥感元遇者員外韜

耀蘊真仕祿以自給不為人所知豈郭恕先之流歟為

賦五言一首云郎官調綠綺谷雲賞初晴兩忘絃與手

流泉松吹聲問年踰八十二嘗見河清挂帆壑九華神

人歎相迎啖以海上棗歡愛若平生元過寧復得情

遺姓名清園閣集

徐達傳達還鎮池州與遇春設伏敗陳友諒軍於九華山下斬首萬級生擒三千人遇春曰此勁旅也不殺爲後患達不可乃以狀聞而遇春先以夜阮其人過半太祖不憚悉縱遣餘眾

翟溥福字本德東莞人永樂二年進士除青陽知縣九華虎爲患溥福檄山神虎即殄久之移新淦遷刑部主事進員外郎擢南康知府以年老乞歸

施警字會省南直宣城人母操作過勞術者言不得五十七日夜憂思數夢母寢疾輒悲詫驚起覺乃喜曰固夢也吾母幸無恙嘗爲母禱於九華山神出一紙焚之伏

九華紀勝 卷二十一 雜記 五

地良久兩袖皆濡淚蓋減已算益母也母後竟以八十

終皆明史

嘉靖間謝時臣字思宗號樗仙蘇州人嘗從廬山來遊九華以發其筆端山水之奇

王新建再入九華時題人竹梅圖曰寒倚青霄蒼玉杖九華峯頂獨歸來吳家草亭深雪裏却有梅花傍竹開

皆座客耳談 盧方春東九華山友曰兄任九芙蓉下擲蔬飯僧瀟泉洗鶴不飛一塵矣春酬徵君墓後卽往見

虞邦譽報陳仲倩曰謁九華歸袖中峯紋尙片片飛出

兩眼不知何福修來此回得飽看山色  
王廷陳與趙文源曰入天臺道中山色最奇晴雲嵐嵐翠橫眉人世一快

湯賓尹與潘伯潛曰兀坐九華中峯蒼翠醉人天臺金剛風雲叱咤則歌曩時贈章以摧其勢

譚元春與吳寬生曰弟舟望九華卽望其嵐翠中有寬生杖履欲一往從之而竟爾愆期此恨何極

鄭太宰用章曰九華廬生遠涉江淮走雲中歷太行上

天子之都稱壯遊矣貂敝言旋賦此贈別詩曰九華仙

客攬征衣極目歸鴻逗雨飛鄭重青萍休夜吼風塵誰

九華紀勝 卷二十一 雜記 六

復辨支機巢雲集

曹廷尉能始好登陟又不欲以冠蓋辱山靈游九華挾

一二朋從肩輿散服曹年少美姿容身既眇小復無儀

從時邑吏直謂是廷尉兒卽不卽供具書

陳乾室分教建平有輿人王旦六每應役多值死去詢

其故蓋陰司取爲勾攝使也旦六偶附鄰人九華船往

山燒香回陰司復遣勾攝聞君曰旦六有善念往燒九

華香可免役金陵瑣事

傭者章福僦居長林旗嶺卽子身無妻子日得傭米積

之至歲杪轉赴河埠問擊小鐘呼貧者聽自取不同姓



名盡乃歸歲以爲常垂老不倦後入九華莫知所終

志

胡長白家武學右袁府巷偶鋤後圃地忽鏗然有聲異之以手擊土見一研山埋其下出之長可尺許高數寸

峯巒峭崿森秀紋如胡桃色黝然真几案之佳物也長

白以形類九華因名小九華如東坡先生仇池石故事

手自爲記屬友人詠之

容座贊語

藥地無可智曰憶天啓丁卯隨老父白安石師雨中命

駕至五溪橋橋北有臺倚檻展眉九峯如列疏指然黛

色娟潔聳人襟懷誠奇觀也又三十里登山落阿如小

九華紀勝

卷二十一

雜記

七

邨聚金地藏禪師之塔在焉訇然以爲印土之地藏而

朝之陽明王子坐處土人亦好言之東上捨身巖所謂

九子之一峯峯圍數里對面天柱峯計抵之亦二十里

天臺朝陽洞則四十餘里故不顯其峻峭琳琅耳九華

可望不可登此誠竟傳誰能具濟勝廢時日而盡此山

之奇者哉周益公觀懸瀑應在峽中棘莽塞之故仍

寫五溪橋望之意立馬於前而得之何爲不可

題九華臥遊圖

士大夫道經青陽無不登九華一經大官駐節邑令只

發一符牒而本山住持僧供帳勞費不可言悉鄧陵鄭

公二陽撫皖時過青陽王令邀遊九華山不赴因賦詩

示之曰遙望華峯路不賒飛雲片片墮簷牙因憐與卒

肩頭苦更揣僧徒腹內噉供億紛勞梵舍送迎傑傑罷

官衙權將圖志當遊具領畧山光趣已奢王令名家杜

荊州人

眉州僧真諦號文石萬歷間自蜀來池遊九華趺坐翠

微隄遇兩士人舟過一人問曰老僧何處至應之曰九

子水雲鄉一人曰安得乘閒坐應之曰暫借柳陰涼聞

者大嗟異延之居湖心寺萬歷末復入九華召弟子至

作偈畢遂化

水月菴有羅漢柏高二三尺羣鳥棲焉似山雀而小色

九華紀勝

卷二十一

雜記

八

蒼翠菴中一老僧呼曰徒弟便就食或客至僧亦呼之

卽羣下甚馴擾不驚後僧終烏盡飛去

皆雪浪餘闕

吳偉業楚兩生行序云蔡州蘇崑生維揚柳敬亭其地

皆楚分也而又客於楚左寧南駐武昌柳以談蘇以歌

爲幸舍重客寧南歿於九江舟中百萬眾皆奔潰柳以

先期東下蘇生慟哭削髮入九華山久之出從武林汪

然明然明亡之吳中

梅邨集

吳簡九華驢歌并序余登九華山半見驢向人作乞狀

詢之爲從姑蘇人來至此伏地悲鳴策之弗起其主遂

棄置之命山僧結茅居焉今十年于茲矣首無羈絡不

食田稼輒聞梵音首肯之余異而為之歌以誌焉朝

長江于暮入九華道捫蘿陟岑雲曲徑凌天表悵望空

山塵慮疏欲證無生恨不蚤道旁忽見鄭繁驢不是踏

雪灞橋初掉頭欲向行人乞飽去更銜芝草娛伏地巡

送不遂隊應悔從前誇黔技昔人悟道但聞鳴馱經猶

記西竺事吁嗟乎當年書畫雖奇才九良八駿安在哉

不如歸伴劉安鼎雲間雞犬勝龍媒宛雅三編

照圓號印如萬歷間居觀雲菴苦行僧也嘗置一桶貯

米斗許未嘗乏竭餘則轉以濟人喜壘石為臺塔植木

栽花無根輒茂而焙茶亦精初不知文字晚年開悟於

九華紀勝卷二十一 雜記 九

六書之學時有妙解謂與禪理相發明後無病而化

山陰張元怵贈九華雲泉僧曰祝髮空門四十秋九華

深處一龕幽逢予却話西來意泉自涓涓雲自浮

鄒元標慧菴上人像贊序曰予游九華索高僧而得慧

菴蓋數見而相權焉陽明先生祠祀公憂見形色今祠

宇重新祀典大備慧菴默翊之力居多夫慧菴所學者

佛而所慕者儒其見儒與佛無異耶亦有見分儒分佛

為墜名相耶求予為祠記援筆付之慧菴歸矣偶有繪

其像者敬為之贊皆九華散錄

子秋稿李王安節過九華見半霄亭土地或竟目為

昌黎公怪其不經駭詫久之昨青邑諸君白之督學李  
公已飭令碎其聯額矣亦一快也南邨日記

東崖僧雜見雲生巖谷間輒收之以餉客法以甕瓶倒

覆雲上候其滿以燥紙糊封之客至用針刺孔則繚繞

而出須臾盈房屋間昔坡公云近來學得收雲法擬把

一囊贈我行或類此

蘭溪王南塘國校游九華阻雪宿途中夢一老人前曰

樵夫欲相害公幸援之明日行半山聞丁丁聲則數人

持斧刷古松南塘愕然曰求援者松耶因如所值予之

復構亭於下署曰一松今文學爾綱南塘孫也皆九華東巖志

九華紀勝卷二十一 雜記 十

袁簡齋曰家春圃設醮九華僧有爭香火相毆者戲題

二絕云禪門閒看白雲飛從不燒香惹是非生怕佛靈

能降福受他恩重要歸依不求自己偏求佛佛手拈花

笑不清道覺至今心抱歉未曾一粒施臺城小倉山房詩集

余每遊剎院見肉身菩薩大概渾身用生漆灰布叩之

橐橐有聲雖腿筋盤屈隱隱可見而脰頸總歪在武夷

山見草鞋仙姓程名良坐石洞中在九華山見無瑕和

尚皆兩目下垂無睛搖其頭尚動叩其齒皆蛀朽脫落

續新齋語

周讓谷形體豐碩而性劇喜游山嘗同沈惕菴游九華

方近半霄亭數從人掖之始得上自吟曰僕懶童瞋余亦倦天風扶上半霄亭及遙望天臺路尤險仄益股栗不能登復作五古以謝同行者其後二韻云我身如駟登我行如殺雞乘風夫何能甘作退飛鷁畫漁餘話

錢塘周西隱刺史性豪邁好游覽所至輒有吟咏辛未冬游九華作詩尤夥江行云斷岸水流駛背人山影重

人多誦之梧門詩話

從弟蔚作九華山賦二首一隸事精詳措詞秀雅為時所傳誦一短篇警句云螺髻青濃煙光百態蛾眉翠淡

月色三分余以為此十六字勝千二百餘言也螺髻蛾眉皆九華峯名

江寧孫蓮水韶工詩師事隨園絕有家法嘗佐余校士

山左倡酬頗多別後寄其春雨樓詩見示佳句如銅陵

江夜行云天空疑化水燈遠欲沉江望九華山云殘雨

吹風斷遙青渡水來定香亭筆談

孔東塘尚任還朝梁藥亭佩蘭歸南海張南柳忽入九

華山修志吳蘭次顧書宣等十二人餞於克敏堂用上

平十五韻各拈分賦廣陵詩事

終

九華紀勝卷二十二

補遺文

國朝吳襄九十九峯記

峯以九九計亦好事者泥於成數未足盡九華之勝也

顧野王稱九子山壁立千仞週迴二百里以二百里中

奇峯怪嶠花簇鱗次九九云乎哉楊樞曰峯之大者如

屏展圍蓋細者如波磔點剔如筍茁如指伸如覆釜如

閣鐘如立戟如冠頂如鳥喙王淮曰峯之銳而出者為

虎牙尖而肖者為熊耳角而巖者為牛首冠而峭者為

雞幘曹能始曰峯之銳為筍凹為門或獅虎或佛像此

九華紀勝卷二十一 補遺記

善狀九華之形者也至劉賓客曰之為尤物王荆公評

之為纖修周益公歎之為紫翠千仞融結奇秀橫出高

低無一同者王山陰詔之為山多作怪團結移換朝鏡

夕方神目駭異此可謂得九華之神矣而終莫善於夢

得之一言曰迴秀常在無人境嗚呼盡之矣蓋是山之

危峯絕巘飛泉邃壑多生於險巖窈深無人之境四方

筇屐無從而即之一二樵野即之而不能名之而其迴

秀之氣亦深自韜晦而不以炫人故九華之名雖盛而

九華之所以稱此外無奇秀者人未之知也夫以九華

之善於得名而其在無人之境者瓌璋詭異造物猶護

惜而秘之則夫天下極奇秀之物非冥搜遐索烏能使之無匿奇哉無怪今之遊九華者以福地不以山水也且以古人三十年遊遊未了者欲以一日得之彼迴秀者宜邈然不與人遇也因括此記以告世之遊者毋泥九九之數失此山之真面目也

錫老堂文集

明任柱雙華精舍記

昔陽明先生倡絕學於天下凡兩居九華惟時侍御柯君及江施輩借焉日相與漱清咳奇尋幽別奧探造化以供吟弄曠益視以暢天樂者何莫而非道也而非學也而非教也是固曠世之勝遊也哉先生逝矣至今陵

九華紀勝卷二十二 補遺 記

隰莫其文草木含其芬空濶澄其神光風流其形霜雪雷露融聚凝結庶物露生錯然人事之前陳而先生之道之學之教迥然獨存於口耳形跡之外者則亦何莫而非先生之在目也哉今柯君以外艱山居一日蕭然棲愴悲此意之莫將也商於鳳臺子相與構堂以祀焉築舍兩階以居業同志若汪子又遠來從柯君遊日與切磋篤良知之學明天地之奧觸物感通隨處有得取善於山培其至靜之體相忘於鹿豕木石乎其萬物一體之視酌泉於澗通其變易之神聆鳥聲於林悟其天機之自動俯仰乎榮悴開落於時安其始終造化之自

然感不消寂內不遺外一時來學儒者乃作夢者乃汚者乃有攸濯罔不知其至簡至易通一無二焉則夫先生之道之學之教流布於山水之間者又何莫而不復見於柯君講誦進修之內也哉先生逝矣而又不與先生俱逝者是固柯君示我也已君其益懋也哉先時先生之怡情九華也先生主之九華其賓也今君亦舍以居焉不又九華之主矣乎不又天下之來遊九華者之主矣乎予將有約九華訪君問道賴君有斯道主也欣然先為之記

顧志

羅華袞欽所羅先生精舍記

九華紀勝卷二十二 補遺 記

三

余昔治韶之曲江也距城十里許有香爐峯排列霄漢間殊愛其奇峭及今蒞青邑而九十九芙蓉飛來片片蒼翠撲人景色又倍奇焉深山大澤龍蛇蟄藏豈無先賢芳踪令人山斗仰者我欽所中憲公以理學陪祀王文成公於茲土一日過九華行奠禮登先生之堂警之過泰山梁父有金檢玉篆石刻之書可讀也時都諫心華公作九華主人出先生行狀誌銘示余余生也晚無由親炙竊讀其文想見其為人丰骨峻嶒象如千尋壁立字曰應敬別號欽所志可知已故生平學力以主敬為先實致在不欺雖穎異絕倫常於九子山習舉子業

三閱寒暑不歸晨起不令僧磬先鳴篝燈夜讀神魂凝結至焚巾不自覺闇黎相謂往聞閉戶先生今見焚巾學者出應試三舉首補郡諸生適督學楚侗耿公以陽明良知之學闡示羣士惟先生言下省悟直透奧旨期篤行實踐繼先儒絕學不啻口頭禪寒責也登賢書後由學博以至藩臬二十年餘當其敷教北雍則少司成楊公獨驚學問之淵含贊猷密院則大司馬田公更籍韜鈴以籌幄至若分守湖北苗夷雜居俗悍而賈淫先生簡重端愨率其坦易之度不俟束縛一意噢咻洞燭谿苗讐伏嚮邇若苾芻之翹陽光也自非理學一燈性

九華紀勝卷二十二 補遺 記 四

光映合安望其文章氣節度越千古以之同祀於文成公乎乃從而歌曰芙蓉之色久而彌芳先生之道沒而彌光山與人與長發其祥願志

陸岡進九華竹實表

直隸池州府知府臣岡據所屬青陽縣知縣臣某申稱嘉靖十四年六月間本邑九華山竹實盛生如米活人甚眾誠大異事謹以上進者臣岡等誠懼誠忭稽首頓首上言伏以生竹實而擬鳳之來誠爲上瑞出禱祥而爲福之兆可以前知民乃粒而不費耕耘國將興而茲其徵應羣生含鼓之餘帝力何有於我一物生成之

聖德上通於天恭惟皇帝陛下緝熙聖學道統實承經綸大經孝思維則郊廟成而禮制更新天子建中和之極禘嘗舉而異物適至帝心孚孝享之誠竊惟九華之山實亦一方之勝橫亘數十里高聳百餘峯倚倚葉竹繁衍之實偶生濟濟蒼生匱乏之憂頓解不圖勁節虛中之物乃有救時濟世之功不稼不穡居然而取禾匪玉匪金得之以爲粟誠自古所無之瑞非尋常可致之祥薦之郊薦之廟美踰九穗之禾徵諸地徵諸天秀奪兩岐之麥茲實天意夫豈偶然良由皇帝陛下敬天勤民之德格於遐邇尊祖敬宗之心光於上下是以遠方

九華紀勝卷二十二 補遺 表 五

草木亦獻珍奇臣等一介書生荷蒙寵任自分凡材劣薄無補於明時何期帝世嘉祥乃見於敝邑臣謹昧死採取脩合上瀆天顏登薦粢盛益光聖孝伏願聖心俯鑒大德兼容播諸聲詩紀一時之奇遇形之簡牘遺千古之美談臣某等無任瞻天仰聖欣躍感戴之至謹奉表隨進以聞

九華紀勝卷二十三

補遺

明陶安大通見九華

誰道山如九朵蓮，萬峯飛舞上青天。惜無羽翼乘風去，

分取丹池一勺泉。願志

陳昶登九華

坐臥山根二十年，偶循風磴入雲泉。五釵松影凌空落，

九朵蓮花映日懸。頗有勝情酬素志，慚無詩句問青天。

柴門近與烟嵐接，歸去依然紫翠邊。清芬錄

程敏政和許侍御李節推登九華山詩韻其一

九華紀勝卷二十三 補遺 詩

細從雲外數奇峯，九朵芙蓉翠萬重。月上老猿攀石葛，

雨晴馴鹿臥沙茸。謫仙詩重天池錦，勦相身慚雪澗松。

自注謂宋齊邱玉洞祕函無恙否他時容啟綠苔封篤墩集

項仕義梅岩山望九華有序

余黟人也，宏治丁巳，僑居青陽之梅岩山，山距九華二

十里，而近北望諸峯參差高下，羅列於前，故賦之。

平生結契在煙霞，買宅林泉願豈奢。故里非遙堪託足，

名山伊邇好居家。繞籬種竹開三徑，出戶披雲見九華。

覽勝不須攜蠟屐，凝眸已覺勝情賒。項氏家乘

邵寶舟中望九華山用李韻

微雨初收草似茵，九華山色欲迎人。援琴正恠知音少，

傾蓋何妨識面新。溪汎綠波纔隔夜，樹垂青子又餘春。

風濤宦海今如許，何處尋仙問出塵。盛明百家詩

吳宗周望九華

渺渺寒江湛澄碧，冉冉煙鬢攢劍戟。狂來每欲挈歸去，

置向西窗貯秋色。苑雅

王守仁江施二生與醫官陶楚冒雨登山人多笑之戲

作歌

江生施生頗好奇，偶逢陶楚奇更癡。共言山外有佳寺，

勸予往遊爭願隨。是時雷雨雲霧塞，多傳險滑難車騎。

九華紀勝卷二十三 補遺 詩

兩生力陳道非遠，楚請登高覘路岐。三人冒雨陟岡背，

既仆復起相牽攜。同儕哂笑招之返，奮袂徑往凌巖崎。

歸來未暇顧沾濕，且說地近山徑夷。青林宿靄漸開霽，

碧巘絳氣浮微曦。津津指譬在必往，典劇不道傍人嗤。

予亦對之成大笑，不覺老興如童時。平生山水已成癖，

愿深探隱忘飢疲。年來世務頗羈縛，逢場遇境心未衰。

楚本求仙志，方外兩生學士亦爾。為世人趨逐，但聲利

赴湯蹈火，甘傾危解脫塵囂事。行樂爾輩狂簡，翻覓譏

歸歎歸歎，吾與爾陽明之麓，終爾期。王陽明全集

虞邦譽九華山

峯頭形勢鬱岩崑一上高岑四望遙山擁九華森地軸

塔街雙照插天標朝看嵐翠和煙重晚過溪聲帶雨驕

我欲飯依清淨理可能長此避塵囂古今振雅雲箋

王世貞余嘗夢登九華陽山磯可以見九華而病熱昏

寐竟過志感

九華九子秀十年夢寐間那知一夢竟頓失九華山兪州

山人四部稿

管大勳望九華山

振翻西天來迢迢一萬里乘風下青陽山形削成指翠

華結層香芙蓉列九子江再萃佳氣靈異自茲始玉壺

九華紀勝卷二十三 補遺 詩 三

隱仙踪金丹含元理乾坤為我爐日月翼兩耳真詮苟

不迷道遙逸凡軌願言懋蓬壺吾道亦時止前上者舊詩

王寅訪舊二守修吾馮公兵備池陽道經龍口望九華

公明四人

西來龍口繫征鞍插漢驚看萬朵蓮雨後洗添青似染

日斜照出紫生煙山靈有約臨除夕福地會攀記早年

海上四明堪並否酒酣誇向使君前十嶽山人詩集

李春熙月夜登九華口占四首

行入九華麓片片煙霞集絕壑抱仙源石門流水急

踏月拾翠華月涼花露濕清籟度霧溪杳然石橋立

寒空山月靜徒倚發清詠絕頂數芙蓉盈盈照明鏡

入山漏幾更一榻傍天柱踏翻蓮葉露數點窗前雨元

邱兆麟上九華山之中桑田萬畝其菩薩人呼地藏王

白雲裏面石中央人說其間是上方山有桑田渾擬俗

佛無國土亦稱王顧志

侯維垣九日送友人入九華

秋空削出青蓮花時吐白雲含紫霞九月九日九華去

此中可以鍊丹砂明詩錄

吳兆晚登九華山

九華紀勝卷二十三 補遺 詩 四

望江亭望晚江晴廳廳秋兼風水聲寺隔數峯猶未到

禪燈幾點翠微明列朝詩集

費元祿九華山

苞結青蓮落九華高峯雞犬葛洪家火沉丹竈封霜蘚

葉落書堂散雨花雪嶺齊攀寒樹上橫江亂點暮雲斜

香龕寂寂翻經處破衲松根自煮茶甲秀園集

邢昉泊銅陵望九華山

夙昔思九華靈山邈未踐艤舟泊江郭九華忽在眼紅

霞細嶂分黛色危濤捲百里蘊神界九峯勢莫辨攀登

興已遐寓覲神猶緬空令呱呱心隨波杳無限石臼後集

國朝王澤宏九華雪霽

雪後登山喜見晴萬山渾似一山平寒光地盡為天色

皎日人看作月明俯視虛空懸在下遙來絕頂欲聞聲

大江吳楚澄如練長嘯扶筇只自行在嶺山人詩集

湯懋統大兄歸自九華可朗贈之以詩因次原韻

聞說棲禪處松濤萬頃流春山無月夜佛火似星流一

宿鳥聲定半林嵐氣幽將身歸淨域塵夢自然休青坪詩集

梅文鼎江上望九華山慨焉有感

會聞九子山險怪類西岳攢簇金芙蓉崢嶸發華萼我

來江上看煙光喜澄廓奇峯縹緲間一一青如削百里

九華紀勝卷二十三 補遺 詩 五

勢不絕蜿蜒相迥薄扁舟不可停所見乍前却參差互

出沒靈異難造度振衣思高顛攀躋一何樂長歌入杏

冥凌風瞰大壑身輕生羽翼虛無行碧落平生慕至道

幽探性所託于役曾未休天遊攘六鑿福地儻依棲曠

然解塵縛敢忘夙昔心敬與山靈約續學堂詩鈔

石綸言稚良莘田邀遊九華余以事不果去

不及隨君作勝遊西風目送使人愁某山某水題名處

乞寫西堂在後頭

岡嶺幾勞靈運屐煙雲盡入子昂詩一樽莫守山僧戒

王會厚池陽江上望九華山

昨出匡廬北石梁望了了無端阻湓浦未得穿林杪茲

晨溯石埭庶足恣幽討船頭水勢緩蘋末風來小春泉

注菊所自注地名彭澤音聲杳秋水漲梅根名高閣空文藻

府西文選樓府西文選樓以茲悟生理曷用浮名擾沙際浴青鳧

林皋飛白鳥噴岫倏當胸九子立天表奇疊終南雲秀

絕女兒曉橫枕大江濱吳楚俱在抱百里逼鄉井白首

缺登眺遠訪他山尊反失桑梓好風帆撲黛色柔櫓入

巖篠願言構小築將以營我老兩浙軒錄

吳元桂出九華山

九華紀勝卷二十三 補遺 詩 六

水複山重古道長銅陵地界接青陽麥秋將至黃生隴

穀雨初過綠到秧石澗水春雲確響山家風送蕊茶香

行歌日暮臨江汜九子峯頭入渺茫所知集初編

周輔登九華山

山色蒼蒼樹影連幾重關鎖浸如煙風生古寺疏鐘外

雪點長橋小徑前高處直疑峯欲墜奇來便使水都懸

何年再訂登臨約倦倚雲窗未肯旋補亭詩稿

趙良爵舟中望九華山

奇秀如分太華峯插天九朵削芙蓉山宜橫側層層看

風自西南面而逢積翠遠迷雲外影臨江倒濯鏡中容



裏糧何日招仙客千丈高頭七尺筇肖巖詩鈔

陳大徵九華山

銀河疊疊聳青蓮撐拄東南半壁天五嶽尊嚴齊氣象  
九峯縹緲足雲煙惟將畫稿供文衍不分游踪缺馬遷  
漸愧浮生無定處每教福地讓金仙

仲秋下浣曉登雲峯俯見雲濤滾滾上齊山腰一望無  
際友人詫異之余曰此雲海也因賦以紀勝

秋雲似水浩無邊江北江南總杳然貝闕層樓都在望  
銀濤雪浪欲浮天下方擬比公超市上界如乘太乙船  
莫謂山陬成澤國霎時滄海變桑田俱什微漫州

九華紀勝卷二十三 補遺 詩 七

袁淑文甘露庵題壁

甘露好僧寮幡幢遠見招入門雲氣重見佛野情消暫  
借蒲團坐頻叨茗椀澆山程已過半莫謂化城遙

盤桓不忍別况有款留僧法宇天花淨尊經貝葉騰聞  
鐘知戒律見月憶傳燈曉發誰先導迷途仗惠能激雪山房

袁江文廣勝山

廣勝由來勝蹟多雪潭雲竇足搜羅雙峯遠瀑流丹溜  
五石幽居挂碧蘿磬曼招提時斷續塵封碑碣執摩挲  
林泉往事堪憑弔枵觸吟懷付短歌蓮舟開吟

張鈞樂登東巖

躡險疑無路崎嶇一徑懸山腰泉溜曲樹杪磬聲圓蒼  
蔚雲堆洞嶙峋石倚天軒窗初啟處清籟最悠然

欲識文成偈山僧指點看苔深雙展滑楓冷瓣香殘危  
檻排空列長松落照寒岩堯天柱立雲海挽狂瀾雲軒初稿

劉宗軾曉登東崖

帶夢上峯頭憑虛豁遠睥煙光千嶂曉練影一江秋倏  
忽雲成海居然石作舟何當離巨壑萬里御風遊七星書屋

吳楚珩天柱書堂

九華紀勝卷二十三 補遺 詩 八

天柱巍然立先生宅在斯豈真耽隱近聊以發幽奇名  
士一時聚高風千古披我來松月裏想見坐皐比湧泉詩稿

曹震遊九華

雙屐徧千峯衣沾濕翠濃石蹲疑伏虎瀑挂認飛龍老  
衲飢餐土遊人喘倚松名山多隱逸何處覓芳蹤春圃詩草

徐鳳翔望華亭

九朶芙蓉入座青銀河綠水挂疏樵人爭嵐翠歸詩囊  
天遣雲泉作畫屏詎假一笻穿鳥道拚將十日坐溪亭  
遊蹤到此無他願只向僧廚索酒瓶梧月詩草

陳鋤五溪阻雨

春行未把踏盤攜沙足寒裳到五溪入寺正衝千嶂雨  
翻盆藉洗一身泥杯茶社散尊無酒盞飯廚香甕有齋  
四壁墨花吟眺久靈山開霽夕陽西視圖詩鈔

徐樞保望華亭

煙霞縹緲一亭收拍檻頻驚託地幽天色拖藍剛近午  
嵐光凝碧已深秋靈山誰解峰頭卧勝景須從象外搜  
差喜白蓮詩社在攢眉且與遠公遊墨蹟

陳鑽自蜀歸路過五溪

十載峨眉幾度經歸鞭今到五溪亭江南九子尤奇絕  
不數高山擁縣青

九華紀勝

卷二十三

補遺詩

九

緩轡徐行度石梁倒看峯影壓溪光天河綠水芙蓉秀  
况復名山是故鄉石屋詩草

陳鍊冬杪宿五溪望華亭

雪壓千峰凍未開天寒暝色散林隈漁舟怯冷頻燒竹  
野圃偷春預放梅踏月遊人乘興至留賓衲子過橋來  
莫嫌禪榻宵岑寂燈火多叨老佛陪墨蹟

陳準五溪橋晚望

向晚下蒼岑危橋跨碧潯樹寒雲作帶水淨  
影諸天迴鐘聲萬壑深憑欄延佇久秋老氣



〔清〕李成謀 丁義方撰

石鐘山志十六卷首一卷

清光緒九年聽濤眺雨軒刻本

# 石鐘山圖

# 志

光緒九年秋八月

蔡慶雲署首



石鐘山志

光緒癸未孟春月  
聽濤眺雨軒開雕

序

山之有志者矣然無志及兵事者有之  
則自遊山軍門之志石鐘山始石鐘山  
者鎖蘆蕪之口峻鄴陽之樊西江之襟  
喉而長江之要口也當髮逆負固潯陽  
實恃湖口踞匪與為犄角今大司馬彭

石鐘山志

賀亮

公以為湖口不克潯城無由復潯城不  
復江境無由清而上下江之老萊更無  
論矣於是容與李忠武謀水陸夾攻腹  
背會戰陽用正而陰用奇時則鐵索跨  
水石壘掠雲箭羽星流礮丸雨集相搏  
凡數月乃得盡滅悍逆奪轉山城自是

而潯陽克自是而江面清自是而皖城  
收自是而金陵定然則東南半壁之收  
拾必以肅清江面為第一功而江面之  
漸就肅清尤以石鐘一役為事棘時第  
一轉關也方彭公誓師湖上於時軍門  
已領偏師摧堅陷銳戰功著在兩鐘矣

石鐘山志

賀序

二

及事定曾文正公奏請於湖口建水師  
提鎮即以軍門肩其任蓋自用兵訖今  
軍門之棲遲此山者先後凡十餘年乃  
於治戎之暇蒐采史乘方志及六朝以  
來文集初為斯集獨於用兵始末纖悉  
具載無遺志既成郵寄宋度請得一言

墨其首簡往者余就養南昌舟過湖口  
遭軍門留飲道故甚歡備聞曩昔戰事  
今得斯志諫之蓋歎軍門之用心深且  
遠也夫勞逸異情吉凶同城昔之爭此  
山也江濤血漲石壁膏流陷胃決脰與  
狼奔豕突之寇角尺寸於礮火矢石之

石鐘山志

賀序

三

閒其得之也何其勞今之鎮此山也雪  
朝讀酒月夕琴樽雅歌投壺興進山鉤  
水之凌寄嘯傲於沙鳥風颿之外其守  
之也又何其逸然而軍門之意則不以  
逸而忘勞猶復痛定思痛法敵前事筆  
之簡編表歎以是告治之鎮此地者務

稟王公設險之經深維慎固封守之義  
萬無以吾險賢敵是則昔之擊瘡痍而  
俾反衽席者軍門之功在一時今之  
樽俎而不忘折衝者軍門之功固不  
僅在一時也余故表其異於他志之  
舉其用意之深且遠者以為後人告俾

石鐘山志

賀序

四

常抱此安不忘危之念以無負軍門  
載筆之心至於湖山風景足以供  
騷人墨客之賞玩者覽者皆自  
得之無俟余之贅及也

光緒癸未三月蒲圻賀壽壽憲撰并書



豫章十三郡一州之水悉匯於彭蠡  
湖口出江有兩石鐘山分峙南北  
內湖外江之間闕也酈善長以謂  
水石相搏響若洪鐘唐李渤作  
記則以南隅雙石當之而蘇文忠  
獨哂其陋謂山有穴罅微波入焉  
噌吰如樂作又港口有大石當

石鐘山志

李序

中流空中而多竅風水相吞吐有  
窾坎鏗鞳之聲與向之噌吰者相  
應自有此說而天下後世莫不知  
有石鐘矣嗣是周文忠有續記李  
文正有辭羅文恭復有記程文敏  
有石鐘傳則仿昌黎傳毛穎以遊  
戲出之何廷秀有賦邱文莊

有後賊率由蘇子發其端然皆流連光景之詞於疆域之阻隘戰守之方略未遑及也咸豐三年粵寇自武昌掠舟而下荆九江鑿安慶窟江甯為偽都六月賊舟繇湖口入犯南昌明年曾文正公督師討賊拔武漢斬黃膊賊田家鎮遂攻

石鐘山志

李序

二

九江其時令宮保尚書奎公總制楊公並帥舟師東下所嚮如拉朽賊乃築堅壘于上下鐘山對峯梅家洲別築偽城逼我師入湖之路文正檄羅忠節李忠武胡文忠諸公攻偽城不下水師燔賊筏乘勝攻入湖口盡燬彭蠡湖賊舟及都

昌而止亾何水益涸賊以鍊索橫江斷歸路入湖之師不得出賊夜用火攻襲大營文正遂入江西加飭戎政而外江內湖之水師梗鬪莫能併矣五年春文正遣水師進屯康山賊自都昌陷饒州及廣信羅忠節復集城四月公帥水師駐南康元度

石鐘山志

李序

三

帥平江軍二千人從五月水師破鞵山獲九江所失帥舟六月攻梅家洲失利七月元度帥所部渡湖而東文正檄蕭節愨公捷三等會攻湖口陸軍入縣城水師直擣石鐘垂破矣會節愨中礮死之賊益旅拒陸軍退屯蘇官渡賊數來犯皆破走之時



羅忠節已復義甯帥親率六十人抵湖口  
督平江軍再攻石鐘卒以水師不能深入罷  
攻而忠節亦改授武昌矣十一月偽翼王石  
達開犯蘇官渡我軍擊卻之官保彭公聞  
道入江西抵大營文正命仍領水師六年二月  
文正以南昌募嚴嚴檄水師歸護省城陸軍剿

石鐘山志

李序

四

撫州七年李忠武攻九江急石鐘賊戒備加  
嚴九月彭楊二軍約內外合攻石鐘山李忠武  
密帥師後間道夾攻遂拔堅壘及梅家洲  
偽城克湖口至是內外水師始復合八年四  
月拔九江七月曾文正再起督師道湖口疏  
請勅建水師昭忠祠 制曰可十年賊自

建德來犯擊走之同治三年六月大軍克江  
甯粵賊平彭公方築樓石鐘山願以飛捷  
此軍興以來石鐘山戰守攻取之崖略也功  
既成文正公奏立長江水師營設提督一總  
兵五其一曰湖口鎮 詔以丁君慈山任之彭  
公奉 詔巡視往來並駐節於茲山祠及亭館

石鐘山志

李序

五

皆公所手治也丁公治鎮既久軍民和輯乃  
屬胡麓樵太守撰石鐘山志既成徵序於  
余惟地理為史部之一山川又地理家之  
一余所見山志自唐盧鴻一之嵩山記杜  
光庭之武夷山記李冲昭之南嶽小錄外  
若明宗燾之泰山志李時芳之華嶽志趙

之韓之恆嶽志彭簪之衡嶽志並著錄  
四庫若江西諸山則有唐張容之廬山  
記令狐見堯之玉筍山志元明善之龍  
虎山志俞策之閭阜山志及近人之懷  
玉山志詳哉其言之矣然皆蒐名勝記  
遊覽佗未暇及也今志石鐘一隅之地

石鐘山志

李序

六

耳而全局之治亂安危係焉其視鄴  
李之所述東坡之所記益公西涯念庵  
董墩瓊山之所賦詠今昔大相懸矣循  
茲以往後有萬年其又烏可控搏耶  
余於茲山舊有轍跡恨未竟其功數  
年前艤舟一拜昭忠祠凡其血食茲山

者半皆吾舊雨也為低回留之不能去  
今序是志益覺三十年陳迹奎集心  
頭縷之猶昨日也遂次其語曰胡子以  
復丁君云

光緒九年春正月平江李元度序

石鐘山志

李序

七



序

寰海之內名山大川莫不有志蓋以補  
郡縣志所未及也石鐘山名古不經  
見澄之馬貢係由衡山背脈至九  
江而來石鼓石鐘天然對設理相  
因而時適合洵非偶也自以鄒道元  
注水經而李賓之辨之蘇文忠記  
之未有為志者伏念砥柱中流  
之險磐固哉

石鐘山志

李序

一

國家而徒事蒐討名錄供人游覽之  
資志多舛式道光三十年粵西  
悍民洪秀全等構亂及平閱時  
五十有五年之久蹂躪至十六省  
淪陷至六百餘城之多劫劫之奇

巨古未見于時幸賴曾文正公拔

今大同馬鼓之建策勅水師自衡州  
順流而下力戰復岳州攻武漢收蕪  
黃大破田家鎮進屯湖口勢已建瓴  
垂而賊以全力扼石鐘兩山以兩山當  
江湖控匯之所怪石如猛獸毒鬼森  
然且搏人之狀平日浪游至此中不

石鐘山志

李序

二

風弭絕壑而巉巖盤溜湍怒有聲  
榜人且勇色相戒若擊楫於清銀  
浪雪丸兩礮雷之際沈珠夢逸之勢  
復判主文之飛其險有非語言能  
罄者昔宋何去忌戰廬循值西風  
暴急奔向東岸搖三斤死明太祖征  
陳友諒分屯涇江口南湖嘴友諒失

勢中夫貫時死原已前事可登通  
彭公以水師入險忠憤所激百折不  
回繼蕭岸慈公登舟子敢死之士  
相繼殉難而望忍卓絕志不稍移  
卒以計察賊恊克之未幾重陵之大  
難以平正摩崖紀功道石鐘樓成援  
孝中元夜校名一書畢宴勞將士

石鐘山志

李序

三

懽行同夢一追想問又不覺淚泫  
下也方今

聖天子德洋恩普寬務懷柔瀛甸  
浩梯航遠屈山之呈奇獻秀風  
景日新以南日此信奇年昇平  
之象教宜歌咏鼓舞潤色

鴻業復何多設兵山水尚殘健游人之

聽字鐘並易有曰王公設險以守其  
國之曰君子以好我器械不虞事成  
書以取鏡更非所以欽承

睿慮宣威中外垂鑒古今之義成謀  
身歷戎行日走帥日壹是系符

廟算詳迨幸

簡命督長江四鎮水師又獲周覽一帶

石鐘山志

李序

四

形據証以歷於武功紀之山志誠不  
容緩爰至同泐口鎮臣丁義方倩友  
校訂仍仿左名家山志體例據文攷  
核分數成編願讀之以勵官常以敦  
自節以保

國而庶民更賴桴鼓不驚城益增而高  
池益浚而深初宇益拓而新樓閣益

修而亂傳人逸家与石鐘之景相  
周旋聽雅唱漁歌与石鐘之聲相  
蘇和冬一不足以徵

聖躬太和翔洽之休若僅以是書為供  
人游覽之資抑未矣

光緒九年歲次癸未季夏月上浣

欽命長江水師提督銳勇巴圖魯臣李成謀

石鐘山志

李序

五

謹撰於荖湖營次

石鐘山志序

周禮職方氏掌天下之圖小史外史  
掌邦國四方之志後世因之攷形  
勢編地理洵諸紀歷代郡縣之  
各有志流傳以資治理山之有志  
則自謝靈運始由是關幽選勝六

石鐘山志

丁序

各成其為一家之言殆踵伯益山海  
經遺意非無故也石鐘居湖口大  
江之濱上下兩山屹然相對以扼九  
江以屏半壁以砥中流而雄天塹  
慎固封守者豈僅審聲於函胡  
清越噌吰鏗豁而已哉乃自粵逆

構亂時長江數千里無險不失竊  
金陵為兔窟之營即倚石鐘為  
常岬之負故賊陷湖口翼阻我師  
其設守石鐘必備當事不先扼  
要資育且失其勇憶縣志恭紀  
世宗訓曰湖口地方緊要欽維

石鐘山志

丁序

二

睿慮已及百餘年之先必欲收效桑  
榆則蕞尔石鐘尤急務也咸豐三年  
曾文正公奉

命起復治水師率義方等擊楫東  
下即以今太子少保兵部尚書巡閱  
江海使者彭公率破田鎮得勝之師

直搗石鐘韞火鎔橫江錢鎖燔賊舟  
前鋒飛鷁猛進正悞人意會水涸  
賊出兩岸仍以前計鑄江加嚴焉  
師次南康都昌者遂限內湖五年  
彭公援鄂遣將規湖口蕭節愍公  
率內湖水師夾擊石鐘以無援不

石鐘山志

丁序

三

克中礮死七年文正公復奉諱既請  
得

旨以今曾任陝甘總督楊公暨彭公  
綜理內外水師彭公密謀約陸軍  
暗渡八里江合水師內外攻踏梅家  
洲偽城赫石鐘逆巢乘勢克湖口湖

口克九江踞逆六繼殲九年繕湖口  
城垣甫竣義方督本部駐防越歲  
池甯賊未罷勒兵入保時彭公圍  
攻安慶聞警自黃石磯駛舩極于  
顛風巨浪中捷應呼吸賊膽懾  
宵遁江波漸平不數年仰賴

石鐘山志

丁序

四

聖天子威靈蕩平羣醜轉危為  
安論者皆多水師之力抑由石鐘  
之險復為我有賊再窺不能得彼  
氣餒而我勢張得失轉環所爭在  
此是則石鐘之險必當視為堯元氣  
鍵神州之奧區也明甚願念石鐘之

在寰宇太倉一粟耳漢唐以前迄  
無知者荆蕪引遊屐自李渤  
之辨髯公之記啓之于焉為邃古  
發幽光者爭品題為好山加潤色  
者新締構引人入勝山靈所歆不  
期飛血瀑巖苔心灰燧義方偶侍

石鐘山志

丁序

五

彭公憑弔盡寫如傷公既弔夫死  
事者不可不有以安其忠魂復未  
忍竒境之既顯而復晦也淨埽餘  
燼徐度島嶼紆迴請建楚軍水  
師昭忠祠于其上餘則為軒為齋  
為別墅為曲廊簷者亭極聳者

樓閣窪者梯以石稍窪者甃石而池焉近水遙岑都供點綴奇葩怪石悉入蒐羅石鐘之景之奇昔以文章著名今以勳華增艷矣彭公巡閱長江過此必入祠展祀必虔相對歎欵宛與羣靈晤接有

時駐節六十本梅花寄舫則高瞻遠矚別有會心義方因有感焉見夫波澄若鏡嵐疊如屏回想當年必出萬死一生爭賊所必爭之地初不料有今日也及聞萬竅號風怒濤激石如大將登壇叱咤如

狂寇對壘驕矜又如士飢將困時積憤悲呼不得已而權詞慰藉千態万狀令人色駭心悸安不忘危石鐘之宜有志也可緩乎我義方任閩寄于斯垂十五年所近緣講武多閒無以盡職爰謹述力

拔石鐘顛未探討故實合古今題詠彙為一書俾足供遊覽于無事之秋亦實欲見之者痛定思痛不忘險阻聊效一得之愚于萬一云爾

光緒九年癸未三月益陽丁義方序



序

石鐘山之名始著於水經鄰元之注李勣之  
記雖不同然皆謂以聲得名蘇子瞻親游其  
地謂有大石空中多竅與風水相吞吐有噌  
吰窾窳鐘磬之聲是亦謂於山之名以聲信  
也其曰事不目見耳聞而臆斷之不可予每  
讀其語未嘗不歎其義溢之深以為必得於  
山之名實矣因治元年春家武昌過曾文

石鐘山志

方序

正公於安慶旋反公命舟師送予迂道泊石  
鐘山下登坡仙樓以四望江山之勝時兵甲初  
洗揚國重新波濤不驚遊目千里至是樂  
方粵賊破武昌下金陵漢上攻江西重陷武昌  
安慶而石鐘當鄱湖之咽喉賊環礮盤踞其  
中屯聚軍火糧餉以為上下江攻戰之用我兵久  
爭不得下外江內湖逆風塞而不通文正公以  
官保彭公專統舟師衝突湖內外血戰八年殉

士卒數千始得此開而後直搗安慶克金陵亦  
清巨寇海定東南土宇是石鐘一山非徒足為  
遊覽之名區實兩湖三江之要官也公既殲賊  
建亭闕其上履清曾公疏建水師昭忠祠於山  
之中又立法度分舟師駐湖口永為重鎮外江  
內湖窳穴不容洶經

石鐘山志

方序

國之遠謀術民之長計也故公嘗于予駐師山  
下久水涸時環觀上下兩鐘巖皆有洞可容  
千百人下鐘巖之內如大廈層累而上計數重  
內有小阜躡危徑可攀而登見摩崖層層寫  
書丹房二字又有詩作仙人誕語石罅漏  
天光中多鐘乳蝙蝠大者翅如團扇最嘉  
處隱隱聞山頂考鐘聲乃知於山以形名非  
以聲言也文正公亦嘗入觀之嘗記曰石鐘山  
者山中空形如鐘東坡所記非事實坡嘆李  
勣之陋不知坡亦陋也由是知天下事理不可

勝窮難目見身聞而非有真知灼見於胸不仍  
 難免於臆斷乎光緒七年秋彭公台游蓬萊  
 往來大孤小孤之間住於山旬有八日蓋得所覽  
 其勝日登慈蔭閣鐘進士樓望五老峰如在  
 苑園益陽丁遮山提軍次從二公成戲說之  
 功復作鎮於此十餘年增脩重樓傑閣刻  
 石液池蒔花種樹又於鎮署後作舸亭介上  
 下石鐘之間相為掩映有羊耕子輕表後帶

石鐘山志

方序

三

之風徒又考古證今輯石鐘山志十卷示予命  
 為之序予讀之凡若山勝後名流載於史傳訪  
 文者搜羅詳盡美矣備矣而其正石鐘之名  
 實具興復之本未足以訂前賢之失而資後世  
 守禦之備者所繫為至大而遠也然則丁公之  
 為此志其有深慮乎國保民術  
 園之遐思乎爰擬其要以識於篇末云  
 光緒八年歲在壬午秋八月桐城方宗誠謹撰

序

石鐘之奇甲天下著之於文衣石鐘  
 山集序石鐘真可甲天下之奇耶  
 天下名山多矣奇其高且博乎則  
 不如五嶽奇其深且僻乎則不如  
 峨眉武夷抑奇其神秀而幽窈  
 乎又不同乎三十六洞天然則石鐘

石鐘山志

胡序

何奇殆以山與水遭為奇耶而名  
 勝如金焦且拱立江中矣縹緲如  
 蓬萊天台厖宕且鼎峙海中矣  
 其他有可稱數者指不勝屈獨  
 謂石鐘之奇甲天下山靈其許可  
 乎宥有進而言者曰茲獨水石相  
 搏響若洪鐘其聲奇上銳下

廣中空而如鐘其形奇更而太白東坡據情宣藻導颺邃古之韻文章之潤色愈出而愈奇故石鐘可奇雖於奇則奇矣竟以為甲天下焉予終不信客又曰山所必絕者塵囂茲則一近闌闌一奠垣墉以不遠城市為奇乎山所特重者形勢茲則一扼湖水一扼江水以獨擅險要為奇乎予乃携客涉鐘峯之頂登飛捷之樓憑欄四望盱衡古今慨焉而對曰此滔者自岷山導源蜿蜒數千里而來不為兩山石翼然束之早為鯨濤豚浪所摧撼何由挺矗終古與五岳諸

石鐘山志

胡序

二

名山爭勝由是以論形勢西扼楚蜀東聯吳會北障新蔡南捍豫章襟帶江湖鎖鑰城鎮偉矣哉宜此地用武之多奇捷也哉自漢唐洎今思之皆歷歷在目舉夫策著者莫如前明其征陳友諒一戰擒宸濠一戰非此形勢制勝乎迨我朝粵匪之亂得失成敗非此形勢為關鍵乎是則石鐘之奇真能甲天下者形勢耳客難然肆其說爰主形勢為志而序之

石鐘山志

胡序

三

光緒壬午夏四月善化胡傳釗



石鐘山志例言

一石鐘山從未有志蒐討故實自酈道元水經注肇  
端唐以前茫如草昧迄後迭經兵燹除少室東坡  
兩記餘概付之劫灰最近如前明求王尙忠所著  
石鐘山集杳不可得茲就縣志所載及散見諸家  
文集中者悉心採輯

一志山體例每略武功以形勢不專在山且有郡縣  
志可考茲則長江之險在湖口湖口之險在石鐘  
城垣磐石倚其雄水師屏障扼其要非幽竊絕塵

石鐘山志

卷首

例言

一

者可比而郡縣所志武功復多挂漏是編故特增  
纂歷朝戎政且於  
國朝咸豐三年以後軍務本末錄必詳俾慎固封  
守者有所取鏡

一秦分郡縣以來縣名沿革不定而形勢自在縣志  
武功首秦實以地既屬郡時審所據形勢切近耳  
考湖口自南唐據大鐘石旁設鎮以後石鐘之名  
始彰其先溢浦屬德化之口即湖口距今下石鐘處  
豫章屬南之口亦湖口距今上石鐘處至南湖黃

之近上石鐘涇江口之近下石鐘皆有戰迹可按  
特表著之以見石鐘之險不自今昉

一山挾水勢據為險要者不備一隅獨石鐘兩山一  
扼湖水一扼江水之衝相距僅里許中為湖口縣  
城似此險要洵罕見也伏讀

聖祖訓曰湖口關甚險

世宗訓曰湖口地方要緊以石鐘為天塹久著

聖謨疑茲志武功為夸誕者恐非特識

一石鐘分上下兩山今下鐘建楚軍水師昭忠祠新

石鐘山志

卷首

例言

二

增各景固宜臚列而兩山遺蹟如狄梁公白雲亭  
陶桓公陶靖節祠之類雖久廢未復亦一一註明  
以資訪古家攷證

一兩山總繪全圖所以標形勢也下鐘勝狀分繪各  
圖為閱者醒目上鐘名蹟雖踵事增華有待異日  
亦另立一圖以存其略

一大孤汛小孤汛皆湖口分汛以與石鐘形勢相聯  
志山原無界畫畛域之理况大孤山在德化境亦  
列湖口志則小孤山何獨向隅故一併附載

一藝文一門若仿沈文憲

國朝別裁之例非已往論定之人之作不列則前  
既漫漶多略後復刪削從嚴未免湖山寡韻山志  
與詩選不同宜稍變通引人清興

一昭忠祠聯既取各據闡揚忠烈之意應不計工拙  
此外各處聯語亦一概錄存未免體例不嚴而點  
綴名勝具有會心必嚴亦屬多事闕者諒之

一字內山志各家自唐宋以來指不勝僂考諸

四庫全書著錄僅采南嶽匡廬赤松盤山四部是

石鐘山志

卷首 例言

三

書山水同赤松志金石即赤松之碑刻也祥異同

匡廬志形勢即匡廬之星野也藝文同盤山志雜

識即盤山之雜綴也卷首冠以

訓典亦規仿盤山建置游覽二門則赤松之宮宇

人物也惟武功為斯山特重但效涓埃之助裨益

高深史家以義例相繩或不嫌創

一游覽卷內人物實有奇節偉行者用雙行小字附



列本傳以外詳畧悉照邑志錄入武功卷內如非



湖口戰事錄用雙行小字別卷雙行係錄原註



# 繪圖

石鐘山志



圖














石鐘山志目錄	敘	凡例	圖	卷首	訓典 附 奏疏	卷一	形勢 附 沿革 附 城垣 附 兵制	卷二	山水	卷三	建置	卷四	金石	卷五	游覽	卷六	祥異
--------	---	----	---	----	---------	----	-------------------	----	----	----	----	----	----	----	----	----	----

卷七	軼事
卷八	雜識
卷九	武功 歷朝紀略
卷十	武功
石鐘山志	卷首
	目錄
	二
卷十一	藝文 國朝紀實
卷十二	藝文 歷朝文徵
卷十三	藝文 國朝文徵

歷朝詩錄	
卷十四	藝文
大小孤山歷朝詩錄	
卷十五	藝文
國朝古今體詩	
卷十六	藝文
石鐘山志	卷首
	目錄
	三
國朝古今體詩	

石鐘山志卷首

訓典

康熙六十年江西巡撫臣白潢面奉

上諭湖口關泊船甚險爾須留心

雍正元年

上諭湖口地方要緊知縣朱奇政  
恭紀堂額

咸豐七年十月己酉

上諭內閣官文等奏克復江西湖口縣城一摺湖北下

游官軍自克復小池口後即乘勝圍攻九江並進規

石鐘山志

卷首

訓典

湖口探聞賊船增至數百號圖援九江九月初七日

李續賓等定計水陸夾攻密約內湖水師彭玉麟同

日大舉李續賓調集各營兵勇即於是夜四更拔營

渡江楊載福亦由水陸直下總管巴依爾呼蘭等馬

隊亦由陸路馳抵八里江一帶初八日水陸各軍齊

攻湖口附近之七里冲三街市月台山等處賊卡高

壘水師復上下轟擊晝夜不息焚奪賊船一千餘隻

初九日卡壘盡破李續賓與楊載福等督率各勇架

梯緣城並將火箭射入城中燒燬該逆火藥賊眾開

城逃竄當將縣城克復其梅家洲偽城亦經兵勇攻

拔我軍分道邀擊追殺二十餘里斃賊二千餘名燒

斃溺斃者不計其數生擒偽總制等二百餘名奪獲

大小砲二百餘尊該逆盤踞湖口已及五載現已將

縣城克復著官文等督飭水陸各軍乘勝進剿克復

九江迅掃賊氛以清江西

咸豐七年十月丁巳

上諭內閣官文等奏官軍攻克湖口縣並梅家洲偽城

請將出力員弁獎勵一摺湖北水陸各軍克復江西

石鐘山志

卷首

訓典

五

湖口縣城並將梅家洲賊匪偽城同時攻拔九江勢

成孤立上游江面一律肅清李續賓等督率諸軍出

奇制勝洵屬可嘉

咸豐八年四月壬戌

上諭內閣官文等奏九江克復逆匪盡數殲除一摺粵

逆占踞九江負嵎久拒自湖口攻克以後官文等添

募勁旅空濠合圍並分水師十餘營駐守北面江岸

賊援遂絕本年二三月間李續賓督勇開挖地道晝

夜攻擊轟塌城垣數次本月初六等日水陸各軍分

攻北門及東南一帶將弁等以梯登城用火轟塌一百餘丈伏勇城中內外衝殺殲賊淨盡並將偽貞天侯林啟榮偽元戎李興隆各賊目寸磔梟示共斃賊一萬六七千名九江府城卽於初七日克復其逃竄之賊亦經官軍概行截殺並無一名漏網勦辦實屬奮勇在事出力員弁兵勇著官文等查明擇尤請獎候朕施恩

咸豐八年八月戊辰

上諭內閣會國藩等奏湖口九江建立祠宇請飭地方

石鐘山志

卷首

訓典

三

官春秋致祭一摺著照所請所有江西湖口石鐘山上建立水師昭忠祠九江府城建立塔齊布祠現在將次工竣卽著各該地方官照各府昭忠祠之例春秋致祭以裒忠節

臣會國藩跪

奏爲捐建城垣懇請援照例案優予獎敘以期要工迅速告成恭摺具

奏仰祈

聖鑒事竊查九江府屬之湖口縣濱臨大江地當險要上通楚北下達皖南爲七省之通衢實三江之門戶前因逆氛佔踞日久蹂躪不堪城垣被燬無存若不趕緊修築則保障無資守禦亦難足恃臣曾倡議捐修當捐錢八千串並經協理楚軍水師廣東惠潮嘉道彭玉麟

石鐘山志

卷首

奏疏

四

捐錢四千串湖口縣知縣岑蓮乙捐錢二千串由縣督帶紳士工匠人等周歷履勘計圍長玖百玖拾伍丈又添建包月亮山卽月台山城伍拾捌丈共壹千伍拾叁丈又城砌高貳丈深壹丈塚高陸尺城身均寬壹丈捌尺添建迎春利涉二門月城二座又河城及月亮山共建砲臺五座以上各項工料樽節估計實需銀拾萬捌千壹百壹拾兩其護城隄塹實需銀壹萬貳千兩經前撫臣耆英批司檄委承豐縣知縣王承翼馳往會勘相符飭令設法勸捐趕緊修築據報於咸豐九年四月二十日

興工嗣據該縣具稟湖邑地瘠民貧兵燹之後元氣未復當此工程浩大需費繁多全賴勸捐辦理若不優予獎敘恐致觀望不前由司議請援照籌餉新例並捐輸礮船章程給予獎敘以示鼓勵等情詳請具

奏前來臣等伏查前准部咨欽奉

上諭城垣所以衛民果能修繕完固自足以藉資捍衛著各省督撫飭屬勸諭紳民督修所有軍務省分捐資者照捐輸議敘出力者照軍功請獎等因欽此又查江西省捐輸礮船係屬隨時

石鐘山志

卷首 奏疏

五

奏獎並先頒給空白執照隨捐隨填仍照例增廣學額各在案今湖口縣城工實因粵匪耽耽環伺欲借堅城以代勁旅蓋以十萬金而募二千壯勇僅敷數月口糧以十萬金而築一道堅城目前可禦皖南之強寇日後可為潯湖之鎖鑰洵屬刻不可緩之要工該官紳士民等同仇敵愾捐資修建捍衛封疆其急公好義之忱與捐輸軍餉及礮船經費並無二致合行仰乞天恩俯准援照籌餉新例減成議敘並礮船章程隨時奏辦暨請

勅部先行填給空白執照百張以便隨捐隨填仍俟工竣截數照例增廣學額用昭激勸庶捐輸可期踴躍而要工得速蒞矣臣等為守險省兵起見謹合詞恭摺具奏伏乞

皇上聖鑒訓示謹奏

臣曾國藩跪

委為湖口建立水師昭忠祠九江建立前提臣塔齊布祠請旨敕部核議恭摺奏

聞仰祈

石鐘山志

卷首 奏疏

六

聖鑒事竊臣國藩於咸豐三年在衡州製造戰船設立水師四年越境勦賊自湘潭以至九江焚燒賊艦萬餘事機甚順旋以湖口之挫戰船半入內湖半阻外江其在外江者由彭玉麟帶領回援武昌復經湖南撫臣製造船礮交臣楊載福募勇會同援鄂苦戰兩年再克武漢湖北撫臣胡林翼經營恢廓外江水師遂增至一十八營其在內湖者初僅戰船百零七號臣國藩入南昌後會同江西撫臣添置船礮札調彭玉麟來江統帶內湖水師亦增至二百餘舟七年二月臣國藩丁憂回籍

請

旨特派臣載福總統外江內湖水師事務彭玉麟協理  
仰蒙聖恩允准九月內會同規取湖口彭玉麟攻其內  
臣楊載福攻其外臣李續賓亦以陸師從山後抄擊立  
將湖口克復自是而逆舟之精銳略盡九江之賊勢益  
孤矣仰荷

聖主威福合三省之物力成此一枝水師上下三千里  
舳艫不絕旌旗相望臣楊載福復進勦蕪縣一次進勦  
蕪湖一次肅清江面之局大致釐定惟是數年以弁勇  
石鐘山志卷首奏疏

出入於礮子如雨之中挺身殉難鬱為國殤合計陣亡  
傷亡不下三千餘人其有雖死而冊名偶遺及大風覆  
舟而溺死失火藥箱而焚死者均不在其數中臣楊載  
福與彭玉麟會商就湖口石鐘山上建祠一所合祀水  
師陣亡各員弁勇丁名曰水師昭忠祠上以體

聖主褒崇忠義之意下以動各營觀感奮發之心彭玉  
麟留防湖口就近監修分別正祀附祀刊刻木主依次  
列入此湖口建立水師祠宇之原委也前提臣塔齊布  
署湖南撫標守備時已毅然有殺賊立功之志湘潭一

役以千餘新集之師當數萬方張之賊楚軍之勇敢實  
倡於此大局之轉機亦始於此逮渥荷

聖恩超擢提督曾國荃刺字精忠報國轉戰岳州武昌大  
冶興國田家鎮廣濟黃梅等處身先士卒所向有功祇  
以九江一郡未能速下忠憤填膺鬱憂成疾日對孤城  
竟以身殉本年四月水陸諸軍克復九江該處士民及  
在營弁勇語及塔齊布當時遺憾無不感歎流涕異口  
同聲公請建立專祠並附祀陸師陣亡各員弁以報功  
而示勸已就郡城隙地擇期興工名曰塔忠武公祠臣

石鐘山志卷首奏疏  
李續賓委員監修其附祀之員弁勇丁確切查明刊刻  
木主依次列入此九江建立塔齊布祠宇之原委也臣  
國藩欽奉

諭旨馳赴浙江經歷九江湖口見兩處祠宇俱已將次  
工竣瞻拜爭趨往來相屬廣

盛世褒忠之典卜斯人向善之忱伏思  
皇上眷念蓋臣

恩施逾格凡茲效命疆場之士悉本  
朝廷鼓舞而成臣等不揣冒昧願懇

天恩勅下該部九江湖口兩祠宇照各府昭忠祠之例  
飭地方官春秋致祭於

聖朝褒忠勸善之道或亦足以裨補於萬一謹會同湖  
廣總督臣官文湖北巡撫臣胡林翼江西巡撫臣耆齡  
恭摺附驛具奏伏乞

皇上聖鑒訓示施行謹奏 咸豐八年八月十二日

石鐘山志

卷首

九

石鐘山志卷一



桐城方宗誠 校訂  
善化胡傳釗

形勢

湖口成是南朝舊鎮上據大鐘石旁臨大江唐武德五  
年安撫使李大亮以為要衝遂置鎮寰宇記

蜀江下湖口孤山峙鄖鎮實吳楚咽喉江右衝要九江府志

石鐘山志

卷一

形勢

九

九江始於鄂陵終於桑落洲在大江之中江南則江州  
湖口縣是也湖口志

江州鎮尋陽中流襟帶今九江在州鎮之北彭蠡在其  
東也南齊書

去小孤山十里而近其西南接湖口都昌東北踰馬當  
山交望江江右之境盡焉而小孤又江右一門戶云

方輿勝覽

鐵屏橫峙於前石鐘環抱於側據江湖之險當吳越之

衝九江府志



居彭蠡下流濱大江阻疊嶂明雷禮彭澤修學記

彭蠡跨海門砥柱橫江龍城四塞形勢說

築嶧劍削怒湍環迴扼湖者為豫章口扼江者為盪浦

口歸然天塹誠不可忽桑嘉依記

湖口皆窟地也然秀色攬廬文瀾吞江明葉初春湖口學記

東北濱大江南即鄱陽湖匯章貢羣川之水由此入江

明史志

湖之為邑亢而窄張蓋湖口成德書院記

鄡陽古鎮僻在江隅江漢西匯雙蠡東輪循巖負壑奇

石鐘山志

與險俱豈不以鎖鑰江湖湖口地理志

湖口古彭澤地在彭蠡之口其建縣則自南唐保大中

始也漢隸鄡陽縣為縣之鎮後改隸彭澤晉置上甲

縣尋仍入彭澤劉宋因之以其地為湖口成湖口之

名乃肇見隋縣龍城唐縣樂城俱置於此而卒歸彭

澤南唐之建縣則析彭澤五柳二鄉為之蓋其區域

跨有彭湖名之以實而提封適當其濬土著人民星

馳商旅舟人漁子上下於洪濤汪渚中者不待詢而

識為湖口石鐘鐵屏之巨麗湖光江影互相吞吐扶

輿磅礴萃神秀而結為縣治固天然之形勢也湖口志

大江之西表襄湖江饒廣東引吳越袁吉西距湖湘惟

九江縮轂其口左顧則扼湖以東制之右顧則扼江

以西制之形勢為江西重余文獻修浚城記

嘉靖癸丑歲仁和抑亭陳公來鎮茲土乃首周覽險要

深念曰此要害不繫一隅者即具議謀諸當道大略

謂倭螫浙東時微眇耳率易之不深備後毒螫海濱

諸郡殆偏頃殘孽奔徽甯突出蕪湖口深入之端見

矣賊窺長江則與我共險窺湖口則全省動搖九江

石鐘山志

安得高枕哉徐文獻湖口志

山聳崇巒水匯巨浸湖口志

湖口為縣其土地磽陁其生齒瘠單其城郭墊隘誠所

謂一閱之市然而形勢峻拔山水高深西扼楚蜀東

聯吳會北障新蔡南捍豫章居然一要害也陳文德續志

江右全輿大江橫其北趾章貢貫厥中胸彭蠡滙於腹

尾而總會於湖口一邑湖口誠要地哉鄭康成以左

合漢為北江右合彭蠡為南江岷江居其中為中江

眉山蘇氏及曾邵諸儒併主其說則湖口為三江既

入之處也近當塗徐氏箋禹貢九江引漢志零都湖漢水鄱陽鄱水以下至南楚彭水數適爲九正在於江漢朝宗之下與經文合則湖口又爲九江孔殷之區也湖口誠要地哉

董榕志

湖口之爲縣也自南唐始也前此隸鄖陽矣隸彭澤矣隸上甲矣以其不可不縣也故縣之縣之者何重其地也漢以來則鎮之劉宋則戍之而湖口之名見鎮之戍之夫亦猶是重其地之意也地有崇山爲雲屏巨浸爲天塹吳會徵其東滇楚波其西甌越南連徽

石鐘山志

卷一 形勢

四

甯北表江濤吐吞湖波蕩瀾前後五季餘煌稱禧之交馳鼇吐豨突於其間者歲無甯宇南唐葛爾疆土竊建名號其析彭澤五柳二鄉而縣之何足爲憲典而仍之至今千餘年莫之改則以其當四達之衝扼九派之要勝國初陳漢亦窟宅之以爲蠻觸之區宇故不可以不縣之雖以南唐瓜分之壤而建置之得宜亦若夏造殷因焉者固地勢之自然一成而不易也

郭承緒序

小孤五老香爐二祖五祖諸峯如拱如揖皆屏列於左

右湖水南來而清江水西出而濁咸滙於前而後朝宗於海

李齡志

層岡疊嶂阻三面而限以天塹近則九江之門戶而險據彭澤之上游

湖口志

前濱彭蠡後負崇岡其東曰小嶺東北曰大嶺主事彭綱論二嶺之中爲黃土嶺尤陡峻又曰湖口江湖都會水陸通津時平則南北四達舟車萬里有事則羽檄交馳烽烟先被昔嘉靖萬曆間兩設權關以徵商稅而明太祖駐師於此扼僞漢西歸之路而友諒就殲近

石鐘山志

卷一 形勢

五

左甯南之亂焚掠慘於諸州凡皆以其要衝之故也

湖口志

南湖水師所駐適當要地東北江水相會由九江下至於小孤皆南湖營所屬洲渚漁戶民人聚落舳舻停泊分防置守之處尤爲邃密自九江姑塘關而下若大孤山汛曾江汛老洲頭汛何家套汛金剛料汛陳軍套汛魏家汛毛湖洲汛沙灣汛此九汛皆駐南岸其北岸則屏風山汛阜湖口汛文昌汛柘磯汛郭家口汛黃茅潭汛時家渡汛尖山段汛漏灌口汛

小孤狀汛烽火磯汛馬當汛此十二汛遂直接安慶

水師營江湖備禦棋布星羅延踵相望陸汛則有湖

口之鳳凰嶺汛流芳市汛西洋橋汛流澌橋汛彭澤

蕭家嶺汛凡五處皆分兵駐守首尾牽制水陸交司

湖彭兩縣合成形勢南湖水師營汛塘說

謹案長江形勢以湖口為要者由石鐘雙束水口

有險可扼耳南湖營之設聯絡布置亦云周矣乃

承平日久良法廢弛致石鐘天險為粵匪所踞蹂

躪幾徧東南事平設湖口鎮標屬五營一駐安慶

石鐘山志

卷一 形勢

六

一駐華陽一駐吳城一駐饒州一駐湖口為中衝

星羅棋布較前人慎固封守之道良法有加倘後

之人永奉定章歷久不變我

國家億萬年有道之基奠此矣

大石側立千仞如猛獸奇鬼森然搏人蘇文忠記

緣石以登始若伏軾比陽旌旗戈矛森然成列羅洪先記

蠡口至險在江湖匯流而無雙鐘石以束之勢何由激

水戰扼勝此為要區明楊鏡啟

湖口形勝兩山夾峙以石巉巖江漢合流湍迴浪急明張

啟元疏

石鐘秀峙潯水悠揚湖亦江壩勝邑也明魏豫之敘

湖跨饒州南康九江三府之境水勢連天一出湖口而

湖洶震撼之狀駭目驚心更湖口縣前東西兩山突

出石皆嶙峋險怪僅餘一口不過數十丈且廬山綿

亘數百里障於西北長江滔滔又復自北而衝明吳道南

疏

彭蠡襟帶三江不逞之徒向所淵藪明鄧澄疏

彭蠡既瀦大江西來廬嶽飛青石鐘環響明王思任記

石鐘山志

卷一 形勢

七

峭石劣削中為湍流汨景旬聲濤濤於鑿鑿磊磊如環

珮也明方以智記

江與湖合流之處曰湖口兩山相峙其西曰上石鐘山

湖水之所經也東曰下石鐘山江水之所薄也蔡中丞士

英記

湖邑背山面江左右有兩鐘山巉巖夾峙直插江中白

丞漢疏

湖口縣濱臨大江地當險要上通楚北下達皖南為七

省之通衢實三江之門戶曾文正公疏

湖口縣界連皖楚水陸通衢爲七省之咽喉實江右之

門戶毓中丞疏

口衝彭蠡面挹匡廬當三省之要區擅雙鐘之名勝彭雪

琴宮保建城啟

湖口濱臨彭蠡折衝三江碣磴澎湃號稱勝地徐德龍序

地勢下江海而秀高陵高心夔序

沿革

揚州彭蠡既瀕東滙澤爲彭蠡禹貢

職方氏東南曰揚州川曰三江周禮

石鐘山志

卷一

沿革

八

春秋屬吳地十道志

周元王三年越滅吳左傳

顯王三十五年楚威王熊商滅越盡取故吳地通鑑

始皇二十三年王翦虜荆王負芻二十六年分天下爲

三十六郡注九江郡其一也史記

高帝元年項羽立英布爲九江王四年帝立布爲淮南

王漢書布使人入九江得數縣六年都六九江廬江

衡山豫章郡皆屬史記

豫章郡莽曰九江屬揚州縣十八第三曰彭澤第十六曰鄣陽

莽曰豫章郡今都昌縣

高帝十一年封子長爲淮南王都壽春北界淮潁略廬

衡漢書

豫章郡二十一城第十五曰彭澤彭蠡湖在西後漢書

近有以江西湖口爲豫章者據史記淮南王傳正

義其解定二年桐叛楚事謂巢桐皆江西下流相

距不遠楚自湖廣出師下江南必取道江西不知

楚伐吳非伐桐也惟楚伐吳師於淮右之豫章吳

僞畏楚而伐其叛國巢在桐北伐桐必經巢吳陰

石鐘山志

卷一

沿革

九

以伐桐之師圍巢故楚坐視其引軍南向而不之

忌其實吳未嘗伐桐也使楚師在今湖口去桐甚

近吳師一不至桐楚必能逆知其詐而爲之備矣

至定四年柏舉之役吳舍舟淮汭自豫章與楚夾

漢者豫章在光固漢爲漢口自光州歷信陽麻城

至漢口攻楚不備最爲神速使豫章爲湖口是吳

自淮汭舍舟陸行將二千里而始至湖口亦迂遠

之甚矣且於湖口與楚對陳者夾江非夾漢也古

豈有稱潯陽之九江爲漢哉况吳果由湖口乘舟

沂流攻楚則其班師自順江而下必不復陸行至淮而楚司馬成尙欲毀吳淮汭之舟以斷其歸路雖下愚亦不出此要之吳楚所爭者在淮右決無楚道至湖口之理此以豫章在江南者其說無一可通也或曰江南有豫章水春秋時豫章雖廣要以此水得名此又不然豫章之名著自水經漢時惟湖漢水最顯劉歆所謂湖漢等九水入彭蠡是也豫章特九水之一耳前漢地理志雩都湖漢水東至彭澤入江行千九百八十里郡陽都水餘千石鐘山志

卷一 沿革

十

餘水艾修水新淦淦水南城盱水建城蜀水宜春南水南壁彭水志則並云入湖漢若豫章水出贛雖亦云北入大江然不言諸水入此又不詳其里數蓋雩都與贛在漢為荒僻之區豫章湖漢之孰為經流尙不能詳故以豫章併入湖漢合都水等為九水若上求之春秋之時是水之即名豫章且不可知而謂淮南江北之地皆以此水得名不亦謬乎或曰漢時豫章水既不著而史記淮南衡山列傳所謂結九江之浦絕豫章之口者豫章不已

著於漢乎曰正義以豫章為湖口誤也秦九江郡治壽春今壽州漢為淮南國正春秋豫章地伍被之言即指此豫章豈湖口哉節錄胡虔春秋豫章考謹案湖口非豫章誠然而謂豫章之口非湖口似未盡確查湖口於漢時併彭澤置縣屬豫章既屬豫章而地當章水出江之口稱為豫章口理或近是晉盧循敗劉毅於桑落洲劉道規拒道覆於豫章口敗循有史案可據則以形勢觀之當時所稱豫章口雖不能定為湖口境內

石鐘山志

卷一 沿革

十一

外然就桑落洲屬在九江湖口斷之以湖口即為豫章固非以湖口為非豫章之口亦當闕疑俟考

湖口縣漢置彭澤縣屬豫章郡後漢因之建安中孫權嘗置彭澤郡尋廢一統志 謹案三國吳志呂範傳拜裨將軍領彭澤太守是當日曾以彭澤為郡後廢晉初仍屬豫章郡永嘉元年移屬尋陽郡元帝渡江又置上甲縣與彭澤同屬尋陽郡義熙八年後省入彭澤晉書地理志 齊宋因之一統志 謹案宋縣齊書呂安國傳泰始二年封彭澤縣男又陳顯達傳封彭澤縣子則宋志乃脫去彭澤也梁復

置上甲縣武帝時江州偃太原郡以彭澤縣為郡治

補梁疆域志 隋平陳廢為龍城縣地尋又為彭澤縣地唐

武德五年始分彭澤置湖口一統志在彭蠡湖口也

太平寰宇記謹案寰宇記云湖口成是南朝舊鎮

唐武德五年安撫使李大亮以為要衝遂置鎮云云

曹學佺輿地名勝志亦謂縣為劉宋之湖口成與南

一統以為唐撫置成者不同未知孰是存以俟考

唐保大中升為湖口縣屬江州宋因之元屬江州路

明屬九江府一統志江西通志

漢末南境入吳屬彭澤郡北境入魏屬廬江郡後盡入

吳屬武昌郡豫章書

石鐘山志 卷一 沿革 十一

建安十五年吳立柴桑為武昌郡分彭澤縣屬之南康府志

豫章郡統縣十六第十曰彭澤懷帝永嘉元年又以豫

章之彭澤縣屬尋陽郡元帝渡江尋陽郡又置上甲

縣安帝義熙八年省上甲縣入彭澤縣晉書志今

梁置太原郡領彭澤晉陽和城天水隋書志

九江郡統縣二湓城彭澤注平陳郡縣並廢置龍城縣

開皇十八年改名焉

江州尋陽郡注有湖口湓城二戍縣三第二曰彭澤唐書

志

唐武德五年安撫使李大亮置州於浩山下移彭澤附

郭縣又割彭澤之西為都昌東為樂城而統轄之八

年州廢省樂城入彭澤與都昌俱屬江州彭澤志

湖口五年已置

唐潯陽郡屬江南道領縣三注潯陽彭澤都昌南唐為

奉化軍節度置瑞昌湖口東流三縣通考

潯陽郡開寶八年降為軍事大觀三年升為郡建炎元

年升定江軍節度二年為江州路縣五第四曰湖口

石鐘山志 卷一 沿革 十一

宋史至元十二年置江東西宣撫司十三年改為江西大都

督府隸揚州行省十四年罷都督府升江州路隸龍

興行都元帥府後置行中書省江州直隸焉十六年

隸黃蘄等路宣慰司二十二年復隸行省領縣五第

四曰湖口元史

太祖辛丑年改為九江府領縣五第四曰湖口明史

國朝順治二年英王略地始入版圖明史

城垣

城垣

城垣後巨縣基山脊前跨金鐵二山左循虹橋港下月  
臺山逾下鐘頂延袤千丈明嘉靖三十七年知縣沈  
詔建鄒祭酒守益記崇禎九年知縣陳文德以沙壅  
城卑請於巡撫解學龍增高六尺

國朝順治二年焚圯知縣黃基昌重修康熙三年范  
之煥奉總督張朝璘巡撫董衛國檄大修乾隆八年  
知縣安纘祖動項修葺嗣奉文隨塌繕補費自千兩  
以下俱官捐道光以後城久不完又遭髮逆蹂躪輒  
石無存咸豐七年克復後曾文正公論奏湖口地方

石鐘山志

卷一 城垣

七

要緊宜城自捐錢八千串宮保彭公捐錢四千串餘  
皆民捐照舊重建山城改包月臺山周圍計六里通  
長一千五十三丈底寬一丈八尺面寬一丈四六尺  
不等高二丈至三丈三尺不等垛計八百三十五門  
七東曰迎春南曰振武北曰通濟西北曰觀瀾西南  
曰寅賓知縣林高岡嗣治前曰仰宸沈詔嗣仰宸右  
曰利涉咸豐九年重建城垣改寅賓曰澄清改利涉  
曰迴瀾改觀瀾曰成德又於迎春通濟二門各建月  
城仰宸門額石鐫江湖重鎮四字知縣喬鉢書詩一

聯於樓前曰山色圍官舍湖光上縣城後并燬今仍  
鐫仰宸門三字

堞口舊一千七百二十堞明崇禎九年知縣陳文德併  
二堞爲一堞以省防役

國朝康熙三年知縣范之煥減作每二丈一堞今約  
一丈一尺零爲一堞計八百三十五堞

更樓原名敵樓舊城僅五所明崇禎間本府同知楊學  
孔攝縣建二所知縣陳文德建二所其一建無考今  
計三十二所

石鐘山志

卷一 城垣

七

窩舖舊城每門四間知縣陳文德修今計七十間

卡房每門二間

礮臺五座一在月臺山一在東門山頂一在南門山頂

一在東門月城一在北門月城同治年間巡撫劉坤  
一奏請梅家洲武曲港添建五門礮臺各一座每座

洋礮五尊食子一百二十磅八十磅六十磅不等每

月初二十六兩期演放 光緒二年巡撫劉秉璋檄

令巡道沈保靖知府王延長用泰西法築大礮臺二

座

江西通志 謹案增設礮臺始奏者劉公坤一接辦者劉公秉璋非一人力也

城級皆麻石壘之每門俱十一二層不等東門上山級五十六層東門山頂跨澗級左右共三十層南門上山級一百五層舊城沿江四門有外級今改作礮岸城寶七一在仰宸門右考棚南龔開嶺北之溝水出此一在澄清門右龔開嶺南總鎮署西正街之溝水出此一在振武門總鎮署後街之溝水出此一在迴瀾門左考棚北成德嶺南之溝水出此一在成德門成德嶺北下之溝水出此一在迎春門成德嶺下正街之溝水出此一在通濟門墩頭北街下鐘山東之溝

石鐘山志

卷一

城垣

七

水出此

礮岸南自振武門東至迎春門無山處皆有之明嘉靖七年知縣徐欽始砌於仰宸門外三十七年知縣沈詔增砌沿江一帶礮岸加高外植榆柳以殺水勢後與出城步級皆沙泥淤平榆柳亦無存者國朝順治十九年山水衝激仰宸門露出石級數層未幾又淤咸豐八年修城沿江培砌如舊城濠城後踞高山前臨大江故無濠其南白山塌諸水繞城西下至長虹隄入江卽左偏濠也其東黃土嶺

諸水繞城北下至沙頭一作河入江卽右偏濠也

湖口縣自南唐設縣負山險無城明嘉靖初副使謝迪

既城彭澤遂及湖口度地計工知縣徐欽築未就三

十四年知縣林高岡設五門曰寅賓振武觀瀾通濟

迎春三十七年巡撫何遷巡按徐紳檄知縣沈詔自

下鐘山麓壘石奠基江西通志

兵制

南湖水師營初駐南湖舊明嘉靖四十一年移駐湖口

隸九江兵巡道所轄地方上自蘄黃南康下至安慶

石鐘山志

卷一

兵制

七

等處崇禎間郡城設游擊南湖營亦聽節制末年寇

盜充斥以湖口富江湖衝增副總兵駐城中營屯城

外又立八里江營為犄角

國朝順治二年五月英王委弁駐守歲餘置都司隸

九江鎮十六年海寇犯江南逼近彭澤知縣喬鉢議

增兵加銜巡撫張朝璘疏奏於康熙元年設游擊增

水軍爲南湖水師營兵額明四百八十四名順治間

九江設總鎮徹衛卒隸焉設兵二百八十名另募充

之康熙元年增水兵五百四十六名共八百二十六



名戰守各半二十一年裁戰兵三百九十三名守兵一百三十三名存兵四百名戰三守七三十四年又裁戰兵十三名實在戰兵一百七名守兵二百八十八名共三百八十七名乾隆四十八年將各官養廉名糧三十四名補復實兵刪除公費守糧十一名實額設官兵三百八十員名嘉慶二十年裁減養廉名糧三十四名實額存官兵三百四十六員名內都司一員駐防南湖營千總一員駐防大孤山汛左哨把總一員駐防彭澤右哨把總一員駐防湖口城守千總

石鐘山志

卷一 兵制

支

一員駐防八里江汛左哨把總一員駐防小孤汛汛右哨把總一員駐防蕭家嶺汛外委一員存城步戰兵七十八名守兵二百六十名同治七年曾文正公國藩彭宮保玉麟奏准設立長江水師湖口鎮徹舊南湖營僅留城守把總一員協防外委一員戰守兵四十名分鳳山嶺流芳市西洋橋流澌橋曹均橋五汛隸九江水師營改爲城守營守備管轄兵船順治初設虎船三十隻康熙元年增沙船三十隻六年改沙船二十隻爲虎船十三年奏調出征廢沙

船二隻虎船二十七隻二十二年額存沙船八隻虎船二十三隻其各水汛哨船共十七隻例係汛地所屬各縣承造動公歲修後裁沙船八隻額存虎船二十三隻增四水汛哨船共二十一隻今水營裁改陸營船廢

長江水師湖口鎮同治七年奏設總兵建署湖口縣城內龔開嶺左地近上石鐘山鎮轄五營分駐吳城饒州華陽安慶等處總兵座船三號副參游座船二號各營哨都司守備千把總外委各給座船一號總兵

石鐘山志

卷一 兵制

元

給座船外給督陣舢板二號每船額設守備哨官一員兵二十名內舵工兵一名頭工兵一名礮手兵二名槳手兵十六名又稿書二名書識六名添設衙署親兵十二名標下副將戰船四十三號參將戰船三十三號游擊戰船二十三號各用稿書二名書識四名除長龍督陣舢板不添飛划外每舢板一隻添設飛划一隻亦各添衙署親兵十二名凡專立之營皆以都司二員管駕長龍爲領哨用稿書一名書識二名其各散哨員弁均受約束左領哨專管本營錢糧

右領哨專管本營船礮軍裝及一切差遣巡查諸務其舳板之以守備充哨官者爲副領哨每守備率船十號用書識二名領哨除長龍戰船一號有兵外另給無兵之舳板船一號惟中營游擊續添戰船六號合前共戰船二十九號衙署設今縣署左側在上下兩鐘山之間所轄四哨除前哨汛地全屬德化縣外左右哨都司長龍船及無兵舳板均駐泊湖口縣城河後哨守備駐泊湖口縣龍潭其所轄各汛凡屬湖口境內者列左

石鐘山志

卷一

兵制

三

洋港汛左哨四隊把總駐

上石鐘山汛左哨五隊外委駐

大王廟汛右哨一隊千總駐

馬家灣汛右哨四隊把總駐

下石鐘山汛右哨五隊外委駐

梅家洲汛右哨七隊外委駐

柘磯汛後哨二隊把總駐

八里江汛後哨三隊把總駐

龍潭汛後哨五隊外委駐

謹案湖口險要久著

訓典已敬載編首函蓋羣言曾文正公以濱臨大江地當險要爲七省通衢三江門戶入疏蓋亦祇承有自也夫地非石鐘不險石鐘而非兩山相峙分扼江湖滙衝之水亦險而不要重其險要弗忘武功則形勢尚焉審形勢者沿革據形勢者城垣衛形勢者兵制皆連類書之以山志與邑乘相輔而能盡同之處若必囿於一格則惟專重名勝以軍志山能事而已究何裨益於世乎


石鐘山志

卷一

兵制

三

石鐘山志卷二



桐城方宗誠

校訂

善化胡傳釗

山水

石鐘山由岷衡發脈屬廬山東北支禹貢揚州之域皆

敷淺原也

禹貢淮海惟揚州彭蠡既豬陽鳥攸居彭蠡是江漢合處導漾水

石鐘山志

卷二 山水

南入於江東匯為彭蠡是也岷山之陽至於衡山過九江至於敷

淺原言衡山連延過九江接敷淺原地理志豫章歷陵縣南有傅易

山古文以為敷淺原

蔡傳敷淺原地志云豫章郡歷陵縣南有傅易山

古文以為敷淺原今江州德安縣傅易山也晁氏

以為在鄱陽者非是今按晁氏以鄱陽有傅易山

又有歷陵山為應地志歷陵縣之名然鄱陽漢舊

縣地不應又為歷陵縣山名偶同不足據也江州

德安雖為近之然所謂敷淺原者其山甚小而卑

亦未見其為在所表見者惟廬阜在大江彭蠡之

交最高且大宜所當紀志者而皆無考據恐山川

之名古今或異而傳者未必得其真也姑俟知者

夏允彝合註云敷淺原即廬阜也舊說以傅易山

當之山甚卑小且於江流無關廬阜最高大又當

江南北匯水口中有原田連亘人民錯居故有敷

淺原之名傅易正在其西南謂敷淺原之陽也敷

淺原之為廬阜審矣廬阜之巔禹嘗刻字其可辨

者曰洪荒漢子乃權知禹之施功於此也

石鐘山志

卷二 山水

李滢辯云按敷淺原出於禹貢其名最古考書經

註疏及漢書地理志皆以為即豫章歷陵縣傅易

山又水經云敷淺原在豫章歷陵縣西彭蠡澤在

豫章彭澤縣北一統志云傅易山古文謂敷淺原

也根盤三十里為德安一邑之鎮準此三說則敷

淺原似非廬山矣然考德安之傅易山甚小而卑

不足當匡廬之十一今觀禹貢所載言水則江淮

河漢濟泗彭蠡震澤言山則太行王屋碣石太華

岍岐岷衡皆名山大川為九州疏導所攸係茲言

導南條江漢之水為潛江水之經始不應舍其六  
者言其細者竊以大禹之時距洪荒未遠豫章諸  
郡之山川未有定名言敷淺原者即蔡傳所云岷  
山之脈其南一支度桂嶺北經袁筠之地連延過  
九江諸山之總名耳謂廬阜一帶并傳易諸山皆  
敷淺原則可謂敷淺原之非廬阜則不可蔡傳以  
廬阜在大江彭蠡之交最高且大宜所當紀志是  
明以廬阜為敷淺原而祇因無可考據傳疑未傳  
信也按南康舊志山南紫霄峯有敷淺原三大字

石鐘山志

卷二 山水

三

未詳何時刻石王忠文禱六老堂記廬山禹貢所  
謂敷淺原也李夢陽瀑布賦邇敷原之上疆其說  
固非無據者至鄭端簡曉古言遂確然以敷淺原  
為廬阜而雲間夏允彝合註又引大禹治水刻石  
為證而深辨漢唐註疏之非余於是編因詳載經  
文傳註并諸家之說以為廬阜最古之名出於禹  
貢者如此廬山志 高心夔記云或有問予者曰  
山相縣故夾湖而峙謂縣武山之石鐘亦聯廬山  
東北支可乎予轉問之曰東南諸山皆以為岷衡  
發脈然乎予曰然曰遠脈聯而近脈不聯乎若  
以為隔湖微論岷衡數千里中無不隔之理隔水

如金焦志何以載其脈自京峴至象山入江突起  
而為此山耶今論石鐘既有廬山東北分支至南  
湖等處與南湖背之距石鐘圖誌可據固非憑  
臆矣况乎茫茫元氣結而為山融而為水稽天而  
白者溟溟焉濕焉拔地而青者峩峩焉鬱鬱焉  
變幻離奇主之真宰水之源山且可導山之勢焉  
不能分者以起伏斷續皆有坤輿以載之脈自相  
聯也石鐘是廬山東北分支應無疑義子試以是  
說質之確明地理之人慎毋  
質之形家之以風水牟利者

謹案石鐘山既為廬山東北支度江相聯皆出  
自岷衡一脈明矣夏註以敷淺原為九江諸山  
之總名則以石鐘為不外敷淺原似非臆斷况  
所稱傳易山卑小於江流無關廬阜高大又當

石鐘山志

卷二 山水

四

江南北匯水口故有敷淺原之名石鐘既近廬  
山又以上石鐘當鄱湖出江之水以下石鐘當  
江湖匯流之水入於海關係禹功更大固不敢  
以石鐘定為敷淺原而以石鐘並廬阜一帶傳  
易諸山皆敷淺原誰曰不宜贅此謹俟後之君  
子論定焉

古南鄣山亦謂之天子都天子鄣又謂之靖廬山又謂  
之輔山又謂之康山

廬江出三天子都入江彭澤西一名天子都又曰

三天子鄒山在閩西山海經周武王時方輔先生與

李老聘跨白驢入山煉丹得道仙去惟廬存故名

廬山九微輔山即廬山也豫章志開寶中避宋太祖

祖諱更名康山郡國志廬山彭澤之山也雖非五嶽

之數穹隆嵯峨實峻極之名山也王彪之賦尋陽郡南

有廬山九江之鎮也臨彭蠡之澤接平郟之原孫放賦

山據江湖之會其脈來自衡山迤邐走東北三面阻江

其西乃大陸羣山所奔湊也其支南行三數十里盡

石鐘山志卷二山水

乎鄱湖之汜南康郡之所負也西南行者盡乎吳城

其東北行三數十里盡乎南湖背石鐘山其折而

西則盡乎湓浦湓浦屬德化湓浦之口距湖口下石鐘山九江郡之所居

也蜿蜒蟬連指列條敷綿亘垂五百里實溢城星渚

之奧區洪州諸郡下流之屏障廬山志牛頭山東

武山在湖口縣東五十里與廬山夾鄱湖而峙根

十餘里為西南最高之山上有芙蓉池廣敏許生蘆

雲出占雨故一名龍潭旁有白雲洞蒼翠如池畔有

環一竅中通明末僧贊虛建菴亭於洞內外

寶華寺相傳赤腳僧修煉於此江西通志山畔有龍頭石

懸出如龍張吻又兩石對立以夫妻名并有葛仙壇

其南濯纓谷近五柳鄉明方以智記云余既過湖赴

所謂濯纓谷也武山盤亘數十里時彭蠡之東濯纓

谷在武山之南其迤邐列為長阪林木鬱鬱烟火籠

原隰龍鱗衡宇對望相傳曰五柳鄉潘室世此乎居

馬五柳者言陶令之遺風也湖口實古彭澤地靖節

先生祠堂其東有滴水巖周從濂記云下臨深潭壁

如瀑霽後漸微如馬尾環瑤巖與谷週春游者呼之

立應其上當白雲滿塢天地一色鷄西有雞籠山雙

鳴林外犬吠空中不知身在塵世也

展翼勢黃山舊志作鳳山註度梧桐嶺馬迹嶺郡志

若出籠黃山即鳳山以形名度梧桐嶺馬迹嶺郡志

石鐘山志卷二山水

城山南有洞有奇酬山五峯疊秀山陰有響洞投

石如龍脊故名龍洞酬山石作金聲良久乃已又有

虎豹洞乘燭入游曲屈如閣道窈窕連峯如此山

然而深水聲洶涌人莫測其所止

自東來連接石鐘之脈也

庶山在湖口縣南五十里由彭澤瀉油嶺入境亘十餘

里鵝公凸英峯尖高入雲表劍山雙峯如劍與都昌

分水為界上老臺山亦都湖交界處小鳳山去古彭

澤三里許有淵明故址由石牛山嶺不甚高而怪石

後清流回屏風山峭壁涌起下有石東石山湖旁有

大孤山在彭蠡湖中此山自南來連接石鐘之脈也

朋脈嶺以西北諸山脈所由朋出而名極山之勝有石門山對峙如門雙石可坐千人懸流數丈郡志廣輿記並繫湖口而文獻輿地考注入彭澤者蓋以湖口本彭澤分地未加辨析耳水經云彭蠡之口有石鐘山鄴道元以為下臨深潭微風鼓浪水石相搏響若洪鐘相傳山之得名以此

石鐘山在湖口縣有二縣治南為上鐘山縣治北為下鐘山距縣治各一里兩巖相對壁立數百仞江西通志

石鐘山志

卷二 山水

七

九江郡在十里

唐時李渤石鐘山記曰彭蠡之口有石鐘山焉鄴元以為下臨深潭微風鼓浪水石相搏響若洪鐘因受其稱有幽棲者尋綸東湖沿瀾窮此遂躋崖穿洞訪其遺蹤次於南隅忽遇雙石欹枕潭際影淪波中詢諸水濱迺曰石鐘也有銅鐵之異焉扣而聆之南聲函胡北聲清越枹止響騰餘韻徐歇若非澤滋其山涵其英聯氣凝質發為至靈則安能產茲奇石乎乃知山仍石名舊矣如善長之

論則瀕流庶峯皆可以斯名貫之聊刊前謬留遺

將來逮宋元豐七年六月丁丑蘇文忠軾自齊安舟行送長子邁將赴饒之德興尉至湖口得觀所謂石鐘者寺僧使小童持斧於亂石間擇其一二扣之硃硃然笑而不信至夜月明獨與邁乘小舟至絕壁下聽大聲發於水上噌吰如鐘鼓不絕徐而察之則山下皆石穴罅波入涵澹澎湃而為此舟迴至兩山間將入港口有大石當中流可坐百人空中多竅與風水吞吐有窾坎鏗鞳之聲與噌

石鐘山志

卷二 山水

八

吰者相應如樂作謂邁曰噌吰者周景王之無射也窾坎鏗鞳者魏獻子之歌鐘也因歎鄴元之簡笑李渤之陋而記之乾道間周文忠必大泛舟至湖口過上鐘石見其中一石高四尺扣之硃硃然至下鐘石亦有一石闊丈餘可扣擊他石否以李渤所謂南聲北音未為無據則所說不陋李渤而亦不非蘇公也明學使李齡登舟至北鐘山風怒浪急舟不能熾乃上觀音閣小軒聆之誠噌吰如洪鐘然餘石無此聲次日詣南鐘山山下亦有閣

臨大江前石壁如北鐘山寮南北諸石下俱穴竅  
風水搏之皆能有聲何獨此石以鐘名蓋諸石負  
土而側立下虛而背實故其音濁惟此石突然特  
出於水中中空而下虛故其音如洪鐘焉李渤乃  
欲以斧斤考擊而辨其清濁則疏矣且疑蘇公當  
時所游乃港口遇恐即回未到南北鐘山則所說  
仍陋李渤且以蘇公之說爲未盡也李文正東陽  
之辭曰夫山之偶見名兮紛不出乎一口豈形聲  
之可拘兮蓋旁觀而博取苟聖賢之所爲兮安知  
不出乎牧叟與樵童彼固知歌鐘無射其何物兮  
又焉用夫鏜鞳與噌吰矧坡仙之所陋兮鏜考擊  
其猶在豈不可乎爲名兮彼渤也其何罪是辭竟  
以蘇公之陋李渤爲非矣而羅文莊洪先謂山皆  
若鐘形音固由窾以出苟實其中亦復喑然故鐘  
之制甬則震弁則鬱是石鐘者中虛外窾虛者大  
窾者小故出之有餘而應且遠蔡公士英亦謂山  
體上鏡而下廣形如覆鐘扣山之石有金聲審是  
兩說皆主聲而兼主形理近似已而未也

石鐘山志

卷二 山水

九

石鐘洞在下鐘巖洞門瀕江湖落門闕內有小山數體  
石峽子洞旁岐甚多游者所見各異周公必大記云  
巖洞間多熙豐崇觀以來士大夫題字因履經兵咸劫無存  
豐戊午仲冬月彭宮保玉麟吳公坤修曾入游  
彭公石鐘洞序曰洞濱江倚湖冬潮落則門出焉  
透漏玲瓏莫可言狀蜿蜒行劣崩如龍枯蛤滿峭  
壁儼然鱗甲左右旁通上下數疊曲折寬敞可容  
千人最上層燭而登平坦溫煖老蝠如扇石峽有  
子洞蛇而入復高度三人可坐丹房二字題於壁  
石鐘山志 卷二 山水 十

旁岐多小詩均新奇可喜如我來醉臥三千年且  
喜塵世無人識又如小憩千年人不識桃花春漲  
洞門關等句大約皆曩時游人狡獪之作墨色黯  
淡惜無年代可考蓋全山皆空如鐘覆地而上鐘  
山亦中空洞且山勢上鏡下寬似宜以形論不  
以聲論蘇子所謂窾坎鏜鞳噌吰如樂作者乃過  
其門未入其室也天下水中山多矣凡有罅竇風  
水相遭皆有噌吰鏜鞳之聲風愈激而聲愈洪不  
獨此山爲然至酈子所論南聲北音更不能無疑

子不敏不學非敢妄議古人不過親歷其境身經目覩而以形象意度之故敘以待考古君子云爾時在咸豐戊午仲冬月越歲庚申曾文正國藩舟過湖口眺石鐘記有曰石鐘山者山中空形如鐘東坡歎李渤之陋不知坡亦陋也据此說也則石鐘之應以形斷無疑義焉

洞內曲折左旋由歧徑側身偃入行數十武微漏天光紆迴過石峽一帶奇葩異草莫名其狀見泥印大人跡數處再進忽暗以火燭之至一處有天然石屋三

石鐘山志

卷二

山水

十一

間中厥若廳左一間羊豕蹄甲禽鳥翅爪狼籍滿地右則淨無纖塵上懸白石棺一具以鄣鑄穿繫石窟棺蓋亦白石者另懸於傍石壁有字畧可辨識者赤脚僧年修行於此八字年字上有幾字湮滅赤脚僧名覺顯湖口人始修行於武山白雲洞有舊志可案此洞即是耶俟考詩云借騎白鹿出廬山自笑心閒身未閒跳足難尋乾淨土紅塵游徧十年還殆仙蹟耶丁相郁遊洞有詩紀異詩見錄倒石巖卽世所稱觀音巖面江壁立山裂忽見觀音像又裂見唵嘛呢叭咪哄六字

崔謨題倒石巖序曰倒石巖卽世所稱觀音巖者半壁臨江惟舟楫可度故老云前明成化間此山忽裂觀音石像見焉建閣祀之因名蓋事屬不經未敢信也乾隆丁卯春閱南石裂如初石隙中復見唵嘛呢叭咪哄六字字橫豎八寸許筆畫精工鑄亦古勁予卒聞而趨視之信矣則所傳觀音像事亦似可徵予惟有天地卽有山川佛則後起者也至梵語漢書更屬不倫或曰土孕石胎隨世轉移其亦理或有然者歟詩見錄

石鐘山志

卷二

山水

十三

穿雲洞在山麓入可數十丈由東大石出卽蘇公所稱可坐百人之處同治庚午曾文正公入游有記養真洞在九王廟內觀音閣之下樂德舍臨江峻石迴合中平如堂後有石穴碎石灣在江干路最陡峻懸巖洞俗呼人不到處魯般洞沈志巖間有橫木俗傳爲魯般尺今失去濟巖洞在魯般洞下白雲洞在聆音臺時有白雲靄覆或赤脚僧修行之白



雲洞卽此處

柳石在觀音樓石叩之作柳鳴

烏龍石在巖底水涸可見鱗甲宛然

觀瀾石窾空玲瓏後爲木簪所仆

獅子石以形名

涼繖洞在獅子石畔

英雄石如人獨立中流遠觀逼肖上鑿有字剝蝕不可

辨

花尖山名了髻東西二峯秀若芙蓉湖口八景之一在

石鐘山志

卷二

山水

七

石鐘東江公忠義精捷營李公榕鈞字營同治二年

進兵分剿退賊處

梅嶺一曰沙灣南沂江蜿蜒以結湖口縣治在石鐘背

陪湖山由三疊過三口市綿亘十里 三口市亦曰三

家市宋時水滸寇橫此亦荏苒淵藪

大嶺城東通鄉大路湖口人孫汝顏建亭憩行者乾隆

十九年僧妙然取石修路培亭人甚便之

小嶺由陪湖北折連起雙峯至此陡峻逾於大嶺上有

輒砌圍門城南通鄉大路

黃土嶺在大小二嶺之中李公元度率平江營咸豐五

年由此進兵焚賊卡房望樓七所入湖口舊城平賊

壘二座燬其火藥礮糧等局

馬房嶺前卽縣基山咸豐五年羅忠節公澤南督師勝

賊處

縣基山由小嶺峽轟起雙翼舒張琴洲爲案縣治原駐

此古鄆陽鎮也舊志作太虛亭山下有洗石澗右爲

文峯峯後有白茶塢今其下爲學宮

月臺山狀如半月有梅鼎墓今其下爲縣署咸豐三年

石鐘山志

卷二

山水

古

粵匪踞石鐘兼築月臺石壘壘迹猶存 康娥井在

其下元末蘄州康茂才鄉兵捍寇其妹迫寇投井死

井今堙

金山在上鐘南俗傳麓出砂如金今俗呼關王嶺嶺有

武廟康熙元年生員葉茹萼建受虛閣後圯乾隆三

十二年知縣許萬玠於上鐘寺撥水田一石以爲關

廟香燈之費

鐵屏山在縣署左考棚前橫亘百步如屏元至正間楊

宗泰爲湖口巡檢會陳友諒造僞都於江州索磚石

急乃自投鐵屏窰中而斃湖口人祀爲鐵屏神 有

烈婦某氏郡之德化人夫爲樵關隸關徙從其夫儼

居於湖口鐵山之麓夫以事他出夜失火烈婦驚起

火闔門矣挾後戶出抵山有石壘不得上或援之不

聽援者曰火勢迫不急上及矣烈婦曰男女授受不

親死吾命也遂以死惜失其氏周偉傳立傳

龔開嶺連上鐘巖在湖口城內嶺左建湖口總鎮署

鐘子磯灣名馬家灣來源紆迴宋狀元馬適之祖良俊

卜居焉相傳爲韓成代明太祖死處湖口沈志在馬家渡陳志即馬

石鐘山志 卷二 山水 五

狀元其處有插劍泉相傳明太祖插劍於此現爲鎮

標中營水師汎地

幞頭山以形名昔馬狀元祖墓葬此識言沙洲圓出狀

元至是邑前洲忽圓果驗

馬鞍山俗名海清寺山在上鐘南

嵩一作壽山有五嶽殿在上鐘南饒臺宰黃梅多惠政

既歸喜施予一日其妻晨沐失金銀疑婢竊婢懼逃

匿城隍廟夜聞呵殿聲有吏白嵩壽山嶽神來會城

隍延入序禮畢神愀然曰明夕左逆屠城如生靈何

曰此天數也問座下有生人氣曰此饒鄉宦婢因其

主母晨沐失銀傾水於地雞吞未覺懼責逃此耳天

明婢歸述宰難得銀臺挈家出城次日左逆至闔城

受害惟饒氏獨全順治二年事也夢窗詩話

旂山在嵩壽山前營署原在其下明太祖與陳友諒相

拒南湖背友諒作浮橋渡師時慶戰湖中忽見山巔

衣黃者持旂麾之而浮橋遂解因名旂山郡志

楊港初志楊氏居此故名發源陪湖山北距下鐘南康

熙五十七年巡撫白潢開濬外建草壩捍濤泊舟遂

石鐘山志 卷二 山水 六

成鬪市雍正二年關移九江壩市俱廢今爲水師汎

地

武昌港即楊港萬承蒼有濬武昌港記今於同治十年巡撫劉坤

一奏請以泰西法建礮臺一座光緒二年竣工派陸

營紮守每月按期併梅家洲礮臺輪演洋礮

三獅山在楊港北二里三峯臨江狀如獅子其處爲柘

磯即大磯山舊遞運所在其側咸豐三年粵匪依據獅子

山連紮數壘

灰山有韓成廟彭宮保玉麟以水師結方陣破賊出險

處

小尖山一名仙人尖秀拔雲表

虎踞山以形名

崇福山在柘磯右石脈另開肖鐘巖一名小鐘石

石門山在湖口縣治南兩崖對聳如門當兩石垂流數

丈有石可坐千人

江西通志

大磯山在湖口縣北五里屹立江邊

江西通志

柘磯即大磯山又名沙山在虎踞山前峯巒連衍咸豐

五年粵匪設柵於此經平江營燬之今為水師汛地

石鐘山志

卷二

山水

七

有龍泉古井今淤 柘磯渡在楊林頭

屏風山峭壁涌起曾文正公大營昔駐此

石紋山以龜紋石名在崇福山前明大學士葉向高更

名石亭山

丁仙澗山石有趾迹俗傳丁仙游此在石山北五里

龍潭山上有龍潭樹木蔚蔚湖口舊志云時有小龍游

泳取之則逝今水師置汛於此

南湖背距上鐘係廬山東北支明太祖征陳友諒作浮

橋渡師於南湖背又樹柵以遏奔衝今柵木為沙所

壅

國朝猶見其杪郡志 山巔有繫馬椿傳為明太祖故

蹟 湛桂妻失其姓姓為南湖背巡檢司吏明正德

七年流賊執其妻及女欲污之二人厲聲罵賊不絕

口俱被支解而死並祠祀烈女傳

營署原在南湖背今水師置汛於此

將軍套在南湖背漁人辦課處

蟹口井在今學宮蓮池側相傳郭璞以地形如蟹鑿井

為口又有蟹眼井並列泮池後

石鐘山志

卷二

山水

六

孝感井相傳有孝子者母病渴思井泉時旱枯孝子乃

撫井日夜號哭泉遂迸出奉母飲之病愈人以為孝

感所致因名

三汲泉在上鐘南考棚左舊名飛錫嘉靖四十三年教

諭黃卷更名洗心隆慶五年教諭沈序訓導高詠呂

誠更名三台建碑天啟元年訓導胡景更名三汲建

石坊表之坊後圯 南唐天福二年釋道簡建真如

寺乏水以錫杖鑿石導之泉遂湧出因名飛錫泉湖志

冷水泉在榔頭山下瑩如水鑑味甘不竭縣志

有飛錫泉唐僧道簡遺蹟後寺改儒學名三汲泉江西志

通志

石下龍潭在石牛山下有石覆其上五六月間天將雨

即有片雲出其中土人以爲雨候

君子泉在石鐘東大城山北知縣郭承緒飲此因名

醴泉在石鐘東酬山下味甘如醴上有醴泉亭

桂枝源在石鐘東堅山下夏涼冬溫煮之香甜

混原泉在石鐘東大城山麓張昂墳前泉涌成渠歲旱

廣資灌溉

石鐘山志

卷二

山水

九

白虎塘在山南水漲可泊舟

文昌汛在白虎塘下初名射蛟浦漢武帝元封五年南

巡望祀虞帝於九嶷登祀潛之天柱山自尋陽浮江

親射蛟江中獲之疑卽此地漢書郊祀志江西通志

黃牛汛卽文昌汛晉永嘉中許眞君遜因蛟精變爲牛

臥於沙磧翳紙化黑牛與鬪俟其戰酣斬左股湖口

人立玉壺祠祀之神仙通鑑

虹橋港距上鐘宋檀道濟屢敗魏軍彭城王義康等忌

其威名收之道濟脫噴投地曰乃壤爾萬里長城旣

斬其尸沂江逆上至湖口虹橋港土人撈起無頭搜

其身誥命可識則檀將軍也乃以麵粉一斛爲之頭

尙小不稱其體葬小鳳山詩話道濟宋元嘉中拜征

南大將軍江州刺史還鎮有鳥似鶴集船上悲鳴及

被殺人思之歌曰可憐白符郡志符鳩枉殺檀江州

湖口明萬曆丙子許汝魁鄒銘孫光祚試畢同舟歸

阻風至虹橋港忽報同膺鄉薦孫聞喜極躍岸墮水

死夢窗詩話

栢港後名栢磯塘內有龍聚潭水漲可泊舟源發七里

石鐘山志

卷二

山水

十

衝入江

涇一作江明太祖射陳友諒貫睛及顛處涇江套在

石鐘西北宿松桐城圍外水漲通江水涸則爲小港

明太祖戰陳友諒處湖口志禁江在湖口縣西北一名

涇江亦曰涇港又稱禁江套上通大江下接小孤至

冬水涸成池乃魚蝦所聚之處江西通志

勞家渡同治五年賊竄此處出奇兵撲營

五里橋賊昔分股設伏處

豫章口輿地考注云豫章屬南昌豫章口卽湖口距上鐘晉何無忌握節殉

難處

梅家洲在石鐘對岸康熙九年冬冰合可通行人其旁

有馱鵝洲

江西通志

咸豐四年粵匪以湖口舊城磚石移

砌偽城胡文忠公林翼等陸軍在此力戰彭宮保督

水師斬斷橫江鐵鎖毀之光緒二年用泰西法築竣

礮臺一座今為水師汛地

大王廟洲在石鐘對岸今為水師汛地

溢浦口

與地考注云溢浦屬德化溢浦口即湖口

下十餘里即八里江

八里江距下鐘巖前明以湖口當江湖衝增副總兵駐

石鐘山志

卷二

山水

三

城屯營城外立八里江營為犄角現設長江水師該

處為水師汛地 咸豐五年賊設偽關一座護以堅

壘李公元度剿平之

桑落洲

圖經云九江始於鄂陵終於桑落洲縣志以桑落洲在山前八里江

距八里江晉

劉毅戰盧循敗績處

扁擔夾在梅家洲初四時不涸可泊舟後淤

郭家洲在梅家洲下嘉慶以前兩次出火然薪可炊

蘇官

觀渡水一發源鳳山嶺經曹均橋一發源梧桐嶺

經馬影橋匯此入彭蠡 昔李公元度率勇築隄著

水環濠駐營於此

流漸橋附近蘇官渡昔平江營焚賊火藥船處

文橋昔李忠武公績賓留軍勝賊處嗣逆酋堅踞七壘

精捷等營平之

屏風湖因山障如屏得名湖長十里闊五里可泊舟納

小桂港水入彭蠡

阜湖中有巨石色黑故名長十餘里闊三里口有大池

魚多且肥水落取之甚易老臺山北橫山南水逆流

十餘里合屏風湖水入彭蠡

石鐘山志

卷二

山水

三

白洋湖浪滾如碧玉在阜湖北長十里闊三里合西倉

勞渡兩湖同納橫山北城山南暨鳳山朋脈嶺諸水

入彭蠡

黃茅潭舊名黃家泊有魚課後編入里甲代納在縣北

長八九里闊四里納梅嶺東水入江 范志曰湖口諸山發脈東南沿

江派流盡於西北故水之循山而行者源遠流長數

匯大澤其背山而行者蓄少洩易難一黃茅潭也

洋橋港源發廬山南至都昌徐家埠入彭蠡

牛脚湖源發石山至郭家口入江 石板橋港源發楊山至彭澤時家渡入江

馬埠橋港源發朋脈嶺至彭澤方湖入江

大孤山亦作大姑山形如鞵山本德化縣界而在彭蠡

湖之中登上鐘山望若咫尺 大孤山屹立湖中形

如鞵又名鞵山高數十丈大禹嘗刻石紀功有乞食

烏嘗逐客舟行舟人搏飯投之即接食高下不失明

嘉靖間建塔其上今人以大孤為鞵山以立廟之山

為大孤者誤江西通志大孤山塔初低小中實南昌熊明

遇高大之虛其中

國朝安世鼎重建湖口志唐李德裕賦並序余剖

石鐘山志

卷二

山水

三

里無波照大孤於中流昇旭日於匡阜不因左官豈

送斯遊謝康樂尤好山水嘗居此地竟闕詞賦其故

何哉彼孤嶼亂流非可倚匹因為小賦以寄友朋

川瀆賦道人心所惡必有窅石禦其橫驚勢莫壯於

灑瀨氣莫雄於砥柱惟孤之角立掩二山而榮壁

高標九派之衝以捍百川之注耽若虎視蚡如龍據

靡搖巨浪神明之所扶不倚羣山上元之所因必迤

邐而何多信疑然而有數念前世之獨立知君子之

難遇如介石者袁楊制橫流者李杜觀其側秀靈草

乍遊疑水仙之或駐嗟瀛洲之方丈蓋髮髯如煙霧

疎神菴而曉旋逐風濤而沿派未若根連坤軸於古

而長存迹寄夜川負之而不去

雖思曳之復生焉能移其咫尺

小孤山亦作小姑山在彭澤縣北五里許與下鐘山形

勢相聯壁立大江之中一名髻山取其形似髻也江

側有澎浪磯與山對峙俗謬為彭郎江西通志宋王十

朋序云湖口羅家渡中流見孤山世俗以孤為姑以

澎浪為彭郎遂有小姑嫁彭郎之語蘇東坡戲見於

詩鄱陽有童子渡渡頭有小山如冢世傳為九女冢

見於經圖其事甚怪蓋亦世俗留傳之謬遂以二渡

所見戲成一詩曰鄱陽古渡留遺冢湖口煙鬟雲淡

粧九女何由從童子兩姑那肯嫁彭郎 歸田錄云

江西有大小孤山在江水中巖然獨立而世俗傳孤

為姑江側有一石磯謂之澎浪磯遂傳為彭郎磯云

石鐘山志

卷二

山水

三

彭郎者小姑婿也嘗過小姑廟像乃一婦人而額敕

為聖母廟豈止俚俗之謬哉 同治七年九月彭宮

保玉麟以攻克湖口得勝之師奪小姑復彭澤軍中

凱歌有書生笑牽戰船來江上旌旗耀日開十萬貔

貅齊奏凱彭郎取得小姑回之句膾炙人口光緒壬

午秋胡傳劍偕彭澤令羅廣煦游小姑得聯句云砥

柱挽狂瀾羨續遺千秋名艷小姑傳凱唱山城鄰勝

境愧祿糜五斗品殊陶令峙清流上聯係用彭郎取

小姑韻事又放眼蓬瀛小置身天地孤蓋自慨也

大江自德化縣東北界入境爲八里江經柘磯出入甚

急雜石磯俗名糟把石磯大菱石磯一名龍王土磯

香爐墩前俗呼小石磯下石背磯入彭澤縣界

潯陽江在德化縣西北亦名九江自湖北興國州

界流入瑞昌縣界又東繞府城歷德化縣境至湖

口縣合鄱陽湖水又東北至彭澤縣入安徽望江

東流二縣界潯陽記云九江之名一曰烏江二曰

蚌江三曰烏白江四曰嘉靡江五曰畎江六曰源

江七曰廩江八曰提江九曰箇江朱子謂禹貢九

石鐘山志

卷二 山水

三

江荊州域與今之府境無涉故但志潯陽而不列

九江江西通志

彭蠡湖在石鐘南一名鄱陽湖別名宮一作亭湖水自

都昌土目河入境與大江會經屏風磯老鴉磯鐘子

磯至上鐘磯其處水漲有隱石舊豎下鐘磯水勢甚

患與大江會湖口志

鄱水發源江南祁門環中合大共山之霄溪禾戌

嶺之柏溪湖闊四十里袤三百里南跨南昌西接

南康東抵饒州盡滙諸江之水古稱彭蠡一名宮

亭一名揚瀾近都昌者爲左蠡湖近湖口者爲土

目湖北爲阜湖白洋湖又北爲西倉湖勞渡湖爲

白虎塘皆在鞞山亦名大上下由湖口出大江此

豫章水殊源同歸之大概也瑞昌蘆泉石旁大瓊

梅溪白龍諸泉瀟爲赤湖流爲漢溪東流經九江

城西入龍開河東通潞浦港白樂天聽商婦琵琶

處南通濂溪港宋儒周公所寓也東流入潯陽

江湖口沙頭港發源黃土嶺接沙頭河入大江沙

頭一名麒麟河係明萬曆中增設湖口關稅商舟

石鐘山志

卷二 山水

美

往來所泊易以嘉名如楊港曰武昌港黃牛泖曰

文昌泖老鴉磯曰鳳凰磯之類是也江西通志

石鐘山志卷三

芷江李成謀

蒐輯

益陽丁義方

桐城方宗誠

善化胡傳釗

校訂

建置

昭忠祠在下鐘山頂咸豐八年

勅建前廡祀蕭節愍公捷三殉戰官弁後廡祀楚

軍水師士卒曾文正公國藩彭宮保玉麟均有記同

石鐘山志

卷三 建置

治十一年二月文正薨於兩江節署越明年奉文以

前廡正中崇祀文正徙節愍於傍前廡先有曾公書

長鳴今古英雄恨崇祠彰戰績永奠湖湘子弟魂彭

公書聯云忠臣魄烈士魂英雄氣名賢手筆蒼陸心

賜合古今天地之精靈同此一山結東委水烟滄浦

月濤江濤巨壑濤布馬當斜陽極南北東西之勝景

全憑兩眼收來又古來征戰幾人回想當年城覆金

歐州橫鏡鎖江流石不轉實我我心祇今劫滿紅羊

極目蒼桑餘感慨日暮鄉關何處是聽此地鐘撞鐘

鞞淚激噴吹鳥鳴山更幽欣瞻廟貌特願靈屯白馬

氣壯山河又湘水長流涵義澤浮陽忠魂李制軍聲又

萬地斜陽留戰血一天明月照忠魂李制軍聲又

長墮淚痛干戈未定將軍且莫破愁顏揚制軍岳斌

聯云衡嶽七十有二峯精氣凝靈存肩大道祇見得

石鐘山志

卷三 建置

靈岳秀留人間此地一瓣心香黃鎮軍開榜聯云天

看滾滾銀濤似雪淘盡萬古英雄程鎮軍文炳聯云

浩氣鬱乎巖壘莽乾坤忠魂耿耿耿精一更鐘

大聲發於水上塵世界愚夫愚婦茫茫夢破五更鐘

屹立氣作山河壯本朝成軍門發翹聯云聽石山鐘

起打碎雄心侍中血將軍頭掛一身鐵骨銅筋留得

芳名仁智勇當湖口峯迴永垂廟貌閣凌煙碑墮淚

盼千里吳江楚水指點忠魂歸去來李軍門占椿聯

城破降解甲秦奇功江流應漢英雄恨人才綜范韓

姚任欽色留爭日名儒是真名臣是眞名將相生申肩

嶽鍾靈義組一堂堂節懷千秋浩劫今日對湖山

話舊憶干戈滿地我經百戰回魂李觀察春藻聯

丞相祠堂半天下喜石鐘井祀永令廟貌重彭湖何

名垂竹帛動著鼎鐘百世綱常傳赫奕人生三萬六

千日流光迅轉眼收場何若是義重山河神靈眷

漢今廟祀石鐘遠烈不隨章水逝將星臨翼軫豈特

祇高銅柱國殤終一竟聚將南楚英魂周閣學修昌

百戰孤魂盡壯士一去天地哀周閣學修昌聯云孤

同百戰死共一龕聚將南楚英魂周閣學修昌聯云

浪湧重湖風號萬壑將南楚英魂周閣學修昌聯云

歌徐侍郎樹銘聯云萬軍犀艦縱衡水上截蛟龍

忠肝合鑲雙鐘石九重天鸞書慰恤雲中泣猥鶴華

表長歸五老松俊廉訪達聯云此地扼吳楚咽喉當

時感憤同仇百戰山河忠義諸君盡湖湘豪傑今

日馨香崇祀千秋俎豆望明恩王廉訪嵩齡聯云祠

宇永春秋毅魄能伸金鼓氣江湖浮日夜悲風長咽

石鐘聲蔡觀察錦青聯云巨山蠡水今猶昔龍吟忠

魂死亦生楊觀察昇聯云江流正座上諸公連環血

戰山色望九州分甚楚尾吳頭大都是湖雋湘清衡

衡



石鐘山志 卷三 建置

觀察敦五聯云人傑由地靈聽衡陽石鼓嶽水石鐘  
 存沒聲名彌宇宙成功豈天幸歎射虎賁魂招虎  
 穴古今組豆承春秋知府駱敏修聯云強兵動鬼神  
 百戰湖山銷劫運大名垂宇宙與將相讓元勳李  
 維翰聯云印壑快登臨把酒憑欄縱談今夕坡老品  
 題而後問慷慨悲歌勝地誰爲風月主江山固與廢  
 揚猶作鼓聲聲將張瑞麟聯云獨力挽乾坤看入  
 恢相業出建侯封共仰明良守一德中流當砥柱較  
 唐復兩京宋平西夏競推勳勳遺千秋謝濟奮聯云  
 天地有正氣合張睢陽顏常山舌橋侍中血嚴將  
 軍頭大節景前賢更慘功成枯萬骨今古幾完人獨  
 嶽雲毓秀湘水鍾靈盧瀑爲霖石鐘銘績壯猷重元  
 老詎求勇退卸雙肩游擊田明山聯云秋色西來明  
 月一輪照青史江聲東去怒濤萬里咽寒潮又三楚  
 萃英豪數十年血戰功成羨燕諸公扶正氣雙鐘鳴  
 晝夜千載洪濤響應獨勝地寄忠魂顏采喜聯  
 云總一朝人物正萬古綱常岳色蔥龍騰浩氣掃半

壁烽煙萬劫盡孤忠碧血瀑巖丹心貫日組軍柴陞  
 聯云乾坤萬劫盡孤忠碧血瀑巖丹心貫日組軍柴陞  
 秋留勝蹟鐘山不死蠡水長流都司彭開勝聯云鯨  
 吼震蒲牢追想英雄鏖血戰駿聲傳竹帛繫懷蘭芷  
 不磨正氣鐘山報響薦滄海沉爲古今特表奇勳  
 知州陳大源聯云元凱承華動聖代卽今多雨露  
 薛隨拳踞故鄉無此好湖山知縣孫慶恆聯云死而  
 有知取義成仁把臂定交柴市客祭也如在素車白  
 馬迎神共指廣陵潮韋恩霖聯云三千里外湖山逝  
 水如斯人去尙留新廟貌二百年餘劫運英風未泯  
 我來空拜故將軍蕭蕭玉春聯云百戰此湖山撐持半  
 壁東南丹心不朽千秋長廟貌焜耀雙鐘上下碧血  
 常新岑連乙聯云鐘山分上下當年才子留題已有  
 文章驚海內鄱水別東西此日將軍奏績又遺風烈  
 鎮江千王承翼聯云眞英雄破敵捐軀義能取仁亦  
 能成望溢浦煙波渾然一團浩氣大經濟昭忠報國  
 身可無名不可朽看鐘山組豆偉哉千古奇動王文

石鐘山志 卷三 建置

碑聯云守土勝名山浪擊鐘鳴壯士已成千古登  
 障防巨寇風馳名響荷英靈來護三更程炳星聯云  
 塵夢喚鐘聲石頂壯吳楚中流鎖鑰恰收文都湖  
 雄事業瓊軒環石頂壯吳楚中流鎖鑰恰收文都湖  
 力捐軀纒得湖山無恙忠魂隆廟享到今日登堂致  
 祭依然井里相親孫汝霖聯云石鐘以天地爲壺動  
 銘千古砥柱作東南之鎮勝扼三江胡傳劍聯云莽  
 乾坤何處結因緣聽聲喧鐘轄三古成敗有用終推  
 夢好山水儘堪崇俎豆算劫厯古成敗有用終推  
 磊落才又枕戈待旦折戟沉沙爲弔昔賢悲骨肉射  
 虎當年化鳥此地獨慚今我願頭顱生員廖凌漢聯  
 云俯仰有名山天寬地闊激昂今遺烈耀沙場祀永古  
 總毛宗翰聯云人須震古鏘今遺烈耀沙場祀永古  
 今存氣節地有高山水知音會靈願願沙場祀永古  
 因緣義方聯云障東南半壁搗上下雙鐘馬革矢忠  
 誠不負二百年來養士聚川嶽羣英肅春秋兩祀羊  
 頭眞夢幻何如數千里外歸魂又碧血長埋歌楚些

招魂芳草淒迷山鬼笑丹心未泯聽靈胥雪憤空江  
 激盪石鐘鳴後廡彭公書聯云獎恤原有等差總藉  
 茲軫念英靈常昭祀典節義無分賈賤最重是致身  
 君國承表忠忱梁作楫聯云接踵聚英魂足令楚尾  
 吳頭山川生色以身殉國難信足忠肝義膽日月爭  
 光鄧萬林聯云百戰輝旌旗應觀河山增感慨丹心  
 炳日月休將成敗論英雄賀秉鈞聯云忠義千秋傳  
 竹帛馨香一瓣薦湖山知縣劉長景聯云一覽眾山  
 小羨區區地衡嶽極天更得雙鐘銘銘偉烈高唱  
 大江東想流水知音迴闕奏曲空餘萬籟助悲聲

上諭亭原在通濟門內孝感坊

國朝乾隆五年知縣趙作霖建前爲門外立木屏立  
 文武官員駐轎下馬碑二中爲亭朔望宣講後殿三  
 楹榜

上諭前為陞東西為朝房前後左右皆療以牆咸豐

四年逆燬十年彭宮保玉麟建亭於下鐘山麓立

上諭碑以地隘門殿暫未復明嘉靖間知縣沈詒

一在下鐘每所推一年高有德者為約正公直果斷

者為約長又二人為約副約史又四人為知約為約

於上下鐘寺以倡過簿一屆期呈有司行賞罰且親教

於矣國胡順治十九年知縣喬沐嘗行之然恐舉

者未必皆賢人心不能盡一則善過分載徒滋爭競

又旁搜博採往復周詳雖童子亦能領會且尊重約

正之選使仿沈法而稍為簡易免其登簿

屬以公忠於久道化成之治未必無補云

石鐘山志

卷三

建置

五

社稷壇初在下鐘山後元縣尹張士熙建明洪武間知

縣趙祥鄭元珍遞建成化二十三年知縣李嵩遷湖

口舊治南

節孝祠後名節烈貞祠雍正二年建於下鐘山麓乾隆

十八年知縣陶燮移建舊學宮右

厲壇明洪武二年知縣郝密建於下鐘山左宏治中知

縣汪明遷楊港西灣塘下

稅廠在下鐘山麓明嘉靖四十二年建隆慶元年撤萬

曆二十六年稅監李道重建尋火復建備極華侈四

十三年關移有司恐道再至為虐焚其正廳以內廳

為察院公館

國初設稅廠於利涉門外後圯康熙五十六年巡撫

白潢濬武曲港以泊商船港岸設廠徵稅後廢

石鐘義學在下鐘山江聲閣左地高爽豁人神智初居

佛像雍正二年知縣朱奇政徙像改建匾曰石鐘精

舍有記月錄聯曰在昔人才於此賞奇辨惑而今山

石也知逃墨歸儒乾隆六年知縣安繼祖移學城內

青雲樓其地無人典守遂圯

廖公講堂即大觀閣在下鐘山右明李材有大觀閣會

石鐘山志

卷三

建置

六

記月錄

查公講堂在下鐘山巔 梁公講堂即查公舊處均久

廢

成德書院在下鐘成德嶺即宋儒學址明嘉靖末同知

吳淞署縣建湖口人張科增號舍二段孟賢等捐貲

勸之後圯崇禎十年知縣陳文德重建正廳三楹號

舍四十餘間聯雲射圃成德書院之修復鄉紳葉初

春捐貲百金選貢吳孩存督修後俱廢咸豐十年籌

建於嶺左名曰舊成德書院前後四重計二十三間

石鐘山志

卷三

建置

七

又厨屋連樓八間康屋三間明張鑿記云湖之為邑亢而窄邑之營舍至無

以容集嘉靖甲子江州郡吳君來署邑務進諸生與之講論思為書院以廣之學論黃君卷曰成德嶺宋故學宮其最善者也蓋嶺邑之勝處下瞰澄江環薄秀渚臨吳楚江湖門闕巋然而前為匡廬五老諸峯君曰是其所遺也請於督學籍雲何公而以工屬聶令踰年君來視權又益之以帑羨惟時郡伯新安汪公雅意斯文協慮作興工遂成凡為制中棟外垣高廣若干延袤又若干君皆周旋學畫授之聶君而侍御張君壯君風義捐俸稅增號舍以贊厥美主政段君守帥魏君及學諭莊君欽止學訓華君天民柯君文洙又分俸以助率作勤工綜理周備其大者厚值以擴基豐饒以樂羣置役以相守太倉徐公至督學聞而嘉之以為振興士類隆慶改元春正月役竣聶令謀與莊君輩遣潘生廷璽方生以文顧子曰願名之且紀其巔末乃言曰以成德名可乎蓋士之異於凡民所志此爾表於鄉鳴德業於世以忠臣以孝

子所造成亦此爾二生相顧喜曰願終惠焉野人辭謝乃又曰國家之養士也以天下故天下視士如元氣命脈也然自昔孔門難之以為未見夫聖人設教豈徒峻絕如是哉蓋以難易之間存乎其人故又曰我欲仁斯仁至矣今千載而下顧名而思義登是堂為其事要其所至豈不有彬彬成德者出乎蓋子不致遠以為易而又不致終以為難也其又何如二生悚然感惕避席而謝請書之吳君滋嘉禾士以文行稱前牧靖州有廉惠聲聶君惟賢黃岡人以醇得民于子有鄰國之誼樂公盛舉合諸賢大夫之玉成而君於子有一日之雅是用述之以為多士勸隆慶元年歲丁卯三月吉

聯雲書院在僧官巷近下鐘僧會司故址明萬歷五年知縣陳啟明建後圯址被民侵崇禎十年知縣陳文德請復建

正廳三楹號舍四十間

國朝順治二年燬

陶桓公祠原在下鐘僧官巷後圯明嘉靖三十八年知縣沈詔復立又圯巷民砌石為小祠歲時祀之狀元

羅倫有記咸豐四年燬

陶靖節祠在石鐘月台山前舊學宮東偏元縣尹孫文震建久圯

震建久圯

國朝乾隆四十年重建立桓公靖節二木主咸豐四年燬湖口古彭澤鄉亦有靖節祠在三賢寺旁孫文震建學士吳澄有記後圯明初湖口人柳德昭

石鐘山志

卷三

建置

八

重建正德五年僧熊璽建佛堂三間附像祀之嘉靖三十八年知縣沈詔易木主後於寺後建洞塑靖節及陸修靜周續之像名三賢祠又圯國朝順治間僧一誠募建成豐四年燬現經眾姓捐建正堂三楹前堂三楹中間廂房二間餘待費未修

狄梁公祠在下鐘山觀音巖明景泰元年僧宗鑑建石亭成化十四年僧會海大修嘉靖三十八年知縣沈詔立木主祀之其上有白雲亭沈詔聯云紅日挾飛扶國計白雲遙指憶親心湖口范志謂公歸後邑民作亭取公望雲思親之意以寓去思古志則謂山中常有白雲故名

國朝順治初年燬今惟檀樹隴祠址尚存

表忠祠在下鐘成德嶺祀給諫鄒逢吉今廢

寶鐘寺在下鐘山麓原名下鐘觀音巖寺內即大佛殿

唐龍紀元年建宋嘉祐中僧佛印修元兵燬明洪武

中湖口人鄧道宗建萬厯中重修

國朝遜修咸豐三年燬九年重建制視舊增擴焉

地藏殿在大佛殿右乾隆辛丑年湖口人周仁栢重修

咸豐三年燬同治五年重建

觀音堂在大佛殿左李耀宇建乾隆辛丑年湖口人周

石鐘山志

卷三

建置

九

厚賦修咸豐三年燬同治五年重建連旣濟殿

天花宮在大佛殿左嘉慶甲戌年修咸豐三年燬

四王殿在大佛殿上乾隆甲子年建咸豐三年燬同治

五年湖口總兵丁義方率知縣梅毓翰倡修

東嶽行宮在下鐘山左迎春門外明萬厯十一年重建

國朝咸豐三年燬同治五年丁義方率梅毓翰倡修

起雲古剎即古龍華寺在大嶺下咸豐三年燬原有大

嶺雲亭橫跨嶺脊昔人謂時有紫雲層峯茂樹蒼翠

連天爲八景之一

石佛樓在下鐘巖有石佛三座唐時像樓廢像移地藏殿

大士閣原名聽石樓又名觀音樓順治二年兵燬十二

年巡撫蔡士英等捐建有記咸豐三年燬

金臺菴在下鐘巖上明萬厯中僧智愚建俯臨大江竹

逕盤曲爲鐘山絕勝處

國朝順治二年兵燬

九王廟在下鐘山麓唐建內有觀音閣下名穿雲洞又

有養真洞咸豐三年燬

石鐘山志

卷三

建置

淨心菴距石鐘五里順治間僧本源建乾隆初僧溪舟

修巡道李根雲題匾曰皓月禪心

祖師殿原在嵩壽山明嘉靖初建向旂山

國初兵燬順治十三年生員葉茹萼等改建下鐘山

咸豐三年燬

無相寺距石鐘柘磯下五里唐貞觀八年沈十二建無

相其法名也宋僧繼柴廓之時有二井出鹽並有寺

田明正統成化間僧印鑑海壽遞修宸濠之變寺燬

井湮崇禎間僧旦文改建

國朝嘉慶十一年僧得心重修咸豐四年燬同治二年僧松華復建

崇壽院廣福院均在石鐘山宋周文忠必大曾入游今燬

藍侯去思祠在下鐘麓明嘉靖十九年建

國朝順治二年兵燬

楊泗將軍廟在下鐘麓丁義方於同治年間倡營捐鼎建

三侯去思祠在下鐘寺後祀沈詔陳啟明張紀原今祠

石鐘山志

卷三

建置

十一

燬址廢

江聲閣即大觀閣址明萬厯間知縣廖汝恆建刻蘇子

遊石鐘山記於壁間崇禎末燬

國朝順治十二年知縣康永福都司孫承乾捐建至

十六年知縣喬鉢成之併建偏室數間手書江聲閣

額康熙年間樞使朝爾岱修今圮

懷蘇亭康熙四十七年朝爾岱建碑鐫蘇記乾隆間知

縣趙作霖修嘉慶間學使吳烜鐫游鐘山歌於壁今

圮

晴照亭在懷蘇亭右乾隆庚戌年湖口人潘啟瑞建周

厚輟取王陽明先生湖上羣山落照晴之句以名其

亭學使翁方綱手書蘇記泐碑併題今圮

山響樓喬鉢題額今圮

觀瀾軒明宏治中僧海壽建嘉靖中段氏修今圮

江山一覽亭明天順中僧宗鉉建今圮

聆音臺今圮

山嶺古塔明天啟初以術者言毀之

太虛亭在湖口舊治後山城上原名望江亭嘉靖中知

石鐘山志

卷三

建置

十一

縣沈詔建樓崇禎元年推官唐啟泰重建易名湖口

人秦崇文建書室於側後圮

瞻斗堂在萬松山西北隅明進士吳尙友讀書處艾東

鄉嘗講學於此今存遺址舉人吳法韶有詩見錄

古松林在嵩壽山嘉靖間凋盡崇禎末他木復茂咸豐

初經兵燹彭公舊松鋤種尙未成林

月波亭明崇禎間湛虛構於山隙

一百二松亭康熙十二年縣令楊大鯤建後圮

重湖閣宋蔣之奇有詩今失其處

卓然亭明崇禎元年唐啟泰建今圯

舟室魯之裕有詩今圯

稅監園李道垣山爲之亭榭壯麗百獸充牧又檻長虹

隄列異卉奇花後燬

栖賓亭唐湖口人李中白建皮日休記今圯

挹清亭宋知縣任伯厚建劉過有詩今圯

岳忠武廟在長虹隄明萬曆三十八年稅監李道建正

殿寢殿翼以兩廊門外立盡忠報國坊丹墀中鑄秦

檜鐵像後俱廢

石鐘山志

卷三 建置

三

國朝康熙五十四年督關舒琳五十六年雅圖遞修

咸豐四年逆燬同治九年義方暨知縣殷禮籌費重

建光緒四年義方率各營捐建戲臺

看煞費精神方做出一生忠孝際承平作樂願時開  
歌舞承奠此百戰湖山通志宦績錄宋史云岳飛  
字鵬舉相州湯陰人紹興元年張俊請飛同討李成  
成將馬進犯洪州連營西山飛曰賊貪而不慮後若  
以騎兵重鎧躍馬潛出賊右突其陣所部從之進大  
敗先鋒重鎧躍馬潛出賊右突其陣所部從之進大  
紅羅爲幟上刺岳字選騎二百隨幟而前賊易其少  
薄之伏發賊走飛使人呼曰不從賊者坐坐而降  
者八萬餘人進以餘卒奔成於南康飛夜引兵至朱  
家山又斬其將趙萬成問進敗自引兵十餘萬來飛  
與遇樓子莊大波成軍迫斬進成走斬州降偽齊相

人張用寇江西飛以書諭降遂平江淮俊奏飛功第

一州神武右軍副統制留洪州彈壓盜賊授親衛大

夫建州觀察使建寇范汝爲陷邵武江西安撫李回

棧飛分兵保建昌軍及撫州飛遣人以岳字幟植城

門賊望見兵保建昌軍及撫州飛遣人以岳字幟植城

萬餘慶討擒之升神武副軍都統制二年賊曹成攬

大破其黨萬由江西歷湖湘據道賀二州飛以討擊

州甫入境安撫李回檄飛捕劇賊馬友郝通劉忠李

通李宗亮張式皆平之三年春召赴行在江西宣諭

劉大中奏飛兵有紀律人特以安今赴行在恐盜復

起不果行時度吉盜連兵寇掠南安建昌諸郡帝乃

專命飛平之飛至虔州固石洞擒賊酋彭友餘酋據

洞自固洞高峻環水止一徑可入飛列騎山下令皆

持滿黎明遣死士疾馳登山賊眾亂棄山下騎兵

圍之賊窘降其諸郡餘賊亦以方略破降之初帝以

隆祐太后震驚之故密令飛屠虔城飛請誅首惡赦

脅從不許請至三四乃獲允人感其德繪像祠之徐

石鐘山志

卷三 建置

四

寇犯袁州飛遣將討平帝手書精忠岳飛字製旗以

賜授鎮南軍承宣使江南西路沿江制置使飛行師

有紀律道出廬陵士卒託宿市座黎明爲主

人汎埽門字洗滌釜釜而去其嚴肅如此

海清寺在上石鐘南原建於邑民李氏基明天啟間僧

明天擴之

國朝順治二年燬康熙六年巡撫董衛國捐建咸豐

三年燬

觀音龕在上鐘巖石間明萬曆間建

國朝順治中修康熙二年泰將王之任等增修咸豐

三年燬義方修復

上鐘寺唐咸通元年僧雪峯建名崇壽院宋隆興中改名觀音巖寺明宏治中邑民夏德改立於巖北之原國朝康熙中王之任等遞修咸豐三年燬同治四年重建

竹林菴在嵩壽山康熙間建成豐三年燬

天后宮五嶽殿準提閣玉皇殿東平王廟祖師殿斬將軍廟亦建嵩壽山併燬

報慈禪林供大佛前殿面石巖池注江流種蓮開時如

入兜羅綿世界宮保彭公聯云聽石鐘鐘塔即此便是靈山願我佛西來廣結無邊善果

石鐘山志

卷三

建置

五

苦幻海沉淪不必遠尋覺路看大江東去洵盡多少英雄知縣蕭玉春聯云真面在山中點頭細認三生石大聲發水上洗耳驚聞半夜鐘胡傳釗聯云稽首慈悲遙指白雲求佛蔭關心鐘塔願逢黃石授兵書

慈蔭閣在佛殿之上奇石崢嶸擅一山之勝彭公聯云行歎迷人縱轡登山到懸巖梅迤勒馬惹航原普渡願眾生回頭是岸向急流趁早收帆蕭玉春聯云翠竹繞招提恍入陀巖勝地清

鐘進士樓由石級登彭公聯云悟道參元福田香國明非佛非仙乃是終南進士顯出大威靈除魔除祟奉為天下神明

坡仙樓重鑄學使翁方綱手書蘇記於上更上一層可眺廬山彭公聯云石骨聳烽餘百戰河山增感慨鐘聲聽浪擊千秋名士有文章又開窗納宇宙

彭公聯云石骨聳烽餘百戰河山增感慨鐘聲聽浪擊千秋名士有文章又開窗納宇宙

把酒對湖山參將謝澹翁聯云詩腸酒膽俱豪今夕可談風月秋水長天一色故鄉無此湖山徐侍郎聯云小住即蓬壺更鶴侶雲傳跌宕平原十日酒重來訪泉壑記鷺汀烟渚蒼茫大澤五湖秋知府王延長聯云返照銜窗雲霞萬色迴峯入座金石千聲蕭玉春聯云好水好山客到此間攀石磴無風無浪我來何處聽鐘聲

船廳廠前楹旁有斗室一間廳左右修竹面臨大江正公聯云水寬山遠烟霞迥天澹雲開今古同彭公聯云擊筑且高歌舉杯狂醉彭湖月推窗聊寄傲橫

江雲臥有龍吟蔡觀察錦青聯云萬里長江流水滔滔歸北海五峯絕壁烟雲渺渺接南天知縣朱寬成聯云樓閣影參差十年人物英雄劫後有山供俯仰江湖流匯合一派天風雪浪秋來無處不鏗鈞蕭玉

石鐘山志

卷三

建置

六

春聯云地脈南來秀接衡陽石鼓江聲東去韻流蘇寺霜鐘烟波無際額彭公書

江天一覽亭在船廳前額書聽鐘聲處陟亭玩江景洵巨觀彭公聯云江流石不轉把酒登臨歎滾滾英雄安在路險心亦平憑欄俯仰喜茫茫風月無邊

又用集聯云楓葉荻花秋瑟瑟開雲潭影日悠悠潘勝蹟小姑依舊對彭郎徐侍郎聯云光陰似流水記孤峯空月冷浦留雲往事十年餘雷雨蛟龍成夢幻

薄暮一憑欄盼遠渚啼鳥長林縱鶴歸心千里外風烟吳楚接青看胡傳劍聯云湖心清濁自分且來濯足滄浪水鑑尚多無了願山面假真誰識借作填胸塊磊石鐘疑為不平鳴

聽濤眺雨軒前峙石峯日冷雲廊壁多古今名人石刻面芸芍齋中栽海棠芍藥石榴各種軒後紫藤一架

有石如笏又一石扣之作金聲彭公聯云好花香賦錦囊肥紅翻芍園芳

草情綿書帶度綠鎖共欄徐侍郎聯云滄江滌月紫

阜鱗烟漁釣亦賓倚眼底風暉足滿灑紅雨漲天綠

陰滿徑琴樽志士客雲中樓觀是神仙李濟清聯云

勝地非虛眺檻外烟波半壁東南圖畫天然成點綴

高山在望論眼前功業大

江左右風雲際會豈尋常

芸芍齋左右兩間中設雅座彭公聯云呼酒燃花談舊

來小苑鳥聲碎雨過迴廊花氣疏徐侍郎聯云忠孝

即兵符長歌莫訝劉侯酒文章本經濟繞壁仍觀魏

且閑亭其下亂石繞池石梁通罅天甚幽峭彭公聯云

到此何妨少坐浮生若夢勸君不必空忙

又小池波皺風三面亂石崖圍月一窩

石鐘山志 卷三 建置 七

罅天奇石聳壘外竇中空入竇即桃花洞曲徑通幽天

然特妙

梅塢有彭公梅花石刻額鐫掬月二字其傍有石池彭公

聯云露葉霜枝翦寒碧小亭曲檻倚深紅

鎮江亭有石刻權使楊昇記彭公聯云江上波平遠着

攜樽酒訪梅花徐侍郎聯云飛氣吐長虹天與大江

成鎮鑰鑰身摘星斗人從絕頂看光芒成發聯大云

鳥啼花笑四時好天闊雲收八面開胡傳劍聯云重

鎮寄北門我憶談兵依大樹靈蟻通九派天教知已

結梅花洪權使集蘇子原記句云乘小舟

至絕壁側立千尺有大石當中流可坐百人

別有天由鎖江亭入石門竹木陰森有奇致可愛再進

卽六十本梅花寄舫

六十本梅花寄舫四圍皆梅樹彭公巡閱江海駐節養

疴處也彭公聯云羣賢畢至小住為佳又長嘯一聲

云梅開六十樹雪是精神夢寄羅浮忘物我航受兩

三人花為知己笑經滄海載乾坤徐侍郎聯云清暉

能娛人是經百戰餘生纔盡除六代雲山兩鐘泉石

浮蹤仍泛宅最難得九重知已嘯傲十洲風月三島

懷蔡錦青聯云地接長江吳楚青蒼分極浦孟逸明

向山頭著屐六十本梅花謝震聯云三千里萍梗飄來

廷聯云月來簾捲詩常好風暖花香酒未消舒珍聯

云修到是梅花共領略山色湖光一時行樂相逢

萍水莫辜負晨曠暮靄小住為佳丁泗濱聯云千山

月色令人醉萬頃湖光似鏡平胡傳到聯云楓葉一

石鐘山志 卷三 建置 六

江秋小別重來慙老大梅花千古韻幾生修到識英

雄駘敏修聯云絕壁繫扁舟忽聞鏗鏘鐘聲月夜佳

游恰為名山添韻事殘友徐廢墨頓換莊嚴寶界梅

花供養能消清福是英雄義方聯云瘦影當窗梅得

月涼雲滿地竹籠烟又紫雲廊三字彭

公筆臥雪吟香之館欵署梅花外子題

紫雲廊卽寄舫檣櫓或宴罷倚曲欄觀林木陰翳聽鳥

聲啾啾令人忘醉

綠陰深處種蕉桐間以松筠涼意沁人最宜消夏彭公

桐落棋聲碎

蕉疏月影涼

迎薰館在綠陰深處清風徐來洵避暑佳境彭公聯云

修竹引故人

曾約抱琴來



面壁軒石障峭聳側有單房爲行脚僧掛衲之所彭公

立悟詩心開俗障坐參禪意養天機知縣李世中聯云天開佛國清修地我亦人間苦行僧

飛捷樓巍然聳峙推窗俯納萬景目不暇給樓成誌克

復金陵之喜以飛捷名之彭公聯云敢向烟霞供嘯

郎聯云接水時靈巖聽深宵江上鐘鐺應喚醒萬家

座夢連霞建飛閣觀交禪雲中樽祖最難忘百戰勤

勤又瓊構結岩巖萬里風雲生足底金陵問凱捷大

江鏡吹繞樓頭紫錦青聯云砥柱鎮東南試看大地

山河百戰功成還正氣鐘巖分上下且喜滿天風月

一樓名勝占秋光黃履亭聯云雙鐘風月千秋在六

代江山百戰收胡傳到聯云攜手上危樓望苦海波

平細論諸將功誰首聯躬擐半壁想甘泉夜到追念

先皇淚轉多丁義方聯多

湖光與天遠山色上樓多

石鐘山志 卷三 建置 九

歸去亭壁繪墨梅題詩款署乙丑秋梅花外子狂醉走

筆一帶石巖叢竹巖下活水淙淙江源不竭得天然

真趣彭公摘青蓮句書聯云心將容星隱身與浮雲閒

半山亭由成德嶺上山可容小憩壁泐高心夔石鐘銘

田明山集聯云舉頭望明月盪胸生層雲劉佐亮用

聯云置身已覺超平等著眼還須在上頭半入江風

以上均咸豐八年以後宮保彭公率義方修建

石鐘山志卷四

芷江李成謀 蒐輯

益陽丁義方

桐城方宗誠 校訂

善化胡傳釗

金石

虞荔鼎錄孫權黃武中沈鼎於水篆曰百神助陽侯伏

洵漢鼎宋昇明中得鼎於宮亭湖有古文洵漢二字

狄梁公廟碑 范仲淹書碑毀于兵

石鐘山志 卷四 金石

凌波仙掌 蘇軾題

陶桓公祠記 羅倫書碑毀于兵

蘇文忠石鐘山記明正統間休於水

國朝乾隆戊寅學使翁方綱書泐石毀於兵咸豐丁

巳宮保彭公得墨搗跋後命胡湘林鈎勒重鐫碑在

坡仙樓另錄

陶靖節祠記 吳澄書碑毀于兵

濟巖 明太祖書

明太祖御製詩刻在元至正二十三年明永樂二年差

監生王本道取回後巖石忽崩

滿冠磯石

友石雲窩

玉壁玲空 乙未春朔日巡撫蔡士英題

王文成公詩刻明正德十四年擒宸濠獻俘南都還登

石鐘山次邵文莊澤字賦詩鐫於白雲洞

千仞岡 萬里流 俱張科題

燕人張翼德字畫道勁桓侯遊山題名

養真洞 許焯題

石鐘山志

卷四 金石

瀛洲海浪 新安張紳題

雲韻 謝瑛題

普陀朝雲

巨觀 耿文光題羅柱書

穿雲峽 一菴先農題

俯閣江操 嘉靖癸丑巡撫張士佩題

讀書臺

飛仙嶺 段以獻題

石屏

石几

龍首石

小五老峯 後壞於石工

弁石 俱以形名 督學邵寶題江西通志弁作昇

英雄石 卓立數仞題者失名

扁舟明月 燕檀龔蕃錫題

念佛石崖

為善最樂 再三題

普門示現 失名

石鐘山志

卷四 金石

三

石籟 史彪古書

山水清音 僧格勒題

江湖砥柱 東海劉憲龍書西蜀張紀立

水石奇觀 東泉山人鄭本立題

儲精 西瀛山人王文翰題

丹房 佚名在石鐘洞內

上諭亭 曾文正國藩敬書

聖諭

躡天

別有天 吟香外史題

雲根

元精耿耿 退省散人題

冷雲 吟香外史醉題

桃花洞

小羅浮

漁人精舍 七十二峯樵者題

第一洞天福地 香王樵者題

瓊玉飛來 雪琴題

石鐘山志

卷四 金石

四

沒鏃飲羽誠心石穿 咸豐丁巳季冬借楊厚菴軍門

李迪菴方伯破賊處彭玉麟題

聽鐘聲處 雪琴題

旁薄鬱積輪囷離奇 同治甲子秋長沙徐樹銘題

靈壽

蒼玉珮 徐壽衡題

力挽狂瀾 咸豐七年秋軍門楊厚菴方伯李迪菴廉

訪彭雪琴水陸會師破賊謝永祐留此駐防摩崖紀

之

唐魏文貞公墨迹文潞公書跋黃君樂之跋於後命良

工摹搨在芸芍齋廊魏書辭曰無偏無陂遵王之義

無有作好遵王之道無有作惡遵王之路無偏無黨

王道蕩蕩無黨無偏王道平平無反無側王道正直

會其有極歸其有極曰皇極之敷言是彝是訓于帝

其訓 貞觀三年春二月朔日 魏徵書

此立成公貞觀間墨迹也公以忠直顯并不以書

法名而觀此卷其樸茂之氣撲人眉宇如陳公所

謂生前由直道歿後振芳塵豈知公之芳塵尙振

石鐘山志

卷四 金石

五

於楮墨間孰謂可以大節掩其末藝耶 文彥博

謹跋

文貞以剛直立朝而太宗稱其舉動嫵媚今觀此

卷古勁之中自含婀娜宛然肖其爲人不獨犯顏

致諫卓冠唐代卽書法亦開顏柳諸公先聲而與

虞褚相伯仲但人重千古不以字名耳藹亭兄購

白楚北攜來浙西余借觀累月不忍釋手因命良

工摹搨并跋數語歸之以誌欣慕之意云丙午七

月既望 黃樂之

賀大司空雲甫於己卯秋解組南旋舟過邀同登石鐘

山祠置酒傾談此間征戰事如在目前也贈義方二

律又以就養南昌郡署適雪琴宮保巡閱水師兼往

吳淞籌辦海防停舟石鐘過訪贈二律款署楚天漁

叟賀壽慈又焚香讀道經披書坐落花二橫幅均刻

石芸芍齋廊壁詩另錄

敕建湖口縣楚軍水師昭忠祠 湘鄉曾國藩記并書

又

欽命協理水師軍務布政使銜廣東惠潮嘉兵備道詳

石鐘山志 卷四 金石

勇巴圖魯衡陽彭玉麟記並書時咸豐戊午季冬勝

石芸芍齋廊壁記另錄

蘭刻有七律二首跋云予性耽山水喜花木丙申春得

並頭素心蘭以紫泥白描美人盆供養吟香館茜紗

窗下綠萼仙梅與為侶每花時相對袁茗焚香神往

神怡而秋陽春雪愛護倍至者歷有年所前律所由

詠也旋以投筆從戎莫遂惜花心性家山作別頓辭

空谷佳人今夏仲得故園書蘭則萎矣嗚呼蘭棄我

我負蘭耶芳魂與碧月同消倩影共幽香俱滅冰綃

化霧青玉成烟憾何如之爰磨盾作小幅肖其生更

以一律誄之噫我為蘭花寫照未免情癡誰知香草

宜人深縈夢想戈船兀坐惆悵無聊信筆拈來遣悶

云耳時乙卯秋七月十有七日梅花外子并識於漢

江沌口水師軍次在芸芍齋廊壁詩另錄

壽字 彭玉麟書刻在芸芍齋壁

東南鎖鑰 胡傳釗題

梅刻有七絕四首 款署吟香別館外史辛酉除夕前

一日寫在芸芍齋廊壁詩另錄

石鐘山志 卷四 金石

大梅石刻在掬月亭中有詩款署庚申秋九月醉後作

於石鐘山吟香外史詩另錄

鎮江亭記咸豐己未秋杪月西安鳳山楊昇作泐石亭

前記見錄

岳忠武廟碑 吳錫麒撰胡傳釗壬午秋九月錄書

雲眠 米芾題在大孤山湖口舊志作眠雲者誤

鞞山洞

丈人峯 米萬鍾題在大孤山

獨立物表在小孤山 題者佚名

飛來石 在孤山 題者佚名

雲香水翠 在孤山 劉敞題

彭宮保取小姑山凱歌 在小孤山錄見前

讀書巖 在孤山 黃山谷書

東之障 在下石鐘山郡志載無名

胡澹菴斷碑 在湖口武山見宋一楊記

石鐘山志

卷四 金石

人

石鐘山志卷五

芷江李成謀 蒐輯

益陽丁義方

桐城方宗誠

善化胡傳釗 校訂

遊覽

晉 陶淵明字元亮或云潛字淵明潯陽柴桑人曾祖侃晉

少司馬馬淵明少有趣博學善屬文任真自得著五

石鐘山志

卷五

遊覽

柳先生傳以自况後為彭澤令道不偶物棄官從好

定迹深棲有詔徵著作郎不就常入廬山與釋慧遠

遊慧遠創蓮花寺於五柳鄉 今屬湖口 往來居焉宋元嘉

時將復徵會卒世號靖節先生

謹案舊志載白居易石門澗詩中嘗聞慧遠輩題

詩此巖壁雲霞蘚苔封蒼然無處覓四語為石鐘

山詩蓋以石鐘之奇淵明慧遠既近咫尺斷無

不遊之理地以人傳志舊志者似非無見考湖口

自南唐析彭澤五柳二鄉為縣淵明故址遂屬境

內祀有祠劫焚未復倘與乃祖桓公祠併修爲湖  
山生色亦盛舉也

周續之字道左其先雁門廣武人也過江居豫章建昌  
縣閒居讀易老入廬山事釋慧遠嘗與陶淵明陸修

靜講論於彭澤舊治後人因其地爲三學堂距石鐘  
十餘里

其時彭城劉遺民避迹匡山淵明又不應徵命謂之

潯陽三隱後刺史檀韶苦請續之出州與學士祖企

謝景夷三人共在城北講禮加以讐校所居公廨近

於馬隊淵明示詩云周生述孔業祖謝響然臻馬隊

石鐘山志

卷五

遊覽

二

非講肆校書亦已勤審是則選幽開悟必擇深棲石

門題詩應答鐘響矣

陸修靜吳興人隱廬山簡寂觀從老氏教與慧遠友善

淵明令彭澤時修靜與周續之同就講於治所其地  
現名

古彭澤屬湖口距石鐘  
廿餘里有淵明遺蹟

宋樓鑰曰以吳筠簡寂觀碑攷之修靜與慧遠相

去久遠似非其人王偉經行廬山記慧遠卒於晉

義熙十二年丙辰年八十二修靜歿於宋元祐五

年當作丙辰年七十三相去六十歲推而上之修

靜生義熙四年丁未當作元興三年甲辰  
且四年亦非丁未也慧遠亡

時修靜纔十三歲宋元嘉末修靜始來廬山是時

遠公死已三十餘載靖節死已二十餘年或曰晉

蓋有兩修靜也

釋慧遠大元十二年創蓮花寺於五柳鄉往來居焉

謹案慧遠姓賈氏雁門樓煩人年十三依舅令狐

氏通六經尤善莊老二十一聞沙門道要講般若

經豁然開悟立精舍於廬山以去水遠舉杖插地

泉湧時亢旱於池側誦海龍王經有神蛇浮水俄

石鐘山志

卷五

遊覽

三

大雨因名龍泉精舍舍在承師東號東林陶靖節

陸修靜等十八人與遠公爲白蓮社友靖節修靜

嘗訪之東林之近有虎絡遠誓不過谿或過谿虎

輒鳴及送二人不覺過虎谿皆大笑世故相傳爲

三笑圖據此而論遠過虎谿皆笑人且傳爲美談

往居五柳鄉蓮花寺獨不經虎谿耶樓鑰之論修

靜也固有疑竇然蘇長公作三笑圖贊黃太史山

谷以此三人實之蒲傳正劉巨濟晁無咎之流皆

有此述陳舜俞廬山記說亦與太史同此其是非

固未可決也

宋

謝靈運陽夏人少好學博覽羣書文章之美江左莫逮

宋祖登祚徵為祕書監以疾免官性好遊覽為孟顛

所奏太祖知其見誣遷為臨川內史賜秩二千石在

郡游放不異永嘉銅陵石磴墨池皆其遺迹入彭蠡

湖口有詩紀之

唐

李大亮京兆涇陽人舊唐書雍州涇陽人有文武才略武德五年

石鐘山志

卷五

遊覽

四

以安撫使宣慰江南靖州其所置也嘗徇廣州至九

江聞輔公祐反以計禽其將張善安據大鐘石旁設

鎮卽今石鐘山

狄仁傑字懷英并州太原人也垂拱中以冬官侍郎持

節江南巡撫吳楚之俗多淫祠仁傑一切禁止天授

二年以地官侍郎同鳳閣鸞臺平章事為來俊臣所

構貶彭澤令七月至縣值大旱民權饑饉抗疏乞免

民租疏略云彭澤九鄉百姓南唐析彭澤之彭澤鄉及五柳鄉之半為湖口

縣齊營水田臣方到縣百姓告歎皆云春夏以來並

無霖雨常年縱得全熟納官之外半載無糧今總不

收將何活路武后嘉公憂民特降制江州蠲免本縣

租稅邑人為置梁公祠於下鐘白雲亭畔祠以報德

亭取望雲思親之意以寓去思云

張九齡字子壽一名博物曲江人開元十五年以太常

少卿出為冀州刺史母老改洪州都督有治聲歲旱

禱雨輒應嘗立碣表徐孺子墓歷尚書右丞相罷政

事卒諡文獻曾登湖口鐘山望匡廬瀑布泉

石鐘山志

卷五

遊覽

五

李白字太白蜀郡廣漢人供奉翰林以賦清平調拂貴

如意力求還山乃北抵燕趙南至金陵上潯陽會永

王璘出鎮江淮時適白臥廬山迫致之俄而璘反白

亡之彭澤璘敗有司糾白污璘官坐繫潯陽後得釋

乃泛舟洞庭巫峽之間久之復如潯陽入松門觀石

鏡石鐘所數經也

顏真卿字清臣長安人在江西恆與往來詞客詩酒講

論為樂所著有廬陵臨川等集至湖口登山謁靖節

祠有詩

新舊唐書載真卿先世居瑯琊臨沂舉開元二十二年進士及第登甲科乾元元年以諍貶饒州刺史代宗廣德二年除檢校刑部尚書知省事承泰二年忤宰相載坐以誹謗貶硤州別駕尋換吉州司馬大曆三年遷撫州刺史在州四年以約身減事為政修勝築陂以溉民田民甚德之後贈潮州刺史復內召以太子太師宣慰准甯為李希烈所害贈司徒諡文忠

白居易字樂天其先太原人徙居下邳貶江州司馬時

由彭蠡湖晚歸暨游石門均有詩

唐書載居易敏悟工文章未冠謁顧况况曰吾謂斯文遂絕今復得子矣貞元中擢進士補校書郎元和元年召入翰林為學士遷左拾遺四年早居易建言乞盡免江淮賦以救流瘠且多出官人憲宗頗采納累官拜左贊善大夫是時盜殺武元衡居易首上疏請急捕賊刷朝廷恥宰相嫌其出位

石鐘山志

卷五

遊覽

六

不悅貶江州司馬既失志能順適所遇託浮屠生死說若忘形骸者久之徙忠州刺史歷官太子少傅會昌初以刑部尚書致仕卒贈尚書右僕射江州人為立祠

李渤字潛之洛陽人隱於嵩山以著作郎徵之歷虔州

刺史未滿歲遷江州刺史廬山五老峯下白鹿洞相

傳渤嘗蓄一鹿故名讀鄒子水經注游石鐘躋崖穿

洞訪遺蹤焉

唐書載渤為考功員外郎出為虔州刺史渤至州奏還郡境信州所移兩稅錢二百萬免稅米二萬斛或所由一千六百人觀察使以其事上聞未滿歲遷江州刺史張平叔判度支奏徵久遠連懸渤在州上疏曰當州歸管田今已早死千九百頃有餘若更勒徭度支使所為必懼史官書陛下於大

早中徵三十六年前通懸臣任刺史舉無所逃臣既上不副聖情下不忍鞭笞黎庶不敢輕持符印特乞放臣歸田乃下詔曰江州所奏實為懇誠若不蠲容必難存濟所訴通欠並放渤又治湖水築隄七百步使人不病涉入為職方郎中遷諫議大夫歷官太子賓客卒贈禮部尚書

宋

蘇軾字子瞻眉山山人元豐七年自黃州至湖口游石鐘

山觀音閣訪南北二鐘石夜泛舟絕壁下審之後謁

淵明祠題李正臣九峯異石凡三過焉累官至端明

殿學士卒諡文忠

蘇轍字子由與兄軾同登進士科元豐初以忤王安石

石鐘山志

卷五

遊覽

六

謫監筠州鹽酒稅元祐初除右司諫再謫知袁州未

至降少府監分司南京夜泊彭蠡遇大風雪詠詩并

次射蛟浦有句徽宗朝復大中大夫致仕築室於許

號頴濱遺老卒追復淵明殿學士諡文定

李綱字伯紀邵武人自其祖始居無錫綱登政和二年

進士第紹興五年除江西安撫制置大使兼知洪州

泛彭蠡湖有詩

黃庭堅字魯直分甯人特長於詩江西詩派祖之以蘇

公欲買湖口人李正臣所蓄異石名曰壺中九華并



為作詩後八年自海外歸過湖口石已為好事者所  
取乃和前篇以為笑實時建中靖國元年四月十六  
日明年當崇甯之元五月二十日庭堅繫舟湖口正  
臣持詩來石既不可復見蘇亦下世感慨不足因次  
前韻賦詩

馬適字至達湖口治南鐘子磯有灣豁然來源紆回其  
祖良俊卜居焉祖恂恂長者積德不懈父益勤修適  
生而聰穎嗜學下筆千餘言立就建隆三年壬戌以  
文學高等對大廷稱旨狀元及第乾德五年五星聚

石鐘山志

卷五

遊覽

八

奎與賈儀等並官翰林實啟斯文之兆告母養歸以  
壽卒於家祔葬祖墓旁世名其址為馬家灣又為馬  
狀元灣云

周必大字子充廬陵人紹興進士拜丞相封益國公諡  
文忠乾道丁亥泊舟湖口過石鐘山崇壽院登松壽

山嶽廟次至下鐘廣福院有游石鐘山記

宋史載必大嘗論邊事上以蜀為憂對曰蜀民久困願詔撫諭事定宜寬其賦權給事中繳駁不許權倖金索講和時舊禮必大條奏請正敵國之名趙雄使金齋國書議受書禮必大立具草略謂尊卑分定或較等威叔姪親情豈嫌坐起上褒之曰未嘗論國書之意而卿能道朕心中事此大才也

淳熙十四年拜右丞相明堂加恩封濟國公進左丞相許國公以上以內禪意論二府二月辛酉朔降傳位詔翼日吉服御紫宸殿必大奏陛下巽位與子威典再見度越千古願自今不得日侍天顏因哽噎不能言上亦泣然光宗問當世急務奏用人求言二事進少保益國公甫宗即位三上表引年遂以少傳致仕自慶元以後韓侂胄之黨立偽學之名以禁錮君子而必大與趙汝愚留正實指為罪首慶年七十有九贈太師諡文忠肅宗題其墓碑曰忠文者德之碑自號平園老叟著書八十一種有平園集二百卷

王十朋字龜齡樂德人紹興二十七年進士第一隆興

初除吏部侍郎力辭出守饒州過五柳灣至羅家渡

望大孤山宿湖口驛謁淵明祠俱有詩後官至龍圖

石鐘山志

卷五

遊覽

九

閣學士致仕卒諡忠文

劉過字改之泰和人自號龍洲道人以詩俠名湖海間

周益公聞其名欲客之門下不就叩關一書請光宗

過重華宮辭意懇婉聲重一時嘗以書陳恢復方略

謂中原可一戰而取用事者不聽以是落魄游江湖

過石鐘贈邑宰任伯厚挹清亭詩

曾鞏字子固南豐人游湖口悼故彭澤有詩

東都事略載鞏游大學歐陽修見其文而奇之自是名聞天下舉進士調太平州司德參軍召人編修史館書籍遷館閣校勘英宗實錄檢討通判越州歷知濟襄洪福明臺滄州進職直龍圖閣鞏為

治尙威嚴其徒滄州也過關神宗召見勞問遂留  
判三班院鞏上疏議經費神宗嘉納之手詔中  
書曰五朝史事宜付曾鞏遂以為史館修撰試中  
書舍人遭母憂卒年六十五平生嗜書家藏至二  
萬餘卷手自警對雖白首不倦又集古今家刻為  
金石錄五百餘卷有文集曰元豐類集五十卷外  
集十卷初與王安石友善安石稱其文辭以警水  
之江漢星之斗神宗嘗問安石何如人鞏曰安石  
文學行誼不減揚雄以吝故不及神宗遠曰安石  
輕富貴不吝也鞏曰臣謂吝者安石勇於有為吝  
於改過耳神宗領  
之鞏諡文定

陸游字務觀入蜀記江自湖口分一支為南江蓋江西  
路也江水渾濁每汲用皆以杏仁澄之過夕乃可飲  
南江則極清澈合處如引繩不相亂

石鐘山志

卷五 遊覽

宋史載游山陰人以蔭補登仕郎鎮縣薦送第一  
秦檜孫墳適居其次檜怒至罪主司明年試禮部  
復置前列檜顯黜之由是為所妒檜死始赴福州  
甯德簿後通判隆興府累遷江西常平提舉江西  
水災奏撥義倉賑濟檄諸郡發粟以  
予民召還歷升寶章閣待制致仕

朱子北山紀行詩序曰予閏月二十七日罷郡是夕出  
城宿羅漢二十八日宿白鹿至四月二日宿景德觀  
三日與劉子澄王春鄉余占之陳彥忠黃季直等偕  
行七日薛洪等攜酒自南康來飲罷予與王余陳黃  
東渡湖口而歸又九江彭蠡辨曰湖口橫渡之處予  
嘗過之舟北為大江之濁流舟南為彭蠡之清漲

宋史載朱熹字元晦一字仲晦徽州婺源人紹興  
十八年進士淳熙五年知南康軍至郡興利除害  
值歲旱講求荒政多所全活荒事奏乞依格推賞  
納粟人問諸郡學引進士子與之講論奏復白鹿  
洞書院創為學規俾遠守之明年夏大旱應詔條  
具民間利病語甚激直上讀之大怒陳俊卿趙鼎  
交薦於上乃除提舉江西常平茶鹽公事旋錄救  
荒之勞除直祕閣以前所奏出粟人未推賞辭歷  
官煥章閣待制祕閣修撰致仕卒年七  
十一諡曰文清熙元年從祀孔子廟廷

文天祥字宋瑞廬陵人寶祐進士第一簽書甯海軍管  
過湖口留題

過湖口留題

通志載元師侵宋內都知董宋臣主遷幸議天祥  
上書乞斬宋臣以一人之心後宋臣復入又上書極  
言其罪不報賈似道乞致仕天祥為玉牒檢討當  
制知其志在要君裁之以義內制相承皆呈彙天

石鐘山志

卷五 遊覽

祥獨不呈遂忤似道乃援錢若水例致仕咸淳十  
年起知贛州德祐初元渡江詔諸路勤王天祥捧  
詔涕泣發郡中豪傑萬人遂入衛時朝議方賴呂  
師孟呂文德以求好天祥上疏乞斬師孟魯鼓以  
作將士之氣不報出守平江至則元兵已下金陵  
入常州矣天祥命其將率贛兵與張全往援常明  
年除知臨安府尋拜右丞相有旨令詣北軍請和  
既至伯顏折以危言天祥曰天祥為宋狀元宰相  
所欠只一死報國耳刀鋸鼎鑊非所懼也明日吳  
堅賈餘慶等奉報表至天祥大罵其賣國且責伯  
顏失信伯顏挾天祥北行中道以計脫歸崎嶇真  
揚間自高郵泛海至温州上表勸進晉左丞相仍  
以都督出江西與元兵戰於贛州汀州間及空坑  
之敗乃入海訪問車駕時益王昀衛王繼立乞移  
軍入朝昀秀夫張世傑阻之加少保封信國公天  
祥將殘兵駐南嶺元將張宏範兵奄至眾不及戰  
天祥倉皇出走為千戶王惟義所執崖山破軍中  
置酒大會勸之降天祥泣曰國亡不能救死有餘

罪况敢有二心乎宏範義之遣使護送入燕拘兵  
馬司者四年有王積翁者欲合謝曰元等十人請  
釋天祥為道士留夢炎不可遂已至元十九年世  
祖召入問曰汝何願天祥對願賜一死臨刑從容  
謂吏卒曰吾事畢矣南鄉拜而死其妻歐陽氏收  
其屍衣帶中有贊云孔曰成仁孟曰取義惟其義  
盡是以仁至讀聖賢書所學何事而今而後庶幾  
無愧時年四十七元初諡忠武明景泰中改諡忠  
烈

元

吳澄字幼清崇仁人學者稱爲草廬先生封臨川郡公

諡文正舟過湖口邑宰孫文震建陶靖節祠於縣學

東偏請記其事

石鐘山志

卷五

遊覽

十一

元史載吳澄所居當華蓋臨川二山間望氣者徐  
覺言其地當出異人澄生五歲日誦千餘言夜讀  
書至旦母憂其過勤節膏火不多與候母寢然火  
復誦既長於經傳皆習通之嘗與進士不中行省  
掾元明善以文學自負問澄易書詩春秋與義歎  
曰與吳先生言如探淵海四方之士不憚數千里  
躡屨負笈來學山中者嘗不下千數百人作學基  
學統二篇使人知學之本與爲學之序尤有得於  
邵子之學所居草廬數間程鉅夫題曰草廬故學  
者稱之爲草廬先生官至翰林學士卒年八十五  
封臨川郡公諡文正

桑嘉依原作星吉字吉甫河西人自宣政院使出爲江南行

御史臺御史大夫時承平日久內外方輿觀望爲政

公獨持風裁御史行部必救厲而遣之湖東僉事三

寶珠儒者也性廉介所至搏貪猾無所貸御史有以

私請者拒不納則誣劾之章至公怒曰若人之廉孰

不知之乃敢爲是言耶卽奏杖御史白其誣以直忤

時宰出守江州時江州已陷賊據池陽太平官軍止

三百賊號百萬眾皆欲走公曰畏賊而逃非勇也坐

而待攻非智也若皆有妻子財物縱逃其可免乎乃

貸富人錢募兵得三千人具舟楫大破賊進復湖口

縣克江州留兵守之命王惟恭柵小孤山而自據鄱

陽口綴江湖要衝圖恢復時湖廣已陷江西被圍淮

石鐘山志

卷五

遊覽

十一

浙亦多故糧乏無援賊船四集官軍力戰死且盡公

堅坐不動賊發矢射之乃昏仆賊素聞公名不忍害

昇置密室至旦乃蘇賊羅拜爭饋以食斥之遂不復

食凡七日乃自力而起北面再拜曰臣力竭矣死年

五十七復湖口時登石鐘見桀嶧劍削怒湍環迴稱

爲天塹有記另錄

劉聞字聞庭安福人天歷進士官太常博士帝祀南郊

告祭太廟至甯宗室曰朕甯宗兄也當拜否聞對曰

春秋魯閔公弟也僖公兄也祖廟之祭未聞僖公不

拜帝乃拜擢爲翰林編修宋史成進修撰者有春秋  
通旨容齋文集游石鐘山咏詩二首

明

太祖幸上鐘觀音巖寺書濟巖二字御製詩云一色山

河兩國爭是誰有福是誰傾我來覓跡觀音閣惟有

蒼穹造化宏時至正二十三年八月初八日也永樂

二年差監生王本道取回後巖石忽崩

劉基字伯溫青田人幼穎異至順間舉進士除高安丞

發奸摘伏不避強禦爲政嚴而有惠百姓安之從太

石鐘山志

卷五

遊覽

十四

祖征陳友諒爲開國功臣封誠意伯至湖口謁靖節

祠登石鐘舒嘯有詩

危素字太樸金谿人少通五經游吳澄范梈門元時用

大臣薦授經筵檢討修宋遼金三史由國子助教遷

翰林編修太常博士歷官禮部尙書參中書省事拜

參知政事出爲嶺北行省左丞言事不報棄官居房

山素爲人侃直數有建白居房山者四年明師將抵

燕淮王監國起爲承旨素甫至而師入乃趨所居報

恩寺入井寺僧大梓力挽起之曰國史非公莫知公

死是死國史也素遂止洪武元年授翰林侍講學士

訪以元興亡之故詔撰皇陵碑稱旨坐失朝罷復官

兼宏文館學士賜小車免朝謁時素已七十餘御史

王著論素亡國之臣不宜列侍從謫居和州守余闕

廟歲餘卒明史嘗過石鐘山謁梁國狄文惠公新廟有

詩

楊士奇名寓以字行泰和人建文初修太祖實錄以史

才薦召入翰林充編纂官尋命吏部考第史館諸儒

尙書張統得士奇策曰此非經生言也奏第一成祖

石鐘山志

卷五

遊覽

十五

卽位改編修過石鐘謁陶祠有詩累官進少師歸省

墓以老疾在告卒年八十贈太師諡文貞

李齡字景齡湖陽人宣德鄉舉歷御史提學江西至湖

口借老人黃嵩詣下鐘山復同邑進士梅愈歷上鐘

有記

王恕字尙忠湖口人諳天象熟兵法歷官廣東右參議

時陽黎跳梁連賀騷動姑蘇韓雍爲閩帥廉恕能以

爲副令督漢達軍往捕賊恕歷萬山冒霜露撫順劔

逆威行惠洽彝黎讐服賊平功最先著有石鐘山集

夏寅字時正通志載華亭人江西提學序云予至湖口

訪所謂石鐘山者頗得其情狀時冬暮水枯去舊痕

二三尺許石皆巉峭空洞漁人往來深入其中仰視

如高屋下崖差小舟過中流則響應如人抵掌擊咳

於靈谷淵坑者春夏水生風波相激則長鳴如鼓鐘

不絕也鄭元謂下有深潭者亦無李渤謬妄宜蘇陋

之而子瞻景鐘無射之說予亦不能明其何見也

李榕字金年鄱陽人好蓄書罷同安教諭歸構一樓宅

後俯瞰東湖扁曰玩鷗自題其柱云近湖不與鷗爭

石鐘山志 卷五 遊覽 十六

水到岸方知我有家徜徉其間栽花讀書以終老卒

年九十四出游廬山時舟泊石鐘山下登巖縱觀

韓雍字永熙長州人與邑祭酒路敏同魁南宮官至兵

部右侍郎諡襄毅景泰初巡撫江西登上鐘觀音閣

與下鐘白雲亭俱有詩敏卒親奠其家並為卜葬地

焉

于謙字廷益錢塘人永樂十九年進士授監察御史宣

德初出按江西過石鐘山題淵明像

明史載謙按江西雪冤囚數百人眾號神明革民所疾苦幾盡超遷兵部右侍郎木土之變有再安

社稷功歷官兵部尚書加少保尋為石亨等所害死之日陰霧四合朝野冤之宏治初贈太傅諡肅愍賜祠萬曆中改諡忠肅

曾棨字子啟永豐人永樂二年廷試第一授翰林修撰

尋詔解縉選進士二十八人進學文淵閣公為首司

禮監月給筆墨紙光祿給朝暮饌禮部月給膏燭鈔

工部擇近第宅居之帝嘗親試天馬海青歌公援筆

立就又嘗摘記載諸隱僻事問公條對無遺悞由是

見袞寵有薦文士者帝必問才學如棨否北上時游

石鐘泛彭蠡有詩

石鐘山志 卷五 遊覽 十七

徐遠字大亨長沙人主事維舟湖口同韓都憲遊石鐘

白雲亭次韻賦詩

何喬新字廷秀廣昌人南刑部尚書贈太子太保諡文

肅與邑人王恕鄉會同年景泰六年三月夜同恕泛

舟石鐘山下乘月登崖遊歷亂石間復返登舟呼酒

相酢鼓棹而歌有賦見藝文喬新博綜羣籍聞異書

輒借鈔積三萬餘帙皆手校讐著述甚富與人寡合

氣節友彭韶學問友邱濬而已

羅倫字彝正永豐人成化二年廷試對策萬餘言直斥

時弊名震都下擢進士第一授翰林修撰上疏劾大  
學士李賢謫福建市舶司副提舉後復原職引疾歸  
爲人剛正嚴於律己以金牛山人迹不到築室著書  
其中嘗游石鐘山撰狄梁公廟碑卒諡文毅學者稱  
一峯先生

邵寶字國賢無錫人成化進士官至南京禮部尙書卒  
贈太子太保諡文莊宏治七年提學江西釋菜周元

公道州濂溪夫子祠修白鹿書院學舍宸濠索詩文峻卻之

過湖口登上鐘山愛其石五種各以其形名之石几

石鐘山志

卷五 遊覽

太

石屏有詩

林俊字大用通志載莆田人成化進士官刑部尙書

諡貞肅宏治丙辰巡撫江西甯王府徵歲祿率倍取

於民以公言大減省宸濠貪暴公屢裁抑之濠請易

琉璃瓦公言宜如舊毋涉叔段京鄙之求吳王几杖

之賜濠怒伺其過無所得過湖口作石鐘辯云石鐘

山者先正辯之詳矣而各偏局予舍舟步山極詣少

室所謂下鐘石者扣之果清越又詣所謂上鐘石者

扣之果函胡要之俱類鐘旁他石無是也歸宿觀瀾

軒達曙不交一睫則坡老所謂大石空中多竅風水  
吞吐有窾坎鏗鞳之聲者要之與鐘亦類不遠豈蘇  
廣鄴之意命名者初不若是之崛也

楊銳守備九江安慶諸郡周覽形勢謂九江爲鄱陽上

流不可恃湖最要害當以九江中左所一旅置戍於

湖口縣之高嶺濠因戰敗被王伯安所擒皆平日縱

游山水留心扼塞之效也

王守仁字伯安餘姚人宏治進士封新建伯諡文成正

德十四年擒宸濠獻俘南都還登石鐘山次邵文莊

石鐘山志

卷五 遊覽

九

澤字賦詩鑄於白雲洞

明史載守仁弱冠舉鄉試好言兵善射登宏治十  
二年進士正德元年以救言官戴鏡忤劉瑾自兵  
部主事杖謫龍場驛丞瑾誅量移廬陵知縣累官  
南京鴻臚卿兵部尙書王瓊素奇其才十一年入  
月擢右僉都御史巡撫南贛時南中盜賊蜂起謝  
志山據橫水左溪桶岡池仲容據洲頭皆稱王與  
大庾陳日能樂昌高快馬柳州龔福全等攻剽府  
縣而福建大帽山賊又起前巡撫文森託疾避去  
志山合樂昌賊掠大庾攻南康贛州贛縣主簿吳  
玘戰死守仁至知左右多賊耳目乃呼老黠隸詰  
之戰栗不敢隱因貰其罪令詞賊賊動靜無不知  
於是檄閩廣會兵先討大帽山賊親率銳卒屯上  
杭祥退師出不意搗之連破四十餘寨斬七千  
有奇遂禽師富遂言權輕無以令將士請給旗牌  
提督軍務得便宜從事尙書王瓊奏從其請乃更  
兵制二十五人爲伍伍有小甲二伍爲隊隊有

甲四甲為哨二哨為營三營為陣二陣為軍皆臨  
事委不命於朝副將以下得遞相罰治其年七月  
進兵大庾繫日能以歸遂討橫水左溪守仁自駐  
南康去橫水三十里先遣四百人伏賊巢左右進  
軍備之賊方迎戰兩山舉旗賊大驚謂官軍已  
盡犁其巢遂潰乘勝克橫水桶岡左溪亦破志山  
等皆面縛降乃設崇義縣於橫水還至贛州議討  
淵頭賊悉禽戮之乃於下洲立和平縣置戍而歸  
十四年六月奉命勘福建叛軍行至豐城而甯王  
宸濠反事詳武功不備錄世宗即位論功封新建  
伯隆慶初詔贈新建侯諡文成  
萬曆十二年從祀孔子廟廷

劉玉字成粟萬安人宏治進士擢御史疏言劉瑾等佞  
倖小臣巧戲弄投陛下一笑顧譏邪而棄輔臣此亂  
危所自起乞置瑾等於理不報遂引疾歸瑾誅起河

石鐘山志

卷五

遊覽

三

南僉事遷福建副使皆董學政累擢南京右僉都御  
史提督江防宸濠反攻安慶玉以舟師赴援事定改  
撫郎陽世宗即位進右副都御史歷刑部左右侍郎  
初偕九卿爭興獻帝不宜稱皇及考獻帝又偕廷臣  
伏闕哭爭削籍卒於家隆慶初贈尚書諡端毅所居  
僅庇風雨天文地理兵制刑律皆有論著石鐘山歌  
不落恆谿

方庸字文中湖口人正德十四年逆濠舟泊湖口庸率  
眾拒敵潰力不支被執不屈遂罹害知縣章元梅弔

以詩曰天地百年增正氣江山千古盡忠魂九原此  
去無遺恨贏得人稱義士門名並石鐘不朽矣

費案字子和成化狀元宏之弟鉛山人正德進士選庶  
吉士授編修時逆濠陰蓄異志謀復護衛宏在內閣  
持不可案娶同郡婁姓女濠妃之妹也濠屢以意屬

案案外遜詞色而實陰折之乃濠叛聞道走贛州上  
書王守仁謂先定洪州以覆其巢穴扼上流以遏其  
歸路則成禽矣卒如其策累官禮部尚書太廟成加

太子少保卒贈光祿大夫諡文通昔過湖口遊石鐘

石鐘山志

卷五

遊覽

三

望狄梁公祠有詩其兄宏亦題淵明歸去圖

汪烜別字春衢臨安人進士九江知府云余述職兼給  
由北上時舒龍城別駕趙南山推節送至湖口偕遊  
下石鐘寺飲酒賦詩有老衲供好香引我徧訪求乘  
風盡遊歷翛然步神州之句

葉向高字進卿福清人吏部尚書建極殿大學士嘗飲

於石文山之石亭後人因以亭名山

羅洪先字達夫吉水人狀元萬曆三十四年過湖口緣  
石登上下鐘山有記

明史載洪先年十五讀王守仁傳習錄好之師事  
同邑李中傳其學嘉靖八年舉進士第一授修撰  
即請告歸外舅太僕卿曾直書曰幸吾婿成大名  
洪先曰儒者事業有大於此者此三年一人安足  
喜也居二年詔勅請告踰期者乃赴官尋遭父喪  
繼遭母憂十八年簡宮僚召拜春坊左贊善明年  
冬與司諫唐順之校書趙時春疏請來歲朝正後  
皇太子出御文華殿受羣臣朝賀時帝諱言儲貳  
臨朝事見洪先等疏大怒曰是料朕必不起也降  
詔切責遂除名歸益尋求守仁學自天文地理禮  
樂典章河渠邊塞戰陣攻守下逮陰陽算數靡不  
精究邑田賦多宿弊所司以屬洪先精心體察弊  
頓除流寇入吉安爲畫策戰守寇引去洪先雖宗  
良知學然未嘗及守仁門山中有石洞舊爲虎穴  
葺茅居之命曰石蓮謝容默坐一榻三年  
不出戶隆慶初卒贈光祿少卿諡文莊

張啟元字應貞龍泉人嘉靖鄉舉知山東滕縣甚有惠

石鐘山志

卷五 遊覽

三

政擢南京御史隆慶萬曆兩朝先後章疏數十上皆  
人所不敢言者請罷湖口新廠一疏尤爲世傳誦出  
備兵漳南拂衣歸所著有務本錄及奏疏若干卷

董紱麻城人天順末令湖口居官清慎課士惠民縣南

有蘇觀渡水嚙隄壞紱率眾築之更培植石鐘花卉

藍淦字可虛閩縣人嘉靖十二年由上饒教官陞湖口

令巡按潘鑑以嶺北一人薦之後陞去攀臥甚眾建

去思亭於鐘山之麓淦親課農桑田之治者召其農

而酒食之不治有責婦之勤者賜棉桌否則責其夫

巡按御史至立清廉貪酷四表令屬吏自揣其行立  
何位次淦攝衣而升趨廉表下御史曰藍令之賢尙  
未止此更當進一次蓋謂清也

沈詔字龍洲仁和人嘉靖三十五年丙辰來令湖口創

建城議復以餘力建號舍於賢路兩旁修小學復射

圃立坊樹楔不一而止於陶桓公立祠於靖節狄梁

公爲木主祀之石鐘白雲亭尙存遺蹟

葛寅亮錢塘人萬曆二十九年進士備兵九江銳意興

革先是湖口稅監李道倚石鐘之險設稅關氣燄張

石鐘山志

卷五 遊覽

三

甚當道莫敢問公至卽榜示諸奸弊與權稅條目檄  
道奉行如約且言將以某日巡江檄湖口守備練兵  
以俟道聞之懼不敢出公登石鐘搗王文成公石刻  
數十紙而返

廖汝恆字密齋衡州人萬曆間令湖口究心理學特建

講堂於下鐘山顏曰大觀閣延豐城李見羅材主講

士雲從焉後過湖口爲之記勒石於閣

李材字孟誠豐城人湖口尹廖密齋捐建大觀閣於石

鐘山右延其講學於中有大觀閣會記



明史載材尚書送子嘉靖進士授刑部主事由兵部郎中遷廣東僉事羅旁賊猖獗材與破之周高  
山設屯以守賊有瑞山德慶人身出險度中道夜  
半斬賊五百級毀廬千餘空其人田城之亡何  
後五千攻陷電白大掠而去材追破之石城伏  
海口伺其遁而織之奪還婦女三千餘錄功進副  
使萬歷初張居正柄國不悅材遂引疾去居正卒  
起官山東以才調遼東制原尋遷雲南洱海參政  
備兵金騰全騰地接緬甸而孟養蠻莫兩土司介  
其間叛服不常緬部曰大曩長曰散奪者率數  
千人據其地材謂不收兩土司無以制緬遣人招  
兩土司來歸而開討抗命夷阿坡居頃之緬兵爭  
蠻莫材合兩司兵敗緬衆殺大曩長逐散奪去緬  
帥莽應裏益兵至復擊沈其舟斬其將一人乃退  
緬人大舉復擊材遣游擊劉天俸等渡金沙江與  
孟養兵擊之賊大敗擢右僉都御史撫治鄧陽坐  
事還籍候勘又以雲南事被許遂獲重譴幽繫五

石鐘山志

卷五

遊覽

吉

年論救者五十餘疏大學士申時行復為材申理  
皆不省亡何孟養使入貢具言緬人侵軼天朝救  
援破敵有狀聞典兵者在獄罔皆流涕相率詣闕  
訟冤帝意稍解戍鎮海衛所至輒聚徒講學學者  
稱見羅先生久之  
赦還卒年七十九

劉定之字主靜號保齋永新人舉正統元年會試第一  
殿試及第授編修歷官至工部右侍郎兼翰林學士  
卒贈禮部尚書諡文安 四庫全書存目提要以公  
石鐘山歌等篇出語奇崛生平著述甚富蓋以學術  
發為勲業非章句之士所能庶幾也  
張紀字浣瀾四川華陽人萬歷戊戌令湖口是年內監

李道權稅湖關商苦萬狀氣餒方張莫敢誰何紀條  
病商十四事密上撫按兩臺為之疏請焉道垣山為  
園亭樹壯麗百獸充牣列異卉奇花皆敲骨吸髓以  
供奢欲後竟召回紀其首庸也尋擢鹽運判

陳大成字有懷山陰人萬歷間任湖口學教諭吟風弄  
月耽情花鳥首藉齋中于于也可謂大雅君子矣事  
具去思碑中

唐啟泰字見陽登州人以名孝廉為郡司李有庭集祥  
鸞囊漱秋水之頌丁卯冬署湖口邑篆建太虛亭於  
石鐘山志 卷五 遊覽 圭

治後山卓然亭於上鐘山嶠以其關會學脉也捐修  
柘機路仙順橋歸郡後猶蠲如初邑士民立碑於戟  
門之右以誌勿諠

成啟字伯佑江甯人崇禎末以貢任湖口縣主簿為人  
木訥石鐘陟覽甚頻有山水癖乙酉四月左兵圍城  
自分必死身具公服端坐於庭俄而城陷亂兵奄至  
啟叱曰國家養汝將以靖亂何反為亂我朝廷命官  
也汝不知乎賊捽下之索其金復叱曰冰署也何金  
可索賊刺其胸而死

張道字以中湖口人嘉靖乙丑進士授餘姚令繼任秀水擢四川道御史巡鹽河東按視貴州風肅臺輔尋以病歸居鄉不治謀生產沐藥自勵惟好石鐘山水每呼朋游眺必具壺觴年五十九卒祀鄉賢

張科字進卿湖口人嘉靖丙辰進士授中書舍人晉陝西道御史尋掌七道印并以執法聞奉命巡兩浙簡精銳以搗倭寇之虛總制胡宗憲被逮標下游擊王應岐原建昌營亡命殺僂甚眾遂自危率北兵萬餘出武林科以計圖之夜半就縛將入奏徐思主將逮

石鐘山志

卷五

遊覽

五

去乘人之危以徵賞仁者不為竟焚其草嗣勘趙阮侵餉忤權相意遂告歸年二十有八耳戚黨有與江陵厚者絕不一迹其家居鄉五十餘年稍以聲色自晦石鐘本城市山林游展所經絕不一至宰室卒祀

鄉賢

鄒逢吉字五從湖口人崇禎丁丑進士授武昌令抵任合官軍往剿呂瘦子賊党凡八日蕩平立龍虎二營做戚繼光陣法督率訓練暇即與諸生講學改調山東臨淄縣擢兵科給事中未踰旬京城陷懷宗殉社

稷逢吉痛哭自縊家人救解得甦賊迫之降不可作絕命詞曰碎首剜心從聖主英魂厲鬼殺狂奴命市一棺自題明給諫鄒逢吉之柩從容仰砒而死讀所作鐘山聽石歌猶想見怒濤鯨吼時也

米萬鍾字仲詔一字友石宛平人進士江西右參議陞按察司工書法遊大孤山洞石皆有題句又勒碑於下鐘山碑後仆

朱秉器集曰石鐘山在湖口縣彭蠡之衝上下二山嵌空岬岬予以丁卯北上南宮登焉閱蘇文忠詩序謂

石鐘山志

卷五

遊覽


七

山下有巖洞江濤流轉觸而成聲又謂上有漁池今廢不存矣自文忠而外又有吳明卿陳于韶二參伯詩時吳以南康節推遊陳以豫章參伯西歸陳詩中芳草浮雲之句殆有指也

人物志載朱孟震字秉器新淦人隆慶進士任南雄應南北部郎出守重慶卻黔中接濟餉千餘緡時稱廉介擢潼關兵備副使分守冀南值歲歉發粟給之遷四川按察使蜀人歲苦採辦請於臺使奏罷三之一詔賜金帛加二品俸轉陞陝西使慰安國亨素獷悍為邊患數以餽餉請於臺使威信國亨大懼人為順天尹巡撫山西

告歸以疾請

石鐘山志卷五



桐城方宗誠

校訂

善化胡傳釗

遊覽

國朝

蔡士英字魁吾錦州人以從龍功擢右副都御史謚襄

敏順治十二年巡撫江西時維舟湖口操小艇溯河

石鐘山志

卷五

遊覽

上下二石鐘間復觴於大士閣捐金屬湖口令南湖

并修葺之

李文讚字昭武四明貢士冬日偕友人遊上鐘石洞深

處有詩

程鳳翥字象陸聞喜人官憲副順治庚子舟次湖口風

占三日自上鐘歷下鐘樞衣穿窳攜尊屐磴同遊者

邑令喬鉢進士趙憲鼎其弟鳳羽也

沈忠柱字偉瀾吳江人序石鐘山集云子客鐘山兩閱

月秋清籟爽每驚濤乍起即踞坐山巔聽太古希音

彭士望字躬菴本姓危南昌人少有雋才講求經學崇

禎己卯父哲病且革闕邸抄漳浦黃道周平臺召對

語拊枕歎曰此鐵漢也顧謂士望當以為師父卒士

望既治喪畢即裹糧行謁道周道周已重觸帝怒繫

獄士望傾身營護會太學生涂仲吉上疏下詔獄予

杖辭連士望禍幾不測後道周論戍乃罷尋參揚州

幕未久辭歸與林時益徙家甯都時江右講學者星

子曰髻山南豐曰程山甯都曰益堂皆以名節詩文

相砥礪士望尤以躬行為本名其文曰恥躬堂集鄉

石鐘山志

卷五

遊覽

人有死節者其子幼被掠士望傾橐贖之為娶婦急

風義焉卒年七十四昔石鐘山所呈漳浦黃先生者

道周也

萬任字亦尹新建人康熙進士知甯晉縣事以事落職

歸耽情著述矻矻不倦巡撫宋學敬禮之夜泊石鐘

山有詩

李紱字巨來臨川人康熙戊子以五經舉本省鄉試第

一己丑成進士由翰林累遷侍講學士再遷至閣學

兵部侍郎出任廣西巡撫移直隸總督後因事削職

籍其家蕭然四壁婦女簪釧皆銅也既下獄飽啖熟  
眠讀書如平時甘撫胡期恆同被繫歎曰真鐵漢也  
尋奉 詔赦免遷內閣學士得疾以原官致仕昔  
游湖口次謝康樂彭蠡韻懷陶靖節先生暨七夕泊  
舟湖口諸作皆錄

蔣士銓字心餘鉛山人補縣學生督學金德瑛奇賞之  
目為孤鳳鳳與楊屋汪軼趙由儀稱江西四才子乾隆  
丁丑成進士改庶吉士授編修歷充續文獻通考  
館纂修順天鄉試同考尋乞終養奉母南旋歸南昌

石鐘山志

卷五

遊覽

三

築藏園以居生平抱負志節與人交有肝膽工詩闢  
幽發微言無虛響與錢塘袁枚陽湖趙翼並有名海  
內高麗使臣嘗餉墨四笏求其樂府以誇榮東國數  
過石鐘有詩紀游焉

喬鉢字文衣內邱人順治中任湖口令善氣迎人工詩  
文尤精書法樂鐘山之勝暇則攜客觴咏他名勝多  
所留題纂石鐘山集經咸豐年間兵燹無存  
涂璋字以赤南昌歲貢生儀表修偉善書法康熙三十  
五年補湖口教諭見學宮頽壞捐葺之復倡修殿廡

門祠手書禮門額創尊經閣於後山規制一新四十  
六年以卓異晉清河知縣再補項城縣內擢刑部主  
事致仕清項俱祀名宦祠子逢震乾隆己未榜眼

白潢字近薇漢軍鑲白旗人歷官湖南布政使康熙五  
十六年改江西布政使尋擢巡撫湖口縣闢因石鐘  
奇險濱江風浪甚惡關右武曲港可容千艘水易涸  
公游歷審覽請疏濬港口建壩二以阻游沙加排椿  
以固之商民稱便公在江西有清廉之譽因病乞內  
用累官至文華殿大學士 湖口志載公於康熙五

石鐘山志

卷五

遊覽

四

十八年開濬武曲港工竣再至登下鐘江聲閣惟以  
籍隸奉天蓋平不確

朱奇政字平齋長沙人先任福建同安知縣雍正二年  
引 見簡其才以湖口要地補焉面奉

世宗聖諭曰湖口地方要緊恭紀堂額以義學廢久  
遷石鐘江聲閣佛像為之恩禮備至嘉惠人文今猶  
思之無邊幅故態而馭下甚嚴未二載積廢之風一  
變然疆僿忤當事意已告養猶被累數月也

趙作霖字時若蘄州人初宰江浦有惠政雍正甲寅來

菴湖口新 文廟復義學臬江上盜數事尤於士氣  
民風大有裨益在任六年仁心實政雞犬不驚憂罷  
士民建去思祠鏡碑鐘石而餞之頌聲溢於街巷新  
令尹安繼祖嗟羨久起謂曰榮哉請受我拜遂下拜  
由是在任亦以惠聞繼祖鑲紅旂人

周煌字景恆一字海山涪州人乾隆二年進士改翰林  
院庶吉士由編修歷官內閣學士兼禮部侍郎二十  
六年提學江西行九江周濂溪祠田久廢公首捐金  
買田俾德化令注之籍以爲祠產士民間之遂各上

石鐘山志

卷五

遊覽

五

先世所占買者不受田值積之得七十一畝合公所  
捐遂盡復原額八十餘畝之舊至湖口禮陶桓公陶  
靖節祠官至兵部尙書致仕卒諡文恭

劉成駒字任亭南昌人乾隆十九年任湖口教諭與諸  
諸生講舉子業務期黜浮崇實士之被其教澤者侍  
石鐘江聲閣如坐春風中至參輯邑乘凡可激揚風  
化必蒐采無遺丁丑登進士第擢詞垣

董榕字念青一字漁山豐潤人拔貢乾隆二十一年由  
九江知府擢吉南贛甯兵備道性謙雅好士拓建書

院構豐臺與文士觴詠嘗遊兩石鐘序云天下事非  
兩較無以顯其奇非兩合無以彰其美就江湖觀之  
其始之澎湃奔騰雷响電激固各貌其雄各鳴其威  
若彼此無以相下而及其會而爲一混瀚溟濤象類  
胚渾明月清風有何彼此之異哉斯言足徵其有容  
德也

范玉琳字潤齋浙江石門人居官勤慎禮士郵民建松  
山書院政暇登眺石鐘吟哦忘倦在湖口任一載多  
善政卒於官

石鐘山志

卷五

遊覽

六

蔡浩字義夢湖口人食餼郡庠少失怙事母至孝讀書  
有慧性甫冠大中丞白近薇觀風首拔其文中丞詣  
縣勘濬武曲港宣浩見擊節稱賞學使王疇五尤器  
之試畢還都舟泊湖口借飲江聲閣卽席賦詩其爲  
學務樸誠教人以崇實黜浮爲要年八十餘勤學益  
篤著聞可集五卷皆見道之言無疾終子孫能以詩  
書繼其志

彭湖字西林湖口人弱冠府試第一補弟子員隱居課  
子姪讀父母疾不解帶者經年及卒喪葬悉如禮性

慈明善斷鄉有不平事得其言卽解論者比之陳實  
王烈焉近居葺圃前後湖水迴迴澄波如鏡架屋其  
上爲講堂因介居兩橋間聯唐人句曰雨水夾明鏡  
雙橋落彩虹旁構適餘堂其東偏更置醒園皆有序  
春風桃李秋月菊桂訓子貽孫於其間作詩論文陶  
然自得子三人皆成進士姪若孫俱掇巍科南昌相  
國文勤公題其墓曰膝下傳經三進士身前課讀十  
登科皆紀實也

曹基申字建奎湖口人博極羣書年六十一登進士第

石鐘山志

卷五

遊覽

七

任山東蒙陰平和知縣署濟南府同知罷歸掌松山  
書院從學者眾風浴湖光山色中歌咏優游髦猶講  
學不倦摘周子篤其實而藝者句書爲講堂額年九  
十七卒

王士禎新城人北歸志十二日過大孤山上有神祠過  
南湖觴卽潯陽江入湖處有山在其東上石鐘也次  
湖口縣過關卽發過下石鐘山二鐘石壁與英德彈  
子磯相類山根皆玲瓏空罅所激濺噌吰鏗鞳天籟  
出焉惜不月夜泊此一驗東坡語也

王企靖字必遠直隸雄縣人進士康熙五十九年巡撫  
江西過湖口飲下鐘江聲閣題匾曰江天一色無纖  
塵

王思訓字疇五雲南昆明人進士由翰林編修督學江  
右康熙六十年試畢還都泊湖口偕教諭余甫及暨  
邑諸生黃河崑蔡浩等飲江聲閣卽席作詩書之呈  
王撫軍企靖

翁方綱號覃溪順天大興人進士由詹事府督學江西

乾隆五十三年試竣將之饒州道經湖口偕知縣雷

石鐘山志

卷五

遊覽

八

元運邑人周厚轅遊下鐘山手書蘇記并賦詩

沈初別字雲椒浙江平湖人榜眼官侍郎督學江右乾

隆五十八年按試九江過湖口阻風登石鐘山賦詩

邑人周厚轅次韻

吳烜號鑿菴河南固始人由翰林編修督學江右嘉慶

六年三月九江試竣上巳日抵湖口偕同人覽上下

二鐘別薛搜祕作長歌以紀勝

曾國藩字伯涵號滌生湘鄉人道光十八年進士改庶

吉士授檢討以功擢任體仁閣大學士給一等毅勇

侯再督兩江薨於位諡文正成豐八年七月督師過湖口掉小舟石鐘山下審噲吹竅坎鏜磬之聲登山縱覽喟然曰始吾勅設水師與雪琴諸君子喋血於狂風巨浪之中雖一戰勝湘潭再戰克岳州下武昌大破田家鎮轉戰無前後以銳進入彭蠡賊乘水涸截江致一軍水師分爲外江內湖正如上鐘下鐘兩山以霧障而不能合也上年九月克湖口奪石鐘兩軍復合又如霧障開而兩山屹相向也想其時血瀑巖上指掬舟中積淚漲江求奪此一關而不可得今竟得之誠東南半壁一大關鍵也諸君皆中流砥柱知於石鐘險要加之意乎越日再登山入昭忠祠哭祭陣亡將士休息十日作祠記一篇乘輿書之彭公玉麟爲鈎摹泐石焉

國史載李瀚章奏畧云國藩初入翰林卽與故大學士倭仁太常寺卿唐鑑微富道何桂珍講明程朱之學克己省身得力有自遺值時艱毅然以天下自任死生禍福置之度外其過人識力在能堅持定見不爲浮議所搖用兵江皖陳四路進攻之策勦辦捻匪建四面感賊之議其後成功不外乎此英翰奏畧云自安慶克復後國藩督軍駐紮整吏治撫瘡痍培元氣訓屬寮若子弟親百姓如家人生聚教養百廢具舉至今皖民安堵皆國藩所留貽一聞出缺士民奔走婦孺號泣以遺愛而言

石鐘山志

卷五

遊覽

九

石鐘山志

卷五

遊覽

十

自昔疆臣湯斌于成龍而後未有若此感人之深者何環奏畧云成豐十年國藩駐祁門皖南北十室九空自金陵至徽州八百里無處無賊無日無戰徽州初陷休祁大震或勸移營他所無藩曰吾初次進兵遇險卽退後事何可言吾去此一步無死所也賊至環攻國藩手書遺囑帳懸佩刀從容以十餘載積誅之狂寇國藩受餉四年次第外皆因祁門初基不怯有以寒賊膽而作士氣臣聞其昔官京師卽已留心人物出師戎軒尤勤訪察雖一材一藝罔不甄錄又多方造就以成其才安慶克復則推功於胡林翼之篤謀多隆阿之苦戰金陵克復又推功於諸將無一語及其弟國荃談及僧觀王及李鴻章左宗棠諸人皆自謂十不及一清儉如寒素廉俸盡充官中用未嘗置屋一椽田一區食不過四盤男女婚嫁不過二百金垂爲家訓有唐楊綰宋李沆之遺風其守之甚嚴而持之有恆者曰不誑語不晏起前在兩江任內討究文書條理精密無不手訂之章程點竄之批牘前年回任感激聖恩高厚仍令坐鎮東南自謂稍有怠安負疚滋重公餘無事理之源委無不諳諳於心其患病不起實由平日事無鉅細必躬必親殫精竭慮所致也上諭據何璟李瀚章請於安徽湖北省城建立專祠又據何璟李瀚章請督子孫詳晰覆奏披覽之餘彌增悼惜曾國藩器識過人盡瘁報國當湘鄂江皖軍務棘手之際倡練水師矢志滅賊雖經剛厄堅忍卓絕曾不少移卒能萬眾一心削平逆寇功成之後寅畏小心始終罔懈其拔薦賢才如恐不及尤得人以彰忠義忠誠克効功德在民允宜迭沛恩施以彰忠藎曾國藩著於安徽湖北省城建立專祠此此外功省分并著准其一體建立專祠伊次子附貢生曾紀鴻伊孫曾廣鈞著賞給舉人住其一體會試曾廣鈞著賞給員外郎曾廣銓賞給主事俟及歲時

分部學習行走何璟李瀚章英翰摺三件均著  
宣付史館用示瞻念勳臣有加無已至意欽此

李續賓字迪庵湘鄉人從同里羅澤南講學咸豐三年  
澤南率勇援南昌公從焉六年三月澤南中鎗卒公  
並將全軍克武昌漢陽湖北既清九江之賊益困乃  
掘長塹圍之分軍援剿江北彭公玉麟授密謀舟載  
奇兵夜襲湖口之背遲明水師至公率陸師自湖口  
後山騰躍而下賊大驚盡殲其眾湖口城復梅家洲  
偽城亦削平卒克九江賊無一脫者天下快之奉  
命剿賊廬州次三河鎮師少而半潰公怒馬陷陣死

石鐘山志

卷五

遊覽

十一

之贈總督諡忠武錫騎都尉兼雲騎尉世職曾偕彭  
公玉麟宴石鐘謝永祜爲募崖紀勲回想當年不向  
峴碑而墮淚者幾希已

蕭捷三號敏南武陵人道光丁酉科中式武舉管帶水  
師後營歷功至副將咸豐五年率內湖水師夾擊石  
鐘山踞逆以外江無援中礮殉難諡節愍公素性豪  
邁登山俯瞰江流已具祖述擊楫澄清之志今日湖  
光山色永奠馨香知英雄自有千古也

李孟羣號鶴人固始人年十五以冠童子軍入泮道光

丙午舉鄉薦連捷成進士官粵西初象靈川有聲隨  
大軍討平奸民李沅發之亂以戰績擢府司馬次攝  
桂平值金田變起大吏令事戎行馳驅嶺嶠盡心贊  
畫解桂筦圍援勦潯州艇寇有功遷觀察使攝潯州  
守奉曾文正公

奏調赴湖南領水軍兼全軍營務處師次湖口攻堅  
必力還武昌別擇將領率水軍躬督陸軍赴援羅蘄  
連拔英霍勝節帥保以書徵援固始解圍後復徵隨  
攻六安以糧匱弗果又徵往懷遠糧愈匱時已授院

石鐘山志

卷五

遊覽

十二

藩權巡撫事奉

命未十日而廬州失守紮營廬屬之長城竭餉數月  
精銳漸散憤極將自刎爲數卒所阻賊擁入廬郡數  
日罵賊殉節此咸豐九年二月間事也死時作絕命  
詞四章詞曰敗局猶爭一著棋髮將種種待奚爲生  
無將畧酬時望死有忠魂報 主知祇笑羊頭增僞  
爵誰令馬革裏還屍清流他日春秋筆可道從容取  
義遲腹背憑陵進退難權輕餉竭又兵單不聞糧運  
徵袁術况復師期斷賀蘭掣肘忍令時事壞撫心惟



覺 主恩寬燈前莫訝人憔悴一片孤誠早化丹西

指鄉關一淚流虛疑紫閣駕丹虬余生時曾祖母周太夫人於是夜夢

赤虬自天而下入 書聲出戶兒雙讀柳色當樓婦對

愁階下荆花常合蒂堂前蕙草自忘憂九泉拜父應

含笑兩代清名萬世留十載馳驅戰伐塵嘉名深愧

拜 恩綸談兵徒負傳經志所著諸錄盡失覓句還驚下筆

神有夢東詩集並外集八卷未知能存否家國堪虞空涕淚乾坤維繫

祇 君親少年解脫無諸相欲叩蓮臺問夙因詞後

書倘吾李氏他日獲見此稿裱藏家廟中以繼吾父

石鐘山志

卷五

遊覽

十三

遺屬之後數語蓋公父愍肅公於咸豐四年官湖北

按察使城陷死難繼完大節其志固有定趨也公生

平酷愛山水過石鐘必攜酒登臨嘯咏題什甚多惜

兵燹散佚茲特謹述顛末以誌不忘

江忠義字味根新甯人同治二年六月督軍至湖口賊

自文橋迄太平關連營三十餘里伺官軍所向乘其

後公初至申嚴約束他軍之擾民者縛治之民大悅

爭探賊謀來告乃馳登石鐘花尖山一帶視形勢定

計攻賊戰於文橋敗之回軍擊太平關又敗之賊懼

不敢出公分兵斷文橋之後而令前軍示賊以懈使

降人誘之賊悉眾來攻伏起賊首黃文金受重創遂

大敗奪氣由太平關遁其年十一月公感疾次吳城

卒贈尚書諡誠恪

成發翔號鳳樓衡山人帶水師左營積功至儘先題奏

提督甘肅巴里坤總兵

賞穿黃馬褂協勇巴圖魯同治四年病故生平雅好

山水石鐘尚有遺迹想山靈當為呵護也

蕭翰慶號輔丞清泉人以鹽運使銜 記名道帶水師

石鐘山志

卷五

遊覽

十四

左營兼全軍營務處咸豐十年統各軍援浙行抵徽

州留防三月間連復石埭太平等城又調援蘇常軍

次湖州與賊接仗力戰死諡壯烈前攻湖口搗石鐘

公亦與有力焉

胡德璜號載康善化人性好學屢躋北闈咸豐元年出

遊佳山水登峨嵋還泛舟洞庭訪天台雁宕諸名勝

倦游過石鐘載奇石歸有輕舟載得好山來之句家

距白沙泉近烹茗賦詩意甚得也值寇亂投筆從戎

帶志同軍楚勇克復義甯宜黃崇仁等城兄德璋姪

傳鑄於進賢軍次相繼死綏公益勵同仇之志多著  
戰功援浙綜理水陸諸軍營務處旋辦廣信防務力  
解玉山城圍於咸豐十一年正月勦賊信郡南門浮  
橋血戰殉節以同知陞用知府  
贈道銜入祀京師昭忠祠祀廣信專祠廕襲雲騎尉  
世職罔替

沈葆楨字翰宇一字幼丹侯官人道光二十七年進士  
改庶吉士授編修咸豐五年由御史出知九江府明  
年調署廣信賊突犯郡城乞師於駐衢總兵饒廷選

石鐘山志

卷五 遊覽

五

率所部馳援公徒步守陴妻林氏雲貴總督則徐女  
也同在危城躬汲爨具壺漿以餉士卒城以克完累  
官至江西巡撫擢兩江總督嘗至湖口登石鐘飛捷  
樓作記卒贈太子太保諡文肅

以上皆已往之人湖口志併載彭宮保游蹤於  
後茲照錄

彭玉麟號雪琴自署吟香外史湖南衡陽人由廩生累  
功晉宮保咸豐七年統水師克復湖口登石鐘山刻  
石又奏請建楚軍水師昭忠祠於下鐘之巔旁構浣

香別墅梅塢罇天坡仙樓等勝南麓臨江構坡仙樓  
重鐫翁覃溪先生手書蘇記於其上每軍次湖口必  
捫蘿剔蘚流連歌詠累日不忍去輕裘緩帶雅歌投  
壺殆不羨羊公峴首庾亮南樓也著有祠記及畫梅  
蘭刻石

石鐘山志

卷五

遊覽

十六

石鐘山志卷六

芷江李成謀

蒐輯

益陽丁義方

桐城方宗誠

校訂

善化胡傳釗

祥異

鐘子磯灣沙洲圓未建隆三年事初湖口馬狀元適之

祖葬灣左幘頭山識言沙洲圓出狀元至是適果應

之載儒林傳

石鐘山志

卷六

祥異

一

五星聚奎宋乾德五年載儒林傳

赤龍橫水中如山寒風怒濤覆舟數十艘溺水死者眾

宋紹興二十五年載湖口志

上鐘石裂明正統十四年載湖口舊志

上鐘巖石崩明正統十六年六月十八日載湖口志

電大如雞卵明宏治四年六月載湖口志

下鐘石裂見觀音大士像明成化間事載湖口舊志

彭蠡湖冰合可通行人明正德八年冬事次年八月朔

日食既晝晦星見雞犬驚鳴載湖口志

赤氣橫境旱井泉皆涸明嘉靖五年正月事二十四年

七月雨雹載湖口志

城中水深四尺以舟楫通往來明萬曆三十六年載湖

口志

大雪四十日山中禽獸多凍餓死明天啟二年正月事

次年七月熒惑入守斗口九月乃退八月太白入月

蝕十二月太白晝東見載湖口志

山民趙本進妻邵氏明天啟六年一產三男方丙妻甘

氏大德十年正月一產四男李茂華妻謝氏

石鐘山志

卷六

祥異

二

國朝順治十二年一產三男黃疇衍妻秦氏嘉慶十

五年一產三男吳紹業妻時氏年四十五歲嘉慶二

十一年八月二十日初胎一產三男以上載湖口志

孫作羹妻曹氏咸豐元年一產三男載江西通志

江魚凍死明崇禎元年十月十八日事次年十月二十

四日夜大風拔木折屋覆舟載湖口志

地震明崇禎四年七月十八日丑時事其年八月二十

七日大風拔木飄瓦垣牆皆頽九月十六日午時天

鼓鳴十月十六夜地復震次年正月初二日杜鵑鳴

七年三月地大震載湖口志

魚浮蔽江明崇禎九年秋九月自重陽後酷熱下旬尤

甚二十九日之午暘不可言是夜無風自寒明日魚

浮盡凍僵者載雨禪新瀝

石鐘南十餘里大城山有土白膩可餐俗呼觀音粉明

崇禎十年大饑民爭取食之有死者是年十月日食

既晝晦二時雞犬奔吠載湖口志

江湖不漲溪澗皆枯明崇禎十六年載湖口志

地震有聲

石鐘山志

卷六

祥異

三

國朝順治九年三月載湖口志

虎入城知縣馮先成召眾合圍而歸咎於司扁者不知

其踰城也事在順治九年虎殺人於城中入官解在

順治十七年豹虎傷人在同治六年豺虎食人在同

治八年有虎突入鄉民楊勤學家陳鐸邀眾會圍屈

念曾領八人登樓擊斃在同治十二年三月二十七

日均載湖口志

海鹽俞雲來令江西之湖口邑有虎患有貢生家在兩

山之中忽聞一物墜其屋上梁瓦俱裂次早視之見

異獸墜兩櫃間而死羊頭羊蹄牛身馬尾不知何怪

又漁者獲一魚重斤許魚頭鼠身云鼠入水所化事

在康熙丁巳年載述異記

書晦如夜大風拔木康熙七年三月十一日事是年六

月十七戌時地大震五十九年七月朔日蝕幾盡晝

復晦載湖口志

梅家洲冰合可通行人康熙九年冬事五十四年冬江

凍舟楫不通五十七年三月雨雹如彈丸載湖口志

地震雍正四年十二月十七日事至乾隆十年六月地

石鐘山志

卷六

祥異

四

復震載湖口志

大風古木多折乾隆二十年三月二十八日事三十三

年三月大雨雹大木多被風拔載湖口志

下鐘觀音閣南石裂見唵嘛呢叭嚩吽六字字橫豎八

寸許事在乾隆丁卯春崔謨紀異

大雪平地深數尺嘉慶六年正月事十九年正月初大

凍樹木多折二十一年二月大雪平地深數尺登石

鐘觀雪景一望無垠載湖口志

郭家口洲有洞出火然薪可炊月餘息在嘉慶十七年

冬載湖口志

黃茅潭畔舊為隰田屢被豬蛟攻陷至千五百餘畝邑令程繩祖患之齋禱於城隍其蛟白日斃於迅雷尸血浮江於是請除田稅民賴以安建祠祀之載南林彙纂

風折大木嘉慶二十二年四月事是年六月底天暴寒人多挾纊載湖口志

雪深三尺大凍道光二年正月事次年大水五年二月二十八日大風拔木六年三月初四日地震九年六月

石鐘山志

卷六

祥異

五

月十七夜天鼓鳴十二月二十三日亥時地下有聲載湖口志

郭家口外洲有洞出火數月始息在道光二十六年載

江西通志

大雨雹重約斤許狀如雞卵距石鐘數里上老臺山一帶地方禽獸多擊死咸豐元年三月初十日未時事

四年十一月初五日未時鐘山下池塘水沸一尺有

奇載湖口志

桃李冬華咸豐二年事同治八年亦桃李冬華載湖口

志

長星見辰東西在咸豐二年秋兩日相磨盪在咸豐三年夏其年正月十三日粵匪陷城六年蚩尤旗見七年彗星見於西北十一年六月彗星復見八月初一日日月合璧五星聯珠均載湖口志

酬山民張薰彩家粟兩歧咸豐九年秋載湖口志

下鐘巖背於光緒三年春為輪船撞崩是年冬大凍冰塊損舟次年春竹開花載鹿蕉夢館筆記

上鐘洞於光緒四年秋來游方僧坐修丁燕山軍門為

石鐘山志

卷六

祥異

六

柵以防野物不數月僵斃載鹿蕉夢館筆記

下鐘飛捷樓於光緒六年春雷震牆裂登者危之載鹿蕉夢館筆記

蕉夢館筆記

山卉有一種名仙人拳者原無枝幹忽於光緒八年夏

四月開花紫豔尖瓣如蓮儼人手持狀載鹿蕉夢館

筆記

江漲蛟水於光緒八年五月浸埒鐵屏山城街道水深

三尺城外橋壩民房多被衝陷有山連墳冢移置田

間者人口亦有淹斃水至七月始消退載鹿蕉夢館

筆記

石鐘山志

卷六

詳異

七

石鐘山志卷七

芷江李成謀

蒐輯

益陽丁義方

桐城方宗誠

校訂

善化胡傳釗

軼事

南州遣吏獻犀簪於孫權舟過官亭廟而乞靈焉神忽

下教曰須汝犀簪吏惶懼不敢應俄而犀簪已列前

矣神復下教曰俟汝至石頭城還汝吏遂行自分失

石鐘山志

卷七

軼事

簪且得罪死比達石頭忽有鯉魚長三尺躍入舟中

剖之得簪

幽明錄

吳猛以二龍負舟一宿至官亭湖

豫章記

葛元字孝先吳人初從左慈受九還液仙經後得道號

仙翁咸甯中雲遊湖口之武山修煉三年不知所之

其故址曰葛仙壇丹爐藥池猶存曾極詩曰人間底

事有方壺劔截青瑤界碧虛試上殊庭觀醉葛仙雲

垂帶護儲胥

湖口志

李武徽州歙縣人客遊江湖遇異人授以仙術施藥愈

病屢驅旱魃後於湖口之鳳山嶺

距石鐘十餘里

結茅爲廬

精修數年遂成道一日於酷暑暴卒曝屍日中旬餘

不朽牧童異之投以石有金錢觸石而返於是羣兒

競投石遂成塚後有人過於逍遙山者回白之啟視

其塚衣履存焉里人建廟塚旁祈求輒驗號爲眞仙

亦曰大仙

湖口志

周顛仙建昌縣人幼患顛疾行乞南昌市中因號周顛

會明太祖定南昌顛謁於東華門及歸建康顛亦至

上每出輒擁馬首呼曰告太平上厭其煩飲以燒酒

石鐘山志

卷七

軼事

二

弗醉既而覆以巨缸積薪煨之火熄啟視危坐晏然

乃命居蔣山寺月餘與沙彌爭飯遂半月不食上召

之賜以穀饑更令饑之至二十三日亦如故於是軍

士競獻酒殺一飽輒吐及上賜之過飽且酣不復吐

也未幾上將西征僞漢問顛可否顛曰可上曰彼已

稱帝今與戰豈不難乎顛仰視屋上久之穩首正容

以手拂之曰上面無他的上命偕往顛舉杖趨舞作

壯士揮戈狀以示勝兆至皖城無風以問顛顛曰行

則有風無膽不行則無風於是諸軍牽舟泝流而上

風起漸猛倏忽達小孤時江豚戲水顛曰水怪出損

人多上惡之至湖口使人持去溺之江頻溺不死復

與持去者偕來延頸鞠躬謂上殺之上曰殺且未遂

入廬山洪武二十五年上患熱疾幾危俄有赤脚僧

至言周顛仙及天眼尊者自廬山竹林寺遣進藥上

服之一夕而瘳親爲製傳次年遣中書舍人詹希原

鑄石於天池寺東北今御碑亭石刻是也

湖口志

住得姓沈法名覺顯九都後港村人也以父母蚤喪祝

髮於彭澤正覺寺

湖口舊志始修行於武山白雲洞石鐘亦有白雲洞下鐘洞內有赤

石鐘山志

卷七

軼事

三

遺迹冬夏跣足因號赤脚僧洪武六年癸丑居湖口

之蓮花寺後徙廬山天池寺十六年癸亥赴闕言匡

廬山中老人令我見天子言國祚上不報守闕四年

歸廬山上賦詩寄之又五年上患熱疾甚危時住得

聞徐道人言竹林寺現

請僧往視

之見天眼尊者坐於寺

中少頃一披草衣者入住得曰此何人天眼曰周顛

也今人主作熱彼持方藥汝當送與服之住得詣闕

進溫涼藥二片溫涼石一塊盛以金盆磨服之是夕

病愈御製赤脚僧詩曰跣足慇懃事有秋苦空嶺際

孰爲儔愆銷屢世冤魂斷幻脫當年孽海愁方廣昔  
聞仙委跡天池今見佛來遊神憐黔首增吾壽丹餌  
來臨久疾瘳後住得卒上賜葬塔以白石因火易以  
鐵有御製二字金塗之初與彭澤王奎善永樂二年  
奎以耆民署縣事時苦旱至廬山取白龍湫水爲民  
禱兩住得坐石上候之相見話舊甚懽遂止奎宿奎  
知住得已死固辭住得書二符俾一置壺中一佩衣  
帶曰至縣雨急可燒佩符雨足須於正覺寺設醮謝  
我我以佛鐙爲驗中元之夕果佛鐙飛繞殿角望之

石鐘山志

卷七

軼事

四

如七星今觀音山七星臺其遺蹟也

湖口志

湛虛姓段名希謙湛虛其法名也幼嗜佛旣冠餼於庠  
累試不第又艱子嗣崇禎間遂棄家構月波亭於山  
隙而銘之有宗風遍野目擊而存之句自署靈墅道  
人尙書李長庚都督劉僑計借北上嘗與語於維揚  
旅次輒驗二人異之後過訪至亭題光明藏而去  
國初遍遊名山不知所終

湖口志

周昉與商人泝江行夕至宮亭廟廟嘗患鬼物爲祟商  
曰誰能宿此者昉膽性果決入宿竟夕寔然晨起見

有白頭翁捕之化爲雄鴨還船欲烹之遂飛去後竟  
無他

郡志

宮亭湖廟神甚靈能分風孽流行旅之人過必祭祀而  
後得去故曹毗詠云分風爲貳孽流爲兩昔吳郡太  
守張公直自守徵還道遊廬山子女觀祠婢指女戲  
妃象人其妻夜夢致聘怖而遽發明引中流而船不  
行合船驚懼曰愛一女而合門受禍也公直不忍遂  
令妻下女於江其妻布席水上以其亡兒女代之而  
船得進公直方知兒女怒妻曰吾何面於當世也復

石鐘山志

卷七

軼事

五

下已女於水中將渡見二女於岸側旁有一吏立曰  
吾廬君主簿敬君之義悉還二女

水經注

宋仁宗時歐陽修刻瀧岡阡表碑僱舟載回至鄱湖泊  
廬山之下是夜一叟同五人至舟中揖而言曰聞公  
文章蓋世水府願借一觀請碑入水遂不見惟陰風  
怒號淡月映空修驚悼不已坐以待旦黎明傳諭泰  
和令黃庭堅爲文檄海神投湖中忽空中語云吾乃  
天丁也押服驪龍往而送至永豐沙溪勅賜文儒讀  
書堂之南龍泉坑而交也文忠歸家掃墓但見坑中



雲霧蒙蔽虹光燦空往視一大龜負碑而出倏忽不見惟碑上龍涎宛然在焉乃起置於崇國公墓前前廊

筆偶

宋哲宗時廬陵歐陽明從賈客道經彭蠡湖每以舟中所有投湖中後忽有一人來召云是青洪君所使明甚怖吏曰無可怖青洪君感君前後有禮故要君君勿取獨求如願耳吏引明至一官府見青洪君乃求如願吏語明曰如願青洪君之婢也明將如願歸輒得數十年大富錄異傳

石鐘山志

卷七 雜事

六

秦少游南遷時舟宿宮亭廟下見湖月光彩特異因憶昔在西湖雲老惜竹軒所見景色與此不殊其夜夢美人自稱維摩散花天女以維摩像求贊少游愛其畫謂非吳道子不能作天女戲贈詩曰不知水宿分風浦何異秋眠惜竹軒聞道詩詞妙天下廬山對景可無言少游贊曰竺儀華夢瘴面囚首口雖不言十分八九應笑廕覆大千作獅子吼不如博取妙喜似陶家手既寤常自書之其真蹟後落雷州天甯寺冷齋夜話按舊郡志誤以惜竹軒屬宮亭湖縣志因採入名勝不知軒在西湖也今名勝內已刪

彭澤有鳥接丸行者丸飯投之高下無失潯陽記謂孤山有鳥接食嘗逐客舟即指此張勃吳錄

有估客舟下都者過鞞山見二女子謂曰至都幸為我買兩綉履估客意其神也至都即為市履盛以小笥并置書刀其中比還至廟薦笥履而去亡其書刀舟方帆忽一鯉躍入剖之得書與刀搜神記

彭蠡湖側有李進勅者販魚於金陵夜泊三山之浦偶步岸側聞舟中有千萬人念佛經察之乃魚也搜神記

袁州人徐璠舟過大孤山遇二生云家在袁州仰山下遂同載而歸至浦東告別期於石橋相訪後徐至其地見二龍焉一統志

石鐘山志

卷七 雜事

七

安侯世高者安息國太子與友人出家學道友人恚怒死受蟒報為此宮亭湖神世高於廣州為人所殺還生安息國復為太子年二十又弃國入吳來至宮亭泊舟呼友人與語友人身長數十丈見世高胡語竟各分去暮有少年上世高船跪受咒願忽不見世高曰向少年即此廟神也得離惡形矣蟒既見世高從山南過死於山北今柴桑民所居蛇里是也周景式廬山記

饒估彭萬年禱吳城之張令公祠夜夢令公投之坐詢  
 曰剽人財室人室何等律乎答曰斬耳頃贏一人反  
 接至使畫字萬年畫斬字於背及獻級則其伴鄒三  
 也先是萬年與三伴分舟而行萬年避風艤左三  
 舟渡湖是夜盜劫三舟被殺而萬年寤驚覓三舟於  
 湖口知三已死哭之遂斂三木挈三家人置後舟借  
 之維揚暨回舟而飲三婦於船詢曰夫人非三妻而  
 得隨三何也婦愕失箸既而視僕萬年令三僕避後  
 婦流涕曰妾建昌追工妻也夫積工值攜妾歸附三

石鐘山志

卷七

軼事

八

後舟夫病三據妾身并值有之夫棺在板子沙家遺  
 老姑存亡不知君何得詢及乎萬年曰吾惟稔其情  
 故以詢雖然亦思歸乎曰思之萬年遂呼三僕語割  
 贏財千金半與僕而以其半給婦歸建昌使養姑焉

毛奇齡湖  
中客傳

元末兵亂邑十三都民夏光瑞與崔讓一蔡昌發等糾  
 眾保輯稱爲宰相會明太祖與陳友諒相拒鄱湖乃  
 以兵助明屢敗賊卒賊眾大集遂遇害後贈嘉議大  
 夫土人祀之

湖口志

志

萬曆間有生員楊右軍者在寅賓門外夜飲城中乘  
 月獨歸將至大虹橋遙見數人坐於橋上相謂曰福  
 建子至矣俱躍入水既渡橋數十步顧見數人仍坐  
 橋上且嘆且吟曰昔日紗籠逢叔度今朝重遇晉江  
 人叱之不見後登崇禎己卯副榜

榜今

舊志按舊志楊未  
注名亦未載登副

萬曆二十六年九江民馮萬善先以領解鹿皮胖襖入  
 京耗蠹盡計無所出與其黨朱國泰熊文耀楊華春  
 誘中人以礦稅之利進湖關圖上遣御馬監李道以

石鐘山志

卷七

軼事

九

往萬善等號爲本頭冀以都下無賴九月朔至湖口  
 初止料船分潯關額鈔既而奏請征商有督理湖口  
 靳黃安慶之號開黃牛泐楊港攔馱鵝洲八里江名  
 爲艤舟實令近岸得晰貨物底裏有巡攔追舟不及  
 詩南康府增役往追門隸弗爲通又請於星子縣弗  
 許世臣以故縱誣之奏入逮知府吳寶秀知縣吳一  
 元併及門隸巡司是日寶秀夫人投繯死四十一年  
 葛寅亮兵備江州絕道使不受饋遺檄守備及湖口  
 知縣爲約束斃其魁於獄次者椎楚囊三木市中分

謹守者百人爲二番各給腰牌月赴道驗又發禁令  
數十紙揭厥壁白是始知有憲紀矣善志

守道舒其志署九江時稅璫李道除厥校緝事外自置  
京隨百餘人皆悍賊死黨上下羅織卽蓮舟漁艇無  
得脫者其志製飛鶴數隻由鄱湖渡湖口密令守備  
丙夜聚蘆葦列炬火喊聲山震從烈焰中縛其渠魁  
用前艇飛送九江獄校眾奔跳水中璫聞之泥首乞  
命其志給曰若住此不免惟束裝宵遁耳璫果遁去  
於是盡以其餘黨置之法人咸快之省志

石鐘山志

卷七

軼事

十一

董監廟絕句云仁傑淫祠廢欲無枯楓老樹兩三株神  
烏憤得高人食飛趁征帆過蠡湖按董監不知何許

人能集

萬厯丙子七月邑侯魏豫之餞舉治廳忽風吹斷蘆三  
進儀門二升廳階一人井中眾驚異明日許汝魁鄒  
銘孫光祚及某四人同舟赴省某吟舊句云遙望騷  
山勢儼然孫笑曰一拳劈倒水中眠鄒急續曰大家  
着力扶將去許云雲路從茲直到天試畢同舟歸阻  
風至虹橋港忽報三人同膺鄉薦孫聞喜極躍岸墮

水死後鄒仕至蘇州同知許登丙戌進士累官南京  
通政使司升階入井兆固由天而雲路水中識亦自

我口爲禍福之門信哉夢隱詩話

周用修樓下村人生計頗自給一日有嫗年五十許入  
其家踞其樓用修欲見不允而寢食無異常人舉家  
亦安之猝有詐語飛入其耳怒亡去嗣後出入無時  
用修所貯布菽啟視一空鄰人但見老嫗在用修門  
首日市布菽如是三年家困甚巫治不驗宗人厚轅  
以席吉士在假至其家先一夕怪去用修異之乞厚

石鐘山志

卷七

軼事

十二

轅爲驅除厚轅用硃書黃紙檄其土地及社神曰陰  
與陽同一理無陰則已若果有則區區樓下村有二  
神在此而竟聽此妖崇人莫之問乎限三日驅之不  
能則五日七日若再不能是無神也焉用血食爲當  
令焚爾祠毀爾像矣檄既焚厚轅卽渡江訪友閱月  
歸仍過樓下村用修迎而謝曰君焚檄後怪不復來  
文之力也復求草善後文焚於二神祠怪遂絕新齊  
異孟通女四貞聘於周末嫁其婿不得於繼母欲寒其  
盟女聞之嗚咽不已晚以所簪雙篋及所著襦褌各

分爲二一置筭一置江頭赴水死崇禎元年十月初

三日也巡按范復粹匾曰冰霜烈節糧道莊祖誥作

歌哀之曰莫道儂顏豔如花儂命如葉薄堪嗟嗟來

不如花與葉雨雨風風但愁怯幾年紅定語偏寒鳴

鳴玉筋滴辛酸遲歸匪作標梅怨不字乃字良獨難

愁絕弦斷真斷腸弦雖斷兮更難張西家羞逐鬼蝴

蝶東皋嫌屬野鴛鴦弓蓮金篦雙雙好寂寞青菱與

衰草生骨甘同精衛魂死心不共虹蜺老如花如葉

托貝官好向蘭香披素衷江上筠斑多少恨潯陽有

石鐘山志

卷七

軼事

志

淚再傳紅 國朝雍正四年祠祀

湖口近廬山城中且多虎患有張孺子者隨父刈蘆洲

中虎突出掠其父孺子追及之以杖連擊虎首碎然

有聲父遂脫虎踞地舐舌若垂涎孺子者孺子就旁

俛首視父不復知有虎也父療治月餘而痊知縣喬

鉢獎賞爲之傳歲貢王命頤往武山中路遇虎從容

謂曰下吾過此虎遂下令頤履蹈如常卒不一回視

周學臣妻柳氏年二十三夫故撫遺腹子事翁姑至

孝宅嘗有虎幾危及翁氏號泣虎輒去

湖口志

補輯

天順間有僧自稱不佞道人居嶺南崖石室中題其壁

曰一上一上到匡廬山眼觀四海身在五雲間芳

草連天齊遮鸚鵡綠落花滿地亂點鷓鴣斑洗鉢池

邊浪翻龍戲躍講經臺畔風嘯虎生寒此處百丈紅

塵飛不至清風明月讓與道人閒後他徙嘗寓石不

知所終廬山新志

唐汝舟字濟民臨川人也年四十五舉進士爲武陵斬

春黃梅三縣令忽丐辭去歸潯城有一子出贅于其

石鐘山志

卷七

軼事

志

鄰悉以餘財散之諸山菴寺而與妻張傳食於其間

諸菴寺咸不過一再至至纔旬月又輒他徙衣不加

紉浣莫測所以度寒暑也錢幣無所挈持莫測所以

應緩急也人間往從之即深自避匿不與見故罕有

逢之者年六十九上下山險甚駛寓南湖背山數月

後不知所終潯陽記

巖下老人者不知何許人亦不詳其姓字莫武帝南巡

狩過潯陽詔舉逸民時老人之齒長矣而澹然處於

巖下左右強以應詔老人曰堯仁如天孤雲自飛一

水一石臣之樂也帝曰卿不願仕耶老人曰束身王朝其如北山之雲何帝嘉其志禮而遣之史

譚景升於終南山著化書出授宋齊邱託序之行世齊

邱將酒灌之沈涵以牛皮裹縫投於江為漁人所獲

剖開見先生勳勳臥不止喚之久方覺曰宋齊邱奪

我化書投我於江因留詩曰綫作長江扇作天靴鞮

拋向海東邊蓬萊信道無多地只在譚生拄杖間遂

化風去景升名峭即紫霄真人也神仙通鑑

晉末江州人年百餘歲頭上生角後因舍前江中變為

石鐘山志

卷七

雜事

古

鯉魚角尚存首自後時時暫還容貌如平生與子孫

飲數日輒去晉亡絕不復見廣古今五行說

王宏造淵明淵明無履宏從人脫履以給之宏語左右

為彭澤作履左右請履度淵明即眾座伸脚及履至

著而不疑續晉陽秋

江州義門陳氏自唐至宋聚族三千九百餘口並未分

異朝廷屢次旌表嘉祐七年以義門盛大下矜存保

全之詔湖口鎮巡檢范彬隨同江南東路轉運使謝

景初郡牧呂誨臨門監護分析義門記

江夏賀逢聖賢相也崇禎十一年致仕歸過鱖魚背初

則風濤驚阻次如膠粘不脫舟子沒水見有連枝帶

根樹支附於舟之兩旁固不可解江夏肅衣冠具牲

禮祭之忽兩樹浮起翅足鬣鬚畢具狀甚猛獫更可

異者枝節盤錯處多米豆布絲物件等屑蓋風波時

覆舟所積也土人鼓舞昇引登岸為立廟以祀江津

遂為安流彭澤志

宋景文言大小孤山以孤獨為字有廟江孺乃為婦人

狀龍圖閣直學士陳公簡夫詩曰山稱孤獨字廟塑

石鐘山志

卷七

雜事

五

女郎形過客誰知誤行人但乞靈時稱佳句潯陽記

明曹能始有估客曲今錄其二詞曰莫作江中馬朝朝

無人賈但作舟中雞夜夜逐村啼平看小孤石穩度

馬當山前途何處險湖口有新關潯陽記

明洪武初太祖親征陳友諒彭澤歐陽尚誠奮義從征

凱旋駐蹕小孤復進膳犒師太祖嘉其忠義賜爵本

縣縣丞併銀碗匙等器後邑賊洪懸入寇尚誠同弟

力戰死家被兵燹碗匙失守至嘉靖三十六年宗人

刈麻山圃積雨卸崖碗匙出焉碗中有功賞二字黃

金燦燦外鑄至正十三年功賞花銀碗六兩重匠夫  
朱四造字畫如新子孫公議世守至今猶存歐陽敏一記

石鐘山志

卷七

藝事

六

石鐘山志卷八

芷江李成謀

蒐輯

益陽丁義方

桐城方宗誠

校訂

善化胡傳釗

雜識

壺中九華石湖口人李正臣蓄異石九峯玲瓏宛若窗

櫺蘇公欲以百金購之名之曰壺中九華宋人詩話

云李正臣有刻石碑本九峯排列如雁齒不甚皆舉

石鐘山志

卷八

雜識

一

石腰有白脈如束絲帶此石之病不知東坡先生何  
以酷愛之余謂石腰白脈大有雲隔半山之趣何病  
之有

山以鐘名南唐名大鐘石宋名鐘子磯又名南鐘石北

鐘石上鐘石下鐘石上鐘磯下鐘磯其實水經已名

石鐘山

董榕序云江湖會合本陰陽沖和之氣而勝概相兼其

數多耦不但石鐘有上下之巖而劍山雙聳城門對

峙雞籠展翼鶴峯並冠花尖了髻兩朵芙蓉以及六

湖八港指不勝屈此就一隅言之若大小孤山東西  
梁山金焦二山不皆與上下石鐘同匯水口數俱爲  
耦乎

二鐘滴翠九疊連雲掩映於揚瀾左蠡間者網船估客  
風帆上下賽火星稠棹歌颺舉名勝甲於江介而騷  
人逸士流連煙景相與嘯吟酣飲類以彭湖爲墨瀋  
鐘石爲糟邱蓋承平日久而江山增其瑰麗民物著  
其恬熙矣此郭承縉語

漢書地理志云豫章郡歷陵傳易山傳易川在南古文  
石鐘山志

卷八 雜識

二

以爲傳淺原師古曰傳讀曰敷易古陽字宋朱子九  
江彭蠡辨以廬山爲敷淺原而廬山志以傳易爲博  
易自係譌悞惟證引諸說不引朱子彭蠡辨爲定何  
疏漏耶若以敷淺原爲九江諸山有關水口之廬山  
當之石鐘且雙束江湖水口對岸南湖背一帶地亦  
平行謂爲敷淺原似宜但無證引不敢憑臆姑以石  
鐘并傳易諸山皆屬焉可乎

湖山寫景余最愛吳穀人先生下瞰江心離絕千尺涼  
氣飄泊浮身若波復有小艇載漁孤帆送客柔艣之

韻上與鳥聲相亂又水天盡白烟雲不興一笛呼秋  
涼如雨瀉半江皺月靜有風生漁火猶明濤聲一枕  
爲先得我心

顧清序京口三山志云山之有志本禹貢山海經周禮  
職方氏而廣之宋范至能之桂山近代之石鐘皆是  
也北固金焦爲京口三名山其形勢之雄風物之美  
文人墨客之品題皆足以勝於天下而未有爲之志  
如桂與石鐘者謂石鐘有志不知何据僅前明陳文  
德著鐘山傭讀王恕著鐘山集鄒逢吉著聽石草朱  
石鐘山志

卷八 雜識

三

明著磯山集 國朝喬鉢著鐘山草增輯鐘山集而  
皆非志且徧搜不得豈兵燹竟等於秦火之烈歟亟  
爲補苴真宜有志亦卽會稽討賊平亂之篇名園伽  
藍之記而已

楊次公有石鐘江山一覽亭濁浪自分清浪影眞山從  
作假山看聯語宋周文忠必大許爲中的蓋以西爲  
大江之濁流南爲彭蠡之清漲山石層疊全類人工  
故云然清濁攸分觀水誠有術矣山本眞而可疑假  
耶面目自在何必盡人而識之

石鐘崇壽院宋時爲縣尉張巽所占後之賢令尹以奇石江波相映帶顧而樂之有緇流棲息吾輩無與之憾遂令水閣樓老僧爲大嶺雲亭住持易其地爲義學余謂天下名山僧占多豈僧能力占耶山爲名山必多勝境非有主僧爲之經理則所在寺觀樓閣終必頽廢山地何處不可興義學若引吾輩無與爲憾是如僧也今報慈禪林昭忠祠且立田租招僧徒居之較之占與易者何翅天壤

石鐘芸芴齋前之石皴瘦透皆具聽濤眺雨軒後之石鐘山志 卷八 雜識 四

敵之作金聲皆彭公雪琴親爲位置者昔壺中九華東坡見而欲購洞天一品南宮拜且稱顛牛僧孺石鐫三字分甲乙李德裕石各一拳戒子孫是皆什襲自私曷若留鎮名山永傳佳話之爲得乎  
慈蔭閣中彭公塑奉觀音像爲太夫人祝釐太夫人沒仍每歲持齋誦經奠資冥福  
昭忠祠除地方官春秋致祭及營中例祭之外歲值彭公巡閱江海過境或因養痾駐節山中必另設祭一壇

中元在山虔建瑜珈醮施放蓮燈有時澄江如練與漁火共明滅或白蘋風起出沒於老魚跳浪之間亦苦拔沉淪中增此一時景玩也

石池蓮花間開並帶有錦邊者結實圓碩勝湘種移供盆景花實亦不稍異

寄舫梅花現在不符六十本之數雪時必攜樽酒訪之見茫茫六合一白無痕獨亭亭瓊樹衝寒吐萼掩映玉山銀海間古色動人不知退省盃孤鶴猶憶此昔年棲處否

石鐘山志 卷八 雜識 五

石鐘得名以聲酬山響洞有聲而名不甚著何石鐘之幸酬山之不幸也夫人生天地間或以文章或以勳業自鳴得意聲震一時者有之顧顯於遠而晦於邇喧於古而寂於今者已不勝俚指計之矣酬山之聲雖稍遜石鐘之聲倘亦有蘇文忠之文章曾文正之勳業自垂遠邇古今共石鐘不朽若不思所以自立而徒作不平之聲甚爲酬山不取  
上鐘峯壁險峭挺峙彭蠡之濱下鐘巒障層蓋當江漢東來之水屹然束之兩山怪石峻嶒如垂天之雲下



注於江翔者躍者蹲以伏者莫名一狀巉磯潄溜湍  
怒有聲舟行卽無風亦無不動色相戒光緒丁丑春  
輪船過下鐘觸之損裂巖背石崩水師千總劉佐堯  
倡集捐貲仿江藩使者盧崇興昔於石鐘所置鄧鑑  
之法用鐵練數十丈傍巖縵於石窟明設泗笛容舟  
過山遇風可憑挽拽濟險

湖口志云江北沙岸民多業漁日暮歌聲互答滕王閣

序漁舟唱晚響窮彭蠡之濱正此之謂縣中例納差  
魚胡傳釗目擊漁者舉網風濤得之不易憫其苦狀

石鐘山志

卷八

雜識

六

免之終其任後有來者幸垂意焉

上鐘左突下鐘右盤皓月當空湖光無際志故以雙鐘  
月色爲八景之一最妙莫如山銜夕陽欲落未落之  
際玉兔已升琥珀琉璃和合成界輝映波光潭影藻  
采紛披爲引人入勝耳

曉起登鐘巖頂初旭方暉薄霧漸開望五老諸峯若隱  
若現轉瞬晴空無滓峯垂瀑布一線如白龍天矯白  
天際飲江亦奇觀也

登山曲磴盤旋至半山亭臨江環以鐵檻游倦儘容歛

倚檻外雜樹叢篠蕩蘿蔓之蔭密翠深若隄亘相接  
令人忘不測之險

石鐘以風水相激有聲爲奇或江水漲高石罅與潮落  
石罅之下卽不聞噌吰鐘鞳之音其實天籟之鳴隨  
處隨時皆有旬然澎湃者江聲碎滴繁喧者雨聲噤  
噤如話者鳥聲隱隱若響者松聲前聲旣斷後聲復  
續跌脚靜默可悟不生不滅之境焉

避暑惟六十本梅花寄舫綠陰深處絕佳彭公值盛夏  
養痾於此吾儕請見須撲淨俗塵三斗亦不可襍穢

石鐘山志

卷八

七

數來擾其清興

咸豐十年十一月賊以大股逼城勢甚危彭公自黃石  
磯督部駛援賊雖挫而攻不懈官軍人寡力疲一夜  
忽見山僻火點星繁忽合忽分自遠而近以爲賊來  
襲城也俄而雲暗天昏陰風怒號人咸雨立戒備天  
明偵賊已遁獲其創病者訊供始知逆酋黃文金誓  
奪石鐘日間徧四鄉掠梯夜分數枝包抄一面聲攻  
一面躡後山暗入弓督排刀手壓陣有退者斬已銜  
枚進矣前隊見石鐘兩路隱隱有光閃鑠疑官軍迎

敵驚懼返奔自相踐踏因後隊誤開槍礮暨排刀亂斫而死者屍橫山路所不可解者是夕風雨交作望燎且熄火光胡來殆石鐘祠內忠魂以燐焰警官軍而退賊也

水師提鎮兩標船廠今設迴風磯距石鐘十五里造船

費由湖口釐金解江南鹽道照章動放

亦有江西藩庫領款

長江一帶提鎮及副參游衛署皆彭公捐造并為籌畫

歲修經費及買置義山各善舉用銀八九十萬不動

庫欸故弁兵感激無敢空糧惰操者不獨湖口一鎮

石鐘山志

卷八

雜識

八

始然

標下兵船營官月操總兵季操提督歲操彭公每歲按

臨較閱分別優劣賞罰一秉至公惟湖口一當江水

之衝一當湖水之衝於迴流急湍之中演陣果平日

訓練得法尚易整齊若演時遇風偶或先後參差則

不盡關人力矣

廬山志桑喬疏云南湖背山當鄱陽湖口其山迤邐突

出湖心數里左江右湖其勢甚險東引鄱陽北俯楊

家穴南控揚瀾左蓋諸山而與青山白石相望為氣

勢制禦水盜地甚要等語因形勢漏載特錄之

郡志平寇紀略云石逆至郡以城西關面江背湖兩岸

築壘環重礮以巨礮扼新壩過甘棠湖水排長椿阻

我陸軍進擊西南兩門之路東門外浚長濠以蓄水

為固守計又於南岸下游梅家洲築壘與石鐘山對

峙起浮橋施鐵纜橫戈船以鎖湖口復城江北小池

口為犄角自是郡城不易克章江戰艦由南康下攻

湖口與賊遇不利元善趙如勝以身免千總王樹英

陸兵五百人戰死江軍遂潰曾毅勇侯國藩統水軍

石鐘山志

卷八

雜識

九

循江下駐北岸三套口羅忠節澤南胡文忠林翼會

水師攻梅家洲賊壘未拔蕭節愍提三一軍當先斬

纜奪橋深入鄱湖小池賊乘夜駛舢艦襲二套口水

軍羅忠節渡江攻小池前軍稍卻塔忠武率二十敢

死士往助將為賊窘乃因門祝董明聲置張心正張

心純家暫避夜渡江歸營賊偵知心正兄弟俱被害

五年胡羅二公先後援楚留師圍攻郡城畫地雷策

於小南門外闢地道遇石止七月十八日塔忠武卒

二十三日蕭節愍由青山下攻石鐘山中礮洞腹死

六年十二月李忠武績賓復武昌九江營城下撥  
民夫開濠五道築長圍彭宮保玉麟楊宮保岳斌諸  
大帥慮小池梅家洲爲賊羽翼不滅此難圖渴城以  
一等子爵鮑超列五營駐二套口規復小池七年九  
月彭宮保以內河水師敗賊湖中進攻石鐘山分游  
擊黃翼升攻梅家洲楊岳斌以外江水師夾擊李忠  
武以弟績宜率兵聲援自統陸軍繞石鐘山背緣崖  
巔鼓噪下擊遂拔石鐘山梅家洲賊營斷浮橋以合  
水師賊援絕勢孤八年李忠武仍用地雷策穿地道  
屢爲石阻有德化庠生洪炳奎詣軍門獻手錄潯陽  
蹠臨二編內載九江地形如龜四面多石堅不可破  
因指畫東門一帶如腹脅可通土道忠武從其請乃  
於二月下旬營平嶺暗穿地道於洞口掘土龕身親  
寢處督工四十餘日穿穴五其三遇水迤邐至東城  
根僅存其二卒克堅城凡所紀戰事已見武功可毋  
贅錄因其中有張心正兄弟救護塔忠武被害暨洪  
炳奎獻潯陽蹠臨皆有不可沒者故節原文以存其  
略

石鐘山志

卷八

雜識

十

宋雲林居士杜季陽所著雲林石譜闕里孔傳序云天  
地至精之氣結而爲石負土而出狀爲奇怪或巖竇  
透漏峯嶺層稜凡棄擲於媧鍊之餘遁逃於秦鞭之  
後者其類不一至有鵠飛而得印龍化而銜題叱羊  
射虎挺質之尙存翔雁鳴魚類形之可驗怪或出於  
禹貢異或隕於宋都物象宛然得於髣髴雖一拳之  
多而能蘊千巖之秀大可列於園館小或置於几案  
如觀嵩少而面龜蒙坐生清思故平泉之珍秘於德  
裕大餘之寶進於武宗皆石之瑰奇宜可愛者譜內  
石鐘山志

石鐘山志

卷八

十

所載石產不下百餘處其載江州石云江州湖口石  
有數種或在水中或產水際一種青色渾然成峯巒  
巖壑或類諸物狀一種扁薄嵌空穿眼通透幾若木  
板以利刀剝刻之狀石理如刷絲色亦微潤扣之有  
聲土人李正臣蓄此石大爲東坡稱賞目爲壺中九  
華有百金歸買小玲瓏之語然石之諸峯間有作來  
奇巧相粘綴以增玲瓏者此種在李氏家頗多適偶  
爲大賢一顧彰名今歸尙方久矣又有一種挺然成  
一兩峯或三四峯高下峻峭無拽腳有向背首尾相

顧或大或小土人多綴以石座及以細碎諸石膠漆粘綴取巧爲盆山求售正如僧人排設供佛者兩兩相對殊無意味

江陰王逢吉送日本僧進得中游廬山於湖口得響石二曰豐鍾曰泗磬各刻之辭分置林泉豐鍾曰德瑀璜音琳瑯應素商天迨霜歌幽章慶金穰泗磬曰山儲英水凝晶戛球鳴激以清文運明諧大成

蘇叔黨斜川集載湖口人李正臣蓄異石廣袤尺餘而九峯玲瓏老人名之曰壺中九華且以詩紀之命過

石鐘山志

卷八

雜識

三

繼作云至人寓迹塵凡中杖頭挂壺來何從長房俗眼偶澄澈一笑市井得此翁試窺壺中了無物何處著此千柱宮毘耶華藏皆已有不獨海上棲瀛蓬我問須彌納芥子況此空洞孰不容何人誤持一嶂出恍是九華巉絕峯令人却信劉郎語當年霹靂化九龍誰將真形寫此石太華女几分清雄終當作亭號秋浦刻公妙句傳無窮甚有穎思

湖口有東嶽廟在石鐘山下先有嶽殿在嵩壽山志闕紀載今考廬山嶽祠毛德琦記云廬山稱嶽自明太

祖始也太祖大戰鄴湖既滅陳友諒而大業遂定親見茲山穹窿特出保障東南効靈壁壘間歸而爵以尊號祿以秩祀以崇顯其功德山亦週知己之英主哉云云則知湖口山之名嶽有由來矣又考盧志載明太祖征陳友諒劉基請移軍湖口以金木相犯日勝從之八月八日移屯南湖背友諒糧盡沿江下流走追擊大破之友諒死并有旂山効靈一事是廬嶽旂靈實肇端於石鐘諸山未可以前代遺蹟略之致嶽靈恫怨也

石鐘山志

卷八

雜識

三

九江志云夏禹刻石在大孤山水經注禹治水至此紀功或云秦始皇所勒又云孤石介立大湖中週迴一里竦立百丈志注古詩詠孤石卽此而咏孤石者朱超道有對影疑雙闕之句釋慧標有崖成二鳥翼之句其時山無定名雖不能臆斷而以雙闕二鳥翼審之似孤石係咏石鐘蓋石鐘有上下兩山故如雙闕與二鳥翼也

狄文惠公祠前有唐長壽時寶珠山茶花一本至今森茂又檜木八章其一向北一面無枝幹自本達顛若

斧劈然相傳創祠時因植劈柏而生雷陽之竹蓋有  
先之者今湖口鎮署移石鐘山桂斧劈為兩植可園  
書苑中竟活枝榦駢儷如人出雙胎者然亦可異也  
江州有寶盃城今不知其處徐陵文云泉流寶盃遙憶  
溢城是也木蘭洲在潯陽江中昔吳王闔閭植木蘭  
樹於此用構宮殿後有木工刻木蘭為舟故詩家木  
蘭舟本此

湖口志有石圓如鏡可鑿潯陽記石鏡峯東一圓石懸  
崖明淨照人毫髮必察廬山志金輪峯側為石鏡峯  
石鐘山志 卷八 雜識 古  
有溪曰石鏡溪列異記峯有圓石懸崖瑩澈光可以  
鑒隱見不常李太白有觀石鏡詩謝靈運詩有攀崖  
照石鏡而紀游集謂以山水明淨得名據此則無石  
如鏡矣無從質實惟明察秋毫者定之

石鐘山志卷九

芷江李成謀 蒐輯

益陽丁義方

桐城方宗誠

善化胡傳釗 校訂

武功

歷朝紀畧

秦

始皇二十四年王翦滅楚

石鐘山志 卷九 武功

始皇二十四年王翦滅楚鹵負芻明年至九江郡

江西其時無湖口縣名地則隸其境

二世二年已癸番陽令吳芮使英布將其兵擊秦

吳芮秦時番陽令也甚得江湖間民心號曰番君

黥布六人也姓英氏布以論輸驪山之徒數十萬

人布皆與其長豪傑交通乃率其曹耦亡之江中

為羣盜陳勝之起也布見番君其眾數千人番君

以女妻之章邯滅陳勝破呂臣軍布引軍北擊秦

左右校破之青波引兵而東 漢書 列傳

漢

高帝五年己未布與劉賈入九江誘大司馬周殷殷反楚

遂舉九江兵與漢擊楚破垓下項籍死布遂剖符爲

淮南王

後漢

建安四年己未冬十一月孫策徇豫章破廬江太守劉勲

廬江太守劉勲糧食少遣從弟借告糴於豫章太

守華歆歆郡素少穀遣使將借就海昏上繚使請

宗帥出三萬斛米與借借乃報勲使來襲取之勲

石鐘山志

卷九

武功

二

得借書潛軍到海昏宗帥空壁逃匿了無所得時

策西討黃祖行及石城聞勲輕身詣海昏分遣從

兄賈輔率八千人於彭澤即今湖口古彭澤地待勲自與周

璵率二萬人步襲皖城卽克之輔又於彭澤破勲

勲與借北歸曹公湖口志錄江表傳節

十三年戊戌子吳周瑜操練水軍於鄱陽湖會曹操擁兵八

十餘萬破荊州下江陵瑜進兵赤壁大破之湖口志權

復征江夏範與張昭留守曹公至赤壁與周瑜等俱

拒破之拜裨將軍領彭澤太守以彭澤柴桑歷陽爲

奉邑呂範傳

晉

永嘉五年辛未六月瑯琊王睿遣兵擊江州刺史華軼及

其子斬之

時四方瓦解瑯琊王教命行於郡縣軼以洛京尚

存不承曰吾欲見詔書王遣周訪率兵屯彭澤備

之過姑熟著作郎干寶問之訪曰彭澤江州西門

軼有憂天下之誠不欲受人控御今無故以兵守

其門將成隙矣吾當屯潯陽故縣無相逼也尋洛

石鐘山志

卷九

武功

三

郡不守司空荀藩移檄以瑯琊爲盟主王承制改

易長吏軼又不從於是遣左將軍王敦都督甘卓

等討之軼遣別駕陳雄屯彭澤以拒敦自率舟師

爲援武昌太守馮逸次於湓口近湖口距石鐘山訪擊軼

破之前江州刺史衛展不爲軼所禮與豫章太守

周廣爲內應潛軍襲軼軼眾潰奔於安城追斬之

及其五子傳首建鄴湖口志書華軼傳晉

建興三年乙亥春三月豫章內史周訪偷渡柴桑戰杜歆

杜宏勝之

訪與諸軍共征杜弼弼作桔楛打官軍船艦訪作  
長歧楫以拒之桔楛不得爲害而賊從青草湖密  
抄官軍又遣其將張彥陷豫章王敦時鎮溢口遣  
督護繆蕤李恆受訪節度共擊彥蕤於豫章石頭  
與彥戰彥軍退走訪率帳下將李武等追彥破之  
臨陣斬彥時訪爲流矢所中折前兩齒形色不變  
及暮訪與賊隔水賊眾數倍自知力不能敵夜令  
軍中多布火而食賊謂官軍益至未曉而退訪促  
渡水北斷橋訖賊復至隔水不得進遂歸湘州訪

石鐘山志

卷九

武功

四

復以舟師造湘城軍達富口而弼遣杜宏出海昏  
時溢口騷動訪步上柴桑偷渡與賊戰斬首數百  
賊退廬陵訪追擊敗之晉書周訪傳

咸和三年戊子春祖約遣祖煥等襲溢口毛寶討退之祖  
約遣祖煥桓撫等欲襲溢口陶侃將自擊之寶曰義  
軍恃公公不可動寶請討之乃使寶行先是桓軍背  
約南屯馬頭山爲煥撫所攻求救於寶寶兵少器仗  
濫惡爲煥撫所敗中箭貫髀徹鞞使人蹋鞞拔箭血  
流滿鞞夜還救宣營而煥撫退晉書毛寶傳

隆安二年戊戌秋七月王恭殷仲堪及南郡公桓元舉兵  
反八月楊佺期及元奄至溢口王愉奔臨川追獲之

綱目

元興三年甲辰春三月桓元至尋陽偏帝西上劉毅等率

兵追之夏四月何無忌等及元兵戰於桑落洲江州圖經

九江始於鄂陵終於桑落洲湖口志桑落洲在縣前八里江近下石鐘山大破之

桓元既西走劉裕以毅爲冠軍將軍與何無忌劉  
道規躡元元眾大潰燒輜重夜走元將郭銓劉雅  
等襲陷尋陽毅遣武威將軍劉懷肅討平之後桓

石鐘山志

卷九

武功

五

振桓謙復聚眾毅爲振所敗退次尋陽坐免官尋  
原之毅復與道規發尋陽桓亮自號江州刺史遣  
劉敬宣擊走之晉書劉毅傳武陵王遵承制以無忌  
爲輔國將軍以會稽王道子所部精兵悉配之南  
追桓元與振武將軍劉道規俱受冠軍將軍劉毅  
節度元留其龍驤將軍何澹之前將軍郭佺江州  
刺史郭昶之守溢口無忌等次桑落洲澹之等率  
軍來戰澹之常所乘舫旌甚盛無忌謂道規曰  
今眾寡不敵戰無全勝澹之雖不居此舫取則易

獲因縱兵騰之可一鼓而敗也道規從之遂獲賊  
舫因傳呼曰已得何澹之矣賊中驚擾道規乘勝  
徑進無忌又鼓譟赴之澹之潰進據尋陽晉書何無忌傳  
義熙六年庚戌夏五月盧循寇豫州都督劉毅與戰敗績  
於桑落洲秋七月盧循退還尋陽劉裕遣兵追之冬  
十二月劉裕及盧循戰於左里大破之循及徐道覆  
南走裕遣將軍劉藩等追之

初徐道覆使人伐船材南康山至始興賤賣之船  
材大積而人不疑至是悉取以裝船艦旬日而辦

石鐘山志

卷九

武功

六

盧循自始興寇長沙覆寇南康廬陵豫章諸守相  
皆委任奔走道覆順流而下安成公何無忌自尋  
陽引兵拒廬循長史邵潛之諫曰循兵艦大盛勢  
居上流宜決南塘守成以待之彼必不敢捨我遠  
下俟其疲老然後擊之叅軍殷闡曰循所將皆三  
吳舊賊百戰餘勇始興溪子拳捷善鬪宜留屯豫  
章徵兵屬城兵至合戰未晚也無忌不聽與徐道  
覆遇於豫章賊令強弩數百登西岸小山邀射之  
西風暴急飄無忌所乘小艦向東岸賊以大艦偪

之眾遂奔潰無忌厲聲曰取我蘇武節來賊眾雲  
集握節而死劉毅聞循入寇將拒之而疾作既瘳  
劉裕遺書曰賊新獲利其鋒不可輕今修船垂畢  
當與弟同舉又遣劉藩諭止之毅怒投書於地帥  
舟師二萬發姑熟與循戰於桑落洲大敗棄船以  
數百人步走初循至尋陽聞裕已還猶不信既破  
毅乃得審問與其黨相失色循欲退還尋陽攻敗  
江陵據二州以抗朝廷道覆謂宜乘勝徑進固爭  
之循猶豫累日乃從之秋七月循自蔡洲南還尋

石鐘山志

卷九

武功

七

陽裕使撫國將軍王仲德等帥眾追循江州刺史  
庾悅以鄱陽太守虞邱進爲前驅屢破循兵進據  
豫章絕循糧道道覆帥眾三萬趣江陵劉道規使  
劉遵別爲游軍自拒道覆於豫章口卽湖口近前  
驅失利遵自外橫擊大破之斬首萬餘級赴水死  
者殆盡道覆單舸走還溢口裕軍雷池循道覆帥  
眾數萬塞江而下裕以勁弩射循軍循艦泊西岸  
岸上軍投火焚之循兵大敗走還尋陽將趣豫章  
乃悉力柵斷左里裕軍至不得進將戰所執麾竿



折幡沈於水眾并怪懼裕笑曰往年覆舟之戰幡竿亦折今者復然賊必破矣即攻柵循兵雖殊死戰弗能禁循單舸走所殺及投水死者萬餘人納其降附宥其偏略遣劉藩孟懷玉輕軍追之通鑑紀事

宋

孝建元年甲午春二月江州刺史臧質以南郡王義宣舉

兵反夏宋主遣兵討質入南湖南湖背距上石鐘山誅之

質自謂人才足為一世英傑始聞國禍便有異圖以義宣凡闇易制欲外相推奉以成其志孝武遣

石鐘山志

卷九

武功

八

撫軍將軍柳元景統王元謨等屯梁山洲築壘待之義宣遣腹心劉湛之就質陳軍城南元謨悉精兵出戰薛安都騎軍前出垣護之督諸將繼之乃大潰質走至尋陽焚府舍載妓妾入南湖摘蓮噉之追兵至以荷覆頭沈於水出鼻軍士鄭俱兒望見射之中心兵刃亂至腸胃纏縈水草隊主裘應斬質傳首建業宋書臧質傳  
昇明元年丁卯元徽秋七月中領蕭道成殺其主昱而立安成王其世子頤鎮溢口備沈攸之舉兵來討

初道成以世子頤為晉熙王變長史行郢州事修

治器械以備攸之及徵頤為左衛將軍乃薦司馬

柳世隆自代攸之起兵頤行至尋陽眾欲倍道趨

建康頤曰尋陽地居中流密邇畿甸若留屯溢口

內藩朝廷外援夏口保據形勝控制西南今日會

此天所置也或以為溢口城小難固左中郎將周

山圖曰今據中流為西方勢援不可以小事難之

苟眾心齊一江山皆城隍也頤乃奉雙鎮溢口山

圖斷取行旅船板以造樓櫓立水柵旬日皆辦道

石鐘山志

卷九

武功

九

成聞之喜曰頤真我子也以頤為西討都督頤啟

山圖為軍副時江州刺史邵陵王友鎮尋陽頤以

為尋陽城不足固表移友同鎮溢口留江州別駕

豫章胡諧之守尋陽豫章書

齊

中興元年辛巳秋八月蕭衍兵克尋陽陳伯之退保湖口

東甲請罪衍以伯之刺江州

初東昏侯遣陳伯之鎮江州為吳子陽等聲援子

陽等既敗蕭衍謂諸將曰兵未必須實所聽威聲

右鐘山志

卷九

武功

十

耳今陳虎牙狼狽奔歸尋陽人情恟懼可傳檄定也乃搜俘囚得伯之幢主蘇隆之厚加賜與使說伯之許卽用爲安東將軍江州刺史伯之遣隆之返命雖許歸附而云大軍未須遽下行曰伯之意懷首鼠及其猶豫急往偪之計無所出勢不得不降乃命鄧元起引兵先下楊公則徑掩柴桑衍與諸將以次進路元起將兵尋陽伯之退保湖口留陳虎牙守湓城衍至尋陽伯之束甲請罪初新蔡太守席謙父恭祖爲魚復侯子響所殺謙從伯之

鎮尋陽聞衍東下曰我家世忠貞有隕不貳伯之殺之衍以伯之刺江州九月衍留驍騎將軍鄭紹叔守尋陽與伯之引兵東下謂紹叔曰卿吾之蕭何寇恟也前塗不捷我當其咎糧運不繼卿任其責比克建康紹叔督江湘糧運未嘗乏絕

梁

承聖元年壬申春二月湘東王釋遣王僧辯諸軍發尋陽舳艦數百里陳霸先帥甲士三萬舟艦二千自江南出湓口東擊侯景

通鑑 豫章書

檄四方購獲侯景及同逆者封萬戶開國公陳霸先以江州刺史率師發自豫章次桑落州時王僧辯亦已發湓城會帝於白茅灣刑牲盟約進次大雷擊景敗之景走死于慶自鄱陽奔豫章侯瑱閉門拒之慶走江州王僧辯乘下湓城霸先出南康于慶棄城走

湖口志

陳

禎明三年西隋師濟江宜黃侯慧紀率將士三萬人船艦千餘沿江而下欲趣臺城遣南康太守呂肅

右鐘山志

卷九

武功

十一

傳作呂將兵援巫峽以五條鐵鎖橫江扼石鐘險要

隋

大業十二年丙子冬十月操師乞僭號元始據豫章以其黨鄱陽人林士宏爲大將軍隋師討之

湖口志

謹案省志云士宏自稱皇帝國號楚建元太平遂  
取九江臨川南康宜春等郡較湖口志所載稱號  
則皇王迥異取地亦多少微殊又案煬帝本紀云  
鄱陽賊操天成舉兵反自號元興王建元始興攻  
隘豫章郡唐書林士宏傳則隋季與鄉人操師乞  
起為盜師乞自號元興王建元天成據兩書不同  
如此

唐

乾符四年夏四月江西賊柳彥璋襲陷江州以戰艦

石鐘山志

卷九 武功

十一

百餘立水寨於湓江左武衛將軍劉秉仁刺江州乘  
驛之官單舟入水寨賊出不意即迎拜秉仁斬彥璋  
散其眾唐書

宋

開寶七年甲戌秋九月遣曹彬將兵伐江南通鑑明年乙亥

春二月江南遣使召神衛軍都虞候朱令贇以上江

兵入援冬十一月江南主煜降綱目

洪州節度使朱令贇將兵一十五萬屯潯陽湖口

與諸將議曰若前進而北師反據我後則上江阻

隔退乏糧道亟為鹵矣乃以書招南都留守劉克

貞代鎮湖口克貞以病留令贇亦未進國主累促

之令贇以長筏大艦帥水陸諸軍至虎蹲洲與王

師遇舟筏俱焚令贇死餘眾皆潰南唐書明破江

州軍獲船十餘艘敗湖口軍奪戰艦五百遇南唐

將朱令贇將焚采石浮梁明帥所部舟師屯獨樹

口密樹長木於洲浦開若帆檣狀令贇疑大軍襲

其後逗撓不敢進明移檄諸軍相為犄角至小孤

山合勢大破之擒令贇卒大半皆赴水死金陵平

石鐘山志

卷九 武功

十一

詔明安撫諸郡擢知洪州宋史王明傳

紹興元年辛亥春正月李成叛據江淮遣其黨馬進陷江

州守臣姚舜明遁去端明殿學士王易簡呂頤浩遣

王璣兵擊李成於湖口大敗之宋史本紀

時命張俊為江淮路湖口屬江淮路招討使岳飛副之

二月曹成黨馬有犯筠州守臣王庭秀棄城犯臨

江軍守臣康倬遁三月張俊趨豫章與揚沂中岳

飛大敗馬進復筠州成聞進敗自引兵來遇於樓

子莊又大破之成勢迫絕江而去遂復江州詔奪

成官募人擒斬赦其屬從進復江州沂中趙密

引兵追擊又大敗之成奔斬州宋史本紀

李成將馬進犯洪州連營西山飛請於張俊口賊

矣後大喜因以為前鋒飛重鎧躍馬潛出賊右突其陣所部從之進大敗走賊二百里飛抵城東賊布陣十五里飛先設伏以待選騎二百以紅羅為幟上刺岳字騎隨賊而前賊易其少薄之伏發賊走使人大呼曰不從賊者坐吾不汝殺坐而降者入萬進與餘卒奔南康飛夜引兵至朱家山斬其將趙萬成聞自引兵十餘萬來遇於樓子莊復大破之追斬進時張用方寇江西飛以書招之曰吾汝同里南薰門鐵路步之戰皆汝所悉欲戰則出下戰則降用得書遂降江淮悉平後奏飛功第一加神武右軍副統制留洪州彈壓盜賊建寇范汝為將攻撫州飛遣人植岳字旗於城門賊畏不敢犯已而賊黨偏建昌飛遣將討擒之岳飛傳

宣熙三年詔選江州水軍一千人管界江西菱石馬當

城子鎮孤山

湖口志

石鐘山志

卷九

武功

古

德祐元年春正月元軍次江州提舉江州興國軍呂師夔與江西安撫使知江州錢真孫以城降伯顏以師夔為江州守至湖口繫浮橋以渡風汎水駛橋不能就禱於大孤山神而風息橋成大軍畢濟

湖口志

元

至正十二年壬辰冬十二月以桑嘉依為江西行省平章

出師湖廣募兵擒周驢奪船進復湖口縣克江州據鄱陽口日久無援陷賊七日不食死

二月徐壽輝兵攻九江右丞博囉特穆爾方駐兵

於江閩風宵遁總管李黼檄鄉落聚木石於險處

遏其歸路黃梅主簿伊蘇特穆爾願擊賊黼與出

戰殺獲二萬餘人黼曰賊不利於陸必以舟薄我

令以長木數千冒鐵錐於杪暗植沿岸水中賊舟

數千艘順流鼓謀而至遇木椿不得動發火箭射

之焚溺無算時東際淮甸西迄荆湖守臣往往棄

城遁黼中外援絕賊進兵薄城分省平章圖沁布

哈自北門出走黼引兵登陴賊已焚西門張弩射

之轉攻東門黼急往救城已破猶與巷戰力不能

石鐘山志

卷九

武功

五

敵乃揮劍叱之曰殺我無殺百姓賊刺之墮馬與

兄冕子秉昭俱死三月賊陷饒州執魏中立陷信

州執于大本二人不屈並死之十二月江西行省

平章桑嘉依馳赴任比至江東復有詔令守江州

時江州已陷桑嘉依募兵得三千人擒周驢奪船

六百艘軍聲大振進復湖口縣克江州留兵守之

命王惟恭柵小孤山自據鄱陽口綴江西要衝以

圖恢復日久援不至賊乘大艦來攻編葦筏塞上

下流火之桑嘉依率兵力戰眾死且盡獨堅坐不

動中流矢而仆賊素聞其名不忍害昇至密室蘇

羅拜餽食桑嘉依叱之不食七日而死元史紀事

二十一年辛丑秋八月明兵過小孤僞漢陳友諒將丁普

郎等率部歸附次湖口友諒舟出江偵邏擊敗之

八月劉基請棄安慶去徑拔江州傾其巢穴從之

遂率兵西上長驅過小孤友諒將丁普郎傅友德

率所部歸附次湖口友諒舟出江偵邏擊敗之乘

勝至江州友諒以爲神兵自天而下倉猝不能軍

孥妻子夜奔武昌師入江州僞漢江西行省丞相

石鐘山志

卷九

武功

六

胡廷瑞後改名廷美守南昌遣其部將鄭仁傑納欵且

請禁止數事勿散離其所部兵太祖有難色劉基

自後賜所坐胡床太祖悟許之賜書慰諭瑞得書

遣康泰詣九江降明史紀事

二十三年癸卯秋八月明兵次湖口援洪都指揮戴德一

軍屯涇江口近下石鐘山復以一軍屯南湖嘴近上石過

陳友諒歸路友諒解圍東出鄱陽湖逆戰明兵由松

門入湖過於康郎山明兵前勝後挫奮擊縱火大破

之移軍渡左蠡水陸結營列柵南北兩岸友諒計窮

冒死突至涇江口中流矢貫睛及顛而死湖口志

南昌被圍既久內外阻絕朱文正遣千戶張子明

赴建康告急又詐遣卒號捨命王者詣友諒約日

出降友諒信之緩其攻至日城上旗幟一新友諒

候至暮見無降意縛降卒至城下殺之張子明取

漁舟從水關出赴石頭城晝行夜止半月達建康

太祖問友諒兵勢何如對曰友諒兵雖盛戰死亦

不少今江水日涸巨艦將不利又師久糧乏援兵

至可必破也太祖曰歸語文正但堅守一月吾當

石鐘山志

卷九

武功

七

自取之乃遣子明先還至湖口爲友諒兵所執友

諒曰若能誘降非但不死且富貴子明陽許之至

城下呼曰主上令諸公堅守大軍且至矣友諒怒

殺之文正等聞之守益堅七月癸酉太祖自將救

洪都徐達常遇春亦自廬州還太祖親督諸將會

師禡纛於龍江舟師凡二十萬癸未進次湖口先

遣指揮戴德以一軍屯於涇江口復以一軍屯南

湖嘴以遏友諒歸師又遣人調信州兵守武陽渡

防其奔逸丙戌友諒圍南昌凡八十有五日聞太

祖至解圍東出鄱陽逆戰太祖率諸將由松門入鄱陽湖丁亥遇於康郎山友諒列巨舟當我師太祖見之謂諸將曰彼巨舟首尾連接不利進退可破也乃命舟師爲二十隊火器弓弩以次而列飛諸將近寇舟先發火器次弓弩及其舟則短兵擊之戊子徐達常遇春廖永忠等進兵搏戰達身先諸將擊敗其前鋒殺千五百人獲一巨舟而還軍聲大振俞通海復乘風發火礮焚寇舟二十餘艘殺溺死者甚眾徐達等搏戰不已火延及達舟敵

石鐘山志

卷九

武功

六

乘之達撲火更戰太祖亟遣舟援達友諒驍將張定邊奮前犯太祖舟舟膠於沙漢兵匝焉程國勝劍叱之與陳兆先大奮擊牙將韓成進曰古人殺身以成仁臣不敢愛其死乃服上冠袍對敵自投水中即在石鐘側敵信之攻少緩宋貴陳兆先俱戰死常遇春從旁射中定邊定邊舟始卻俞通海來援舟驟進水湧太祖舟遂脫通海與廖永忠以飛舸追定邊走身被百餘矢退去會日暮太祖鳴鉦集諸將申約束張士誠乘虛入寇命徐達回

守建康己丑太祖復親布陣與友諒戰友諒悉巨舟連鎖爲陣旌旗樓櫓望之如山我舟小仰攻多卻太祖親麾之不前右師少卻立命斬隊長十餘人猶不止郭興進曰非人不用命舟大小不敵也臣以爲非火攻不可太祖然之命常遇春等分調漁舟載荻葦置火藥其中至晡時東北風起命以七舟束草爲人飾以甲冑持兵戟若鬪敵狀令敢死士操之備走舸於後將迫敵舟乘風縱火風急火烈須臾抵敵舟焚水寨數百艘燔焰漲天湖水

石鐘山志

卷九

武功

九

盡赤死者大半友諒弟友仁友貴及其平章陳普略等皆焚死我師乘之又斬二千餘級友仁者卽所謂五王也眇一目有智數梟勇善戰至是友諒爲之喪氣普略卽新開陳也是日張志雄舟橋折爲敵所覺以數舟攢兵鉤刺之志雄窘迫自刎丁普耶余昶陳弼徐公輔皆戰死普耶身被十餘創首脫猶植立舟中不仆持兵若戰狀時太祖所乘舟檣白友諒覺欲併力來攻庚寅夜令諸船盡白其檣且莫能辨敵益駭辛卯復率眾大戰自辰至

已不解時劉基侍忽躍起大呼太祖亦驚起回顧但見基雙手揮之曰難星過急更舟太祖如言入他舟坐未定舊所御舟已礮碎矣友諒乘高見舟碎喜甚俄太祖麾舟更進皆失色廖永忠俞通海汪興祖趙庸以六舟深入敵聯大艦拒戰蔽之舟若沒有頃六舟旋繞漢軍而出勢若游龍諸將見之勇氣百倍呼聲動天地波濤起立日爲之晦時漢舟大我師還攻之殺其卒殆盡而操舟者猶不知呼號搖櫓如故已而焚其舟皆死至午敵兵大

石鐘山志

卷九

武功

三

敗棄旗鼓器仗浮蔽湖面通海等還太祖勞之曰今日之捷諸君之力也友諒戰不利欲退保鞏山我師先至罌子口橫截湖面邀友諒不得出乃斂舟自守不敢更戰是日移舟泊柴棚去敵五里許諸將欲退師少休士卒太祖曰兩軍相持先退非計也俞通海以湖水淺請移舟扼江上流劉基亦密言當移軍湖口期金木相犯日決勝太祖從之時水路狹隘舟不得並進恐爲敵所乘至夜令船置一鐙相隨渡淺比明已盡渡乃泊於左蠡友諒

亦移舟出泊潞磯相持者三月初友諒戰不利右金吾曰今戰不勝出湖實難莫若焚舟登陸直趨湖南謀爲再舉左金吾曰今雖不利我師猶多戮力一戰勝負未可知何至自焚以示弱萬一舍舟登陸彼以步騎躡我後進不及前退何所據矣友諒猶豫不能決至是失亡多乃曰右金吾言是也左金吾聞之懼來降右金吾亦率所部來歸友諒兵益衰太祖既駐師彭蠡移書謂之友諒得書怒留使者不遣盡殺所獲戰士太祖聞之命悉出所

石鐘山志

卷九

武功

三

俘友諒軍視其傷者賜藥療之皆遣還下令曰但獲彼軍皆勿殺又令祭其弟姪及將士戰死者師出湖口命遇春永忠諸將統舟師橫截之又令一軍立柵於岸控湖口旬有五日友諒不敢出復移書與之友諒忿恚不答太祖與博士夏煜等日草檄賦詩意氣彌壯友諒食盡掠糧於南昌朱文正遣人燔其舟勢益困時我師水陸結營列柵江南北岸置火舟火筏中流戒嚴以俟八月壬戌友諒計窮冒死突出繞江下流欲由涇江遁回太祖麾

諸軍追擊以火舟火筏衝之敵舟散走追奔數十  
里自辰至酉戰不解至涇江口涇江之兵復擊之  
張鐵冠大笑賀曰友諒死矣未幾有降卒來奔言  
友諒在別舸中流矢貫睛及顛而死諸軍聞之大  
呼喜躍益爭奮擒其太子善兒明日平章陳瑄等  
悉舟師來降得士卒五萬餘人張定邊乘夜以小  
舟載友諒屍及其子理奔還武昌復立理為帝改  
元德壽明史紀事

明

石鐘山志

卷九

武功

三

正德七年壬申夏閏五月流賊劉六劉七齊彥名等為官  
軍所敗遁至黃州掠船入江下南京復為揚州官軍  
所迫六月自通州沂流上至湖口九江七月又下擾  
南京凡三往來湖口志  
是年二月江西按察使司副使周憲率兵討廬山  
左湖盆塘賊敗之擒斬數百人明史紀事  
十四年己卯夏六月甯王宸濠反其黨陳賢於湖口諸處  
擄船編甲期順流下南京任旬餘候宸濠不出眾心  
稍懈遠近因得為之備濠出攻安慶湖口未克都御

史王守仁倡義檄郡縣討之濠敗被擒湖口志

江西甯王宸濠反以李士實劉養正為謀士遣賊  
首閔念四吳十三等奪船順流攻南康知府陳霖  
棄城走進攻九江知府汪穎及衛縣官皆遁兵巡  
道曹雷先濠未至遁餘縣皆陷濠自舉事即據庫  
募兵修戰具奪糧船差陳賢於湖口諸處擄船九  
百餘隻編甲期順流下南京閔念四等既克南九  
任湖口旬餘候濠不出眾心稍懈遠近因得為之  
備七月朔濠始出兵數萬蔽江而來攻湖口安慶

石鐘山志

卷九

武功

三

不下而都御史王守仁聞變遂與吉安府知府伍  
文定倡義檄郡縣討之師至南昌城門不閉遂克  
之濠解安慶圍來援守仁督兵迎擊賊眾大潰濠  
遂就擒先是守仁至南昌恐濠阻兵南九以梗湖  
廣援兵乃遣知府陳槐林城合兵攻九江知府曾  
瑋周朝佐合兵攻南康濠以是進退失據而敗九  
江南康各於沿湖諸處擒斬千餘級馳疏以聞湖口志  
楊銳守備九江安慶諸郡既獲賊監司喜公曰江



賊何足憂所虞者豫章耳意指宸濠也又謂九江為鄱陽上流不可恃湖最要害當以九江中左所一旅置戍於湖口縣之高嶺即石鐘可以遠望有警即可達乃繪圖呈南部及各臺又請造戰艦若干艘習水戰於江上城中治兵食多浚井聞宸濠變作先引軍設鉤距於江側禁勿泄比寇至船二百餘艘抵岸為鉤距所破寇攻城後敗去濠泊船南岸聞不克大怒率眾分攻五門各首舉木為蔽甚急公裂帛布覆紙裹火藥千數散投所蔽木上火

石鐘山志

卷九

武功

三

發盡棄走火光周匝不絕寇無所遁寇復於北濠結木為棧與城接挾兵而進城中大驚公曰事急矣乃詭以大將軍火銃寘石被緋金鼓迎置城上寇兵望見驚懼未進潛使一卒從間道出燒棧寇眾解結且海暑力憊夜寐去公募善洵者數十人於船中聞舳聲即斬首絕其纜放之中流又遣一二強卒突入岸上營舉火礮城上應之乘勝捕殺聲震數里濠浩歎出涕舉帆順風而返增得守仁以三策籌之曰宸濠若出上策直趨京師出其不意則宗社危矣若出中策趨南都則大江南北

北亦被其害但據江西省城則出下策勤王易為也行至中途恐其速出乃為計伴奉密旨先知及甯藩兵至復取優人數輩厚賞以全其家令其俟伏兵處所飛報竊發日期將公文縫置裕衣絮中獲發適捕李士寶家屬至縱之令其奔報宸濠遷仁集兵糧傳檄四方諸郡縣知府伍文定等皆至議所向守仁曰兵家之道急衛其鋒攻其有備肯非計之得我故示以自守不出之形彼必他出然後尾而擊之此全勝之策也秋七月宸濠率兵出江邀而擊之此全勝之策也秋七月宸濠率兵出江西留其黨宜春郡王拱輝同內官萬銳等守南昌自與拱輝李士寶劉養正閔念四等六萬人號十萬以劉吉為監軍王綸為參贊指揮葛江為都督載其妃勝世子從總一百四十餘隊分五哨出都陽舳艦蔽江而下聲言直取南京太監畢貞守浙江許起兵應之戊戌宸濠趨安慶知府張文錦都

石鐘山志

卷九

武功

三

指揮楊銳指揮崔文令軍士鼓譟登城大罵之宸濠遂留攻安慶僉事潘鵬安慶人也宸濠令鵬遣家屬持書入城諭降鵬文手斬之磔其尸於城下宸濠令鵬至城下說之文引弓欲射鵬走免張文錦即鵬家盡誅之宸濠盡攻擊之術不能克癸卯守仁率知府伍文定等起兵會於臨江樟樹鎮於是知府戴德孺引兵自臨江徐運自袁州邢珣白贛州通判胡堯元童琦引兵自瑞州通判譚儲推官王暉徐文英新淦知縣李美泰和知縣李楫甯都知縣王天與萬安知縣王冕各以其兵至十八日己酉至豐城或謂當與安慶夾攻守仁曰不然我師不能援我於中流而南昌兵議其後絕我糧道南康九江又合勢乘之腹背受敵非利也不若先攻南昌甯王久不克安慶精銳皆出守仁必弱我兵新集氣銳南昌可克也甯王聞我攻南昌必解安慶圍還兵自救暨來我師已克南昌彼聞之自奪氣首尾牽制自成擒矣乃分兵為十三哨

哨三千人少者千五百人令文定等各攻一門以  
四哨為遊兵策應之謀報甯王伏兵千餘在甯  
墳廠為城中聲援以二十日昧爽各至汛地令  
之十九日發兵以三鼓不登誅四鼓不登斬其隊  
一鼓附城再鼓登入論城中居民令各閉戶守勿  
將又先期為榜入城下梯緬而登皆降盜多肆殺  
助亂昇攻其入贛州奉新等兵皆降盜多肆殺  
風到戈兵遂入贛州奉新等兵皆降盜多肆殺  
守仁執數人斬之眾稍定擒拱樞及萬脫等十餘  
人宮中皆縱火自燒死不盡者拘繫之散遣脅從  
籍封府庫城中始安慶慶徑取南京既即大位江  
西自服宸濠不從解安慶圍移兵泊阮子港先遣  
兵二萬援江亦宸濠自率大軍繼之二十二日撫  
州知府陳槐亦帥兵至二十三日謀報宸濠先鋒  
至惟舍守仁令伍文定以正兵當其前余恩繼其  
後邢珣帥兵繞出賊背徐連戴德孺張兩翼分擊  
之諸將各受命出二十四日卯賊兵乘風鼓譟

石鐘山志 卷九 武功 吳

而前偏黃家渡氣驕甚文定與恩伴北致之賊爭  
進趨利邢珣兵從後急擊橫貫其陣賊敗走文定  
恩遣兵乘二千餘級滿木死者萬計賊氣沮退保  
里擒斬二日建昌知府曾璉等率兵至守仁謂九  
入字腦是日建昌知府曾璉等率兵至守仁謂九  
江府康不復湖廣援兵不能達乃別遣知府陳槐  
合知府林城兵攻九江知府曾璉合知府周朝佐  
兵攻南康宸濠大賞將士盡發南康九江兵至丙  
辰井力台戰官兵少卻死者數百人文定急斬先  
退者以徇身立敵鏡間火焚其髮髻不移足士殊  
死保樵舍聯舟為方陣盡出其金帛賞士文定等  
乃為火攻之具邢珣擊其左徐連戴德孺擊其右  
余恩等分兵四伏期火發兵合丁巳宸濠朝其  
執其不盡力者將斬之爭論未決官兵四集奮擊  
之火及宸濠副舟賊復大潰宸濠妃嬪皆赴水死  
將士執宸濠及其世子郡王儀賓并偽丞相元帥  
等官李士實劉養正劉吉涂欽王綸熊瓊羅璜王

春吳十三凌十一葛江火信等數百餘人破執符  
從太監王宏御史王金主事金山按察使楊璋文  
事王疇潘鵬參政陳果布政使梁宸都指揮鄭文  
馬驥白昂等擒斬賊黨三千餘級溺水死者約三  
萬棄其衣甲器仗財物與浮尸積聚橫亘若洲餘  
賊數百艘四散逃潰遣兵分剿破之於樵舍又破  
之於吳城守仁所遣曾璉陳槐亦攻復九江南康  
二郡初宸濠謀反妃婁氏泣諫不聽及宸濠被擒  
於艦車泣語人曰昔紂用婦人言而亡天下我  
不用婦人言而亡其國守仁為求婁妃尸葬之節  
紀事  
陳眉公見聞錄謂宸濠之敗雖紹於江西而實潰  
於安慶雖收功於王陽明而實得力於李梧山李  
諱充嗣四川內江人正德十四年巡撫南畿聞宸  
濠請增護衛衛數日虎而翼禍將作矣遂力陳反  
廷議難之公乃旦夕設方略將武備以禦賊為念  
謂安慶叢輔適當賊衝非得人莫守當諸將庭參

石鐘山志 卷九 武功 毛

於眾中獨揖指揮使楊銳而進之曰皖城保障  
之於子毋負我十五年賊陷九江公自將萬人  
屯采石以塞上游之路飛檄皖城論以忠義銳感  
激思奮扼要湖口相機應敵發問謀火牌云領差  
太監總兵等官統領邊官軍十萬餘一半將到南  
京一半遲趨安慶並調兩廣狼兵湖廣土兵即日  
水陸並進俱赴安慶會集刻期進攻江西叛賊今  
將火牌飛報前赴安慶會集刻期進攻江西叛賊今  
聽候應用等因宸濠舟至李陽河遇火牌覽之驚  
駭由是散亡居半德又發水卒千人盛其標幟乘  
飛艦百餘艘鼓譟而進聲為安慶應援城中望見  
士氣百倍銳即開門出敵水陸夾攻遂成大潰時  
宸濠營於黃石磯聞敗將遁公自將兵逐北宸濠  
奔入鄱陽湖適遇巡撫王陽明引兵至湖遂成擒  
焉後論功不及公胡御史潔目擊其事為論列不  
報故令人盛稱陽明而不及梧山亦有幸有不

天啟十六年癸未秋八月左良玉聲言諸將寄帑南京請

以親信三千人與俱南京諸文武官及操江都御史

至陳師江上為守禦御史李邦華被召道湖口草檄

告良玉以危詞動之而令發九江庫銀十五萬兩補

六月糧軍心乃定湖口志

崇禎九年乙亥春豫楚之寇蹂躪皖疆飲馬江干烽火晝

徹湖口令陳文德振甲城闔以備半渡之文德

末年甲申寇盜充斥以湖口當江湖衝增副總文德

營屯城外鐘山又立八里江營為犄角制


石鐘山志

卷九

武功

天

石鐘山志卷十



桐城方宗誠 校訂

善化胡傳釗

武功

國朝紀實

順治二年乙酉五月英王委弁守湖口歲餘置都司兵制

前明左良玉假清君側傳檄討馬士英時副總兵李

石鐘山志

卷十

武功

一

士元白之裔駐山率所部二千人掠城出降城中焚

殺一空絕居民者三月所過皆城赤土至采石良玉

死其子夢庚為黃得功所敗湖口志

王國輔議於要害處列火礮弓弩遏其衝突守將

忌之不從已而郝效忠內訌城陷國輔守南門與

效忠廩戰殺獲無算護男婦出城者三千餘人忠義錄

錄

十六年己亥海寇犯江南逼近彭澤湖口知縣喬鉢議請

增兵巡撫張朝璘奏設遊擊增水軍為南湖營兵制上

鐘山之營署  
原尙存遺址

康熙三年甲辰陞督張朝璘巡撫董衛國檄令知縣范之

煥修城仍依下鐘山麓奠基

十三年甲寅正月逆藩耿精忠叛於福建僞黨據湖口下

兩鐘山 城民逃匿

王師舟至小孤山湖民趨迎賊宵遁湖口志

咸豐三年丑正月粵逆洪秀全等由湖廣下竄擄民船

自九江東至湖口泊石鐘山岸連檣百餘里急犯金

陵十三四五等日所至民先避之未遽屠害湖口志

石鐘山志 卷十 武功

先是廣西逆首洪秀全與其黨楊秀清蕭朝貴等

起於桂平縣之金田村爲數最眾且悍會文正公

國藩以禮部右侍郎兼署兵部左侍郎奏簡練軍

實以裕國用一摺文宗召見已嘉其切中時

弊二年四月廣西省城解圍賊竄陷全州道州連

陷郴州由安仁醴陵下犯長沙省城各郡舊有會

匪蠢動湘鄉尤多時文正公充江西鄉試正考官

丁母憂旋里九月營葬畢在家教練鄉里保守官

策十月長沙圍解賊渡湖西竄宿鄉益陽掠民船

浮湘而下竄湘陰岳州官軍數萬自長沙拔營

進之十一月賊陷漢陽是月文正公奉旨督

辦湖南團練搜查土匪練湘鄉勇仿前明戚繼光

東伍成法查辦會匪從嚴三年正月賊由武漢順

流陷安慶省城二月初十日江甯省城失守湖口

適當其衝無兵堵禦而長

江失險矣 檔案彙纂

五月逆由金陵上犯江西十二三等日阻風湖口鐘

入城大掠逆圍省城不克始五月暨八月游奕江上

鄱湖以下官軍設防不及盡長江二千餘里爲該逆

孔道遂扼石鐘險要以阻我師湖口志

江忠烈公忠源上書文正公言今日辦賊之法必

合江楚皖各省造戰船先肅清江面而後三城可

復否則沿江各省後患方長公治水師實萌芽於

是時忠烈以湖北臬司奏請招練楚勇合舊部赴

江南助剿四月由鄂東下行抵九江值賊船自金

陵上竄再陷安慶直抵湖口勢趨南昌省城忠烈

方駐九江即馳至南昌防守文正公檄飭江忠烈

等以所募新甯勇援江郭公嵩燾羅忠節澤南率

湘勇繼進時新甯勇抵瑞州戰潰復招集成軍湘

勇抵南昌出隊亦小挫忠烈復以書致文正公以

長江上下任賊船游奕往來我兵無敢過問者今

日之急惟當先辦船廠擊水上之賊郭公在忠烈

石鐘山志 卷十 武功

幕中亦力主水師之議 文宗寄諭各督撫因

屢及之長江議用水師自此始八月省城解嚴九

日肆鴟張官軍雖圍規復亦非水師不爲功所由

文正公以創造水師爲第一

一先務也 檔案彙纂

四年甲寅九月知府元善已革總兵趙如勝奉省檄率戰

艦來攻石鐘山梅家洲不克退守吳城是月曾文正

公國藩督水陸各軍大破賊於田家鎮半壁山武穴

等處丕振兵威湖口志

文正公奇彭公玉麟等之才拔而用之因研精覃

思詢仿拖罟長龍快蟹舢舨各船式鳩工製造并

截留廣西解鄂之礮二百尊備用是年正月由家

出抵衡州督催船工留廣西購辦夷礮千尊所解

石鐘山志

卷十

武功

四

敵勇留為新募水勇教習創立水師十營衡州所  
 募六營以彭公及楊公載福領之湘潭所募四營  
 以通同褚汝航等領之陸勇五千餘人以塔志武  
 公齊布為諸將先鋒隨行輔重民船亦給子旗幟  
 論此舉關繫南北大局甚為緊要公雖初次出師  
 有岳州之敗退保省城有靖港之敗幸湘潭全勝  
 大挫賊鋒遂復進省城募勇獎功勳重整規模於  
 六月分幫起旋合塔忠武等陸軍出中西東三路  
 先後進剿七月收復岳州公督水師後幫陳壯勇  
 輝龍李武慰孟羣繼發破賊船於道林破陳壯勇  
 乘風迎擊賊船於城陵磯下失利沙公鎮邦褚公  
 汝航甚多八月水陸兩軍復戰大捷火焚賊船盡  
 死傷甚多八月水陸兩軍復戰大捷火焚賊船盡  
 平沿江兩岸賊壘窮追數百里分途進剿於八月  
 克復武昌省城水師搜剿襄河獲勝江漢以上賊  
 艘無幾統籌三路進兵直搗下遊九月彭公楊公  
 等領戰船先破賊於蕪州陸軍復大治興國十

石鐘山志

卷十

武功

五

後該逆復將南岸一節續行鉤聯於半壁山下  
 上安賊船以防我火彈之延燒自鐵鎖以上皆賊  
 船中貯水以約三四十號自鐵鎖以下皆賊以  
 之戰船大小約六十里則於田家鎮街外築一土  
 船灣威其北岸則於田家鎮街外築一土城長約  
 二里街尾賊營一座為老鼠山賊營一座又上為  
 日網駐其中街之上為老鼠山賊營一座又上為  
 磨盤山賊營一座又上為老鼠山賊營一座又上為  
 牛肝嶺下長約六七里皆密排礮眼向江心轟擊  
 全力以防舟師彭玉麟等密登南岸至塔齊布及  
 羅澤南營內共商大舉破賊之策歸船傳知各營  
 官哨斷鐵鎖凡炭礮鐵釘大椎大斧之類皆備第  
 二隊專管攻賊船與之對相轟擊第三隊俟鐵  
 鎖開後直追上游大燒賊船對相轟擊第三隊俟  
 防賊船直追上游大燒賊船對相轟擊第三隊俟  
 督同羅澤南等率陸軍六千人排戰船守塔齊布

聲震天與戰船礮聲相應將近賊營二三里該逆  
并不抵敵出營大潰尚有二三百人逃竄不及者  
全數追逐落水陸軍與水勇爭前刺殺縱火燒其  
營盤自半壁山以至富池口中間沙洲數里尚有  
千餘賊屍未收至是焚溺半死之賊復混雜於沙  
際水濱殘骸堆積斷肢漂流目不忍睹楊載福劉  
培元李成謀等見武穴以上焚燒略盡武穴以下  
尚有賊船復率十餘舟鼓棹窮追又三十里至龍  
坪時已三更凡燒船約四千餘艘劫楊載福至  
燭天皆該逆歷年所擄民船同歸浩劫楊載福至  
次日已刻始行歸隊以竟日不食積勞嘔血各勇  
奪獲賊船至五百餘艘之多彭玉麟恐船隻太多  
爭奪貽誤又恐眾勇飽則思颺遂將奪回之船一  
并焚之陸路殺賊之多無過初四半壁山之戰水  
路燒船之多無有過於三日者該逆舟楫被燬無  
巢可歸遂於十三夜四更自焚營壘而遁節錄  
奏案年譜字樣皆屬文正後準此

石鐘山志

卷十

武功

六

十一月逆遣偽將黃文金踞石鐘山馬坊嶺築城鑿濠  
憑城結木筏轟礮添設城西對岸梅家洲偽城兼築  
城東月臺山營於石隙穿鐵索鎖江石鐘遂成堅壁  
曾文正公派水師進攻獲捷分泊口內並口外要隘  
彭玉麟等遂率大隊直下湖口至扁擔夾石鐘洲對岸  
邊見有賊船大小四十餘號分途圍擊悉數燒燬  
并燒賊草棚二座追及鄱湖匯江之所石鐘逆賊  
悉泊湖口縣城下上下石鐘有木簾三座戰船數  
十號民船近千號搶去江西之戰船礮位亦均攔

截內河見我軍驟至遂將民船數十號開出下竄  
我軍從中截擊燒燬二十餘號賊皆撲水內有大  
紅船三號輜重山積概予燒訖各營遂分泊口內  
下鐘武曲並口外之梅家洲石鐘對岸八里江下鐘等  
處緊扼要隘連日據生擒之賊與投誠之賊供稱  
偽燕王秦日綱自黃梅大敗竄往舒城偽丞相羅  
大綱自孔攏大敗率其死黨千餘渡江連夜奔至  
湖口偽丞相林姓啟容九江與湖口相犄角將為  
死守抗拒之計塔齊布於郡城上游渡江繞出南

石鐘山志

卷十

武功

七

路羅澤南於郡城下游渡江將圍攻東路水路扼  
截湖口務使賊所搶奪江西船礮全數兜剿不許  
竄出大江免遣後日無窮之累三路痛殲以期上  
復潯城下清湖口一制劇賊之命節錄奏案  
是月江西派臬司輝光宸總兵趙如勝駐軍九江  
奉旨歸文正公調度塔忠武羅忠節等敗賊  
於孔攏驛等處水師焚賊船簾潯郡江面逆踪略  
盡塔忠武陸軍抵小池口羅忠節軍渡江為賊所  
乘回軍擊卻之胡文忠林翼軍馳至圍逼九江城  
外賊自湖口趕添大小戰船百餘號復在安徽仿  
照官軍船式新造戰船三十餘號彭公會同李武  
愍孟羣等督水師兩次苦戰亦有擒斬皆因兩岸  
賊營太多水陸依護抗拒甚力而我水師與陸軍  
隔絕孤懸大江介處賊營之中連日雨雪交加師

船泊中洪爲風波所撼泊岸邊爲陸賊所撲故日來水師勞苦有倍過田家鎮以上者檣案彙纂

十二月湖口西岸添偽丞相羅大綱一股東岸添偽翼王石達開一股死力相拒曾文正公以彭公玉麟等水師攻搗下鐘山連日戰勝彭公復親冒矢石督舳板斫斷橫江鐵鎖破籐焚賊船略盡嗣以前隊猛進逐北至大姑塘以上賊以計斷其後礮船在外江者被襲失利胡文忠林翼羅忠節澤南李忠武續賓等率陸軍攻梅家洲以地險不能入再攻亦先勝後挫賊勢益振竟於二十一日渡江上犯襲奪帥船

石鐘山志

卷十 武功

八

湖口之賊自搶獲江西戰船後聯檣結筏攔截內河東岸爲湖口縣城依據獅子山即石鐘山連紮數營西岸爲梅家洲連紮二營木城礮臺緊相依護水師彭玉麟嚮導營孫昌國等直紮湖口以內前營李孟羣後營蕭捷三及各營戰船分扼由湖出江之口山下鐘山扁擔夾梅家洲及北岸之八里江一帶各營入口沂流駛近岸左轟斃黃衣賊目燒其新營二座夜二更後風順水流忽見上游火光衝天礮聲雷動該逆用小船百餘號堆積柴草實以硝

藥灌以膏油縱火下放礮船隨兩岸出隊呼聲鼎沸兼放火箭火毬時彭玉麟早經準備迎擊將已然之船用篙桿撐入中流反迎火光而上向岸賊開礮放箭之處併力攢擊斃賊無數且攻且追至木簾之側忽又擁出火船數起火藥不時轟發我軍不爲驚擾反疾進燒賊礮船賊黨墮水當賊放火船之時天陰月黑三更後月明如晝該逆油葦之船與我軍焚賊之船火光照耀秋毫無現賊計窮收隊我軍一無所傷節錄奏案

石鐘山志

卷十 武功

九

水師各營又會合出隊舟抵湖口城邊見該逆於城下沙洲密排巨木橫繫筏纜數道聯絡於對岸賊營之下戰船排列纜邊開礮子如雨密前隊舳板衝過賊籐之前斫斷巨纜乘勢轟擊該逆力不能支息水上岸各船追逼直抵南岸洲尾賊遂棄營內奔惜陸兵未到未踣其營時上游忽有賊船救應依附營牆之下木簾之傍槍礮更密我軍從烟篋中搶入斃賊燒其戰船賊遂敗回李孟羣之意欲縱賊船出大江下游免其內竄江西分我兵

力彭玉麟之意以爲賊奪江西船礮縱之出江其  
禍愈烈必嚴扼此關聚殲鄱湖之內俟陸軍到時  
再行相機辦理奏案

胡林翼羅澤南分搗湖口之軍於初六日巳刻行

抵盛山石鐘山對岸距梅家洲八里許梅家洲之尾爲

湖南湖對岸湖省內湖出口之西岸也僞丞相

羅大綱踞焉湖口縣在其東岸僞翼王石達開自

安慶統眾來援者踞焉該逆懼我舟師進擊內湖

之船搜勦鄱湖之賊於口內紮大小木簰各一座

石鐘山志 卷十 武功 十

東岸縣外厚築土城多安礮位西岸立木城二座

高與城等礮眼三層周圍密排營外木椿竹籤廣

布十餘丈較之武昌田家鎮更爲嚴密掘濠數重

內安地雷上用大木橫斜搭架釘鐵蒺藜其上我

盛山之軍駐營甫定派隊前進胡林翼帶黔勇平

江勇由洲東入羅澤南帶湘勇及唐訓方鄒壽璋

等由中路入李續賓張丞實同蔣益澧等帶湘勇

左右營從洲西入賊眾負固不出憑牆施放鎗礮

子如驟雨我勇伏地以進逼近壘前去其竹木以

水潑地雷踰溝而前直入賊營以路窄人少哨長

葉楚南陽玉芳姜凌浩俱爲賊刃諸勇抱憤攻之

愈力終以地險不能入初七日方欲進攻忽見梅

家洲賊七八千人分三路而進兩路列洲之柳林

中一路由江邊繞出盛山石嘴以攻我營之左腋

而大姑塘之賊又以四千餘人撲我盛山大營之

背蓋欲誘我師進攻洲上而姑塘之賊得以乘其

後也胡林翼羅澤南等酌定以湘勇右營左營禦

山後之賊中營黔勇營禦洲上之賊賊之自獅子

石鐘山志 卷十 武功 十一

山來者勢甚凶猛蔣益澧自執大旗向前抵禦李

續賓率右營以進短兵截殺張丞實從後督之山

後之賊大敗奏案

水師之在湖口者以內湖狹窄賊簾橫亘江心簾

側有礮船簾外有鐵鎖篋纜層層固護兩岸營牆

百礮轟擊皆以堅守此簾百計攻衝不能入簾內

傷亡愈多軍心愈憤聞陸軍一至卽出隊夾攻彭

玉麟劉培元孫昌國之紮口內者先抵木簾之下

前營李孟羣後營蕭捷三及秦國祿俞晟段瑩器



洪定陞等從外江進口攢礮環攻賊簾環以木城中立望樓亦設槍礮計簾上與船中望樓與兩岸賊礮四發羣子噴落我軍每傷一人則拖入船船進擊如故又傷則又入船又進如故終無一船退縮者將其鐵鎖篋纜立時斫斷哨官劉國斌一礮轟中簾上藥箱巨烟轟發響若山頽簾已然燒過半而未燒之一面賊仍開礮不絕尤可異者望樓之賊屹立不動直待全簾火滿望樓傾倒始自投烈燄或沒身緣簾底良久旋波以出其很忍如此

石鐘山志

卷十

武功

七

我軍四旁長圍人持一矛專刺息逃之賊簾賊同歸一燼無漏網者簾後賊船時猶負固轟拒我軍分枝抄出立燒大戰船六隻民船二十餘隻賊之登岸者被李孟羣親兵羅澤南陸勇擊殺且放火助燒簾船水陸相輔血戰四時之久燒斃溺斃賊斃之賊四百餘名奪獲大礮十餘位生擒一百一十三名內有偽將軍梁國安偽總制熊長易偽司馬許學受偽總制熊廷詔陳經綸皆簾上賊目凶悍聚殲全軍爲之一快

奏

石鐘山志

卷十

武功

三

胡林翼羅澤南等銳意欲攻破梅家洲賊壘負布袋囊土人持火包一擁而前衝突於賊礮攢簇之間逼近城牆超躍而入已入數十人拋擲火包誤傷同入之侶以數人負送而出在外者誤認爲敗適南頭一壘賊隊衝出西路官軍相率退奔入壘者恐外隊挫失亦即退出迴軍與賊逆即奔遁入壘固匪不出水師自初六日攻破賊簾後該逆連夜將大船繫沈江心實以砂石僅西岸留一隘口攔以篋纜初十日陸軍攻壘之時約水師同攻此卡彭玉麟等督舢板各船斬纜衝入焚其戰船三十餘號民船三百餘號斃賊約數百名我軍受其隘口三面之礮傷亡亦數十人十二日陸軍復攻賊壘攻逆終日以礮多壘堅卒不能破水師復衝入卡內燔賊戰舟三十餘號民船約五十號自是賊所奪江西戰舟焚燒略盡僅餘夾洲內十餘船自湖口至姑塘賊踪肅清矣營官蕭捷三段營器孫昌國等乘勝追至姑塘以上從之者各營長龍舢板百二十餘號皆輕便之舟勇銳之士揚帆內

駛日暮不歸詎料該逆窺我軍小船衝入內湖即  
出小划二十餘號突出卡外圍我軍快蟹大船都  
司史久立首當其衝被圍良久船隻延燒力戰死  
之是夜三更該逆復用小划三四十號攢入老營  
燒我船隻兩岸賊匪數千火箭噴筒迷離施放呼  
聲震天我軍以內湖百餘小船未歸無以禦之被  
焚大戰船九號小者數號雜色坐船三十餘號各  
勇狃於屢勝之餘變起倉卒快蟹長龍等船挂帆  
上駛悉回大營案

石鐘山志

卷十

武功

十四

蕭捷三等及各營長龍舢板百二十餘號行至大  
姑塘尚無賊踪即行宿泊十三日上至平鳳應是屏風  
地方見賊戰船民船共二百餘號突起擊之該逆  
自恃在湖口卡內百里不虞我軍之猝至也大礮  
羣槍抵死抗拒我軍先燒其民船賊陣既亂乃焚  
其戰舟凡焚船二百餘號奪獲三十五號奪礮七  
十餘位各舢板自先日出隊小艇不便宿食至是  
始得一餐十四日該逆以前夕所搶我軍之船冒  
爲官兵自湖口駛上襲我內湖之師輔以小划百

餘號時蕭捷三段瑩器等已聞十二夜老營被燒  
之信矣因約各哨寂靜以待逆船撲近眾礮齊發  
羣子噴飛該逆立刻敗下紛紛見水擊沈燒去小  
划舢板共五十餘號追至湖口見該逆搭浮橋二  
道關鎖牢固勢難衝出收隊回泊大姑塘以上案

十七日楊載福派哨官張榮貴陳金鼈等由新河  
下擊自率各哨官由老河下擊澄海營官何敦五  
亦由老河隨勦屢戰良久該逆敗退下竄追至老  
灣其快蟹船貼靠北岸陸賊護之不能奪取礮斃

石鐘山志

卷十

武功

五

賊數十名我軍哨官沈光雲陣亡張榮貴等自新  
河下者遇賊舢板及小划約三十隻以九船勝之  
追至湖口縣繞出老河與楊載福會合兩路凡焚  
船二十六號奪船五號四更收隊梅家洲之賊夜  
夜往撲胡林翼羅澤南等營賴併力堅守得挫凶  
鋒湖口之賊渡江上犯紫營九江對岸之小池口  
二十一日派副將周鳳山渡江擊之四更渡畢黎  
明開仗該逆猝不及防踏平賊營一座殺賊百餘  
江邊一枝追出街外堤內一枝因搶奪馬匹衣物

為賊所乘先勝後挫遂調胡林翼羅澤南二軍由湖口回剿九江二十五日駐紮南岸官牌夾是夜三更潯城與小池口兩岸之賊各擡小划數十隻入江乘月迷漫攢入我軍船夾內火彈噴筒百枝齊放右營被燒戰船一隻各哨慌亂挂帆上駛國藩坐舢板督禁黑夜不許開船江闊船多莫能禁止該逆已用小划數十將坐船圍住管駕官劉盛槐李子成監印官潘兆奎葛榮冊陣亡文案全失

案

石鐘山志

卷一 武功

志

五年卯正月曾文正公由南昌派水陸各軍繞出湖東攻剿山逆益浚壕增壘分股竄都昌陷饒州分犯樂平等處以圖牽制

文正公奏明馳至江省與陳啟邁商定將江省現造之長龍三十號先撥應用又慮春夏水盛江湖并漲非巨艦不足以壓浪而立營擬再造快蟹大船十餘號酌派員弁回楚續招水勇自成一軍先將湖內支河賊船剿滅淨盡一俟鄱陽春漲衝出湖口擊破賊卡以期與外江水師會合夾攻

賊在九江湖口等處者益浚壕增壘守備加密湖口之賊由都昌竄陷饒州分犯樂平景德鎮祁門徽州擾及廣信公調湘勇截剿又增募平江勇四千人同出東路賊多方牽制塔忠武潯營五千人但主堅守不復仰攻矣

案

石鐘山志

卷十 武功

志

是月楊公載福養病武穴力疾督船拒戰尋以病甚回籍彭公水師在外江者依岸而守其入鄱湖者營官蕭捷三孫昌國黃翼升等領之由是水師送有內湖外江之分初四夜北風大作巨浪撞擊水師老營在九江城外者漂流二十二號撞損數十號公通飭彭公領外江破船暨胡文忠一軍援鄂新設設廠修補已損之船其陷入內湖水師相率赴省文正公由九江抵南昌撫輯眾心委署臬司鄧仁堃總理船廠支應各局一面派大小戰船六十餘號進泊康山外防大江之賊駛船入湖內防饒州之賊擄船

出湖 檣案彙纂

二月偽翼王石達開偽丞相羅大綱尚踞石鐘山壘時文正公以湖口賊卡浮橋既堅鋪以木板填以土石難以遽破俟春江盛漲水陸併攻即當力破浮橋衝出大江並以三省全局論奏

以湖北安徽江西三省全局論之陸路須有勁兵四枝水路須有勁兵兩枝乃足以資勦辦北岸自蕪水廣濟黃梅以達於太湖宿松是為內一路自漢口黃州蘄州田鎮武穴濱江而下以達於小池口望江縣是為外一路南岸自九江以上與國通山崇陽武甯等屬皆土匪勾結粵賊之淵藪是為

西一路白湖口以下由東流建饒池徽甯四府皆  
逆匪觀餽浙江之要途是為東一路北岸之黃梅  
太湖前臨大江後枕潯岳一山綿互數縣屏蔽舒  
廬為該逆必爭之地南岸池州雖僻而大通鎮  
殷家匯水陸交衝南窺徽嚴東障蕪湖亦為該逆  
必爭之地故南岸以東一路為最要而西路次之  
北岸以內一路為最要而西路次之此四路  
者須陸兵四枝缺一不可者也水師自武昌以達  
湖口為上一枝自小孤山逾東西梁山以達太平  
采石為下一枝乃與紅單船相接兩枝各自成一  
分段肅清庶免首尾不顧腹背受敵之患亦缺一  
不可者也今水軍陷入鄱湖之船百餘艘回救鄂  
省之機則內湖一軍已分爲上下兩枝似有因禍得  
難就緒回鄂一軍以被風擊壞之船與漢口新竄  
之賊相持又不能分身前往統領日夜懸念每聞  
春風之怒號則寸心欲碎見賊帆之上駛則繞屋  
徬徨不知李孟羣等果能添置小船復振軍威否

石鐘山志

卷十

武功

夫

至陸路須勁旅四枝而臣等祇此一軍欲分爲兩  
枝則力形單弱欲常聚一處而事勢所迫有不得  
不分者又不敢過於持重  
致失機宜也 節錄奏案

三月石鐘踞逆屠掠益橫 時文正公以用兵三難情

形論奏

國藩整理陷入內湖之水師駐紮鄱湖李孟羣等  
回援武漢屯紮金口相之更在八百里外合兵則  
力厚分則力薄陸軍之分猶樹酌再三而後析爲  
兩股水軍之分其初本無意於分也自臘十三  
日輕舟百餘衝入內湖被賊卡塞斷遂與外江老  
營隔絕猶冀內外夾攻仍舊合而爲一自李孟羣  
等回援武漢外江之船愈少彭玉麟等因大風壞  
船全數開赴上游遂與內湖一軍相去日遠速至  
武漢再陷沿江兩岸數百里復被賊踞而金口水  
師與鄱湖一軍乃不復可以遠合矣今水陸各軍

之在江西境內者傷者不復勞者休息羸弱者汰  
遣添換仍河復去秋壯盛之氣惟金口一軍相  
太遠屢報彭玉麟等一面與賊接仗一面修  
整破船次第完好湖南撫臣駱秉章復以百餘船  
前往接濟差足重整軍威而陸軍單薄餉項缺乏  
岌岌乎有潰散之虞論天下之大勢則武昌據金  
陵上游有潰散之虞論天下之大勢則武昌據金  
皆賊而臣軍坐困於中段亦決非萬全之策是以  
一聞武昌淪陷之信即再四籌商思所以爲回勦  
之計願回勦有難言者潯都據長江之腰營宜有  
重兵駐守其開一經撤退則九江湖口之賊皆肆  
然無所顧忌內犯江西上竄鄂岳均不可知軍士  
進則氣勝退則氣歉即勦辦得手未知何日始能  
重至九江其難一也今該逆不特攻陷武漢而且  
窺伺襄樊自金口以下上下江面皆爲賊踞內湖  
水師若徒株守鄱湖不出上下江面則保衛一隅無濟  
大局若乘此春漲由湖出江則不難於衝出湖口  
而難於出江之後一軍孤懸四面無依上不能遽

石鐘山志

卷十

武功

充

合金口之水軍下不能速勦安慶之賊艇其難二  
也湖南用兵已久庫款既空捐項亦竭本年賊踪  
上竄胡林翼等之陸軍彭玉麟等之水軍皆仰給  
於湖南弁勇萬餘嗷嗷待哺有月餘未給餉者有  
兩三月未給餉者事機愈挫來源愈斷現在  
金口一軍口糧不繼其難三也 節錄奏案

四月曾文正公進駐南康派前隊戰船進泊青山以攻

湖口檄羅忠節移駐饒州圖之十九日賊由姑塘上

犯水師擊挫退泊火燄山二十一日水師焚賊船於

馬家堰徐家埠又追焚之於都昌城下

是月文正公以新募平江營委幕員李公元度管

帶操練緊護水營扼要駐紮使賊不得掠舟來往

湖中羅忠節軍駐饒州議合水師共圍湖口而省城聞義甯警報亟調回援公以湖口東岸無陸兵則水軍孤懸可慮入奏

五月水師進擊賊艘於青山追奔至鞞山以下賊於都

昌掠船運糧接濟石鐘壘逆者經孫昌國迭戰搜燬

無遺三十日內湖水師又擊賊於青山破之奪回拖

罟大船并獲他船礮等拖罟即九江所失帥船也

南康之為府前有彭蠡後有匡廬背山面湖去饒河子口四十里自饒子口而由都昌以達於饒河為東鄱湖由豬溪以達於吳城為西鄱湖自饒子口而下直至府城為宮亭湖自府城以下為土目

石鐘山志

卷十

武功

三

屏風青山姑塘鞋山等處凡九十里而至湖口縣南康之與九江中僅隔一廬山山北為潯郡山南為康郡下游青山姑塘及湖口對面之灰山皆廬山之支麓也我水師老營駐泊南康下則攻湖口之賊冀欲力破此關上則防鄱昌之賊擄船而襲我後路青山前隊水軍蕭捷三鄧翼升孫昌國等方在操演之際該逆已由姑塘揚帆上犯約礮船百餘艘小划數十號雁列而來其船亦皆快蟹長龍舳板之類一長短大小盡備我軍製法漿枝之密礮位之備一效法我軍視去年之賊礮船無多水戰較鈍者迥不相同自西岸斜行而上渡至東岸我軍亦斜行東渡排礮擊賊兩時該逆忽出小划數十沿西岸而下將及青山我戰船皆在東岸力戰被焚奪該營坐船既失東岸戰船亦稍不出隊致被焚奪該營坐船既失東岸戰船亦稍忙亂無心戀戰倉卒收隊逆逐十餘里我重船駛回上游至火礮山紫泊國藩以都昌尚有陸賊恐其擄船來襲有上下夾攻之患派定湘營何

石鐘山志

卷十

武功

三

啟長前住馬家堰該逆裝運糧糧船隻一百餘艘見官軍忽至揚帆疾走各哨奮往力追圍繞焚燒無一存者嗣至徐家埠復燒賊船長偕護李逢春都昌城下燒賊船四十餘艘何啟長偕護李逢春上至塘燒賊船四十餘艘何啟長偕護李逢春五百名被焚溺水者數十名收隊仍泊南康五月初八日聞逆匪復在都昌擄糧又派孫昌國前往直隴勦賊船二十餘艘其新擄者呼百姓而還之十三日我軍派船九十餘艘至青山一帶放哨適值賊船自姑塘揚帆上犯我軍停棹小泊觀變而動該逆復用十九日之故智自西岸斜上渡至東岸我中營賀虎臣定湘營何啟長帶船三十餘艘渡至東岸迎敵而留蕭捷三陳炳元鄧翼升三營各船於西岸將欲抄賊之尾該逆全力撲我東岸兩營力幾不支哨船間有退者賀虎臣何啟長揮旗苦戰該逆稍卻又見西岸各營來抄其尾賊舟即回注西岸攢礮對擊塵戰兩時之久傷賊約計

石鐘山志

卷十

武功

三

板數隻將偽承宣胡鼎文等飛漿逃脫而留偽功  
 動張百長於拖船或撲水或中我苦戰我軍四面環攻  
 人獨張賊因悍異常手持刀叉身懷火彈我軍槍  
 登者多被張賊殺傷各哨官擒長髮十一人其第  
 二號花船亦同時奪獲外奪船板三號小划二號  
 大礮十八尊計礮斃淹斃二百餘人因天黑無月  
 即行收隊次早始回老營查點我軍右營哨官蘇  
 光彩中子陣亡各勇傷亡十餘人若使此軍果足  
 自立則扼斷長江之腰脅上有金口水軍以擊其  
 首下有紅單戰船以擊其尾二千餘里之江面分  
 為三段勒辦或有  
 肅清之期 奏案  
 是月按鄂水師至武昌遇風多沈損併胡文忠之  
 軍退扼金口賊陷武昌巡撫陶文節思培死之各  
 軍馳援皆不及水陸兩軍在金口為數無多且餉  
 絀飢疲楊公載福在籍病痊湖南巡撫駱文忠乘

章委造募船勇赴鄂助餉械均仰給湘中  
 彭公合力禦敵荆湘上游稍安 檔案彙纂  
 六月水師攻賊卡於梅家洲衝出卡外陷失戰船四號  
 兵勇傷亡數十人

水師前幫自進紫青山以後本擬俟陸營東渡會  
 合進剿是月十五日各營派二十餘船前往湖口  
 探賊營形勢弁勇冒險衝出梅家洲賊卡卡外賊  
 船與湖汶賊船齊出我軍二十餘船三面被圍續  
 到二十餘船亦尚單弱屢戰兩時值南風大作不  
 能駛回被賊圍去長龍一號舢板三號千總洪建

石鐘山志

卷十

武功

三

助把總李文田陣亡勇目五十餘人有被擄過害  
 者有鳧水逃歸者姑塘大隊前往救應該逆始畏  
 怯反奔日暮收隊仍泊青山 節錄  
 蕭節愨捷三等水師破賊於鞞山李公元度率所  
 部平江陸勇渡湖而東會剿湖口擊賊文橋蘇官渡  
 獲勝水陸合兵入湖口舊城攻下鐘山不克節愨陣  
 亡水師回泊青山平江營駐蘇官渡八月安慶援賊  
 撲營拒卻之復擊賊於流澌橋燒賊棚於柘磯羅忠  
 節澤南合李公元度再攻下鐘山未克水師擊賊於

梅家洲挫失戰船二十一號 七月十八日塔忠  
 武公卒於潯陽  
 竊鄱湖水師未能攻破湖口一關必須東岸有陸  
 兵夾攻乃能得手疊經奏明在案七月十四日賊  
 船數十號由鞞山分兩路來撲我青山水營蕭捷  
 三等伴為弗知堅泊不動該匪東岸各船直趨沙  
 灣欲截我軍上流其西路一股已抵青山礮子落  
 我船頭我軍排成一字仍堅泊不動直待賊船逼  
 近我船百餘號一齊起旋眾礮同轟併力圍鈔轟  
 沈該逆舢板三隻燔燹二隻賊敗振舵回奔各營

石鐘山志

卷十

武功

五

追近鞵山賊忽回頭抵敵我軍在前者停槳少待復整全陣轟沈賊船二隻追至卓湖又圍截賊船二隻直追至上鐘山凡四十里因逼賊巢日暮收隊生擒賊十五名奪礮七尊陸軍欲攻湖口七月十四日李元度李銀劉希洛等帶平江勇三千餘名由南康渡湖十五日三道齊進李銀繞出賊前斷賊歸路該匪踰嶺奔逃殲斃五名生擒三名擄拏偽監軍旅帥等十一名訊明正法十九日李元度進至文橋聞偽總制偽指揮與徐家埠敗賊皆聚於此李銀彭斯舉胡蓋南吳齊源等分作四路包鈔該逆毀礮轟拒我軍併力衝入斃賊百四十餘人生擒偽總制等十一名凌遲梟示二十一日進攻蘇官渡中途探知湖口逆首偽承宣胡鼎文親率悍賊千人來撲我軍三路迎勦行至曹均橋見賊馬三十餘匹駐阜瞭望彭斯舉即令開礮先斃一賊又殲大旗賊四名哨官丁峻李慶雲飛馬衝隊手刃二人各勇殲斃三十餘人該逆退奔四五里仍駐山坡卓旗擄戰彭斯舉丁峻等追及塵

石鐘山志

卷十

武功

五

戰一時陣斬騎馬賊目偽總制偽旅帥等五名斃賊百四五十名該逆退奔五里橋至蘇官渡過壩復駐山岡卓旗擄戰李銀劉希洛各揮勇衝殺哨官李錫發併力馳擊追至三家市陣斬穿黃馬褂賊一名又斃賊百五六十名尸橫道左是日該逆三次卓旗駐隊三次敗北共追奔二十里斃賊三百餘口二十三日李元度等拔營直趨湖口劉希洛攻大嶺段瑩器繼之彭斯舉攻黃土嶺李銀攻小嶺胡蓋南居後策應三路並進由大嶺入者各哨爭先鼓勇殺斃守卡賊二十餘名遂乘勝入城上下兩石鐘之間時城廢其由小嶺入者至西門外於陷坑內見賊埋伏大礮遂躍坑而過奪其礮位並將守門悍賊立時斫殺由黃土嶺入者亦將守險之賊擊斃十餘人餘眾潰散我軍一擁齊登立破馬房嶺賊營一座拋擲火毬斃賊無算餘賊覓船逃竄我軍追殺直抵湖壩賊舟用礮回擊傷我弁勇數十人我勇抵死不退回擄礮轟斃入船之賊多名其城內賊營溝寬丈餘鎗礮猛烈各勇從礮煙中一

躍而進踏毀營牆斃賊及蹂踐死者三百餘人隨將城內火藥局礮局糧局一概焚燒煙焰蔽天我軍既入湖城踏平賊營二座勇氣百倍惟瀕湖下鐘山賊壘尚存牆極堅固地尤險峻中藏悍賊千餘我軍大呼躍近連擲火球該逆亦以礮石火彈相擊拒戰數時殺賊百餘人我軍傷亡數十人是日水師各營亦抵湖口北風甚勁浪立如山遙見陸兵已臨城下皆奮勇直進兩岸賊船向前迎敵我軍開礮轟擊逾時賊堅持不退我船輪番出隊

右鐘山志

卷十 武功

三

扁擔夾或回泊下鐘巖賊牆之下我軍環攻賊舟近前拋擲火彈將下鐘巖賊礮船二十五隻立時燔爲灰燼其民船裝載火藥者亦皆燬滅煙薄重霄又分軍追八里江之賊逐北二十里薄晚水軍泊梅家洲陸軍遂宿城內之月臺山通夕猶數出隊驚擾賊營二十四日陸軍昇銅礮數尊對下鐘山賊牆轟放賊情窘迫突開南門出數百人登山劫礮我軍圍殺六賊各勇預持草把擬填壕破卡賊忽以二股出禦又殺其數人始退我軍追近賊壘亦爲逆礮所傷是日水師見八里江賊船十餘隻上駛復衝出卡外追燒賊船三隻紮泊八里江二十五日李元度等以下鐘山賊卡急難攻克我師接戰兩日一夜精力已疲遂仍紮離山十二里之蘇官渡水軍復出卡外游繹見八里江僅有賊船聞礮即遁莫由追剿因亦折回分泊青山螺絲港等處臣在九江陸營聞湖口開仗蕭捷三陣亡即親帶陸勇四百名馳抵青山伏查該逆久踞湖口恃有下鐘山與梅家洲對峙據險築卡堅如石

右鐘山志

卷十 武功

三



城水軍經過輒爲叢礮所擊莫敢逼近目下陸軍

雖入縣城其時賊將縣城磚石毀立石鐘一帶堅卡縣已無城水軍衝出大

江而兩岸賊牆未破必須厚添勁旅先奪下鐘山

之卡使梅家洲賊卡勢成孤立然後水師紮出外

江乃操勝算現復籌添陸兵前往助剿惟此次殺

賊千餘名受傷弁勇至二三百名之多實屬勇敢

出力節錄奏案

二十七日聞賊由彭澤運來火藥船數隻並戰船

十餘隻在流漸橋小河停泊李元度派令胡蓋南

吳齊源帶勇焚勦賊見我軍驟至紛紛開駛我軍

連放檣鎗斃賊數名復拋火毬焚其火藥船戰船

數號二十八日探得離湖口五里之柘磯連下與鐘山

八里江遙對有偽關一座偽點聖庫黃賊把守征

收船稅屯匪數百名派彭斯舉等馳往勦辦該逆

棄關上船逃竄即將偽關署及附近賊巢一併焚

洗正欲收隊忽下鐘山賊壘突出二三百人來援

我軍整隊迎擊先刃悍賊一名餘匪敗退後路之

賊尚分數股鈔截彭斯舉先衝迎頭一股擒斬數

石鐘山志

卷十 武功

三

石鐘山志

卷十 武功

三

名適李錕劉希洛之勇亦分擊鈔後之賊殲斃多

名是日蘇官渡亦有賊撲老營別伏數百人於山

凹塘坳之間李元度派兵先搜其伏截賊歸路飭

胡蓋南從蘇官渡過壩一擁而前呼聲震天賊敗

退至五里橋被我軍橫截殺賊百餘人追至大嶺

與彭斯舉之勇相合遂結隊而旋八月初三日探

知安慶有賊千餘來援湖口初四日辰刻有騎馬

賊二十餘人帶賊數百來蘇官渡擄戰黃旗蔽野

我軍出隊逾時見賊已過壩距營百餘步其埋伏

山後者賊數尤夥密派吳齊源從閒道鈔賊之後

度其將至然後以大隊迎擊斃二賊餘眾稍卻

我軍空壁馳入大呼而進手刃大旗賊五名黃馬

褂賊四名賊正敗走而接應之賊踵至距戰一時

敗賊齊奔是日共殺賊三百餘人生擒十四人羅

澤南自義甯馳至南康僅帶親兵六十人臣飭其

東渡湖口督率平江勇痛加攻勦初八日約會水

師併攻下鐘巖賊壘由黃土嶺大嶺小嶺分三路

並進經馬房嶺及舊城賊營二處前爲我軍踏毀

者已復爲賊所踞我軍分股搶登鍾輔朝等首先躍入舊城連殺數賊潰守下鐘山我軍登嶺焚其望樓遂升月臺山昇礮輪轟賊巢忽三百餘賊拚死衝出登山奪礮我軍併力截擊手刃十餘賊賊敗退回各勇疾馳跟追已及下鐘山營門將乘勢衝入賊閉門死拒門外尚有三十餘賊未得入壁悉爲我勇殲斃初八日陸路約會水師併攻湖口後幫五營各船開赴湖口紮泊上鐘山自二十三日水軍大勝賊船盡竄之後該逆僅賸三十餘號

石鐘山志

卷十

武功

三

是日又在九江添來十餘號分泊梅家洲兩岸午刻南風大作賊船約五十號由兩岸衝上開礮齊轟抵敵適時因風急水流船勢直趨下游賊船進則包鈔我軍我船進則流入賊卡弁勇慌亂遂各捩舵回奔而賊船已乘勢上追各哨見賊逼近或推礮入湖鼻水而遁或擲火彈焚船登岸間有殿後被賊圍困力戰捐軀者共失去長龍舢板二十一號初九日五鼓賊乘勝來撲我水軍前幫之泊青山者因一湖之隔不及救應後幫各營新敗之

後通夕巡邏嚴陣以待賊至我船排列一字萬礮對轟一時之久賊揚帆返舵伴爲退卻我軍嚴立不動賊船果復回駛猛勇衝突我軍各礮飽食羣子愈擊愈奮鏖戰三時轟沈賊船二隻落水死者以百計始紛紛敗竄追逐四五里收隊伏查湖口僅賸下鐘山及梅家洲二卡石牆堅固屢次血戰不能攻破惟有籌派勁旅再圖力勦至水師因風順失利乘船多隻貽誤事機去年靖港陳陳陵磯之敗均因南風太大不能收隊嗣後戒飭不許順風

石鐘山志

卷十

武功

三

開仗乃各弁勇不能遵守教令致蹈覆轍殊屬輕進奏

是時胡文忠攻武昌未下乃議先攻漢陽由金口渡江軍於彭山彭楊兩公率水師進泊沌口燬賊船數百號南岸崇通之賊攻潰金口陸營德安賊援漢陽參山陸營亦潰惟沌口水師屹然未動文忠度不可攻率水師退駐新堤以扼荆湘之路委鮑超增募湘勇數千以爲援羅忠節公回義甯營上書議調九江之寶勇以參將彭三元都司普承堯領之併湘勇各營爲五千人劉公蓉在幕中二年至是亦從羅公

軍赴鄂 檔案彙纂

九月初三日文正公巡視青山水陸各營初五日駐屏風水營初六日渡湖至蘇官渡巡視陸營留二日還

屏風以下鐘石壘難破附奏引各

附片稱白抵江西整飭水軍本擬四五月間水陸  
會剿攻破湖口一關緣義甯州失陷羅澤南率師  
回救不能赴湖口會剿繼而與塔齊布面約移師  
東渡攻湖口該提督又遽爾殞謝後飭平江勇  
往攻湖口二十三日水陸大戰極為得手而下鐘  
山石壘堅固異常竟不能破自辦理內湖水師已  
逾半年湖以內雖已一律肅清而未能橫截江  
面終無裨於大局轉瞬霜降水涸攻勦愈難師久  
無功咎無可辭而助辦軍務實有勞績不可泯者  
外江金口水營李孟羣等赴援武昌僅破船五十  
餘號彭玉麟等赴援武昌亦僅破船八十餘號尚  
有被大風損壞舵折棹者到武漢後又復三次  
遭風臣時深慮外江水師不克維持會於奏牘內  
言之賴湖南巡撫臣駱秉章一力維持接濟船礮  
撥給餉項添募水勇俾金口水師危而復安弱而  
轉強以保湘省即以衛大局該撫署內幕友候選

石鐘山志

卷十

武功

三

同知左宗棠於外江水師尤為殷勤保護一船一  
礮一哨一勇皆苦心照料勞怨兼在一面在長沙  
操練一面發往鄂省力挫水賊兇鋒彭玉麟於大  
風壞船之後有率舟師赴援武昌其時賊勢方張  
我軍氣銳彭玉麟一面修整破船一面應戰悍賊  
與李孟羣同心協力目不交睫八十餘日竟能保  
守金口水軍復振其堅忍之力殊屬難得 節錄  
奏案  
是月湖南兵勇援鄂者至羊樓司大潰江壯節忠  
濟殉難羅忠節公駐軍崇陽派李忠武公等五營  
進勦洋樓司旋派彭勤勇三元等營進勦蒙頭堡  
彭勤勇暨李公杏春等陣亡弁勇挫潰二十六日  
破之 稿案  
十月石鐘踞逆役鄉民增修壘卡浮橋出撲蘇官渡經  
官軍力擊退之水師前右兩營新中嚮導兩營泊襄

山中流派哨船引賊舟至山賊猝見伏即敗前右兩  
營由西岸尾追頃刻至湖口

石鐘山志

卷十

武功

三

日礮傷賊匪甚多我軍僅受傷三名十月二十七  
日賊船數十號來至東岸螺絲山申刻各營會商  
恐逆船潛匿二十八日我軍前右兩營循西岸新  
中嚮導兩營循東岸均近鞵山中流灣泊先派哨  
船巡探該逆瞥見我軍兩岸出隊我哨船且戰且  
走引至鞵山賊見我船陣勢嚴整鎗礮猝發即行  
敗走右前兩營由西岸尾追風急水流頃刻追及  
湖口賊忽回船拒戰我軍因順風窮追隊伍稍亂  
勢少退卻劉國斌往復苦戰每戰一合輒糜大船

捲塘先退小船殿後右營長龍船一隻因灘乾擱淺不能駛回被賊圍奪退至嶼山東岸二營近前接仗賊始捩舵回奔我軍又復尾追數里日暮收隊是日鏖戰四時雖斃賊以百餘計我軍亦傷亡三十餘人

節錄奏案

湖口陸營數旬無大股賊來犯水師泊屏風以陸勇二營護之文正公不時按視各營壹意嚴防不輕進勦羅忠節嘗謂湖口水陸官軍但當堅守不宜數數進攻以損兵威當俟上游勦辦有效以取

石鐘山志

卷一

武功

三

建瓴之勢公躋其說行之鐘山踞逆虐役鄉民增高城堞梅家洲大砌石城長逾三里浮橋上蓋木板加以土石兩次出撲蘇官渡亦不甚力櫓而其時忽有粵匪由茶陵竄擾吉安賊酋石遠開糾黨由崇通入江合股贛水以西亂民響應至十餘萬眾瑞臨袁吉同時告警署撫陸公元煥來檄抽調九江湖口陸營次第回援西路軍事從茲旁午石鐘險要愈難圖矣是月文正公奏謝恩授兵部侍郎

十一月初七日石鐘添援逆犯蘇官渡營李公元度派

隊迎勦往返鏖戰竟日逆首黃文金被擊落馬逆黨始潰我軍登大小嶺焚賊卡房望樓十八日賊復大舉分七路來撲挫之

湖口下鐘山賊黨自屢創後堅匿不出十月底三次來犯我軍出隊追擊飛奔回巢皆未窮追十一月初五六日聞下游來援賊千餘人添集鐘山初七日已刻分五股來犯直抵蘇官渡北岸李元度傳令飽餐不許輕動候賊氣已疲遣羊瀛率右營從馬影橋東路包鈔彭斯舉率中營前營從勞家

石鐘山志

卷一

武功

三

渡西路截擊胡蓋南吳齊源率左營從中路直衝三面兜勦殺斃當先賊一名賊退追過五里橋突起伏賊二百餘人我軍眾礮抵敵傷賊十餘名逆首偽承宣黃文金騎馬衝陣經投誠之蔣文煥等指認遂令各哨圍擊直取賊渠該逆狂竄追至三家市逆眾回匿下鐘山我軍登大小嶺各據山椒麾勇焚其卡房望樓七所直逼下鐘巖石牆之下又殺賊七名逾時見逆船從梅家洲渡賊至東岸皆新到之賊時已日晡各營收隊捲塘而歸詎黃

文金復率眾來追勢極兇悍彭斯舉羊瀛等分路衝截往復十餘次輒有斬馘因日暮不敢戀戰徐收至三家市忽逆黨千餘人傾巢尾追各營且戰且退至五里橋我接應兵畢至直衝向前李元度催兵返鬪彭斯舉羊瀛等望見逆首黃文金遂率擡礮指擊該逆被轟落馬賊眾拖曳我軍乘勢回攻立斬二十餘賊逆黨奔潰不復成軍各營仍追至三家市乘月收隊歸營是日殺賊不過四十三名礮傷不過數十名而往返追逐塵戰竟日該

石鐘山志

卷十

武功

美

逆凶悍狡詐殊難輕視查點我軍受傷陣亡十一名節錄

十八日薄師既撤之後潯賊千餘人與湖口梅家洲之賊三處聚集大舉而犯湖口李元度之營二十日黎明分七路來撲其由三家市三股至蘇官壩者爲賊之正兵由酒坊嶺斜趨馬影橋者爲賊之疑兵由菱角塘勞家渡列三路直趨營前隄岸者爲賊之奇兵合眾三千餘人黃旂遍野馬數十匹往來衝突我軍堅持不動賊以正兵直犯蘇官

壩近營牆燒更棚一座左營開礮轟斃三賊該逆仍悍立不退李元度以賊氣方盈戒勿輕動賊之奇兵千餘人愈逼愈近時我軍於營前築兩隄蓄水環護以爲外壕賊近隄首全涌而前我軍隔港鎗礮輪轟該逆不敢過隄忽別股從下游躍馬揭衣而渡搶近山巔勢極凶猛李元度令彭斯舉率各哨突從山下包鈔胡蓋南率左營分路圍截前營各哨李大雄等亦怒馬衝鋒短兵相接三路合擊立將過港之賊殺斃二十餘人奪馬三匹逆黨

石鐘山志

卷十

武功

美

梟水奔逃彭斯舉等渡港跟追隄上之賊亦敗李元度遂率諸軍過橋將大股正賊擊退追至五里橋適羊瀛率右營遙從馬影橋包鈔而至前後夾擊殺賊二百餘名賊之在洲堤者猶轟礮抵禦我軍奮力死戰呼聲動地陣斬騎馬賊十餘名轟斃殺斃三百餘人賊遂狂奔不復成隊我軍乘勝追殺屍橫十餘里填坑滿谷直至三家市接應之賊踵至各營抵禦迴合十餘次彭斯舉率勇復繞路圍鈔羊瀛胡蓋南各截一路賊復大敗追至大嶺

石鐘山志

卷十

武功

三

黃土嶺餘賊退奔入巢其潛匿民房者搜殺二十餘人我軍捲塘收隊仍分三路振旅而還是日殲賊約七百餘名生擒十一名青山陸營與湖口李元度之師夾湖而軍本以護衛水師林源恩黃虎臣兩營同駐該處與水師相依陸勇僅及千人距九江四十里前此專恃潯軍以為聲援自潯師既撤青山陸營單薄無援深以為慮二十日湖口戰勝之後即調胡應元管帶平江勇六百人渡湖合駐青山以資堵禦梅家洲之賊約二千餘人攻撲青山陸營逆舟四十餘號同時上犯賊之正兵據姑塘蔡家嶺其東一路沿湖岸而上西一路屯集廣信橋黃旗漫山勢甚兇猛黃虎臣林源恩等商各帶隊分途進剿黃虎臣先敵廣信橋一股潛派二百餘人伏於左側松林內約聞號礮即行截殺林源恩直趨蔡家嶺別遣兩哨循湖岸繞出姑塘之背橋賊見我軍猛進列陣抵禦號礮一發松林內伏兵衝出包鈔賊尾黃虎臣合師圍剿短兵相接各勇冒死陷陣殲斃悍賊四百餘名餘賊狂奔

石鐘山志

卷一

武功

三

自相踐踏林源恩方在蔡家嶺大呼登山賊旋下嶺抵敵我軍直衝而入立斬騎馬賊二名賊敗又追殺十數名胡應元扼守要口見兩處賊敗乘勢邀擊計陸軍殺賊將及五百人是日逆舟上抵姑塘我水軍戰船駛下相持伴為敗退俾賊尾追誘至湖寬水深之處回棹大戰約三時之久該逆紛紛敗竄我軍追奔三十餘里至盍山月出始行收隊臣伏查九江湖口梅家洲小池口四處逆匪分合靡常善於避堅擊瑕知我軍拔營倥偬不暇迎敵則先一日出偏師以疲我知潯陽大營已撤湖口青山兵勇單薄則合全力以乘我詭計百端不可究詰茲幸三次獲勝潯賊不敢出巢內犯或可保全江省之北路節錄奏案

是月彭公屢接文正公催調廣由衡州赴江西偵賊氛福布開關微服徒步七百餘里行抵大營公見大喜派領戰船赴臨江扼剿公奏覆存營兵勇若干以愈分則人數愈寡氣勢愈弱其在湖北者距臣八百餘里其在臨江者距臣五百里雖欲急圖合併而勢有所不能至於行軍之道擇將為先得一將則全軍振興失一將則士氣消沮甲寅秋冬間長驅千里勢如破竹者以陸路有塔羅羅羅澤南水路有楊載福彭玉麟諸人軍中士卒皆以塔羅楊彭為法沿江村市亦知有塔羅楊彭之

稱故能旌旗生色席捲無前不幸而塔羅羅楊彭  
三人又分往湖北不聚一處臣久困一隅兵單將  
寡寸心焦灼辭 聞彭公云八月自湖北繞道徒  
步千餘里十二月到江非由衡州僅行七百餘里

六年丙辰正月文正公駐南康水營湖口青山水陸存營  
單薄陸營出隊勝賊於九江水營擊賊於姑塘挫失

戰船六號

是月十八日青山陸營出隊擊賊破之賊撲樟樹  
鎮陸營挫潰周鳳山自新淦回援遇賊於瓦山破  
之攻臨江賊壘 檣案

二月文正公以省城戒嚴飛調湖口青山水陸各營同  
赴省城以固根本蘇官渡平江營調赴撫州剿賊

石鐘山志

卷十 武功

四

以青山水陸兩軍外則關係長江大局內則  
為本省東北藩籬未敢遽行抽調赴省二月十八  
日接據省信賊蹤已近撫州上游十分緊急不得  
已即於是日單舟由南康起程赴省十九日行至  
吳城鎮地方彭玉麟專函飛稟據稱周鳳山陸軍  
十四十七連日血戰俱幸獲勝十八日賊黨數萬  
層層圍逼我軍寡不敵全軍挫失等語伏查我  
軍水陸全力扼守樟樹鎮雖陸軍僅四千餘人而  
勁旅已萃於此一旦挫敗所關極大該逆若直犯  
省城深為可慮臣國藩一面單舟晉省會商城守  
事宜一面飛調湖口青山水陸各軍  
同回省城以固根本 節錄奏案  
時賊陷江西城池府入州縣五十有奇自鄂渚以  
南達於梅嶺賊踪綿亘千數百里分股南撲贛州  
東擾廣信周鳳山樟樹戰敗營壘全陷省城人心  
大震公至收輯督統之籌備守禦撫綏居民遣弁  
懷蠟書請楚援多為賊所截殺不得達湖南派委  
劉公長佑等募勇分道由醴陵瀏陽攻萬載萍鄉

亦募死士賁密函間行旬月始達南昌軍亭甚棘  
九江湖口水陸萬餘人全數撤入內地公飭李公  
元度由饒州繞回進剿撫州以保廣信并請  
旨飭催廣東援兵星馳踰嶺以保贛州公在孤城  
之中奏報軍情每以廣信贛州為急是後  
全局之轉機亦賴兩城之存也 檣案

三月彭公赴吳城督領水營丁義方率所部隨同防剿

三戰獲捷并破賊於涂家埠湖口踞賊聞之增設鐘

山巨礮兩岸船簞交護戒備益嚴

水師於二十六日行抵吳城湖口賊船亦即尾追

而上分泊於老爺廟渚磯等處而德安建昌之士

匪與湖口梅家洲之老長髮聯為一氣日夜眈眈

石鐘山志

卷十 武功

四

冀圖撲我水師我水師各營哨弁驟與 臣國藩相  
離又與陸軍相離值風鶴迭驚之時處水陸四面  
皆賊之地未兒中懷怯懼因調彭玉麟由樟樹馳  
赴吳城以資鎮攝與賊接仗獲勝衝入涂家埠斫  
斷錨本筏纜折毀浮橋二道將賊小船概行焚燬  
節錄  
奏案  
是月彭公分派水師紫鏡州南河又分紮省河市  
堤扼截防守文正公以調派駐省之平江勇二千  
人委鄧輔綸帶領進剿鍾世植胡德璜等所部志  
同軍亦歸調度又周鳳山畢全科等帶勇隨往會  
勦 時羅忠節文武昌未克親督隊進攻受傷卒  
於洪山營次胡文忠奏派李瀛賓接統湘軍文正

公弟愨烈公國華奉父命赴鄂請援師胡文忠選  
派劉騰鴻劉連捷湘勇千五百人吳坤修彪勇七  
百人普承堯寶勇千四百人交愨烈  
公總領之以援江西 檔案彙纂

五月湖口等處賊船犯吳城彭公督軍擊却之

賊艦備吳城挫勦適楊公載福督添募外江水師  
焚賊船沿江下勦兩岸賊艘相繼焚潰水師直抵  
九江城外越日回舟沂江旋鄂中途賊艘無敢截  
拒者文正公諜悉外江內湖水師之捷函告楚軍  
各營士氣爲之一振惟值江南大營失陷向忠武  
榮退歿於丹陽江境僅贛州廣信未失以全局計  
之賊勢幾不可遏 是月廣  
東援軍抵贛州 檔案彙纂

六月鐘山踞逆窺伺彭公水師收復南康府城後回泊

吳城與潯逆分股謀再陷經公率師迎擊破走之

石鐘山志

卷十 武功

望

是月文正公弟愨烈公國華總領湖北援軍轉戰  
而前軍抵瑞州城外其鋒銳甚公調彭山岷等帶  
勇四千以迎之 福建援  
軍抵建昌 檔案彙纂

八月湖紳集費加練鄉勇隨同陸軍防剿

是月文正公弟國荃由長沙募湘勇援抵吉安賊  
撲廣信府城沈文肅葆楨正權府事飛函請浙援  
總兵饒公廷選率浙師  
出境破賊廣信以平

十一月逆首石達開羅大綱竄援鐘山壘逆

賊恃下鐘山峭壁懸江週圍堅砌石城由成德嶺  
畫地至迴瀾門另圍石城一道并梅家洲共石城  
三處對江一面有半月形石牆十數處設礮三層

兩岸賊舟鱗比較前更密橫江鐵鎖數道以木筏  
踞悍賊排槍礮護之 磨盾  
紀畧

十二月鐘山添踞援逆以上游官軍乘勝東下長江一

帶之賊聯絡備敵

湖北官軍水陸大舉克復武漢兩城乘勝東下江  
甯將軍都興阿公總統馬隊李忠武武續賓總統步  
軍楊公載福總統水軍并進李武愨孟羣等以兵  
勇從當者盡靡未幾武愨奉調援皖水軍於是月  
直抵九江李忠武八千人屯九江城外楊公戰艦  
四百號泊江兩岸都公馬隊益以鮑超之步軍扼  
小池口兵威鼎盛皆胡文忠苦心運籌之力鐘山  
一帶之賊扼江據險日夕喧慙矣 檔案彙纂

石鐘山志

卷十 武功

望

水陸兵勇相機督剿鐘山踞逆徹夜舉烽驚擾益甚

公由九江還瑞州營次聞訃丁父憂奏稱經手事  
件以水師爲一大端楊載福彭玉麟外江內湖所  
統戰船五百餘艘位至二千餘尊之多此非臣  
一人所能爲力合數省之物力各督撫之經營楊  
載福等數年之戰功乃克成此一技水軍請  
旨特派楊載福總統外江內湖水師事務彭玉麟  
協理水師事務該二人必能了肅清江面之局公  
回籍後覆李公元度書謂江西軍務刻不去懷所  
以奏請終制者實以奪情兩次乃有百世莫改之  
譽至其所自愧憾者上無以報 聖主優容器使  
之恩下無以答諸君患難相從之義常念足下與  
雪片皆無極不忘者前年困守江西賊氛環逼雪  
芹之芒屨徒步千里赴援足下之力支東路隱然  
巨鎮鄙人自讀禮家居回首往事瞻瞻於辛若久  
從之將士尤瞻瞻於足下與雪芹二人 雪芹彭  
公字今易雪琴 是月西安將軍福興由浙領兵



來江西會剿師抵  
南昌 檔案彙纂

六月朔外江水師約內湖水師夾攻石鐘山彭公督前  
後左右四營進至鞵山暴風幾損舟暮泊灰山會商  
詰朝協擊賊壘未果孤軍再宿被困瀕危以嚴陣創  
賊出險

彭公督師踐外江夾攻鐘山賊壘之約途遇逆風  
強近鞵山下風勢愈猛浪壓如山各勇以手攀巖  
死力撐拒數時之久幸免觸損仍飛槳催進日暮  
抵泊湖口灰山會商外江水師於五鼓飽餐黎明

石鐘山志

卷十

武功

署

兩面出隊屆時傳令起柁不聞外江聲息營弁登  
山瞭望泊處不見隻桅探悉外江礮船已於隔夜  
拔還潯郡正驚疑間而下鐘山與梅家洲號礮喧  
發兩岸賊舟蜂擁直前我軍勢孤無援非嚴陣以  
待恐無生理况逆流歸棹鬪風亦難出險遂整軍  
停橈待敵賊以飛划數衝不動力竭撼山午後亦  
即收隊公於是申警各部長龍與舳板相間週結  
方營各礮飽食羣子準備賊來轟放但非奉令不  
准妄開一礮虛糜子藥賊果聯檣稍進將及合圍

始呼哨驚撲我軍暗伏不動賊舟愈逼愈近乃令  
長龍燃礮舳板繼之連環猛轟頃刻賊創舟沈聲  
聲鼎沸潰遁天明整隊乘風返柁擊燒塞江賊斃  
奪出隘口而還 磨盾 紀畧

八月鐘山踞逆分股出援九江小池口李勇毅續宜引  
軍渡江力戰破之

江西數月軍務漸有起色惟劉武烈騰鴻攻克瑞  
州陣亡王壯武鑫卒於樂安營次湘軍連失勁將  
文正公又恪守禮盧不出江撫耆齡公  
因奏請起復國荃公治軍吉安 檔案

九月彭楊兩公內湖外江水師與李忠武老湘營合力

石鐘山志

卷十

武功

署

攻拔石鐘山梅家洲賊壘克湖口縣城 湖口志

逆踞湖口以來折毀舊城於下鐘山自麓至頂疊

石重關築城各帶復於西岸梅家洲堅築偽城掘

濠植樹葱鬱成林與湖口對峙以通援應蓋扼山

水之要以堅抗拒者也八月內湖口賊船將分路

進援九江李續賓楊載福彭玉麟設計水陸夾擊

訂期九月初八日進剿初七日李續賓令李續宜

率營官何紹彩等馬步隊攻梅家洲偽城自率湘

凱各營揚言搜勦宿松太湖是夜宿師張家壩潛

率李續燾胡裕發并副右副左中右各營繞伏湖  
口後山麓專俟水師得手水陸夾攻黎明時彭玉  
麟派蘇在位羅勝發陳發翔孫昌國彭大田等攻  
湖口之東鄧翼升丁義方等攻西岸梅家洲賊船  
劉國斌由中路接應賊分兩岸迎拒礮聲震雷子  
落如雨羅勝發連刺黃馬褂賊落水忽礮子從巖  
隙飛中陣亡後隊繼進拋擲火蛋賊船火起我軍  
乘勝擒斬楊載福卯刻抵湖口派萬化林楊明萬  
攻梅家洲賊船李朝斌李成謀張啟基陳金鰲何

石鐘山志

卷十

武功

吳

瑞祥丁泗濱於下鐘山賊幫停泊之處上下夾攻  
至是會合彭玉麟水師揚帆直進北風大作舟駛  
如飛兩岸及城賊密排大礮同時開放各軍奮勇  
爭先陳金鰲左額受礮子傷李朝斌胸膈受傷大  
呼殺賊屹立不動絕壁懸崖水流湍急我軍飛槩  
冲擊忽舟重難移急以長篙下探知水底重重羈  
絆者皆大錨鐵練也首尾撞擊奮駛不前鏖戰多  
時忽山後人聲大沸百谷應響轉瞬旌旗蔽空陸  
師由山頂破空而下則李續燾先日之伏而賊不

知我兵之從何而至也遂大潰我軍以刀斧大炬  
斷其鐵纜遡賊船於崖下殺斃燒斃溺斃共二千  
餘人將船焚奪一盡片葉無留梁作楫彭友勝奮  
呼攻城成大吉等直逼內外水師上下冲擊有登  
壘殺賊者有緣木而上取賊首者維時梅家洲賊  
船焚奪已盡而日已晡矣收隊暫息五更我兵緣  
梯而上飛火箭入城中適中火藥瓦石飛空牆壘  
迸裂賊大譁開城奪路而出我軍乘勝追殺彭玉  
麟水師繞截水陸又殺二千餘生擒偽總制陳中

石鐘山志

卷十

武功

吳

理等二百餘名奪獲礮位三百餘尊糧食硝藥器  
械無算湖口縣城即日克復梅家洲之賊見湖口  
已破不戰而逃李續燾等由間道繞出賊前聚而  
屠之無一遺者十三日彭玉麟帶水師又奪彭澤  
縣賊船數十號攻破小姑山賊卡江面一律肅清  
是役合水陸之師掃積年踞險負固之窟通外江  
內湖之路而潯城岌岌孤絕無援不獨江西之門  
戶可保而東南大局可圖現飭水陸馬步專注九  
江以期建瓴東下迅掃妖氛此次奇兵制勝洵屬

非常戰績節錄兩湖官

是月二十一日楊公岳斌克彭澤拔其偽城乘勝而下克望江東流抵安慶進克銅陵又拔偽城二座遂北千里遂與紅單相接該處船兵望見楚師旗幟大驚以為神公分銀米火藥餉之仍率師回泊湖口自文正公那立水師苦戰四載至是克奏奇功肅清江面之勢成矣 檔案策策

十月賊復來犯李忠武績賓與弟勇毅續宜協擊退之

湖口志

官軍饒復湖口李忠武留營駐防是月敗賊黃文

金勾鄱陽景德鎮等處賊屬至盤踞堅山文橋一

帶李勇毅自九江率五千人敗賊於堅山又敗賊

石鐘山志

卷十 武功

吳

走馬坡追至彭澤太平關賊遠遁師始還

十一月石逆達開糾黨入江再犯湖口復經李勇毅擊

潰而奔

該逆經我軍力擊潰奔由饒撫疾趨吉安官軍合力迎剿破之於吉水三曲灘 檔案

十二月彭公令湖紳團結民兵

時湖境雖云肅清而饒州景德鎮等處仍為賊藪

彭公令紳士練集鄉團以助官軍聲勢遂畫地為

五團團各有總有幫辦練勇外有排門勇由紳勸

捐給口糧製旗械

案

是月楚軍克臨江府城劉公長佑因病回籍所部併歸蕭公啟江劉公坤一分領之攻撫建大捷

案

八年三月五國民兵成

是月曾愨烈公國華從軍於九江李忠武留之營中遇事諮之彭公籌撥郵銀數千兩給水師殉難員弁及陸軍平江營殉難員弁之家 年譜

四月駐防鐘山營勇調隨彭公李忠武績賓水陸各軍

合攻九江克其城屠戮無遺

賊入九江以咸豐三年六年冬浙江布政使李績

賓既克武昌遂沂江而東合彭玉麟楊岳斌其時楊公

石鐘山志

卷十 武功

吳

尚名載福後水師攻九江濬五濠築長圍以困賊易名岳斌

提督鮑超方駐二套口攻小池七年小池賊遁走

九月彭玉麟敗賊於湖口進攻石鐘山分擊梅家

洲李公潛濟八里江繞出山背賊驚潰斷其浮橋

於是水陸諸軍皆合十月雷家渡口八里湖白水

湖皆立營壘城圍既密謀掘地道復為石阻八年

二月績賓環城審視得東門外磨盤洲中岡地駐

軍其嶺穴地為三道合水陸各軍往復攻戰以誤

賊工凡月餘先成其二三三月辛丑越五日乙巳地

道發皆裂地數丈賊猶死拒我軍不能進四月壬子地道再發東南城盡圯副將李續燾先登拔新壩鐵柵攻其西水師自北門入殺賊無算餘眾突

圍出盡湯水死平定粵匪紀畧

是月劉公坤一等克復撫州張公運蘭等克復建昌湘軍之在東路者悉移以援浙檔案

七月曾文正公致祭石鐘山楚軍水師昭忠祠

公奉命援浙行抵武昌與胡文忠公是月文忠丁母憂解

籍在回會商進兵之路留署中旬日事無鉅細虛衷

商度胡公亦悉心力代為之謀舟次九江府致祭

石鐘山志 卷十 武功 五

塔忠武公祠十二日抵湖口彭公修建昭忠祠於

石鐘山祀楚軍水師之死事者蕭節愍捷三以下

弁勇凡三千餘人十五日公登山致祭賞外江內

湖水勇為錢二千二百餘貫年譜

八月曾文正公奏石鐘山建立楚軍水師昭忠祠請

勅地方官春秋致祭

先公弟國荃督各營攻克吉安府城公奏遵旨援閩擬即由崇安進剿聞賊竄景德鎮公改道南趨建昌籌辦防剿附片奏湖南補用知府李瀚章在臣軍糧臺經手最久應令迅來湖口水營辦理報銷是月李忠武績賓曾愍烈園華督軍人皖兵勢甚銳進攻三河賊壘被圍忠武赴敵陣亡

愍烈及在軍員弁兵勇從殉難者六千人楚皖之間大震詔起復胡林翼署理湖北巡撫督辦援皖軍務檔案彙纂

九年己未正月湖口戒嚴

文正公覆奏近日賊勢皖江南北兩岸為最重皖北賊勢浩大實倍甚於皖南論大局之輕重則宜併力江北以圖清中原論目前之緩急則宜先攻景鎮保全湖口是月公在建昌檄張岳齡募兵字營千三百人凌蔭廷羅達元募振字營千人喻吉三募謀衛軍千人其先從者屠塘平江老中營李元度親兵營暨由湖北撥來朱品隆湘前營唐義訓強中營皆於二月督移撫州駐紮時飭朱品隆添募湘勇采纂

三月知府屈蟠領平江營勇來防湖口督修城垣

石鐘山志 卷一 武功 五

初委劉公騰鶴領湘軍駐防湖口皖南之賊竄陷

建德劉公進剿陣亡案

是月李武愍公孟羣攻廬州陷賊從容盡節合肥相國有從容吟草序

四月興修湖口城垣仍自下鐘山至上鐘山虹橋港拓

包月臺山奠基壘石並添建礮臺其鐵屏山金山巖

開嶺成德嶺皆屬城內

文正公奏湖口縣濱臨大江地當險要上通楚北

下達皖南為七省之通衢實三江之門戶前因逆

氛佔踞日久蹂躪不堪城垣被毀無存若不趕緊

修築則保障無資守禦亦難足恃

是月公在撫州二十七日公勇國荃率所部吉字營來會以蕭孚泗中軍張勝祿節制周惠堂制字等營募補為一千五百人以逆首楊輔清景德鎮官軍久攻未下命國荃李鴻章統領蕭子泗等三營張岳齡凌蔭廷羅逢元喻吉三朱品隆唐義訓等營合張運蘭王文瑞老湘副湘營於五月進由樂平屯雞脚嶺協剿二十

六月朱品隆新募湘勇二百人取道湖口渡江

是月文正公奉統兵防蜀之命公奏以目下景德鎮攻勦之師難以遽行抽動若令由鄂赴蜀應須兵力稍厚又奏擬先駐湖北宜昌等郡如賊果入川再行酌量前進又奏李公鴻章留營襄辦軍務時攻勦景德鎮之師已於前月二十六日十八日控賊是月初二日賊復大挫於十五日棄

石鐘山志

卷十

武功

壘

景德鎮退聚浮梁縣城各軍隨勦賊由浮橋渡河迎戰經吉字岳字等營猛擊賊潰奔橋斷落水淹斃甚眾逐北至祁門界江西全境肅清而湖南寶慶賊勢尚盛 檣案彙纂

七月曾文正公飭從征朱品隆等軍拔樂平取道湖口

彭公由九江移駐石鐘山

十五日公由南昌登舟啟行李公瀚章鴻章從十

七日泊吳城鎮所設報銷總局在焉十八日核閱

報銷清冊十九日泊湖口年彭公設館石鐘山楊

公岳斌自黃石磯來會公掉小舟石鐘山下作楚

軍水師昭忠祠記令各營休息留旬日始進

八月曾文正公由鐘山解纜派江而上

公以所調朱品隆等軍駐於江之兩岸觸暑多病故留湖口旬日始行以便各營醫調初一日札飭朱品隆等披營由陸路赴鄂駐紮下巴河公舟泊九江謁先賢周子墓十一日過黃州見胡文忠公於行館留七日行二十三日至武昌與文恭公會商軍事留旬日奉分路勦皖之命回黃州與文忠商進皖之途須分四路循江而下者為南二路循山而進者為北路文忠撥派十營隸公麾下年譜九月初五日公至巴河駐陸營簡校軍實奏現擬四路進兵之局第一路由宿松石牌以規安慶臣國藩任之第二路由太湖潛山以取桐城多隆阿鮑超任之第三路由英山霍山以取舒城臣林翼任之先駐楚皖之交調度諸軍兼籌轉運第四路由商城固始以規廬州調回李胡公德瑄總理浮防水陸各軍以遇皖逆竄江

石鐘山志

卷十

武功

壘

十二月丁義方督水師營勇拆運梅家洲偽城磚石助

修湖口城垣並砌下鐘山軍火庫

文正公在宿松大營 是月屈蟠營調攻太湖以賊首陳玉成大股由安慶上犯小池驛圍撲鮑超營甚急公與胡文忠飛調各營援之擊破賊壘七十餘座並克太湖潛山兩城 檣案彙纂

十年庚申正月段起以屈營拔攻太湖帶衡勇營接防

是月賊攻陷江南大營陷浙江蘇州兩省城文正公奉 上諭有人奏左宗棠熟習湖南形勢戰勝攻取調度有方現在賊氛甚熾兩湖亦所必欲甘心應否令左宗棠仍在湖南本籍襄辦團練等事抑或調赴軍營以收得人之效著酌量辦理當以左宗棠剛明耐苦曉暢兵機當此需才孔亟之

時無論何項差使求明降  
報馳摺覆奏奉旨左宗棠諭旨必能感激圖  
襄辦軍務左公自英山來見留營中兩旬夕縱  
談東南大局謀所以補救之法閱月文正公奉先  
行賞加兵部尚書銜迅速馳往江蘇署理兩江總  
督之命時以目下安慶一軍為克復人心而張  
本必須帶兵過江駐紮南岸以固吳會人心而壯  
微甯聲援無論兵力多寡將之強弱職應南渡不  
敢稍緩又以淮揚裏下河產米而鹽場為大利所  
在非於淮揚急辦水師實有炭炭不保之勢欲克  
金陵必先取蕪湖欲取蕪湖必於甯國另立一支  
水師與外江水師為夾攻之勢蘇州既失四面皆  
水賊若阻河為守陸軍無進兵之路欲攻蘇州必  
於太湖另立一支水師三者皆目前急務如力不  
能兼則先辦淮揚甯國力仍不逮則專辦淮揚彭  
玉麟任事勇敢勵志清苦有烈士之風如須與辦  
水師再請簡派等因  
具奏年譜檔案彙纂

石鐘山志

卷十

武功

晉

八月駐防湖口衡勇營調赴景德鎮扼守

是月文正公已奉旨補授兩江總督并授為  
欽差大臣督辦江南軍務時公駐祁門城  
北李公元度領軍到祁門營賊陷甯國府城派李  
公接辦徽州防務接防未十日賊以入股由績溪  
撲犯平江勇同原防官軍敗潰賊陷徽州勢趨祁  
門公飛調鮑超張運蘭回軍以遏其鋒賴左公之  
軍赴樂平婺源之間杜賊竄江之路檔案彙纂

十月湖口南門城垣浸坍缺口數丈警報日數次百姓  
徙避一空急請援兵未至且夕戒嚴

時廣東部州股匪竄入饒南境犯建昌陷河口連  
擾廣信饒州各屬邑左公軍至景德鎮分軍破賊  
於貴溪克德興婺源二城賊踪越近江西北路矣  
檔案

十一月賊由建德來犯丁義方率水師上岸入守孤城  
彭公自安慶黃石磯督部赴援收集陸路潰勇協守  
城得以完

大股賊匪十一月初四日撲犯建德普承堯一軍  
潰退賊即長驅深入連陷六縣而官軍與賊所必  
爭之地莫如湖口與景德鎮兩處景德鎮有左宗棠  
一軍駐紮湖口則并無陸兵僅有水師後營丁義  
方駐防該縣自建德失守即派吳坤修帶團防營  
千餘人馳赴湖口保守名城彭玉麟一面派前營

石鐘山志

卷十

武功

委

胡友勝趕赴彭澤隨同楊載福防剿一面派左營  
成發翔趕赴湖口會同丁義方合力守禦十二日  
賊撲彭澤經楊載福水師擊退賊仍率大股上竄  
湖口離城十五里之馬影橋屯踞是日彭玉麟自  
黃石磯赴援湖口途次接丁義方等稟報初九日  
寶營潰勇逃至湖口搶劫當率水勇彈壓將無營  
官統屬之勇驅逐於三營中擇其精壯者酌留五  
百人分布城頭駐守正慮城大兵單適吳坤修之  
團防營亦於是日起到沿途為賊所截僅營官吳

景星等督所部入合寶營駐守東南兩門成發翔  
丁義方自率水師駐守西北兩門十三日屯踞馬  
影橋之賊擁眾萬餘分四股直撲各門均經守城  
各軍併力轟擊自卯至午鏖戰四時之久賊始卻  
退湖口一城係咸豐九年彭玉麟督修其南門因  
溝水浸脚坍塌數丈缺口趕修未成申刻賊復分  
股昇長梯而至前隊鎗礮中隊短刀火毬後隊馬  
賊按列吶喊之聲山谷皆震其東西南三股先進  
對城開鎗子如雨下繼以木梯如潮湧上江必勝

石鐘山志

卷十

武功

五

堵住南門缺口吳景星堵住西面談開亮堵住東  
面鎗礮石子環城齊下悍賊迄不稍退蜂擁扒城  
丁義方見賊勢凶悍率哨官各帶水勇登陣助戰  
往來擊殺自申至酉齊力抵禦而城南缺口已有  
悍賊數名冒死登城經江必勝手執大刀斫倒突  
被賊匪洋鎗擊中頭顱我軍急以大桶火藥擲轟  
城下斃賊無數賊始退去我軍開城追殺百餘人  
奪獲木梯三百餘架賊仍退踞馬影橋十四日彭  
玉麟周圍閱視慰勞將士重加布置午後謀知賊

於村莊搜覓樓梯乘此日風雨夜半復來扒城嘗  
飭談開亮選帶十餘人偵伺出賊不意繞出山凹  
賊正負梯送三里街猝驚遁散奪梯多件是夜風  
雨益大咫尺不辨彭玉麟在城督飭各營分頭梭  
巡二更後見四山僻徑隱隱火光自遠而近各營  
哨皆雨立垛口靜以待動夜半雲暗天昏陰風怒  
號江濤激響燈光慘澹守至天明各營派勇緹城  
哨探至三里街及馬影橋詢之民人言該匪竟夜  
環伺無隙可乘五更倉卒竄去

石鐘山志

卷十

武功

五

是月十四日彭公分軍收復都昌鄱陽楊公載福  
以所部收復東流彭澤左公分軍收復浮梁蕪大  
捷於貴溪克德興婺源十日之內轉戰三百里時  
文正公駐祁門皖南賊黨分三大股一出祁門之  
西至於景德鎮一出祁門之東陷婺源縣復南竄  
玉山一由祁門之北越嶺南犯直趨公營有勸公  
移營江干以與水師相附或退入江西境公雅不  
願輕退以搖軍心堅忍數十日獲盧村之捷勢乃  
稍定

十一年

正月修湖口城垣缺口竣工

是月十一日賊首李秀成犯廣信府城胡公德瑛  
會辦防務督隊血戰死之文正公在祁門營時  
賊由石埭分股直犯祁門公老營單薄人心震恐  
江長貴朱品隆等擊賊破之追剿出嶺外內犯者  
殲焉

案彙纂

七月水營護民兵分扼兩山東水之口并守境內各隘

雖賊分五大股擾江而人心尚定

時江西之賊凡五大股其由皖境竄入者三股惟李秀成一股深入江西腹地占踞瑞州旁擾各屬其由兩廣竄入者二股五股之中或分或合頭緒迷離有左公分軍截擊賊不得逞彭公統領水師剿賊久未赴惠潮嘉道之任是月新授廣東臬司水師正扼要駐守暫難赴任旋補授安徽巡撫亦具疏力辭 次月朔國荃 檄案彙纂

十月下鐘水卡盤獲賊諜鞠斬之

文正公駐安慶營 是月水陸各軍克復無為州運漕并沿江要隘三處商增募湘勇定直搗金陵之計 湖北徽州肅清 檄案彙纂

石鐘山志

卷十 武功

五

同治元年 正月水營奉令嚴緝游勇以靖江防

初一日文正公拜協揆之 命彭公補授兵部右侍郎李公鴻章募淮勇到安慶文正公為定營伍之法 檄案彙纂

五月金陵賊黨密藏蠟書致逆首汪海洋圖再踞湖口

要害語甚切至經上鐘營弁盤獲將賊正法焚其書

十一月巡撫沈文肅公葆楨以南湖營都司王定國率

兵一千二百人來防營屯鐘麓並梅家洲

文正公以國荃公陸軍彭公水軍為直搗金陵之師李公鴻章領湘淮陸勇佐以黃翼升淮揚水軍突過賊境為援勦蘇颯之師大江以北隆阿公為圍攻廬州之師李公約宜有派援潁州之師大江

以南鮑公超為防勦徽州之師左公為規復全浙

之師國荃公已會合水師克大勝關秣陵關進軍金陵城外駐營雨花臺賊以夜環攻城賊掠西津來拔金陵結壘二百餘座日夜環攻城賊掠西津開花磯自空擊下呼聲動地國荃公受傷苦守不之擊賊大勝俘斬數萬人解重圍分軍馳扼東西梁山 公弟靖毅公貞幹於月之十八日卒於軍復擊賊於三汊河破之 檄案彙纂

同治二年 二月湖口聞石埭之賊竄擾彭澤水軍扼

江險陸軍堵上下兩山要隘以備不虞

是月賊撲九洑州李世忠營盤失陷賊大股撲全柱關彭公等水陸合擊大破之 上月左公援浙之師連克金華紹興兩府龍游湯溪數城浙東肅清派劉果毅公典破賊於徽州徽境肅清而賊悉

石鐘山志

卷十 武功

五

三月湖防以兵單飛乞添調勁旅會同戰守

是月文正公奏皖南江西皖北湖北賊勢軍情以該逆蓄謀甚狡無非欲掣動官軍之勢以解金陵之圍苗練叛逆大露事變迭生憂憤何極 檄案彙纂

四月賊氛逼境

是月彭公水師合陸軍克東關銅城關兩隘國荃公攻破雨花臺及金陵南門外堅壘共十座時江西賊氛尚熾王德榜軍弋陽計城偽烈王

五月李公榕以鈞字五督來援江誠恪公忠義繼以精

林彩新大股三戰皆先士卒 檄案彙纂



捷十一營馳至合勦湖口志李軍扼上鐘山江軍扼

下鐘山并各分部堵紮三里街各處聯絡聲勢江

公治軍嚴即客軍有犯亦一律按行軍法故所至

肅然無敢逾規越矩者以是勝賊

是月彭公等水陸會克下關草庵夾燕子磯賊寨

乘勝攻九洲城壘力戰大破之殺賊二萬弁勇

傷亡亦二千人十五日克復九洲洲江面賊踪淨盡 檔案

六月鈞字營由石鐘進殷家山精捷營由石鐘進堅山

疊戰挫賊湖口志江西官軍韓進春挫於洋塘湖口賊勢復張江軍

石鐘山志

卷十 武功

卒

賊於堅山破之檔案是月文正公以全陵暫難合圍皖南江西濱江濱

湖一片逆氛苗逆既破壽州圍攻蒙城益急糧長莫及徒深憂灼具奏

七月初三日精捷鈞字等營出石鐘花尖山一帶攻賊

克之賊濱江下竄江西全境肅清湖口志

賊竄湖口分爲三路上路曰文橋中路曰梧桐嶺

下路曰太平關袤延三十餘里而文橋賊勢最重

凡堅壘七座偽堵王黃文金親踞其中李榕自彭

澤頂家山一捷後聞湖邑告急於五月十四日移

營湖口之三里街越十數日江忠義亦率所部自

九江東渡會師於馬影橋六月初九日雕勦殷家

山涂家嶺之賊展旗一進不戰而卻江忠義旋紮

堅山以偪之十七日賊由文橋出大股分道來犯

江忠義留兵守定老營以兩翼直前迎敵馬步各

營從後繼進戰不兩時李榕部下兩營前來會勦

突出堅山之右列陣裹賊江忠義麾軍驅殺至數

里外賊乃回戈轉鬪且卻且前李榕部將盡力窮

追誤爲賊伏所抄急引軍躍出重圍士卒已傷亡

九十五人十九日賊以大枝匿於酬山張天社一

石鐘山志

卷十 武功

空

帶乃以小枝薄營誘戰江忠義戒諭將士堅壁不

動賊始計沮悉眾來攻排列五六層猛撲十數次

官軍但以鎗礮外轟遇者輒殪忽有一酋指麾眾

賊賊無敢反顧者詢之降卒知爲逆渠黃文金俟

其撲近花籬聚羣鎗同時并發應聲而仆賊遽譁

亂爭昇以行餘亦相率竄走黃逆負創賊爲奪氣

悉屯文橋壘後匿不復出江忠義李榕周厯形勢

共籌進取必以一營斷梧桐嶺來賊二三營防文

橋壘賊而以全力注陳兵馬地方庶有下手之處

二十八日江忠義率精捷九營進陳兵馬中左兩路李榕率鈞字五營出左路之左鼓行疾進兩鋒相交聯騎齊驅將賊蹙偏出林直薄陳兵馬賊館賊復增黨決戰急催部卒併赴前敵猛進猛擊賊乃大潰但以另股繞出縱焚村舍徹夜擾我次日李榕率偏師突出擊之由太平關一路打散刈稻之賊小有擒斬江忠義分軍爲二一出花尖山一出毛家店所向辟易各營數路并進賊不能支敗過梧桐嶺惜伏不動者數日適劉典席寶田等有

石鐘山志

卷十

武功

奎

南路青山橋之捷賊於是退志矣七月初三日夜江忠義在堅山營中俯瞰文橋七壘火光熒熒若隱若現度賊將遁約李榕部隊於五更時會勦潛至壘下踰濠蟻附而上眾壘悉平越黃沙嶺馳斬尾股直出建德所屬之羅家畝等處殺賊二千有奇積屍塞路於初八日整旅而還節錄奏案文正公自奉肅清江面之旨勅造舟師由田家鎮以至九洲洲賊以全力死拒湖口居要害之中尤爲得失關鍵竟水軍十載之力致長江上下

一律肅清賊勢漸衰猶屢次襲犯湖口者勢使然也此次幸得陸軍應援加以痛剿賊欲與我再共長江之險難矣况聞賊酋之悍莫如楊秀清石達開楊既假手洪韋二逆早伏天誅石亦畏禍遠颺勢孤易滅金陵已成檻馱餘皆釜底游魂中流砥柱之功尚待龜筮決乎磨盾紀畧

是月國荃公攻上方橋賊壘克之橋案

九月援防陸軍調赴前敵圍金陵丁義方所部分布鐘

山一帶水汛奉檄督飭營員剔弊徵釐以濟水營軍

石鐘山志

卷十

武功

奎

食

是月國荃公分軍平博望鎮賊壘又督克秣陵關偽城繼平城東賊卡賊壘金陵西南東南兩面往來之路已斷官軍漸以合圍彭公水師克水陽新河莊等處賊壘次月克滄溪長樂鎮賊壘復高涇縣城奉上諭彭玉麟著加恩賞穿黃馬褂以示優獎欽此是歲李勇毅績宜在籍病故橋案彙纂

同治三年甲子六月欣聞克復金陵大捷適石鐘山樓成

彭公以飛捷命名紀之

金陵自六月初一日起各營輪流苦攻李臣典偵知城內米麥尚足支持數月又見我軍地道三十餘穴無成官軍五萬餘人筋力將疲願率吳宗國等從賊礮最密之處重開地道蕭孚泗等願距城

石鐘山志

卷十

武功

卷

十數丈修築礮臺數十座各營刈割溼蘆蒿草堆  
 細山積上覆沙土左路地勢高利聲攻右路地勢  
 低利濬攻如是者半月未嘗一刻稍休肉薄相逼  
 損傷精銳十六日午刻李臣典報地道封築口門  
 安放引線曾國荃懸不賞之賞嚴退後之誅劉連  
 捷朱洪章武明良伍維壽熊登武陳壽武李臣典  
 張詩日各率營官席地敬聽願具軍令狀誓死報  
 國遂傳令即刻發火霹靂一聲揭開城垣二十  
 餘丈烟塵蔽空磚石滿谷各統將身先士卒直衝  
 倒口而入各弁勇蟻附齊進銳不可當賊以火藥  
 傾盆燒我士卒死者甚眾大隊稍卻彭毓楠蕭衍  
 慶等以大刀手刃數人由是弁勇無一退者李祥  
 和等從太平門攻城入王遠和等進攻偽天王  
 府之北劉連捷等由臺城趨神策門合朱南桂等  
 率隊從神策門地道之旁梯攻而入慶戰至獅子  
 山奪取儀鳳門彭毓楠率羅朝雲等由內城舊址  
 直擊至通濟門蕭孚泗等分途奪取朝陽洪武二  
 門城上守陴城門守樓之賊及附近賊隊悉被殺

石鐘山志

卷十

武功

卷

走知是洪逆竄至民房腰截擊之殺賊七百餘人  
 奪偽玉璽二方金印一方即洪首僭用之印也其  
 偽宮侍女縊於前苑內者不下數百人死於城河  
 者不下二千餘人其時偽宮火已燎原不可嚮邇  
 官軍以暮夜路徑生疏不能巷戰收隊站城四更  
 有賊一股假裝官軍號衣號補持軍器洋槍約千  
 餘人向太平門地道缺口衝向孝陵衛定林鎮一  
 路而逃馬隊追至湖熟鎮全數斬刈據城內各賊  
 供稱首逆洪秀全實係本年五月間官軍猛攻時  
 服毒而死痊於偽宮院內立幼主洪福瑱重襲偽  
 號偽忠王李秀成一犯城破後受傷匿於山內民  
 房十九日夜曾國荃親自搜出並擒王次兄洪仁  
 達二十日曾國荃親訊供認不諱其餘兩廣兩湖  
 江北多年悍賊共十餘萬秦淮河屍首如麻凡  
 殺三日之間斃賊共十餘萬秦淮河屍首如麻凡  
 偽王將大小首目約三千餘死於亂軍中者居  
 其半死於城河及自焚者居其半三日夜火光不  
 息伏查洪逆倡亂粵西於今十有五年竊踞金陵

石鐘山志

亦十二年流毒海內神人共憤我朝武功之盛  
 超越前古屢次削平大難焜耀史編然而嘉慶三  
 楚之役蹂躪尚止十二省淪陷不過十餘城康熙  
 藩之役蹂躪尚止十二省淪陷亦三百餘城今  
 粵匪之變蹂躪竟及十六省淪陷至六百餘城之  
 多而其中悍黨如李開方守馮官屯林啟容守九  
 江葉芸來守安慶皆堅忍不屈此次金陵破城十  
 餘萬賊無一降者至聚眾自焚而不悔實為古今  
 罕見之劇寇節錄奏案偽天王洪秀全逆尸  
 六月二十七日從偽宮內掘出相驗該逆尸遺尚  
 邪係不用棺槨木編身皆用繡龍黃緞包裹雖  
 亦係龍緞頭禿無髮鬚尚全存已開白矣左股右  
 膀肉猶未脫驗畢戮尸舉烈火焚之七月朔六日  
 將李秀成凌遲處死傳首髮逆所到各省初六日  
 心其偽福王洪仁達與其長兄洪仁發皆暴虐恣  
 橫多行不義亦於初四日凌遲處死文正公兄  
 弟並東南各路統兵大帥及封疆大臣奉寵錫異  
 數各有差是歲幼逆洪福瑱遁走石城席寶田

平擒送南昌斬之江西  
全省皆平大功底定

石鐘山志


卷十

武功

矣



石鐘山志卷十一



桐城方宗誠

校訂

善化胡傳釗

藝文

歷朝文徵

唐

石鐘山記

李渤

石鐘山志

卷十一 文徵

一

水經云彭蠡之口有石鐘山焉酈元以為下臨深潭微風鼓浪水石相搏響若洪鐘因受其稱有幽棲者尋綸東湖沿瀾窮此遂躋崖穿洞訪其遺蹤次於南隅忽遇雙石敬枕潭際影淪波中詢諸水濱迺曰石鐘也有銅鐵之異焉扣而聆之南聲涵胡北聲清越枹止響騰餘韻徐歇若非澤滋其山涵其英聯氣凝質發為至靈則安能產茲奇石乎乃知山仍石名舊矣如善長之論則瀕流庶峯皆可以斯名貫之聊刊前謬留遺將來

宋

石鐘山記

蘇軾

水經云彭蠡之口有石鐘山焉酈元以為下臨深潭微風鼓浪水石相搏響若洪鐘是說也人嘗疑之今以鐘磬置水中雖大風浪不能鳴也而况石乎至唐李渤始訪其遺蹤得雙石於潭上扣而聆之南聲函胡北聲清越枹止響騰餘韻徐歇自以為得之矣然是說也余尤疑之石之鏗然有聲者所在皆是也而此獨以鐘名何哉元豐七年六月丁丑余自齊安舟行適臨汝而長子

石鐘山志

卷十一 文徵

二

邁將赴饒之德興尉送之至湖口因得觀所謂石鐘者寺僧使小童持斧於亂石間擇其一二扣之硃硃然余固笑而不信也至暮夜月明獨與邁乘小舟至絕壁下大石側立千尺如猛獸奇鬼森然欲搏人而山上棲鴉聞人聲亦驚起磔磔雲霄間又有若老人欬且笑於山谷中者或曰此鶴鶴也余方心動欲還而大聲發於水上噌吰如鐘鼓不絕舟人大恐徐而察之則山下皆石穴罅不知其淺深微波入焉涵澹澎湃而為此也舟迴至兩山間將入港口有大石當中流可坐百人空中而

多竅與風水相吞吐有窾坎鏗鞳之聲與向之噌吰者相應如樂作焉因笑謂邁曰汝識之乎噌吰者周景王之無射也窾坎鏗鞳者魏獻子之歌鐘也古之人不余欺也事不目見耳聞而臆斷其有無可乎酈元之所見聞殆與余同而言之不詳士大夫終不肯以小舟夜泊絕壁之下故莫能知而漁工水師雖知而不能言此世之所以不傳也而陋者乃以斧斤考擊而求之自以為得其實余是以記之蓋嘆酈元之簡而笑李渤之陋也跋云錢塘東南皆有水樂洞泉流空巖中皆自然宮

石鐘山志

卷十一 文徵

三

商又自霧隱下天竺而上至上天竺谿行兩山間巨石磊磊如牛羊其聲空巖然真若鐘聲乃知莊生所謂天籟者蓋無處不在也建中靖國元年正月三日自海南還過南安司法掾吳君示舊所作石鐘山記復書其末

石鐘山記

周必大

乾道丁亥十月十七日余泛舟至湖口縣縣港僅能容舟水稍落則不可泊岸過上鐘石之崇壽院有澄軒下臨鐘石而為張巽縣尉所占約寺僧訪之山久榛蕪張自云近稍芟治巖洞間多熙豐崇觀以來士大夫題字其中一石高四尺扣之硃硃然東坡所笑者此也江水西來而濁湖水南來而清合流近五十里方混楊次公一聯云濁浪自分清浪影真山從作假山看語殊中的蓋山前數石絕奇巧而不宏壯全類假山耳張生劄劄石鐘山志

剝酒不能飲命車登嶽廟歸然山之上前列五老峯殿宇數層殆百間高處可望淮南五祖二祖山次至下鐘石廣福院山路梗塞攀援而上亦有一石闊丈餘可扣擊他石否然則李渤所謂南聲北音亦未為無據向者齊山眾石中獨一石聲如磬不知其理果何如僧答云相傳水中有鐘與此磬相應東坡辯之詳矣問水涯尙有一響石而綫路臨深潭蔓草蔽之予步往幾墜不測當鑄齒銘以為戒山排地稍平處前臨江湖面對廬阜左映井邑右帶洶河洲若創一亭當為湖口絕景江行

石鐘山志

卷十一 文徵

四

望上下鐘石皆巖嶮數十丈及遊其間則有巖穴亦有幽邃處上石尤巧

石鐘山志

卷十一 文徵

五

書壺中九華山石

黃庭堅

湖口民李正臣得奇石九峯相倚蘇子瞻戲名曰壺中九華又有老巫鄒生以三奇石隨高下體著成屏風三疊余戲名曰肘後屏風三疊他日湖中百怪並出當以此兩石為祖云二石色紺青嵌孔貫穿擊之鏗鏗而視之嵌峯雲雨之上諸峯隱見忽然疑於九十猶五老峯之疑於五六也揭而示俗以求賞音吾見其支醬瓿於牆角也世有出塵之因然後此石為瀟灑緣爾邇者象江太守費數十萬錢自嶺南負載三石比歸妻子不免石鐘山志

卷十一 文徵

六

寒饑未知與此孰賢也

石鐘山唐狄梁公廟碑

范仲淹

天地閉孰將闢焉日月蝕孰將廓焉大厦仆孰將起焉神器墜孰將舉焉巖巖乎克當其任者惟梁公之偉歟公諱仁傑字懷英太原人也祖宗高烈本傳在矣公為子極於孝為臣極於忠忠孝之外揭如日月者敢歌於廟中公嘗赴并州掾過太行山反瞻河陽見白雲孤飛曰吾親在其下久而不能去左右為之感動詩有陟岵陟岵傷君子於役弗忘其親之深吁嗟乎孝之至也忠之所由生乎公嘗以同府掾當使絕域其母老疾公謂之曰奈何重太夫人萬里之憂詣長史府請代行時長史司馬方睚眦不協感公之義懼如平生吁嗟乎與人交而先其憂況君臣之際乎公為大理寺丞決諸道滯獄萬七千人天下服其平武衛將軍權善才坐伐昭陵柏高宗命戮之公抗奏不卻上怒曰彼致我不孝公前曰陛下以一樹而殺一將軍張釋之所謂假有盜長陵一杯土則將何法以加之臣豈敢奉詔陷陛下於不道帝意解善才得恕死吁嗟乎執法之官患在少恩公獨愛君以仁何所存之遠乎高宗幸汾陽宮道出妒女祠

石鐘山志

卷十一 文徵

七

下彼俗謂盛服過者必有風雷之災并州發數萬人別  
開御道公爲知頓使曰天子之行風伯清塵雨師灑道  
彼何害哉遽命罷其役又公爲江南巡檢使奏毀淫祠  
千七百所所存惟夏禹泰伯季子伍員四廟曰安使無  
功血食以亂明哲之祠乎吁嗟乎神猶正之而況於人  
乎公爲甯州刺史能撫戎夏郡人紀之碑及遷豫州會  
越王亂後緣坐七百人籍沒者五千口有使促行刑公  
緩之密表以聞曰臣言似理逆臣不言則辜陛下好生  
之意唯陛下矜焉勅貸之流於九原郡道出甯州舊治

石鐘山志

卷十一 文徵

八

父老迎而勞之曰我狄使君活汝輩耶相攜哭於碑下  
齊三日而去吁嗟乎古謂民之父母如公則過焉斯人  
也死而生之豈父母之能乎時宰相張光輔率師平越  
王之亂將士貪暴公拒之不應光輔怒曰州將忽元帥  
耶對曰公以三十萬眾除一亂臣彼脅從輩聞王師來  
乘城而降者萬計公縱暴兵殺降以爲功使無辜之人  
肝腦塗地如得尙方斬馬劍加於君頸雖死無恨光輔  
不能屈奏公不遜左遷復州刺史吁嗟乎孟軻有言威  
武不能屈是爲大丈夫其公之謂乎爲地官侍郎同鳳

閻鸞臺平章事爲來俊臣誣搆下獄公曰太周革命萬  
物維新唐朝舊臣甘從誅戮因家臣告變得免死貶彭  
澤令獄吏嘗抑公誣引楊執柔公曰天子吾何能爲以  
首觸柱流血被面彼懼而謝焉吁嗟乎陷穽之中不義  
不爲況廟堂之上乎契丹陷冀州起公爲魏州刺史以  
禦焉時河朔震動咸驅民保郭郭公至下令曰百姓復  
爾業寇來吾自當之狄聞風而退魏人爲之立碑未幾  
入相請罷戍疏勒等四鎮以肥中國又請罷安東以息  
江南之饋輸識者矧之北狄再寇趙定間出公爲河北

石鐘山志

卷十一 文徵

九

道元帥狄退就命公爲安撫大使前爲突厥所脅從者  
咸逃散山谷公請曲赦河北諸州以安反側朝廷從之  
吁嗟乎四方之事知無不爲豈虛尙清談而已乎公在  
相日中宗幽房陵則天欲立武三思爲儲嗣一日問羣  
臣可否眾皆稱賀公退立不答則天曰無乃有異議乎  
對曰有之昨陛下命三思募武士歲時之間數百人及  
命廬陵王代之數日之間應者十倍臣知人心未厭唐  
德則天怒令出又一日則天謂公曰我夢雙陸不勝者  
何對曰雙陸不勝宮中無子也復命策出又一日則天



有疾公入問閤中則天曰我夢鸚鵡雙翅折者何對曰武者陛下之姓相王廬陵王則陛下之羽翼也是可折乎時三思在側怒發赤色則天以公屢言不奪一旦感悟遣中使密召廬陵王矯衣而入人無知者乃召公坐於簾外而問曰我欲立三思羣臣無不可者惟侯公一言從之則與卿長保富貴不從則無復得與卿相見矣公從容對曰太子天下之本一搖而天下動陛下以一心之欲輕天下之動哉太宗百戰取天下授之子孫三思何與焉昔高宗寢疾令陛下權親軍國陛下奄有神器數十年又將以三思爲後如天下何且姑與母孰親子與姪孰近立廬陵王則陛下萬歲後享唐之血食立三思則宗廟無紓姑之禮臣不敢愛死以奉制陛下其圖焉則天感泣命褰簾使廬陵王拜公曰今日國老與汝天子公哭於地則天命左右起之拊公背曰豈朕之臣社稷之臣也已而奏曰還官無儀孰爲太子復置廬陵王於龍門備禮以迎中外大悅吁嗟乎定天下之業斷天下之疑其至誠如神雷霆之威不得而變乎則天嘗命公擇人公曰欲何爲曰可將相者公曰如求文

石鐘山志

卷十一

文徵

十

章則今宰相李嶠蘇味道足矣思得奇才以成天下之務乎荆州長史張柬之眞宰相才誠老矣一朝用之尙能竭其心乃召拜洛州司馬他日又問人於公對曰臣前言張柬之雖遷洛州猶未用焉改秋官侍郎及召爲相果能誅張易之輩反正中宗復則天爲皇太后吁嗟乎薄文華重才實其知人之深乎公之勳德不可殫言有論議數十萬言李邕載之別傳論者謂松柏不天金石不柔受於天焉公爲大理丞抗天子而不屈在豫州日拒元帥而不下及居相位而能復廢主以正天下之

石鐘山志

卷十一

文徵

十

元

陶靖節祠記

吳澄

晉靖節陶先生家潯陽之柴桑嘗為彭澤令後析彭澤  
創湖口縣湖口亦彭澤也故其境內往往有靖節遺跡  
孫侯文震宰湖口因行其鄉至三賢寺民間相傳以為  
靖節讀書之地旁有翫月臺址猶存乃出俸銀屋於臺  
基之上且就縣學東偏建祠堂三間以祀先生湖口小  
邑城內皆山凋傲特甚扼江湖之會當驛置之衝侯興補滯  
廢應接往來精神光昭意氣閒暇為難若易任勞若逸

石鐘山志

卷十一 文徵

五

固其才略之優而又追慕先賢尊崇表章以勵末俗是  
豈俗吏所能為者值余舟過湖口而請紀其事竊惟靖  
節先生高志遠識超越古今而設施不少概見其令彭  
澤也不過一時牧伯辟舉版授俾得公田之利自養如  
古人不得已而為祿者爾非受天子命而仕也曾幾何  
時不肯屈督郵而去充此志節異時詎肯忍於二姓哉  
觀述酒荆軻等作殆欲為漢相孔明之事而無其資責  
子有詩與子有疏志趣之同苦樂之安一家父子夫婦  
又如此夫人道以三綱為首先生一身三綱舉無愧焉

忘言於真意委運於大化則幾於同道矣誰謂漢魏以  
降而有斯人者乎噫先生未易知也後人於言語文字  
間窺覘其髣髴而已然先生非有有位顯於時有功業  
著於後而千載之下使人拳拳不忘其何以得此於人  
哉予於孫侯之為惡乎而不喜談樂道之也侯燕人所  
至有廉能聲

石鐘山志

卷十一 文徵

五

石鐘山紀功碑

桑嘉依

曩聞劉毅之敗論者皆以湖口山勢險怪不先爭形勝  
 卽難圖功予以爲後人代爲諉過之辭也歲壬辰冬十  
 二月予奉詔守江州而江州陷貸富室錢募兵得三千  
 冒大風雪力戰擒賊首斬獲賊黨無算奪其船六百艘  
 進復湖口縣登石鐘見桀嶭劍削怒湍環迴扼湖之處  
 爲豫章口扼江之處爲溢水口巋然天塹誠不可忽是  
 役王惟恭之功較多且苦雖李愬雪夜平淮蔡不是過  
 也因與審形勝圖恢復將以一軍立柵小孤山以一軍  
 據鄱陽湖口聯絡石鐘要害以綴其衝由是以知前人  
 於此設戍而鎮而縣者有眞識也予非知兵者張空拳  
 以制敵可終恃乎則甚賴諸將士激發忠勇同濟艱難  
 將來大功之成有兩鐘以銘勳烈焉一邑之得失何關  
 天下大計然此其首庸也應先紀石苦心自在天人鑒  
 之至正十三年春正月吉

石鐘山志

卷十一 文徵

古

明

石鐘山集序

商輅

九江湖口有上下石鐘山直縣治南北懸崖絕壁下瞰  
 深潭奇石突兀多空中而竅遇風濤盪激有聲如鐘山  
 由是名蓋水經云宋元豐間東坡居士還自齊安嘗乘  
 舟夜泊親聆石音援筆記之磨崖刻之自是文人才子  
 經行其處必一寓目或登山縱觀留題而去廣東恭議  
 前夏官尙書郎王恕尙忠世家湖口未仕時嘗讀書是  
 山之蘭若及舉進士通籍於朝寤寐鄉山石能忘情耶  
 石鐘山志 卷十一 文徵 五

因命善工繪而爲圖公餘時一展玩恍然如履巉巖之  
 境如聆噌吰鐘磬之聲蓋藉是以滌煩襟祛塵慮者數  
 矣一時士大夫高其雅趣題詠甚富尙忠合古今詩文  
 錄爲一帙將鐫梓以傳特虛首簡來徵余序竊惟山川  
 得名皆以形似石鐘之說以形以聲不必深辨矧東坡  
 一代偉人胸藏彭澤筆奪造化摹寫之精形容之妙自  
 足以破前疑而啟後信想夫磨崖之刻至今猶有光焰  
 地因人而顯豈非信然且不獨此僭耳裔彝之居因公  
 之至彝變華風赤壁爭戰之場經公一游遂成勝概况

石鐘兩山奇麗峭拔秀出潯陽之間有不俟於言語文詞之加者乎雖然非東坡石鐘之名無由盡信於人非尙忠石鐘之文無由盛傳於世是皆有功於是山者也尙忠博雅謹飭將來之功業未量是又山川之光也尙忠試禮闈時余忝較文有斯文之好因其請序以復之

石鐘山志

卷十一

文徵

共

石鐘山集序

胡榮

廣東布政使司參議湖口王君尙忠輯其邑石鐘山古今題詠詩文若干篇卷將鉅梓以傳既於當朝元老鉅公序於前矣謂余同出江右舉進士同年後屬爲後序子自正統丁卯舉計偕上春官奔走南北數浮大江泛彭蠡嘗識斯山奇特之形而駭愕其鏗鉤之聲矣茲又獲觀題咏之富抑何快哉蓋由唐宋迄今騷人墨客長篇短章紀述品題有關於茲山者尙忠蒐輯無遺其用心亦勤矣窮荒遐僻之陬幽人韻士覽焉誦焉有以想奇踪而資逸興不爲無益也余獨好夫九江之下鄱湖廬阜之間曩昔瑰偉豪傑之士產於斯游於斯功業若陶都督風節若陶彭澤道德若周濂溪輩其言之遺詩書之澤皆可以感人心義理之天而扶植民彝興起世教也尙忠苟能取去郡乘所載并雜出傳記者類編成書刻而傳焉俾天下經生學士欲尙友千古者得以誦其詩讀其書而考論其世焉則其爲益不尤大乎尙忠與子同庚而精神筋力視予強甚心恆好乎古子知其不足所已而能成其所未爲也必矣庸書此以候

石鐘山志

卷十一

文徵

七



咨嗟感激已而雲消風止浪平響息水天相映瑩然澄  
碧返而登舟呼酒相酬乃鼓柁而歌曰駕吾舟兮泛長  
江馮夷起舞兮酌我以羽觴侑以嘉樂兮鼓鐘嗶嗶慨  
念上古兮濁流湯湯孰致平成兮孰理懷襄願銘此鐘  
兮紀神功千秋萬歲兮永不志

石鐘山志

卷十一 文徵

子

後石鐘山賦 井序

印 澹

石鐘山在湖口縣東坡居士游山記千古無改評矣  
曩子嘗遊其地誦其詞而又竊有所見焉夏官郎中  
王君尙忠縣人也近出示其圖求賦盱江何秋官廷  
秀旣爲君賦之矣大率本坡意而廣之意盡而語工  
子無容其喙矣乃卽所見爲後石鐘山賦云

巍乎哉茲山之天造地設也扼彭蠡之口拉岷江之脇  
鼓天聲以震動橫地軸以鎮壓豈非東南之巨障湖江  
之奇絕處乎爾其氣勢龍嵒岡巒嶸嶸行駸駸之幾里

石鐘山志

卷十一 文徵

圭

崇崛巒之萬疊危臨深而欲墮直倚空而如截下瞰馮  
夷之府上峙瞿曇之宮洞空明兮穴竅蒼翠兮杉松  
子嘗艤舟其下履險陟崇爰窮幽而探微盡詭狀兮奇  
蹤望天塹之渺茫極岳祠之穹窿適晴空之過雨晃晨  
曦之昭融雲澄澄其歸岫波沄沄以成深萬籟聞息一  
碧連空於斯之時但見石之爲石千態萬狀惟外而空  
中而竟莫得聞噲噲之無射窾坎鐘鞳之歌鐘也予乃  
悠然以思悚然以興揆厥山之所元兮始於酈註之解  
水經繼以少室山人之博兮終以東坡老仙之精曰古

人之名山兮多惟其形夫何獨茲一卷兮乃不以形而以聲矧石之在水兮不能自鳴必風濤之搏激兮然後滂瀾而勺碎風或有時而息波亦有時而不名山者顧舍其天然常有之巍巍而下取夫適然作輟之磴磴吾恐古君子之正物名以明民不如是之浮緩不情也於是呼兒把酒注之巨觥灑江流酬巨靈起而問諸以訂茲山之所以名

石鐘山志

卷十一 文徵

三

石鐘山後記

李齡

九江湖口縣有石鐘山鄴元以爲下臨深潭微風鼓浪水石相搏響若洪鐘因受其稱唐李渤始訪其遺跡得雙石於潭上扣之南音函胡北音清越宋蘇文忠公陋其言嘗因夜月乘舟造絕壁下聞有大聲發於水上噌吰如鐘鼓不絕舟人太恐回至港口有大石當中流空中而多竅與風水相吞吐有窾坎鐘磬之聲與向之噌吰者相應周文忠公亦嘗造其處而其所錄上下鐘山之景爲頗詳嘗疑其論之不一今年秋七月旣望因督石鐘山志 卷十一 文徵 三

學至其邑借其老人高嵩等詣北鐘山皆大石側立於江濱高可千餘尺左右觀音閣閣有小軒適臨鐘石之上老人與寺僧宗鑑指余曰此北鐘石也以是名乃由閣後履巔巖觸荆榛蛇行而上有亭曰白雲蓋絕頂也僅可容二三人凭欄一望小孤五老香爐二祖五祖諸峯如拱如揖皆屏列於左右湖水南來而清江水西出而濁咸匯於此而後朝宗於海灑滌汪洋無涯際遠涵天碧近漾嵐光悠然之景可以遊覽得而不可以筆舌狀返而登舟徑造鐘山之下俯而觀之石皆穴罅水

落風息不能鳴鐘九江回復與進士梅君愈及老人乘  
 舟至其處風怒浪急舟不能艤乃上向之小軒聆之誠  
 噌吰如洪鐘然餘石無此聲鄴元之紀蘇公之辨良足  
 以破千古之疑矣次日詣南鐘山山下亦有觀音閣臨  
 大江左右石壁如北鐘山其景則不如右石鐘缺十餘  
 丈老人與寺僧曰此南鐘石也蘇公有記刻其上正統  
 十四年己巳石裂而仆於水形迹尙新詳察南北諸石  
 下俱穴竅風水搏之皆能有聲何獨此石以鐘名蓋諸  
 石負土而側立下虛而背實故其音濁惟此石突然特  
 石鐘山志 卷十一 文徵 三  
 出於水中中空而下虛故其音如洪鐘焉李渤乃欲以  
 斧斤考擊而辨其清濁則疏矣然疑蘇公當日所遊乃  
 港口稍南之景方有石如猛獸奇鬼森然欲搏人者楊  
 次山所謂眞山從作假山看者正此謂也且遇恐卽回  
 南北鐘山恐未到也故其景不見稱於人武庫郎中王  
 君恕世家湖口未登進士時嘗講學於北鐘山每翹首  
 望南湖口之勝常往來於其心乃命畫史圖其景并集  
 古今名賢詩文爲一帙以便觀覽間以示余求記其後  
 嗚呼安能起蘇公於地下而復與之遊必能盡其說予

雖頗得其詳而文不足以發之姑書此以俟後之能言  
 者焉

石鐘山志

卷十一

文徵

三



石鐘山題名碑

李齡

予以壬午仲冬奉命督學至九江之湖口教諭張環訓導齊用進而言曰邑治在揚州之域禹貢曰彭蠡既豬是也以其濱於湖口故名邑南可一里許有上鐘山又西北不能百餘步而近有下鐘山儒學在二山上下間兩峯對峙襟江帶湖爭奇獻秀於殿堂之中蓋一邑之絕景在焉清淑之氣鍾而為人出而以文章政事鳴於時者若宋馬適登建隆狀元方叔高登李黼榜進士其他擢巍科躋膺仕載於志者往往不乏而皆莫盛於我

石鐘山志

卷十一 文徵

美

朝茲欲命工礪石自洪武抵今凡登名鄉貢者皆將題其姓氏以勸戒將來願一言以弁其首余惟賢才之生固本於山川秀氣所鍾然必遇乎明盛之時造就有方進用有道而後得以成其才而資乎國家之用若唐虞以九德取士成周以行藝興賢故書稱當時有野無遺賢萬邦咸甯之效詩有濟濟多士文王以甯之詠漢之取士有孝廉異能諸科而古之遺意猶有存焉隋唐以來惟以科目取而仕進者率皆遺經業務詞章以徼利達而已宜乎不得真才之用治道不古若也我朝列聖

嗣興既建學立師以教養天下之英俊又勅憲臣以提

其綱俾為師為弟子者一遵正學迪正道以端其本而

課試之法先之四書五經以觀其性理之學次之論表

詔判策問以驗其才識之優黜浮誇之詞尙篤實之風

顧非徒務乎詞章之習而已也三年則舉其行業之清

正者合其登名於鄉貢者然後合試於禮部中禮部者

然後對策大廷授以官爵所以九十餘年賢才輩出文

化旁敷而可以比隆於唐虞之盛者良由造就有方進

用有道之所致也固宜題其名於鐘石俾後之遊學於

石鐘山志

卷十一 文徵

美

是者歷指其名而曰某也由正學以出身而可法某也務曲學以徼名而可惡率相期以正心誠意之學自砥礪而思所以追配於前人庶無負夫國家涵養作興之恩亦足以為名邑山川風氣之盛流行於無窮也則斯石之立豈云小補也哉故不辭而記之

石鐘山陶桓公祠記

羅倫

大尉陶公諱侃字士行鄱陽人徙潯陽父丹吳錫武將軍母新淦湛氏公少孤貧從祭辟仕至太尉爵長沙郡公卒年七十六葬國南二十里策諡曰桓公有大功於晉謙勤忠恪雄毅明敏在軍四十一年戎政齊肅招徠以禮懷遠以德屢當大寇所向克捷羣醜破滅自南陵至白帝數千里道不拾遺蘇峻之役温嶠推為盟主子喪不臨竟趨石頭斬峻兄弟王室載甯峻將馮鐵殺公子瞻奔於石勒以為戍將公使告勒勒召而殺之勒高石鐘山志

卷十一 文徵 三

自標致比肩二劉操懿輩不顧也乃畏公如此魏晉之際浮虛成俗公深疾之嘗語人曰大禹聖人乃惜寸陰至於眾人當惜分陰豈可逸遊荒醉生無益於時死無聞於後老莊浮華非先王之法言不敢行也故其所立耿耿一節始終不渝朝夕運篲竹頭木屑悉入掌舉東糞莖柳不忘劬勞卓樹殊勳宏濟斯世功成身退屢欲遜位臥疾登舟去方鎮若脫屣非明智卓行能與於斯乎梅陶稱之曰機神明鑒似魏武忠順勤勞似孔明魏武用智傾漢夫豈公之比哉公之忠誠凜秋霜而貫白

自然觀晉史庾亮之傳應詹之書則疑其有跋扈之心

温嶠之舉毛寶之謀則見其有顧望之跡登天折翼彈血成文動可疑怪此中無所不屑而謂公有是事乎蓋行高致毀蘇峻之誅庾氏愧憾世執朝權秉史筆者從而誣成之耳東坡蘇公布衣吳淝咸辨其非紫陽朱子表而出之然後公之大節俟後世而不惑也使公志行於永嘉則二帝必不至北狩中原必不至於板蕩行於咸和則北可梟石勒西可平李雄不至偏安於江表矣奈何惠懷庸謬之主成帝削弱之資不足輔以有為也

石鐘山志

卷十一 文徵

三

公會孫潛方劉裕篡勢已成自以晉世宰輔之後恥屈身異代述酒荆軻等作殆欲為漢相孔明之事而無其資於戲分莫大於君臣行莫大於忠孝公之祖孫無愧焉曾謂魏晉以降有斯人哉憲副洪公萬善設祠像公於中以公會孫靖節先生配焉將使後之人進而仕退而處景行先哲咸庶乎斯道也其裨世教大矣

石鐘傳

程敏政

石鐘字以聲九江人其先莫知所從起或曰唐處士洪  
 宋處士介皆與同祖然失其譜牒不可考矣鐘為人其  
 中空洞人莫測其涯涘或謂之曰子比于耶何其心之  
 多竅也然與人不立崖岸望之有巖巖氣象少有聲彭  
 蠡間每特立湖口噓然長嘯風起水湧可以起棲鵲而  
 驚螭龍有謂之者曰子不聞典午氏之言乎夫鐘扣之  
 鳴鏗鉤鏗鞞人不以為異也若不扣而自鳴人孰不謂  
 之妖耶子之鳴也亦將不扣而自鳴者乎鐘嗒然不應  
 石鐘山志 卷十一 文徵 手

人或號為無言公鐘所居在蒼厓絕壁下其前怒江瀧  
 然人跡罕至元豐中東坡蘇子自齊安將適臨汝以連  
 山筮之得艮之渙其繇曰山之下風起於沔水漾於諸  
 爰有文人在修暨阻蘇子投策曰今日之夕其將有異  
 聞乎夜乘小舟入湖口聞有聲自西南來或噲咄然或  
 窾坎鏗鞞然上拂寥廓下滿林壑心異之因擊楫大呼  
 曰吾聞之凡物不得其平則鳴水之無聲風蕩之鳴其  
 躍也或激之其趨也或梗之其沸也或炙之斯人也其  
 殆善鳴者乎時月明如晝鐘方側立江漢間四顧若無

人蘇子揖而進之曰子非石以聲乎予慕子久矣鐘笑  
 曰聲聞過情君子恥之夫不肖範形於天地之洪爐而  
 浪跡於此吾子不鄙而辱臨之喜過望矣願為金石交  
 已而議論風生各詫相見之晚明年蘇子還朝言於神  
 宗曰九江人石鐘者山澤之癯也自顧壁立萬仞使人  
 望之巍然而下視培塿邱垤真無足當其意者然其靜  
 也淵渟其動也風行其自守介然而不與易其處人確  
 乎其不可拔也陛下誠能封之以鎮一州則柱石巖廊  
 可以屹中流之砥柱笙鏘治道可以致百獸之率舞况  
 布鐘山志 卷十一 文徵 手

陛下功德兼隆方將求鏗鉤鏗鞞之聲以鳴國家之盛  
 顧乃使之鳴不平於荒江斷岸之濱非臣所知也神宗  
 然之即日下詔拜侍中陞州節度使封聞喜郡公使御  
 史王士仁持節以往士仁道淮入泗泗濱人有苻磬者  
 浮沈洲渚閒人號為無賴子然其先世嘗有功於舜庭  
 及從孔子於衛者磬失其業至是來見士仁士仁羅致  
 之舟中與語大說因扣鐘之為人磬曰鐘體深厚塊然  
 一武夫耳是烏足辱召命磬不佞先世佐虞夏有功不  
 幸而流落於此君如不棄登磬於庭磬能波流風靡而

不失其身上見磬必喜磬誓與君同升願勿外也士仁  
良是之抗疏以磬語聞詔載磬與俱歸之汴入對上果  
說以爲協律郎日與伶人侍上燕樂遂罷鐘不復召鐘  
聞之嘆曰天賦吾以風流之資乃終老於巖壑而不克  
致身於東序刻勳景鐘命也遂學長生吐納之術以終

石鐘山志

卷十一 文徵

三

思石鐘山辭

李東陽

鴻殷殷其若空兮碎擊乎余之耳旁倏迴旋以騰沓兮  
駭余聽之無方蹇余滯此一室兮獨何爲乎此聲騰彼  
石鐘之山兮恍若見而莫余征披山經以窮搜兮繫地  
志之所載日茲山之爲靈兮屹乎吳楚之會彼夫人之  
好奇兮爰告余以嘉名歷漢唐之難辨兮匪坡仙其誰  
明儼圖繪之縝紛兮蓋彷彿其致之余固不知其靈異  
若此兮固將信而疑之夫山之偶見名兮紛不出乎一  
口豈形聲之可拘兮蓋旁觀而博取苟聖賢之所爲兮  
石鐘山志 卷十一 文徵 三  
安知不出乎牧叟與樵童彼固知歌鐘無射其何物兮  
又焉用夫鐘鞮與噲咄矧坡仙之所陋兮鏗考擊其猶  
在豈不可乎爲名兮彼渤也其何罪惟詞人之豪宕兮  
筆鋒莫之敢當縱高觀於罔象兮甯肯尺度而寸量余  
既知其不果然兮敢爭衡於千古鼓蘭柅於南遊兮念  
長路之伊阻嗟昔人之凋喪兮徒上下其安求之山既  
不能以自鳴兮猿鶴聚而咻之相九州之奇蹟兮余獨  
滯此一方也幽怪恍惚不可名兮曾何獨此石鐘也豈  
余力之足殫兮造物者之冥冥也縱不得與於嘉名兮

亦何害其爲形也石鐘之山兮皆率而嵯峨嗟爾石鐘  
兮其如余何

石鐘山志

卷十一 文徵

讀

石鐘山錄

唐 樞

湖口縣北有石鐘山自下鐘入觀音寺石玲瓏奇秀無

慮百千狀左陟白雲亭狄梁公思親所此非思親所疑是傳寫之誤

東白雲洞聆音軒石鐘洞洞前長石四葉曼之有聲聲

五合五音右拱浮屠閣一覽樓匡廬在前長江入懷樓

西觀瀾軒巨石突出江中西聳聳絕壁臨深潭南下水

閣怪石立水中攢秀而出轉南閣上鐘人品上鐘不及

下鐘然水中石峯更奇絕山石亦倍多且兩面俱出行

閱彭郎磯特石聳立江濱正對小姑茲亦奇物祇妍巧

石鐘山志

卷十一 文徵

讀

太呈促似例小器予不欲久玩

石鐘山記

羅洪先

漢酈氏水經載石鐘山以爲風起微波激石有聲不詳其故東坡夜艤漁舟山下聽其所以鳴者本石多竅遂爲辨以補其遺丙午春余過湖口臨淵上下兩山皆若鐘形而上鐘尤奇是時水未漲山麓盡出綠石以登若伏軾昆陽旌旗矛戟森然成列稍深則縱觀咸陽千門萬戶羅幃繡幙掩映低垂入其中猶佛氏言海若獻琛珊瑚珠貝金光碧彩錯出於驚濤巨浪莫可辨擇睇而視之垂者磬懸側者笋茁缺者藕折環者玦連自吾棲石鐘山志

卷十一 文徵

美

巖穴以來攀危歷險未有若是奇者矣夫音固由窾以出苟實其中亦復暗然故鐘之制甬則震弁則鬱是石鐘者中虛外窾爲之也虛者大窾者小故出之有餘而應且遠今夫甕盎罍卣鈞虛器也注之水則甕盎不若罍卣之聲此中外小大之驗也東坡艤涯未目其麓故猶有遺論是石當彭蠡入江處眾流迸駛湍迴洑射日剗月消石雖堅不勝其力之久故其形亦備鑽研磨刮之工瑩白如玉其未入於水者危黯理疏頑悍而輪囷略不相肖然則風靡波蕩其亦有助於石而致虛者固

有道耶

石鐘山志

卷十一 文徵

三

下鐘山建新城記

鄒守益

嘉靖己未冬十一月湖口縣新城成吉陽中丞何公遷  
主其議雙江方兵憲濂贊其決而仁和沈尹詔相度勤  
勞以臻其成劉邑博九成率余生夢龍方生以文趨山  
房以紀績而範來者其言曰縣古彭澤舊址猶存三里  
許南唐徙於鄡陽鎮始別曰湖口前臨長江後擁高山  
嘉靖間謝兵憲迪徐令欽謀城之而未果林令高岡設  
五門西南寅賓南振武西觀瀾北通濟東北迎春咸列  
以柵而未備嘉靖丁巳沈尹詔目擊調兵之擾請所以  
保障者當道以要害咸避之柱史徐五臺紳檄郡守張  
少峯情協詢以議沈尹迺具八議上之曰築基礎曰措  
料價曰酌工食曰役夫力曰均任使曰專責成曰慎出  
納曰別勤惰躬陟嚙降原經畫所宜自下鐘山歷虹橋  
沿江壘石厚基護以外岸後山隨形而築計長千丈高  
二丈厚一丈五尺增二門曰仰宸曰利涉以便迎送汲  
取各建樓設舖擊柝更守柱史鄭東泉本立暨兵憲陳  
抑亭洪濛繼至徽郡守朱射陂曰藩殫心經畫督程簿  
九達陳尉雲咸畢力以効事踰年告完而以其餘力樹

石鐘山志

卷十一 文徵

美

綽楔於縣曰承流曰宣化樹綽楔於學曰雲路曰興賢

曰育才修小學復射圃煥然改觀矣東郭子守益曰三

代之英孔門已嘆弗逮矣民亦勞止汜可小康城郭溝

池設險守國聖人所以隨時盡制因方設教其範圍曲

成巨細靡遺無所不用其極高皇帝恢宏帝王正統文

恬武嬉垂二百年而邊徼弗靖征調四出狼苗橫擾無

異倭彝至冒而罹憲章肆保釐監司纘南仲山甫之

緒而良牧職思其憂躋於有終以豫暴客以奠疲氓湖

口其有賴乎抑古之訓曰國保於城城保於德德也者

石鐘山志

卷十一 文徵

美

運於精神心術之微而暢於刑政規制之表故刑罰必

省稅斂必時深耕易耨必勤孝弟忠信必謹以申是以

其民尊君親上而無貳志堅甲利兵持挺可撻鑿池築

城效死以守古所謂域民固國威天下之道凡百君子

靖共爾位聿修厥德無俾城壞江湖雖遠固與廟堂同

憂喜也爰因師儒用告所聞達於上下敬哉有土

請設江防守備以重上流疏

胡松

卷查先該巡按江西監察御史段顧言案行司道諏訪官邪吏弊民瘼盜情四事布政司會同都按二司各道議稱鄱陽守備應於康山駐劄以便居中往來巡緝調度所以爲湖防謀者似矣但江洋之寇率靖江泰興等處之沙民龍潭蕪湖等處之洲民隨風直上由安慶以達湖口人船俱便往來甚捷又荆蜀江漢諸水會於九江贛吉撫饒諸水匯於湖口則湖口乃湖寇所由以出江江寇所由以入湖爲第一要害之地雖設有九江衛

石鐘山志

卷十一 文徵

四

與兵備道然相距尙遠防守弗專至於湖口要地曾無半旅一卒之戍殊爲失策宜於湖口之南湖嘴增設守備一員操練巡邏以扼要衝庶江寇不得入湖湖寇不得出江等因前來該臣會議照前項湖口江防一帶不獨沙民洲民卽今鱣徒曠盜往往托於商舟賈舶乘便肆劫又前此各處徵調土苗等兵雖稱發回亦多有遁逃竄匿於港嶼荏苒之間且近日閩廣諸賊侵境傾洄姦宄惡少又多蠢動相煽尤當預防所據湖口之南湖嘴增置守備一員誠爲先事之備但須於九江府衙檣

撥軍民精兵二百名造給多槳戰船三四十隻付之操駕以時演習巡緝給與循環赤簿每半月一次令與鄱陽守備盡會於適中之地以稽情勒虛實仍有盜發互相通報迭爲犄角而皆聽兵備該道守巡道稽察若江盜侵入湖中則九江兵備湖口守備首任其責守巡道次之湖盜侵入江中則饒州兵備鄱陽守備首任其責守巡道次之如此庶事相協心不致掣肘患生戮力不事虛文責守旣專經理漸密巡緝復嚴聲實布張氣勢聯絡伏機隱禍可漸消彌留都上游之重不致空疏

石鐘山志

卷十一 文徵

四

蓋如往日矣



湖口山水奇險請罷新廠疏

張啟元

奏爲懇乞聖明酌罷湖口新廠以救民命以廣仁恩事  
臣伏覩詔書款開一應弊政開載未盡者陸續查議奏  
革其凡可以安民生足國用等項長策仍許諸人直言  
無隱欽此臣竊惟長國計者莫先於本末之辨莫要於  
利害之明小利者大害之萌逐末者棄本之漸臣以爲  
湖口之廠所逐者錙銖之末而本實先撥矣是其利國  
家也恆少爲害之大豈可勝言哉九江之廠所以譏商  
賈也而權徵隨之嘉靖四十二年又添設一廠於湖口

石鐘山志

卷十一 文徵

三

所收料銀附九江併解當時建議者不過網羅商旅譏  
察江河而已詎知其爲南土之陷穿大江之炮烙一至  
於此也臣備員南路遇東南來者莫不蹙額曰昔年盜  
在江中今日盜在湖口江中之盜劫財湖口之盜劫命  
始作俑者恨不得啖而食之其初也逐利於家僮而今  
乃流毒於生靈而莫可挽也何則湖口形勝兩山夾峙  
岸石巖巖江漢合流湍洞浪急未有關廠則舟楫上下  
觀便取徑不必穿洄挺濤冒險停橈設關以來不問軍  
民必取灣泊下水者當回流之橫衝難於近岸上水者

逆溜頭之激射難於進港江底無泥鐵貓罔施或風浪

驟發跳踰待斃而已自立廠之日以迄於今不知幾千

人死葬魚腹中也既奉明詔自該本處查議奏革茲怨

聲載路而議請罕聞何哉此廠一設徒快意於湖口之

市井而落膽於江漢之往來實媒利於委官之私橐而

嫁言於內帑之密網也查每船梁頭一尺料一錢明耗

三暗耗二單頭三十人銀匠二十人大半豪家者攬之

單頭保者三錢再上下者認保一錢銀匠傾銷秤兌五

分且昔之納料論季今之納料論遭昔之納料論載今

石鐘山志

卷十一 文徵

三

之納料論船小而腳船亦所不饒停泊稍遲卽以越關  
抵罪上而入臨吉者既稅於九江又以小票重需於湖  
口下而入漢黃者既權於湖口仍查印票不脫於九江  
名爲兩關一料實爲兩關兩料未嘗立關禦暴也而且  
重關爲暴非惟盡民之利也抑且戕民之命何其忍耶  
高皇帝曰國家愛養生民猶保赤子惟恐傷之苟無常  
制惟培斂以腴其脂膏雖有慈父不能收愛子之心仁  
廟曰不肖官吏夤緣爲奸計民所費朝廷得其千百之  
什一其餘悉肥下人耳皇上發政施仁之始正宜敬法

祖宗留神民命罷去此厥以祛貪奸之弊以收愛子之心則大江有利涉之慶而九重周水陸之隱矣臣所謂重末輕本以小利貽大害者此也倘議者以船之由九江卽有輸料其往來慶池等處而不由者詎肯縱之脫然并寓譏者以防奸細亦有不容撤者臣竊以爲過矣南康巡捕之官可以盤詰慶池之往來者可脫然於四十二年之前而不可脫然於四十二年之後乎且由九江而湖襄者道路遠而生息繁不由九江而下慶池者道路近而生息寡九江之厥非漫無見而致遺算於湖

石鐘山志

卷十一 文徵

器

口也萬一不允撤厥之請請易建厥之地可乎由湖口而上有地曰大孤塘南北土岸水勢紆緩可免衝激之厄且無撞楹之危人煙輳集薪米裕饒立關於此庶幾利於宿泊脫於沉溺耳安合不必改創廟房可以止居此又請損之一策也禹思天下有溺者猶已溺之我皇上登極之日卽布詔天下重民之命卹民之財興民之利除民之害胡忍毆此江南之生靈而枕藉於死亡之地也哉伏乞勅下該部酌議料厥可革則革之寬一分民受一分之賜如不可革則更其地蚤一日民免一日

之苦地方幸甚生靈幸甚

石鐘山志

卷十一 文徵

器

大觀閣會記

李材

密齋廖公之尹湖口也敦古誼厲士風以予謬有聞於知本之學也而嚮之政成洽洽乃捐贖金建閣於石鐘山之右畔倚江鰲石題曰大觀閣將率興士類延予講學其中工未訖密齋以憂去予適應召命涉彭蠡至止焉湖之人士感公雅駢然羣止挽予舟而不能去也則相與爲會閣上俯江流之壯覽山石之奇傑閣崢嶸若與之相爲輝映也爲之探性命之源宣孔曾之祕發原憲之學之所以爲難明顏子之學之所以殆庶於是諸士

石鐘山志

卷十一 文徵

巽

子歎然咸知入聖之果有端倪歸宿之不患於無據詩歌數闕生意津津一座春風滿腔光霽又若與此閣共其軒豁予曰江山千古有待而開湖士聿興自茲增重密齋公之爲政於茲也亦誠可謂知本者矣君雖去而閣存士感君而知奮自茲陟聖躋賢彬彬爲湖寵光則君之所以爲造於湖口者又將與傑閣江山共其不泯也密齋名汝恆楚衡陽人而予豐城李材孟誠甫也從予遊者邑博清遠孔煦豐城涂邦直李正己李大昭朱鐘清江盧大壯南昌鄧允中湖口李本盛魏汝梅江映

辰張芬黃近賢周有造王三錫潘民怡方逢益伍瀆梅中數段希申黃申理葉蘇段希木李之芳朱嗣文李萬善周士奇而建德戴君震亨以彭澤邑博方署篆宜春袁君桃爲湖博士亦與會焉皆萬曆癸未長至後之十又二日也

石鐘山志

卷十一 文徵

巽

湖口石險浪惡請罷稅疏

吳道南

奏爲目擊風浪之慘耳聞號泣之聲謹剖忠直陳懇乞  
皇上下大賜省覽徑罷湖口商稅事臣江西人也舟行往  
返必於鄱湖此湖跨饒州南康九江三府之境水勢連  
天一出湖口而溯洶震撼之狀駭目驚心更湖口縣前  
東西兩山突出石皆嶙峋險怪僅餘一口不過數十丈  
且廬山綿亘數百里障於西北長江滔滔又復自北而  
衝平時舟過於此舟人動色相戒非柴米甚缺不敢少  
泊自設稅以來舟過其處凡報稅交稅輒經數日雖傍

石鐘山志

卷十一 文徵

吳

湖開一小渠而數日間又皆塞滿況冬間所開之渠亦  
盡涸也舟之後來無可泊處只得下貓於江中廬山夜  
夜西風一遇大發拔貓斷索數舟相磕頃刻敗壞一舟  
之中所載不下百餘人其強健者猶得負木板抵岸然  
亦在和暖時爾至隆冬盛寒卽有負亦僵死矣不幸而  
沈則舟透江底是以一舟爲百餘人棺也臣扼腕傷心  
久矣幾欲言而未敢遽陳則以地方之官科道之臣屢  
屢言之以俟獨斷於皇上故自有撤回稅使之聖旨臣  
心私嘆以爲今而後皆皇上之再造時雖歸併有司猶

恐泊舟如故臣冒死潛疏乞皇上豁此數萬金以爲蹈  
不測者延旦夕之命夫臣蒙皇上不棄謫劣獲佐下風  
凡四方利病皆臣之所當言况乃耳目所及而不以上  
聞是欺君害民之一端也草疏未完潸然淚下皇上俯  
納臣之言則聖主如天之福而臣亦得以徼其餘皇上  
以臣言未可必聽則臣盡臣之心異日臣過湖濱而死  
者有知或不恨臣之不言也臣言及此臣心滋戚况今  
各處饑荒皇上且普賜蠲賑以活之於死中則此之無  
勞於救而可拯民於風波之厄又何憚而不蠲也萬懇

石鐘山志

卷十一 文徵

吳

皇上鑒臣之愚并免歸併稅額則非獨爲民財恤而亦  
大爲民命造矣

石鐘山志卷十二

芷江李成謀 蒐輯

益陽丁義方

桐城方宗誠

善化胡傳釗 校訂

藝文

國朝文徵

重修石鐘山大士閣記

蔡士英

豫章諸水北匯澤為彭蠡注於江江與湖合流之處曰

石鐘山志

卷十二 文徵

湖口兩山相峙其西曰上石鐘山湖水之所經也東曰

下石鐘山江水之所薄也水經注云水石相搏聲如洪

鐘故名一曰山體上銳而下廣形如覆鐘一曰茲山之

石扣之鏗然有金聲也蘇文忠好奇探勝夜汎舟絕壁

下風激波衝搏空壘谷確以酈元水經為得其實乃知

古人遊觀不第矱耳目必欲証其見聞良不苟也子始

入境受事於此是時官吏環集簿書旁午於此山曾不

得縱觀焉今年春奉

命之淮復道經此山時以

王程迫切順帆東下似又不得寓遊矣適石尤大作維

舟依麓予曰石尤風每欲妬人茲得毋為予與此山作

合乎因操小艇溯洄兩山上石鐘嶙嶙石交橫水面

奇狀萬端色皆蒼翠明潤可踞而可玩者非一下石鐘

深窅幽巖相連若貫江波吞吐其間鏗鏘之聲大者若

戛巨鐘細者若拊浮磬旁有怪峰側立千尺如虬龍擎

薄淨猶欲躍遊者莫不震耳驚眸蘇公之說洵不予欺

也矣其水涓白石平鋪褰裳可登於是尋石罅穿穴拾

級以上薜荔叢篁覆映層壁右折而登有片石者二擊

石鐘山志

卷十二 文徵

之如鐘鼓相和又左折則懸巖削立中供大士像巖前

舊有重閣下俯江流遠眺帆影濤聲石韻天籟漁歌此

中悉可備聆無如棟折榱崩立其下者惴惴不可久停

夫以勝遊之地令人生恐怖心亦何負此山靈哉是日

天總戎楊公江州巡使薛君觴子於此徘徊睇視其闕

尚可修而葺也呼工人估計之得百五十金可以集事

予於江西諸舊蹟所獲締構者幸多豈於斯獨俾有遺

憾乎况羣公偕集合眾力以為固易易也各捐金如

其數以屬湖口令孫都閻董厥成焉子故備記之以見

予之出西江而猶得窮石鐘之勝也如是  
順治十二年乙未仲春月

石鐘山志

卷十二 文徵

三

重刻石鐘山集序

喬鉢

湖口之在天下粒米耳天下何知有湖口何知湖口之  
有兩石鐘何知兩鐘之奇真可以甲天下自端明一記  
而後學士大夫讀其文者始知有是山山又最小不過  
如拳兩岑居城兩隅過其下者稍不留心揚旣一瞬又  
忽之矣是以漢唐以前皆無詩無文山之有詩有文端  
明啟之也嗟乎端明能使盡天下而讀其文讀其文而  
必過其山哉所以海內知有石鐘者非博古之儒則探  
奇之士十百中一二已耳但自一記而後遊屐漸多詩

石鐘山志

卷十二 文徵

四

文亦不少特山不生於都會又無好事者彙而成觀遂  
使賞山之言不經見於人間而絕無僅有之山常忽於  
遊人之展也予令湖口見人輒欲大叫稍具邱壑者至  
雖鞅掌必以徵酒導之使遊且以搜詩或砌斷碣而成  
一篇或剝蔓蘚而得佳句或鈔村塾或錄札頭為山存  
詩不忍多棄三年以來積可盈寸亦可壯石鐘之觀矣  
然石鐘之奇又恐非盈寸之詩所能盡其妙也好事如  
予亦可謂一處不容放過加以三年之久尚未能窮讀  
是集者直可作谷口桃花為引舟之具而後石鐘之妙

當大噪於人間耳

順治十八年四月題

石鐘山志

卷十二 文徵

五

石鐘精舍記

朱奇政

石鐘之勝甲於他郡余新來未獲登眺遙望亭臺樓閣  
朱樨粉壁於奇石江波相映帶顧而樂之然緇流棲息  
吾輩無與焉又未嘗不引以為憾夫嶽麓匡廬為山川  
增重者以兩書院今湖邑彈丸余亦涼德固未嘗仰希  
古人然何至令名勝之區弦歌絕響也適大嶺雲亭之  
主僧水閣樓老僧已聞願往而習靜焉因以彼易此更  
為義塾庶幾哉魚聲梵唄變而為禮樂文章石鐘山靈  
其與我乎雖然此其權輿耳不佞迂拙不能久居此土  
將來拓學舍以庇生徒置學產以供膏火資脩葺端有  
望於後之君子如其置而弗問終令淪胥而入於墨氏  
也料聖人之徒斷不出此規模甫定命兒子檻書於石  
壁岩

雍正二年仲秋望日也

石鐘山志

卷十二 文徵

六

募修陶桓公祠序

周偉

縣治左偏雙鐘驛之側舊有陶桓公祠父老嘗見之者云前堂後寢門廡溜砌皆具邑土狹民貧無大宮觀如父老所述蓋亦不為太陋云曾幾何時風雨飄搖棟宇傾圮寢址鞠為蔬園前堂僅存深廣不能數武而頽敗椳杌犬豕洩溺其中行道傷之予維公生平節概不可殫述當東晉之季強臣跋扈接迹數世惟公討王敦於武昌誅蘇峻於石頭使元帝危而復安成帝幽而復出其急君父之難甚忠郭默賊殺州主公勒兵擒斬之其

石鐘山志

卷十二 文徵

七

於亂賊之誅甚嚴自何鄧祖尚虛無寢以成俗公獨謂老莊浮華無益實用躬自勤厲以倡參佐其維挽風俗甚力先後都督八州每至士女相慶死之日自南陵迄於白帝弔哭相望如喪考妣其於字民甚惠子瞻守廬江死蘇峻之難曾孫潛令彭澤歸終身不肯臣宋其義方之澤甚遠嘗考祀典法施於民以死勤事能禦大災能捍大患有一於此皆得與祀惟公兼此數者宜其廟貌翼然血食萬世乃一旦漂搖椳杌至於如此能不盡傷厥心迫思受而侑之乎予豈雖號貧狹淫祠續祀所

在多有或至傾圮輒修葺之詰其故曰以求福田利益耳誠相與新公祀塑公像歲時展拜緬想其流風可以使臣思忠子思孝吏思廉慈民思服化將生有益於時死有聞於後如公當日所云者其為福田利益不更多于君子曰是舉也合禮而助教其并力以成之也可計日待矣

石鐘山志

卷十二 文徵

八



石鐘魁星閣記

劉炳

乾隆十六年八月朔日改建魁閣成明經周生濤以邑人士意走郡乞辭紀其事告余曰舊有亭在山右隙地圯廢久矣今否因其舊原爨序初基以鐵屏山爲前障文星弗耀露前明陳博士思謙建尊經閣於後山半巘與鐵屏齊科名振焉雍正六年新之黃進士河崑等四人後先蟬聯其應也矧魁座爲文星切主向置非地今以公議請於學博士魏君淵映吳君佑改卜尊經閣後山之巔西北向既營度矣爰有邑孝廉魚臺令吳君光

石鐘山志

卷十二 文徵

九

盼暨紳士九人輸貲若干庀材鳩工茲告竣眾拾級登眺秀色攬廬文瀾吞江星座巋然半天光射鐵屏千里之外余曰麻哉魁天文也建閣於學以天文爲人文樹表乎曰然亭有故地今改建以爲星座高耀地靈乃人傑乎曰然余卸郡篆數月矣而乞辭於余以余任郡之日加意學校培勵士氣有未展之餘思故屬余乎曰然喟然曰此余所弗獲辭也昔在湖邑之登大魁表表耳目者孰若有宋之馬公適志載乾德五年五星聚奎遂與寶公儀等並官翰林匪應天文耶又載厥祖厝幃頭

山遂得沙洲圓出狀元之讖匪協地靈耶至載其祖父皆積德長者載其行爲孺慕篤孝載其文爲精敏力學下筆千言立就然後終載以無愧科名者獨何耶豈專恃天之文地之靈耶即魁閣改建天之文地之靈啟佑茲土當又有大魁如馬公者出然其協應之道何居耶三代造士之風遠矣自鄉舉變爲制科斯德行微而文藝重甚有汨沒於俗學執兔園一冊期僥倖弋獵者斯文藝陋而科名愈寂寥矣豈

石鐘山志

卷十二 文徵

十

爲標而窮經稽古進思文藝以德行爲本而持品敦倫馴至人傑協乎地靈人文應乎天文髦士蒸蒸以無愧科名者鳴  
國家造士之盛俾前代大魁不得專美斯改建魁閣之意不虛也不益麻哉余不文因重此請竊以前所云未展之餘思一發其緒歸質諸邑紳士告其博士暨其弟子員其將有合乎是爲記

石鐘山岳忠武廟碑

吳錫麒

假使金牌不召踴躍行兵赤幟高張縱橫殺敵則軍聲雷動呼蒼兕以渡河鏡吹風清抵黃龍而痛飲洗中原之恥雪窖平填收再造之功烽塵淨掃返江山於大宋慰父老於長安玉輦再來銅駝無恙豈不功名赫奕臣王俱榮也哉又使龍門未暴鵬翅不張精忠之褒無聞於廊廟中興之委莫罄乎腹心但畜豫讓以眾人不識真卿為何狀則麻衣歸葬可以棲遲墨經從戎曾無敦迫雖使志存恢復心在戒行而不逢知己以酬恩豈得

石鐘山志

卷十二 文徵

十一

謂武臣之惜死乎雖然玉以璞貴匪則則光采終韜蘭以膏珍不煎則馨香不烈是以碧三年之血慘結葦宏雪八月之濤怒生伍相淮陰鐘室負呼天莫白之冤解律涼風餘剗地難除之恨古今同慨豪傑為多然未有補已缺之金甌論功行戮反將消之玉弩為德成讎如斯之太甚者也當是時南渡倉黃主臣失措北盟怵迫家國傷心僅逐泥馬之靈小據金牛之勝夢兩宮之環珮雪虐風饑畫一角之煙雲山殘水賸使果憤思克敵慨念蒙塵方將由竈上而騷除誓軍中而突入而乃書

傳半臂歸杜宇以何年地換斜陽付黍離於一歎自限

龜茲之國竟忘質首之仇誠以曳等青衣晉主不聞返國而迎須精騎唐宗未免移宮與其奏雙勝之環不若定偏安之局與其遣奉迎之使不若修望祭之儀而猶有議欲敗和力求勦敵者即未招眾論之排固已為一人所忌也而况檜樹之玉枝早茁秦城之王氣方興心可格天同獻二郎之土頭能壓日全埋五國之春觀其議自柳林歸從漣水彼既收之掌上我乃墮其術中妖星入奴僕之宮毒霧起平章之筆古未有虜王在上而

石鐘山志

卷十二 文徵

十一

奸人不竊柄其間古未有權臣在朝而大將能立功於外一旦環稱主賜旆促軍還空勞豪傑之向風徒恨書生之叩馬城燒赤舌野哭蒼生蓋白晝淮之議既成而中原之地不返矣論者謂出郊不復內御闔外制自將軍苟利國家仁軌之所以降百濟也力陳兵狀子公之所以斬郅支也當日者勵背危之卒策赴義之軍亦何難星掃檣槍風馳歐脫不知君言不宿臣罪當誅匪特不敢以昭昭天日之心稍逞其矯矯風雲之氣而且兩軍先解二帥方歸已奪外援難為孤注使蚤孤莫磨於

城上而屬鏖早賜于軍前功之不成忠將安在是以拊  
心河洛寧盡棄其前功唾手燕雲且徐圖夫後效此固  
事君之誠也抑亦揆幾之哲也無如蠅營未已蝼蛄難  
防鬼獍藍面而元老亡鳩唱白符而長城壞誠以飛一  
日不死則和議必不成飛一日在朝則已身終莫保不  
知其玷相視若讎天縱毒於一臯市交譁乎三虎復有  
雕兒統制貝錦潛昌中正先生化晨相燭亭上之風波  
橫起獄中之白日孤沉三字鋤忠一身報國遂使酌平  
安之酒強敵歡呼跨偃蹇之驢老臣涕泣嗚呼痛哉然  
石鐘山志 卷十二 文徵 圭

而北寺從容會無抱恨南枝森竦終不忘君共愛壻以  
同歸合佳兒爲一傳節義昭乎史冊忠孝聚於門庭銀  
瓶并邊黯黯女貞之樹金陀坊裏淒淒家難之書磬地  
皆悲籲天斯應迄今祠堂耀於巖戶碑碣映乎山椒以  
視借木分骸將銅鑄臭者朝廷改諡且申既往之誅孫  
子捐軀莫幹從前之蠱彼乃貽羞於萬口斯亦何憾於  
九泉古所謂殺身以成仁者其是之謂乎然則公之死  
雖賈恨於烟霞公之烈自爭光於日月矣

請開濬武曲港疏

白 漢

臣 遵奉

皇上面諭湖口關泊船甚險爾須留心欽此 於十一  
月二十八日前往查勘業經摺

奏在案今率同按察司祁國祥饒九道龔嶸於本月初

二日抵湖口縣周閱地形湖邑背山面江左右有兩鐘

山巉巖夾峙直插江中此地設關則商船勢必停泊候

驗而泊船處所止有虹橋一港逼在鐘山腳下夏秋水

漲僅容小船一二百隻及冬春水涸不得不沿江灣泊

石鐘山志 卷十二 文徵 圭

一遇江風陡作不無撞岸觸石之虞此商船候驗停泊

之險也且水涸之時湖廣與江南上下之船到關報稅

不能直捷徑行必由梅家洲背轉行十有餘里來若風

順則去必風逆上下挽駕艱難萬狀及至水漲則湖水

江流交匯於虹橋港口之前兩水衝激洶湧異常少有

微風卽踏不測此又商船出入港口之險也 再四籌

畫如原任兩江督臣阿山請比照江南海關之例於九

江湖口二處分收稅課商船穩泊

國課無虧似屬妥便但格於部議 臣亦不敢再爲瀆請

惟有湖口關右里許山勢開闢內有一武曲港可容千艘但夏秋有水冬春亦涸必大爲挑濬方能四季容舟今酌量自江邊起至港塘口止共長九十三丈寬八丈至十二丈不等牽深二丈至四丈不等港塘長一百丈寬五十五丈深三丈至臨江港口左右建草壩二道以阻淤沙其壩各長四十丈有零牽高二丈有零外加排椿以固壩根如此則港水不涸泊船無虞更請

皇上勅令在關監督愛恤商民船到隨驗不致留滯將見客船商船歌聲載道共祝我

石鐘山志

卷十二 文徵

五

皇上萬壽於無疆矣至挑濬工料隨經委官估計約需費銀二萬六千餘兩其興修日期必俟次年江水消定之十月起至十一十二正二等月即可完工所需工料銀兩臣率同司道府縣於俸工銀內公捐今將湖口縣圖一張武曲港圖一張恭呈

御覽但臣智識短淺應否可行伏乞

聖明指示施行

遊石門序

李曰鉞

介在江湖之交挺生廬嶽依然雲霧之窟突起石門鐵削天空嶽崎雙闕烟沈壁冷曲折層巖百尺金輪梵響如聞天外一泓明月古秋常寄山間野夢相尋虛積十年之憾羣情共赴偕趨數日之遊白太傅擬挾琴書尚慚風願遠道人欣同緇白已續舊因跌坐空軒支頤而看爽氣振衣絕壁搔首以問青天八月新秋遙憶淒淒之雁度孤峰沈暝共聞唧唧之猿啼蕉影空翻疑是一溪風雨佛燈浮現驚看半夜星辰主深山而閒想都忘

石鐘山志

卷十二 文徵

六

愛老僧之清興不淺相接劇談得楚狂遇之方外問我卜築笑匡俗原在山中撥火連床空寄三生之夢清泉白石賴假一宿之緣茲別難忘遊方未厭他年訂約秋以爲期

一百二松亭記

楊大觀

亭在署後懸磻之旁楊子作松棚記成爰歷署陰諸山  
 尋磻而上得快松百餘心甚樂之數松得一百二十株  
 因名其地曰一百二松處客謂余曰是不可無一亭也  
 余因就山形之輔翼導磻勢之蜿蜒遠不接於樵蘇近  
 可通於廨舍卽一百二松處以置亭跨磻之上遂名曰  
 一百二松亭其可傳已由亭而上數百步舊有太虛亭  
 踞山之巔卽城爲址內可盡一邑之概外可覽江湖之  
 分今已廢矣然以眾所共登令不得而忘今茲亭也是邑  
 石鐘山志

卷十二 文徵

七

長豁煩疏壅之處也署在山之坳下氣稍煩矣登眺燕  
 息之不能朝夕也視稍壅矣亭在羣松之右笙簫細韻  
 涼風健人易煩而爽亭在懸磻之上雨餘新霽直下飛  
 流去壅而通仰觀而躍出山腰一笠疑仙人之往來亭  
 在署之外類視而中立展齒前高爲賓客之憩止亭在  
 署之中當高源之會發蔭虬龍之攫拏旣非屋而非舟  
 亦父事而兄事若浮楂可通於遠漢又一琴可響於羣  
 巖雖所息不過數旬實勝事可傳千載效林宗之掃地  
 似應物之焚香比畫舫於歐陽傲擇勝於蘇子又烏能

有泉源之涓灑天籟之颼颼也哉

康熙癸丑七月記

石鐘山志

卷十二 文徵

六

請移湖口關疏

劉堂

為請移湖關仍歸九江以廣

皇仁事竊惟古者立關重門擊析以禦暴客所以衛民生也厥后徵稅以充內帑亦國計民生兩全之道也從未有設關之險如湖口關者伏惟我

皇上陳之湖口乃江西九江之屬縣也江西九江府之有關額稅九萬九千八百餘兩其來已久康熙二十年監督哈山等因逆藩變後軍需緊急請關湖口地方於舊額稅外歲增至一十五萬三千八百餘兩又銅劄水

石鐘山志

卷十二 文徵

九

脚銀一萬餘兩但關在九江府左則有龍開河官牌夾右則有老鵝塘白水港四時水流不息往來商人停舟納稅雖有風浪不驚自移關湖口當江漢鄱湖匯流之衝左右巉巖峭壁插入江心西北風起奔濤怒浪所泊商船遭漂沒而及溺者不可勝紀康熙三十九年左都御史王澤宏有題請仍歸九江之疏督臣阿山查覆格於部議康熙五十七年江西巡撫白潢親抵湖關相度形勢僱募民夫擇於武曲港清塘築隄泊舟收稅意亦甚美商人懷之近年來賴

朝廷洪福江湖安瀾而漂溺者頗少然武曲港地土高亢易於淤塞夏秋水漲可以泊船自冬徂春水涸不能泊船往來商艘全泊大江之濱慄慄危懼有時風雨相遭生死呼吸能保其不漂沒而及溺乎聞之天地之大德曰好生我

皇上視民如傷御極以來四方兆姓望

新恩者正復靡涯今請移關仍歸九江實從有益生民起見懇

敕下江西巡撫將九江湖口兩處設關之地逐一親為

石鐘山志

卷十二 文徵

十

勘驗孰險孰平明白回奏應否移關出自

聖裁再有請者或慮關移而稅必減現今關差歸併巡撫倘關移歸九江照舊收稅其由鄱湖往來鹽商大客該撫酌量如何補足額稅議覆遵行既無虧稅之慮又無漂溺之虞一轉移間戴

皇仁於億萬斯年矣 臣 江西九江府彭澤縣人也家與

湖口昆連故將所知冒瀆伏乞

恩賜全覽施行

濬武曲港記

萬承蒼

贛水逕南昌北流匯爲彭蠡湖又北過湖口縣會湖漢九州入江潴盛洩湍兩石鐘山扼之驚濤怒奔頃洞賦目我

國家置樞關於此稽察非常吳楚巴蜀滇黔百粵之貨畢集日無慮千百艘望旌收帆候使者命乃得度縣城下故有虹橋港甚隘隆冬水涸舟不可入夏漲僅椽百杙餘悉艤江濬每西南風作觸石抵巖或彼此互相擊撞檣折底脫人溺死無算蓋天下關泊之險未有過於石鐘山志

卷十二 文徵

三

此者 皇上御極六十年洞悉九州水道別其平險南顧咨嗟願任職者多循故常鮮可屬事歲丁酉大中丞白公持節巡撫江右陞辭論及之公莅任一年政簡刑清境內大治年穀順成人力有餘乃案行關所周覽形便得武曲港故址距下石鐘五里依山帶洲約可泊千舫沙礫壅陷厥流弗通爰具疏繪圖請鑄俸錢濬治以利行舟得報可於是下令鳩工挽水鑿石堙者關之障者決之俾南昌倅夏景棠董其事公以時臨視人歡功倍五閱

月而告成自江干至港口道以丈計袤九十有三廣八

至十二深二或倍之因港爲塘袤如港口之數加七廣強半於袤深視港口取中焉距港建輓埽左右各一以遏淤沙袤四十丈廣八丈高二丈許外加排椿衛之又酌蠲歲修費使可恆守是役也計費白金二萬六千兩有奇皆出公私庫中按時倍給上無煩國帑下無妨民力迄工畢而所部不知其勞己亥孟春之九日公輕騎渡江率樞使者及知縣吏坐關上決水注塘雷動雲涌颿檣林立欸乃並進如履坦途岸上聚觀者萬人咸持石鐘山志

卷十二 文徵

三

香泥首馬前歡聲振地謂公能推廣 皇仁挈遠近行人於驚濤駭浪中而登之衽席也乃相與釀錢建亭港上恭祝 萬壽亭下構書院刻碑頌公丕績垂諸無窮承蒼時里 居目擊斯盛爰誌其始末系以詩 皇帝治世德洋恩普康濟萬年平厥險阻湯湯西江匯於湖口在昔設關以稽行旅石鐘巉巖風水熒怒江豚拔舟弭楫無所 皇帝曰吁是在守土時惟我公授節來撫公之來矣矻

爲砥柱志耿冰雪手作霖雨庶績既熙百廢具舉迺命扁舟於彼彭蠡相眎江皋怪石撐柱有港武曲在關之下百年勿用化爲林莽墜之闕之千舸斯聚公顧而怡上奏

聖主出已俸錢振民疾苦迺集眾工迺興蕃鼓孰塞孰墩孰陷孰補深者爲塘平者爲浦周爰經營不日就緒駕言觀之決水騰注舳舻競進魚魚雅雅遠近行人環列如堵萬口同聲式抃且舞昔也畏途今則甯宇咸頌公恩伏地稽首公曰匪然

石鐘山志

卷十二 文徵

三

天子命子俾生爾民無歎淪胥

天子有命匪公曷輔萬民有生匪公曷怙迺建崇亭敬祝

萬壽願公耆頤

皇躬是保迺構書堂銘績鐘簾願公繼嗣永錫純嘏決決江波青青廬阜我公之德昭茲來許余忝州民盛事目覩是用作詩以繼吉甫

石鐘山楚軍水師昭忠祠記

曾國藩

咸豐八年七月國藩將有事於浙江道出湖口廣東惠潮道彭君雪琴方庀局鳩工建昭忠祠於石鐘山祀楚軍水師之死事者告余具疏

上聞八月疏入

報可明年七月國藩將有事於四川再過湖口則祠工已畢祀營官蕭節愍公捷三以下若干人後楹祀勇丁若干人其東爲浣香別墅前曰聽濤眺雨之軒後曰芸芍齋齋後傳以小亭亭下有小池度梁而南穿石洞東

石鐘山志

卷一二 文徵

三

出曰梅塢迤西少陟山曰鎮江亭其西絕高曰觀音閣閣外曰魁星樓僧徒居之又西曰坡仙樓刻蘇氏石鐘山記其上憑高望遠吐納萬景一草一石煥然增新矣當楚軍水師之初至也造舟始於衡陽大戰始於湘潭其後克岳州下武昌大破田家鎮今福建提督楊君厚堪與雪琴暨諸君子喋血於狂風巨浪之中燔逆舟以萬計轉戰無前可謂至順其後官軍深入彭蠡之內賊乘水洞大塞湖口退我舟使不得出於是水師有外江內湖之分內者守江西外者援湖北驕然若割肝胆而



判爲楚越終古不得合并至咸豐七年九月攻克湖口  
兩軍復合蓋相持三年之久死傷數千人之多僅乃舉  
之方其戰爭之際礮震肉飛血瀑石壁士饑將困窘若  
拘囚羣疑眾侮積淚漲江以求奪此一關而不可得何  
其苦也及夫禍成之後裸薦鼓鐘士女瞻拜名花異卉  
旖旎啾啾江色湖光呼吸萬里曠然若不復知兵革之  
未息者又何樂也時乎安樂雖賢者不能作無事之樂  
感時乎困苦雖達者不能作違眾之驩欣人心之喜戚  
夫豈不以境哉吾因是而思夫豪傑用兵或做一生之

石鐘山志

卷十二 文徵

三

力擲千萬人之性命以爭尺寸之土不得則鬱鬱以死  
者甯皆憂斯民哉亦將以境有所迫而勢有所劫者然  
也若夫喜戚一皆主於己不遷於境雖處富貴貧賤死  
生成敗而不少移易非君子人者而能庶幾乎余昔久  
困彭蠡之內蓋幾幾不自克感彭君新構此祠有登臨  
覽觀之美粗爲發其凡焉

求闕齋日記一則

曾國藩

雪琴所修湖口昭忠祠中廳各營官哨官神主在焉後  
廳各勇神主在焉西所爲報慈禪林僧徒所居其後爲  
觀音閣中一層爲鐘馗樓皆雪琴報慈之所樓西爲坡  
仙樓刻東坡記於壁東一所爲浣香別墅中一層爲聽  
濤眺雨之軒後一層爲芸芍齋之後身爲且閒亭亭  
後有小池有假山石洞穿洞而出登山爲鎮江亭余去  
歲及今過此皆住芸芍齋中

石鐘山志

卷一 文徵

三

因題一聯云長笛不吹江月落高樓遙吸好風來因掉  
小舟至鐘山下尋石洞入可數十丈仍由東大石下出  
大石卽東坡所稱可坐百人者也余曰石鐘山者山中  
空形如鐘東坡歎李渤之陋不知坡亦陋也上鐘山之  
下亦有深巖

讀東坡石鐘山記書後

求開齋日記

曾國藩

自咸豐四年十二月楚軍水師在湖口爲賊所敗自是  
戰爭八年至十一年乃少定石鐘之片石寸草諸將士  
皆能辨識上鐘巖與下鐘巖其下皆有洞可容數百人  
深不可窮形如覆鐘彭侍郎玉麟於鐘山之頂建立昭  
六祠乃知鐘山以形言之非以聲言之鄭氏蘇氏所言  
皆非事實也

石鐘山志

卷十二 文徵

毛

重建湖口縣城啟

彭玉麟

蓋聞森嚴門戶黃圖之地險須憑襟帶江湖赤練之靈  
其用拱故連城環鋒魚傳銅鑰以分持而列郡星羅難  
懸金鋪以增壯自來扼隘都環立壁之形何處通津不  
築彈丸之邑則有口衝彭蠡面挹匡廬當三省之要區  
擅雙鐘之名勝千艘萬舳估帆接次而來短墩長亭驛  
騎趨塵而至如湖口縣洵往來之孔道稱南北之通衢  
一自贊虎亂生鳴狐變起冤血橫飛於赤社妖氛逞毒  
於朱陵負固負嶠恃高峰以爲窟山前山後隨石罅而  
石鐘山志 卷十二 文徵 毛  
環牆檄帶層營已絕羽書之路壘陳夾岸竟成角犄之  
謀利雖失乎仰攻勢必懸爲孤注幸賴  
國家威力穴殲螻蟻而無遺那堪城郭墟煙土沒馬馳  
而莫認大江東去當年之折戟消乎殘照西來此日之  
荒榛滿矣本統領克平斯邑與有微勞結山水之因緣  
駐樓船而坐鎮邊隅獨控實爲江右之咽喉尺壤初完  
可乏泥封之保障况乎臺城而下逆敵方張饒郡之間  
寇烽尚厲非綢繆之盡善恐防禦之或疏漠視何安經  
營貴早曾節帥引爲己任爰上達夫

龍顏本統領事以身先願首輸夫鶴俸况賢宰久稱生  
佛而邑人樂於從公鉅費豈能獨肩廣願必須饒舌當  
知眾擎易舉聚杉木以程功尚望合力圖成奠金湯於  
水固此際臺堆七寶共謀不日之觀他時屋比萬家胥  
受無疆之福

石鐘山志

卷十二 文徵

无

石鐘山楚軍水師昭忠祠記

彭玉麟

道光三十年粵西姦民洪秀全楊秀清蓄髮構亂陷州  
縣以十數窟穴叢山中大軍進剿積歲弗能定咸豐二  
年閩粵境間道犯長沙解圍後由益陽湘陰掠民船萬  
計乘風過洞庭陷岳州屠武昌三年正月掠九江殘安  
慶入金陵據爲僞都六月由湖口泝彭蠡犯江西行省  
江忠烈公忠源以楚軍堅守得全終以無水師故不能  
大創賊兵部侍郎曾公以親喪在籍有

石鐘山志

卷十二 文徵

三

詔起復治鄉兵念賊擾長江非舟師莫能制其死命遂  
建三省會剿議治戰艦於衡州時承平久人不知兵水  
師尤創舉相顧聘貽曾公精思詣微尺寸皆有渠度拔  
今福建提督楊公載福於羣伍中令典水軍玉麟亦承  
其乏屬武昌再陷

廷旨趣行遂以四年正月發衡州二月抵長沙則逆舟  
數千已溯流至銅官渚逼近省門曾公遣將復甯鄉賊  
遁會岳州陸軍敗賊間道撲湘潭擄商船萬餘將泝湘  
江通兩粵長沙危在旦夕四月朔玉麟會楊公褚運使  
汝航夏運同擊以舟師援湘潭鏖戰五晝夜盡焚賊舟

忠武公提督塔齊布以陸軍夾擊復湘潭曾公加飭戎  
政七月誓師水陸東下連戰皆捷塔忠武斬偽丞相曾  
天養閏月復岳州褚夏二公死綏羅忠節公澤南來會  
軍水師追及嘉魚次金口八月攻武昌漢陽下之九月  
收黃州蘄州十月大破田家鎮鐵鎖之橫江者七鼓轉  
火鎔液之燔賊舟萬有數千忠武忠節踏賊半壁山浮  
尸蔽江十一月舟師次九江陸軍克興國大治北渡剗  
黃梅鏖廣濟撤蘄水進蹴九江玉麟遂率前鋒直搗下  
游之石鐘山石鐘者當彭蠡口西江鑄鍵賊必爭者也

石鐘山志

卷十二 文徵

三

先是江西之戰船數百淪於賊賊用是塞湖口拒我連  
壘山巔爲浮梁鐵鎖視田鎮加密隔岸梅家洲矗僞城  
環巨礮數百水涸弗利仰攻介士多死傷我軍憤甚遂  
以十二月中旬簡輕舫猛進燔逆舟之在湖者自大孤  
山至南康都昌當者輒盡會水益涸賊悉銳守兩岸鐵  
鉞斷中流師弗克歸各巨艦及輜重之泊外江者繼爲  
賊焚九江營亦被襲於是外江與內湖如限絕域矣五  
年正月湖廣總督兵潰武昌漢陽復陷曾公留塔忠武  
羅忠節圍九江而命玉麟駛援鄂至則與巡撫胡公林

翼相依倚搯沌口蔽湖湘曾公入章門加治水師饒廣  
告陷檄羅忠節自九江移剿復弋陽及廣信六月克義  
甯塔忠武卒於九江軍別遣將規湖口蕭節愨公捷三  
率內湖水師夾擊石鐘山以外江無援不克七月節愨  
中礮死羅忠節赴援至武昌壁洪山鄂禍差解而僞翼  
王石達開由通城條入義甯躡江西境連陷瑞臨袁吉  
撫建各郡與粵東賊由茶陵入江者合勢益張十一月  
曾公調九江軍勦瑞臨檄玉麟繞道來江統水師時道  
梗易服爲賈人重趼千餘里十二月達曾公營六年二

石鐘山志

卷十二 文徵

三

月陸師潰於樟樹鎮兵之在下游者悉援省垣南康亦  
失其別攻撫州者相持數月不能下當是時烽火逼會  
城官私掃地赤立戰士縣釜待炊岌岌不終日其卒能  
擋拄者以水師分搯各要隘賊飽掠終不能舟運故官  
軍得補救而徐以自全也六月水師復南康七月湖南  
援軍至瑞州十一月克袁州羅忠節歿於鄂贈總督李  
公績賓領其眾亦以是月偕巡撫胡公再克武昌提督  
楊公帥舟師復漢陽黃州蘄州抵潯陽內外軍相望無  
由得合李公尋攻九江掘長濠困賊十二月曾公勞軍

九江七年正月命瑞州軍效圍九江法二月曾公復奉  
諱疏請以楊公總理內外水師而以玉麟協理得

旨報可兩軍雖洽一然終懸絕江湖間以石鐘爲之梗  
閼也七月水師官軍克瑞州進搗臨江楚師之圍吉安  
者亦屢戰勝惟九江死拒如故玉麟商楊公以九江恃  
湖口爲援不拔石鐘九江終不可得密約李公率陸軍  
從八里江潛濟出賊不意撼其城內外水師夾擊血戰  
兩晝夜以九月九日破梅家洲僞城燔石鐘山賊巢積  
其崖獲賊戰艦八十九巨礮千二百有三殪悍賊萬餘

石鐘山志

卷十二 文徵

三

攻克湖口於是水師之三載阻絕者內外皆合玉麟率  
師循彭澤取小姑進逼安慶楊公則乘勝復望江東流  
建德抵蕪湖之荻港破繁昌泥汊兩僞城賊餘幾蕩盡  
計我師陣亡亦不下數千人矣十二月水陸官軍克臨  
江八年四月克九江殄賊無遺種旋收撫州建昌石達  
開竄擾浙閩八月吉安攻克江境肅清曾公奉

命援浙閩軍次湖口玉麟以水師戰亡諸將士乞疏請  
勅建昭忠祠

命既下爰與楊公集議建祠石鐘山前楹祀蕭節愍周

貞愍褚運使夏運同副將成章鑑參將羅勝發游擊黃  
國堯都司史久立易景照李洪盛謝新有陳友德郭德  
山守備黃開進白人虎等而以弁勇三千餘眾補之後  
楹於是玉麟緬述水師緣起及分合之由鑱諸石以諭  
後人當洪楊之初煽亂也憑山爲巢雖悍而其地僻且  
遠勢甚渙舟掠洞庭以來挂颿指金陵舳舻千里大軍  
十餘萬芟舍從之弊弊然常出其後故東南辦賊必恃  
水師

石鐘山志

卷十二 文徵

三

三江在事者多不措意戰船久窳脆不可考臨敵泊水  
師如倡絕學於舉世不爲之日微曾公冥心孤往合羣  
策以圖之天下事尚堪問哉今自湘源以下長江二千  
餘里官軍分扼其吭無一賊帆上駛不可謂非水師之  
力抑死事諸君子之力也嗚呼

朝廷養士二百餘年司計所入大半以供軍餉乃大亂  
幾及十年出死力以捍危疆顧馱在草澤寒微之賤士  
諸君子趨死不顧利害身殉至三千餘人綜計全楚國  
殤殆以數萬計竭數萬眾之死力屢蹶屢奮轉戰數千

里而大難迄猶未紓死者而有知也月黑風寒之夕江  
波怒號水石相激毋亦有不平則鳴與所謂窾坎鏗鞳  
噌吰如樂作者相應和也乎是大可悲已祠在山之椒  
凡數十楹別置田產歲取所入供香火修葺募僧主  
持之牒江西行省當事者存其牘以垂遠後有作者覽  
此軍緣起分合之由及死事諸人併力以奪茲山之難  
且險其亦念慎固封守之義而勿以險要資敵也夫

石鐘山志

卷十二 文徵

三

石鐘洞敘

彭玉麟

洞濱江倚湖冬潮落則門出焉透漏玲瓏莫可言狀蜿  
蜒行劣則如龍枯蛤滿峭壁儼然鱗甲左右旁通上下  
數疊曲折寬敞可容千人最上層燭而登平坦温煖老  
蝠如扇石峽有子洞蛇而八復高廣三人可坐丹房二  
字題於壁旁岐多小詩均新奇可喜如我來醉臥三千  
年且喜塵世無人識又如小憩千年人不識桃花春漲  
洞門關等句大約皆曩時遊人狡獪之作墨色黯淡惜  
無年代可考蓋全山內空如鐘覆地而上鐘山亦中多

石鐘山志

卷十二 文徵

三

空洞且山勢上銳下寬似宜以形論不以聲論蘇子所  
謂窾坎鏗鞳噌吰如樂作者乃過其門未入其室也天  
下水中山多矣凡有罅竇風水相遭皆有噌吰鏗鞳之  
聲風愈激而聲愈洪不獨此山爲然至酈氏所論南聲  
北音更不能無疑予不敏不學非敢妄議古人不過親  
歷其境身經目睹以形象意度之故敘以待考古君子  
云爾

東坡石鐘山記跋

彭玉麐

石鐘山舊有蘇子記碣風雨飄零年久蝕落沒荒蕪中  
 乾隆戊寅翁覃谿以宮詹視學江西過而書付於石往  
 來游人多搨之歷六十餘載至咸豐癸丑粵逆犯豫章  
 陷湖口踞此山爲巢是碑遭兵燹大雅其弗覩矣越丁  
 巳子率戰艦破賊收復是邑於山巔建昭忠祠以祀陣  
 亡諸將土工竣適邑侯岑藕舫司馬蓮乙於舊家得翁  
 書石鐘山記墨搨一紙來示予喜見名賢遺蹟不忍湮  
 滅交幕友大瀉山人胡君湘林鈞而重鐫之以存湖山  
 石鐘山志 卷十二 文獻 三

故實就昭忠祠左偏懸崖砌坡仙樓以藏是石並貫一  
 聯於樓曰石骨聳烽餘百戰河山增感慨鐘聲聽浪擊  
 千秋名士有文章特記是山之與是記云爾衡陽彭玉  
 麟跋時咸豐戊午秋九月也

石鐘飛捷樓記

沈葆楨

扼江湖匯合之衝據吳楚東南之勝者莫石鐘山若也  
 山有樓曰飛捷衡陽彭公雪琴所建樓成未有名適金  
 陵馳露布至喜以飛捷題其額豈徒張我武功也哉余  
 昔守廣信鑲置兵單以孤注倖全綜計江西各郡縣前  
 後遭賊糜爛無險不失獨贛州與省會僅存良繇承平  
 久事起倉卒人不知兵及余觀察九江雖知石鐘形勢  
 爲長江用武必爭之地而權不我屬比幸彭公誓師擊  
 楫肩任其艱於咸豐丁巳力搗石鐘復湖口越明年戊  
 午得九江金陵踞逆痛我之扼其吭也以死黨伺間襲  
 之於時守備仍虛血楮兩巖骨橫四境毅魄助孤城  
 苟完雖人力亦由天幸余膺  
 天子命謬任撫綏倘再致賊與我共此長江之險東南  
 大局尚堪問乎因檄陸軍合水師共倚石鐘爲砥柱力  
 挽狂瀾由是賊勢衰會節帥進取金陵之計決矣同  
 治三年歲甲子六月金陵地道成克之余既有事至九  
 江過湖口登石鐘之樓集文武宴坐揚解而言曰賊自  
 竊據至今歷十五年蹂躪及十六省淪陷共六百餘城

荼毒生靈不可以億萬計皆前之人以江險貽寇致此  
也曾公創水師以奪江險者制勝之上策用心之苦天  
人鑒之竟能勉副

廟謨削平大難此地爲成敗樞紐可剝那忘耶爰批筆  
記之以示來者

石鐘山志

卷十二 文徵

美

石鐘山銘并序

高心夔

湖口負山爲縣阻臨大江石鐘山踞其北隅下與城屬  
自明季城圯更二百餘年莫之繕完莫知石鐘山之爲  
險者大軍旣克九江今太子少保協辦大學士兩江總  
督曾公再起視師論奏湖口重鎮宜城以授今兵部侍  
郎彭公而檄知縣事候補府岑君蓮乙縣人按察使銜  
候補道屈君蟠監植因民之材徵力士之能者遂經始  
咸豐九年己未四月葺而城成洎庚申十一月池甯賊  
馳四百里襲湖口與祁門援兵爭道山口市樓櫓麓繕  
石鐘山志 卷十二 文徵 早  
人吏疑約內江水師總兵丁君義方勒兵入保會大風  
彭公乘舢板從黃石磯來省城守城守見丁當攻者十  
一然賊固已氣沮宵遁矣一城之蔽厝江湖於堂奧捷  
應彰彰且彭公之來也大江昏冥巨浪裂山岳船中人  
大恐彭公意氣益銳卒存此城難矣天塹之險顯於水  
師開通東道實始湖口經營湖口莫盛於彭公高心夔  
歎之曰偉夫君子之勤也地勢下江海而秀高陵窾者  
善容翹者善舉凡有氣以充之有督師諸君子以興有  
是役湖口之險以具是故一城而已而利在國家吾聞



丁巳九月八日彭公率內江礮船拔梅家洲明日水陸  
大舉克石鐘山山洲翼江而壘賊殊死阻禦四年矣游  
擊蕭公捷三之歿師屯吳城彭公代將崎嶇拊循併力  
以規長江之利東攻卽首湖口豈不以險哉今民耕者  
還其疆祭者循其壘謳歌之聲與茲山無極矣彭公冥  
游之頃臨乎江城抑猶拊衿傷懷吁嘯忼慨思所以居  
成功勸來者光輔我

聖清僉曰宜爲之銘其在工宣力者別有書銘曰

帝憂南紀界斧元戎有醜逋誅穢我土邦元戎涖斯賁

石鐘山志

卷十二 文徵

聖

耀

皇武沃滿以江莞枯以雨嶄嶄維巖棲阻於天疇剪夷

斯侍郎桓桓燔山揜斲天壁匪高奪江飛援鸞舟於濤

惇養之存忠信之繫孰躬瘁況而聞不至川陵委輸阜

成方垣昔勞而遑今胥而安何濶掖都含荆歎吳鬼萬

斯仍攸詹畢圖旒旒長麾侍郎其東河海旁潤歌舞子

同

皇威克宣有建無改作固於民敬勗良宰

石鐘山鎮江亭記

楊昇

古之名亭者如醉翁喜雨類皆卽景寫情未有如湖日  
石鐘山鎮江亭之取義甚大也亭爲湖南彭公雪琴方  
伯所建自甲寅歲粵賊占湖口倚石鐘爲城作久據計  
十二月彭公領水師簡輕舸猛進將逆舟在大孤山南  
康都昌者悉焚之一切戰攻不及悉記旋因武漢有事  
罷攻至七年七月彭公統勝師由吳城趨湖口密約李  
迪菴中丞帥陸軍從八里江潛渡自率水師與外江楊  
厚菴軍門夾擊於大孤山梅家洲柘磯等處時賊勢猛

石鐘山志

卷十二 文徵

聖

驚悉銳拒我較前此友諒宸濠之戰尤甚彭公則十盪  
十決大縱大橫日衝突於石走沙穿之地狼烟毒霧之  
中卒不反顧將皆爭先揮戈則斜日退舍鳴鏑則妖星  
落芒纛旗與雲霞幻色雷礮同山谷應聲野鬼涕腥風  
發烽火明漁燈滅豚浪不吹鷺飛直墮如是者塵陣兩  
晝夜遂以屍填巨港血滿長渠夜奪重關容猶醜而生  
擒巨逆祭可挖心誠千載一時之惡戰也而豈易言哉  
是役也獲賊戈船八十九巨礮千二百有三殪悍賊萬  
餘克復湖口我水師三載阻絕者至是內外始合彭公

迴念同事敢死之士如蕭節愍褚都轉夏運同周貞愍  
羅參戎史都司等先後陣亡幾三千餘人皆一世之雄  
也功則偉而情已慘矣爰於山巔建昭忠祠分專祀附  
祀書姓名官階於木主作文以記其事其位置之妥堂  
宇之宏曲折蜿蜒之妙誠所謂一邱一壑具見經濟祠  
後有亭曰鎖江義取章貢九江諸流之水均此會合而  
此地又爲數省鎖鑰賊以死守我以死爭既得之後非  
重兵不足以鎮之故彭公水師至今猶在鄱湖表裏也  
余以代辦九江關務過訪彭公偕登鐘山瞻仰祠宇讀  
石鐘山志

卷十二 文徵

三

諸公題聯覺廟廡間凜凜有生氣由罅天入斯亭則又  
改前規有一覽眾山之概益信斯人斯亭之均堪千古  
也余讀昭忠祠記悉其前後豐功用是不揣固陋誌以  
斯文登斯亭也望纍纍之白骨則悄然而悲看縷縷之  
青煙則慨然而喜思餘孽之未淨則戚然而憂閱檣帆  
之如林則又瞿然而起我知彭公偃仰斯亭其必有慎  
固封守之意也筦鑰之任有如此亭豈區區卽景寫情  
云爾哉時咸豐己未季秋月西安鳳山楊昇記

登石鐘山賦

周錦濤

有石鐘山焉地東于帆天空一覽比玉律之鏗鏘奪秋  
爽於菡萏壯咽江聲雄催詩膽夕陽飛鳥乾坤日夜之  
心芳草浮雲吳楚東南之感溯夫酈公注晰蘇子文佳  
伊琳瑯之振響本水石之安排天籟地籟山涯水涯秀  
挹衡廬爲羨登臨我輩衡兼江漢每宜名士高懷徒觀  
夫懸巖萬仞峭壁千尋紅亭曲曲綠樹沉沉石峻嶒兮  
立玉鐘鏗鞳兮鏗金水色天光互相上下孤峰絕徑各  
半晴陰猶未極妙賞於前古飽雅興於來今乃有飲墨  
石鐘山志

卷十二 文徵

三

文人提壺嘉客尋故碣於江干訪名流於舊迹帆落煙  
開江迴山碧踞石攀藤之次放眼從茲振衣濯足而來  
豪情猶昔懿夫草滿渡頭江流天外樹繞依微霞飛映  
帶點綴青蘋野水絕好淡描低迷白鳥孤帆淨無纖壻  
吞跳盪之雙丸納須彌於兩大至若曉露江蘼晚風隄  
柳雨過濤翻浪鳴岸吼駭十萬之洪軍瀉一江之春酒  
赤岸銀河之勢瀚海疑如雙流九派之交洞天別有以  
故雄稱天塹勢踞江湄無雙據勝第一稱奇俯南洲而  
一瞬歷北固而下窺孤鶴朝飛掠巖端而自在靈龜夜

激感逝者之如斯歌曰左里東頭漢水濱坡翁曾此記  
問津祇今夜鐘聲在獨憶當年艤棹人

石鐘山志

卷十二 文徵

望

石鐘山記

孫汝霖

石鐘有兩山一曰上石鐘相傳爲南音函胡者一曰下  
石鐘相傳爲北音清越者兩山夾拱縣治雙鎖蠡湖自  
經浩劫以來石有怒聲山無笑色賴 宮保彭公請建  
楚軍水師昭忠祠於下鐘之巔名勝增新石鐘之奇更  
甲於天下矣祠列前楹後楹分專祀附祀立木主紀死  
事諸君子官秩姓名俎豆湖山並壽千古祠左鄰佛殿  
門署報慈禪林殿後曰慈蔭閣凌絕頂彭公爲太夫人  
祝釐處也其下設僧寮俾住持供香火齋庖溷廁亦序

石鐘山志

卷十二 文徵

望

列如次前聳鍾進士樓迤左爲坡仙樓刻有坡仙石鐘  
山記乃翁覃溪先生手筆更上一層殿三楹山色湖光  
天然圖畫憑欄玩久不忍去南有船廳觴咏其中如天  
上坐廳面一亭矗起額書江天一覽趨磴入精舍極間  
寂近以餘地創廈數間特備使節駐山時寬容騶從之  
所繞廊右轉爲沆香別墅外建

上諭亭中立

御碑曾文正公所敬書也墅內闢地數弓蒔名花不一  
種列石則斂瘦透三者皆具另撐石笋一枝望之如籀

甫驚雷已有凌雲之概對立響石扣作泠泠聲前苑挺立石丈嵌空玲瓏題曰冷雲卽對之下拜亦無心出岫也壁勒唐魏文貞書今尚書賀公詩會彭二公昭忠祠記及梅蘭各石刻迴廊護之前曰聽濤眺雨之軒後曰芸芍齋齋後且開亭石巖障前疑無路矣及觀巖下池池上梁則又扶筇而度入石門登鑄天由桃花洞穿出至梅塢中刊彭公大梅椿於壁西陟一亭名鎮江寓控鍾江防之義過亭仄踐羊腸一綫曲折而東忽奇石疊雲迎面一碼上橫別有天三字再進探石門尋六十本

石鐘山志

卷十二 文徵

吳

梅花寄舫四圍古榦離披於暗香疎影中忽逢奇境一路有梅花相引上小羅浮見蕉桐映碧松竹垂青爲綠陰深處此地最宜消夏於面壁軒靜坐終日塵俗胥蠲左構客座兩間前列單房行脚遠僧駐錫於此迎薰館有風徐來遇知已攜琴獨彈與山籟江濤相應答足令聞者忘倦欲鼓興登高眺遠厥有氣象尊嚴巍然出雲表者一樓在焉先是樓成待命名適攻克金陵露布飛馳到山彭公卽以飛捷名斯樓爲名山壯色洵盛事也踵樓右十數武卽歸去亭顧名動浩然之念亭前橫石

池水清淺又有野花翠竹交映左右歷階循樓簷徐步出紺園下石路約二百餘級抵半山倚亭檻置身平等仰攀絕巘俯視懸崖又闢一番眼界惟望上鐘名蹟但存遺址倘亦如下鐘踵事增華則遊屐往來更無歧視矣燕山軍門結山水緣於此已歷十五年每與二三好友及當道名公卿頻臨縱觀如百讀奇書不厭則欲遊山而未果者其悵惘可知卽遊而易散煙雲過瞬轉增夢想因亟命工繪圖俾人人几案間都現一石鐘山庶幾有目共賞大快人意爰以游覽偶筆書於圖以留鴻

石鐘山志

卷十二 文徵

吳

爪之迹云爾

過石鐘山贈彭宮保聯跋

潘 燾

壬午仲冬奉

命來撫江右維舟石鐘山下煙波浩淼四望無際因悟  
太白孤帆入天鏡句之妙復與兒輩論東坡原記凌晨  
欲登岸一覽客來未果遙望退省盦主人新築亭館適  
當湖口絕景葭蒼露白不勝秋水伊人之溯謹撰聯以  
贈云天鏡照晴空謫仙去後來坡老石鐘留勝迹小姑  
依舊對彭郎古吳潘燾撰於湖口舟次

石鐘山志

卷十二 文徵

完

石鐘慈航記

胡傳鈞

湖口設救生船三善舉也當司農統籌樽節獨於救生  
一項出納不吝經費如常有司歲領有款屆期領小修  
大修有款是上之人務以人命為重欲始終以成善舉  
也邑有石鐘兩山夾峙江湖濱迴流急湍奔騰澎湃或  
顛風猝作則捲水激石浪立如山石鐘噌吰之聲與舟  
人呼號求救之聲震動天地有船焉力救其生定存亡  
於呼吸之頃洵為莫大陰陽無奈船少而修不固一二  
處有失以一二船救之餘則力難兼顧有時風浪過猛

石鐘山志

卷十二 文徵

卒

救人者反望救於人愧滋甚已梅家洲渡船者渡人之  
生也原與救生船並行不悖適有初鮮終僅一船接遞  
公文而已貧民以楫舟賣渡風覆者有之漏沉者有之  
官斯土者是皆不無遺憾不才因揖軍門而言曰石鐘  
義渡之設聞公嘗嚮鮑太守謝游戎論及之今請贖金  
為之倡乎議定不兩月子因省親解組亟歸去越歲過  
石鐘而渡成鼓棹往來罔占滅頂何赴義之勇也他日  
梳柁之修葺榜人之餼糈何恃以不乏勤惰之賞罰利  
弊之興除何法以垂久恐善後之舉仍賴仁人尤望繼

其事者委守定章實心普濟擴充救生善舉渡引眾生  
斯誠石鐘慈航也故名之軍門爲誰蓋鎮湖使者益陽  
丁義方也太守則釐局委員和州鮑孝光游戎則水師  
中衡長沙謝濟畚此偶粗述梗概至同志樂輸姓名均  
俟敬泐貞珉垂不朽焉  
光緒庚辰春三月之吉

石鐘山志

卷十二

文徵

五

遊下石鐘山記

胡傳釗

余於光緒丁丑權篆湖口越歲戊寅二月春和景明媚  
友游石鐘山磴道屈曲停趾半山倚檻遠觀已覺目開  
心朗豁然猶絆鳥之去其縑籠天空任飛而莫知所止  
也徐步山椒入紺園禮報慈禪林報慈者彭宮保爲祝  
母釐所建令人怵怵動陟吧之思因急覓狄梁公白雲  
亭址不得欲凌絕頂之最高處莫如飛捷樓奮袂往登  
開窗縱眺諸景不暇玩惟見白雲之在天風卷如飛頃  
刻變幻疑自吾楚衡嶽經瀟湘而來者極目南望水天  
一色蓬蓬然似有親舍在其下梁公當日情景何殊轉  
瞬滄桑各成今古遂不禁感慨係之下樓數十武穿罅  
天出桃源洞度橋上鎖江亭過且閒亭小憩繞尋小羅  
浮忽一處濃蔭蘸天不辨松竹導者曰此綠陰深處也  
進六十本梅花寄舫坐春風中良久不忍去出別有天  
經芸芍齋拜齋前石丈聚聽濤眺雨軒茗話片時轉出  
船廳立江天一覽亭彭公題額曰聽鐘聲處俄而萬竅  
怒號雙鐘激響隕籟疑雨掀濤拍天座客有長太息聲  
者若與此噌吰鏗鏘之音相應和也折回報慈禪林肅

石鐘山志

卷十二

文徵

五

瞻昭忠祠至慈陰閣凝神定息別有所思探幽未窮曠  
色忽上清濁莫辨歸鳥噪林客曰歸乎相與行面壁軒  
迎薰館一路取道歸去亭而歸

石鐘山志

卷十三 文徵

壘

游上石鐘山記

胡傳釗

蠡口之濱有上下石鐘山焉上扼湖下扼江如蒼龍之  
雙闕岌業左右又如人分引兩臂缺一不可自古幹濟  
雄才乃心王室高瞻遠矚審顧形勢每視爲中流砥柱  
爭據險要以固藩籬自兵燹迭經致往古名蹟悉爲灰  
燼下鐘賴今昭忠祠報慈禪林之建亭閣參差掩映於  
水光山色之間依舊供人游覽上鐘各景未復惟任白  
雲自往來而已予偶乘暇一游時已秋深寒風吹衣怒  
濤濯魄詰曲亂石中忽凹忽凸偕游者廢焉欲返余強

石鐘山志

卷十三 文徵

壘

之行問上鐘寺僅見斷瓦頽垣荒蕪叢狼籍萬松古木  
一株無存山畔植有松秧十餘年如故蘇公所聞鶻聲  
磔磔雲霄間者亦歸棲無處矣山頂重立繫馬椿相傳  
明太祖繫馬之所山腰尼庵數間落窳荒涼無可瞻玩  
類視英雄石卓立千古雖幾閱滄桑不改其貞介之度  
令人撫景流連愜然動色而歎曰江山爲天地之壯觀  
也有如是乎形勢與下鐘同名勝與下鐘同險峭離奇  
與下鐘同獨一喧一寂判若天壤幸與不幸有不同焉  
是則壯天地之觀者在乎江山而爲江山壯天地之觀

者實在乎人人固無意上鐘之寂也亦非有意下鐘之喧也有文章焉勳業焉輝煌並耀於兩鐘何分今古何分上下若徒較量於一時之游迹以爲相形見絀焉貽笑山靈已

鎮署舸亭記

丁義方

余既任斯鎮之明年

朝廷遣官建署凡夫屏轅堂室準則例部署井然蓋

深沐

皇恩以躋此署也今而後鞠躬盡瘁勵乃臣節藉爲報稱之地則可或視爲宴息之所則不可署東偏官闈地爲演武廳長百餘弓闈四之一可槍可射可雜技惟不可馳道地狹故也西偏客廳兩重庭檐上下相配堂之中撰有公生明題跋用自勗也公餘之暇與二三知己

相晉接調絲品竹雅歌投壺開筵坐花飛觴醉月均無不可惟是有賓客之位無遊息之亭如古何將軍之山林庾開府之小園缺焉不於此略加點綴未免使前人笑我又明年見前廳後荒地畝餘雖亂草碎石不堪寓目然芟剔之可園也於是繚以短垣平其地而園之名爲可園園中有凹處可爲池則砌石而池之爲可池池雖小可以礪是謂可礪從此風晨月夕散步花間俯仰流連宜可快然自足矣雖然猶未也如行文然無層出不窮之義則一覽無餘閱者倦焉已乃謀諸垣外垣可



門則門之承以飛廊垣外餘地稍闊惟依山作勢不甚方正如前法修治之隨其高下高者層砌之梯以石磴下者平之高者可種樹下者可栽花如梅李松桂之屬不一類草本近白兼及瓜蔬惟菊花種類頗繁貴其芳晚節也猶是圃而旁見側出闕境有加於前擬命之爲亦可園園亦有隙地不爲池嫌複也可爲亭乃上下爲兩園而以亭居其中時或攜一張琴一枰棋一壺酒掃榻焚香陶然獨醉不讓羲皇上人客至則略去禮法不問孰主孰賓品酒評花談兵說劍而情意愈加浹洽則


石鐘山志

卷十二 文徵

七

是亭之樂未知視庾何諸公當日何如顧余猶不僅爲遊賞計也余年過學易忝列大位無術如霍子孟寡過未能妄念易起外庭紛擾難於檢察心有不獲思辟人獨坐其間意者靜則明生如魯參政之退思巖王半山之知妄室師其意而不襲其名古人其許可乎擬仍以可名吾亭雖然余所領舟師也今之構是亭也既不敢忘有所事而沙棠松棟規做舡舩鳥革翠羽松檜波而上者假令風行水面是亦青雀黃龍之舩也爰取其象顏之爲舸亭兼以勵同舟共濟之義應無不爾

石鐘山志卷十三



桐城方宗誠 校訂  
善化胡傳釗

藝文

歷朝詩錄

劉宋

入彭蠡湖口

謝靈運

石鐘山志

卷十三 詩錄

一

客游倦水宿風潮難具論洲島驟迴合圻岸屢崩奔乘月聽哀狖迥露馥芳蓀春晚綠野秀巖高白雲屯千念集日夜萬感盈朝昏攀崖照石鏡牽葉入松門三江事多往九派理空存靈物忝珍怪異人祕精魂金膏滅明光水碧綴流温徒作千里曲絃絕念彌敦

望孤石

鮑照

江激多暖谷雜樹茂寒峯朱華抱白雪陽條熙朔風蚌節流綺藻輝石亂烟虹泄雲去無極馳波往不窮嘯歌清漏畢徘徊朝景終浮生會當幾歡酌每盈衷

蕭梁

泛鄒亭湖

范雲

迴艦承派水舉帆逐分風蕩漾疑無際飄飄似度空橋  
烏排鳥路船影沒河宮孤石滄波裏匡山苦霧中寄謝  
千金子安知萬里蓬

詠孤石

朱超道

侵霞去日近鎮水激流分對影疑雙闕孤生若斷雲邊  
風靜高浪騰烟起薄暎雖言近七嶺獨立不成羣

孤石

釋慧標

石鐘山志

卷十三 詩錄

二

中原一孤石地理不知年根含彭澤浪頂入香爐烟崖  
成二鳥翼峰作一芙蓉何時發東武今來鎮蠡川

陶徵君潛田居

江淹

種苗在東皋苗生滿阡陌雖有荷鋤倦濁酒聊自適日  
暮巾柴車路闌光已夕歸人望煙火稚子候簷隙問君  
亦何爲百年會有沒但願桑麻成蠶月得紡績素心正  
如此開徑望三益

南唐

雙石

伍喬

翠竹苔花繞檻濃此亭幽致詎曾逢水分林下清冷派  
山峙雲間峭峻峯怪石夜光寒射燭老杉秋韻冷和鐘  
不知來往留題客誰約重尋蓮杜蹤

唐

彭蠡湖口

張九齡

沿涉經大湖湖流多行泐決晨趨北渚逗浦已西日所  
適雖淹曠中流且閒逸瑰詭良復多感見乃非一廬山  
直陽許孤石當陰術一水雲際飛數峯湖心出象類何  
交糺形言豈深悉且知皆自然高下無相恤

石鐘山志

卷十三 詩錄

三

自彭蠡湖初入江

張九齡

江岫殊空闊雲煙處處浮上來羣噪鳥中去獨行舟牢  
落誰相顧逶迤日自愁更將心問影于役復何求

湖口望廬山瀑布泉

張九齡

萬丈洪泉落迢迢半紫氛奔飛下雜樹灑落出重雲日  
照虹蜺似天清風雨聞靈山多秀色空水共氤氳

靖節祠

顏真卿

張良思報韓龔勝恥事新狙擊不肯就舍生悲指紳鳴  
呼陶淵明奕葉爲晉臣自以公相後每懷宗國屯題詩

庚子歲自謂羲皇人手持山海經頭戴漉酒巾興逐孤  
雲外心隨還鳥泯

桑落洲

李羣玉

德化志以之屬德化湖口志以圖經爲據應屬湖口更考桑落洲距德化五十里朱子彭蠡辨云自今江州城下至湖口縣才四十里則桑落洲之屬湖口無疑

莫問桑田事今看桑落洲數家新住處昔日大江流古  
岸崩欲盡平川長未休想應百年後人世更悠悠

彭蠡湖口望廬山

孟浩然

太虛生月暈舟子知天風掛席候明發渺漫平湖中

石鐘山志

卷十三 詩錄

四

流見匡阜勢壓九江雄踔踔容霽色崢嶸當曉空香爐

初日上瀑水噴長虹久欲追尙子况茲懷遠公我來恨

于役未暇息微躬淮海途將半星霜歲欲窮寄言巖榭

者畢趣當來同

入彭蠡經松門觀石鏡緬懷謝康樂題詩書遊覽

之志

李白

謝公之彭蠡因此遊松門余方窺石鏡兼得窮江源將  
欲繼風雅豈徒清心魂前賞逾所見後來道空存况屬  
臨汎美而無洲渚喧漾水向東去漳流直南奔空濛三

川夕回合千里昏青桂隱遙月綠楓鳴愁援水碧或可  
采金精秘莫論吾將學仙去冀與琴高言

泛彭蠡寄王

一作黃

判官

李白

浪動濯嬰井潯陽江上風開帆入天鏡直向彭湖東返  
景照疎雨輕烟淡遠空中流得佳興清賞亦何窮瀑布

灑清壁遙山挂彩虹相思俱對此舉目與君同

狄梁公

高適

梁公乃貞固勳烈垂竹帛昌言天后朝潛運儲君策待  
賢開相府共理登方伯至今青雲人猶是門下客

石鐘山志

卷十三 詩錄

五

晚次湖口有懷

劉長卿

蕭然空水合目極平江暮南望天無涯孤帆落何處頃

爲衡湘客頗見湖山趣朝氣和楚雲夕陽映江樹帝鄉

勞想望萬里心來去白髮生扁舟滄浪滿歸路秋風今

已至日應雁南度木葉辭洞庭紛紛落無數

江行雜詩六首之三

錢起

湖口分江水東流獨有情當時好風物誰伴謝宣城

彭蠡湖晚歸

白居易

彭蠡湖天晚桃花水氣春鳥飛千白點日沒半紅輪何

必為遷客無勞是病身但求臨此望少有不愁人

游石門澗

白居易

石門無舊徑披榛訪遺迹時逢山水秋清輝如古昔嘗聞慧遠輩題詩此巖壁雲覆莓苔封蒼然無處覓蕭疏萬竿竹剝落多年石自從東晉後無復人游歷獨有秋澗聲潏潏空巨夕

案石門澗有二處一在江州太平寰宇記云石門澗在廬山西懸巖對聳形如關當雙石之間懸流數丈有一石可坐二十許人一在杭州西湖咸洎臨安志

石鐘山志

卷十三 詩錄

六

云武林山石門澗陸羽二寺記云南有巉巖舊有臥龍石橫澗石慈雲法師種松於此詩中有慧遠題詩語自是江州西湖志收此詩汪立名引以為誤似已而湖口兩石鐘山本聳形如關當雙石之間亦懸流有石其地原屬江州近與廬山接脉較西湖隔絕者不同况郡志廣輿記以石門繫湖口舊志既收此詩應照補錄

贈彭蠡釣者

杜荀鶴

偏坐漁舟出葦林蒂花零落向秋深祇將波上鷗為侶

不把人間事繫心傍岸歌來風欲起卷絲眠去月初沈若教我似君閒故贏得湖山到老吟

彭蠡湖春望

項斯

湖亭東極望遠權不須迴徧草新潮落連天眾雁來蘆洲殘照盡雲障積煙開更想鷗夸子扁舟安在哉

澆酒巾

陸龜蒙

靖節高風不可攀此巾猶墜凍醪間偏宜雪夜山中戴認取詩情與醉顏

宿彭蠡館

羅隱

石鐘山志

卷十三 詩錄

七

孤館少行旅解鞍增別愁遠山矜薄暮高柳怯清秋病裏見時態醉中思舊遊所懷今已矣何必恨東流

過湖口

王禔彥謙

江湖分兩路此地是通津雲淨山浮翠風高浪潑銀人行俱是客舟住即為鄰俯仰煙波內蜉蝣寄此身

湖口縣

王周

柴桑分邑載圖經屈曲山光展畫屏最是蘆洲東北望人家殘照隔煙汀

湖上望廬山

孫鮒

輟棹南湖首重回笑青吟翠向崔嵬天應不許人全見  
長把雲藏一半來

五代

晚到湖口見廬山作呈諸故人 吳筠

夜舟達湖口漸近廬山側高高標橫天隱隱何峻極石  
鏡啟晨暉壚煙凝寒色旅泊將休暇歸心已躋陟虛名  
久爲累使我辭逸域良願道不違幽襟果茲得故人在  
雲嶠乃復同晏息鴻飛入青冥虞氏罷繒弋

宋

石鐘山志 卷十三 詩錄 八

咏石鐘山 李景和

楚地有石鼓吾地有石鐘鼓不假制作鐘不費陶鎔朕  
兆不可測良由造化工安得置太廟同聲鳴時雍

狄梁公祠 趙抃

賢正屯蒙日陰邪會用時人從萬死過誰爲一言危毒  
意回天后忠誠薦東之復唐三百載留得枕江祠

彭蠡湖 余靖

彭蠡古來險湯湯貫侯衛源長雲共浮望極天無際傳  
聞五月交茲時一陰至颺風生海隅餘力千里噓萬竅

爭怒號驚濤得狂勢奔雷鳴大壑連鼓聲初厲孤舟一  
葉輕飄如旂在綴所以沿流人未嘗輕旣濟逆猶上阪  
車順比飛鴻翅直待浮雲收乾坤廓然霽湖光萬里平  
波色連天翠然後榜蘭橈以避蛟龍害我願修身者聽  
此操舟態長如履臨日終身不危殆

彭蠡 王安石

茫茫彭蠡春無地白浪捲風濕天際東西振柂萬舟回  
千歲老蛟時出戲少年輕事鎮南來水怒如山帆正開  
中流蜿蜒見脊尾觀者膽墮子方哈衣冠今日龍山路

石鐘山志 卷十三 詩錄 九

廟下沽酒山前住老矣安能學伏飛買田欲棄江湖去

謁陶狄祠 王安石

梁公壯節就夔臈陶令終身託酒徒政在房陵成底事  
年書甲子亦何須江山彭澤空遺像歲月柴桑失故區  
沒後此風猶不競詩翁歎息未應無

故彭澤 曾鞏

淵明昔抱道爲貧仕茲邑幡然復謝去肯受一官繫子  
觀長者憂慷慨在遺集豈同孤蒙人剪剪慕原隰遭時  
乃肥遯茲理固可執獨有田廬歸嗟我未能及

淵明祠

蘇軾

淵明求縣令本緣食不足束帶向督郵小屈未爲辱  
幡然賦歸去豈不念窮獨重以五斗米折腰營口腹云何  
死相國萬鍾不滿欲胡椒銖兩多安用八百斛以此殺  
其身何翅抵鵲玉往者不可悔吾其返自燭

上觀音閣

蘇軾

巖上觀音巖下湖儼如南海舊規模庭前翠竹千竿有  
門外紅塵半點無水遠三山同楚地勢連五老共洪都  
夜來一片無私月照見摩尼頂上珠

石鐘山志

卷十三 詩錄

十

壺中九華詩 并序

蘇軾

湖口人李正臣蕃異石九峯玲瓏宛轉若窗櫺然予  
欲以百金買之與仇池石爲偶方南遷未暇也名之  
曰壺中九華且以詩記之

我家岷蜀最高峯  
夢裡猶驚翠掃空  
五嶺莫愁千障外  
九華今在一壺中  
天池水落層層見  
玉女窗虛處處通  
念我仇池太孤絕  
百金歸買碧玲瓏

前題 并序

蘇軾

予昔作壺中九華詩其後八年復過湖口則石已爲

好事者取去乃和前韻以自解云

江邊陣馬走千峯  
問訊方知冀北空  
尤物已隨清夢斷  
眞形猶在畫圖中  
歸來晚歲同元亮  
卻掃何人伴敬通  
賴有銅盤修石供  
仇池玉色自瓏瓏

石鐘山

蘇軾

愛此江湖幽維舟坐終日本從玩化理不是荒遊逸

除夜泊彭蠡遇大風雪

蘇轍

暮發鄖陽市曉傍彭蠡口  
微風吹人衣霧遶廬山首  
舟人釋篙笑此是風伯候  
杙舟未及深飛沙忽狂走  
晴空

石鐘山志

卷十三 詩錄

十一

轉車載淥水起岡阜衆帆落高張斷纜已不救我舟  
舊如山此日亦何有老心畏波瀾歸卧南窗牖土囊一已  
從萬竅無不奏初疑邱山裂復恐蛟蜃鬪鼓鐘相轟虺  
戈甲互磨叩雲霓黑旗展林木萬弩發曳柴眩人心振  
旅擁軍後或爲羈嶋吟或作蒼兕吼衆音雜呼吸異出  
殊圈舊中宵變凝冽飛霰集飛糝蕭騷蓬響乾見蕩聽  
光透堅凝忽成積澎湃殊未究絙綺鋪前洲瓊瑰珠遙  
岫山川莽同色高下齊一覆淵深竄魚鼈野曠絕鳴鳩  
孤舟四鄰斷餘食數升糗寒齋僅盈盎腊肉不滿豆飯

裘擁衾眠微火拾薪構可憐道路窮坐使妻子訴幽奇  
雖云極岑寂頃未覩一年行將除茲歲真浪受朝來陰  
水剝林表紅日漏風稜恬已收江練平不縵兩槳舞夸  
猶連峰吐奇秀同行賀安穩所識間癯瘦驚餘空自憐  
夢覺定真否春陽著城邑屋瓦凍初溜艱難當有償爛  
漫醉醇酎

射蛟浦

蘇轍

萬騎巡游徧千帆破浪輕射蛟江水赤教戰越人驚山  
轉樓船影岸催連櫓聲祈招無爲賦酣寢盡平生

石鐘山志

卷十三 詩錄

十二

宮亭湖

黃庭堅

左手作圓右手方世人機敏便可爾一風分送南北舟  
斟酌鬼神宜有此江津留語同儕僧他日求我於宮亭  
吁嗟人蓋自有口獨爲樂公不舉酒樂公千歲湖冥冥  
白茅縮酒巫送迎朱旛阜蓋來託宿不聽靈君專此屋  
雄鴨去隨鷗鳥飛老巫莫歌望翁歸貝闕珠宮開水府  
雨棟風簾豈來處平生來往湖上舟一官四十已包羞  
靈君如願倘可乞收此桑榆老故邱

次東坡壺中九華韻

序見  
逆覽

黃庭堅

有人夜半持山去頓覺浮嵐暖翠空試問安排華屋處  
何如零落亂雲中能迴趙璧人安在已入南柯夢不通  
賴有雙鐘難席卷袖椎來聽響玲瓏

彭蠡湖

李綱

神禹治水江爲最遷迤委蛇鐘作匯泓澄不獨陽鳥居  
浩蕩端使羣川會羣川已會江不湍朝宗到海東南安  
煙收雲斂望不盡眼界始知天宇寬世傳揚瀾并左蠡  
無風白浪如山起我今謫宦此中行何事恬然風浪止  
陽侯也是可憐人不學世人皆世情好風已借一帆便

石鐘山志

卷十三 詩錄

十三

霽色更增雙眼明晚水畫舸鳴六榜超忽千山如脫兔  
波心笑兀見星宮雲際崢嶸望廬阜世間此境良不多  
洞庭三峽真么麼共浮大白期一醉對此不飲當如何

題湖口雙鐘驛

王十朋

蘆花洲渚江人邦我來把酒臨南窗五祖六祖山照眼  
清流濁流水同江孤山大小各嶄絕鐘石上下相春撞  
千帆出沒煙雨裡何如鷗鷺飛雙雙

淵明祠

王十朋

淵明恥折腰慨然咏式微閒居愛重九採菊來白衣南

山忽在眼倦鳥亦知歸至今東籬花青如首陽薇

過五柳灣

王十朋

出守江湖日念還又扶衰病入巴山不能早作歸田計  
愧過淵明五柳灣

石鐘洞

楊時

蒼藤秀水繞空庭雙石層巒擁畫屏混沌鑿開幽竅遠  
巨靈分擘兩峯青雲藏野色春長在風入衣襟酒易醒  
采玉遺蹤無處問擬投簪紱學仙經

山北紀行之十二章

序見遊覽

朱子

石鐘山志

卷十三

詩錄

古

明晨江磯寺尊酒聊對設孰是十日遊遽成千里別英  
僚樹嘉政素友厲孤節弩力莫相忘清宵共明月

石鐘寺

周彌

山前削成面山後不露骨何人戀巢居結屋寄突兀多  
風鎖寒殿頻雨閉石窟筍透獅子傾草蔽鴟吻沒羈轡  
串胡神纓絡纏古佛喜燈影摧殘稿柏香蓬葺丹葉夏  
猶在綠樹暑未發均徑鳴秋葦閒增起蒼鷗僧衣莓苔  
侵齋鉢野草掘梵度止數卷矧能備巾拂奔波道途間  
體倦神屢竭

汎彭蠡湖權歌

任伯厚

有客有客湖上來雙權容與水花開大姑小姑相對出  
彭郎家在碧山隈彭郎聲發狂如許大姑小姑寂無語  
郎觸姑兮姑不知那便隨風作暮雨暮雨不發可奈何  
星娥月姊凌煙波安得五老下雲窩共訴離情一權歌  
把酒停撓問兩姑今夜彭郎入夢無

湖口宰任伯厚挹清亭

劉過

政笑行役倦登臨心眼開舒斬千里見蜀贛兩江來老  
覺樹如此涼生風快哉主人方好客不算酒行杯

石鐘山志

卷十三

詩錄

五

望彭蠡

嚴粲

萬壑氣交會今知楚澤雄水明纔辨樹霧合忽迷空遠  
浦沉初月孤舟亂去鴻闌干已愁思漁唱入蘋風

登觀音閣

史嵩之

兩巖翠碧對瓏玲端是天工巧幻成水自番君方會處  
山因坡老始知名微風解作函胡響巨浪還如鐘磬鳴  
少俟秋涼明月夜同居石下細論評

湖口

文天祥

江湖一都會宇宙幾興亡走馬蘆林外買魚茅舍傍南



人撐快槳北客坐危檣江水交岷水東流日夜長

元

湖口阻風登江磯山觀濤

吳澄

狂風吹人渾欲倒瑟瑟寒聲動秋草捫蘿徑上磯頭山  
萬頃江湖波浩渺怒鱗雲鬣奔騰來眩目快心千樣好  
向曾觀海難爲觀回首匡廬青未了元雲作帽深蒙頭  
五老昂藏元不老何時月夜水鏡淨潏蕩澄虛納蒼昊  
著我峰尖伴老人坐看海東紅日杲

靖節祠

劉因

石鐘山志

卷十三 詩錄

十六

淵明豪氣昔未除翺翔八表凌天衢歸來荒徑手自鋤  
草中恐生劉寄奴中年欲與夷皓俱晚節樂地歸唐虞  
手中磊磊一物無停雲懷人蚤所圖有酒今與龐通沽  
眼中之人不可呼哀歌撫卷聲嗚嗚

詠石鐘山二首

劉聞

雲垂蒼崖深月出湖水動旅思方渺然嚙發崆峒悠  
悠湘靈感殷殷鈞天夢人在九江船餘音遠相送  
蒼茫楚澤秋巖谷隱宮徵魚龍守軒轅猿鳥識追蠡酒  
醒江南客月在船窗裡佳期不可尋相思滿湖水

石鐘山

張士熙

翁君美好山水至元年間常游此兩腋清風生雙足白  
雲起俄然身在高空裡

石鐘送張縣尹二首

周子善

漢江出洞庭西江出彭蠡二水相混流清濁誰分比前  
年生新洲遮斷漢江水只見西江清如我令尹美令尹  
何如人葛父張公子乃翁坐薇垣勳名蓋當世惡人推  
不去一日如一歲善人挽不留三年如咫尺馬首西風  
清車下啼老稚車裝載梅花一枝明月裡穩上烏臺高

石鐘山志

卷十三 詩錄

十七

霜風聽捲地

秋水清秋月明馬上郎官行未行秋水郎官心秋月郎  
官情郎官心似水萬頃汪汪清見底郎官心似月萬古  
光暉無圓缺安得此水長浸雙鐘濱安得此月長照雙  
鐘人雙鐘人家幾萬口萬口一聲呼父母三年無吏夜  
打門百里桑麻開雞狗江南歸附將百年無有令尹如  
此賢爲我留此水莫向東流去爲我留此月莫教生離  
別未信君思相許不恐要光澤徧九州四海蒼生無一  
愁此水不獨爲江南流此月不獨照江南秋啼殺父老

千白頭

詠石鐘山

周子善

枯槎突兀天風外翠霧氤氳水石間欄吏不容今日去  
老夫贏得片時閒煙波艇子東西客霜岸鐘聲上下山  
邂逅真成觀物化白鷗無數舞江灣

石鐘山歌行

方叔高

懸崖老石蒼龍色嵯峨高枕江流碧巖深石壁障風雨  
箇中自有神化宅雲邊五老遙相望雙鐘鏗轆音清揚  
分明像出普陀境玻璃萬頃波汪洋巧笑倩兮美目盼

石鐘山志

卷十三 詩錄

五

遙視蓬萊水清淺銅駝荆棘自興亡不見昆明灰半點

桑落洲

范梈

桑落洲前秋興孤白雲遙見近還無傳聞酒吏今年罷

美釀家家得縱沽

靖節祠

謝應芳

晉室之危一木詎支我思古人孤竹夷齊彼薇西山我  
菊東籬薄言采之可以樂飢秋日淒淒百卉具腓匪菊  
之芳吾將曷歸

明

征僞漢幸上鐘觀音巖

明太祖

一色山河兩國爭是誰有福是誰傾我來窺迹觀音巖  
惟有蒼穹造化宏

過湖口感懷

劉基

晚照千山赤寒煙一鳥青羈心霜下草生慙水吐津黃  
屋迷襄野蒼梧隔洞庭空將垂老淚灑懷到滄溟

靖節祠

劉基

江左昔潰亂桓盧遞柵尋劉裕起寒微長驅掃氛稜秋  
草雖未枯霜雪已鬢髮陶公節義士素食豈其心我才

石鐘山志

卷十三 詩錄

五

非管葛誰能起沉淪所以歌去來歸隱五柳陰悠然多  
感激悵悵寄謳吟哲人貴知幾芳名留至今臨祠三歎  
息懷古一何深

江行雜興二首

劉基

桑落洲邊春草生宜陽九畹空傳名百年世事同醉夢  
愁聽野猿啼到明

長江水濁湖水清石鐘濤擊鯨魚鳴山頭出雲山下雨  
揚瀾左蠡何時平

梁國狄文惠公新廟

危素

大江從西來萬里流湯湯維唐社稷臣勳業載旂常天子在房陵女后御明堂晨聞牝雞鳴腥聞溢穹蒼狄公秉忠義耿耿立廟廊周旋極屢勉議論忽慨慷載御卷冕歸宗社赫有光豈惟保國祚實欲扶天常雲孫江洲牧宮廟薦烝嘗豆邊孔嚴潔絲石載鏗鏘再拜久屏息低回想忠良作歌勸臣子百代踵遺芳

風雨過湖有感

林常

三月雨多風滿天湖中水高難繫船大魚跳浪白如雪好山隔岸清於煙去官莫過彭澤縣讀書擬上匡廬巖

石鐘山志

卷十三詩錄

三

人生百年苦行樂帝鄉遙遙心自憐

陶公祠

宋濂

官航晚泊潯陽郭把酒長懷靖節賢折腰竟辭彭澤米攢眉宜種遠公蓮晉代衣冠誰避世劉家社稷自書年千載令人弔遺迹好山青立縣門前

詠石鐘山

謝敬

霜臺曾濫聞韶濩空兩耳無音樂歸來石鐘復一聽洗卻塵襟仍磊落我欲攜之上九重希聲一振清寥廓

過彭蠡湖

解縉

彭蠡湖邊半是山風沙飛上白雲間春來水闊秋來淺我亦乘舟去復還

謁陶祠

楊士奇

瑣瑣厭形役飄飄賦歸休開軒面南山黃花亦映秋酒熟自可漉白社吾何求

經湖口作

劉永之

古縣閉湖口高橋集岸隈山從廬阜起江向武昌來近水皆楊柳荒城半草萊客心元自速更遣曉風催

彭蠡湖

曾棨

石鐘山志

卷十三詩錄

三

西江眾流匯彭蠡一色瀾漫天接水雲消極浦鏡光平風捲雪濤雪山峙春流拍空浩渺茫氣吞七澤含三湘晴影遙連洞庭閣黛光倒浸廬山長我昔揚舲汎煙浪貝闕蛟宮儼相向拾得驪龍領下珠夜夜清光滿湖上

登石鐘山觀音閣

王英

晨登石鐘閣南望獨徘徊五老雲中出九江天際來驚濤撼巖石萬壑鼓風雷俯仰一長嘯山川何壯哉

詠石鐘山

王恪

千尺危巖俯碧灣金僊樓閣異人寰楚江萬頃庭階下

廬阜諸峰几席間清獻高歌殊可仰  
逋仙幽趣逸難攀  
詩成笑拂吟鞭去不覺身從畫像還

彭蠡湖

羅汝敬

廬山之陽彭蠡湖  
鼉窟宅蛟龍居  
三湘七澤相簸蕩  
勢納江漢滄溟俱  
湖口風景殊朝暮  
黛色波光互吞吐  
兩邊帆影九江城  
雲際鐘聲落星渚  
我生癖愛山水幽  
夢著只在匡南游  
無因得似隨陽鳥  
年年歸看湖上秋

宮亭湖

李時勉

一水遙涵萬頃秋  
微茫何處覓芳洲  
西連吳楚三江匯

石鐘山志

卷十三 詩錄

三

東道滄溟萬里流  
仙島凌空沙上出  
晴霞分彩日邊浮  
知君獨得乘槎路  
不向煙波倚棹謳

淵明祠

顧祿

黃閣彤扉盡宋臣  
歸來松菊伴閒身  
舉頭誰識悠悠意  
只有南山是故人

發湖口

顧祿

臨行釀酒酌江神  
打鼓開船出要津  
雲霧氣蒸迷日月  
波濤聲撼振乾坤  
放歌今日容豪客  
戰勝當年想至尊  
咫尺南山城郭近  
且將雙足洗征塵

淵明像

于謙

杖履逍遙五柳傍  
一辭獨擅晉文章  
黃花本是無情物  
也共先生晚節香

登江山一覽亭

為王恕

何喬新

山翁不川游溪翁  
不山住茲亭何巍巍  
妙得江山趣浮  
光晃簾櫳飛翠墮  
窗戶江山百里間  
一一堪指顧披雲  
款崖扉乘月泊煙  
激鷗鷺狎琴尊  
鹿麋隔煙霧聞君  
構危亭便擬投簪  
去憑高騁遐矚  
久矣愜中素

石鐘山

陳綱

石鐘山志

卷十三 詩錄

三

石室登臨處二儀  
清濁分山河俱大  
地軒冕總浮雲  
帆影天涯現風聲  
樹裏聞此中應戀  
我何以答明君

石鐘山圖歌

劉定之

石鐘山前我屢過  
亦欲卸帆并回棹  
畏塗終然不勇決  
見畫猶想風舟  
簸子瞻往視能無  
難心胸奇崛如此  
山天教發揮終古  
祕文章長留天地  
間赤壁夜攀樓鶴  
巢馮夷俯視驚潛  
蛟二客不敢追步  
武舉杯酌月方相  
嘲金山日落看江  
水韉紋垠映霞魚  
尾更殘月黑尙猶  
夷秉炬還謁來龍  
鬼晚年歷覽何曾  
衰海北海南甘奴  
婦

自云乘槎如魯叟斯文天相非爲危乃知先生挺大節  
歷險臨深若飛越立朝敢犯人主顏玩世自有神仙骨  
豈惟游戲山水閒笑掃鄜元陋李渤王君家近此山居  
少年未仕耽讀書寄宿上寺與下寺瞻眺小孤及大孤  
數株風柳垂彭澤千里煙樹開鄱湖指點高皇用兵處  
星火雷礮摧連艦劃然一發金僕姑射取僞主如飛鳥  
自此威聲震有截萬年帝業恢鴻圖至今行舟歌且嘯  
江邊老人閒網魚王君出仕在粉署立心行己應何如  
懷想鄉山展茲軸慷慨欲繼文忠蘇

石鐘山志

卷十三

詩錄

五

王尙忠以石鐘山圖見示歌以歸之再作江湖勝  
覽一首以盡意

劉定之

扁舟游江湖歷覽既已廣有如閱奕棋變態須臾往聊  
用適吾意奚必復存想嗟君好事寫作圖時一觀之更  
自娛乃知翰墨亦所好如此高懷不可無我行衛河正  
春暮中原萬里羅煙樹澗淵鷗汲水東流大行龍騰勢  
南去前代功名那復知白髮老叟談明時閩歌舞樂  
堯舜梯航朝貢來華夷請君過此駐鳴榔爲我登臨一  
弔古曹操臺邊尋片瓦信陵墻上酌坏土

登白雲亭

韓雍

山僧鑿開白雲根因之作成白雲亭亭中白雲掃不盡  
朝朝暮暮飛冥冥昔曾飛向金陵郭映水搖城動高作  
又曾飛到黃鶴樓載卻仙人入廖廓於今亭畔雲常籠  
登臨便覺騰雲中大風一吹忽飄散頃刻變化如神工  
當窗獻瑞成五色直上青霄捧紅日出戶從龍作霖雨  
四海蒼生被膏澤雲兮雲兮爾誠奇見爾使我增獻歎  
未能乘爾帝鄉去又空望爾吳東飛

上鐘寺

韓雍

石鐘山志

卷十三

詩錄

五

上方風景最清幽暫駐雙旌試一游絕壁有巖皆起閣  
歸僧無路只乘舟天連廬嶽擎孤柱江納鄱湖漾合流  
翹首不堪東北望鄉思又感廟堂憂

石鐘山

彭時

石鐘之山高孱顏上下蟠踞江湖間秀連匡廬五老巒  
雲漢勢壓小孤一柱雄江關山根怪石亦稀有石竅玲  
瓏大者如房小如斗洪濤巨浪日夕相吞吐聲撼半天  
作鯨吼靜聽噌吰鏗鞳聲石鐘得名信有徵寺僧冶金  
震昏曉何如此鐘特出乾坤大造之所成屹立江濱幾

千古誰與窮索知其故昔聞眉山蘇文忠今見湖口王  
武庫王君家住石鐘傍讀書好古情甚長登高攬秀縱  
情賞飄飄逸氣凌風翔年來通籍居京國猶託丹青寫  
奇迹披圖一一指示我令我塵思頓消釋我家正在大  
江西經過惜未窮攀躋何日南還一寓目重磨崖石當  
留題

過湖口

夏寅

我舟九江來望望出湖口鞞山上下石絕斗五老峰前  
一杯酒古今豪傑今何有借爾廬山一片雲太湖揚灩

石鐘山志

卷十三 詩錄

王

入吾手作為霖雨濟九州蘇息蒼生天與否

又三首

夏寅

湖口中沙捲霧龍城驛畔樹齊雲九江瀉與鄱湖接

清濁分明見一痕

一痕清濁分湖口秋水南風拍岸齊望見小孤青一點

廬山回首大江西

歸帆一到彭湖口復覺天光入畫圖卻歎湖光擁秋色

能令黃雁叫黃蘆

游石鐘山二首

夏寅

樓船笳鼓動晴暉風正帆張兩翼飛倒景有天南斗近  
廣洋無地北冥微喜占乾鵲鳴高木愛看沙鷗立釣磯  
如此濟川良不惡老年心力媿儒衣  
巖棹波亭一破顏歷窮諸險仕途間自經彭蠡能觀水  
未見匡廬豈愛山南院梨花心欲醉北堂萱草夢初還  
細思名利真何物絆得時人都不閒

白雲亭

夏寅

再上湖亭訪石鐘山僧掃斷白雲封岐陽石鼓今零落  
吾欲兼收置辟雍

石鐘山志

卷十三 詩錄

王

湖口

王時保

青山一簇幾人家簾捲湖光日未斜好是客船來泊處

一行官柳暗平沙

石鐘山

王恕

彭蠡上下石鐘山下映澄波碧潏潏山峰巢業立千尺  
巖巖幽險難躋攀崑崙磅礴勢獨歸介乎吳楚簞觀視  
總納江南萬派流形勝尊如六軍帥兩山各有古招提  
嵯峨樓閣與雲齊顧我讀書頗愛靜癡心負笈此中棲  
一日大風發沈洪濤擊石作鐘響寺僧指我徧游觀

不知巖下深幾丈危乎高哉上石鐘南迎五老香罈峰巖壁障天鐵花秀上有鶴鶴巢雲松山前礫礫數石巧全類假山自天造漁翁垂釣和雲坐水漲渾如海中島下石鐘山空洞幽陰深疑是蛟龍湫紛紛蝙蝠如鴉大何年古屋尙存留巖崖亦有奇怪石危磴險固欹木屐高高低低壁立處不識何時人刻畫刻畫似近八分書風雨薄蝕字模糊前輩傳云曾洗辨多是宋元士大夫石鐘石鐘鎮江右上映蒼穹翼軫宿銜鉤長是自然音渾似鈞天廣樂奏餘音縹緲徹江湄獨許漁工水師知

石鐘山志

卷十三 詩錄

天

題詠不減宋元感我當收拾投奚囊用作石鐘千古證  
登石鐘山望廬山三首 張治  
萬里長風浪作堆紫雲吹盡楚天開起凭山石看廬嶽  
招手仙人跨鶴來  
三月江頭花亂紅楚吳天闊水雲空萬峰搔首東林遠  
獨上青山扣石鐘  
廬嶽亭亭翠萬重懸泉千尺掛飛龍石鐘山下江如鏡  
映出青天五老峰  
石鐘弔梁公祠 藍渠  
石鐘山志 卷十三 詩錄 天  
秉燭游山笑我忙忙中更覺意思長從來應識鄱陽令  
記得漁燈照水光  
湖口秋泊 童軒  
江水匯爲澤瀾漫深萬丈山寺曉鐘鳴湖心明月上  
石鐘觀瀾軒 伍禮  
觀瀾亭上試觀瀾雲影天光共一闌聲撼風雷春作雨  
氣凝冰雪夏生寒急流灘畔知機鮮真蹟源頭見道難  
尋得子輿觀水術直從斯處玩回湍  
游石鐘山 成始終

曉過鄱陽湖湖口饒奇石安得移數峯置我金匱側造  
物設險奇玲瓏矗青壁路微雲木稠巖古土花碧乘風  
一登眺疏快盪胸臆怵惕結構牢樓閣倚空出窗含五  
老峯簾捲廬山色何人下垂曾飛梯長出入中有大士  
巖潮音朝自夕暮秋還停帆重來破禪寂

游石鐘山次韻

韓陽

艤棹游鐘山巖巖見奇石巖舍在寺東驛亭在山側中  
有石招提懸崖遠峭壁長江獻遙青好山供近碧匪惟  
豁吟眸亦可滌煩臆更上白雲亭明月海東出秋水接

石鐘山志

卷十三 詩錄

三

長天萬里同一色上人禮金仙維時定初入不計春復  
秋應忘朝與夕纖塵邈無侵萬籟此俱寂

登石鐘白雲亭次都憲韻

韓陽

雙鐘僧寺存古額巖畔新築高高亭白雲時就簷下宿  
非霧非煙成畫冥左臨縣治舊城郭歷年雖多無改作  
何以緇流建此亭鑿石穿崖展恢廓雲氣朝朝夕夕籠  
幸遇名山游此中白衣須臾變蒼狗狀態咸出造化工  
有時幻成紅錦色煜煜光華擊瑞日有時沛出商家霖  
皦皦黎民沾德澤從龍出岫變化奇每每庭幃興歎歛

置身近在霄漢上五彩恆依金闕飛

登石鐘觀音閣次韓都憲韻

高旭

勝景無如此處幽經過不厭又追游巖棲遠望疑懸壁  
開道攀緣卽艤舟廬阜羣峯朝暮見鄱湖一水古今流  
登臨頗覺襟懷闊消盡人間萬斛憂

淵明祠

邱濬

桓公事業晉山河觸目傷心可奈何籬下菊花門外柳  
時時相對醉吟哦

石鐘山

徐溥

石鐘山志

卷十三 詩錄

三

長帽坡翁有仙骨平生好游山水窟彭蠡湖頭一放舟  
石鐘之山名愈出我想是時清興酣天空孤月白如日  
微風嫋嫋起微波衝激石竇聲相和宛如篋簾發金奏  
時訝蛟鱷驚鼉鼉爾來天地幾萬載俗耳不識將奈何  
坡翁仙去今已久賴有王君踵其後剝苔剔蘚尋古碑  
傑句名章垂不朽令人望止九江涓定有虹光燭星斗

石鐘山

周璞

梵刹巍峩景界幽曉來乘興極遨遊窗懸廬阜千尋瀑  
門擁鄱湖萬里舟雲散楚天呈晚岫日融巴雪漲春流



老僧茶罷談空寂坐聽禪房慰客愁

石鐘江山一覽亭

梅愈

石上閒亭一望齊  
峩然屹立大江西  
水聲東去今同古  
山勢南來高逐低  
沙際日斜漁火亂  
崖巔花落鷓鴣啼  
長安見說無多遠  
彈指煙波望眼迷

泊鐘山二首

林俊

萬頃煙波亦此湖  
洞庭二柳幻形模  
衝風健鳥愁看墮  
破浪輕舟見忽無  
涸鮒一時收偽漢  
真龍千載奠皇都  
僧房直瞰寒潭上  
時聽蛟人夜泣珠

石鐘山志

卷十三 詩錄

三

年華流盡大江聲  
煙浪帆檣夢亦驚  
銀漢橫斜分島陣  
石鐘鏗鞳混鼉更  
遠空雲盡暮山出  
夾岸花開春水生  
鼓楫尚游心不淺  
潯陽隱隱認孤城

上鐘石屏

邵寶

有石高堪倚西看  
五老峯孤吟誰和  
者秋水自鳴鐘

上鐘石几

邵寶

有石平堪隱南溟  
一望深萬峯青不  
了一點湖心

石鐘山次深字韻

林潤

扣石松林靜澗然  
江漢深閒情聊自  
適千載有知心

獻俘南都回還登石鐘山次深字韻

王守仁

我來扣石鐘洞野  
鈞天深荷蕢山前  
過譏子尙有心

石鐘餞別藍邑侯

梅凌雲

可虛主人入閩雄  
身駕白鶴駝飛熊  
周游八表乘天風  
竭來稅駕鄱湖東  
鄱湖之水春容容  
手握麈尾揮冥濛  
滌濯塵埃洗疲癯  
雙鐘秀色添青蔥  
清芬浮沓蒸白虹  
三年報政玉皇宮  
珊珊鳴珮依山銅  
恩承前席何從容  
定知不作鬼神封  
蒼生方爾廬淵衷  
何能我亦轉飛蓬

石鐘山志

卷十三 詩錄

三

鷓班相壓趨晨鐘  
膏濡湛露花更紅  
傾心曉日看匪躬  
亭亭玉色五雲中  
照耀乾坤十二重

鐘山題淵明歸去圖

費宏

潯陽江頭泊歸航  
松菊未老田園荒  
躬耕猶足辦酒漿  
公田有秫盡可秧  
斗米折腰亦何妨  
建康銅駝荆棘傍  
天門折翼不復翔  
股肱苗裔非尋常  
晚節恐負秋花香  
肯將偽命污冠裳  
葛巾一幅聊徜徉  
生愁醒眼多感傷  
醉臥且納薰風涼  
睡鄉樂境同羲皇  
作詩冲澹味更長  
荆軻入咏乃激昂  
胸中匕首藏雄鉞  
心知千載有紫陽

汗青老筆生幽光詩名康樂與頡頏追念祖德能掄揚  
竭來有意思張良胡爲復縮太守章竟使首領埋炎方  
乃知自立須堅剛見機而作易所臧披圖歎息聊題將  
仰止廬阜摩青蒼

鐘山望狄梁公祠

費 案

當年籌策費紆縈萬古乾坤只此情北斗以南身價重  
此身之後事功成漁樵歸路林光暝秋雨晴時月色清  
試問祠堂何處是青山十里暮鐘聲

彭蠡

徐禎卿

石鐘山志

卷十三 詩錄

三

茫茫彭蠡口隱隱鄱湖岑地湧三辰動江連九派深揚  
船武昌客興發豫章吟不見垂綸叟煙波空我心

鐘山謁陶祠

章元梅

落日過祠下倉皇出山曲低頭拜先生清風滿修竹

靖節祠

顧 濟

無錢猶愛菊有酒卽橫琴萬古醉不了一名聞到今徑  
松存老節門柳積秋陰人畫歸來像誰傳去後心

過湖口

王 翰

澄江東去急兩槩入湖深林密藏秋雨山高倒夕陰麗

誰臨小縣佛閣出遙岑當趁風濤便無由得賞心

雙鐘月色

童 潮

兩鐘秋月高一碧湖光渺兔魄漾波間桂香飄桂杪白  
生巖罅虛明散山花好清越起鐘聲喚醒漁舟曉

淵明故址

童 潮

先生已歸來遺此折腰地不見督郵人祇聞解印事徑  
花雖就荒臺月還留醉賦罷清流詩西疇春已至

大嶺雲亭

童 潮

迢迢大嶺巔雲裡一亭鎖雨過澗雷鳴風來花雨墮元

石鐘山志

卷十三 詩錄

三

猿隔樹啼白鳥當簷坐亭畔有喬松多節何磊砢

花尖秀色

童 潮

天削玉芙蓉亭亭湖邑背籠煙拖翠髮濯雨橫青黛百  
尺樹陰濃三春花影碎芒屨竹杖間勝事輸吾輩

彭蠡濤聲

童 潮

慨斯萬水瀦浩浩誰能畝倒浸一天低下深九地厚鑑  
開浪息時玉漾風怡後一棹擊空明百篇詩斗酒

沙洲漁唱

童 潮

渺渺鄱湖洲曉風漁唱起雖無徵角音卻得昇平理名

利天遙雲生涯煙內水我將寫作聲彈醒塵途耳

石鐘山歌

劉玉

石鐘山何高哉雙巖競秀江之隈初疑端人秉笏立朝  
署又疑靜女把鏡臨妝臺長江萬里如奔馬彭蠡淵泓  
匯其下乾坤陶冶質本虛波濤撞擊聲非假春風瀟瀟  
秋月明蛟龍鼓舞鯨鼉鳴或如巨鋪震東序或如棧廟  
和琴笙水石相搏豈人力石鐘千古留佳名山僧扣石  
誇奇絕南音函胡北清越山川靈異石偶同至理宜容  
三寸舌我來訪古將誰從酈元李渤東坡翁枕流洗耳

石鐘山志

卷十三 詩錄

王

了無得倚闌目送雙飛鴻忽憶高皇此停蹕龍旗一掃  
羣凶畢鐘乎鐘乎爾善鳴爲子汛掃磨厓石

登石鐘白雲亭次韓都憲韻

徐達

石鐘道人已仙逝白雲千古留石亭出岫無心碧落遠  
長鴻萬里秋冥冥有時氤氳自邠郭霖雨人聞都望作  
薰蒸無力致雷霆因風吹散滿寥廓青天爲幕地爲籠  
八荒六合舒卷中蒼狗白衣改物態奇形怪狀亦化工  
四時雲漢不改色羲輪正展中天日我欲一籠收爾雲  
呼童挑送陶彭澤素子胸中頗嘯奇停雲隱几成獻獻

飄然乘爾故鄉去日向山頭來往飛

咏石鐘山

錢亮

江流撞石根空洞答幽響遐哉太古音舍此將焉訪歸  
途阻長風偶來愜青賞慨茲名利身勞勞攖塵網浩歌  
不能去坐見江月上

石鐘山

陳沂

山懸絕壁橫江出寺擁空廊逐浪回沙鳥影迷春雨暗  
石鯨聲起夜鐘哀匡廬指點浮雲外野縣依稀綠樹隈  
陳迹百年重過此孤舟一繫且登臺

石鐘山志

卷十三 詩錄

王

石鐘山

王挺

水扼江湖會山臨楚越間徒聞石鐘勝不解鐵衣閒月  
碎鼉鼉窟風淒虎豹關惟餘釣磯上夜夜小舟還

石鐘山

江鳳岡

偶宿江邊寺清宵話對僧香焚薰被火影落渡巖鏡洞  
古詩封蘚山虛石自鷹呼童摩墨刻長嘯立峻嶒

石鐘和前韻

秦泮

我愛禪林靜停車久託僧壯懷長萬里清夜只孤燈木  
落山如瘦鐘鳴石欲磨有絲拜君使交誼重峻嶒

詠石鐘山

梅凌雲

翠微巖竇覓仙踪千古名傳此石鐘元氣天開眞絕響

巨靈山護幻奇容蒼藤掛日孤厓秀綠樹屯雲萬壑封

徙倚層巒瞻五老凌風欲上最高峯

白雲洞

華天民

古寺雲爲洞空巖石作鐘山高低雁鷺水急動魚龍屨

氣三江繞苔痕萬徑封重游看不盡明月挂前峯

咏石鐘山

張科

楚水吳山望不同雙鐘五老自西東逢僧莫盡無生話

石鐘山志

卷十三 詩錄

三

浮世何人悟色空

江上阻風登石鐘山

張科

夜宿滄江上濤聲夢裏聞漁歌歸楚些郢曲入吳雲慙

接冠裳客還尋鹿豕羣亂槳鼓流水涼月白紛紛

阻風湖口登石鐘山作寄白下知己

吳兆

川長已積勞風阻漸成疾離舟步少舒登山脰可引峯

垂似倒蓮石起如抽笋匯澤蕩無際潯江眺不盡煙含

楚岫微風送吳舸繁枝響山鳥聚葉密巖花隕渺渺春

目傷悄悄旅懷慙攘攘既獲譏栖栖亦負晒巖穴有遺  
志寄我同心允

石鐘山

米萬鍾

攀秋高倚夕陽筇廬嶽遙青醉眼峯山納潮音開梵宇

石招吏隱擁花封天成風韻江知竅法演聲聞佛藉鐘

賸欲寫圖收拾去耳根空悵墨華濃

過鐘山二首

魏國忠

石夾旗山古戰場至今凜凜肅冰霜江淮吳楚干戈戢

擊壤康衢又復唐

石鐘山志

卷十三 詩錄

三

水石奇觀在此山巍巍渺渺逸雲鬟分明天險當衝處

信是洪洲第一觀

登石鐘山

吳國倫

楚客登高秋思濃白雲隨杖入芙蓉九江落日迷山市

萬壑松濤響石鐘古閣懸空愁過鳥輕帆挾雨帶飛龍

俯看天塹雄南北何事中原有戍烽

石鐘山

陳于韶

一片孤城雙石鐘峻嶒傑閣隱芙蓉雲摧峭壁愁黃鶴

雷起陰潭上白龍揚子暮潮搖極浦匡廬殘雪見中峯

乾坤終古雄天塹卻訝南州有戍烽

一眺蒼波萬里流東南吳楚坐中收峯高鳥鵲凌寒度  
水闊龜鼉吹浪游落日倒翻河漢影斷虹長挂石梁秋  
天涯憔悴誰能醉芳草浮雲處處愁

登峯望彭蠡歌

石沈

適渡含鄱口來登五老峯千盤萬剝無人迹雨過泥腥  
見虎踪一鏡孤懸五峯背煙嵐五點濃如黛壁面起兮  
蠱相向石巖疊兮詭萬狀履觸雲生處身齊飛鳥上霞  
綵屏兮成錦霧瀾谷兮如漲峯頭霧雨峯下晴一邊湖

石鐘山志

卷十三 詩錄

早

樹夕陽明波聲直撼鄱陽縣江色遙分湖口城憶昔揚  
帆彭蠡左湖心迴歷看將墜今來頂上看湖光湖光射  
眼白如霜不知浮蕩蒼翠表只覺微茫叟山小林交陰  
兮青兕啼草丰茸兮故步迷游人今夜何峯宿遙逐鐘  
聲渡水西

曉渡彭蠡

徐渤

彭蠡秋高水接天征帆一片去茫然蘆飛楚岸千重雪  
樹擁康山幾點煙報曙野雞殘月後知羣寒雁曉霜前  
客行不耐風波悲魂斷漁歌到枕邊

渡彭蠡

袁懋謙

鄱湖百丈鎖蛟宮向夕飄飛廣莫風雲裏匡廬看出沒  
天邊日月掛西東三江水漲銀河接萬里湖回鐵甕通  
此地一經龍戰後千年人識帝圖雄

秋住湖口

吳本泰

雨夜官城暗霜期候雁呼瘦笳黃葉寺高枕白雲湖歲  
月傷羈客煙波狎釣徒醉吟楓落句秋思滿東吳

桑落洲弔何無忌

莊祖誥

石鐘之奇何屹嶮雙鎖江湖稱險絕制勝當先據上流

石鐘山志

卷十三 詩錄

早

潛之謹論原非拙奈看勢急倒狂瀾砥柱中流須自決  
引兵拒戰氣如虹進諫難回心似鐵倉卒誰操必勝權  
彼勝而驕終自滅一戰再戰江水紅波濤山立西風烈  
檣傾柁折力難施力盡笑完蘇武節正氣長留天地間  
江流有聲尚嗚咽

讀書臺

段以獻

偶坐山前萬象悄一朵石蓮開嬈嬈須臾盈地見金光  
散作彩霞天際曉我來始構讀書臺臺上風清月復皎  
試問乾坤孰為儔綠樹青山與飛鳥矯然獨立最高峯

一望塵寰如粟小

泊湖口月夜望廬山

譚元春

上帶九江六十里幾人船上無匡廬好山只入看山眼  
明月橫江畫不如

聽石歌

鄒逢吉

懸天開古鏡擲地忽為聲憑陵風力重吐納水神擘  
疑稽蚪蚪徙篋迷所守智鑿五丁空力倚六鼇走湖山  
開寶藏代為匡君有鯨喉奔九奏屢魄捍五紐時響鈞  
天深七音曷能偶智者聽無聽斧斤悲所剖滌耳不開

石鐘山志

卷十三 詩錄

望

斧斤聲寂寂空山寥泐情碎捲洞庭千頃雪倒洗山容  
憂天鳴百尺雲頭鞭石虎咆哮風前絮鼉鼓濯子耳性  
可收金鑪子思力能通土造物靈根無積塊遺與黃鐘  
詮律母

石鐘虹橋港棹檀江州

鄒逢吉

怒吼蒲牢震耳鳴嘈宏猶作鼓聲剖心難轉雙巖石  
回首空悲萬里城莫唱浮鳩增感慨且看繫馬願昇平  
北門鎖鑰中流柱懷古傷今淚獨傾

夜泊湖口

張程

偶棹湖邊縣空山萬籟鳴夜懸三寶月天豁九江城古  
堞堆初影清笳度遠聲良宵真足惜因動薜蘿情

入湖口和王遂東兵憲二首

陳文德

霜風捲暮江鐘岫吼如撞霄漢懸茅屋晨星數葉艘城  
隅曉可恃山勢屹難降蕞爾容閑吏義皇臥北窗

坐嘯頻搔首湖光一點青狎煙鷗汎汎掠浦雁冥冥者  
識同捫籥庸材愧孳鉞未能爛案牘廳事畫常局

初秋小集聽石樓

陳文德

釀嵐割藹園山酌席地幕天話寥廓片片吳帆衝楚煙

石鐘山志

卷十三 詩錄

望

西風細縷波紋弱倦雲憩我巖上樓樓畔響泉雲外落  
今日秋容掠薜衣月下寒鐘驚栖鶴

秋日獨步上下石鐘山二首

陳文德

孤筇出郭叩煙霞積靄攢嵐逕亂遮振屐半扶欹岫木  
傾壺時籍覆巖花湖波寒溼層層磴秋色清洵曲曲沙  
抱膝高吟心手暇夕陽林外數歸鴉

兩山情態各攸宜賸有孤情靜討之雲外數峯爭向背  
煙中一洞互幽奇樹篩月影偏全異樓飲湖光深淺歧  
獨有鐘聲起清夜聽來上下不參差

舟中望石鐘山

陳文德

巧斲碧雲根屹立癡蛟腦腥流不敢噴氣勢高自好復  
洞貯春煙茸茸透芳草中有千秋構傳說由般老雨歇  
蕩輕舟攬衣恣幽討嵌空石性靈拍罅波容倒鈞然堂  
上懸靜聽馮夷考誰解審元音的磔垂文藻江山磁容  
塵往迹紛如掃獨留髯蘇筆不逐懸蘿槁

淵明祠

安南使

黃花綠柳興悠然熙皞襟懷樂性天解印已辭彭澤令  
著書猶記義熙年陶情幸有杯中物得趣何勞琴上絃

石鐘山志

卷十三 詩錄

四

千載高風真可挹籃輿不朽後人肩  
或云康熙初安南黎英俊奉便過此  
即是人也

湖口題三學寺

王必述

湖口十三都尙云彭澤鄉乃知古彭澤縣治武山陽父  
老口陶令遺迹文橋傍號爲三學寺後乃公祠堂絃歌  
入十日伏臘承初忘同時有周陸過此閒徜徉道祖絕  
家室誦佛往西方陸君持羽扇九轉燒瓊漿淵明一盃  
酒太古歸茫茫孰知生與死大道無短長前有洗濯池  
蒲草環淤塘左有望月臺蔓草紛枯楊我有無絃琴面

壁題禪房巨廬萬古色與君遙相望

涇江口

張昇

太陽一出楚煙空記取當時霸力窮雲影尙如旗影密  
水聲渾似殺聲雄丹青自顯千年迹基業誰談一戰功  
今日笙歌隨處有好將清興問漁翁

淵明祠

蘇秉衡

白日忽見匿浮雲結坐陰薄宦豈初志歸與遂吾心池  
魚復深淵籠鳥返故林褰衣適邱隴荆杞日已深彼美  
東籬花不受霜霰侵掇英樂真賞南山對孤吟

石鐘山志

卷十三 詩錄

五

岳武穆祠

鄭嶽

石鰲方池幾百年岳王舊宅世猶傳格天高閣今安在  
萬嶺荆榛野雉眠

石鐘山

魏瀚

憶昔潯陽夜泊舟置身疑在廣寒游雲低梵宇諸峯暝  
水擊歌鐘萬籟秋色隱楸棲鶴下潮音撼雨蟄龍浮  
無因醉共坡仙去鼓楫空明一唱酬

狄梁公祠

許纓

輔國功昭青史上思親心向白雲邊古來賢相知多少

忠孝如公竟兩全

題鐘山白雲亭

歐陽一敬

得辭青瑣賦歸來臨眺何心上碧臺只有君親酬未了  
日光雲影共徘徊

陶淵明祠

周縉

祿在他人道在身肯將名節喪風塵歸來三徑秋風裏  
還與黃花作主人

狄梁公祠

李玉清

牝雞聲裏紫宸寒神器都歸竊弄閒一語喚回鸚鵡夢

石鐘山志

卷十三 詩錄

吳

九霄奪得鳳雛還荒祠寂寞臨官道清節孤高重泰山  
為問模稜蘇相國當時相見有何顏

狄梁公祠

何文魁

回天有力決神機扶得前星上太微百里無慚孤鳳翥  
九霄還夾五龍飛籠中有藥終醫國門外栽花不為私  
卻嘆房陵厭春色落花香襲亂人衣

石鐘

鄒維璉

非經大冶鑄不借楚宮鳴留奏元靈曲空中廣樂聲

九日登三賢寺分韻

王演疇

陶令祠前菊已芳恍然風景似柴桑衰年正值登高倦  
弔古因之引興長頭上有巾無酒漉席中分韻得閒忙  
停雲倦鳥催歸去且倩餘觴送夕陽

陶淵明祠

張一貫

出岫無心是白雲輕將綬解遂初盟甯因松菊求人伴  
卻許田園得我耕尊酒何曾關世事籃輿到處愛山行  
至今晉代誰同調柳自依依風自清

石鐘山志

卷十三 詩錄

吳



石鐘山志卷十四

芷江李成謀

蒐輯

益陽丁義方

桐城方宗誠

校訂

善化胡傳釗

藝文

大孤山歷朝詩錄

唐

夜歸孤山寺寄盧郎中

許渾

石鐘山志

卷十四 詩錄

一

青山有志路猶賒  
心在琴書自憶家  
醉別庾樓山色曉  
夜歸蕭寺月光斜  
落帆露溼回塘柳  
別院風驚滿地花  
他日此身須報德  
莫言空愛舊煙霞

宋

大孤山

黃庶

彭蠡百里南  
國襟萬頃蒼煙插  
孤岑不知天星何時落  
春秋不書不可尋  
石怪木老鬼所附  
茲乃與水同浮沉  
鳴鳴大藤樹下廟  
祭血不乾年世深  
舳舻千里不敢越  
割牲醴酒來獻斟  
我行不忍隨人後  
許國肝膽神所激

落帆夜宿白鳥岸  
睥睨百遠寒藤陰  
銀山大浪獨夫險

比干一片崔嵬心  
宦游遠去父母國  
心病若有山水淫

江南畫工今誰在  
拂拭東絹傾千金

船泊大孤山作

黃庭堅

匯澤為彭蠡  
其容化鵬鵬中流  
擢寒山正色且無朋  
其下蛟龍臥宮譙  
珠貝層朝雲與暮雨  
何處會高陵不見  
凌波靨靚粧  
照澄澗空餘血食地  
猿嘯枯楠藤高帆駕  
天來落葉聚秋蠅  
幽明異禮樂忠信豈  
其憑風波浩平陸  
何向非履冰安得曠  
達士霜晴嘗一登

石鐘山志

卷十四 詩錄

二

大孤山祠

晁無咎

江吞湖卷氣俱豪  
崛起孤峯百仞高  
歸為嬋娟買絲履  
卻應還我所忘刀

望大孤山

范成大

廬阜岡勢斷  
江流澗相通  
大孤如小冠  
插入齋淪中  
我欲蛻濁浪  
往馭揚瀾風  
晃晃銀色界  
灑灑水晶宮  
濯足望八荒  
列宿羅心胸  
客帆詎肯駐  
搔首蒼煙濃

大孤山

趙崇鉶

大孤溶溶抉眼青  
小孤江色春冥冥  
隔江淮壩幾千里

枯荻蕭瑟朔風起佳人何在遙相望我無羽翼從君翔  
為君暗整眞珠裘綠蘅翠芷參差香

明

大孤山次舉善茂才韻

王沂

聞說揚瀾好春舟更一灣江豚乘水上野鶻落雲間勝  
景疑三島靈祠俯萬山若逢王子晉笙鶴定相攀

過鞞山戲題

王守仁

曾駕雙虬渡海東青鞵失脚墮天風經過已是千年後  
踪跡依然一夢中屈子漫勞傷世隘楊朱空自泣途窮

石鐘山志

卷十四 詩錄

三

正須坐我匡廬頂濯足寒濤步晚空

風雨過鄱湖望大孤山

王叔承

亂山爲縣鎖長江江口湖開萬頃蒼湖上孤峯鏡中黛  
楚風吹雨一船涼

鞞山

徐遵湯

江空不可涉沙軟若爲迎雲逐凌波渡風隨響屨生

詠大孤二首

陳文德

誰削青芙蓉獨插彭湖裏平分五老雲遠挹九江水日  
月共吞吐煙霞互流徙大力障狂瀾與天地終始

百仞時煙髮湖光浣媚顏巢巖仙鶻健曝岸老龍閒澹  
蕩遙相望孤高未易攀不知何自誤流俗指鞞山

大孤

張思問

選勝時爲汗漫遊湖光倒影碧天浮長風萬里誰爲志  
好挽頽波共溯流

國朝

鞞山

朱徽

萬頃煙濛濛一卷插在中凌波詎有襪對月卻成弓幻  
似機邊擲情因望處通宜知疏決意砥柱非人工

石鐘山志

卷十四 詩錄

四

望大孤不得登

江阜

片石高凌插水遙澄湖秋近遠林凋風鳴鶴鶴聲初落  
潮洗蛟龍迹未消王氣百年悲戰伐幽踪此日負漁樵  
何當隔岸蒼波遠獨繫扁舟臥寂寥

大孤山

朱彝尊

兩孤去百里宛在中流半匪獨形勝殊氣亦變昏且天  
梯鬼斧開廟火神鴉散昭昭雲月輝歷歷明星爛空水  
既澄鮮浮光亦凌亂飄飄御冷風恍忽度銀漢未有歸  
與情空深逝者歎

大孤山

王士禎

宮亭湖上好煙鬢鬢初成玉鏡開霧閣雲窗不留客  
蘋花香裡過鞦韆

大孤山

陳啟禧

四顧皆波靡一柱中流屹仰攀碧落雲俯室妖嬈窟誰  
泛仙山來蓬壺如可挹我欲駕飛驂陟巖禮朝日

望大孤山

成文昭

剪江風急浪花圓指顧抽帆杳靄間天外煙分彭蠡口  
日中風吐大孤山人家歌鼓還佳節水上梅枝照旅顏

石鐘山志

卷十四 詩錄

五

不見春盤細生菜重逢人日憶鄉關

游大孤山

黃士屏

振屐西風上雲濤面面生山從廬嶽斷江入楚天橫神  
女沉煙渚靈祠帶晚晴玉膏何處採惆悵權歌聲

登大孤山

嚴思濬

孤山存廢寺放眼一登臨老塔餘松竹寒鐘失古今晚  
風吹客意殘照下江心莫便尋春去春愁苦更深

大孤山

桑調元

晴嶽彭蠡口卓立飛雲孤波聲應鏗塔影涵模糊連

雁破香靄一螺浸空虛天寒光氣曩景曉晴光鋪風濤  
度浩渺霜木知周枯雙鐘遙明秀翠斷澄滋湖

大孤

蔣士銓

凌空留直性立腳見孤根不黨規模正無依氣象尊六  
鼇扶地軸一塔語天門幸有前峯在中流托弟昆

鞦韆山

崔謨

踏破湖天萬里潮雲鳧水鷁首重翹誰將隻履留殷監  
認得黃公舊圮橋

大孤山

蔡彬

石鐘山志

卷十四 詩錄

六

茫茫萬頃古鄱湖屹立中流一石孤地柱天維原不折  
試看此石似耶無

大孤山懷古

周厚軻

大孤突兀一千尺橫截湖心當半壁驚濤萬頃向東流  
一點螺光接天碧峻嶒斷塔空中懸陰風射人鬼火然  
斑斕一片磯頭石猶染當年戰士血高皇討賊趨安豐  
洪都殺氣橫江東十萬龍驤齊伐鼓鼓聲震裂馮夷宮  
康郎山頭火光紫賊旗倒退三百里紛紛流矢射波紅  
河陽魚兒貫睛死停妝臺上樹蒼蒼地下班姬空斷腸

明月滿湖角聲冷折戟沈戈夜吐光

夜霧過鞞山示臣替弟

周厚翰

四圍雲抹水痕無黑漫漫夜入湖浪跡半生何處岸  
斯時大海一微軀迷茫只信前頭去款乃誰聞後面呼  
總是廬山游不得帶來嵐氣灑平蕪

孤山砥柱

歐陽鉉

拭目長江萬里寬玉盤捧出石中山何須別覓擎天柱  
的是東南第一觀

孤嶼濤聲

丁應鼎

石鐘山志

卷十四 詩錄

七

一柱孤高長大觀巖巖壁立障狂瀾橫翻日月光偏閃  
常吼魚龍膽亦寒湘水涯流同吐納廬峯對峙共盤桓  
潮迴汐卷分吳楚獨羨海門地步寬

過大小孤山

馮詢

去年經大別小別今年經大孤小孤卻指孤山語孤客  
年年作別胡爲乎大江奚元聲長驅孤山出沒勢欲無  
山明水淨尙如此颯風陡作夫何如孤山不孤客始孤  
下有金焦上匡廬仙山絡繹住仙眷此不能住求蓬壺  
浮家泛宅豈易事乘風破浪空驚呼元龍身世亦偃蹇

雖有豪氣沉江湖

游鞞山

洪鈞

小姑住江上鞞山峙湖中兩山皆特起瘦削青芙蓉如  
人絕 附獨立塵寰空鞞山像飛鳥比附工形容何年  
玉女戲雙履墮天風石薜蘿尖翠浪花蹴嬌紅凌波欲  
微步除是逢愚公茲行愜幽賞輕舸度游踪水落泥淖  
積摧挽羣聲詢抵麓卽循磴升高忘扶筇題名捫峭壁  
陟巖憩神宮瞥見履新繡顏色桃花濃道旁擊窠宇巨  
石經磨礧小姑誰奪罇彭彭矜奇功麗句復鐫此錦襪

石鐘山志

卷十四 詩錄

八

鞞山

張盛藻

煙波浩淼月初彎彭蠡湖中露翠髮荷葉麥花青不斷  
一峯筵筵是鞞山

小孤山歷朝詩錄

唐

游小孤山

顧况

古廟楓林江水邊寒鴉接飯雁橫天大孤山遠小孤出  
月照洞庭歸客船

宋

登小孤山

劉敞

驚波觸南崖反怒射北壁蒼山與相排所謂小孤石蟠  
根萬仞淵聳角百丈碧祠堂路精嚴行旅進粉澤或云

石鐘山志

卷十四詩錄

九

婦女神屏蠻頗有格吾知定名意似欲旌介特流俗失  
其真傳聞莫開釋居人私其利禍福妄損益競為媚如  
說以誣聰明德先王撫山川禮典有廟食奈何媚於竈  
屈己忘正直吾欲為小孤作書解行客復恐不見從嗟  
哉世多惑

登獨秀兼咏小姑

蘇軾

倚天巖絕玉浮屠肯與彭郎作小姑獨秀江南知有意  
要三三別四方壺

小孤山

王安石

小姑未嫁與蘭支何限流傳樂府詩初學水仙騎赤鯉  
意尋山鬼從文狸續紛雲影空棹綽約煙鬟獨桂旗  
弄玉有詞終或往飛瓊無夢故難知

登小孤

張耒

一峯拔水孤劍立古廟開簾雙臉紅水邊古木老龍蟄  
山下水色磨青銅我來扁舟望有禱萬頃春水清溶溶  
明神報我意加厚嗟我薦獻愧不豐重游知復在何日  
俯仰天地身飄蓬

游小孤山

謝枋得

石鐘山志

卷十四詩錄

十

人言此是海門關海眼無涯駭眾觀天地偶然留砥柱  
江山有此障狂瀾堅如勇士專場立危比孤臣末世難  
明日登峯須造極渺觀宇宙我心寬

登小孤山

有序

吳澄

延祐五年秋與伯生修撰憩彭澤水驛值江州  
推官畢侯來審囚棹舟登孤山有彭簿劉尉同  
游因賦五十六字

三十年前東下時開蓬曾賦小孤詩風濤如許相衝激

天柱迄今無改移長願江流平似鏡坐着舟客去如馳  
悠悠此日登臨意付與潯陽循吏知

小孤山

揭傒斯

小孤山前一回盼蒼然如識孤山面隔江疊障開翠屏  
絕壁浮雲飄素練憶昔初蒙翰林聘艤舟尋奇不知倦  
捫蘿陟級至絕頂目極神開氣爲變大江東匯彭蠡來  
晝夜崩騰奔海甸笳鼓遙聞日月動帆檣忽動乾坤滿  
舟人不識造化奇且晨每趨南風便蚤悞微官七載縛  
底用區區厭貧賤深窗合壁守編摩何異揚雄困雕篆

石鐘山志

卷十四 詩錄

七

重來勝地歲月暮短景催人疾如箭天昏一火明半山  
石底猶疑有飛電彭郎磯下寒泉湧坐客正說龍君傳  
人生可喜還可憐世事堪遠不堪戀明朝匡廬復入眼  
雖有此景何由羨武城先生獨官好名山每恨游難徧  
豐城客子無一錢但當作詩乞如願

彭浪磯

揭傒斯

絕岸孤峯已是奇彭郎對立儼相持海門第一關如此  
山峽幾多人未知險勢踰來平似地安心贏得賦新詩  
長江渺渺東流去會障狂瀾更有誰

北上登小孤山

揭傒斯

積雨西南下朝宗第一門憂勞思舜禹疏鑿正乾坤地  
束千帆側天扶一柱尊蛟龍深窟宅穩睡莫騰翻

登小孤山

傅若金

船度江天暮色青半江峯影動寒星海風忽起元珠樹  
山月遙生綠玉屏

海上夜失蓬萊山九江飛翠落雲閒仙人暮暮來絕頂  
徑踏星辰朝九關

小孤山

丁鶴年

石鐘山志

卷十四 詩錄

七

峽束千雷怒擊撞危峯屹立壓鴻龐山聯廬霍朝三楚  
水落荆揚限九江鎮海重關爲第一擎天孤柱故無雙  
瓊環夜月知何處露溼蓬萊玉女窗

小孤山

楊載

日暮霞明錦浪翻崖傾石峭白雲閒乾坤上下推孤柱  
吳蜀東南壯此關神物夜移風動地仙舟曉渡月漫山  
回瞻絕頂登臨處空翠溟濛杳靄間

明

小孤山 并序

輿獻皇

吾受命就封於湖之安陸舟經彭澤小孤山駐  
覽茲山秀拔江中障流拱日勢甲他山特賦古  
詩一章以紀其勝云

鴻濛莫羣山融結各異象靈秀鍾小孤屹立長江上寒  
光溜碧虛峻勢臨厚壤松掛紫虬髯石垂元虎掌巖巖  
迴天造瑩拔肅人仰匪直秉嚴凝時亦開潤朗即精拱  
朝暉曜水光宿莽亭亭豁真奇俾我凌遐想想望懍眉  
髮安能一躋往緬懷樂山者於焉獨心賞賞彼棲白雲  
馳思中潑潑賞彼致甘霖澤此疲民廣

石鐘山志

卷十四 詩錄

三

小孤山

劉基

兩崖相夾石爲門萬水東流去不奔拔地一峯形自險  
擎天獨柱勢猶尊魚龍并躡春初暖風雨來時晝易昏  
想見當年神禹鑿奇功千古至今存

小孤山歌

危素

大孤之石衡且脩青青長在湖中臥小孤之石銳以高  
峭立傲岸當洪濤滔滔逝水東流去兩石巉嶢屹天柱  
蜀巴之源浩沕沕壯哉此地江海門鴻龐稍見土宇曠  
疏鑿方知夏后勤名山大澤神所主過者震驚誰敢侮

云何作廟向江壩搏土娉婷若龍女篙師賈客爾何知  
坎坎伐鼓持豚踞倚蓬清坐漁歌起日暮沙禽來去飛

小孤山

楊溥

誰鑿闌江石功成大禹先百年同赴海一柱獨擎天月  
出潛蛟舞風來過鳥旋重游任夷險但見雪盈顛

至小孤山

張適

江行已十日始至小孤山東下方千里西來第一關穿  
巖祠廟險躡石鶴鵲閒賴有人成市篙翁得酒還

暮登小孤山

彭華

石鐘山志

卷十四 詩錄

齒

扁舟泛湖口日暮泊彭澤欲尋淵明不可見江山形勝  
渾如昔羣峯峭拔奔走江之南何時巨靈擘裂一峯巉  
巖屹起江之北江波滾滾來日夜流不息豈不聞洞庭  
闊無涯豈不見彭蠡深莫測千里拍天勢兩山束狹如  
溝洫誰云非尾閭下歸無終極傍與四海相周流中藏  
鱗甲不知幾千百萬億我生碌碌三十秋幾度往還倦  
登陟今來伯仲自相攜乘興躡足此山側劃然憑空發  
長嘯山鳴谷應石欲裂須臾寒風四起雲四塞四海入  
荒同一色林木陰森猿鶴吟驚濤怒湧蛟龍泣只言日

曠心神怡甯知興極憂思集懷鄉戀闕兩悠悠征衫半  
掩啼痕溼功名百歲竟幾許蹉跎一老嗟何及何當名  
成早賦歸去來挾此風雲飛上蓬萊立等閒謝絕人間  
事卻與羣仙相出入相出入共周旋上摩日月俯乾坤  
回首杯視江湖培塿山區區一登覽瑣瑣安足論

登小孤山

李東陽

山當極浦峯全峻江到寒磯勢卻迴獨立海門風不斷  
片帆揮手謝高臺

登小孤書壁

王守仁

石鐘山志

卷十四 詩錄

一五

人言小孤殊阻絕從來可望不可攀上有顛崖勢欲墮  
下有劔石交巉頭峽風閃壁船難進洪濤怒撞蛟龍關  
帆檣摧縮不敢越往往退次依前山崖傍沙岸日東徙  
忽成巨浸通西灣帝心似憫舟楫苦神斧夜闕無痕斑  
風雷倏翕見萬怪人謀不得容其間我來銳意欲一往  
小舟微服沿回瀾側身脇息仰天竇懸空絕棧蛛絲慳  
風吹卯酒眼花落凍滑丹梯足力孱青鼉吹雨出仍沒  
白鳥迎客來復還峯頭四顧盡落日宛然風景如瀛寰  
煙霞未覺三山遠塵土聊乘半日閒奇觀江海詎爲險

世情平地猶多艱嗚呼世情平地猶多艱回瞻北極雙  
淚潺

小孤山

夏寅

海門東去大江橫秋滿乾坤萬籟鳴七十二峯青未斷  
小孤山下看雲生

彭浪磯

夏寅

虎牙彭浪石鐵柱小孤山江漢朝宗道東南第一關

小孤山

簡香

砥柱崢嶸障碧湍仙踪遙望翠微端空中樓閣依雲起

石鐘山志

卷十四 詩錄

六

海上蓬萊帶霧看波淨姝鬟臨寶鏡月明仙掌湧金盤  
乾坤奇勝江湖絕欲賦新詩摹寫難

泊小孤

陳邦瞻

驅石何年到海邊孤根突兀插重淵氣蒸吳楚千江合  
勢壓東南萬仞懸雲破中天支玉柱月明大地湧青蓮  
我來恍惚聞吟嘯疑有蛟龍夜不眠

小孤山

李明睿

小孤屹立海門東攬雨挈雲沛澤隆江漢朝宗磐地軸  
蛟龍奮鬣代天工憐予乍泣孤臣血謁帝俄聞聖主聰



不是中流雄獨砥萬邦誰與奏膚功

孤山歌

喻以恕

江流何渺茫湧起波中嶼嶼不與水平怒號晝夜舉沐  
日浴月天地清撐雷噴雪波光整鶻棲危巢乘風橫僧  
定禪心一葦輕

小孤山

左贊

奇峯峭獨立一柱擎蒼穹上有仙人亭下壓馮夷宮長  
江發岷峨來勢浩奔雄到此如安流海門出神功場來  
持使節維舟暨從容散步翠雲臺紆回一徑通仙子試

石鐘山志

卷十四 詩錄

十七

神粧晞髮日初紅廟貌著靈貺今昔巖哀崇馬當秋色  
外彭澤春樹中子雲富文藻靖節留高風懷古重瞻企  
凭欄送征鴻俯觀名利子來往紛張蓬披襟一長嘯白  
雲生碧空青山不改色江流自來東

小孤山

彭綱

一柱中天起亭亭立海門古今作區軸旋轉此乾坤

重游小孤山

高龍

高閣千尋俯碧流插天孤柱海門秋柳疎共識陶潛徑  
沙淨初維范蠡舟躡磴昔年猶稚子登高今日愧交游

不堪拭淚風塵眼但摘黃花醉滿頭

小孤山

丁湛

孤峰千仞勢嶙峋石磴攀躋翠靄分一路濤聲長帶雨  
半窗嵐氣總成雲參差梵閣依巖起斷續漁歌隔岸聞  
莫謂芙蓉初拂水江天獨立孰如君

小孤山

左懋第

山骨能勝水屹然莫敢爭奠之彭蠡外門戶撐神京神  
物張靈吻邪者魂魄驚雲氣護石老天風激水清把劍  
徬徨立揮之斷長鯨

石鐘山志

卷十四 詩錄

十八

國朝

望小孤山

彭士望

昔日元道州曾運醉魚舫豈若茲石奇兀傲羣流上日  
月與俱浴雷雨亦相盪樹無凡鳥栖巖供山僧養苦節  
風波中獨立本無黨

登小孤山

江殷道

絕巘霞明碧玉浮東南佳氣望中收風移日影輕帆疾  
月落秋聲獨寺雷洛浦凌波迷斷岸漢皋解珮隔芳洲  
驚寒雁陣平沙起惟有山僧樂未休

小孤山

丁孕乾

海氣隨潮至蒼茫萬物秋身安清磬外世與白雲浮草  
木存天性鷹鷂獲野謀攀援自不到山徑在孤舟

游小孤山

劉曉

破浪收吳楚驅鼉立大天白飛溢浦月青到玉壚煙鐘  
鼓千雲出香鐙一水懸登樓看柳色猶是晉時妍

小孤山

王廓

江上青山一劍孤氣虹夜貫斗牛墟寒籛古祠神所居  
謾說彭郎近小姑俚語不經聽者愚舉世孰與明其誣

石鐘山志

卷十四 詩錄

三

山下長江適蜀吳飛廉怒鎖千舳艫乾坤變色慘不舒  
楫摧纜絕愁萬夫初疑破虜遇老狐又訝伏波留賈胡  
陽侯負弩雄前驅沔陽擊鼓嚴後車六鼉掣杓軒蓬壺  
八駿按轡鞭龍魚神靈怪駭千萬殊縱有健筆難窮書  
一官長沙賦歸與三年臥病南陽廬故交新貴一字無  
扁舟夢膽松江鱸行或使之不可虞呼童取酒聊自娛  
短歌激烈驚樵漁掀髯一笑誰知予鄰商去住依祝誣  
盤餐拜祠檣上烏百千之利眾所趨浪走不待晨雞呼  
進銳退速中乘除未要冒險爭前途江山正白不我疏

我亦樂與江山俱安得匹素百尺餘他年寫我東游圖

小孤山

丁嘉臣

一峯不著地獨向大江浮突兀方知特孤高孰可儔崖  
迴千匹練閣度幾帆秋極北風煙渺憑虛起暮愁

小孤山

歐陽鉉

濯足兩江水埽塵八面風往來惟日月伴伴是蒼穹

小孤山

丁自發

吾家山水大江東孫祖相攜白浪空諫草不隨帆影動  
詩思偏向石頭工海門澤潤濤潮至雲路懸勳積悚通

石鐘山志

卷十四 詩錄

三

我亦欲從天地老扶筇直上伴光翁

小孤山

陳俶

一柱矗波心孤高仰百尋眼空低楚嶽骨冷透潮音僧  
夢曉巖曲龍吟峭壁陰鐘聲何處是飛落在江心

小孤山

萬邦孚

崢嶸今古壯神州突立東南鎖上游水勢激翻湖口浪  
風聲搖動海門秋霞侵玉女三千界雲隱粧臺十二樓  
我欲維舟登極頂下看吳楚一浮鷗

彭浪磯

侯千助

鐵柱當關立相傳是海門只今石出處猶有舊潮痕

小孤山

丁濟

咄嗟造物怪山不與山同無伴倚天立凌空插水雄撐  
持憑大力挺峙仰英風攪雨九臯際潮翻沛澤隆

小孤山

何顯

波心突矗插奇峯鑰鎖海門第一重月色影籠凌漢樹  
濤聲響徹撼山鐘撥雲撐起天邊日破浪驚飛海底龍  
幾度風狂瀾欲倒長留玉柱鎮江衝

題彭澤劉東橋解元

小孤山圖 周厚轅

石鐘山志

卷十四 詩錄

三

小孤山踞彭澤東上游下游之當中洩注彭蠡泄江漢  
吐納日月關魚龍高不百丈頂圓銳冠以多樹煙蒙龍  
其趾延袤石散卓有穴瀕洞聲涵洪峻嶒凹凸自立骨  
面背側卸皆成峯距南北岸割都會一襟帶水交幪幢  
翼曾作客蠟屐屐此焉小憩支瘦筇眼界放爭天地大  
腳跟踏笑波濤鬆金焦兩點顧若盼咫尺千里流能通  
大孤招邀一程耳彎彎眉黛誰為容兩孤孤立非姑臂  
好事者說吾不從曉氣蒼騰林隼霧夜深怪吼江豚風  
舟人懼退漁人樂客子聽詫居民聾人生有情各異態

江月不礙終懸空解元詞人會心好指揮願陸描摩工

我詩非詩亦畫匹搖筆切近青芙蓉鄉關塵淨山靈迓

掛帆一去春濛濛

過小孤山

汪朝

突兀攔磯出孤峯扼巨流風聲生絕壁水勢入飛樓客  
自三吳返煙橫一棹秋江神如有贈瓊珮付波頭

小孤山梳粧亭

周世業

片石生成瘦且尖一亭峯頂貯香奩曉粧天際雲堆髻  
夜櫛江心月吐蟾夾岸好山青入坐沿堤嫩柳翠侵簾

石鐘山志

卷十四 詩錄

三

明明色相皆空幻浪靜風恬裏畫簷

九日同廉訪玉賜山登小孤山用芸臺中丞壁間

韻

任蘭佑

千仞崇岡萬里流孤峯界破一天秋近依廬嶽窺真面  
遙控潯江湖上游花為重陽開水榭人來絕頂俯山樓  
從今彭蠡棠陰徧星使他年也繫舟

宿小孤山

周子莊

不敢危闌立空江萬馬奔風搖山欲語浪齧石餘根老  
屋生秋氣寒潮出海門中流憑砥柱吳楚氣潛吞

夜過小孤

高炳剛

船頭壓影黑對我髮崩鬢起看雙流劈孤懸一柱凝荻  
蘆砂積月鐘鼓佛樓燈慚愧家山勝闌干久未憑

小孤山

鄭日奎

何年小孤山突向中流起亭亭百餘仞壁立四無倚高  
截天之雲下蟠湖之底石氣生孤寒草樹不敢美吹烏  
紛紛下遊軒少至止惟餘幽菴中一寺縮崖趾江流自  
日夜此域無增毀不謂一拳力而欲金焦比信知天地  
心狂瀾須一砥山水且復然人境今誰是

石鐘山志

卷十四 詩錄

三

登小孤山

熊一瀟

突兀疑填石荒唐紀斷鼇誰移華頂峭偏障海門高吳  
楚千帆月江湖五夜濤滔滔往來去一葉穩漁舸

小姑山下見鴛鴦

蔣士銓

第一故鄉山江煙擁髻髮波濤莽迴合竹樹自蕭閒古  
廟羣龍拜扁舟十口還鴛鴦最恩愛同宿水雲間

順風過大小孤山

蔣士銓

蛟龍栖廬山觸處噴煙水虎豹居番湖隨地露角齒叢  
叢兩岸排菰葦中流時拍肩競雄豪髻擁相賢美突兀

有本性嶸崿各成體孤立亦自得依附或堪鄙水柔似

可狎石介終不徒驚濤若為雲遠樹但如濟江湖逞威

力巒岫險根抵帆張篙櫓靜浪細僮奴喜我持平等心

風利焉足恃遙祝馬當神無偏乃公耳

過小姑山

張溟

潯陽九派洪河闊兩岸煙巒圖畫間秀削天然成砥柱  
中流唯有小姑山

小姑山

張盛藻

明珠翠羽賦凌波嫋嫋小姑意若何山色蔥蘢風色靜

石鐘山志


卷十四 詩錄

三

一盤玉鏡擁青螺



石鐘山志卷十五



桐城方宗誠  
善化胡傳釗 校訂

藝文

國朝古今體詩

鐘山

黃雲師

岷天萬里來東瀉彭蠡交之驚躍冶兩山鑄就石髓乾

石鐘山志

卷十五 詩錄

一

如齒受蟲侵豁開洞壑相樛九曲過竇緣咫尺畏酸蹀  
壁立通體玲瓏人一俯仰間百計灑蟻王審雨穴為堂  
漁客學蛛罾作社名園礪磨自矜奇宇內真奇翻類假  
風靡波穿虛受磨鴻聲震彼悠悠者不經撞發無故鳴  
縱有雷音未及啞鈍質如吾雕琢難對此嵌空媿而野  
匡山頑石汝何能置足高峯但雲惹

舟過雙鐘悼故人鄒五從

文德翼

江天何漠漠乘興過磯邊燕乳村村壁魚苗處處船雙  
鐘迷宿雨一縣帶炊烟給舍松筠在回瞻意惘然

泊雙鐘

文德翼

小船乘晝發鄰縣向江橫雨洗雙鐘淨風分九派清漸  
聞鄉語易未覺夏衣輕城上添新戍不時鼓角鳴

鐘山

文德翼

沿隄凌絕巘隔波接羣峯雨暗千家邑江清萬古鐘佛  
龕隨石合僧徑任苔封縱目情何極東吳影幾重

泊湖口欲上石鐘山未果

舒忠謙

湖心纔月上燈裏是人家水國漁成戶山城樹滿衙魚  
龍真有氣雞犬亦侵霞此夜初聞鶻探奇興未賒

石鐘山志

卷十五 詩錄

二

鐘山寄湖口令喬文衣

魏裔介

音書別後隔秋色與年遷知子能為政安民是大賢鐘  
山酣夜泊湖上看花然莫負白雲約烟霞尙可眠

湖口遇風夜行百餘里

熊文舉

絲渺都無際天風鼓海濤雲檣爭解纜雪巘不容篙遂  
覺馳驅苦翻思朝謁勞廬峯開眼待何處是東皋

泊湖口詞 倦尋芳

曹溶

晚風乍急山勢茫茫曾託龍踞一片雲帆遊子寄愁何  
處戰艦橫空天際落百年都付漁樵語算羈棲甫羊城

挑菜又飄江絮 念處士葛巾漉酒解組投閒田舍如  
故手種黃花那管怒潮來去孤帳驚寒蘆荻岸石鐘聲  
送長宵曙正無聊喜猿啼對銷蘭炷

彭蠡湖曉發

李元鼎

一水蕩晴空凝眸四望同天低湖氣接岸遠浪烟籠淡  
日朝涵沫高帆曉信風匡廬知不遠星漢若爲通

石鐘山賦謝喬文衣

史彪古

維舟躡屐訪幽岑水石相求愜我心環岫來青天地澹  
遠江浮碧古今深鑄崖紀勝齊勾漏載酒探奇愧竹林

石鐘山志

卷十五 詩錄

三

歸去夜闌紅燭暝留將清響伴鳴琴

石鐘山二首

釋戒顯

雲帆三度過方快上孤峯石拔千尋骨江鳴萬古鐘禪  
床依怒豹僧鉢起真龍安得長來此時開曠蕩胸

欲別歐峯寺風濤且暫留洞開雙石壁鐘吼一江流天  
地浮空觀山川屬幻游吾生何所繫椰栗信滄洲

石鐘山

李文纘

千百小石聚山立千百小水引江入往往逗漏不著根  
右連左連無階級我縱懶散憚一登同行鼓勇耻不及

解衣脫帽如赴鬪眠身側足類輕龔虵絲寸寸礙仄峯  
避實趁虛果艱澀曲穴層層轉誘人稍開平坦放呼吸

因之窮力迷所往無奇無險不收拾謝家何處容屐齒  
米老豈能勝拜揖東西排突亂雲抗爾囊容身一蟲蟄

森然毛髮幾回豎驚雷怒吼寒濤急千仞下窺昏暗鋪  
如蟻如烟盡漁笠石藤瘦骨絕躋攀老鶻枯巢無補茸

上露天光纔一綫月窻星牖通百摺豈意人世有丹邱

只疑委宛披靈笈同人幽討各異區狂乎四面徐還集

開尊半厂意氣酣較獲爭多賞難給洗出蒼姿老更蔥

石鐘山志

卷十五 詩錄

四

秋江秋水爲神汁快哉此樂未可名相看但覺鬚眉濕

夏五登石鐘山呈漳浦先生

彭士望

旭日開江雲森然立巉石忽如逢異人能無叩來跡策  
輿遂先登鬱紆踐層脊遠望下巖寺空濛映丹碧舍陸

再從舟破浪抵絕壁陰幽魑魅逢窈冥蛟龍宅放棹遵  
微行捫蘿更左折入門上高堂向佛一長揖佛座日莓

苔諸僧頗光澤巘原路旁通高下隨所適小閣冠巖陔

臨下幾百尺俯視楚江流清濁界如畫萬象無端倪

嵐自朝夕讀竟石鐘文知爲僂耳客感此欲遺世俯仰

遂今昔

湖江獨眺

彭士望

湖上水如昨樓臺望已稀可憐相識燕猶向舊家飛

喬文衣招游石鐘山

周體觀

楊子亭前輕作別鄱陽湖口卻逢君故人相見六千里

攜手同看一片雲江上扁舟風發發山間明月翠紛紛

石鐘虛憶東坡記雪浪排空不可聞

石鐘山和周給諫

喬 鉢

十年宦海飄零客知己相逢道路難豈意湖山絕勝處

石鐘山志

卷十五 詩錄

五

今朝杯酒得同看探奇不減當時壯縱飲差成此日歡

但願石尤江上發亂雲堆裏再盤桓

游石鐘山

喬 鉢

塵纓端不負烟蘿日向鐘山載酒過盡把峯嵐供上客

肯容詞賦冷青莎共尋絕壑石林響忽送深巖漁父歌

雲散匡廬人倚檻滿江帆影亂如梭

同戴經碧太史飲石鐘山洞

喬 鉢

冬盡水枯萬竅通玲瓏幽邃苦難窮入從山後來山石

望到石鐘悟到空是屋世無壁盡玉非虬豈有穴藏風

呀然一笑皆天響共說東坡記未工

湖口澄江即景

喬 鉢

日落長江靜殘霞水底明勿驚天在下窺見月翻生空

界於茲透虛舟何處行塊然餘一物兩岸受松聲

飲上鐘

喬 鉢

選石石鐘巖玲瓏一萬塊我欲領石情詩不敵石怪

畫鐘山石

喬 鉢

石鐘有怪石烟雨迷江岸今朝酒力酣叱起歸君扇

舟中看山

喬 鉢

石鐘山志

卷十五 詩錄

六

江上山如浪江中浪似山虛舟隨浪轉好共一鷗閒

春日受虛閣即事二首

喬 鉢

隔岸新蘆未發江天曉色冥冥飛鷺亂隨漁艇雲山處

處春情

閣上偏宜眺遠堦前亂落梅花暮山半規斜照澄江倒

映晴霞

夜泊石鐘山

萬 任

湖濱對立卻亭亭別有清音注水經此石端從天外落

何人肯向月中聽春潮雪捲三巴白秋雨煙拖五老青

鐘鞮舟頭眠不得起將蘇記問山靈

題受虛閣

沈忠柱

城上亭虛俯太空遙天極望正濛濛西來江色分吳楚  
南去廬峯並華嵩五老入雲晴帶雨雙鐘出水夜鳴風  
君家仙勝知多少不羨京華控玉驄

石鐘山

李長康

十年孤憤鬢成翁一艇鄱湖喚臥龍亭上琵琶偏有淚  
石根風雨不聞鐘青山種玉人空老瀚海傳書鶴未逢  
我欲乘風追惠遠碧波天外紫霞封

石鐘山志

卷十五 詩錄

七

重陽前二日飲石鐘山

鄭之謚

湖口城頭石如削一石一峯紛磊砢紫苔綠蘚有雲封  
玲瓏何處容斧鑿上縣峭壁俯深潭日夜風濤相擊搏  
每聞鐘自樹際來卻聽聲從巖裏作遺響飄飄入漢霄  
游客乍登還驚愕前人往往愛此景更於平處爲虛閣  
我來正屬重陽近攜朋把盞憑欄酌萬頃湖光右掖開  
百尺江波當面落黃葉漫空作雪飛檣影遠隨返照泊  
緣磴攀藤不肯疲憂石拊石真可樂我願此處買輕舟  
往來常繫鐘山腳

觀音閣

潘瀚

上方鐘磬下方僧削壁蜂房綴幾層磴級盤螺分子細  
石巒蹲虎看模稜江山勝蹟茲甯數印壑深情我未能  
但使幽懷聊可暢浩翁猶爲一扶藤

鐘聲報曉

曹加煌

何處鐘聲到枕邊發人深省不成眠小樓起坐簾初捲  
月落星殘欲曙天

石鐘次鄭太史野謀韻

程良器

鐘山有石誰斧削突兀離奇峯磊砢劍戟穿空雲根埋

石鐘山志

卷一五 詩錄

八

數罅旁開水力鑿洪撞隱雷撼梵宮細響琴瑟靜拊搏  
快哉一色水天秋知己登高賦可作俯臨峭壁百千尋  
不敢逼視心駭愕對景堪戀興未涯迴旋山半轉殿閣  
茱萸有酒酬佳賓斜暉莫顧頻爲酌澄波蕩漾邀月來  
晚風吹散黃葉落嶺頭雁陣過南沙巖下幾點漁燈泊  
我醉且留載咏歸何似當年龍山樂幸借台星耀文筵  
四座春風陽有腳

游石鐘山

方孝標

雙鐘峙湖口今古咽潺湲自讀蘇公記過者懷噴哢我



昔辛亥春溟還曾攀援歸心迫夕陽未得恣高騫癸丑  
匡廬游暫輟溢浦舫故人楊太史攝篆枉華軒哲人招  
秋屐披襟酌夜闌曉尋下鐘山北郭步聯蹠穿雲躡怪  
石奇鬼森相搏望中山響閣欵仄阻躋攀左行陟崩劣  
絕頂忽平原可置一小亭昔有燬戈鋌右下江聲閣疏  
豁納雲烟旁有兩石角叩之聲鏗然疑卽李賓客函胡  
注管弦城闕伺山嶰肩鼻攢編塵戶口不滿萬租稅何  
由全狂飈重陽後天候無少愆咫尺跌坐巖怒號不敢  
前歸臥商游政明晨嵩壽先披榛問上鐘登降路遷延

石鐘山志

卷十五 詩錄

九

同游怯我足賈勇杖益堅上鐘奇以石峭壁深江懸矯  
如鵬鷺奮委若牛羊眠或奇駭結構或附近題鐫石几  
靜如拭丹爐火欲然題碣雖班班未足表巉巖必有蘇  
公碑崩囓正德間陵谷發浩嘆一端何足論午後經下  
鐘山背略巖巒冥行入石穴出見兩峯寒大石闕峯腹  
坐可十人連側耳撼波濤乃知身在淵漸巖列幽奇計  
許舟楫緣余子適東至余弟亦粵旋明日買魚艇相攜  
歷長川下望上愈詭俯聽聲益繁斗削碎分繡屏障綺  
羅纏鼓鐘與絲竹大小隨所宣夔襄不可作希聲來何

年歸告楊太史座有李青蓮仗鉞達風鴉篤故張樓船  
江逼湖水銳湖入江流妍十五月倍皎萬象攝孤圓廬  
山千百峯僻處東南偏五老翹其側參斗紛蟬聯光怪  
漾明鏡蛟龍浸蜿蜒更進見遠阜切玉浮冰盤知是大  
孤山動影何翩翩風起水益廣月寬山愈尊回頭顧雙  
鐘退避似兒孫憶昔蘇公游寂寞自盤桓倘逢賢主人  
更得良朋兼所著必益奇豈止莛莛言我生亦何幸乃  
得駕前賢誰能紀斯游倍令山水傳

受虛閣卽景

余 齋

石鐘山志

卷十五 詩錄

十

受虛之閣臨江濱我來日日招江雲雙鐘鬱弗看未了  
羣山遠引青氤氳水天渺渺望難極驚看風湧白波立  
有時澄徹天象垂巨魚鼓浪吞星入鄱陽漢江二水通  
大姑小姑遙相崇陰晴奇景妙難測天地合在虛無中  
洲渚迢迢鷺飛白雲霞歷歷帆影夕五老嵯峨嵌半空  
時弄烟雲鎖深碧江干夜泊漁火明光芒射水如流星  
誰家長遂怨遙夜聲聲動我客中情客子情深別子去  
千里相思望雲樹清風入座月入簷羨君有酒誰堪賦  
明年買櫂期重來縱酒狂歌朝與暮

審鐘篇

柳自植

憑空覆立一鏞鎖大塊何年得鑄成孰爲鍾鑪孰銅炭  
瀉出鈞天太古聲或謂是爲咸池奏或謂雲門大呂號  
噌吰騰波噴雪驚龍吼蛟宮鼙鼓相和鳴飛上遠天開  
翠巖下向長江洩不平山僧撞鐘撞曉夜是鐘碎破無  
停鏞一日風雨十二時疾徐斷續仍高下凡鐘之撞撞  
以木是鐘風水撞其腹風也無形使有聲水哉弱玩發  
雄肅世代銅駝有榛荆是鐘不隨劫灰更靈根只漱清  
淨蠡曾從五老訂山盟巖外縣洞洞外水怪石跳突如

石鐘山志

卷十五 詩錄

十一

洞裏解衣盤礴放舟回何必當年蘇父子

石鐘烟雨

柳自植

烟中石式醉中圖巖上鐘聲巖下呼十載故人聯舊社  
一帆春雨破平湖山濤沉濯憑吞吐江樹凝茫看有無  
妝點東風何限事滿洲可也恰相如

謁靖節祠二首

柳自植

東晉式微末先生道德尊一杯醒在手五柳澹依門物  
外友蓮社生涯資圃園朋舐豈不瘁腰折更難言  
作宰無多日遺祠竟不磨長松高有籟曲水遠能波遂

肯清談放懶從世法苛柴桑咫尺地髣髴碩人遺

鐘山別友

秦駿

絕壑洪濤漲平橋綠柳陰送君還舊浦向我託長吟交  
誼淡仍在離思去不禁煙迷遠嶼色月照故人心此際  
經分袂何由賦合簪相攀起長嘆響應石鐘深

鐘山雪中吟

吳璧

鐘山峙立僧居少絕徑殘檀石邊老鋪雲積玉岸堆沙  
竚見漁翁呼醉倒狂叫匡君雲不開心中抱悶強徘徊  
山頭我有數知己蒼巖秀色真無比放誕漫作冷眼觀

石鐘山志

卷一五 詩錄

三

但看此際兩河水楚水何時清湖水何時平待我危峯  
構草亭細聽江上波濤聲

冒雨登山響樓

吳璧

眉山曾記在吾先讀徧殘碑意自牽亂石雲中容涉屐  
危樓波上起何年春濤九派湘江水寒雨千峯驛柳烟  
兩岸漁磯多不見唯餘巖磬出山巔

登太虛亭遲弟芝田南來

楊大鯤

太虛此亭古登之在秋清長江風浩浩天際孤帆生焉  
得季方至攜手雙鐘行爲寄小姑語湖頭更一程

題一百二松亭

楊大鯤

紅亭新置翠微中，謾謾天聲吼礪松。未比秦王聊避雨，應知陶相故當風。詩成恍答千山響，瀑急全疑九派通。寄語仙山塵外吏，自來佳政在絲桐。

洗石澗

楊大鯤

宗元號愚溪，次山稱浪士。永州與瑞昌，二子曾至止。因地以致詞，各得性所矢。余非元柳儔，看山偶來此。長松掛明月，聊復自倚徙。礪石太古色，隱蔽荆榛裏。課僕芟除之，錯落置航錡。其形若仙掌，清酒沉漉比。起立望來

石鐘山志

卷十五 詩錄

三

飄日落萬山，紫吾弟來幽。尋對兄應色，喜

太虛亭

楊大鶴

亭是何年廢，人從後代來。江湖通鳥道，天地入雲堆。一鵲孤鶩過，千帆次第迴。不妨長偃臥，礪石近重開。

亭望

楊大鶴

秋光何處望，一百二松亭。西風吹落日，染出半湖青。

松壽山

楊大鶴

結侶尋幽歧，秋暑亦未釋。憑虛非衍阡，履坦有開闢。披草得精藍，小憩謝塵役。舒襟面澄湖，選蔭倚嘉石。萬里

長風來微雨，灑空碧。悠然滌煩疴，穆矣融討索。通蔽一不遷，枝求兩無迹。延懷嶺雲岵，隨意巖花摘。日夕不欲還，躊躇復弭策。

彭蠡湖中遇大風雨歌

楊大鶴

我從長江來，風濤屢難數。或者彭蠡湖，扁舟得輕渡。湖中造化不可知，別有元氣相撐持。陰壑屯雲狀鬼物，惡沙橫腳盤蛟螭。灌鱗噴泉湧百斛，白雨蒼波墮銀竹。大孤突兀虛無根，直作拳石為鯨吞。居然已置舟楫想，過此何有形骸存。只愁矢卻匡廬山，玉虹千丈懸其間。耳

石鐘山志

卷十五 詩錄

古

邊何處聞潺湲

石鐘山竹枝詞

江皋

郎住鄱湖東，岸邊妾家湖口隔。江烟石鐘山下潮頭險，雙槳搖船浪泊天。

關上人家不種田，湖生春水望苗船。纖鱗一網銀花亂，換得叢蘭好賣錢。

夜泊湖口風浪幾覆舟

李漁

江漢朝宗處，蛟龍戰鬪時。孤舟依岸泊，窮客受風欺。休戚無人嗒，安危有命知。自心無巨測，藉此釋憂疑。

阻風湖口 酷相思

朱彝尊

社鼓神鴉天外樹見渺渺江流去向晚來石尤君莫渡  
大姑也留人住小姑也留人住 杜宇催歸朝復暮轉  
把歸期誤儘燈火孤篷愁幾許風急也聲聲雨風定也  
聲聲雨

番湖口 卽南湖嘴

尤侗

石人挑動黃河枯羣雄斬竿夜鳴狐武昌城頭陳涉呼  
漢兵百萬口吞吳王師夜出大小孤江豚風急殺氣巖  
嶽釐火攻血模糊眞人手挽金僕姑一矢貫睛殞頭顱

石鐘山志

卷十五 詩錄

五

明太祖射陳友諒於涇江口 康郎轉戰開鴻圖至今壁壘搖孤蒲夜  
雨鬼哭青燐蕪當此交鋒何危乎嗚呼韓成烈丈夫韓成  
代死處在馬狀元灣 紀信誑楚今豈無滎陽澤番陽湖兩高祖若  
合符

石鐘山

王士禎

蘇公游賞後餘韻石鐘山水石長如此行人自不閒鶴  
巢丹壁上魚鬲翠微間安得乘明月扁舟數往還

岳忠武祠

劉權之

誓復中原掃敵庭金牌火急六軍停君臣貪位先心死

父老含羞空涕零兩代孤忠三字獄一朝遺恨二宗靈  
巍然廟貌垂千古心跡功名汗簡青

彭蠡夜泛

彭孫通

清淺宮亭水濺濺百道流殘春風送客終夜月隨舟野  
火沉葭葦遙天挂斗牛相依有鷗鷺任意宿汀洲

望湖口縣城

彭孫通

一望煙波萬頃明女垣高與石根平湖光盡日依樓堞  
山色終朝滿縣城寒嶺無人孤鳥下秋林欲雨數蟬鳴  
何當便作移家計終臥滄洲寄此生

石鐘山志

卷十五 詩錄

共

放舟至下鐘山

湯右曾

空濛一片雲滿湖西南風起吹檣烏淵淵且止發船鼓  
秀絕下鐘山色無攀裳直上捷猿狄樂哉一幅寒林圖  
絕頂飄飄目四豁左右江湖渺空闊煙波盡處江渚微  
彷彿扶桑見窮髮天旋地轉不少留迴看星氣忽已周  
扁舟歲晚夢吳越匡廬五老空船頭銜鱸如山萬商集  
使者纓旌騎吹入行人擾擾競錐刀落日悠悠下城邑  
前臨巨石紛盤陀仰看絕壁青嵯峨玲瓏窈窕萬竅出  
安得滄汨生流波風聲水聲奈爾何只今埋沒塵沙多

無絃之琴張素壁歲久抑鬱恐不和一歌如扣鐔再歌  
哀知音洞庭木脫水深深天高月白風入林或鼓或者  
聲欽欽嶺猿江雁同夜吟潛蛟出聽老龍泣漁父滄浪  
知此心

讀書鐘麓

陳啟禧

山人有癖愛林泉遙從鐘麓企鐘巔手握尙書纔半卷  
載吟載罷倦魔牽拋書徐步梯絕壁攀可藤蘿躡可石  
石骨峻嶒如獸猛古木陰翳透天碧花梢滴滴露未晞  
新竹乍褫新繹衣蝸篆蛇文如可悟嚶嚶鳥語亦元機

石鐘山志

卷十五 詩錄

七

旁人問我何所得微風初度太音希

書石鐘山集後兼論大孤山

陳啟禧

邑前兩鐘屹奇石更有大孤峙縣腋孤或作姑亦作鞞  
鐘或斧扣或浪排當時命名亦偶然鳥啼嬰語適其天  
自從高賢詮至理刪卻百家定一是譬如河洛出圖書  
一經疇盡義無餘我於二山耻牙後欲破牽拘新堂構  
忽悟蟲食公孫葉此中天機不可說說來恐與夢同癡  
爲想爲因甯有期大家且自作耳食聲響形容留舊式

陶靖節

陳啟禧

三月吏隱終日屠蘇觀謁不事菊柳自娛胡爲聲稱千  
古寰區惟鴻有翼乃翔其軀顏蕭之徒得無馳譽陳子  
曰否實至名俱詩也中腴外亦匪枯一辭自擅晉文爲  
虛蓮社非酒或佛之驅馬劉授受特表丈夫

咏石鐘山二首

方士彥

奇峯側立蠡江偏勝韻惶惶今古傳半壑雲虹穿亂罅  
幾層樓閣鎖重烟懸崖絕壁留名翰峭石瓊株蔽洞天  
一鑑春澄波定後斜暉遠影送歸船

石鐘山志

卷十五 詩錄

六

豹驚猶怒虬龍奮欲走鎔鑄誰爲工空通孰可鑿移來  
置辟雍於論堪比偶

咏石鐘山

秦凝奎

我來潭上石石勢迥凌空五老開雲錦雙姑出水宮漫  
殘憐古篆延涉緬坡翁靜夜鐘聲遠何人解與同

石鐘山次汪鳳岡韻

秦凝奎

禪林開亦靜塵刹無多僧古木枝頭鳥寒煙寺裏鐘石  
奇戀客瘦澗幻惹鐘磨晨往倦忘別斜陽麗晚嶂

石鐘山二首

左相民

何年陶鑄兩鐘成水面風來響自鳴外竅濯穿江漢水  
中空擊盡蠡湖聲縱觀大塊一卷小高臥浮雲萬石輕  
問氣一閃誰當此人豪偏好識山靈

鑪鍾誰氏代萬古鏤鴻銘亥豕晉留字噲吟周失聲南  
呼五老壯北激九江清夢醉知多少登高試一聽

夜坐太虛亭

謝進

城窄山聯市亭高地接天輕風何處樹明月縣前船蠡  
水千層雪廬峯九疊煙幽香來靜谷終漏莫教眠

審鐘

孫裔蘭

石鐘山志

卷十五

詩錄

九

大塊何代開鑪鎔不鑄金鐵鑄石鐘石本非鐘名以鐘  
鈎鈎轟轟宕於鏞沐日浴月光熊能從天崩墜臥蛟宮  
無以為用何空濛譬彼金籟發虛空擊拊反不得希聲  
噲吟澎湃腹中鳴但見水風相鼓蕩翻使金鐵氣若喪  
劫火不免歷金鐵石鐘天籟萬古閱

受虛閣銘

葉茹萼

閣曰受虛於義奚取虛胡云受受胡云虛虛而不受虛  
其幻歟受而不虛受其碍諸惟其能受以虛為居惟其  
能虛以受為儲何虛不受何受不虛虛兮受兮受兮虛

分

石鐘山

黃家帶

分涼暫爾息斯印靜挹山光樹影幽愛石獨追千丈壁  
懷人空倚百層樓清波白鷺頻來往遠水孤帆任去留  
我欲揚舲溢浦岸西風驕阻木蘭舟

湖口

黃家帶

何年百雉影蒼翠接林間兩水空留鑑孤城半是山角  
聲吹蠡左漁艇砌沙灣五月江干好西風草色剛

射蛟浦

汪作霖

石鐘山志

卷十五

詩錄

三

武帝旌旗在眼中彎弧日下射蛟紅荆揚宅奠魚龍窟  
吳楚星分牛斗宮典邁虞巡誇異物歌稱漢烈奏雄風  
祇今鐵網沉江底夜繫吞舟制伏功

石鐘山

釋又文

彭蠡一湖而多山大姑小姑湖之間匡廬旁掠四百里  
江左之勝盡如此陂陀突起雙鐘巖截斷潯陽半江水  
吞波歎浪劈深洪石巖豁開凡幾重水嚙石根根不動  
倒插橫撐無數峯我觀東坡題詩處有絕青冥不敢去  
怪石如鬼欲搏人頭出頭沒煙中樹疑向羅剎國裡來

臨流幾度自徘徊須臾月出銀漢淨倏忽風起玉山頹  
風旣清兮月旣明滿城雞犬報新晴聞聲我欲渡江去  
惆悵煙波無限情

石鐘山

王原

雕鏤瘦骸骸漱滌淨精髓裂洞幽遐膚苞承飢餓通  
透細鎖煙茹納連蠅水所以微風生笙鏞出其裏夜深  
萬籟寂鬼神露奇詭不有蘇夫子誰其發妙理可哂李  
渤陋敲石沿俗子

湖望

賈良璧

石鐘山志

卷十五 詩錄

三

桂棹中流信所如鬱藍深處指匡廬摩空石勢三梁外  
渡水鐘聲六代餘瀑壑遠聞寒雨落芝田長帶白雲鋤  
何常結屋依精舍夜雪龕燈照讀書

登石鐘山

朱昆田

兩脚一月不踟地好山過眼青嶺嶺如饑見食不得食  
涎流口角心徒饑蓬窗終日但兀坐憂來意態真同獍  
庖皮囊 四更起棹拽檣索快風飽送雙高帆篙工舵師  
美語 互歌笑蒼鷹脫鞵馬脫銜算程頃刻已百里遙望湖口  
波黯黯石鐘山忽落吾手先登不用僮扶攬大石耽耽

踞猛虎小石怙怙眠神滅縈紆一徑盡犖确但有枳棘  
圍枯樵女牆欄山去八九止留一笠高嶠崑郭中人家  
占佳處往往屋後多松杉茲山得名在音響何必更論  
壑與巖邇來世人好筍笛一聆古奏翻譏讒后夔伶倫  
不復作有耳焉得聞韶咸急呼小艇歷山脚衍若鬼刻  
神雕劊嚼吟鐘磬亦何有昔賢毋乃欺愚凡不知我來  
值冬仲雨雪早已飛廉震江水落漕湖水縮安得駭浪  
衝空嵌蒲萄綠漲理歸楫大樂豈肯終藏緘會須磨厓  
紀歲月江波永作青瑤函

石鐘山志

卷十五 詩錄

三

游石鐘山次晦山

即戒韻二首

宋 肇

維舟依洞壑振策向孤峯吞吐江湖水峯竒上下鐘巖  
危蹲虎豹樹老走蛟龍目極風帆渺雲濤正盪胸  
勝地水經著高文蘇子留嵐光侵縣市鐘響蒼江流鷗  
許尊前狎人驚戰後游贊公今寂寞遺唱付滄洲

石鐘步前韻二首

宋 基

匡廬猶在望更此歷危峯突兀松盤磴旬旬壑起鐘波  
光涵殿閣石勢走蛟龍搔首江天迥開茲曠盪胸  
烽火三年後孤亭此尙留湍從深澗落石枕大江流

舫乘春至花關逐伴遊萋萋芳草綠鷗鷺滿汀洲

石鐘步前韻二首

宋至

已盡匡廬勝登臨更此峯湍飛穿釣石風急悞僧鐘過  
眼帆隨雁驚心樹化龍吞波逾浩蕩極望一開胸

躡遍尋山屐征帆喜暫留風傳深谷響聲入大江流倚  
檻當斜日捫蘿憶舊遊坡公饒逸興長嘯滿滄洲

泛舟石鐘山下同韓霍岳觀察戎夔臣秀才二首

葉丹

風靜江如練中流放棹輕客懷原浩蕩山勢自崢嶸鳥

石鐘山志

卷十五 詩錄

三

影混天碧波光透曉清酈元傳勝地何處辨鐘聲

水石衝撞處維舟洞壑邊岸空山欲墮壁峭樹如懸捫

蘿尋舊句臨風漱冷泉興來同把琰吾欲酌坡仙

石鐘山絕頂作

葉丹

摩空羣峭滿寰區石挾長江左控湖舉手雲中招五老

振衣天外認雙孤嚼吟巨響驚巖壑今古狂濤送舳舻

獨自攀躋來絕頂捫碑酌酒弔髯蘇

雨泊梅洲

葉丹

纔過潯陽江又泊彭蠡口昏黑捲孤篷急雨雷電走有

客不成眠臥聽風浪吼

彭蠡舟中

葉丹

蒲帆十幅亂流間兩度風濤任往還指點青螺浮水上  
帶烟拖雨過鞦韆山

湖口守風雜題三首

李孚青

羣峯西遞佛頭濃和雨和煙一萬重十八洞天看不盡  
金庭又打午時鐘

舉網扳罾踏水車湖邨隨處事農漁夕陽自飽魚羹飯

不請端明爲講書見續真子錄

石鐘山志

卷十五 詩錄

三

秋吳曉楚白模糊樹齊舟舫乍有無五日狂風三尺浪

北人誰敢鼓隴胡

湖望次襄陽韻

閔麟嗣

宮亭凌曉發浩淼乘長風峩我天子障突兀來舟中遙

連南嶽秀下壓百川雄桀嶧插雲日寒翠滴高空疑有

長年藥聞多飲澗虹常讀河渠書東游懷史公逸矣陟

天庭日月俯其躬我生千載下忍令遐覽窮願與石門

侶幽賞期相同

石鐘山

成文昭



石鐘之山天骨異，皺瘦透露凌崆峒。上下屹立距百武，爭雄長如齊楚邦。嵌竇俯疑探蛟窟，巖仰訝垂星杠。搏人陰森萬奇鬼，撩衣銛利千峯鏃。眩神已入諸葛壘，緣身若舞都盧幢。窳壑有風撼地軸，遙空一線開天窗。我來見形神，欲王聆其聲也。心應降函胡，清越桃花汛。嘈喧鏜鞳秋風撥，沙肥石澗不掩趾。微餘細罅流淙淙，韓公南岳蘇海市，將循例請真愚。惹萬古蒲牢於茲大，奈何將以寸莛撞去路，不能無餘戀。小舸危纜牽橫砥，千帆片片滿落照。一盞焰焰燒明釘，笥書快翻徧百卷。

石鐘山志

卷十五 詩錄

五

儲酒急倒盡半缸，酈元註古筆云雋。眉山記好文無雙，擊舟絕壁興可遡。一梳殘月流空江。

人日放船遊上鐘山

成文昭

梅家洲上人日晴，隔江山翠招人明。人憐山色逸興生，放船何惜探幽行。矯如猿狖兩股輕，詎須榔栗扶欹傾。春衣著風衣有聲，買勇直與飛鳥爭。山坳一徑懸危棚，潮音菴正據嶠。僧雛見客嬉笑迎，松龕白閣結構精。窈窕北牖穿南榮，借高引下皆天成。玲瓏斗室方四楹，啟窗面面奇峯呈。幾竿修竹敲琤琤，立檐谷鳥鳴嚶嚶。

古梅一樹香寒清，疏枝恰向湘闌橫。粥魚茶板非世情，吳門衲子願力宏。意匠慘淡勞經營，住茲僧臘纔六更。去來今已彈指驚，江山與人分殤彭。搖搖心事如懸旌，牛馬區區世上名。

鐘山晚眺

吳苑瑤

春色遶無際，登臨興不窮。人歸孤嶂裏，帆出亂雲中。芳草侵衣綠，江花對酒紅。禪扉新月上，把袂倚東風。

陪湖寺

李蟠

黃葉林前寺清溪，石上泉秋聲聽不盡。野鳥落寒烟。

石鐘山志

卷十五 詩錄

五

舟室 并序

魯之裕

僧坦然創舟室於鐘山，顏曰雲槎為題短句。仙槎浮石窟，恰待客星臨。一枕九江月，孤舟萬里心。鶴歸花雨亂，龍臥白雲深。不費君平算，留詩泐小岑。

石鐘山亭

周埏

層巖高處立孤亭，飽看煙霞落杳冥。撲面有峯皆幻態，當窗無石不奇形。為舒砲礪憑欄眺，欲扣嘈喧待月聽。帆影入江飛上下，未知是水是浮萍。

九日登嵩壽山

周埏

不減龍山興  
攜樽此際游  
花仍他日好  
人比昔年愁  
碌碌江邊吏  
閒閒沙上鷗  
酒酣鄉夢切  
直共水東流

懷蘇亭題壁

僧格勒

絕壁凌湖口  
徘徊去獨遲  
尋原失舊碣  
紀勝賦新詩  
怪石鳴金處  
雄風鼓浪時  
雙鐘真意趣  
千古幾人知

春雨石鐘山

余靖獻

暮山落照薄  
城東閒愛湖  
光坐上鐘絕  
壁擁流千丈  
月澄潭送響  
一巖風漁人  
短棹歌清夜  
野鶴長鳴掠  
太空

安得此生諸事了  
任攜書卷老亭中

石鐘山志

卷十五 詩錄

毛

懷蘇亭和僧孟韜韻

周偉

一徑穿危石  
亭高欲到遲  
江天低入望  
巖壑迴題詩  
細浪風吹處  
扁舟夜泊時  
坡仙如可接  
寂寞幾人知

九日登山響樓

周偉

晚晴載酒上層樓  
也復登高送遠眸  
疾鳥歸帆爭夕照  
寒雲瘦石共清秋  
江豚出沒魚龍隱  
巖鶻驚飛虎兕遊  
醉後茱萸簪滿鬢  
不知山月過滄洲

登下鐘山

周偉

攢空石勢壓平林  
爽氣朝來萬象森  
蠡水盪胸三百里

廬山對面一千尋  
雲移僧舍風開闔  
雨過江樓翠淺深  
更欲捫蘿歸絕巘  
倒窺紅日浴波心

壩橋感舊

崔文郁

一湖輕浪遠連天  
日暮凭欄倍可憐  
樹影漸移關日月  
鴉聲齊落壩橋煙  
碑沉潭底人難見

湖關口事在民家史  
不傳惆悵此時徒  
極目蘆花淺水

釣魚船

泊湖口

王思訓

兩大忽低薄揚帆  
一瞬間驚濤飛浣  
漢苦霧欲沉山鼓

石鐘山志

卷十五 詩錄

美

蟹魚龍怒燃鬚  
諷詠間狂瀾應有砥  
相待亦開顏

春日同廣文余甫及暨諸生江聲閣小集呈宓遠

中丞

王思訓

石樓新倚破江煙  
問字偏多載酒船  
眾竅噫風喧澗底  
遠帆掛雨落窗前  
春融我擬山陰會  
洞古誰藏太史篇  
好待南州蒼玉珮  
月明艇泛續坡僊

入湖口次謝康樂彭蠡湖

李紱

日落青山西水程  
安可論幸茲微風力  
柔櫓爭前奔影  
暗失渚嶼香遙聞  
荃蓀東岸星火出  
依微荒戍屯暮氣

烈夏秋江湖忘晨昏于役行路難向夕依柴門豈如水  
涉勤孤征疇注存蛟鼉時出沒舟人悚神魂穉子喜隨  
行昨酒傾餘温乃知艱苦境天性彌所敦

懷陶靖節先生

李紱

依山結城邑煙霞餘古色昔人此絃歌何異三徑宅去  
官有深意督郵安足責曠懷屬霄漢渺渺浮雲白

七夕湖口泊舟

李紱

端陽酌酒辭文昌七夕鳴榔過武曲牛女星迴河漢橫  
燈火千紅波萬綠題鳩先鳴草不芳遠辭親舍空還鄉

石鐘山志

卷十五 詩錄

完

百折千迴江勢轉何如游子九迴腸

游石鐘山二首

金德嘉

亭亭石鐘山瀕江得危路垠塢阻躋攀飛鳥兼雲渡混  
茫一氣中乾坤猶太素刊落游人言巖嶺山中趣仄徑  
滑蒼苔沿緣恐窘步盪胸彭蠡濤日眩頻左顧積陰固  
冰雪春來滂寒沍俯視襟帶間青青湖口樹我游當亭  
午低徊至日暮下山愁招提袒褐雙肘露

江天濛空闕山根萬象靜春雲縹緲間僧臆怪石影茶  
瓜款游人坐語忘日永緬彼中冷泉轆轤猶在井茲山

香積厨洞壑乃天東卽事幽興存何必詫箕穎天涯汗  
漫人到此諸慮屏翛然支許會秀色餐諸嶺窄徑可披  
榛步屨躡山頂

下鐘山夜眺

黃士屏

老興乘清夜天空一雁呼高林歸暑氣獨月上澄湖綠  
仄苔從滑登危石若扶鐘山隨處好何事悄懷蘇

彭蠡濤聲歌

高夢說

大塊陶鎔何日起峙流都各有原委崑崙結子是廬山  
星宿生孫名蠡水蠡水從天萬斛傾風雷頃刻作鯨鳴

石鐘山志

卷十五 詩錄

三

塘驅白虎連朝吼狀斬黃牛徹夜驚初訝吹螺齊發觶  
將軍套內來明祖旋疑搗鼓共除蛟鐘子磯頭臨漢武  
更放溟濛兩岸連四圍奔轟響無邊波搖萬扇屏風嶺  
瀑布千竿惜竹軒每向箇中敲玉磬大姑夢破還傾聽  
時從就裡怒龍神五老魂馳難遽定如此雄音震膽寒  
翻雲覆雨又揚濶等閒妄欲尋消息勝上瞿塘灑灑灘  
總恃源長停蓄厚支流不過供馳驟蘇韓卻悔海潮平  
班馬亦慚磅礴聲價有低自有昂化工心鏡手丹青  
從今凡水休呈響免惹名流笑夜郎

石鐘山

趙作霖

雙岫嵯峨斧削成探幽心賞亦神驚  
凌空險峭千重出插地玲瓏百態生  
月照淺深分秀色波迴洪窳和元聲  
因知造物含靈處自有清音百代鳴

舟行望石鐘江聲閣

吳雯炯

風迅帆如駛山懸石作樓雙鐘何處寺  
九派此分流野闊白雲暮天高紅樹秋  
征鴻同遠客一一下滄洲

石鐘山

李根雲

巨靈開勝地佛火照空濛半出匡山面  
全臨鼉子宮吳

石鐘山志

卷十五 詩錄

三

帆過估客楚水送雄風坐久聞鐘磬清才憶長公

彭蠡舟景

蔡芬

一葉輕舟楚水東江天縹緲斷征鴻  
棹迴彭蠡千潭月帆送匡廬萬壑風  
跨岸蜃樓霞映艦擎天鼇背浪排空  
臨深一嘯雷雨集三尺青萍直化龍

秋夜風利舟發彭蠡

蔡芬

扁舟乘暮霽一棹下漁磯水落沙痕闊  
烟空月色肥單衣知露冷巨浪見風威  
莫道家鄉遠游人頃刻歸

石鐘山

蔡御

石體臨湖漢鐘名亘古今往來諦聽者誰是最知音

石鐘山

姚鼐

挂帆初月出風起大孤塘  
暹夜來湖口江天寒森茫石潭流激激  
巖樹鬱蒼蒼千載元豐士風流何可忘

出湖口

姚鼐

扁舟昨夜泊湖涯霜重蘆枯宿鴈知  
朝日忽生彭澤縣挂帆無數小姑祠

湖口留別

劉炳

驚飈吹皓雪羈鳥迷遠林有翼不能奮  
悠悠遂至今子

石鐘山志

卷十五 詩錄

三

操鍾期聽我無伯牙音胡然抱金徽  
遠道數相尋人生難會面動若商與參  
歸棹自茲去徘徊淚霑達士重知已千里  
同一心倘感舊雨夢潯水匡山岑

維揚舟中還寄湖口

劉炳

執袂強分袂餘人應未諳辭君當夏五  
滯我負春三浩浩長江水悠悠鐘阜嵐  
可憐方寸地馳北轉牽南

舟次湖口贈友兼懷劉桂巖同年

李金臺

雲壓鐘山江上昏孤舟踟躕幾聲吞  
熊幡舊友分飛去鹿洞諸生不及門  
抔土未安親夢穩石田難飽食徒繁

為憐座上春風好玉樹當堦謝北萱

寓鐘山縮齋贈琴士

李金臺

君向齊門鼓瑟來我將吳市吹簫去今日相逢湖口地  
他年會合在何處

深秋閱陶景鎮過湖口遊石鐘山 唐 英

秋深于役泛潺湲名勝羈留片刻間襟帶江湖三面水  
控連吳楚一城山兩鐘考古人敲石絕壁懸菴僧閉關  
聲韻備傳蘇李記撲天形勢半遺刪

石鐘山詩

董榕

石鐘山志

卷十五 詩錄

董

天地有大籟瀕洞函羣聲琴瑟自吹萬山水音何清木  
圍似白矣于喁且相賡矧茲萃靈秀立號稱厥名大樂  
本自然咸池張洞庭榮將鑄十二想此摹音形中尉俯  
臨潭鼓響因風生少室撫雙石必待扣而聆坡仙泛絕  
壁振觸成連情撰記為三歎鐙鞞兼噌吰至今六百載  
論定誰能更平園叟續記兼取思調停披編夢欲到一  
釋胸中冰竭來彭蠡口遙望如鑪城近睇復叫絕循仄  
擎舟行深夜一以證躡展還晨登音聞備眾妙真像紛  
來呈造物巧模鑄鑄遺巨靈一峯作一龔其下涵虛

磁其上結筍鈕鋸齒蛟螭撐百峯各簾鋪集小為大成

兩山相對出雙懸列兩楹龍從騰臺撞窗窳窟室抨架

空拂澤雕宕波昭潭鳴麗然吟窮牛壯哉掣海鯨粥粥

雉皆雉眈眈虎遇攫排冪九孔觸攢簇雙樂錚葱龍木

蘭院遲久間迴榮兀突金輪寺頓起神為驚宸殿起木

英冠履趨晨星春明動長樂劔佩叶璜珩幽清嗟宿戚

燕幕搖心旌冷寂愁泊吳烏嗁霜月暝觀縷難悉究掛

漏從譏評湖江合會地雷吼宜川增自此江入海何恨

羣音鏗鼉鼓泗濱磬燕筑汝陽笙岑管員山瑟瑯琊元

石鐘山志

卷十五 詩錄

董

圍箏若非此鐘振眾樂宣無憑繫誰契此旨攢眉或淵  
明繼有摩崖者陽明亦豪英獻俘來過此孽窠題崢嶸  
斧裂甯王笛鏡歌鐵馬鉦功成不受賞高臥吟江滋念  
菴記晚出虛窳喻鹵響致虛言有道水石刷光瑩無水  
則輪囷嶺趾各分層詎知山頂石飛空已瓏璫隱顯本  
一致隔絕非允平若始非虛受鑽刻焉能承靜甯森萬  
象體裕用乃宏滾滾任來往無心自匆匆有時水不到  
鐘意無虧盈孔殷與既瀦排導誰經營滿山蟲鳥象想  
像隨刊銘幸生平成世剔蘇搜崑局將邀夔曠來大扣

暫持筵

湖口

桑調元

彭蠡無窮水茫茫浸太清寒光搖兩粵雲氣入孤城波浪憑虛湧胸襟到老平吟游過湖口所得是空明

石鐘山歌

桑調元

石鐘山勢何孱顏大湖風起橫翻瀾水石震宕怒相搏  
嘈吟鐘鞳聲振天帝張廣樂眾器全鐘聲乃在羣音先  
想當元黃初冶鑄陰陽炭入鴻鑪燃巨靈鼓橐籥模範  
鎔山川乾坤法物鎮常在擊之一十二萬年野夫放浪

石鐘山志

卷十五 詩錄

壹

天地間登高長嘯空谷傳大聲相應水上作華鯨鏗破  
彭湖煙南北箕簾雙高懸大鐘小鐘微重元周景魏獻  
何足齒知音不數玉局仙渾茫元氣資節宣體用自具  
寂與喧風恬浪靜音響息縹緲有似海上之神山

彭蠡奉懷陶公

桑調元

陶公思解組歸思劇飄飄詩酒從吾好形神並覺超菊  
看秋露墜柳任好風搖今日聞羈宦甯爲事折腰

湖口四時詩

郭承縉

都陽三月春波融湖口萬柳花濛濛映柳小桃笑餘紅

隨風亂點清流中春鶯啾鶯鬪聲巧山容水態籠春曉  
野橋望裡隔晴霞一帶青青煙樹小

匡廬山紅孤山綠菱荷風裡朝日出打漁船多炊烟簇  
逆聽鳴榔聲斷續萬鷺如銀澡玉盤想當五月猶清寒  
有時飛去還來未白波淼淼天無際

蘆黃蓼紫澄湖秋芙蓉葉破鳴颼颼野烟因風散復結  
遠鴻下陣來灘頭夕陽乍入紅明滅水色天光同皎潔  
又見清暉落浩波浩波流出千層月

遠岫殘陽晒殘雪北風晚送孤帆客羣鷗何處忘歸來

石鐘山志

卷十五 詩錄

貳

沙汀不煖層冰結炊煙直起孤樹村斷岸曳杖尋野僧  
天宇寒寂人聲響隔溪呼喚隔溪膺

公餘卽事

郭承縉

清秋景色耐人探忙裏身從閒裏耽煙樹幾重深岸北  
湖山一帶淨天南三千髮滿因愁白十五年前趁月酣  
記取昔年行樂處暮雲遙指是茅菴

潯陽返棹石鐘

郭承縉

九派煙波靜歸帆一葉輕漁燈連夜市江月帶山城三  
學堂何在雙鐘石不鳴幽思殊耿耿懷古又摟情

順流過湖口

黎媿曾

正當湖盡處屹爾見雙峯水比昔時淺花開雨後紅  
掀眉三雅酒拂面滿船風記得題名日三年又過從

鐘山九曲港

劉復顯

五柳先生何許人桃源有路肯通津一溪九曲花鋪岸  
應羨南陽老逸民

登鐘山觀音閣二首

魏淵映

凌空傑閣峙湖潒匹練風光落翠襟村酒滿傾山月上  
驚人萬竅作龍吟

石鐘山志

卷十五 詩錄

三

金雞遙帶夕陽迴長嘯臨風亦快哉水漲桃花游徑隔  
扁舟相泛遠山來

登石鐘山

劉成駒

窈窕思尋百仞巔徐舒曲磴費攀緣東西吳楚千帆遠  
清濁江湖兩派連立脚怕隨流水去回身恍惹白雲牽  
風來地下聞鐘鞞可似元豐第七年

鐘山懷蘇亭二首

劉成駒

古亭依峭壁檻外即重淵措趾疑無地舒眸別有天長  
公開隻眼一記足千年展卷何能悟登臨意恍然

怪石森如畫名區冠蠡湖煙波吞七澤地勢走三吳遠

岫雲屏列秋江素練鋪何時泛小艇良夜一懷蘇

石鐘魁星閣二首

劉成駒

巍巍飛閣起山巔環抱雙鐘勢翼然地拱江湖紫匯水  
秀吞雲夢鬱蒸煙二孤翠聳書天筆五老青開蠡漢蓮  
文運由來昌勝跡馬公應後盼洲圓

憑欄俯瞰低山郭豁露江天入望幽遠樹綠遮煙浦屋

落霞紅泛夕陽舟乘風不教思滕閣踏月甯須上庾樓

最是有神司桂籍疑通呼吸廣寒秋

石鐘山志

卷十五 詩錄

三

登石鐘山懷李少室蘇東坡兩先生

時乘機

往者有蘇李扣石履從龍所得殊宮徵清賞將無同嘗  
讀兩公傳穆如異世逢造物忌豪儁才高運不豐元和  
與元祐事業翻成空白鹿遂初隱黃泥棲老翁時因江  
湖跡俯此馮夷宮巨文殊金薤孤碣摩蒼穹增益水經  
注不泯神化工煙雨縱崩剝紙本傳無窮嗟我生甚晚  
扁舟訪遺風陟巖望遠海蜃氣反溟濛潛虬奮幽律鐘  
鞞驚微躬翩然下灘去矯首看飛鴻

白雲洞

黃河崑

江山勝跡古今傳絕壁懸崖一洞天為扣石鐘雲水度  
驚回鶴鶩御詩仙

游下鐘山

黃河崑

石鐘疑假復疑真聲逼騷魂嘯絕塵面目不凡奇在骨  
精神百倍大于身賞心泉谷偏留我作意煙霞肯戀人  
西望匡廬懷靖節但從雲外見嶙峋

白雲亭

黃河崑

亭子荒墟不可尋白雲長在為沈吟兩行月色鐘聲淚

石鐘山志

卷十五 詩錄

堯

萬古忠臣孝子心殆死幽園纔見日餘生竄地即為霖  
尙存祠廟東郊外應有遺民愛護深

過彭蠡湖

徐昂發

水落晴沙高鶴鳴霜野冷我來越彭蠡及此秋光迥林  
岫遠參錯洲渚互陵巨魚龍氣不驕搗鷓散游泳川塗  
翫迴轉歎疾孤帆影洪流既歸壑巨藪失溟滓乃知造  
化根終焉返虛靜沿溯過連圻蒼然見西嶺曖曖斜陽  
中悠悠動滌舂擗不可求松門企清景

石鐘山懷蘇公

崔嶠

山環彭蠡寺環松飛鳥懸崖數十重一自坡仙尋絕壁

幾曾遊客破苔封新嵐映水浮秋碧怪石衝波響夜鐘  
訪古獨來追勝事懷蘇亭在翠微峯

夜登懷蘇亭

周皇翊

虛亭屹立亂雲巔臨眺西風落葉前近渚鷺鷥眠似雪  
遙天鴈鶩沒如煙山間此夕逢明月港口而今泊釣船  
夜靜微聞人警歎祇應鶴鶴似當年

上鐘觀音閣

周皇翊

峭壁臨湖俯素秋登臨都道可銷憂獨嗟老大成何用

石鐘山志

卷十五 詩錄

早

其奈光陰似水流萬古斜陽來楚尾中宵圓月出巖頭  
清閒愧爾山僧極洗鉢焚香得自由

下鐘尋王陽明先生刻詩

周皇翊

尼山道岸接斯文武備西江靖逆氛鐵券綠虛新建伯  
銀鈎偏護舊苔紋山前返照凌黃葉江上逢秋有碧雲  
遺墨誰詞荷蕢過易明有荷黃山前過集中此句竟無  
問譚子尙有心之句

大觀閣在下鐘山右前明豐城李見羅先生講學

處也邑多名宿文奎輝映曾祖中理公與講學



焉今閣已墟矣蹟往風存追念前徽聊賦五古  
以誌不忘  
黃士茂

人匪因地靈地以人不朽人與地相宜垂名乃可久扶  
筇登鐘山興懷仰北斗上接陽明傳止修標厥守講學  
來茲區循循然善誘我祖幸從游承先兩儀後聚會多  
通儒切磋稱良友齊鳴春風中不拘大小扣敢曰紹箕  
裘亦欲勝荷負大觀閣雖墟猶膾炙人口愧恐失典型  
聊爾題山右仰止覺情深不堪重回首

倒石巖 序見山水

崔謨

石鐘山志 卷十五 詩錄

聖

靈巖千仞石生自天地初天地有佛性結茲萬化軀前  
古江岸裂法像輝方壺今日關南崩絕壁懸咒書名山  
多結孕怪石剖真如梵言依古像詎云一字無信有山  
靈在穆穆深巖居何必南海南泊滔水雲湖

松壽山值雨

崔謨

六月松峯冷似秋漫空風捲一天愁山當缺處雲爭入  
水正急時泉亂流地險雷霆偏得勢林深烟靄更難收  
經旬不破沈靈局無盡心情繞寺樓

石鐘山

吳法韶

瀕流合注兩峯橫亂石危機勢欲傾綠樹經年迷谷口  
翠微盡日滿江城吳天煙雨三春盡楚水風濤半夜生  
一自髯蘇留記後好山不說說鐘聲

鐘山瞻斗堂遺址二首

吳法韶

山殘水賸樹蒼茫誰與重論瞻斗堂父老婆娑傳舊雨  
挑燈評雋艾東鄉  
勝事消沉數十春隔生草樹盡成塵他年擬築存先雅  
免得荒基月弔人

湖口二首 集古句

李友棠

石鐘山志 卷十五 詩錄

聖

正解柴桑纜 杜甫 離懷豈易收 項斯 吳霜點歸鬢 李賀  
楚火照江流 儲光羲 森漫煙波闊 李嶠 黃綠浦嶼幽 白居易  
居易 停橈一延伫 皮日休 有路向瀛洲 柳宗元

廬阜香鑪出 劉禹錫 蒼然望不窮 盧照隣 波移彭蠡月

方干 湖轉楚江風 許渾 村鼓時時急 杜甫 漁舟處處通

李遠 親安誠可喜 張喬 且莫歎飄蓬 皇甫冉

雙鐘夜月

周仁棟

水府蟠靈根邃洞森陰密橫空雙眉浮生烟起吳越一  
夜登臨心萬古青天月春月石鐘蒼秋月石鐘潔

淵明故址

周仁棟

恥屈五斗粟而為百世師舊業秋風裡浮雲無端倪中  
有玩月榭流觴曲水池先生雖長往精神或寄之

彭蠡濤聲

周仁棟

水風忽噴薄結響因之雄豈有不平處激宕重湖中暑  
雪灑飛霞晴雷轟長空終入蹄泔耳一洗芥蒂胸

沙洲漁唱

周仁棟

波搖極浦深沙際擁煙樹信宿聚漁人驚起閒鷗鷺攤  
簪試踏歌笑舞江天暮一曲歎乃工雲山自韶濩

石鐘山志

卷十五 詩錄

壘

竹枝詞四首

周仁棟

沙洲圓處水灣灣帆落潮生日往還一自狀元歸去後  
不堪重問幙頭山

惜竹軒頭正穩眠官亭湖上水如煙風流不見秦淮海  
神女於今夢亦捐

家住江南黃葉磯弄潮西去愛魚肥琴洲尾上搖輕櫓  
猶唱山前白鷺飛

重礎危橋住碧灣江航葉葉出江關雨風祝得魚兒湧  
縱金伐鼓賽神還

題水閣樓

周仁棟

經聲法鼓聽移時指點慈靈路正迷忽上山尻通曲徑  
蒼崖白浪一樓詩

泊石鐘山正值水落見怪石森布絕無鐘聲

袁枚

古有石鼓無石鐘此山疏解從坡公道是水風相衝擊  
四更月下聲隆隆我來曳杖走山腳水落湖平見礪礪  
滿地橫陳怪石供洞庭不奏鈞天樂僧雛引我禮上方  
一湖春水煙茫茫古松穿石枝亂舞頗似相助吹笙簧

石鐘山志

卷十五 詩錄

壘

高坐懸崖發遐想平生所到無虛賞且學孫登長嘯聲  
替他代作蒲牢響

湖口縣二首

蔣士銓

江水平分處湖光繞縣門磯迴漁艇聚沙淺釣臺尊古  
壁添新翠春流認舊痕巖風弄鐘響疑有暗鯨吞

列岫鬱蒼蒼鸞環掛女牆煙波接彭蠡門戶鎖南唐地  
入魚蝦市天鄰橘柚鄉迴頭看湖水一半下潯陽

湖上晚歸

蔣士銓

濕雲鴉背重野寺出新晴敗葉存秋氣寒鐘過雨聲半

檐羣鳥入深樹一燈明獵獵西風勁湖心月乍生

湖口縣守風

蔣士銓

家鄉無數好煙鬟青入東南第幾灣不似太行懸戶裡  
年來飽看割愁山

嵐望

蔣士銓

嵐開萬象出徑豁兩峯對一磴穿青雲曲折異晴晦境  
幽寡人跡疏磬出鳥背僧樓如點螺古佛觀自在遙知  
深塢中有客對飛瀨誰聞廣長舌泉聲發虛籟名山念  
所歷佳游與心會發興可忘言思尋謝陶輩

石鐘山志

卷十五 詩錄

望

鐘山陶靖節先生祠

沈廷獻

老榦黃花映綺疏淡容寒柳覆蘆廬非關束帶嫌名薄  
爲愛停雲味古初三徑風流終自在六朝人物復何如  
座間誰薦王宏酒秋色蕭條接故居

游花峯還

廖泰清

蒼茫盡處是天垠水遠山長共暮春君向山南我向北  
聞鐘俱是到家人

上鐘山

蔡彬

懸巖峭壁並崢嶸蠡水溶溶一帶橫五老峯南吳塞遠

韓城廟北楚天清雲憐文惠千秋白月愛髯蘇萬古明  
夜半西風雙劍落涵胡應似昔年聲

石鐘射蛟浦

喻文鏊

漢高起亭長斬蛇驅嬴秦數傳孝武帝雄心規八竇封  
禪遍方岳雲罕臨江濱至今射蛟處急浪排蒼垠不見  
羨門輩一去乘鸞輪神魚坨海上覆轍難具論傷哉白  
帝子只如赤帝孫近望羽章館遠眺司空原元封事已  
去倚棹傷心魂

游下鐘山重書蘇記并賦詩

翁方綱

石鐘山志

卷十五 詩錄

巽

誰將屐齒記青苔七百餘年舊夢迴片石重留蘇子蹟  
扁舟又得蜀人來羽衣吹笛千山響廬嶽蒼顏一笑開  
明月低空還識我巖前飛湧墨花催

王文成石刻

彭錫璜

怪石臨江江水闊水底蛟龍生不測文成當日建殊勳  
龍驤樓船從此泊公之用兵機變速公之練兵嚴約束  
不然何以前此平贛平庾平洎頭飛將軍來齊破竹朝  
廷欲爭將帥功六師掛印稱元戎若非道力能旋轉宵  
小釀禍無終窮龍辱不驚識卓戰危愈迫神從容康

濟本從聖賢出理學自見精靈通客舟過此泊煙市勝  
國遺事談村翁長江已息鯨鯢浪大樹猶颯旌旗風

和邑侯陳公治泉鐘山春眺原韻二首

周厚轅

吞船侑玉顏趙總膽終豨水長看洲縮官廉化石頑風

和鐘亦靜訟少吏都閒驥子攜游處髯翁舊日山

舊侶聯新約新盤訂舊年風流偕鄧尉少尹沈醉認周

顛周姓更喜汪汪度同參劫劫禪隱之今日飲莫避

一杯賢坐客黃

石鐘山志

卷十五

鐘山春眺疊前韻二首

周厚轅

童弱喜配顏廬陵醉不豨新亭應結構老衲任癡頑放

鬻人同怵行春馬暫閒此江清徹底託出兩鐘山

成樓纔幾歲建寺已多年得榜宜長壽藏經訪大顛無

雙因識字公精不二可譚禪太史占星處陳家更聚賢

三月二十日登舟北上阻風憇鐘山僧舍

周厚轅

鶴鶴飛來又一羣惡風白浪動聲聞去來悟得坡公語

終日僧窗對夕曛

沈雲椒少宰按試潯陽郡過湖口阻風登石鐘山

有作因次其韻

周厚轅

兩石山踞三里城城低山近來鐘聲聲來水上因風大

往往竟阻行人行侍郡高軒駐星節玉鑑下注寒潮生

江神破山登鼓角巨靈手格鬚足撐松間立馬石間憩

使君一顧波頭平魚潛鳥翔張廣樂巖吞穴吐聞碎旬

南音北音亦聞作大叩小叩斲兼并人生有情不礪塊

世上無物非生成嵌空忽俯英雄相英雄被薜欲變琉

璃睛老人咳笑尙未寂雲霄磔磔猶和鳴行來準確坐

石鐘山志

卷十五

倚側地若空洞天開瑩是於一隅隘所託亦傳千載仍

其名湖茫江漲雨乍足漁歌梵唱風方輕新詩爲訪髯

翁蹟鄴元李渤何敢爭青琅勒就崖腹裂白沙捧出冰

壺清鄉關勝事傳來幸畫舫一去滄波迎

庚申花朝後三日星渚試竣擬蠟屐匡山因霖雨

不得登遂按湓城厯庾樓於上已日抵彭蠡之

口覽上鐘下鐘二山與同人別薜搜秘作長歌

以誌勝

吳烜

昔我游黔中洞躡飛雲排虛空石骨倒垂儼列畫靈境

詭譎欲盪胸又嘗游嶺南飛來峯下停征帆重巒曉帆  
銀練瀉空谷餘訝怪石嵌今復持節來江右放眼名山  
重回首匡廬石梁不可登上已乘輶憩湖口隔岸遙望  
石鐘山山峯參差落照間湖水淼淼拍城角百雉森立  
萬笏環上鐘下鐘左右列下鐘山石更奇絕濟河蠟屐  
尋其崖搜剔古篆與殘碣仰視層霄俯重淵雲根地肺  
相鈎連是時風恬波如掌鏗鉦鐃聲寂然但見峯獨  
者蜀屬者嶧或凹或凸累千百剔空蕙窠削不成水色  
天光透石隙鬚蘇有記碑有亭獨恨繪聲不繪形我今  
石鐘山志 卷十五 詩錄 吳

長歌求其似白雲穿破碧瓏玲

庚午四月以事至湖口周樸巖理軒昆季邀同王  
別駕馥田謙飲懷蘇亭卽席賦謝

方體

五老峯前左蠡湖水圍四野雲煙鋪天公點染看山處  
雙鐘凸起山亭孤山骨嶽奇勢飛動秀挹廬岳躡夔巫  
嵌空解駁見層疊欲落不落波縈紆湖光激灑風欲起  
石鯨鱗甲森睚眦橫截岷江別章巖要使清濁由殊途  
六年三過今一到快意欲借雲梯扶周侯更有濟勝具

跬步能腰酒百壺懷蘇亭上一矯首眼底廓廓無天吳  
蒼茫雲水洗青碧人間刺鯁胸全無須臾月出太白墮  
江鏡漁火明菰蒲側身巖竇展清眺但覺塵世如糠粃  
洞庭張樂未足擬岳陽三醉眞吾徒半世虛名窮不瘳  
折腰五斗何爲乎安得愚公移片石一日再拜從歌呼  
八里江魚苗船 黃德嘏

魚子輕裝一葉浮乘風蕭鼓振中流憑欄忽訝聲如許  
錯認江南青雀舟

湖口縣

朱榮

石鐘山志 卷十五 詩錄 辛

層巒排翠絕躋攀橫枕江流如帶環山勢成城留古鎮

縣卽古 湖光排闥接雄關 鄱陽湖在 女牆斜補迴峯處

佛閣高懸峭壁間策馬陶公祠下過輪他衰柳有餘閒

陶令祠在治城北 相傳爲淵明舊宅

雨霽登石鐘山

陳維杰

石磴盤空幾百層扶筇直上勢嶙峋乍晴天別開生面  
再入山如訪故人蠟屐尋來憐薄宦梅花夢裡憶吟身  
何緣結得松皮屋江水煙雲作比鄰

和友人石鐘山登眺原韻

陳維杰

時過禪宮一叩關塵衣抖擻展花鬟

樂天游悟真寺詩  
抖擻塵埃衣禮拜

冰雪顏疊霜為髮裝綠波芳草清明路紅雨天桃上巳山

天放晴和容徙倚友忘形迹任疏頑懷蘇亭下湖千頃  
坐聽鐘聲肯便還

夜同友登鐘山觀瀾亭

潘錦江

觀瀾亭子傍城隈入夜登臨四望開月色靜浮江樹出  
風聲遙捲暮潮來麗譙鼓報更初起石壁光搖燭漸灰  
莫訝聯吟忘坐久椿園花萼盡仙才

雙鐘竹枝詞

潘錦江

石鐘山志

卷十五 詩錄

至

黃牛泐畔春水生白虎塘坳春草平停船多傍女兒港  
掉過鞦山煙月明

龍華寺畔夜維舟江水清清漢水流月下東風齊笑語

伊鷓柔櫓上江州

五月黃梅雨浹旬龍舟撾鼓競前津花棚近說紅船好

狼籍釵鈿趁會人

懷蘇亭上關江煙壁立危巖千仞懸可惜鐘聲鐘磬後

更無人上水師船

阜湖分權九江關賈舶涼秋幾往還一雲鯉魚風信起

落帆仍在狀元灣

上鐘觀音巖同余別齋分韻

崔璧

危石擎天起奔濤發岸流崖形將覆閣水勢竟平樓困  
殿牛筋古松窗鶴夢幽凭闌無限意極目遠山秋

檀道濟墓

崔璧

萬里長城一土邱千年遺限白浮鳩親人已自憐吳子  
宋主空聞嘆石頭誰把衣衾藏刺史竟無碑版認江州  
樵歌日暮四山起猶想當年夜唱籌

下鐘白雲亭遺址

崔璧

石鐘山志

卷十五 詩錄

至

山勢盤紆上杳冥狄公此地有遺亭終聞鸞鳳樓臺省  
無復松蘿蔭石屏夢破曉鐘悲戀關情深秋水憶趨庭  
白雲自向河陽盡繚繞江天望眼青

大嶺雲亭

秦德植

有亭跨大嶺禪宇鬱嵯峨載頌相如賦飄飄氣若何

雙鐘行

胡會恩

青青石鐘山凜凜湖口關潯陽匯彭蠡九派奔潯潏東  
南估客度江津湖口新關愁殺人烏篷艇子大如葉朝  
去昏還兩算縉江邊怪石如刀戟衝濤觸船船寸折誰

能冒險瞬息停一任當關恣抑勒正稅還兼雜稅供雜  
稅何曾入大農一自燕闕移使者棹歌聲斷月明中

石鐘山

劉鳳誥

大江壁立玉屏顏絕勝壺中落掌間三日東風吹不響  
雪花飛滿石鐘山

鎮江亭

李尙清

楚水流澹漸入吳層巒重影一亭孤憑欄目送時千里  
不識長江鎖住無

嵩山寺逢驟雨

楊 澐

石鐘山志

卷十五 詩錄

壹

江風收不住挾雨入山來雲裏千巖絮松驅萬壑雷泉  
聲添古寺嵐氣入前臺洗出寥天月清光落酒杯

雙鐘晚泊

劉嗣綰

湖風低半帆岸綠走涼影沙洲複返照蒲樹結層暝言  
尋渡旁渡似隔嶺外嶺魚歌煙四合聲在釣竿頂岸石  
鐘聲來冷然夢初醒

新秋游鳳山

崔雲鶴

眼前邱壑欠登臨恨晚相逢寄慨深引勝松濤行浣胃  
迎涼石磴臥披襟荒顏古寺穿雲入寂歷仙蹤側杖尋

老衲何須詢姓字紅塵回首鬢霜侵

梧桐寺

陳樹華

石路何年築禪門自此行兩巷分上下一嶺界湖彭白  
法忙中想清言靜處生梧桐期引鳳誰爲錫嘉名

石牛山

楊渙躬

齒齒山巖石峩然狀似牛盤身依翠竹俯首對清流扣  
角歌誰發調元喘自休昔毛朝露濕石骨暮煙浮縱火  
難燒尾揮鞭不轉頭山僧如悟道叱起亦能不

游花峯

廖泰清

石鐘山志

卷十五 詩錄

壹

小蝸盤上寺有喬文衣古招提橋鎖溪深咽復嘶十指  
寺僧名也蠟盤龍藏額撒時人去後門前樹木與雲齊  
已圓寂矣

山居秋早

蕭玉春

碧天雲淨澹無垠涼意初添一味新難得好風消酷暑  
儘多佳日比陽春藕絲牽夢猶鷓客桐葉雞枝最可人  
勾惹詩心發商籟莫因搖落感音塵

鐘山納涼示省崖

蕭玉春

迎送關心容去來脚根隨地著塵埃此間原有清涼境  
豈爲山僧逐熱開

鐘山偶興

蕭玉春

公庭草滿日斜時  
顧影誰憐意若癡  
折柳有情人憶別  
落花無語吏鈔詩  
懸魚不食同彈缺  
失馬何憂悟賭基  
妙理靜觀皆得趣  
闍黎鐘動惹餘思

柳邊繫艇岸行騶  
雲淡無心水自流  
孤鷺月眠蘆岸雪  
野鷗霜立藕塘秋  
光陰已似離弦箭  
身世誰如不繫舟  
我向一鞭催去馬  
羨人安穩坐船頭

鐘山餞友卽次其韻

蕭玉春

梅花送客憶當時  
雲水茫茫任所之  
轉瞬一年空負約

石鐘山志

卷十五 詩錄

姜

折腰五斗詎療飢  
浮生泛似飄蓬梗  
意緒勞芬如治繭  
絲歸去來兮同有願  
菊黃樽酒續騷詞

積多詩債不能償  
使製徒勞豔錦襄  
伏櫪有聲悲老驥  
操刀從政愧今羊  
天涯舊跡醒殘夢  
客路新詩飽宦囊  
地近潯陽餘逸韻  
莫愁雙袖舞郎當

繫望多時定拔尤  
有誰青眼識荊州  
任教烟霧蒙塵面  
依舊湖山豁倦眸  
人物過江推老輩  
樓臺自古聚名流  
撫今追昔增惆悵  
縱掬滄波詎洗憂

老去文章况軼羣  
數篇薇浣挹清芬  
調希白雪勞貽我

愧少東風遠送君  
游興未闌符勝概  
官情如許等浮雲  
乍離乍合原無定  
且醉鐘山話落曛

元日登鐘山坐六十本梅花寄舫偶咏

蕭玉春

天涯游宦寄浮生  
去年來送復迎  
瓊釀舊酣婪尾酒  
簫聲新賣膠去聲牙  
錫初迎元日占  
晨氣更喜新春  
放曉晴六十本  
梅花早發折歸  
官閑動詩情

鐘山玩春雪用東坡聚星堂雪詩韻

蕭玉春

石鐘山志

卷十五 詩錄


姜

峭寒陣陣風吟葉  
冬雪未融春又雪  
簷前依舊舞飛花  
勾惹詩情呼妙絕  
好山笑口凍難開  
勁竹瘦腰伸復折  
玉龍捲海翻銀濤  
淨挽天河看洗滅  
逾年戰鬪力猶酣  
紛紛鱗甲雲中掣  
寒沍陰凝見晁消  
奈何比屋冰仍纒  
義馭剛迎暖未回  
借律吹暘吾不屑  
所幸豐年已先兆  
東作西成爭轉管  
柴桑有田但恐蕪  
我無負郭向誰說  
歌傳郢調和聲稀  
石鐘鳴異錚錚鐵





石鐘山志卷十六



桐城方宗誠

校訂

善化胡傳釗

藝文

國朝古今體詩

鐘山雜咏二十三首

石鐘洞

彭玉麟

石鐘山志

卷十六 詩錄

懸崖幽僻洞徑纒曲屈彎環路路通百折猶龍鱗甲紫

千年老蝠羽毛紅天工巧劈湖山勝鬼斧潛鍤玉壁空

頂上丹房無恙在不知何代住仙翁

石鐘山

怪石玲空枕大江噌吰鏗鞳浪淙淙千秋名士文章老

百戰河山寇壘降上下松篁籠夕照高低樓閣敞疏牕

彭湖風月今猶昔夜夜漁謳發釣艫

石鐘山聳玉瓏璵鏗鞳聲來窳窳風三面翠巒開梵宇

一湖碧練鎖瓊宮樓腰樹老藤蘿紫峯頂池清茵苔紅

月館露臺花木威忠祠萬古荷褒崇

昭忠祠

祀典褒崇廟貌尊將軍千載受君恩淨濤怒吼含鼉憤  
蠡水悲鳴弔虎賁滿地斜陽流戰血一天朗月照忠魂  
國殤終竟多吾楚博得丹心萬古存

報慈禪林

為報慈恩建佛場層樓飛閣儘輝皇叅堂僧散鐘魚寂  
掃院風來鐵馬忙識得英雄真面目始知菩薩有心腸  
前楹祀終南鐘進  
士於樓中楹祀佛山中老衲疏閑慣松火時煨紫芋香

石鐘山志

卷十六 詩錄

坡仙樓

勝蹟畱傳玉局仙石鐘山記勒山巔崖懸千尺藤蘿月  
樓鎖三秋荻葦天潔淨寒潭舟泛泛煙迷危磴草芊芊  
紅欄杆外青松小待得成龍尙有年

浣香別墅

別業千秋據浣香入門濃翠滴幽篁閑雲野鶴隨來往  
墨客騷人任主張樹小花欹撐怪石亭疏院敞補迴廊  
欄杆十二良宵永月影偷移過粉牆

聽濤眺雨軒

傾盆雨霽墨雲開  
滾滾濤聲腳下來  
落日西沈飛鳥沒  
大江東去浪花催  
盤藤秋老蟻黃葉  
疊石陰森蝕綠苔  
搔首長空無限意  
軒楹愁倚獨銜杯

芸芍齋

繞院長廊面面通  
烏聲晴滑碎春風  
游蜂逐蝶忙清晝  
曉露黏雲溼翠空  
芳草情綿書帶綠  
好花香膩錦囊紅  
一痕光透窗虛白  
青粉牆高月正東

飛捷樓

金陵掃穴斬蛟螭  
露布星飛帶月馳  
百戰江湖留舊壘

石鐘山志

卷十六 詩錄

三

一城煙火看新炊  
男兒須有封侯願  
騷客偏多弔古悲  
獨倚岑樓憑眺處  
夕陽紅照草離離

更上層

更上層樓別有天  
半弓精舍耐盤旋  
如蚶屋似蝸居穴  
放燕人聽鳥弄絃  
笑語有聲飛樹杪  
登臨無際倚崖顛  
休嫌一角紅樓小  
能吸鄱湖萬頃煙

且閉亭

沿階幔壁繡藤蘿  
曲徑旁通幽趣多  
竹裊綠煙封洞口  
蘭含清露隱山阿  
小池波皺風三面  
亂石崖圍月一窩

安得鐵肩拋擔去  
到來常此醉顏酡

六十本梅花寄舫

嵌成鵝卵徑欹斜  
陸地舟藏別有家  
流水小橋溶夜月  
浮欄曲榭繞梅花  
拓開怪石坡三折  
釀透寒香月一窠  
客去茶煙青未了  
隔江帆影逐飛鴉

鎖江亭

一亭高峙豁雙眸  
橫鎖西江未許流  
萬頃波瀾收水口  
千年磐石鎮山頭  
東南關鍵憑天塹  
開闢樞機勦戰舟  
最是干戈初定後  
更宜籌策鞏金甌

石鐘山志

卷十六 詩錄

四

一覽亭

一覽亭空四望寬  
江湖襟帶枕驚湍  
風帆來往看朝暮  
雲水流行聽暑寒  
彭蠡曉煙迷石磴  
匡廬晴翠撲雕欄  
巍然獨峙崖千丈  
過客登臨快峻觀

掬月亭晚眺

半枕雲根半倚牆  
萬竿冷翠滴簷管  
紫藤綠網千年石  
烏柏紅燒九月霜  
砌下蚓長喉弄笛  
池中龜老背生芒  
我來小坐消岑寂  
一卷黃庭對夕陽

方丈客堂談禪

烹茶煮茗話斜暉四面窗開待燕歸風月無邊空色相  
湖山如此好飯依鳶飛魚躍參禪理天淡雲閑悟息機  
底事老僧最辛苦利心熱透道心微

禪林漫興

禪心不許亂絲琴花木幽深靜室薰借榻人來雙屐月  
挂單僧卸一肩雲鼠能聽講甘枵腹龜耐支床願損文  
殘夜佛燈青半點塵囂初淨曉鐘聞

迎薰館小住

結茆爲屋竹支床不羨平泉李相莊花落棋閒畱客展

石鐘山志

卷十六 詩錄

五

月明江靜響漁榔衣襟爽裊羣峯翠枕簟涼生古木蒼  
莫把安居忘劫火邱墟滿眼歎滄桑

大佛殿雨霽聽晚課

紺園終日雨垂檐齋罷閣黎霽色黏寶炷篆雲僧供養  
金容滿月佛莊嚴鐘魚聲靜蒼煙迥釋梵音清落照纖  
殿鎖秋陰新浣碧一山頑石燦銀蟾

紫雲廊感懷

桃花零落雨紛紛愁緒芬如穀皺紋草野瘡痍非自取  
朝廷宵旰情誰分宅荒陶令悽黃菊亭圯梁公悵白

雲底事夜深彈老淚哀鴻聲慘不堪聞

遊石鐘山倚石口占

鐘山石骨聳崎嶇烽火頻經性未枯突兀宜參無我相  
琢磨好借勵吾徒獨行直道眞君子不學因人小丈夫  
歷盡滄桑銷浩劫鐘聲能似舊時無

紺園書感

風臺月榭路透迤怪石嶙峋景陸離一瓣心香堪佞佛  
十年孤憤欲吞夷濤鳴不盡英雄恨雲護無邊大士慈  
江海奔波空浪跡時艱何補愧深滋

石鐘山志

卷十六 詩錄

六

寄舫梅花雜咏彙錄一百首 題繁不 俱載

彭玉麟

仙風吹種出蓬壺生就鐘山六十株不許紅塵侵玉骨  
冰魂一縷倩春扶

獨抱孤芳冰雪姿千紅萬紫漫相欺百花亦任爭嬌媚

除卻幽蘭品盡卑

大地陽和淑氣催春光獨占百花魁師雄信有因緣在  
得入羅浮夢裡來

梅花窗下露冰肌姑射天然出世姿仙骨珊珊清絕俗

一生孤潔少人知

園丁報到梅開處東閣窗前帶月看領得春風無限意

一株斜倚玉蘭干

藐姑仙子真清豔香雪肌膚瘦玉身願嫁春風誰作主

全憑青女是冰人

美人骨傲鐵為心對雪宜橫膝上琴最是一生奇絕處

高山流水寄情深

曾入羅浮夢裏來瓊林瑤樹四圍栽春於花事真憐惜

能蘊幽香不忍開

石鐘山志

卷十六 詩錄

七

知己一生惟有雪香清豔冷自相親羣芳未許爭風韻

世外佳人迥出塵

玉瘦香寒總是春壽陽額點曉妝新窗前底事相思切

傅粉何郎實可人

含苞釀萼自清娛一見春風玉骨酥寄語東君憑作主

傾心為獻雪肌膚

阿誰能博孤山愛妻得梅花便是仙儂幸幾生修到此

藤床相共玉妃眠

前身許我是林逋輸與梅花作丈夫莫笑花容太消瘦

仙人風骨本清臞

英雄氣概美人風鐵骨冰心有孰同守素耐寒知己少

一生惟與雪交融

玉是精神膚是雪珠含乳蕊粉含胎春風暗度無人識

博得冰顏笑口開

仙子凌波妙絕倫一枝偃仰玉橫陳分明釀透春消息

不是羅浮夢裏身

紙帳低垂來少女微風蕩漾倍春生吟魂夜夜依香雪

竹榻同眠夢亦清

石鐘山志

卷十六 詩錄

八

春雪初融液玉漿仙梅吐萼倍芬芳幾回步月來林下

細吮花英齒舌香

藐姑仙本住瓊樓謫落紅塵又幾秋任歷冰霜操不改

一腔幽怨為春愁

何事孤山來俗子任情攀折嫩枝條浪蕊浮香零落甚

春風無那可憐宵

風引寒香到小園游蜂恣意鬧聲喧其如良夜消魂處

煙鎖窗紗月色昏

妬花風雨太無情忍把嬌姿受逆橫粉瘦瓊寒無奈甚

一腔幽怨可憐生

驟雨掀天澈骨寒玉顏憔悴倚闌干扶持賴有春風力  
畱得華容月下看

我幸梅花死復生天教仙骨向春榮返魂自有幽香在  
未許狂飈撼落英

自是梅花劫運消芳顏不為歲寒凋天公也解憐香意  
畱與春風發翠條

本是瑤臺侍宴姬龍華會上捧瓊卮自從王母西歸去  
流落人間有孰知

石鐘山志

卷十六

詩錄

九

瓊玉妃居玉照堂誰能惜玉更憐香等閒不是司花使  
肯把金鈴錦幄張

不染鉛華真國色生成素豔雪同清芳心一點愁如許  
蘊釀春風無限情

分得瓊枝出上林冰英雪蕊結同心窗紗月冷黃昏後  
一種幽香最耐吟

一生知己是梅花魂夢相依萼綠華別有閒情牽客思  
水窗煙月影橫斜

春風幾度閒披拂細吐幽香沁骨清我是西湖林處士

梅花應喚作卿卿

山中風味有誰諳倦倚梅花睡正酣底事羣禽啼不住  
驚殘香夢到江南

自從一別衡陽後無限離情系雪香羌笛年年吹塞上  
滯人暹夢到瀟湘

故園消息誰通問玉瘦香寒兩不知驛使未歸江路遠  
教人何處寄相思

天寒歲暮客魂消夢繞西湖第六橋我似梅花梅似我  
一般孤僻共無聊

石鐘山志

卷十六

詩錄

十

蘭實竹友皆零落惟有寒梅是主人冰雪心腸塵不染  
自然澹雅得天真

綺窗別後思依依盼斷江南驛使歸月落參橫清夢短  
香魂頻逐玉鱗飛

一江風雪夜漫漫臘鼓驚人歲又殘寄語故園老梅樹  
著花仔細度天寒

風雨空山頻落窠春回陽轉待天時梅花具有清剛氣  
不怕江城玉笛吹

瓊花只合種瑤臺流落茆簷忍誤栽廿四番風甘寂寞

年年芳蕊帶愁開

苦雨寒風已歷過而今天氣轉陽和梅花散得清愁去

玉面光生春色多

冰清玉潔雪生香不愛繁華只素妝俏立浚波嬌不語

珠簾半捲月昏黃

相看別樣有丰神縞素衣裳淡著身絕世不教塵俗染

玉壺一片蘊天真

仙風吹下許飛瓊玉珮珠璫映月明淡極轉增花態麗

六銖衣漾素綃輕

天教梅雪鬪春陽梅自精神雪自香春為雪梅勤點綴

玉添肌潤粉成妝

絕世佳人競素妍飄飄疑是蕊珠仙紗窗靜掩黃昏月

一種幽情劇可憐

羅浮仙子絕縹塵皎潔姿容太素身我是師雄誰識得

一天明月證前因

天涯何處最愁吾夢繞孤山第一株萬里凍雲天欲雪

相思頻寄向西湖

而今物換更星移春繫南枝又北枝人隔故園天萬里

石鐘山志

卷十六 詩錄

五

梅花也應有相思

玉顏消瘦骨清癯腸斷江南別夢孤欲寄春君何處是

阿兄贏得有誰呼

生平最薄封侯願願與梅花過一生安得玉人心似鐵

始終不負歲寒盟

翦翦春風底事忙為裁雲錦製仙裳冰肌自有清芬在

不倩薰籠蒸寶香

天教寒梅品獨仙玉容得雪更清妍綃裙縞袂真飄逸

別有風姿出俗塵

石鐘山志

卷十六 詩錄

三

十年前事憶江東酣夢羅浮酒肆中難得美人舒醉歷

春風醞釀笑顏紅

勻罷曉妝飛粉豔素心檀口靜含情窗前細把龍涎吐

襲入詩腸沁骨清

橫斜疎影月籠烟遮莫春風儘放顛憨態撩人情脈脈

幾番搖曳玉花鈿

春在江南與不孤綺窗合抱有梅株年年花蕊垂垂發

雪壓瓊枝綴玉珠

巡簷索笑小窗開靜對春風啟玉腮底事吟魂消欲盡

幾回香撲入懷來

纖塵不染玉生光出浴梅妃靚澹妝記得吟香亭子上

美人輕著苧蘿裳

遊徧山隈又水隈篷窗月下意徘徊清風徐動嫵嫵影

暗送幽香入鼻來

風情占盡小園隈春報枝頭萼半開花正含苞人不識

我先飽看豔光來

紫雲輦御玉眞妃交頸鴛鴦列隊飛西母瑤池開壽宴

酒華濃澣五銖衣

石鐘山志

卷十六 詩錄

三

林下酣眠月色西滿身香雪夢魂迷幽人自是多清福

修得梅花嫁作妻

我家小院梅花樹歲歲相看雪蕊鮮頻向小窗供苦讀

此情難忘廿年前

梅添月影樹成雙亂寫幽情上綠窗賴有玉人來解渴

愁魔不用酒兵降

風雪侵肌最耐寒素娥原不怯衣單春風何日催暹棹

相對頻將秀色餐

最愛多情小梅樹頻舒檀口笑春風幽香醉我濃於酒

對月金尊酌任空

十年征戰走天涯莽莽乾坤何處家底事戈船消夜永

高燒紅燭詠梅花

芳草江南綠又齊落紅滿地意淒迷宵來一種梅花夢

斷送聲聲翠羽啼

人間何處覓瓊漿六代江山盡戰場何日將軍能止渴

梅黃時節更思鄉

昨宵枕上竟回家稚子懽迎笑語諱記得幽窗明月下

一枝短笛擲梅花

石鐘山志

卷十六 詩錄

四

鐵硯香生萬古春梅花消息寫來眞書生自笑輕狂甚

頻把松煤畫美人

梅花著手便成春畫裏空空日喚頻活色生香嬌欲語

亭亭倩影是離魂

錦繡江南實可哀六朝金粉盡成灰何如我有生花筆

寫出神仙眷屬來

相思遠寄故鄉難雁到衡陽歲已殘慰語梅花休悵望

主人江上幸平安

九疑仙子謫塵凡春信開來玉一絨歲歲江南勞驛使

故園日日望歸帆

一枝消息江南寄寄語梅花仔細開地凍天寒須耐守

好留清豔待春回

芳苞蘊釀玉氤氳涵養深滋暖氣熏曾記春風消息好

首先花信寄青君

閒情未許蝶蜂撩別有風神逸態嬌釀得梅花春意足

小山凸凹雪初消

雪融芳蕊玉瓏鬆馨口香含春意濃恰似美人初睡起

十分情懶太疎慵

石鐘山志

卷十六 詩錄

五

一天斜月壓簷欹疎影交橫玉樹枝曲徑小廊窗半掩

暗香頻送好風吹

攜鋤移向灞橋來兀坐難忘月下栽今日花開東閣裏

野風朔雪不相摧

日暖風和小院晴玉梅花放最怡情忽然天地心全失

濁霧濃烟障不明

女子小人花亦如一般難養費工夫移來官閣供幽賞

著意栽培轉欲枯

草木如人亦改常梅花倏易舊時妝藐姑墮入紅塵劫

失却當年冰雪腸

問花底事味平生平白污栽氣不平知否首陽甘餓者

伯夷原是聖之清

江天萬里月華流回首綺窗動客愁一樹老梅添怪相

卅年塵夢醒衡州

愛護殷勤未負佗自開自萎奈愁何暗香疎影凋零盡

孤負孤山處士多

堪嘆梅花白蝕傷玉人不復舊時妝一簾冷澹黃昏月

消盡羅浮夢裏香

石鐘山志

卷十六 詩錄

六

品最孤高性最酸藏來金屋護持難生非錦繡叢中物

只耐空山野鶴看

數點曾稱天地心古香古色耐沈吟緣何結子偏酸甚

姑射由來妬最深

苦雨酸風日逼來冰心自壞舊時胎儘教淪落山籬下

剩蕊殘英冷澹開

盛極衰生理最真梅花開透自沈淪東皇雖盡扶持力

欲不飄零也不能

風流逸俊憶何郎故態難忘舊日狂傳粉祇今成往事



落英滿地冷斜陽

落梅風起足魂消惱亂心情感寂寥回首舊時春夢醒

一江冷月透征袍

無端風雨自相侵深負逋仙愛惜心始信美人真命薄

終隨桃李共飄零

一聲玉笛落梅花惆悵西湖處士家留得枯枝培植好

春來猶可發新芽

春能起死更回生誰道東皇甚不情為語藐姑須著意

莫教自蝕舊靈根

石鐘山志 卷十六 詩錄

一枝斜視綠便娟嫩篠新篁劇可憐不必孤山三百樹

也堪避世學逋仙

歸去亭壁醉寫梅花題句

彭玉麟

羅浮仙子染緇塵謫落人間有夙因我是西湖林處士

一輪明月是前身

狂將粉壁潑松煤醉墨縱橫寫老梅昨夜月明風露冷

引他千載鶴歸來

一池清淺影橫斜借作孤山處士家分付新來雙鶴子

天寒為我守梅花

時李少荃中丞送來海鶴一雙

鐘山養疴得雜感十二律借以遣悶

彭玉麟

臥疾鐘山雜感多一枝秃管儘消磨麒麟不產人間種

鯨鱷空與海上波白水盟成心自在黃梁夢醒味如何

先憂後樂南豐老安得偷閒共嘯歌

百年三萬六千日算來光景只須臾憂讒畏譏復何事

蟲臂鼠肝隨所如世局曾經變滄海功名幾見醒華胥

心頭亂緒夢難理纏繞無端發感吁

僧樓寂坐抱虛恬遺悶時拈有斷髯粉蝶空忙徒自瘦

石鐘山志 卷十六 詩錄

蜜蜂辛苦為誰甜寶刀鋒盡鞭敲秃鐵硯磨穿筆浪尖

惆悵西風無那甚一籬秋雨又廉纖

梵宮暮鼓又黃昏好借鐘聲定六根相踵莫酬惟母德

塗肝難報是君恩生成我拙勤能補慣吃人虧性總

存退一步思心地闊天清雲淨月無痕

人要勤勞耐苦辛蠅營狗苟取為人安閒百歲老能健

和樂一家冬復春世事須防忙裏錯交情惟覺幼時親

男兒有志當堅定努力功名莫畏貧

子祿妻財有定因妄干名利是愚人生來才拙惟安分

難合時宜爲率真 國計經謀須遠大官場治事壞因  
循誰爲旋轉乾坤手霖雨蒼生運用神

蝸角蠅頭夢枉牽須知飲啄有前緣平安卽是居家福  
尅薄難期後代賢人世儘能容險譎陰曹用不著威權  
堪嗤多少栖栖者愈逞心機愈倒顛

箕風畢雨任縱橫世事何嘗得定評雲影從來多幻相  
江聲慣作不平鳴人情冷暖無冬夏果報昭彰有重輕  
試看老農鬚髮白渾忘榮辱樂躬耕

天傾西北今猶昔地陷東南古至今白雪詞高宜和寡  
石鐘山志 卷十六 詩錄 九

青琴調古少知音臭錢能買生人膽劫火難灰妬婦心  
安得天醫醫世病放開手段用參苓

妖狐慣借虎威狂那識機藏怒弩張休羨老漁看鵲蚌  
須防黃雀捕螳螂今人福享前人德先代功留後代昌  
凡事綢繆宜未雨補牢切莫待亡羊

同軌同文聚萬殊古今成敗竟何如看開宇宙無邊境  
笑讀人間未見書事事回頭空幻蜃滔滔轉眼嘆其魚  
憶曾狂縱談天口浪湧胥濤恨尚餘

富貴還求九轉丹妄思辟穀少加餐高山不若人心險

蜀道何如世路難海關靈鯨猶負重天空老鶴儘盤桓  
嘔子蒲柳餘衰質暫借僧廬一枕安

芸芍齋石刻悼吟香館菱蘭七律二首有序見金石  
彭玉麟

披榛采得出山林別有仙根撰結深春雨綠濃名土袖  
秋煙素沁美人心夫妻蕙纈瓊英佩姊妹花抽玉蕊簪  
我與幽蘭最相契誰言空谷少知音

風雨無端摧蕙質天涯芳草泣王孫難忘靜女幽思致  
莫覓秋娘倩影痕一曲素琴空寫怨三湘碧月爲招魂  
石鐘山志 卷十六 詩錄 三

國香零落園林冷幸有梅花鐵骨存  
觀山下晉歿慘目賦晉饑行 彭玉麟

皇心重愛民行政務實惠苗害憫飢黎每饒貶不祭徭  
役戒勿興省斂蠲征稅司徒十二政舉爲備荒計弭變  
冀回天晉乃饑連歲發帑不後時轉漕期速濟赤地巨  
千里度支絀難繼廩舖掌何人忍心供餓隸致使億兆  
繁一息行垂斃人死葬人腹聞之肺肝劇君門雖萬里  
鄭監圖可遞 下詔謹皇躬如湯責六事 簡任職省  
方檢劾懲貪吏賑恤昇專司勸分廣新例恩膏不少屯

民漸有生意上行下必效餽粟敦鄰誼功德露浮屠簿以五百人集一遠邇爭檀施我亦捐鶴糧人咸興豈

弟人生天地間胞與原同契不解天地心既生胡忍棄

其故匪難謀念之生惻悻俗或極奢淫獲罪豈能貫業

或荒嬉遊自取嗟蒙袂或地少綢繆尚有未興利或政

多顛預尚有未除弊人事倘不修何以籲上帝我思救

時策貴先謀委積耕三九有餘良法傳王制鮑華雲中丞

泰請預籌積穀備荒現遺意逮常平因時興社義奉行

偶未善轉以為民累饑饉苦薦臻徒灑仁人淚何處無

石鐘山志

卷十六

詩錄

三

哀鴻願言警當世

泊蠡口遺興

彭玉麟

繫纜江干落木初模糊秋色蓼花疎琴書半舫我攜鶴

風雨一蓑人釣魚世味竟逃名利外宦情多在醉醒餘

養痾難覓當歸藥身逐烟波俗漸除

墟烟一縷水之南幾叠遙山起蔚藍周昉畫肥秋寫意

杜陵詩瘦與餘酣既歸遠浦鐘聲近雲掃長天鏡影涵

最愛斷峰當谷口月光東吐日西銜

萬頃烟波客路長輕如葉任相羊天低雲壓漂菰黑

樹老霜飛落葉黃一曲琵琶今古恨頻年旌節去來忙

將勤藉補浮生拙款乃中流嘆渺茫

豈覺封侯方秉鉞黃梁春夢醒多時隨緣粥鼓嘗僧味

循分齋鹽耐我思竟荷兼圻三命迫難容屢疏一言

欺何如乞得閒身退依舊宵眠喚趾離

浦宿

彭玉麟

夜色望溟濛燈光隔浦紅漁歌楊柳外人影荻蘆中鷗

夢愁難破雞籌唱未終前程何處泊遙指大江東

遠水平如鏡疎林挂半鈎月明橋渡影風定榜眠秋菊

石鐘山志

卷十六

詩錄

三

釀何時熟萍踪到處留鄰侯知我甚事業繫扁舟

山居值驟雨

彭玉麟

黑雲蔽天垂暝昏迷白晝狂飈飛驚沙落葉聚階厚倏

聽萬瓦鳴一雨來何驟無端湧地泉沛然瀉簷溜震耳

聲霆威勢擬羣龍關力觸天柱搖裂縫崇朝漏須臾霽

色開蒼蒼勤補救晚景弄新晴淺深看遠岫

和彭雪琴宮保鐘山四咏

吳坤修

昭忠祠

福慧修成兩足尊千秋血食重君恩固應蘭芷多湘

楚難得賢豪盡黜賁山色蒼茫開畫潮聲上下咽精  
魂我來憑弔江風勁落落晨星幾點存

浣香別墅

金粟紛披絕壁香生非仙骨漫升堂久從洗濯清心累  
肯恃氤氳侈蹶張小坐誰家飛短笛耽吟幾度繞長廊  
感君留飲多沈醉月影斜侵薜荔墻

聽濤眺雨之軒

數椽結構對江開無限詩情撲檻來倒捲銀河殊目眩  
橫衝翠壁總心摧乘槎終訝迷雲海策杖時虞滑石苔

石鐘山志

卷十六 詩錄

三

俯仰浮生堪一笑百年幾覆掌中杯

芸芍齋

一亭斜抱小橋通繞出軒檻抱好風階下翠雲晴欲雨  
臺前豔雪色疑空添香烟喜凝眸白侍坐人憐暈頰紅  
倘肯借為棲隱地狂歌日唱大江東

次胡杏生遊石鐘山昭忠祠韻紀前事并答汪崇

議程希轅二丈

吳坤修

我生簸落出箕口謫戍湖濱城若斗晝夜旌旗鼓角中  
放懷獨立山頭久石鐘一記仰蘇公大筆如椽千古空

磔磔松間棲鶴起雲中秀插雙芙蓉曾從老彭倚絕壁

石氣薰衣湛黛色盤身直入山腹中險峻不煩援引力

懸崖劃斷聳嵯峨咫尺直同萬里遙吹火星星獨幽竄

凌虛墮石垂虹橋膝行穿過怪穴裏罅漏涓滴泉水

蝙蝠如輪吸石髓浮雲洞邃未及爾奇處都疑入混茫

此遊恍惚到仙鄉前途黑暗不得去退步漸漸來白光

鐘山靈境實如許窾坎鐘磬皆誕語精魂先我踞峯巔

春秋血食羅樽俎

過湖口

吳坤修

石鐘山志

卷十六 詩錄

三

山城俯仰見江湖刁斗餘音聽尚麤忠骨昔曾浮道濟

奇文今孰反髯蘇山形空如懸鐘與東坡所記頗異數椽屋幸當風立

一樹花憐背日枯前留綠萼梅於山寺今萎過客不堪重回首滿天

煙雨叫提壺

湖口檀江州墓

吳坤修

量沙夜夜聽傳籌誰遣江州尸倒流萬里長江都已壞

何須抔土問荒邱

次廉昉石鐘山原韻

吳坤修

媧皇餘石煉神鐘古色蒼蒼割太空籠罩千秋常作鎮

陶鎔萬物可爲銅深山徑轉風聲冷過客帆衝水氣濛  
欲待題詩留絕壁孽窠久已讓銘功

病身莫怯上山難百尺樓中氣象寬羊角扶搖江水立  
魚鱗層疊嶺雲盤穿苔徑滑神猶健滄苔泉清色亦寒  
小坐尋僧作閒話此來應爲補遊觀

嗚咽臨風咏八哀十年幕府費掄材生輕矢石多奇氣  
死占湖山亦霸才宿草無情埋碧血寒花有信抱珠胎  
時梅花將開幽靈坐享清閒福僕僕憐予數往來

登石鐘山同丁燕山鎮軍繆芷汀何丹臣兩觀察  
石鐘山志 卷十六 詩錄 三

流連竟日畢領其勝是夕燕山欵飲衙齋憶咸  
豐己未秋七月從曾文正公移師過湖口燕山  
以礮船送渡部曲彭雪琴宮保方領水軍宴諸  
將李少荃相國楊厚庵宮保皆會亦一時盛事  
也感懷成詠呈同遊諸公 張岳齡

全攬江湖是此間臺空樓閣幾躋攀長洲近隔東西水  
孤嶂遙連大小山上大孤下小孤與石鐘相鼎峙鐵鎖沈波餘戰血金  
樽對月老塵顏回思二十三年事擊楫中流共往還

湖口

張盛藻

萬頃湖光隱遠峯湖邊樓閣起重重輕舟破曉飛帆渡  
未得閒心聽石鐘

游湖口石鐘山

張盛藻

我昔乘鸞輪瞥若隙駒驟遙望湖口山石鐘未遑破茲  
來訪名勝巖壑得奇觀維舟彭蠡濱寒衣躡靈岫危磴  
盤折上怪石森左右或如虎豹蹲或似瞿曇瘦各負磊  
落姿爭奇而競秀峭壁臨深潭奔流相激激下爲蛟龍  
窟上爲風雲贊髯蘇曾於此夜聽石鐘吼文章洩靈秘  
前人笑簡陋近代罹兵燹荒山孤兔走鄱湖扼吳楚險  
石鐘山志 卷十六 詩錄 三

要幾顛覆彭公麾戰艘奮戈殄羣寇功成不受爵清風  
滿襟袖盤桓湖山間樓閣精營構一橋一亭處與石相  
參究種梅數十株借石爲鑄鑊作廟祀忠魂名同山石  
壽我愛坡仙樓閣窗納宇宙臨崖聽濤聲有如聞鐘漏  
徘徊不能去茲游何時又  
石鐘山二首 熊光  
坡老去千古我來追昔遊鐘聲長在水石氣最宜秋列  
嶂包城遠飛蘿畏寺浮卻看彭蠡色一半劃江流  
阻險標殊勝刊山稱勒銘高伯足刺史心夔撰勒序銘文甚道雅經營勞

哲匠圖畫役神丁樓閣丹青靜江湖白鳥醒謝公高臥

罷再起想儀型謂易侍郎

昭忠祠

敕建祀楚軍水師之死事者自管蕭節愍公以下若干人弁勇亦附焉

一死鴻毛擲誰知重泰山蟠天分俎豆落日共鄉關殘

劫紅羊過奔濤白馬還作祠仍北向不必涕橫潺

紉園雜詠十六首

熊光

慈蔭閣

珠閣峙亭岩金繩界方礎六時風鈴音五色曼陀雨慈

蔭即春暉震旦普含煦

石鐘山志

卷十六 詩錄

毛

浣香別墅

銀河坐洗兵更藉眾香浣雙藤一文高人門張翠織何

必方蓬遊盍然春意滿

聽濤眺雨之軒

江雨欲來時江濤鳴不已因知靜者心萬怪可驅使雨

止濤亦平青天作江底

芸芍齋

婪尾廣陵春三十一圖繪何如手植嘉蘭栗梢頭記十

日曲欄暗嬌紅照詩缺

且開亭

小亭風月佳碧沼涵餘清宛彼芙蓉花哀露舒其英笑

酌荷箭杯舉世方營營

鎖江亭

全吞雲夢曾盡吸西江口下指水犀軍縱橫列屯守眉

宇刷青冥高寒逼星斗

放生池

刻石以爲池纖鱗無一具江湖勺水通渺爾含生趣落

日上濠梁單衣試微步

石鐘山志

卷十六 詩錄

夫

梅塢

模糊一塢雲高下數峯雪石門窈而深石磴繚以折寒

香萬斛盈盞洗肝腸熱

六十本梅花寄舫

不乘太乙蓮不泛海客槎寄茲元氣舟玉綴珠橫斜老

鶴警空山叩門者誰耶

臥雪吟香之館

廣平鐵石心愛傍梅花住東風如解人吹香上詩句乘

月夢羅浮翠羽啾嘈去

紫雲廊

輪囷一片石飛來若紫雲  
巡廊偶延伫矯首雲中君  
茶響憂風篁客至時一聞

綠陰深處

綠垣就三面拓地趁十弓  
數本碧芭蕉幾樹青梧桐  
幽鳥不聞喧玉琴眠當中

歸去亭

亭壁畫大梅樹

出豈慕簪纓處非戀泉石  
平生出處閒只有梅花識  
珊瑚拂釣竿更待長千尺

石鐘山志

卷十六 詩錄

五

飛捷樓

樓成開金陵捷音

有樓何翼然百尺雲霞倚  
遙想樓成時人天大歡喜  
十載范希文後樂亦如此

坡仙樓

翁潭溪先生書蘇公石鐘山記石刻陪壁間

峭雋北平書倣瑋東坡記  
不若樓最奇直下俯無地  
足底石鐘鳴噲咄宕搖曳

江天一覽亭

江天橫古今洞視儼且暮  
吳楚廓風煙帆檣競如鶩  
誰把青蓮花上與飛僊遇

摸魚子詞

熊光

入月才入日始為湖口石鐘山之游與巖雲上人及舍弟鏡漪暨珍瑩兩兒偕往自裴家湖登舟出大江行十餘里掠新洲而東倚蓬騁望清暉娛人而城雉樓臺已闕然在目遂拈此解之誌

買輕舸邀僧共載踐遊今度才果一雙快槳  
秋江上翦得玻璃天破茶具安有多少閒鷗  
早占蘋花坐秋容嫋嫋看山抹漁罾樹藏蟹舍  
空處落雲朵年時事鐵艦飛騰礮火驚濤曾  
被關鑊盡劫後魚龍靜辛苦功成堪賀遊客過  
只解向紅亭碧館相巡邏誰吟楚些待喚

石鐘山志

卷十六 詩錄

三

取坡仙雙鐘試聽月上蠡湖左

蠡泊鐘山

馮詢

茫茫今古浪聲催歷歷帆檣去復回  
萬里江湖終會合兩山吳楚逕分開  
當年控制資雄畧此地登臨更異才  
今日我來成獨望滿胸雲水盪塵埃  
烽餘愁望強開顏春盡江湖慘澹間  
烟火漸生聞鷓喜風波纔定覺鷗閒  
陸沈變谷東西岸孤注成峯大小山  
拚擲此身如柳絮隨風吹去復吹還

題鐘山飛捷樓贈湘鄉節相

馮詢

手安坤軸贊 乾符一代功成將相俱賊識軍中范老  
子人思江左管夷吾十年報 主孤忠憤百戰封侯萬  
骨枯久別竊詢公左右憂勞顏色似前無

天顏有喜看屏風次第 酬庸畫筆上伯仲即今見伊

呂兼謂公弟大中丞使君誰與共英雄周家甲子干戈定吳會

東南節鉞崇門下飛騰經幾輩愛才安得盡如公

萬方觀檄憤從戎忠義公先挫賊鋒車騎自呈天上駟

樓船今見水中龍一身半壁東南障五嶺三年遠近烽

想見默爾 宵旰意屢傳温論獎軍庸

石鐘山志 卷十六 詩錄 三

不須重問海昏侯仙佛英雄總一坵花柳得時還作態

江山無恙轉供愁殘碑入土千秋在折戟沉沙百戰休

獨喜將軍椽筆健迴瀾功鉅挽江流

過彭蠡 宋鳴珂

啼聲徹夜鳥朝日渡重湖水澗千村失風高一事無小

舟聞賣酒老馬畧知途鎗火人家近權收十幅蒲

舟過石鐘贈燕山軍門七律二首 賀壽慈

扼流峯勢自崢嶸二十年前幾戰爭玉壘久銷戈劍色

石鐘不雜鼓鞀聲雪山輕重隨旌節煙閣 恩榮紀姓

名圓碣方碑齊建立燕然銘勒手書成謂彭雪琴宮保

名區重整手持持疊石栽花帳下兒邱壑指揮饒將畧

樓臺環峙肅軍儀閒身裝帶登臨日回首風雲叱咤時

欲訪山靈商獻詠從前親見捷書馳

就養南昌郡署適 雪琴宮保巡閱長江兼往吳

淞籌議海防停舟石鐘過訪因贈二律 賀壽慈

憶識荊州笑語親朝

天薨踏輦紅塵愧辭簪紱為閒客又向江湖見偉人飛

石鐘山志 卷十六 詩錄 三

鶴幾巡新壁壘屠鯨猶韞舊精神石鐘山畔摩巖句戎

馬書生百戰身君有小印自號戎馬書生

三朝知遇軼蕭韓劍佩曾登大將壇江海澄清能任重

乾坤擔荷莫辭難藉嫺龍豹應收發浪跋蛟愚尚屈盤

杜石如君半出處運籌宜使

國憂寬

舟經湖口登石鐘山 洪鈞

全湖北注江勢若蛇赴壑兩山峙東西如戶有鎖鑰少

讀髯蘇文石鐘辨乃博勝境久神遊天緣值舟泊呼渡



掉舴舨遊塗過城郭捫壁陟危磴流丹仰飛閣茲山以  
石勝皴透巖疑鑿不聞噌吰聲惜哉水尚涸庭階拳石  
供布置亦不惡住持老僧健導我恣探索頑榭連逶迤  
廣軒接寥廓祠宇何輝煌爲祀國殤作

穆皇中興年羣醜誰剗削從戎楚材多報國軀命薄俎  
豆馨山椒肝蠻庶有托長留忠義氣山靈慰寂寞我來  
喜時晏解衣坐磅礴日落江湖空心宵一開拓

石鐘山拜梅歌

洪鈞

生不作令項乃強偃蹇抗俗立不僵獨遇梅花便心折

石鐘山志

卷十六 詩錄

三

稽首再拜羅浮香衡州侍郎髯如戟殺賊滿江江水赤  
辭官苦避節鉞榮勝遊雅負溪山癖韜鈴餘事怡丹青  
替梅寫照盾墨馨三軍肅立貔虎隊一紙飛出蚰龍形  
昔年輟車入楚北聞公行歷江上息荊州欲識嗟無緣  
思從翰墨窺顏色三肅介紹前致詞果然尺幅生綃遺  
怒筆拗蟠鐵石榦空堂獨立冰雪姿今年潯陽復馳傳  
此地閭閻公百戰共識英雄功業高誰知文采風流擅  
公畫久弄行篋珍對畫如見花精神若論高節可蓋世  
梅花轉爲人寫真傾側癯梅每展拜况逢斯人作斯畫

幾生修得到梅花一瓣心香續詩話

樵局受代偶游石鐘山卽景抒懷八首

駱敏修

憶探瀑布訪廬峰轉石砩崖萬壑鐘何事神工施斧鑿  
特教古洞奏笙鏞直攀絕頂驚棲鶴長嘯空潭醒老龍  
難得旌旗天上至仙舟歲歲候林宗

誰令僻縣變神州山色湖光抱堞樓小叩不鳴休問石  
危機偶動卽驚鷗風波欲渡公無渡慷慨言愁我亦愁  
秋菊春蘭自終古故鄉芳杜老汀洲

石鐘山志

卷十六 詩錄

三

崇祠屹立鎮驚濤浩氣乾坤此結蟠戰伐息餘荒壘在  
英雄淘盡浪聲寒樓船異日思王濬絲竹清時有謝安  
自擷溪毛歌楚些國殤一曲意漫漫

扁舟絕壁放譎行萬頃冰壺洗眼明江浣晚霞分瑟瑟  
洞吞駭浪激錚錚樓臺倒景開金地花木浮空盡碧城  
水石無心成節奏漫疑故作不平鳴

未製荷衣賦遂初空山猿鶴恐人疎才迂難入循良傳  
課最誰工平準書俗吏風塵走牛馬重關鎖鑰算舟車  
幸消半日清閒福免較銷銖伴史胥

漫將肥瘦較狂癡小隱何如拙宦宜寵辱不驚誰上致  
參苓盡卻得中醫持籌未識金銀氣食肉原無虎豹姿  
昔博山靈笑塵俗卸肩底用候瓜期

壯不如人老可知登場傀儡任牽絲朝三暮四狙公智

北斗南箕貝錦詩蕉鹿忽醒塵世夢菘鱸早動故鄉思

白衣蒼狗紛紛是百感茫茫付酒卮

半載飄零類轉蓬豈真磨蝎守身宮奪牛無乃欺田父

失馬由來等塞翁不信憑陵有狐鼠何妨得失任雞虫

倚闌高唱江東去誰識瀛洲有路通

石鐘山志

卷十六 詩錄

壹

游石鐘山

汪世澤

山勢不可遏突出大江邊石壁百丈據江立上有樓閣

飛空懸外觀形局但恢廓乃知中藏多曲折初循山腳

盤紆來未到山腰筋力頽小亭暫憩定吁喘再四始克

登高臺神祠巍我擁雲霧云是享祀忠魂處當年碧血

染黃沙今日青燐沾白露樹色陰森凝遠愁江聲洶湧

瀉餘怒俯仰憑弔徒傷懷徘徊流連漫回步撲鼻一陣

聞天香時寺中桂山僧迎客開禪堂告我此中勝跡夥

引入到處清興長小坐寄舫想高隱彭雪芹宮保寓居處旋攀危

樓窺大荒細逕纔通露廣廈懸崖已斷交迴廊左開菊

圃右桐樹高構竹軒低藥房上池下池水瀾瀾前嶺後

嶺煙蒼蒼忽逼仄從仙洞出忽宏壯與佛殿當忽隨猿

下飲溪澗忽學蟻旋升石梁忽臨陡壁毛髮豎下視九

派青茫茫忽坐幽窗肌骨冷颯爽晝欲添衣裳四望但

見翠鬢靄一年不斷花芬芳流賞半日意未盡終乃引

我摩薛牆東坡先生碑記古早年熟讀鑄心腸飄然別

僧下山去遠樹蒙密拖斜陽歸舟漾漾數回首舟人催

行出深柳恨不泛舟月夜游靜候天風起湖口軒然水

石鐘山志

卷十六 詩錄

壹

上發大聲噲吟一聽蒲牢吼

予游石鐘山湖口張希齋大令聞而尋予於僧寺

遂同游焉歸邀飲衙齋作詩留別

汪世澤

清興天外生一筇訪山去徘徊空翠間悠悠淡百慮故

人來相尋雲深忽知處一笑攜手行登高頻四顧水歌

三楚船煙影九江樹延賞歸自遲殷留卻難遽遂辭孤

鶴巢來謁季鷹署痛飲豪不休狂言笑相助如此好湖

山管領防我妒

登石鐘山訪東坡手蹟

熊爲霖

孤城峭立老江心，削起稜稜玉筍林。如許風濤搏大氣，憑空天地轉元音。幾層閣倚懸崖斗，一綫崑崙積雪陰。欲學蘇仙能好事，橫鐫石壁薛花深。

壬申冬日隨觀察許公

星臺

郡伯達公

敬修明府

梁君

蘇林

憇石鐘山適鎮軍丁公

燕山明府

張

希齋

連日聚飲亦盛會也，更闌人醉始聞水石

噲咄繼而風雨大作，有排山倒海如金戈鐵馬

之聲，夜不成寐，賦呈二律

陳 稟

石鐘山志

卷十六 詩錄

三

百折迴廊繞石門，鐘聲鏜鏜動黃昏。蘇髯偏解山靈意，楚些難招戰士魂。此日豐臺酬宴樂，當年一柱定乾坤。追陪謝傅遊山屐，雲氣拚同酒氣吞。

劫過羣峯知向背，醉酣吟興復縱橫。波濤倒瀉樓臺影，風雨如聞戰鬪聲。江上餘皇雄坐鎮，山中宰相卜歸程。

回頭擬向匡廬臥，薄宦庸庸愧此生。

同治癸酉將之龍泉，任不登石鐘，近十年矣，聞修

建日盛賦此誌感

程朴生

噲咄鏜鏜水聲，首坡老當年記夜遊。勝蹟前賢都寫盡，

敢將殘墨贅如瘤

効力精臺倥偬中，漫隨驥尾贊元戎。湖山靦面曾相識，

誰踵文成更紀功

點綴生新結構，宜名臣瑣事見心思。閒情聊託東山趣，

一局棋枰一卷詩

凭闌遠眺豁雙眸，萬頃湖光一覽收。清福幾人消受得，

知公後樂在先憂

游石鐘山步家梅龕茂才韻

時於壬午夏省家大人於樵局

駱初訓

石鐘山志

卷十六 詩錄

美

中天臺上作人官，御風欲往途無從。十年塵土眯人目，異境忽躡游仙踪。石鐘峯嶽鎮蠡口，勢與匡阜爭崑崙。誰割蓬萊左股置，江畔屹立欲障江湖東。我疑漏天忽落女媧石，百鍊出自洪爐中。不然皇帝張廣樂，罡風吹墮飛編鐘。人間何從得此境，爭奇鬪巧矜天公。天生豪傑補天缺，神施鬼設天無功。華嚴樓閣彈指現，芥子能使須彌容。口吸西江洗塊壘，邱壑磊砢蟠心胸。崇祠突兀慰英魄，鑪香上接華雲濃。桂旗蘭楫渺何許，直以清境娛幽忠。平生放浪狎山水，到此慷慨生敬恭。試登絕

頂望鄉國蘇句衡雲楚雨橫遙空乾坤無恙息戰伐戈

船彷彿旌旗紅茲山幸未墮劫火翰甲已掛扶桑弓童

然一阜耀金碧勒銘巨字蒼苔封坐間天籟發寒汶漫

叩頑石尋荒叢一重一掩幻而曲上剝月窟開鴻濛梅

花好句心鐵石功業正復肩姚崇卻笑老蘇扁舟僅泊

絕壁下徒將百金買玲瓏何如江湖滿地資坐鎮四鎮

分握巖關重手持太阿剗海島鯨波偃伏無傳烽胸中

甲兵眼中畫能消清福惟英雄用六十本梅花寄舫聯語意我亦紛

紛輕餘子低首惟有人中龍斯游已如覽八陣出奇制

石鐘山志 卷十六 詩錄

三

勝思無窮何當濯足凌萬里試破巨浪乘長風

游石鐘作

駱宗昌

我所思者方壺員嶠仙人宮銀濤滅沒弱水三萬吾安

從又聞越中山陰道上富山水塵勞役役羈遊踪蒯緱

一劍近客蠡湖口追尋城北登隆從西江鎖鑰此重鎮

軒騫屹立匡廬東茲山本靈異百竅空其中水石搏擊

大風起忽然鏗鞳鳴鴻鐘何人解此留勝賞昔有蘇公

今彭公蘇公作記壽山嶽彭公討賊恢戎功紺園周匝

含萬狀遠瞻近矚殊從容水光山色抱城郭凭欄一碧

澆心胃帆樯上下帶飛鳥漁樵聲入炊煙濃神絃禪板

互相答發人深省聞根通凜凜生氣即解脫崇祠俎豆

褒全忠其旁聽濤眺雨妙結構籐陰巖巖江天空雲為

齋前春雨紅且閒亭畔地如弓環池草長紛鬱蒼恍疑

進步懸巖封霽然石壁漏一罅雲根穿入梅花叢綠陰

深處磴盤曲竹影蕉影霏濛濛萬家生佛好居處山頭

鶴舫高以崇寥天心曠臥香雪開軒八面森玲瓏別尋

一徑入寒碧山深一重樓一重層檐綽楔翳飛捷蕩掃

四海狼煙烽長河洗盡山無恙消閒扼要勞英雄中流

石鐘山志 卷十六 詩錄

四

砥柱浩奇氣苦心誰識陳元龍書生延攬愜素抱徘徊

不去到此思無窮何時攜酒值良夕快邀明月乘清風

撫琴動操直令四山響冷冷花雨目送雙飛鴻

庚申勦賊退解城圍登眺石鐘有感

丁義方

兩山屹立柳圍營憶否前番苦戰爭鎖鑰北門當重寄

烽烟半壁賸孤城同仇共結魚鰕侶時援師未至克敵先驅

草木兵更倚忠魂扶

國計豈真赤手倖功成

狂瀾欲倒挽應遲極目滔滔勢可危石畔英雄空擊楫

山頭魑魅怒張旂山明太祖旂山故事登臨竟踐重來約太息曾

經百戰時鶴未歸棲鯨尚吼且收餘燼護殘詩

秋氣蕭森雁影寒獨攜樽酒度層巒雲封窅洞靈奇境

蘇別豐碑復大觀勝地自多名士賞好山未許敵人殘

休將天塹仍貽寇再奪崑崙百倍難

砥柱中流發浩歌有人重奠舊山河前次克復湖口此

調度之力勢吞蠡口今何在此賦勢從血瀑巖腰古不磨甲馬

霧雲悲陣隴江豚泗水凜風波金陵尚待收奇績遠眺

石鐘山志 卷十六 詩錄 望

蒼烟恨轉多

喜誌克復金陵大捷題石鐘壁 丁義方

百戰奏功成書生善用兵經綸紆智勇鍾毓萃精英

聖澤承楓陞軍威肅柳營圖形麟閣上千古仰芳名

登眺石鐘步壁間原韻誌感 田明山

高歌逸韻警晨鐘妙句籠紗得箇中豪邁已除湖海氣

清新猶有漢唐風心香靜結三生石筋力磨成百鍊銅

我亦此間覓詩料自慚異曲不同工

昔時爭戰氣桓桓奔逐江濤膽量寬骨傲尚存儒士節

頭銜謬列典軍官

聖朝拔擢恩無已宦海浮沈計且安差幸此身留劫後

莫教長夜嘆漫漫

自笑樗庸匪異材萬牛迴首曷勝哀微軀尚許蒙寬格

聖主何嘗棄不才風捲波濤懷獨壯晴收烟嶂眼常開

記曾帆挂雷江晚去歲重九由岳陽調署雷江舟駛狂飈頃刻來

石鐘幾度躡凌烟晉謁龍門幸曲全彭宮保鍾山駐節

培補過每愁行不逮報恩差信志猶望英雄浩氣騰天

上山有昭大士慈雲覆水邊山有慈今喜承平歌海宴

石鐘山志 卷十六 詩錄 望

何勞猛着祖生鞭

俄生變局議從新決勝臨機大有人謂曾沅萬里看持

蘇武節謂曾劼廿年難乞鄴侯身謂彭籌邊智畧終柔

遠謀 國經權在認真天為我 朝留柱石驚波駭浪

獨橫陳宮保又奉 諭駐焦山每月至

我輩矢衷期報 國民間憂樂共相關心多杞慮天誰

補頭點生公石不頑懷腳澄清盟白水身因慵懶契青

山高瞻遠矚紆長策一曲長歌奏凱還

登峯俯瞰一江清山自蒼蒼水自紫酒縱千杯愁不解

劍懸三尺恨難平羊頭况味人猶戀蝸角功名我豈爭

回首潯陽洲畔舫西風蘆荻送秋聲

從茲回憶出山初耐得憑人牛馬呼辛苦生涯都領畧

酸鹹世味總分殊厠竽未可歌彈缺擊壤何妨醉舞衢

望到匡廬峯對面青曾爲我送來無

鐘山昭忠祠望月感懷集句 田明山

高樓獨上思依依 皇甫冉 桂魄初生秋露微 王維 歸夢

不知湖水闊 戎昱 捲簾惟見白雲飛 蘇軾 星沉海底常

窗見 李商隱 月暗山城夜漏稀 許渾 此地從來可乘興

石鐘山志 卷十六 詩錄 星

高適 輕羅已薄未更衣 王維

月臨秋水雁空驚 盧綸 偶作閒身上古城 薛能 少壯光

陰能幾許 徐鉉 當年瞻畧已縱橫 張籍 愁看地色連空

色 司空圖 未必人情知物情 白居易 我轉官階常自愧

白居易 多慚名在魯諸生 司空曙

借友登石鐘山頂題壁 丁相郁

嗟峨石磴聳危梯扶手天風兩袖齊絕壑瀑分雙嶺秀

遠山雲壓四圍低凌霄得勢鵬思奮陟險尋聲鶴未棲

我獨狂吟臨絕頂綠苔筆掃漫留題

游石鐘洞 丁相郁

奇境天生在此間古人以鐘名是山蘇髯審聲陋李渤

記留千古仍空談余疑未釋十餘載亦聞巨浪鳴深潭

不知奇境在何許枉勞夢想緣何慳初歎雲封巖谷隱

條聞春漲洞門闕 洞內有桃花春漲洞門闕之句 今乘小艇絕壁下蘿

攀曲逕窈幽探洞關桃源引漁父別有天地非人間 句

且前且却入復入高低逐勢行彎環青天一綫罅微露

奇花異草殊塵顏好境難逢詫奇遇更奇石腹胎岳巉

山內有一小山甚幽僻 登峯再進忽疑夜秉燭照我登佛龕 內有丹房

石鐘山志 卷十六 詩錄 星

兩 何人鍊丹成九轉一汞入口骨換凡神仙不死棺何

用 內有石棺鍊丹房 一棺不蓋眠誰耐太虛之虛憬真諦良

止而覆禪微參于焉合掌同和南蒲牢有韻輕韶咸以

聲論鐘豈無見以形論鐘今始諳斯形豈從有梟鑄造

化鑪治空仙竇儼同箕冀辟離列置形不顧徒躋攀敢

向長公翻鐵案昔人何陋今何頑大聲澎湃催人返明

月一輪相送還

鐘山留咏呈蘆樵夫子 蔡嶽

性情遠俗強難同骨傲凌寒歲已終城內有山皆鍊石

江干無日不狂風，但拚長醉聯紅友。莫把閒愁問碧翁。  
欲訴胸中發清嘯，大聲何處撞洪鐘。

獨坐孤亭望白雲，蒼茫暮景易斜曛。十年離合憐鷗夢，  
千里音書託雁羣。何苦繭絲勞束縛，轉勞衣綫致殷勤。  
徘徊親舍同瞻屺，遺迹猶傳狄使君。

掃除塵牘度駒光，坐對閒齋笑獨忙。架有藏書防耗蠹，  
田無附郭慮商羊。半生宦況詩盈卷，幾處循聲淚數行。  
管領湖山公最稱，且遲歸棹泛瀟湘。

山童地廓少桑麻，多半村居傍水涯。人忘煙波飽菰米，  
石鐘山志 卷十六 詩錄 罍

官征清課到蘆花，江天縹緲田千頃。雲樹參差屋數家，  
不願豬肝苦相累，箇中風味戀魚蝦。

琴劍飄零作遠游，幸逢知己託名流。地分陶令人思隱，  
山近匡君客欲留。鐙鞋尋聲僧已飯，絃歌繼響俗回謳。  
曲終三疊情無限，渺渺江波繫別愁。

昭忠祠

廖鴻業

崇祠褒獎建名山，俎豆馨香豈等閒。碧血九原酬聖  
代，丹心萬古照人寰。鐘留餘韻臣思武，石竦奇操士振  
屏。死有餘榮真不朽，英雄何必盡生還。

乘風泛蠡湖，抵石鐘中流放歌 胡傳釗

顛風助勢掀濤聲，繫舟不住舟人驚。我快乘風催曉發，  
一帆順遇鴻毛輕。如梭迅擲，高傾弩弦，脫箭棋翻枰。  
峻坂絕繩，馳怒馬寒林，落果忙飛，隄人亦鼓勇相鬪捷。  
鼙鼓千軍得意鳴，河伯効靈導前路。六鼇穩駕行舟行，  
恍聽鈞天奏仙樂。五老騎鹿來相迎，大姑小姑或左右。  
高蟠螺髻何輕盈，我方應接目不暇。又聞水上音鏗鉤，  
人言石鐘久歇響，毋乃有激鳴不平置之不論和長嘯。  
轉瞬一葉瀕山城，四顧蕭然復何樂。笑予行役勞浮生，  
石鐘山志 卷十六 詩錄 罍

浮生到處都如夢，惟有湖山恰我情。樂哉斯遊亦奇遇，  
非名非利人何爭。

策錄蠡口雜咏

胡傳釗

遊宦頻年興已闌，忽教浪跡寄湖干。道元經注聞須證，  
靖節琴弦撫欲彈。半世浮雲隨聚散，一林黃葉剩凋殘。  
風號絕壑聲如怒，憤守寒盟息羽翰。  
城如斗大漫羈栖，石壘堂堦步躡梯。一水綠將山郭繞，  
萬松青與屋檐齊。泥留何處尋鴻爪，境逐新交擘蟹臍。  
且共盤桓聊卒歲，夔開醴醪泛玻瓈。

訟庭無事掩重門眠起隨宜度曉昏幾處戍樓高過嶺  
一城民舍小于村署圍山色塵囂遠鎮制江防節鉞尊  
更見旌旗楊柳外礮臺新蓋有營屯

怒濤鯨吼嘯孤忠想見江流戰血紅靈聚國殤騰浩氣

痛聯臣節仰英風先父先伯皆陣殞尚多感憤狂瀾後不盡低

徊落照中舟楫濟川今有賴我來傾耳聽談功

地經殘劫嘆荒涼陳跡堪尋未可忘梁國亭留眞事業

長公碑刻大文章才人自古終遭忌賤子何心敢縱狂

知已不逢來已暮劇憐孤影對斜陽

石鐘山志

卷十六 詩錄

望

更上峯巖瘦倚筇偶逢佳境豁心胸鎖江天寄萊公論

聽石誰撞獻子鐘廬阜出雲乘化鶴蠡濤翻雪舞游龍

折梅欲寄家千里驛使遲來歲已冬

漫空雲捲淨寒潭獨立蒼烟遠思合水落旋渦迴客艇

酒香村店卸估帆排天雁陣分離合隔岸人家見兩三

遙羨夕陽紅樹裏老農無事坐閒談

欲借煙霞洗俗顏可容卓錫占名山宦闌琴鶴忙思懶

佛笑鐘魚寂似閒佳日已隨流水去好風須送白雲還

一聲清嘯渺何處身在蒼松翠竹間

點綴樓臺處處新幾經殘劫出風塵相逢嘯咏多儒將

難得英雄是主人謂雪琴言保疑假疑眞空雅俗古詠石鐘有真山當

看之句一邱一壑見精神暇時便蠟游山屐更擬抽簪

寄此身

不圖鵬奮便魚潛進退偏容吏隱兼嘯傲烟霞真有癖

較量山水太傷廉樂天謫佐吟懷減元亮居官酒律嚴

無可奈何人欲倦日來時覺客愁添

幕天席地本蘧廬底事游踪駐蠡湖入境客心愁泛宅

還鄉家口尚僑居舊居自遭兵燹一椽無託渾忘失馬安身命偏觀

石鐘山志

卷十六 詩錄

吳

哀鴻愧俸糈計拙謀生終有獲望兒肯播飽經畬

一葉身輕詎久留不能諸俗漫沈浮儘多風月憑誰管

大好湖山任我遊暮日人烟迷橘柚故鄉情景戀松楸

挹清亭上高風在何事隨波混濁流

雪琴宮保戊寅仲夏養疴鐘山召僕偕丁燕山軍

門何丹臣觀察陪鮑華曇中丞飲敘六十本梅

花寄舫

胡傳釗

勝地遠塵寰欲遊興多輟城市隱山林不俗羈心悅朔

風吹我來冷嚼梅花雪數月理簿書小與山靈別忽觀



烟嵐開登山迎使節趨召陪賓筵感賴祛溽熱入座凜  
霜嚴寒威生面鐵階下竹迎涼瓶中花噴芳列坐聆清  
談冷然霏玉屑序爵廁豪譙肴旨無多列澹味沁心脾  
酒酌冰甌潔觴政肅軍律可醉不可褻行樂寓節制志  
非圖鋪啜動靜貴不苟願言奉圭臬所以主與賓世咸  
推稷契餘子亦磊落氣概爭雄傑獨我愧素餐腰瘦不  
堪折山水適性情苦爲塵網縲對此好烟霞知爲何人  
設退省不能退宮保自署  
退省散人雲泥分宦轍狂歌擊唾壺聲  
爲江濤咽

石鐘山志

卷十六 詩錄

吳

鐘山拜梅歌

胡傳釗

欲雨不雨雲陰過北窗一枕人高臥清風入隔桃笙涼  
朗然冰雪光騰座起看滿幅贈梅花不覺墨香疑萼破  
撐天一柱清塵氛品占百花人一個人與梅花總一般  
能耐天寒經折挫鍊成鐵韃鎮乾坤頻年傾耳芳聲播  
修到何時結古歡絲生萍梗鳧慚化瓊筵坐我試調羹  
物望愈隆謙愈下初承盛獎孽藤牋更貽妙墨芬蘭麝  
着手心回天地春強項形偏今古亞毫端珠玉紙雲烟  
綠陰日午棋初罷官閣吟情媿等閒品題十倍增聲價

披圖百拜健精神耀眼睛光炎藻夏

石鐘山各景分咏十四首

坡仙樓

胡傳釗

斯樓何崔巍元氣所凝結一記闢千秋精華長不滅前  
代數人物公獨稱雄傑青雲附石工立朝表冰雪勤業  
耀古今文章猶末節何須五鳳修與人爭巧拙功名自  
不朽攷論誠何屑勝蹟以人傳登樓歎超絕

鍾進士樓

終葵記考工鍾馗傳夢寐聚訟鮮實據繪馗亦遊戲立

石鐘山志

卷十六 詩錄

五

傳尤新奇竟作開元事茲樓屬斯人顧名誠足異或疑  
世俗間門戶矜科第進士好頭銜山靈藉依勢而吾謂  
不然舉目多魑魅賴執手中椎鎮攝不容祟所由登斯  
樓眺遠有深意

飛捷樓

天上下兵符山中鳴戰鼓登樓望烽火太息征人苦傾  
耳聽捷音忽覩書馳羽大劫挽乾坤克復  
金陵湖山歸舊主  
磨盾草露布雙翼雲霞舉樓以飛捷名奇勳昭萬古

罇天

媯皇曾鍊石補天覆寰宇此處有罇天誰操混沌斧傾  
危一手扶結構一心主面目還太虛缺憾留盤古我來  
試管窺大塊完如許何計巧彌縫問天天不語此間別  
有天良工費心苦袞職本無闕留闕何人補

鎖江亭

江底千尋鐵爭雄昔鎖流關闔挽乾坤江防資運籌寄  
錦據形勢烽煙半壁收一亭屹然立湖波萬頃秋江豚  
縱狂拜當關鑊舳艫談笑一樽酒招攜同唱酬誰謂寇  
萊公英名祇獨留

石鐘山志

卷十六 詩錄

至

且閒亭

天心塵百戰奪轉舊湖山功成身競退而公獨且閒養  
志臥林壑病起投時艱坐對好風月夷然俯仰問悠悠  
衡嶽雲出岫何時還領畧閒中味近天飛白鷗

慈蔭閣

古有白雲亭狄公瞻吧處今有慈蔭閣思親憶遠慕雲  
從嶽岫來蒼生仰霖澍密蔭徧寰區桑榆景將暮悠悠  
一片心眷焉乘喜懼乃開功德場培種菩提樹法像現  
優曇相傳倒石巖中現觀音像垂天停駕願留南海陰永作北堂

護游子意日長徘徊不能去

芸芍齋

種梅更芸芍同出調羹手學稼問花農鴉鋤搗雨後綽  
約殿餘春與酣婪尾酒侍宴媚當堵瑞徵廣陵守譜獨  
遺羣芳嘆賞凭闌久珍此玉盤孟佛前祈母壽左有慈蔭閣彭  
宮保建為太夫人所釐將離切瘋憂縈心親左右簿書半日閒對  
花懷白首何日賦歸耕栽培藥盈畝

聽濤眺雨軒

大地捲狂瀾一江資保障顧此風波平慰彼雲霓望鐘

石鐘山志

卷十六 詩錄

至

聞得意鳴霖禱知時貺無事厥軒樞天淵隨跌宕耳目  
寓形聲動靜殊情狀關心白浪高翹首青雲上廊廟兼  
江湖憂樂山中相賞識出天然樂舞咸韶讓

梅塢

梅生不易修况與梅知己為問河陽春千萬粉紅紫何  
處種梅花清芬揚百里我亦種花忙鋤月經彈指來訪  
塢中梅參天竟如此倚玉冷侵肌嚼雪香禽齒花好莫  
輕折主人所欣喜愛惜一枝芳直與召棠比

六十本梅花寄舫

梅花六十樹樹標風格如乘大願船來遊眾香國戰  
艦大江橫繫舟花塢側鐵幹直撐天木壺濯芳魄信有  
和羹才能籌濟川策閒時坐賞花梅老尤奇特能回天  
地心獨壯山河色笑數花甲周青雀招仙客宦海凜風  
濤惆悵洪崖隔

小羅浮

蝶夢醒華胥放眼乾坤小十大洞天中羅浮著塵表難  
得此山中羅浮分一島不見葛仙翁坡仙跡堪討人生  
貴適意境遇隨緣好林下有奇逢可共烟霞老境窄心

石鐘口志

卷十六 詩錄

五

自寬縱覽瀛壺渺

綠陰深處

紅日不到地樹陰深幾重新綠合四圍結廬在其中地  
迥絕塵俗旁無曲徑通故人期不至開牖來清風軒冕  
臥松雲此境伊誰同

歸去亭

一鳥衝雲霄倦飛投故林有人樂歸去芳躅留斯亭落  
落懸孤影茫茫幾夕陰佳話印鴻跡高風契古今緬懷  
靖節公來撫無絃琴理縣不多日山水傳清音我躬苦

塵俗自愧非同心嘯然思故鄉坐茲聊醉吟

登江山一覽亭感賦

浪噴雲根怒吼鯨勢摧羣嶂激難平孤懸礪石身何倚  
獨立蒼茫望若驚本是眞山疑作假豈能濁水混爲清  
江流不盡英雄淚亂撞雙鐘有恨聲

春游閒眺

槿紅萍綠屆春三攜榼閒亭聽鳥談石激鐘聲分上下  
水涵山色背東南城孤昔屢經戎馬土瘠今還勸稼蠶  
異地鴻嗷方待撫時正籌賑山西飢民應時風雨望和甘

石鐘山志

卷十六 詩錄

五

新漲桃花水一篙春陰寂寂最無聊霧籠薄曉愁難破  
寒勒東風醉欲塵百戰湖山供畫本一龕花雨落詩瓢  
暝烟如墨天低樹咫尺樓臺隔路遙

石鐘送宮保啟節巡視江海

胡傳釗

波平如鏡斂江豚襟帶之間屬望尊一舸中流迴砥柱  
滿湖秋色弄琴樽茫茫烟水彰清節處處雲山戀

主恩公爾忘私

天有鑒特邀

綸紵下重閣公此次力疾出巡奉  
上諭有公爾忘私語

去來江上送行旌歸臥閒齋數客程千里關河絲別意  
一秋風雨寫離聲識公勝遂封侯願知己無殊鞠我情  
轉恨不如檣立燕隨舟相送話生平

山居偶咏

胡傳釗

舉世爭趨媚伊誰古道存曠懷通吏隱遺澤守清門召  
謗知違俗逃名恐背恩所期能不負珍重此心捫

蠡口經遊棹鐘聲約再聽前緣今竟續幻夢幾曾醒味

自甘沐蕖蹤還任浪萍令人牽別緒歸路暮山青

亭角嵌林缺秋宵接綠陰主人靜無事坐此滌塵襟涼

石鐘山志

卷十六 詩錄

璽

月獨來去星河空淺深故鄉新有夢巢穩羨歸禽

今古幾回劫滄桑轉眼頻新涼招樹影餘恨望邊塵詩

酒逢知己湖山待替人一聲嘯歸去任我率天真

鮑華曇中丞消夏鐘山惠題拙集次韻呈謝

胡傳釗

鐘鼎聲華柱石身偶從遊咏見精神芬流翰墨情緣合

勝攬湖山事業真此日詞臣都後輩一朝良輔屬斯人

獲隨杖履身何幸願荷提撕出俗塵

石鐘聞響空今古得遂生平此度來青嶂臥雲遊侶聚

綠陰消夏醉顏開劇談傾座抒忠悃寔後陪坐紫雲乘  
廊聽談往事  
興摩崖仰大才獻璞自慚非卞玉感叨嘉惠寶瓊瑰

奉鮑中丞招赴石鐘芸芍齋陪彭宮保飲讌

胡傳釗

城外江波城內山山中有境絕塵寰攜尊共領烟霞趣  
得伴還輸歲月閒奇舫遊踪浮客夢節樓清讌異人間  
無端雅集饒風味獨我勞勞浣素顏

山居三首

胡傳釗

鐘巖眺雨

石鐘山志

卷十六 詩錄

璽

油然雲黑雨催詩領畧詩情下筆遲魚戲跳珠萍偶散  
麈驚戛玉竹微欹慣嘗野趣關清福淨滌煩襟感退思  
澤不應時心自慊漫同葵轉向晴曦

齋宿禪院

借得一間僧榻眠掃除煩惱逃枯禪濤聲入枕廣長舌  
月色映窗兜率天錫杖停踪了行債適道僧於  
此夕還山石鐘敲

蕙清塵緣乃心告虔會靈魄奔走詰朝償豆籩

山夜思親

菊傲凌霜景漸殘衰年華髮鏡中看養親志切還家早

許 國身求退步難沙上鷗眠猶傍母庭前鶴立待辭  
官佛前合十祈慈茂無限躊躇夢未安

增輯  
舟中望石鐘山

郭慶蕃

洪鐘舊待洪鑪鑄不及茲山造化工風入水中波激蕩  
聲穿江上石玲瓏孤城背嶺依稀見萬筍連雲刻削空  
一舸滄江衝浪去登臨無分悵途窮

故壘蕭蕭入望哀荒祠落落枕山隈關河百戰餘坏土  
俎豆千秋半楚才日暮蛟龍衝浪出江邊樓閣倚雲開

石鐘山志

卷十六 詩錄

五

古今變局知何限太息東流去不回

過小孤山

郭慶蕃

不同五嶽爭雄長突兀波心見此山拔地樓臺疑蜃氣  
極天風浪擁螺鬟彭郎佳句鏡歌裏楚客遙情鏡影間  
海舶江船日來去可無砥柱扼雄關

癸未六月初三日管駕兵輪船隨侍

欽使彭

大司馬泊湖口謁丁燕山軍門偕方存之胡麓  
樵兩先生陪 彭公游石鐘山卽席感咏七律

六首

陳毓淞

頻年傾耳石鐘名今幸聞鐘鐘自鳴千古蘇文展絕調  
歷朝王業壯軍聲應無鏗磬留餘恨尚有洶濤激不平  
寸筵未持思大扣劇憐投筆謝班生

由來天塹冠神州襟帶稱雄據上游半壁東南關鎖鑰  
大江左右扼咽喉爲防倭寇興郭郭特寄兵符峙節樓  
勦業銘鐘欽不朽半山勁高心更誰猶作杞人憂

漫將覆轍慄前車形勝宜爭備不虞東手恨持蘇武節  
貫晴威懾沔陽魚巉巖分障東西水砥柱遙聯大小孤  
飛捷樓高憑極目蒼茫雲海總模糊

石鐘山志

卷十六 詩錄

五

勝迹銷沉舉目非白雲亭古騰斜暉長城萬里餘坏土  
有檀道濟墓精舍千間已劫灰石鐘精舍已燬於兵大石獨尊三島外

狂瀾竟挽百川回摩崖幾輩矜奇績我羨英雄屬楚材  
石鼓天然對石鐘彭郎佳話古今同噲吟尚吐英雄氣  
嘯傲還權闔闔功範水模山供將畧開著石鐘山志吟香臥雪  
攬儒風幙頭更盼沙圓日第一花開映酒紅

鏡歌一曲奏昇平韻答雙鐘駐使旌茅舍幾家湖上社  
梅花十里水邊城凌雲氣象樓臺壯逐電追隨榮戟榮  
景獻有聲應震遠何緣相聚辨碎劄

壬午秋于役湖口住近石鐘山暇時輒與丁燕山軍門  
登覽其上軍門談往事甚悉得備聞其力拔茲山之難  
今日之亭閣參差以及夫一草一石皆當年喋血所爭  
而來俛仰之間感慨係之矣軍門安不忘危思所以居  
成功而勸來者因有是志之作蒐輯之任屬諸胡麓樵  
巖伯麓樵數爲余言武功爲茲山所特重凡用兵緣起  
本末未敢漏敘事雜言麗得毋爲山志體例之病乎余  
曰不然體例其迹象耳神而明之是有真宰不敢立異  
亦不必苟同雖文字之末而古今之世變存乎其間子

石鐘山志

卷十六

跋

一

復奚疑耶麓樵臆其言志成尾綴數語用以申明斯志  
命意之所在抑以見胡君之苦心云爾武昌涂椿年跋  
時

光緒癸未四月





〔清〕康基田撰

河渠紀聞三十卷·之一

清嘉慶九年霞蔭堂刻本



嘉慶甲子刊

河渠紀聞

霞蔭堂藏版

河渠紀聞序

易知錄

合河茂園康公余畏友也生同里長同學宦同方周旋久知之尤詳公以名進士起家由牧令洵領封圻實政宜民循聲丕著四十年來所以荷

殊知而負中外重望者無論矣余癸卯督河東時公監司河朔繼而兩任淮徐再擢方伯皆兼司水土會余亦量移南河與公共事最久倚為師資凡遇大工大役窺所措置無不預燭機先動中窾會事前余猶或有疑難而公則毅然行之事賴以集竊歎公精誠

河渠紀聞序

一

命總

制東河暇時因出所著河渠紀聞囑序余翻釋終卷見其遠稽旁攷博採羣書綜古今之因革萃全河之要領而併及四海之內水利興廢之迹叅以論斷發前人未發之蘊俾閱者於今昔情形瞭如指掌至若評量人才權衡得失一時如潘官保靳文襄諸人是非異同之間求以心不泥於迹獨能直揭前人之苦衷而曲白之非兼才識學三長之史筆曷克臻此始知公不獨智力絕人抑亦酌古斟今得之於學問閱

歷者深也故能上協

廟謨下孚輿望讀是書可以畧見一斑矣是為序  
嘉慶丁巳冬十月壺口蘭第錫序

河渠紀聞序

二

河渠紀聞序

康茂園先生負經綸一世之才懷飢溺由己之志生平宦迹所至為民興除利病往往身雜畚耨之間備歷艱苦而境內受其福者或可以經閱百千年之久而不渝也其讀書博考遇有言治水之事皆取而紀載上自禹績下及當代大為河海細及溝渠支分而統貫之共為一書曰河渠紀聞夫太史公作河渠書止於漢武之時而已而茲則舉武帝以後天下治水之理亂悉備焉孟子曰禹之治水行其所無事也夫

河渠紀聞

序

三

無事非束手坐觀及苟且因循任其成敗於天之為也精思博訪以求之苦身勞力以營之建作方術或有改更故迹而使水土各得其性之所安使斯民利無弗與害無弗去斯乃真行所無事矣太史公曰甚哉水之為利害也夫水苟不能使之為利則必使之為害矣然則讀茂園先生是書者仍以太史公之意求之可也

嘉慶十一年六月二十二日桐城姚鼐撰

河渠紀聞卷之一

合河康基田茂園纂述

舜典帝曰咨禹汝平水土

按治水以土為用禹貢首列敷土土者水之大防交濟為功高下必準於法法無他惟其平而已郡國書曰水至平也惟土有高下水從下而犯焉不能赴於海耳禹陂下而穿高所以奏平成之績也水之流土之疏相須為用而後平行水之心法也

河渠紀聞

卷之一

一

西北高而東南下移高就下順水之性而不鑿啟壺口疏九河平之大者史記以沿江之沿作均師古曰均平也又曰度江淮使平又曰楚州平河之法古人平水用於天下而淮揚尤為切要統而言之淮揚之地西高而東下分而言之揚之地高於江淮海濱之地高於河湖平江之法以此為準善治者分入江入海之道導之使平也宋史用水工準法以水測土視地高下而定則焉地下而隄之高者亦下必準於平今古形勢不同而治法無異



皆所以爲師承文命者也河大治曰平平之義始見於此敷治之圭臬具於是矣

禹貢導河積石至於龍門南至於華陰東至於底柱又東至於孟津

按大河入中國歷龍門下底柱及孟津行二千餘里平成後歷世不易傳寅言龍門而上積石而下地高水不爲患禹功所不加故不言漢時楊焉有鑄廣底柱之議錐指力闢其非河流爲高山所束剽悍湍激覆溺舟船山川形勢使然未易以人力

河渠紀聞

卷之一

二

爭使事不可已禹必爲之底柱以上重山翼帶深險河出其中流至三門水有收束不致暴擁而下利於修防至謂隋唐以來底柱闕流之害倍於曩時延至孟津河身亦淺水至不能容上流不泄害鍾於下流欲使洛納以東無水患必先施功於底柱孟津其說不然孟津自杜預建浮梁後更三百餘年不聞爲水所毀唐宋河溢廢壤中潭城屹立中流年遠水大冲失非必盡由底柱闕流孟津河淺也今河兩岸搜刷已寬河流湍悍至孟津勢緩

橫舟而渡不聞洛納以東溢決歸咎孟津至底柱闕流事不常有乾隆辛丑山水暴發漫山麓山陝沿河居民房屋材木橫衝壅積而下蔽塞三門蓄水不流逾日衝通水乃大下故有青龍岡之役然亦異常之災非人所能防也南北河防止疏築二者疏以通水築以束水豫東孟津一帶不入歲修鞏至滎澤山脈綿亘不斷地高土堅河不能決而南無假疏築故紀修防自孟津以下洛納入河始東過洛納至於大伾北過洛水至於大陸

河渠紀聞

卷之一

三

按大河出三門至孟津行於平地漸有奔放之勢然自孟津以下廣武以東歷無河患山脈連結河不能決也鞏至河陰西二十里秦漢以來之石門渠在焉迤下滎澤以南伊洛瀍澗合爲一川北入於河言洛納者河之南洛之北兩間爲納在洛水內也其北岸則温縣濟水入焉又東逕汜水滎陽之北其北岸爲武陟沁水出焉南入於河禹貢不言沁者通於河也禹自覃懷致功遂逾大行而北逕原武延津胙城之北其北岸則獲嘉新鄉汲縣

導河自汲至濬縣西南古宿胥口其東北臨河之  
山曰大伾南岸則滑縣河至此逆折而北河之一  
大折也蘇代所云決宿胥之口魏無虛頓丘是也  
由宿胥西行轉北流入內黃安陽臨漳清濁漳會  
於交漳口東流歷城安至肥鄉曲周橫流入河河  
北流而漳東注河從而漳橫故曰橫漳洚水卽濁  
漳大河北過之水歷廣宗至鉅鹿之大陸澤卽孫  
炎所云廣河澤也由鉅鹿經清河阜城交河至青  
縣合衛河北流至天津西沽合桑乾諸水東行入

河渠紀聞

卷之一

四

海世謂之老漳河參考古今輿圖河間獻縣以南  
平原德州以北皆九河所經大河自鉅鹿東北行  
其西北岸則新河東鹿深州獻縣青縣大城文安  
寶坻其東南岸則南宮冀州衡水武邑武強阜城  
交河滄州靜海天津禹河故道合漳同行千有六  
百餘年而後變者也

又北播爲九河同爲逆河入於海

按齊乘言河自大陸趨海建瓴下注勢大土平自  
播爲九禹因而疏之以殺橫流當機扼要莫著於

此諸家不察原本沾於九河故地往復聚訟古  
九河自昔有徒駭太史馬頰覆補胡蘇簡潔鈎盤  
鬲津之名然必求實指其地則穿鑿附會支離悠  
謬之說厭人聽聞黃河挾沙而行汎時石水六泥  
漚趨南淤在北趨北淤在南至改流後漫爲平陸  
不辨陵谷高下雖熟於河防者猶迷故跡況以數  
千百年行水之地此填彼刷數經更易或以漲水  
衝出之土溝指名古河如樂陵之鈎盤德平商河  
界內之馬頰荒野無稽卽漢以來所傳許商三河

河渠紀聞

卷之一

五

亦不必深信惟原其成敗得失之由以爲前事後  
師之道繇堙洪水九載弗能成績歷時已久積水  
更大一河不能洩久潦之水一時不能疏萬里之  
流濁水洚洞無涯多疏去路以待其來譬如人病  
有淺深醫亦增減禹夷大難而疏九河濟急之方  
亦窮變通久之用也平成後之安流貴東水攻沙  
而使之深昏墊時之暴漲必分流殺溢以洩其怒  
而其妙用尤有不可以言傳者聖人作事通於神  
明其默運潛移隱爲天下後世開利濟之良法非

人思議所能及也蘇頌濱之言曰黃水之性急則通流緩則凝滯既無東西皆急之勢焉有兩河並行之理此知言者也河不並行矧可以九禹必疏之爲九歷之千有餘年而不敝者何也閻若璩釋地云河流入海之處泄愈速河愈通九河下卽逆河海潮逆入名雖爲河實卽海也海水內吞九河外灌藉水力刷沙敵海若未及於海而流分力弱無以刷沙此以河之及海未及海爲言猶未深得其理九河之地雖不能明指其所而德州以北河

河渠紀聞

卷之一

六

間以南皆九河經行之處今雖藝爲平土而地勢河形高下曲折故跡隱然可尋每見大水之年德州至青滄一帶汪洋瀾漫水路直達天津滙流就下卽九河故道明徵于欽謂青滄二州間有古河隄岸數重與夫大連澱大河沙河無棣士傷河之屬未必非禹河遺跡下流滂澱連絡不絕開通一線清水隨流而下禹第疏之以導其流非特闢爲九荒度土功也大陸以下地平土疏愈趨愈下盡入沮洳鴻荒初起河槽未深潮汐一日兩至非清

水助黃刷沙不足以敵海而九河皆沮洳之區清  
水所滙禹導使同入大河以刷沙而敵海此以水  
治水不特濟變之善策百世後清黃交濟之法已  
具於此聖不可知之謂神也如以及海不及海爲  
量見小而不適於事淮南水利考云海水潮汐日  
二至出入各二時海水退潮水不得流者日有八  
時黃沙易停物理本如是而清水助黃刷沙益以  
漳清諸大河之貫輪逆河之地視九河又特窪下  
以一迎八踴躍翻騰而入其下必有深潭如宋時

河渠紀聞

卷之一

七

北流趨海之勢甚迅獨流口深八九丈其明驗也  
清黃滙出有力則潮汐不能踰而西內沙不停外  
沙不入董鼎引朱子格言謂開渠通海洩河之溢  
秋冬則涸春夏則洩斯於禹所疏者測其概而清  
水通行日久固無涸時禹河所以千載無患也  
禹貢旣修太原至於岳陽  
按禹修太原導汾水也汾水經帝都挾黃爲患而  
亟治之也汾源出管涔流至太原折而西經清源  
交城文水及祁縣西南歷平遙汾州南經孝義介

休臨石霍州之西歷汾西趙城洪洞至平陽堯所都也由府城西及襄陵太平之東南經曲沃折而西歷絳州稷山河津南至滎河北入於大河洪水方割時壅汾爲患震及帝都治河必先治汾敘修太原於冀州下尊京師也平陽蒲坂安邑皆出太原之南平陽瀕河汾水自北來黃水壅遏不得出積而愈高繇爲之防所謂取息壤以墮洪水也翰墨全書太谷縣東南有長隄土人呼爲繇隄堯命繇治水築之以障顧寧人謂繇治水始於冀州作

河渠紀聞

卷之一

八

三仞之城茅瑞徵亦言岳陽爲堯都繇極意崇防頗有遺蹟可循陳氏櫟謂修繇之功曰修記曰禹能修繇之功善繼事也因繇功而善用之順水之性使無汎濫乃所以爲防也寰宇記龍門山北有河口略似龍門而不能相通傳繇所鑿今名錯開河繇以平陽帝都爲重爲防以止水而不使水有去路又不治下流以殺河勢河溢而汾亦壅績用弗成禹鑿龍門先疏下流河流下泄修繇舊績自可奏功並繇績亦不朽不可盡以繇堙洪水而概

之惟繇用以防川禹因以導水成敗所由分也禹貢九河旣道

按大河自平原以北分爲九道多其委使河大有所瀉而其力有所分此禹治河之大指也蘇文忠言河分爲九又合爲一以一迎八而入於渤海漢書儒林傳司空椽王橫言往者天常連北風海水溢西南出侵數百里九河之地已爲海所漸宋世諸儒主此說謂滄州以北之渤海與北平接壤相去五百餘里禹貢九河當在其地程大昌謂逆河

河渠紀聞

卷之一

九

卽渤海水所漸也碣石負海當逆河之衝逆河至碣石同入於海酈道元亦謂營州城居海濱半淪於海橫言信而有徵然謂九河淪於滄海以北之渤海固不其然閻百詩云海旁出爲渤不獨天津之海名渤海碣石之海亦名渤海太史公天官書云中國山川東北流其維首出隴蜀尾沒於渤碣班固增其文曰尾沒渤海碣石其義益明若以碣石之渤海爲律大陸去海岸已數百里又東至海中始敘九河則大陸與九河相去千里據禹貢之

文九河連接大陸不應相去千里之遙至謂當時  
海溢數百里不聞青滄等縣有漂沒之處其說殊  
不可信胡朏明主文忠說則九河之次自以不離  
乎大陸以下者爲近是也爾雅孔疏九河之次從  
北而南徒駭最北太史馬頰覆釜胡蘇簡潔鈎盤  
鬲津以次而南徒駭爲大河經流漢志謂成平之  
濳沱河民曰徒駭河唐志清池縣西五十里有徒  
駭河西隄交河故成平滄州故清池卽浮陽是以  
北流之濳入河之濳沱爲徒駭也水經敘平恩以

河渠紀聞卷之一

十一

北皆禹河故道禹河旣徙而南漳河猶循故道北  
流故于欽以漳爲古徒駭漳水自鉅鹿歷南宮新  
河冀州東鹿深州衡水武邑武強阜城獻縣交河  
青縣靜海大城寶坻至天津鎮注於渤海卽古徒  
駭故道徒駭爲大河之經流合於漳也古九河並  
出章武高城柳縣之東合爲逆河今靜海鹽山至  
天津皆其地周定王時河徙自東光南皮浮陽絕  
八枝而北合徒駭班固云自茲距漢北亡八枝八  
枝之長短次向均無庸以意度強爲之說則鑿矣

郡國書云禹至今地名更而山川不易讀禹貢者  
但據不易之山川求之可也禹貢九河在兗入海  
在冀文互備也漢王橫求九河於冀而不得遂以  
爲皆淪於海夫淪海者必瀕海九河不瀕海何以  
淪焉使皆淪則河從淪入海而中原無水患矣猶  
有患則橫之言不然矣今據九河之道言之其三  
在濟南曰鬲津者漢志曰鬲縣自商河經禹城平  
原由德平東入於海鈎盤者漢盤縣也與獻縣鄰  
由德州入海馬頰者與東光縣鄰自濟陽合商河

河渠紀聞卷之一

十二

入海此三河合一支非黃河之所分也其六在河  
間曰太史者在南皮縣北簡絮在南皮縣南徒駭  
在德州廢青池縣扶蘇在景州東光縣覆釜在慶  
雲縣此五河亦各一支與黃河爲六同入於海據  
此則九河在濟南河間淪海之說爲不經然謂九  
河在兗禹貢有明文惟黃水經行之地溜勢更移  
水緩沙停淤如平陸雖現行河道一經河徙漫淤  
朝暮異變至不能復識其處况歷數千年陵谷更  
易難確定其所指之地存而不論可也



禹貢沿於江海達於淮泗

按邱文莊謂禹時已有海運蓋本沿於江海之文順流而下曰沿沿江入海而入淮禹時江淮未通至吳始開邗溝隋人廣之江淮舟楫始通顧炎武推究其說謂禹時不必浮海而後入淮也常鎮淮揚金陵皆有邗溝與江淮原自相通但由射陽湖屈曲多險吳城邗溝取其直耳三國時以無運而塞隋因平陳而廣之五代時以無運而堙周以平吳而濬之元以兵阻而廢洪武永樂間以漕運而

河渠紀聞

卷之一

三

復之由後魏前則春秋時以無運而塞吳因取齊而開之非開創於吳也以水道觀之六合儀真瓜州白塔河皆可達淮禹時設海運不過出狼山收料角不半日即入邗江何必犯海濤收淮口而後入淮泗耶此據理立論其時射陽與邗溝本通狼山在江海之交由狼山取道入射陽至爲近捷原不必犯海濤衝波逆上禹貢沿於江海統舉之耳非竟沿海至淮口始收入淮也又或問決汝漢排淮泗注之江今何以會黃注之海答曰淮泗未嘗

不注之江也注江之路有三今由高郵邵伯白馬草子湖從瓜儀隔一也由盱眙天長六合一也由邵伯入芒稻河入江一也三路皆通江之旁支水漲則流水潤則滯不能引以爲用禹時貢道沿江海達淮自吳開邗溝東北通射陽湖至末口入淮水經淮陰有邗江東北通射陽西北至末口宋殷蟾渡北神堰至末口通鑑注云北神堰在楚州城北五里吳夫差於此立堰者蓋淮水底低溝水底高恐其泄也舟行過堰後入淮晉永和中江都水

河渠紀聞

卷之一

三

斷乃於江都西南之歐陽埭引江至廣陵城北出白馬湖合中瀆入淮其時猶立堰於末口也自隋始大開南北漕道之通起於此莫之翰引孟子排淮泗注江一語謂孟子去禹未遠當有實據以盱眙縣東聖人山下禹王河爲禹導淮入江故道前輩亦有言之者而實非正理淮本由東北注於海必使由東南注於江非禹所爲也其時淮獨流入海亦不必分洩其勢水大盛而旁注曲通因其自然行所無事之道也宗沿於江海之文論自定矣

禹貢岷山導江東別爲沱又東至于澧過九江至于東陵東迤北會于滙東爲中江入于海

按域中以江淮河濟爲四瀆天下之水北莫大於河南莫大於江漢漢入於江以江統之地理今釋云江水出四川松潘衛源有三支正支自浪架嶺南流卽岷之別名也東西二支合正支南經茂州威州汶川縣至灌縣離堆岐爲數十股滂沱南下左抱成都西環重慶衆流會於新津南行逕眉州嘉定至敘州府東南合金沙江折而東北流至

河渠紀聞

卷之一

四

重慶之嘉陵江涪江自北來入之東北經夔州巫山縣入湖廣界東流至夔陵州東南流至枝江縣又東流至荊州府折而南流至石首縣又東流至監利縣又南流至岳州府折而東北流至武昌府與漢江合又東流至黃州府又東南流入江西界至湖口縣與南江合卽贛江也又東北流入江南界經江寧府至揚州府通州入海江淮河濟皆言導者決而委之於海也呂氏春秋禹之決江水也民聚瓦礫非常之原黎民懼焉禹所以爲萬世功

也江自岷山盤亘六千里滙流建瓴而下漢自北入彭蠡自南入三江並持東趨於海江勢漸更趨北南岸則洲渚重複北岸則駭波凌濤之所激盪瀕江州縣間有風潮漫溢之患而南來貢賦皆沿江會於揚州瓜洲爲飛輓之通津當北流之險溜花園港時有衝刷長江一帶洲渚限隔惟斜溝龍潭二處船隻由此出入黃天蕩爲賊淵藪而龍潭斜溝則津要地也故設鎮備兵於瓜鎮增江防一廳以守江河漕並治備防周密矣

河渠紀聞

卷之一

五

導淮自桐柏東會於泗沂東入於海按自金元以前淮水獨流入海淮爲四瀆之一瀆者獨也至黃河南來清黃交會始合黃歸海淮水源出南陽之桐柏山水經云出胎簪山者桐柏之支峯也明河渠志淮水經桐柏其流始大至固始入潁州境東合汝潁諸水經壽州北肥水入焉至懷遠城東渦水入焉東經鳳陽臨淮濠水入焉又經五河縣南而納滄沱濞潼諸水勢盛流疾經泗州城南稍東則汴水入焉過龜山麓益折而北會

洪澤阜陵沉墩萬家諸湖出泗口會於泗沂顧寧人云禹貢導淮會於泗沂泗沂會處卽清口也水經淮水至於廣陵淮浦縣入於海淮浦卽今之清江浦宋河渠志凡泄水處直曰涇橫曰浦也淮滙七十二山河之水激蕩於荆塗鯀鑿山通道下濠梁五河至雙溝曲轉三岡及泗州東會泗沂合流入海泗水出陪尾山其源有四洧米鈞突等泉出山麓石竇內合流至滋陽與沂水合沂水出泰山郡沂水縣經沂州郟城三百餘里至邳州入淮者

河渠紀聞

卷之一

六

沂之別支也其出曲阜縣尼山西流三十五里至滋陽入泗合泗會淮之沂也沂泗會淮則必在清口以爲綱維也世以鯀湮洪水一語遂謂鯀專務築隄以鯀隄多在開封而未及鯀之導河顧寧人博綜古今言禹導淮鯀先鑿山通道是鯀亦未嘗不疏禹非盡不用其法也疏淮流使暢行東出會沂泗奔流入海清口爲之門戶其時淮猶獨入於海也

導沅水東流爲濟入于河溢爲滎東出于陶北北又

東至于荷又東北會于汶又北東入于海

按孔傳泉源爲沅流出爲濟沅卽濟也濟水有二源重源所發曰濟源水甚微而亦曰瀆者許敬宗云瀆之言獨也不因餘水而獨能赴海者溢爲滎獨出之象也伏流地中至定陶之陶北湧出地上自此更不伏流出陶北上馳波跳沫東北瀝於荷澤荷之爲澤也濟貫其中包注以成湖澤自荷澤東北流絕鉅野澤而北至安民亭南者禹之舊迹也汶水自萊蕪歷泰安肥城寧陽至東平入濟

河渠紀聞

卷之一

七

濟水自東平會汶歷東阿平陰長清齊河歷城章丘鄒平長山新城高苑博興樂安諸縣界中皆禹貢濟水入海之所經也濟水自東平以下唐人謂之清河戰國策燕王謂蘇代曰齊有清濟濁河以爲固清則濟也至宋有南北清河之名南渡後北清河有大小之分自劉豫導濼東行始齊乘以大清河爲古濟水小清河爲豫所創黃子鴻非之謂考諸書濟水最南濼水在中河水最北今小清河所經自歷城以東如章丘鄒平長山新城高苑博

興樂安諸縣皆古濟水所行大清所經惟自歷城以上至東阿爲濟水故道而自歷城東北如濟陽齊東青城諸縣則皆古漯水所行濟自歷城決入濟陽非唐清河入海之故道也濟陽之流日盛則章北之流日微故劉豫堰灤水使東以益之其所行者實濟水故道蓋自唐宋以來大河嘗行漯川合北清河入海流益深廣其後大清河兼行河漯藉以暢流歸墟小清仍行濟水故道惟恃灤水爲源堰東有阻則灤水仍自華不注東北入大清河

河渠紀聞 卷之一

六

故屢浚屢塞也濟瀆之水自周以來凡數變初爲濟及導滎爲川則滎與濟合鴻溝旣開滎瀆爲河所亂及滎澤又塞所行者惟河水汴渠不通則鉅野以北所行惟荷汶戴村已築則東阿以下所行惟山泉溝澤之水不得俱歸於濟也濟瀆入海之道自唐以來亦數變初經高苑縣北又東北至博昌入海其後不由博昌改道從蒲臺東北與河渾爲一同入於海宋南渡後劉豫導灤水東行入濟水故道爲小清河仍經高苑縣北至樂安縣入海

及金皇統中改由縣南長沙溝至博興合時水由馬車瀆入海考水經所敘瀆同而水異水異故李宏憲云河南無濟水瀆同故黃文叔云禹迹賴此猶存胡朏明以爲言各有當斯確論也不必爲徵同考異之聚訟矣

禹貢浮于濟漯達于河兗之貢道也浮于汶達于濟青之貢道因於兗也浮於淮泗達於河徐貢自淮入泗入濟入漯以達河也沿於江海達於淮泗揚貢沿江入海自海入淮泗因於徐也浮于江沱潛漢逾于

河渠紀聞 卷之一

七

洛至於南河荆貢自江沱入潛漢陸行逾洛至於南河也浮於洛達於河豫貢之自西而入者也西傾因桓是來浮于潛逾于沔亂于河梁貢自西漢溯流浮潛逾沔通褒斜入渭亂河也浮於積石至於龍門西河會於渭汭雍貢東北由積石至西河西南會於渭汭不言河者因於梁也

按此九州之貢道沿江海達淮濟通渭洛而入於河也堯都冀州三面距河入都貢賦重用民力每州必記入河之水禹告成功序貢道皆至於河達

河爲至重帝都也時准不通江自江順流入海自  
淮入泗自泗入沛入漯以達河又浮洛會渭入河  
由河達平陽堯時國用簡賦取足於王畿不專事  
漕三門底柱之險不爲民害舜都蒲坂禹都安邑  
皆因之自是以後都徙而貢道不改轉漕通運悉  
遵禹遺意太康仍禹舊都羿距於河遷陽夏在河  
之南后相遷帝北在河之北少康復國宅鞏爲有  
夏之居沿河南北通貢桀敗鳴條出太行涉河而  
南湯踰河歸亳都西亳仲丁遷囂河賈甲居相依

河渠紀聞

卷之一

干

河定都祖乙遷耿再徙邢盤庚遷殷武丁自河徂  
亳復有自亳遷於鄴南之殷墟者俱沿于河也周  
宅鎬營洛長河如帶中天下大和會春秋時吳於  
邗江築城穿溝臨江受水北至射陽入湖射陽以  
南之水引江以通湖射陽以北諸路由湖達淮齊  
晉鄭宋諸國分疆築防各擅其利漢都關中始漕  
山東粟沿於河晉輸江淮之漕永和中華樊梁德  
津湖以湖道多風穿渠入北口舟行自廣陵出白  
馬湖逕山陽城西之射陽城由淮入泗達於河至

隋大業元年開邗溝自山陽至揚子江淮始入於  
江又開通濟渠引穀洛之水達於河又自板渚引  
河水達於汴又自大梁東引汴水入泗達於淮由  
山陽達於江江淮河汴之水相屬爲一又開永濟  
渠因沁水南連於河北通涿郡又穿江南河自京  
口至杭皆以河爲貫輸唐都關中復開江淮運道  
浚汴口之渠導河水達於淮通江淮之漕又自大  
梁城東導汴水入於蔡通陳潁之漕又浚汴水入  
五丈渠過曹濟梁山濼通齊魯之漕垂拱中開泗

河渠紀聞

卷之一

三

州漣水新河通海沂密諸州分流悉會於河罷陝  
西陸運置倉河口洛口自江淮漕者輸河陰倉自  
河陰西至太原倉自太原浮渭以實關中其後劉  
晏決漕事使江船不入汴汴船不入河河船不入  
渭江南之運積揚州汴河之運積河陰河船之運  
積渭口渭船之運積太倉轉粟百萬餘石宋都  
汴梁居天中益闢唐制浚四大河曰汴河曰惠民  
曰廣濟黃河居其中河汴轉漕爲多江湖之漕輸  
真楚泗州轉般倉汴州詣轉般倉運米輸京師轉

運較漢唐爲易汴與淮近也元都燕京始由海運  
患風濤關會通河水淺不任重載河海兼運明仍  
元都修復隋唐舊跡以河爲用艱於挽運復浚元  
之會通河遏汶水南北分流濟運

本朝大開中河浚泃河接疏會通河爲運道避黃河  
之險自瓜儀二江口入運河出口渡黃入會通  
河出臨清北接衛河至直沽溯潞河達於京東倉  
集漕運之大成輸輓北上禹貢尊京師之遺也  
大禹謨帝曰來禹泇水徹予成允成功惟汝賢

河渠紀聞

卷之一

三

按司馬溫公言堯舜之洪水而謂徹子蓋畏天徹  
懼引爲己責唐虞之治所由基也古文渾奧徹字  
何等悚切其時堯都平陽太原汾水所出自管涔  
而下流入帝都西瀕都城不數百武晉地多山人  
民於川谷平衍處廬居平陽川原稍闊左右環山  
汾水出山陬中西入於河黃河北來泛濫瀰漫水  
涌不洩高於汾流黃水湧進汾水內壅不得外出  
伏秋汎水大至黃汾並漲浩浩滔天直及輦轂之  
下安得不徹至懷山襄陵及孟子下者爲巢上者

爲營窟皆言山陝情形若豫克徐揚平曠無垠橫  
流漫衍有浩浩之勢無懷襄之形水在山懷曰懷  
懷山山在懷也水與陵齊曰襄襄陵平其陵也黃  
河東入中國自北而南直至潼關千八百餘里皆  
東兩山間下流遏塞所至漫入川谷民無所安息  
水壅及山惟山有木不得不巢木爲棲山陝土皆  
直立可營窟非如大河以南橫生之土不可作室  
北地謂之窰房所在多有西北山多壘峙地形愈  
上愈隆高出中原不啻萬仞黃流隨山倒傾唐人

河渠紀聞

卷之一

三

詩黃河遠上白雲間又云黃河之水天上來是也  
水直下如簷溜論水多寡遠不及江之寬深而江  
水外有湖海爲之蕩漾頂托常見平流黃水出萬  
山間衝激湍怒無寬容蕩漾之處中有龍門山間  
隔水不得下呂不韋謂龍門未闢呂梁未鑿河出  
孟門之上朱子言禹未鑿治時龍門正道不甚洩  
一派西滾入關陝一派東滾往河東倒流橫漫水  
壅而逆行曰泇故謂之泇水河自塞外入中國壺  
口爲南出之孔道河之口也水注其中如壺壺口

一啟山谷壅遏之水天下奔流到海河平而汾亦平奠安先及帝都釋傲子之懼事未有急於此者若帝都昏墊而從事青兗下流緩不濟急故禹貢首書既載當時形勢使然急先務也未可執治河之大勢而論古矣

禹曰洪水滔天浩浩懷山襄陵下民昏墊子決九川距四海濬畎澮距川

按禹治水之功次第盡於數言水性就下治水先從下泄順水性所宜自下而上準地形高下從

河渠紀聞

卷之一

五

下向高雍地高於諸州而兗最下又當黃河轉曲之處平曠無山水易散漫故既載壺口先治兗以通去路自兗而青而豫而雍以次順下壺口一啟沛然莫禦諸州之水悉由東北入海決九川以距海水之大者有所歸復濬畎澮以距川自畎之遂自遂之溝自溝之洫自洫之澮自澮之川水之小者有所泄皆自下流以疏殺其勢同歸於海行水樞要具於此孔穎達言河勢自西而東雍高於豫豫高於青徐雍豫之水從青徐入海梁高於

荆荆高於揚梁荆之水從揚入海兗在濟東南冀兗二州之水各自東北入海本有自然之節度禹因而順布之施功之次序順地之宜也

史記河渠書禹以爲河所從來者高水湍悍難以行平地數爲敗乃灑二渠以引其河北載之高地過澤水至於大陸班孟堅溝洫志亦主其說

按大河至大伾逆轉而北爲一大折全河安危之轉關也濬縣之地西則高於東南則高於北大伾峙河東岸黎陽之東山也其下爲遮害亭西岸上

河渠紀聞

卷之一

五

陽三山卽西山也其下爲宿胥口禹治河至此斷二渠引河北載之高地避卑就高以束其勢惟禹貢不載二渠史漢亦未實指其地林氏謂禹無其事以水性就下無載之高地之理鼂補之張燧並申其說而班固實指河隨西山北去之路在鄴東賈讓策河言淇水口金隄高一丈其東地稍下隄稍高至遮害亭高四五丈大伾東地益卑宿胥口地較高故謂載之高地非高於河之上流漢王橫亦言使河緣西山足乘高地如讓所云大河來源

高雖升高而不失就下之性橫心知其故而明言之視讓尤爲切近漢時去古未遠班馬二渠之說決非無因韋昭云禹灑二渠一則灑川一則貝北王莽時遂空李垂導河書言東爲灑川者乃今泉源赤河北出貝北者乃今王莽故瀆胡胙明折衷諸說禹貢錐指云二渠自黎陽宿胥口始一北流爲大河一東流爲灑川是也灑水至千乘入海周末河徙東行灑川仍絕灑別行不入千乘北合大河灑川爲大河之支流分流而不奪流禹所灑引

河渠紀聞

卷之一

三

河之故渠也

史記鯀治水九年無功舉鯀子禹使續鯀之業禹遂與益后稷奉帝命與人徒以傅土行山表木定高山大川

按儒者治行吃緊在去一矜字治水尤然蓋惟不矜而後能虛受羣策羣力皆爲我用鯀惟自矜其才用才於無用之地而才皆不爲用鮮不敗矣然當洪水方割下民其咨之時鯀至九載無功而後廢之方僉之舉鯀也方命圮族如神之智已先知

之遲之又久而試可者何也蓋是時鯀習於水諸臣未有習水如鯀者故試其可以治水而姑使之也帝之弗岳之異遣往而命之以欽元首之明股肱之良水土之平已胎於此用人治事之大樞盡於欽哉一言而鯀不能用也違棄帝命功既有緒自任益專拂戾衆議訖潰於成勞天下之民力墮高堙庫及至潰決爲患滋深至禹治之因水之性相地之宜注海注江行所無事而功成矣蓋鯀與水爭地者也禹以地讓水者也事本相反而禹卒能修鯀之功方泛濫時多爲隄防以堙之水性逆故患不息至水由地中行而鯀所爲隄防以障水者皆可用之以輔水轉敗爲成而所以成敗之原不獨於此也鯀續之敗以方命禹功之成以不矜新書云禹謂民無食也則我弗能使也功成而不利於民我弗能勸也別河而導九岐鑿江而導九路澄五湖而定東海民勞矣而弗苦者功成而利於民也鯀務崇防而不卹厲民自恃其才不能以虛受圮族之吁有自來矣禹惟不自滿假孜孜勤

河渠紀聞

卷之一

三



勞其始乘四載隨山刊木相度大勢知水患所由起爰暨益稷焚山澤導河濟決江淮濬吹澮治溝洫至人得平土播奏艱食三聖協心用襄厥成八年而奏績帝曰汝惟不矜天下莫與汝爭能汝惟不伐天下莫與汝爭功濬哲之帝能知之而能用之此明德之所以遠而功施後世績禹之績者師禹之不矜伐毋徒恃其才矣

書經傳說云灤水本出高唐至千乘入海禹導河至

大伾始分河之一支東北流首經東武陽至高唐

河渠紀聞

卷之一

二

合灤水武陽以北之河皆被灤名漢志疏解灤水源流固自瞭然今禹城縣卽漢之高唐縣西有灤河俗名土河出高苑北朝城南有灤河陂廣十餘里遺跡可考其一支卽大河之經流自大伾山西南折而北爲宿胥口東北逕鄴至斥章界合漳是謂北過泲水而餘波則循故道入灤灤川受水不多雖平地不爲害自由千乘歸海韋昭所云一出貝邱西南王莽時遂空者是爲北瀆卽周定王時所徙西漢猶行之至莽時遂空非瀆相以北之大

河也程大昌謂禹貢古河分出者凡二在南爲濟少北爲灤二水皆分枝於河而禹所灑之渠不入於濟禹河成於洪水橫流之後分流灤川以殺其勢事理之常諸說以禹貢無明文疑議紛起謂以漢世新決之河附名於禹汪中翰宗錐指謂禹跡不致終晦王橫班固之力爲多信有指據良不誣也

行水金鑑著論云禹河徙自宿胥口東行灤川本非故瀆班氏附會之二渠於禹貢無見

河渠紀聞

卷之一

三

按史漢所載禹灑二渠胡澤洪宗張燧說援經定斷疑其無據此知行水之道而不知禹行水之所以神也禹河自宿胥西行千有六百餘年而後徙於周定王五年徙河卽自宿胥口東行灤川經流東出淪於窪下不可收拾敗於平地也嗣後秦決白馬之口王橫使緣西山足引河乘高地卽由宿胥口西行也至文湮棗野武決瓠子大河改徙頓上東南流皆入於徙河唐宋以來濬滑之間歲無寧日所謂行平地數爲敗也聖人作事通於神明

當數千年前若知河之必敗於宿胥迤東而大爲之防引之高地至大陸以下入沮洳之鄉勢如懸流奔馬順其就下之性而歷久不易此正行所無事神而明之也知後之所以敗則知前之所以成今統舉禹河所經及歷代徙流核以今之地理其由宿胥口東北逕內黃湯陰安陽臨漳成安肥鄉曲周平鄉廣宗至鉅鹿歷大陸澤經南宮信都阜城交河成平滄州青縣靜海天津入海者禹河緣西山載之高地之故道也周定王五年河徙卽自河渠紀聞

卷之一

三

諸河入大河者張甲左瀆右瀆也各河津渠交絡冰碎瓦裂王景治水所以不復浚王莽河而改從東道由長壽津行漯川至東武陽與漯別由朝城堂邑東昌博平在平至高唐與漯合復由德平商河樂陵武定蒲臺利津入海東漢所改之河自北而東也至唐歷五代迄宋初黃河所行之道初由頓丘至陽穀東阿平陰蒲臺利津入渤海景福二年改流入馬頰河於清豐西南首受大河歷朝城莘縣堂邑清平高唐至安德縣南合篤馬河又東河渠紀聞

卷之一

三

決爲二股河東流至魏恩德博之境曰四界首河  
又東至德滄入海其後屢經決溢北流勢盛東流  
乃絕時方回流使東而河益潰於平地澶滑之間  
河流紛出交裂至金明昌五年河決陽武故隄灌  
封邱而東注梁山濼分爲南北清河北入宋京東  
故道歷齊河濟陽齊東蒲臺濱州利津入海南入  
南旺湖歷嘉祥濟寧入泗經沛縣銅山邳州宿遷  
桃源入淮而汲胙之流絕南派漸盛北派漸微河  
乃自東益決而西元至元中徙出陽武縣南奪

河渠紀聞

卷之一

三

入淮而新鄉之流絕秦定初改從汴渠至徐城東  
北合泗入淮至明天順復自武陟東入原武而獲  
嘉之流絕今所行河是也河大徙於明昌陽武之  
決北清河流猶未絕至元會通河成而流始微劉  
大夏塞張秋築大行隄而流遂絕始以清口一線  
受萬里長河之水推原所由皆緣徙流至漯川東  
行不復西河故道散漫四出始則由北而東漸轉  
東南以次南下而禹跡蕩然矣禹河自宿胥口載  
之高地地勢自高而來非高於下流也一入大陸

則成建瓴之勢而又有漳清諸河之貫輸益以河  
湖蕩澱之清水刷沙海口沙不能壅所以歷久不  
做後世漸移而東自東遞下及南微論新衝之海  
口不能暢出來源無清水下注隨行無大川合流  
刷沙汛時奔騰四出霜後水落潮進擁沙而入焉  
能持久故禹河初徙猶循章武故道入海延於數  
世宣房徙流而歸海之道未改至王莽時始空宋  
汲汲回河挽河使東河自北流入乾寧軍接續百  
有餘年王景引河入千乘而德棣之河又播爲八

河渠紀聞

卷之一

三

得禹遺意所以能久禹河爲萬世功宿胥東西分  
行前後異軌一彼一此成敗之分瞭如指掌執方  
隅之見未可輕議古人況聖人作用實出非常治  
水法有定而變無窮通變而後可行水也  
長河志籍考鯀築隄南至魏郡北過平昌今大名濬  
縣廣平清河順德廣宗及德平西南皆有鯀隄禹修  
鯀功決河深川至陂九澤而後會同功施於三代  
按河渠書言洪水時河從大伾山南東出或決而  
北或決而南如後世決河之說汎濫於兗豫青徐

揚之域路史云鯀隄自黎陽界入堯命鯀治水築之以障李垂言曹公所開運渠東北有古隄鯀所作也今安陽內黃間皆有之通名千里隄以防東出之患禹引河北載高地乘流既急必陂障以順其就下之性疏瀹而復陂之以陂障爲排決修鯀之功所必有事也東坡言禹治水決大河而放之海方其功未成時亦有潰冒衝突可畏之患惟能前知其當然事至不懼而徐爲之圖是以得至於成功非先事大爲之防順其條理猝引洪流就下

河渠紀聞

卷之一

三

鮮有不潰冒衝突者禹能修鯀之功原無事盡墮息壤未嘗不因而損益之也程子言河北見鯀隄無禹隄鯀堙洪水無功禹則導之而已此論其常也禹非無事於隄而先疏以順水性所謂導之也鯀惟不能順水之性專事隄防以致敗禹疏之而後防之始於疏而成於防轉敗爲功斯爲幹蠱若動引弗成之績謂治水有決河深川無隄防壅塞之文九澤旣陂之謂何陂卽防也顧寧人謂伊耆氏始爲蜡有曰防者後世隄限之始防固堯之法

也使非堯法則試可之命不終日而褫矣寧俟九年故堯之防鯀之障禹之陂所以成疏之功者益夔稷契諸聖人論之審矣又云鯀於冀州作三仞之城今雲中之境鯀隄纍纍防脊以西之水也或謂禹之疏多在河間鯀之障多在開封河間去海近疏以通其去路開封去海遠防以束歸下流中土之障河必用隄猶淮南之必用高加堰西長隄以禦河淮也孔子曰大防止水之所由來也以舊防爲無用而去之者必有水敗孟子曰禹抑洪水

河渠紀聞

卷之一

三

抑裁也止也防猶孔子法也故昔人謂禹有疏有防鯀防而不疏漢平當賈讓策河不疏不防漢武防而不疏宋人防自防疏自疏惟漢王景塢流法築隄千里鑿山阜破砥磧直截溝澗防遏衝要疏決壅積十里立一水門令更相迴注無有滲漏疏防俱得是以東漢及唐無大水災陳平江宗法王景兼漢陳登晉謝安唐李吉甫宋柳廷俊諸人之法疏築並用以續禹功後來治河推潘蘄二公皆深會陂澤會海之義師陂障之法而爲隄師以海

爲壑之法東水攻沙而不令旁洩無有易其說者  
論古不得其間猶物而不化始平當以治水無隄  
防賈讓謂隄防起於戰國使由其言行之撤止水  
之防水汎濫於濟兗青冀之間而不止智又出繇  
下矣

地理志漯水出武陽縣過東郡平原至霑化之久山  
入海

按禹貢浮於濟漯通貢賦洩潦水孟子述禹功序  
濟漯於疏九河之下濟漯不隨九河歸海分殺橫

河渠紀聞

卷之一

三

流獨出向墟者也源出東武陽今朝城地由朝城  
歷東昌及濟陽至霑化入海亦古千乘地卽桑欽  
漯沃津鄆道元小漳河也漯南爲濟東流浮汶達  
於濟迨後河決入漯唐宋時河行漯川漯亂於河  
故道錯出河濟間黃子鴻云九河以南濟水最南  
漯水在中河水最北自王景引河入千乘霑化故  
港淤斷惟大清河爲巨川漯濟幾合爲一閭百詩  
言自漢至隋唐惟知濟水杜佑始有清河之名宋  
南渡後始有大小清河之名今大清河由濟陽齊

東青城諸縣皆古漯水所行蒲臺以北則古河水  
所經兼行河漯二川至利津入海風俗記漯水至  
千乘入海河盛則通津委海水耗則微涓絕流今  
漯水不能獨流自章邱以東會小清河入海夏秋  
山水暴漲小清河窄不能容往往衝突於章邱齊  
東新城博興高苑之間反以爲害明時築戴邨埧  
遏汶水南合沂泗北合漳衛涓流殆絕而東阿膠  
井歷下灤源濟水所伏大旱不涸大清河東流活  
活雖非榮澤陶丘之舊亦他水之所不得而亂也

河渠紀聞

卷之一

三

大小清河會汶灤在濟青二郡之間者卽濟之委  
流禹貢所謂東北入於海者也湯溯禹功濟爲四  
瀆之一與河並列原非他水所得混汶去而濟如  
故漯涸而濟獨行劉豫所堰之灤卽濟分水谿北  
出之汶不得沿其說也至漯之故港淤斷而濟并  
合漯而同歸矣

司馬相如追溯禹功爲辭云昔者鴻水沸出汎溢行  
溢民人登降移徙崎嶇而不安夏后氏戚之乃堙洪  
源決江疏河灑沈澹菑東歸之於海而天下永寧當

斯之勤豈惟民哉心煩於慮而身親其勞躬儼胼胝無版膚不生毛故休烈顯乎無窮聲稱浹乎來茲

按班史稱相如雖多虛辭濫說與詩之諷諫無異藉蜀父老爲辭以風天子引夏后堙洪源起義儼不於倫難免牽強附會之譏然漢時去古未遠傳聞近似禹決川距海平水土當斯之勤心煩於慮而身親其勞躬儼無版猶莊子言胼無版脛無毛也積勞于外水行陸行泥行山行之舟車楫櫂無不備風寒暑濕霧雨雪霜瘴癘之無不親非無險

河渠紀聞

卷之一

三六

阻愕殆卒以焦心殫力轉敗爲功克底於成河防當吃緊之時安危利害轉於須臾非身臨其地心眼俱到曷保無虞當事者安居廣廈畏寒避暘黃水漫槽上灘平槽半槽提坐屢易其故多出上原身歷其間阻於明灘淺水至崖而返殊不思前聖歷辛嘗苦出險濟屯之成績俱從艱難中來不可以安坐治事也

帝王世紀堯命禹爲司空繼鯀治水乃勞身涉勤不重徑尺之璧而愛日之寸陰手足胼胝世傳禹病偏

枯步不相過人曰禹步

按禹爲萬世功後世震其功之隆尊之爲神而不知其勞身涉勤澤行路宿冒霜露被風濕至於敝肢體而不恤非人所能爲也吳越春秋云禹傷其父功不成循江沂河盡濟涉淮居外十三年聞樂不樂過門不入冠挂不顧履遺不躡功未及成愁然沉思未有重璧而不惜陰者也帝謂禹克勤於國克儉於家勤儉治家國之本尤爲行水要着勤則有功儉則功歸實用雖有什伯庸衆之才卒未

河渠紀聞

卷之一

三六

聞舍此而能自樹立者禹身執藁垂以爲民先沐浴靈雨禱疾風決江疏河鑿龍門闢伊闕修彭蠡之防平治水土公天下而不私其家績用克成有自來矣蓋當四海溟泮民皆上北陵赴樹木而以一人身任其勞燒不暇潰濡不給挖莫萬姓之安而已無與猶是道也崇防非儉方命非勤成敗得失之由莫非自致論古得間當於平實中求之也通鑑夏王桀五十有一歲冬十月鑿山穿陵以通於

河

按漢書傳說曰水北方藏萬物者也順事陰氣奉天時得潤下之性河者下也隨地下流而通也后桀尸位五十餘年當夏之末造陰逆陽伏不出伊洛告竭水不潤下之象著矣然乃穿鑿山陵通水引河又當冬令水涸之候洩天氣發地藏有爲之言者拒不納天子之都必求舟楫之所可知便轉輪通朝貢因其自然固不鑿也禹踐天子位於禕修太原汾水入河得轉輸之利夏都安邑甸服之地跨河南北太康爲羿所距不得濟河反舊都城

河渠紀聞

卷之一

罕

於甸服東南之陽夏以傳仲康居河之南少康復禹舊績沿河通貢如故不聞有鑿山穿陵以濟河者夏自孔甲後王政日衰諸侯朝貢不以時至桀暴益甚舉事戾於天發令逆其時禹濬川距海桀鑿山通河戾於先王西夏東南之應固其宜哉商書湯伐桀升自陟與桀戰於鳴條之野孔傳謂桀都安邑鳴條在安邑西陟在河曲之南從陟向北渡河東向安邑史記吳起云夏桀之居左河濟右大華安邑西多山阜鑿山穿陵通於河違常道矣

河渠紀聞卷之二

史記契佐禹治水有功居亳沿於河

按考商頌長發之章云濬哲維商長發其祥洪水芒芒禹敷下土方外大國是疆書傳謂契佐禹治水故將欲諭契先言洪水述禹敷下土契佐成之有大功也禹治洪水以外大國爲中國之境而並治之契亦曾有事故原其始如此

史記殷本紀湯既紂夏命還亳作湯誥曰古禹久勞於外有功乎民東爲江北爲濟西爲河南爲淮四瀆

河渠紀聞

卷之二

一

已修萬民乃有居

按禹修四瀆河爲宗沿江達淮沿淮達濟至於河江淮河濟會於一自北而南交相灌注水有所歸人得平土貢道不闕絕湯敷遷不越大河之南通貢安民故云有居河自黎陽行內黃安陽出臨漳之東沿河立治中國川原以百數皆會於河環向帝都殷湯至受六百餘祀河不徙流方貢通於天下禹之明德於斯爲盛故湯既受命而思禹功也史記自契至湯八遷湯始居亳從先王居遷西亳

河患也

按商書盤庚古我先生將多於前功適於山卽西  
亳也契始居此湯往而從之東成皋南轅轅西降  
谷以亳依山故曰適於山也山高水下而無河圯  
之患湯所以不就鳴條而歸亳復自亳遷於此也  
湯始爲諸侯居亳與葛爲隣在商北南卽位定都  
商北曰南亳後從先王居復遷西亳書稱三亳蒙  
城之亳曰北亳湯所盟也穀熟之亳曰南亳湯所  
都也偃師之亳曰西亳湯所遷也漢志偃師有尸

河渠紀聞

卷之二

二

鄉湯所都商北近河地平土疏遷居以避河患西  
亳依山下臨大河利轉輸故復都此太甲自桐歸  
亳嗣有河決之變後王不能安其居仍復議遷轉  
移於河之南北而依河爲用也

綱鑑仲丁六祀遷都於囂河亶甲元祀徙都於相祖  
乙元祀圯於相徙都於耿九祀圯於耿徙都於邢

按世言大河自隨刊後千七百年無水患者此大  
概言之也商自湯至武乙數遷其國都大抵瀕河  
作都河圯而後遷也太甲歸亳後有河決之變仲

丁復遷囂囂亦患河河亶甲徙都相元和志相州  
內黃縣東南有故殷城河亶甲居相築相州治安  
陽其時禹河出內黃安陽之間臨黃築城至祖乙  
圯焉徙都於耿耿在河北逼近山川亦患河復遷  
於邢商自沃丁以後河患蕩覆轉徙不常曰囂曰  
相曰耿曰邢皆際河之境濱河土豐物饒人所共  
趨知利而不知患往往輕徙仲丁河亶甲祖乙遷  
都各有作以君名篇雖皆佚亡而紀遷國之由述  
創制之艱蓋莫不以遷都爲重而其時之震蕩離

河渠紀聞

卷之二

三

析不得已而圖存可知也

商書盤庚遷於殷下篇曰今我民用蕩析離居罔有  
定極爾謂朕曷震動萬民以遷

按是時耿爲河水圯壞沈溺墊隘民無有定止盤  
庚涉河以民遷民不適有居安土重遷而忘沉溺  
之爲害也史記言祖乙遷邢蔡傳以尙書有於今  
五邦今不承於古之文謂盤庚之前當有五遷合  
邢爲五盤庚時殷都河北邢在河內復圯於河涉  
河作都西亳適於高山之亳是猶湯遷西亳戒於



河也殷民爲河所圯至蕩析離居不能安處而屢圯屢遷卒不能遠其害者首道沿於河鉅橋漕粟民有轉輸之利久亦相與安之顧祖禹謂盤庚詰辭嚴切而其時臣民方且戀戀厥居不以從遷爲樂則無大患可知也金履祥曰盤庚謂亳殷之地高爽依山消斯民沉溺重墜之疾而絕後世驕奢淫侈之風其用意固深遠矣

楚語白公子張曰昔殷武丁能聳其德至於神明以入於河自河祖亳

河渠紀聞

卷之二

四

按孔穎達云盤庚後王或有從河南遷於鄴南之殷墟者武丁卽位殷都仍在河北尋復祖亳蓋亦圯而後遷焉至武乙復去亳徙河北卽紂都朝歌濬西汲北有古朝歌城本殷墟貨殖傳曰殷人都河內河經殷墟之東故曰河內禹河在濬西汲東鄴東大河經行之跡也治平略云殷時河數圯至五遷都以避患不聞有所隄塞猶近循禹跡之故當時河患止於濱河漫溢非如後世之漂潰田廬千里一壑也及水落後河猶仍歸正漕尙可安土

然考商時遷決均在大陸以上爲九河上游河上潰則下必淤下流停淤水無去路然後輾轉橫潰震蕩不已此商都屢遷九河受淤之所由特經流未改故潰未移耳然履霜堅冰河之東徙已兆於此時班固言惟河爲難商竭周移蓋亦知發難之有自來矣

尙書洪範箕子乃言曰鯀陘洪水汨陳其五行天乃錫禹洪範九疇彝倫攸敘

按漢志云禹治洪水錫洛書法而陳之順天而得

河渠紀聞

卷之二

五

其理也鯀陘洪水逆理而天不順也水性就下鯀反塞之水失其性水陘而五行皆汨禹順水之性地平天成得陰陽相協之妙使物各止於其所彝倫所以敘也在天惟五行五氣運行於三才萬物之間質具於地氣行於天以氣而語其行之序則曰木火土金水陳大猷言百物之生其始皆爲水其終皆爲土相生之義也天一生水水陘而木不敷火不炎土不化金不斂故禹治水告成功首列其事曰敷土水平土得草木茂禽獸伏藝穀品金

相因而至也通於人事而有五事五紀八政三德  
之用稽疑庶徵福極之應陽失而填陰原必塞陰  
盛而陽虛水必溢職河防者審人事之通塞驗天  
心之順逆凜當體之休咎綢繆於未事之前敬慎  
於當事之時警惕於既事之後而水自順治水性  
順則人心順而天心亦順矣真德秀曰堯憂洪水  
使鯀治之鯀不能因性順導乃隄而塞之水既失  
性火木金土從而汨亂五行天之道汨而亂之道  
天甚矣禹嗣鯀隨山濬川行所無事而水患平天

河渠紀聞

卷之二

六

乃以神龜負數與之聖人心與天通見其數而知  
其理次爲九疇胡氏言天乃錫禹洪範九疇皇極  
居五以一御八居中制外亦一中而已禹因而順  
之無陽失陰盛之愆所以各得其性也其數連比  
對待縱橫錯綜左右回環而樞紐幹運於中是亦  
自然之序林氏以爲洛出書之說不可深信易曰  
河出圖洛出書聖人則之洛書乃天下之至理禹  
自有可得之道何疑焉

史記河渠書九川既疏九澤既陂諸夏又安功施於

三代自是之後滎陽下引河東南爲鴻溝以通宋鄭  
陳蔡曹衛與濟汝淮泗會於楚漢書溝洫志因其說  
按此河通淮泗之始史志未紀何年敘滎陽引河  
於疏川陂澤功施三代之後自是以下前後界畫  
分明蕩蕩出河起自後世而非禹跡顯然矣後人  
未釋文義膠於淮泗入河必通於汴蔡註有淮泗  
達河濰水通泗之文說文以浮於淮泗達於河鴻  
溝爲貢道所經而實不然禹時泗入於淮淮不通  
江故南來之貢由江達海由海入淮及泗大野既

河渠紀聞

卷之二

七

諸雷夏既澤濟與汶會而由泗入汶以達於河不  
必定出鴻溝也鴻溝一啓而河爲漏卮矣神聖作  
法豈顧出此其謂蕩蕩出河禹殺濞潦而鑿之者  
皆後人之託名也善乎蘇明允之言曰周衰水官  
失職諸侯各擅其利滎陽下引河爲鴻溝枝津交  
絡達於宋鄭陳蔡曹衛之郊由泗入淮者曰汴曰  
睢分枝入淮合汝潁入淮者曰沙別由義成入淮  
者曰過又分流北入黎陽東會濟汶河水之入鴻  
溝者多南北分引大河經流遲貯不能衝刷泥沙

至定王五年河遂南徙宿胥之塞鴻溝實致之千  
六百年不敝之功至春秋一變黃河穿渠之害甚  
於曲防戰國時壅防自利齊趙魏瀕河爲境趙魏  
依山齊地卑下齊作隄去河二十五里趙魏亦作  
隄去河二十五里隄去大河數十里水尙有所游  
盪而又得專守封界河無大決迨後民貪淤田之  
利稍築室宅更起隄防自衛隄去河遠者數里近  
不過數百步壅遏愈甚而河益壞其後秦穿鄭國  
之渠溉田數萬鄭當時卽用以引渭關中及朔方

河渠紀聞

卷之二

八

西河並皆岐山通道分津開支鴻溝旣爲漏卮上  
源更復分流正河日就堙塞蓋引河渭山川之水  
多在春夏乾燥水少之時黃水挾沙而行緩則淤  
墊春末夏初水旣無力而又分之行遲貯淤日久  
漸增水暴至不能容乃隄防之隄加而河愈高何  
異築垣居水也引河爲利卒使河噎不能洩患無  
已時是以善治河者嚴功利之戒惟守東水刷沙  
之法非甚暴漲不輕議分洩誠有怵於濁流之不  
可引矣

周初禹河未改詩周頌般之章曰允猶翕河言効順也

按三王祭川先河後海武王受命時巡懷柔百神  
先及於河道河以周四岳允猶翕河集傳謂河善  
泛溢今得其性故翕而不爲暴也周頌皆出周公  
之手國語以時邁爲周文公之頌良不虛矣周宅  
鎬營洛皆依於河承商屢遷之後禹河經流未改  
禹洛吹澮距川故周公致太平之書詳於溝洫而  
畧於河遂人稻人匠人皆有專掌春令爲溝洫之

河渠紀聞

卷之二

九

利民者遂溝洫澮川以次畢達纘禹纘也古之長  
民者不防川竇澤疏爲川谷以導其氣陂唐汚庫  
以鍾其美故氣不凝滯亦不散越昔共工壅防百  
川墮高壘庫以害天下伯禹疏川導滯鍾水豐物  
旣堙洪塞原灑沉澹災東歸之海使川澤之分不  
汨於洪流猶必盡力溝洫通田間水道吹澮皆入  
於海周公則之以爲田制是以禹安諸夏施於三  
代公際平成通於九野其時大河安流順軌不待  
言矣

淮南子武王伐紂渡於孟津陽侯之波逆流而擊疾風晦暝人馬不相見王麾陽侯而前已而波息遂渡河

按大河自出龍門下砥柱懸崖墜壑之勢奔湧而來孟津當西流之衝波濤洶湧故有河陽三城守險於此視黎陽白馬之津尤爲衝要武王伐商渡孟津而大風起陽侯之波逆流而擊古人謂忠信涉波濤矧大聖人出震繼離生靈托命之身未有不麾之而前者也昔禹南省方濟於江黃龍負舟

河渠紀聞

卷之二

十

舟中之人失色無主禹乃熙然而稱曰我受命於天竭力而勞萬民生寄也死歸也何足以滑視龍猶蝦蟇顏色不變微獨神聖不戚於此卽尋常捍災禦患知厲風節之人臨危不顧其身如王尊守東郡水已及隄尊獨立隄上水卒不侵蘇文忠詩云吏民走盡餘王尊蓋實錄也惟自遺其身而身存不愛其生而生固河工當安危決於頃刻之時司事畏避不前兵夫相視走匿往往誤事觀古賢聖臨難不苟當力任艱鉅而無疎捍禦矣

周禮冬官凡溝必因水勢防必因地勢善溝者水漱之善防者水淫之

按周禮秋官雍氏掌溝瀆澮池之禁春令爲溝澮之利民者利民之道在經野凡野夫間有遂十夫有溝百夫有澮千夫有澮萬夫有川遂從溝橫澮從澮橫以達於川皆所以通水於田也稻人掌稼下地以瀦蓄水以防止水以溝蕩水以遂均水以列舍水以澮瀉水故有瀦以蓄水澮以瀉水而止水必以防者水非防則散漫無收束而不入於遂溝澮澮治溝防必先深之以爲式然後可以傳衆力凡以傳功齊力爲民利也善溝者因水勢而後有建瓴吸川之形水行就下淘刷泥沙所謂水漱之也善防者因地勢而後無湫下居水之患夯礮潑水使其膠結所謂水淫之也治水有大小之不同而爲用則一治溝澮之水引水入田有以蓄之必有以止之治河湖之水必先淫之而後可以漱之周禮致太平之書大指在盡力溝澮通於行水亦得要領盡其精微河運之機宜具於斯矣

河渠紀聞

卷之二

七

尙書洛誥我卜河朔黎水我乃卜灋水東澗水西惟  
洛食

按周公營洛邑中天下定四海承天基命朝貢道  
里適均久安長治卜年卜世於斯而蘇氏謂營洛  
處殷民重遷以河朔爲近便故先卜林之奇亦  
以河朔黎水近於紂都民懷土重遷先卜以悅之  
呂祖謙通其說謂周公求天地之中而商民心在  
近地卜先黎後洛爲先人後已之心黎不吉而龜  
從洛以明公心卽天心說固近是而聖人經緯天

河渠紀聞

卷之二

七

七

下之大用或有不止於是者聖人行事循乎天理  
人情無事委曲瞻顧周書度邑篇云武王問太公  
吾將因有夏之居粵瞻伊洛毋遠天室營洛之意  
其來已久若意在洛而卜黎未必舍洛而從黎也  
大河自出潼關東行千有餘里而至黎仍由宿胥  
口西轉北上黎居河北正當黃河轉曲處爲一大  
折依山帶河白馬黎陽津南北通衢貢道適中形  
勢闊大故先卜都於此未可知也然以公之材藝  
度地居民原隰高下之宜固應瞭然在目河朔在

宿胥之北宿胥迤西引河高地則卜居之必在高  
地可知也其東地下如窪塘灘形西高東下寧不  
慮漲水大至時黃流東傾蕩析厥居而遷就於其  
間卜不吉則止若逆知後世河之必決於是避而  
去之營洛居天下之中營下都居殷民以定命則  
共神明於水土之宜而轉移化裁以利用者未易  
爲後人窺測矣

周幽王三年西周三川皆震涇渭洛竭岐山崩

按洪範水曰潤下氣通於土水土演而爲民用陽

河渠紀聞

卷之二

七

失而在陰下水泉之源絕而川塞土無所演而山  
崩此其徵也國語云西周三川皆震伯陽甫曰天  
地之氣不失其序亂之而過其序陽伏而不能出  
陰迫而不能蒸於是地震三川皆震陽失其所  
而鎮陰也昔伊洛竭而夏紂河竭而殷衰今周德  
若二代之季矣其川原又塞塞必竭川竭山必崩  
國必依山山川崩川竭何以爲國天之所棄不過  
其紀不出十年數之紀也幽王承中興後不修文  
武成康之遺法使天下宗周而乃廢嫡易嗣滌流

王庭驪山召變傷天地之和而亂其序也周之幽厲猶漢之桓靈逆天亂紀斷壞國家元氣永興光和中間河屢溢而未竭而幽尤酷於厲故天垂象明一歲數見不一紀而身滅周乃東遷天人之際微矣天官書曰地動圻絕山崩及徙川塞谿坎水澹澤竭候息耗者司之班志言水北方終藏萬物者也王者望秩山川懷柔百神無不宗事此所以順事陰氣和神人也水不得其性陰氣內涵上陽施而不下通下陰施而不上達則有土崩川竭之

河渠紀聞

卷之二

四

異而況河爲天泉也哉

周定王五年己未當魯宣公之七年河徙大河自平成後至此凡歷一千六百七十餘歲

按禹功至千有六百餘年而一變河之一大變變之始也周譜載河徙不詳所自張燧云河徙自宿胥口世宗其說徙流自宿胥東行漯川逕滑臺黎陽至長壽津與漯別行東逕戚城歷元城貝北平原至成平合漳復歸禹河故道經浮陽參戶至章武入海禹河初徙所行之道也胡朏明謂徙流至

東光南皮浮陽絕八枝而北合徒駭是九河湮廢而後徙也宿胥之徙始於鴻溝之啓成於九河之堙書緯云九河至春秋時猶存齊桓公塞八流以廣土田於是九河爲一鄭康成據以爲言禹後歷商周至齊桓時千五百餘年支流斷絕經流獨行天時人事至此而勢有必窮非獨桓之咎也史記趙世家肅侯十八年齊魏伐趙趙決河水灌之惠文王十八年王再之東陽決河水伐魏卽賈讓所云齊作隄遏水使泛趙魏趙魏亦爲隄以防之曲

河渠紀聞

卷之二

五

防爲患使河旁洩促迫而不得順其性下流之壅淤可知而況鴻溝一洩支津交絡於宋鄭曹衛陳蔡之郊水之入大河者有幾水緩則沙停而淤在下去路必塞雖指言宿胥塞後清河隨淇水至黎陽入河魏武堰淇口因宿胥故瀆而加其功使東北流爲白溝清河之名自春秋前已有之亦足以分河弱流不獨鴻溝曲防之爲宿胥患也朱子言治水只是從低處下手河徙於上流下流之水不殺也九河刷沙敵海本萬世無弊之法然必以時

疏治少有淤積而淘汰之始能束水攻沙暢流行  
遠自商迄周歷年既久安利而忘其所由九河任  
其升沉水至挾沙而入水退沙停不加疏浚日引  
月長所在填淤及冬春水涸之時攻沙無力海潮  
乘之內灌壅遏益遠至滌滌而發太難之端河不  
得復由其道不然聖人爲萬世功豈易改更哉

河渠考周時河徙矜礫王伯厚引程氏言不言所在  
蔡傳宗其說以滎陽漕渠水經所云沛水東過礫谿  
者當之

河渠紀聞

卷之二

六

按周譜定王五年河徙鄴道元水經注程大昌禹  
貢論皆云徙而不言所在或以礫谿在滎陽漕渠  
者相去遠矣漢地理志魏郡鄴縣下注云故大河  
在東北入海河之東徙可知亦未明言所在惟張  
燧言河徙自宿胥口東行漯川錐指宗其說云河  
徙自宿胥口不由大伾山西於其南挾漯東流至  
長壽津與漯別行大河既東徙至長壽津漸於河  
岸築石迫阨之以防泛溢黎陽以東百餘里間激  
河再西三東不得休息此賈讓所欲決之放河使

北也大河自長壽津東北行其東岸爲開州之戚  
城西岸爲內黃縣之繁陽故城繁陽卽春秋之澶  
淵也自此又東北行其東岸爲清豐西岸爲南樂  
清豐卽元光決河之頓邱也大河又東北行出元

城大名冠縣館陶之東又自館陶東北行東岸爲  
堂邑西岸爲清河清平博平清平有貝邱故城卽  
河水北曲三折郭昌更穿直渠不令北曲王莽時  
已空之貝流也禹河在鄴東魏西至是出大名之  
東東昌之西矣又自此折而北其東岸爲平原爲

河渠紀聞

卷之二

七

吳橋西岸爲德州爲景州又自此而北東岸爲東  
光南皮西岸爲阜城大河自東光挾清河之水北  
出東岸爲滄州西岸爲交河其間有合口復與漳  
水合歸禹河東北至天津小直沽口入海河雖徙  
行漯川至成平復合漳水章武入海之道未改周  
末至西漢皆行此道曰北瀆越六百七十餘歲逮  
王莽始建國三年始空行之永久海口暢出如故  
此可知禹功矣

周定王時楚令尹孫叔敖作芍陂溉田萬頃

按淮南子孫叔敖決期思之水灌雩婁之田期思作而荆之土田贍期思陂卽芍陂也陂在壽州安豐城南亦曰安豐塘以水逕芍涇積而爲湖故謂之芍陂周迴二百二十里與陽泉陂大業陂並作首受淠水西自六安龍穴山東至濠州積石東南自龍池山皆注於陂引淠水爲子午溝開六門吐納川流後更開三十六門作減水牯四水漲則開門以疏之水消則閉門以蓄之蓄洩以時支流分注可溉田萬頃史記循吏傳稱敖爲楚相施教道

河渠紀聞

卷之二

六

民上下相和各得其所便民皆樂其生芍陂卽善政宜民之一端然以利貽安豐之民而民得以利其利者惟牯堰爲樞機昔人謂陂塘溝渠天生之利也隄堰牯堰人所治之利也田地高低不齊用水緩急各異愚民盜決河防或宜啓而閉宜閉而啓牯堰不嚴而利亡矣漢唐以後屢勤修治時有廢缺如前時新倉口決引水之河卽淤民不獲利者三十餘年前人制作美意後人不能遵守非法不良所以行法者無人而利固有不盡也

管子度地篇言備害以水爲始請置水官令習水者爲吏大夫治川溝繕隄防

按尙書中候云齊桓公遏八流以自廣其時管仲任政惟水事爲重決水潦通溝瀆修障防安水藏春秋不書河決禹故道猶存豈以塞流自利觀度地治水一則可知已其畧云善爲國者先除五害五害水爲大水之出於山而流入於海者曰經水水別於他水入於大水及海者曰支水山之溝一有水一無水者曰谷水溝流於大水及海者曰川

河渠紀聞

卷之二

九

水出地而不流者曰淵水此五水者因其利而往之可也因而阨之可也而不治常有危殆矣夫水之性以高走下則疾至於澗石下向高卽留而不行故高其上領瓶之只有十分之三三滿四十九者水可走也乃迂其道而遠之以勢行之水之性行至曲必留退滿而後推前地下則平行地高則控杜曲則擣毀杜曲激則躍躍則倚倚則環環則中中則涵涵則塞塞則移移則控控則水妄行妄行則傷人請除害以水爲始置水官令習水者爲



吏大夫大夫佐各一人率部校取水左右各一人使爲都匠水工令之行水川溝當繕治者常以春三月天地乾燥水糾列之時利作土功令甲士作隄大水之旁大其下小其上歲埤增之以固其地水常可制而使毋敗此治水之大畧也其言水性高下平行控擣移塞情形因而扼之極盡精微其取水上行法尤精妙方靈臯云嘗見吳越山溪間行水者以巨竹承泉斜而下注數節之後自相推激盤山踰嶺逆而上行卽此法也高其上者盤曲

河渠紀聞

卷之二

三

通水或用竹木而領項多水處則用瓦器取其多容也斜置通水之器每尺有十分之三減於斜勢也里滿四十九可走者過此亦難扼而行之也近水未有自高注下之地故必迂而遠之乃得就地勢之可行者所云因其利而往之也凡以利民田而制水妄行者如此河工機宜不出於此至引水上行以水役水之法開後來便宜之門巧奪天工又通其理於治人曰治人如治潦水疏其去路俾有歸宿之地事無不治矣

周靈王二十有二年冬十月穀洛鬪

按顧祖禹方輿紀要云周靈王時穀洛鬪毀王宮在王城西自此澗水更名穀水周時澗水在王城西入洛故洛詰云澗水東灑水西灑水亦會於洛漢明帝作千金塢於故河南城東堰穀洛之水會於灑經洛陽城北穀洛之鬪蓋洛合灑澗之暴流以衝王宮也國語曰靈王二十二年穀洛鬪將毀王宮王欲壅之太子晉曰晉聞古之長民者不墮山不崇藪不防川不竇澤夫山土之聚也藪物之

河渠紀聞

卷之二

三

歸也川氣之導也澤水之鍾也天地成而聚於高歸物於下疏爲川谷以導其氣陂塘汚庫以鍾其美故聚不隤崩而物有所歸氣不沈滯而亦不散越是以民生有財用無天昏札瘥之憂無飢寒匱乏之患故能上下相固以待不虞今吾執政無乃實有所避而滑夫二川之神使至於爭明以妨王宮王將防鬪川以飾宮是飾亂而佐鬪也惟懼其何德之修而少光王室以逆天休焉用飾宮以微亂此卽古人遇變修省敬明其德之意固不必

壅水自衛也詩曰敬天之怒無敢戲渝水固不可壅壅之而鬪益甚晉其知言哉

史記吳王闔廬伐楚開堰濱運糧東通太湖西入長江

按左傳楚子西子朝伐吳及桐汭杜注宣城廣德西南有桐水出白石山入丹陽湖由五堰入太湖五堰者林堰分水苦李河堰合余堰爲五皆通於太湖周應合建康志考證余堰卽吳所開以運糧者南唐楊行密據宣州孫儒圍之五月不解行密

河渠紀聞

卷之二

三

將臺濠作魯陽五堰拖輕舸饋糧故軍得不困卒破孫儒魯陽卽余家等堰也自東壩成而中江不復自陽羨入海蓋蘇常承此下流常病漂沒築壩室堰液鐵以固石故曰銀林慮後人復開此道蘇常患水而固其防也由是宜歛諸水悉由蕪湖出達於大江濱湖之地皆隄爲圩田中江亦漸狹隘東坡奏議云溧陽縣之西有五堰者古所以節宜歛金陵九陽江之衆水直趨太平州蕪湖後之商人販賣觶水東入二浙以五堰爲阻因給官中廢

去五堰既廢則宜歛金陵九陽江之水或遇暴漲皆入宜興之荆溪山由荆溪而入震澤語在元祐

六年是時中江尙通其後東壩既成中江遂不復東太湖所受惟荆溪天目諸山水水患大減於宋元時觀吳江長橋迤南水洞頻塞沿隄彌望皆成膏腴其在宋元稍塞蘆葦水卽四溢今無此患西南諸水不入故也至周應合以中江經溧陽爲禹貢三江之一引前漢地志桑欽水經皆云中江逕溧陽至陽羨入震澤下海其自毗陵東北入海者

河渠紀聞

卷之二

三

爲北江從吳縣東南入海者爲南江然顧寧人引吳荃原三江之說以吳仲初吳都賦註朱長文吳郡續圖經及水道奔趣之跡驗之太湖之水自東南分流由湖州諸港滙於鴛脰湖溢於龐山湖陳湖白蜺江澱山湖趨於三泖歸於黃浦出海者曰東江自龐山過大姚經崑山石浦安亭由青浦達滬濱東瀉入海者曰吳淞江自胥口鮎魚口出東北分流繞郡城至婁門東行水勢洪駛無少紆曲經至和塘直下入太倉之劉家港出海者曰婁江

三江承震澤下流禹疏下流以達於海始得底定  
故曰入也建康志三江之說存而不論可也

周敬王二十五年吳行人伍員鑿河自長泖接界涇  
而東盡納惠高彭巷處士瀝瀆諸水後人名其河曰  
胥浦

按胥浦源自長泖而東會諸涇港之水北流會於  
橫潦涇入黃浦歸海吳時子胥鑿以通東江者也  
今東江久涇水歸黃浦吳地志泖湖上中下有三  
西北抵山涇水形圓者曰圓泖爲上泖南近泖橋

河渠紀聞

卷之二

五

水勢濶者曰大泖爲中泖自泖橋而上縈繞百餘  
一里卽長泖也一名谷泖爲下泖上承澱湖凡嘉湖  
以東太湖以南諸水多匯入焉下流合黃浦入海  
輿志松江自湖至海凡五匯四十二灣安亭白鶴  
盤龍河沙顧浦爲五匯江潮與湖水會合之地古  
云九里爲一灣一灣低一尺蓋三百六十里而入  
於海長泖貫其中分流由胥浦歸江大泖東出爲  
斜塘水波流湍悍東匯於橫潦涇與胥浦水合流  
卽黃浦之上流所由以歸海者橫潦涇納惠高彭

巷處士瀝瀆之水同歸一源爲澱山之尾閭北來  
渚港之水統於胥浦故洩水歸海必有事於此太  
史公謂子胥隱忍就功名而觀其興修水利備戰  
守便民裕國爲計久長蓋非苟於事者吳地記越  
伐吳軍於三江口臨江北岸立壇殺白馬祭子胥  
立廟固有國士之目矣

周敬王三十五年秋吳城邗溝通江淮

按此自江入淮之始也東坡書傳云吳王夫差闕  
溝通水江始有入淮之道吳越春秋吳將北伐齊

河渠紀聞

卷之二

五

霸中國掘江通淮自廣陵城東南築邗城城下穿  
溝東北通射陽湖西北至末口卽山陽縣北之北  
神堰夫差所築今自真揚至淮安入淮之道也江  
北淮南地高於水江淮二水之間掘一橫溝兩端  
築隄壅水在溝中舟自南來由江口隄拽舟上溝  
行溝旣盡拽舟下淮江未嘗通於淮是後漢吳王  
濞開邗溝自揚州茱萸灣通海陵倉及如臯礪溪  
鼻以諸侯專煮海爲利鑿河通道運海鹽而已鹽  
艘往來溝中亦足濟運非有南北通津之志通淮

入江也蓋淮南之地南高於北淮最下懼溝水洩入於淮築其兩端亦如設閘啓閉舟至則開舟過則閉北神堰後曰北閘此其徵也至隋平陳後皇甫浚山陽濱始自揚子達六合由山陽濱入淮前此江淮實未通流矣不得以排淮泗注江一語而有異說也

左傳哀公十三年會黃池

按此自淮入汴之道也吳以不稔於歲起師北征闕深溝於商魯之間北屬之沂西屬之濟以會晉

河渠紀聞

卷之二

三

公於黃池今封邱荆隆工之東曰古黃池卽其地禹河南徙後陵谷變遷池臨大河築隄防河隄後有水一泓周遭里許深不可測嘉慶癸亥河決衡家樓卽出其左地在古徐兗之間故曰出於商魯沿淮沂泗及濟通於汴也國語云夫差使告勞於周曰余沿江溯淮闕溝深水出於商魯之間胡朏明謂其沿江沂淮仍用禹貢揚州之貢道邗溝之開水未深廣止通糧道吳人所乘餘皇戈船不能由此濱左傳公會吳伐齊徐承帥舟師將自海

入齊沿江泛海不出邗溝黃池之役越師沿海沂淮以絕吳路亦必沂江而不由山陽濱也隋開皇中山陽濱旣開猶不勝戰艦則邗江至未口之道吳師必不出此射陽南北之水皆以湖爲歸而不能直達於淮不可謂之通淮也

周貞定王六年晉河絕於扈

按水經注河水東北逕卷之扈亭北今懷慶府原武古之卷縣扈亭在其地晉出公時河絕於扈陰盛陽伏之象也是時晉國之政皆決於瑤晉侯不

河渠紀聞

卷之二

三

能制而道亡陽在陰下變極而兆先見沴氣應之瑤之驕橫決晉水灌晉陽謂水可以亡人國水之爲患大矣汾水可灌安邑絳水可灌平陽人皆寒心卒以水力敗瑤軍而殪之陰正其罪天道好還瑤之所以亡人國者乃其所以自亡也水沴之異變通於上下綱目書晉河水赤三日卽於是時不數年龍門河水赤亦如水沴而近火變之甚者蓋韓趙魏三分晉地晉君獨有絳曲沃反朝於三家下賊上異變如此豈獨一瑤哉

周威烈王十三年戊辰晉河岸傾壅龍門至於底柱  
西河東圯也

按穀梁傳成公五年梁山崩壅河三日不流胡氏  
以爲梁山韓國之鎮韓之所以入於晉也春秋書  
大水者屢矣而不及於河河順軌而東北入海故  
一國之史不及於境外梁山以志異而紀之至是  
傾河岸壅龍門至底柱變出非常非一國之事也  
有夏緇命其象先見於伊洛鞏近伊洛桀所居也  
紂都朝歌河水所經黃流告竭陽失而在陰下也

河渠紀聞

卷之二

天

順事陰氣水得其性而氣和土演而生物以爲民  
用失水之性而不潤下土無所演而水泉竭岸必  
傾矣周起於雍河壅龍門至底柱雍州之氣不通  
於中州而河洛穀平堰鞏緇之氣塞西周孤危之  
象著西河所以東圯也其後東河轉而東南河患  
益大黃河之氣上應天漢質在於地氣行於天春  
秋說題辭河之爲言荷也荷精分布懷陰引度也  
水自西來金所生也故三王祭川必先之戰國時  
河水潰岸崩壅蓋亦無幾秦漢以後河始爲世大

患賈讓言戰國壅防自利利其填淤肥美民耕爲  
田或久無害稍築室宅遂成聚落水至漂沒則更  
起隄防以自救稍去其城郭排水澤而居之龍門  
山多土少不如趙魏之瀕河而壅龍門至底柱水  
積而愈高有在山之勢患不獨在沿河居民春秋  
後河患見於史傳者始此志變也

魏文侯時西門豹爲鄴令發民鑿十二渠引河水灌  
民田

按括地志橫渠首接漳水西門豹所鑿之渠也豹

河渠紀聞

卷之二

元

堰漳水以溉民田使瘠者成腴利溥而澤長鑿十  
二渠分引支流田皆得溉遠近同沾所謂行而宜  
之與民宜之也然史稱豹當治渠時民以煩苦不  
欲豹曰民可與樂成不可與慮始今父老子弟雖  
患苦我然百歲後期今父老子孫思我言至今皆  
得水利民人以給足後長吏以十二渠絕馳道欲  
合三渠爲一橋鄴民人父老不肯聽以爲西門君  
所爲也賢君之法式不可更也長吏終聽置之故  
西門豹爲鄴令名聞天下澤及後世前時議者以

西門豹至鄴人不敢欺引魏文帝三不欺之論謂豹以威化御俗然至民享其利功施於後世不能忘亦非獨以威化也後史起爲鄴令亦引漳水富鄴左思所謂西門溉其前史起濯其後者利適相同惟有豹與起之力而後得有渠之用後世各私世業人異其心力不能齊而堰牯不守矣漳水溢入衝蕩無時膏腴變爲沙積豈古人立法之不善哉行法無人而咎法無是理也

竹書紀年梁惠成王入河於甫田又引而東

河渠紀聞

卷之二

三

按世傳禹塞滎澤通渠於甫田其後河絕旃然入爲滎水又謂禹鑿鴻溝通河於汴皆臆說也水經謂河至滎陽滎蕩渠出焉渠至陽武其下爲沙蔡水是也其出爲陰溝至浚儀其下爲渦別爲汜汜至蒙別爲獲餘波迤於淮陽東歷彭城入於泗引河之說皆起於後世禹未嘗鑿而塞之也河渠書云自禹後滎陽引河爲鴻溝通宋鄭陳蔡曹衛與濟汝淮泗會於楚是引河在禹後非禹通之也梁惠成王入河於甫田又引而東卽由是道矣自漢

末河入於汜灌注兗豫永平中導汜自滎陽河別由東北至于乘而河復於是汴渠出新渠之南所謂絕河而受索自此始蓋河出東北汴歸東南分道並行而不相值也隋開皇中因漢之舊導河入汜大業初合河索於通濟渠別由東南入於淮而故道竭汴於畿爲白溝於宋爲長沙於單爲石梁於徐爲汜而入於南清南清故泗也卽引而東者也入河於甫田引河不自梁始梁特疏而入之耳蓋自河徙磧礫以後禹跡漸移至入甫田而東大河渠紀聞

卷之二

三

非文命之舊矣

竹書紀年梁惠成王十二年楚師決河水水出長垣之外

按水經注河水舊於白馬縣決通濮濟黃溝戰國策蘇代說燕曰決白馬之口魏無黃濟陽決宿胥之口魏無虛頓正漢王橫謂秦攻魏決河灌其都決處遂大不可復補宜徙完平處開空使緣西山足乘高地而東北入海是明言決水之地近西山在白馬宿胥間也楚師決河當在此凡盜決必於

大溜頂冲坐灣處乘勢引入力大易決河至黎陽  
一大曲正當曲注初轉之灣逆折湍流有壅潰之  
勢一決則吸川建甌出大梁之北入鴻溝壅滎川  
黃濟陽近濮虛頓工近衛皆大梁地由白馬宿胥  
下注正當其衝所引皆大河之經流經流既去餘  
流填淤非特爲患一時而爲千萬世禹河之罪人  
不獨一王賁也漢興以後東都數十年之橫潰胚  
胎於此至決大不可復補日引月長而患流於後  
世矣

河渠紀聞

卷之二

三

秦孝文王元年李冰爲蜀守開成都兩江溉田萬頃  
按成都兩江卽江流江也史記蜀守冰鑿離堆辟  
沫水之害穿二江成都之中渠皆可行舟有餘則  
用溉浸百姓享其利至于所過往往引其水益用  
溉田疇之渠以萬億計川志云冰行部至湔山見  
水爲民患作石人三石犀五鎮江流後作離堆以  
障沫水穿石犀於江南命之曰犀牛里壅江水作  
堰由湔棚入郫江檢其左其正流遂東郫江之右  
也因山頽水坐致材木以溉諸郡功省用饒又自

湔堰上分穿羊摩江灌江西於玉女房下作三尺  
人於白沙郵立水中水渴不至足盛不沒肩蜀人  
早則藉以爲溉雨則下遇其流故記曰水旱從人  
不知饑饉謂湔堰爲都安堰分流溉灌三郡廣開  
稻田堰旁設護岸籠石附岸水不壘土而渠可堅  
久於是蜀沃野千里世號陸海謂之天府又通笮  
通汶並江臨邛與蒙溪分水自木江會武陽天社  
山下爲合江時青衣有沫水出蒙山下伏行地中  
會江南安觸山脇湔崖水脈漂疾破害舟船冰使

河渠紀聞

卷之二

三

發卒鑿平潤崖通正水道又導洛通山洛水或出  
瀑口經什邡郫別江會新都大渡又有綿水出紫  
巖山經綿竹入洛東流過資中會江陽皆溉灌稻  
田膏潤稼穡故蜀人稱郫繁曰膏腴綿洛爲浸沃  
也又識齊水脈穿廣都鹽井諸陂於是蜀有養生  
之饒焉後數十年文翁於文帝時守蜀教化大行  
士風埒齊魯又以民生惟食爲重乃由湔洩口分  
疏水二道灌田二千餘頃民受其賜如李冰稱蜀  
守者曰李曰文然冰非翁匹也翁以德化民冰以

水利民太史公詳敘文翁作禮殿立石經招下縣子弟入學爲學官弟子人皆欽其德教而畧於治水一節紀冰穿江溉田利民之事而終以未足悉數豈所重不在是而詳畧互異與然瞻蜀之岷山而大其功自有不可沒者矣

史記秦本紀始皇帝二十三年王賁攻魏引河溝灌大梁大梁城壞

按此卽智伯決水灌晉陽作俑之禍始也水之害不一莫大於決水決水之禍烈莫酷於決黃河之

河渠紀聞

卷之二

三

隄以灌城戰國策蘇代云秦告魏曰決滎口魏無大梁水經注濟水自陽武縣故城南又南逕封丘縣南又東逕大梁城北古職方之滎川本濟水所出後世引河爲鴻溝由城北出者爲梁溝秦使王賁攻魏竟用代說決南涯引河溝灌大梁壞其城太史公曰吾適故大梁之墟墟中人曰秦之破梁引河溝而灌大梁三月城壞遂滅魏秦方平海內而橫開河隙綱目書秦引河溝重河隙開於秦也昔智伯引汾水灌晉陽水不浸者三版城完如故

及軍退水洩而城圯水盛城倚水頂托水洩則城

無所倚而圯矣物理本如是水固足以亡人國也

而秦用以滅魏開後世寸金旋朱家寨之禍始引

鴻溝入淮泗使河爲漏卮啓後世南清河北清河

之前導前此大河溢溢河魚大主平地至此復引

河溝直與河爲難矣史記言賁攻魏引河溝河溝

卽陰溝也會子固集稱陰溝分河於滎澤下至浚

儀西北復分爲二其後或曰鴻溝或曰蕩蕩或曰

浚儀渠或曰石門渠東合濟水與河渠東注至敖

河渠紀聞

卷之二

三

山北兼汴水又東至滎陽北旃然水東流入汴滎陽西有廣武二城汴水自二城間流出濟水至此乃絕溝水合汴東行河溝自周時已有之而賁斷故渠引水出縣南不逕其北遂目陰溝爲蕩蕩渠亦曰鴻溝其後用以通運晉太和中桓温通之不果義熙間劉裕濬之始有湍流奔注以運漕至皇甫誼大開起滎陽直入淮分流太甚大河乃屢徙而南也

秦作鄭國渠



按自魏史起引漳水灌邺其後通渠溝言水利者  
後先相望韓人懼秦之出關也思以事罷役無令  
東伐迺使水工鄭國間說秦令鑿涇水自中山以  
西抵瓠口爲渠並北山東注洛三百餘里欲以溉  
田瓠口卽池陽谷口洛水卽漆沮水也工作而覺  
其謀惡鄭國欲殺之鄭國曰始臣爲間然渠成亦  
秦之利也臣爲韓延數世之命而爲秦建萬世之  
功秦以爲然卒使就渠渠成而用溉注填闕之水  
溉烏鹵之地四萬餘頃收皆畝一鍾於是關中爲

河渠紀聞

卷之二

美

沃野無凶年秦以富強卒并諸侯名其渠曰鄭國  
渠在雲陽縣地始皇之初鄭國穿渠引涇水溉田  
水經注沮水東注鄭渠並東南入渭涇渭合流入  
渠杜佑謂自秦迄漢鄭渠尙溉田四萬民用饒其  
後秦李冰造大壩壅江水作石犀五穿渠於南江  
指渠口爲雲門灑泥池爲陸澤分散膏液如離畢  
之滂沱名其所穿之石犀渠曰犀牛里又不獨鄭  
國之渠矣

秦始皇三十二年使將軍蒙恬北擊匈奴飛輓天下

芻粟轉輸北河

按此由海道輸北河也秦運糧攻匈奴飛輓天下  
芻粟起於黃腫琅邪負海之邦達於北河是海運  
秦時已有之矣史記秦西北逐匈奴自榆中並河  
以東屬之陰山城河上爲塞又渡河取高闕陶山  
北假略取河南地西北苦寒不產五穀軍行乏芻  
粟飛輓擾及天下海道險遠更兼陸運率三十鍾  
致一石管子云粟行三百里則國無一年之積粟  
行四百里則國無二年之積粟行五百里則衆有飢

河渠紀聞

卷之二

卷

色言路遠而難致也凡遠地輸將賦一錢而費數  
十錢所得甚少所苦甚多而秦不卹民力以求不  
耕不臣之地所謂利一而害百也至轉輸於負海  
之邦肇興海運後世由其道害民病國其可爲常  
法哉

河渠紀聞卷之二

河渠紀聞卷之三

漢高皇帝五年漕轉山東粟以給中都始以輓輸為漕運之法

按秦漕運由海道輸朔方致負海之粟資以行師漢興轉漕山東循河而西悉由內地挽運歲漕不過數十萬石張良始以漕輓為國都之利言關中阻三面而守河渭漕輓天下西給京師諸侯有變順流而下足以委輸而其時什五稅一湯沐奉養悉資山川園池市井租稅之入不領於天下之經

河渠紀聞卷之三

費故歲入數十萬石而已足自漢初以來資淮南為奉地不專藉山東賈誼疏稱天子都長安以淮南東道為奉地古者天子地方千里中之為都輸將繇使遠者不在五百里而至公侯地百里中之為都輸將繇使不在五十里而至輸者不苦其繇繇者不傷其費故遠方人安秦輸將越海上而來數萬人負擔饋糧苦累無底至高祖始變其法而漢自武帝後官多役眾漕轉山東粟猶不足給故當時議開漕渠資其利益邱文莊言國用贏縮在

用費之奢儉不在漕運多少也

漢興三十有九年至文帝十二年河決酸棗東潰金隄是時河經延津城北十七里古酸棗也於是大興卒塞之決塞後河水安瀾者三十六年

按是時河水已入鴻溝蕩蕩出河經流仍北去轉漕河上築甬道屬之時無大患至是河決酸棗澗水出酸棗首受河者也桑欽水經云瓠子河出東郡濮陽縣過廩邱為濮水濮水受河於酸棗時引以通流故有酸棗之決決水漫東郡建瓴直下一

河渠紀聞卷之三

二 瀉千里黎陽白馬間彌原滿野所謂行平地數為敗者即其處矣漢時有都水長丞主陂塘灌溉保守河隄愚民罔知大體水官不慮久長智計者爭言利以誣其上而不顧所安平時資水為用至大汎水漲引瀆成患迨既決復塞受災已重勞費不貲然於其初起而急治之瀆未全壘決河尚未衝成經流不奪設法廣集夫料相機收束早爭一日之功抵異時十倍之力酸棗雖失於事前事後補救塞不待時迅致底績人力之克齊也抑其時承

平日久河槽淘刷寬深決水雖去正河猶有餘溜  
暴流不得展其勢故得一舉成功與

漢武帝建元元年河水溢於平原

按自酸棗塞後安流二十餘年至是復溢於平原  
史書河溢而不言塞者溢而未決也是時歲大饑  
人相食顏師古謂河溢之處損害田苗也水溢害  
稼災與決同而不復塞者大河當承平日久水由  
地中行遇非常異漲出槽漫灘及水落而仍歸於  
槽隨時修治以土塞之自定故河平久而水急洶  
河道紀聞卷之三  
三

沙以水治水也已決復塞而東水攻沙以人治水  
也以人治者不如以水治之安而可久至決久不  
塞水不得復歸於槽數十年安流之河一旦廢壞  
爲可惜也

武帝元光三年春河徙頓邱東南流歷畔觀至東武  
陽奪漯川之道東北至千乘入海其夏自長壽津溢  
而東決瓠子注鉅野通於淮泗汎郡十六使汲黯鄭  
當時與人徒塞之發卒十萬救決河隄塞輒復壞費  
不可億計泛濫二十四年

按此大河南徙黃水入淮之始河之一大變也河  
初徙從頓邱改流復溢而東南注鉅野通淮泗是

時河已南去北濱流微漯亦涸頓邱決口挂淤輦  
土填實不以塞決計故史第載瓠子塞決始末而  
不及頓邱之塞徙河入千乘自北漸轉而東併徙  
周秦已來之道變起於引河入渠瓠子通河而決  
亦猶酸棗之決以濮水也瓠子河出東郡濮陽縣  
爲濮水瓠即濮也武帝時通流如故不復戒酸棗  
覆轍以至失機其始因勢導流爲苟且計繼乃竭

河渠紀聞卷之三

四

數十萬人之力暴露原野不能與水爭衡倉卒難  
以應變輒諉爲天事未易以人力制悖亦甚矣是  
時丞相田蚡邑食鄒鄒居河北利河南徙陰沮止  
之望氣用數者亦以爲言以武帝之明而不能燭  
也於是久不復塞而時方北擊匈奴取河南地封  
狼居胥司農經用告竭又穿渠引渭通漕溉田肥  
關中地引汾溉皮氏汾陰引河溉汾陰蒲坂穿洛  
溉重泉引洛水至商顏通褒斜道越底柱引山東  
漕入河下渭轉漢中之穀致褒斜材木竹箭之饒

功利中於人心而不知黃水之爲患鄭當時塞河無功而穿渠番係莊熊張湯之徒並承意阿諛是以不復事河非獨田蚡一言遂得阻止望氣用數者亦陰有使之蔽其明者矣及至底柱敗漕河東渠壞井渠無饒褒斜之道水湍石不可漕煩費無效而河壞二十餘年比歲不登民皆流亡梁楚之間多故於是始怵然恐懼親臨決河悼功不成作瓠歌至燒蕭條薪不屬頽林竹槿石菑極於無可奈何乃謂知於封禪悔亦晚矣太史公曰甚哉水

河渠紀聞

卷之三

五

之爲利害也余從負薪塞宣房悲瓠子之詩讀其詩想見其時事信可悲也急功市利之心重而忘其害有大於此者矣治之不效而畏惜之坐受其害而忘其後有大不利者矣意所偏注智有時昏瓠子不塞之謂也橫流二十餘載地不得寧人無所得食北瀆流日微濕川水涸南清河迤北溝渠淘刷寬深駸駸有南遷之勢兗豫梁楚間蕭然億矣程子言漢火德多水災唐土德無河患五運常道固然然酸棗一決卽塞安瀾三十餘年之久瓠

子經年不閉橫流二十餘歲之多此人事之乖違非天行之序愆也班固謂文湮棗野武作瓠歌易歲則治之棗野固難與瓠歌比類共道矣自三代以來中國河患未有甚於此時者

漢武帝元光六年春穿漕渠通渭

按瓠子之役鄭當時董其事與人徒塞之已塞復決費壞不可億計司農告匱於是更進穿渠之策引渭便漕上言異時關東漕粟從渭上度六月罷而渭水道九百餘里時有難處引渭水穿渠起長

河渠紀聞

卷之三

六

安南山下至河三百餘里徑易漕度可令三月罷渠下民田萬餘頃亦資灌溉便漕省卒益肥關中地得穀倍多於是發卒數萬人治之三歲而通稍得便益是時海內虛耗歲漕六百萬石不給於用河東守番系言漕從山東西歲百餘萬石更底柱之艱敗亡甚多而煩費宜穿渠引汾溉皮氏汾陰下引河溉汾陰蒲坂下度可得五千頃盡河堧棄地民芟牧其中今溉田之度可得穀二百萬石以上穀從渭上與關中無異而底柱之東可無復漕

上以爲然發郡縣丁卒作渠田數歲河移徙渠不利田者不能償種久之河東渠田廢子越人以越人習於水田也山鄉沙土疏漏不能蓄水成田汾流出山之水洞漩陡急所在衝刷東坍西漲移變不常善治不能爲功食貨志先是河決灌梁楚地緣河之郡隄塞河輒壞決費不可數計番系欲省底柱之漕穿汾河渠以溉田而不知其不得用也鄭當時爲渭漕回遠鑿漕直渠自長安華陰北至朔方作者數萬人歷二三期而功未就費以鉅萬

河渠紀聞

卷之三

七

計亦猶是矣迨後昭帝治事減徭薄賦免漕三百萬石天下冥然盈虛多寡所由來不在彼而在此也

漢武帝元鼎六年內史兒寬奏穿六輔渠平繇行水以盡地利  
按史記河渠書宣房後言水利者朔方西河河西酒泉皆引河及川谷之水汝南九江引淮東海引鉅定泰山下引汶水關中穿六輔渠猶是也川氣之導澤水之鍾疏導以通川澤之水入於畎遂溝

洫氣不沉滯而民用饒所爲盡力也自秦開鄭國渠注填闕之水溉烏鹵之田關中爲沃野後有作者猶用此法內史兒寬請鑿六輔渠以益溉鄭國傍高仰之田渠在鄭國上流南岸開六渠以輔灌溉今雲陽三原兩縣界中之渠鄉人名曰六渠亦曰輔渠如河渠書所云關內輔渠靈軹是也武帝大興水利以左右內史川原甚廣細民未知其利兒寬仰承風旨爲通溝瀆蓄陂澤以備旱乾帝謂曰農天下之本也泉流灌浸所以育五穀也定用

河渠紀聞

卷之三

八

水之次立法令以廣溉田蓋使地無遺利人無遺力因以爲利如此然其時瓠子猶未塞也六輔渠一隅之利也瓠子決河南北五郡十郡之害也治小而遺大習近而忘遠好大喜功而不恤民艱瓠子之歌曰不封禪兮安知外豈真不知哉  
武帝元封二年封禪還自臨決河使汲仁郭昌發卒數萬人塞瓠子決下淇園之竹以爲榿沈嵩陽之石以爲基沈白馬玉璧齋心罪已令羣臣從官自將軍以下皆負薪寘決河悼功不成作瓠子之歌於是卒

塞瓠子築宮其上名曰宣房瓠子塞後濮水始不通河

按史記河渠書自河決瓠子後二十餘歲因以不登梁楚地尤甚東郡燒草柴薪少不得不下竹沈石與水一決也大河遷決經時高岸深谷顛倒異變水跡難以分明愈久而愈不可束異時全黃南徙開釁於此以武帝之雄畧使專事河防不難復故乃因循廢時坐使沃野化爲鯨波至比歲不登民飢爲患始起而塞之而二十年中河之顛倒

河渠紀聞

卷之三

九

橫決溢溢四出曹濮以南竟成大壑遂至奪泗而南矣嘗考大伾迤北地勢廣衍大陸迤下又鍾水之區乘建瓴之勢注沮洳之鄉就下行疾焉能以涓涓泗流引瀟南趨至歷時既久新衝淘刷深闊潦水大至河之經流隨之其勢然也禹河由此而壞壞至不可卒復漢武實胎其禍不能爲之辭矣瓠子之歌云吾山平兮鉅野溢鬻桑浮兮淮泗滿滔天水勢不減堯時西京雜記云瓠子河決有蛟龍從九子自決中逆上入河潰沫流波凡數十里

豈亦有數存其間耶

史記河渠書武帝塞瓠子導河北行二渠復禹舊跡按宣房功成導河行二渠正流全歸北瀆餘波仍入漯川此復歸當時未決以前故道實非復禹跡也禹河由宿胥北行出內黃安陽之間武帝所導之河東行漯川卽定王時徙河至成平以下始入禹河其時以北瀆爲禹河而不知非西山故道也胡朏明禹貢錐指謂武帝雄才大畧足以有爲若移其征伐四夷神仙土木之費以復禹河故道當

河渠紀聞

卷之三

十

亦無難而竟不及此疎於討論執北瀆爲禹河使禹跡不復爲可惜所言近理抑由當時事勢之未易卽復也河決於元光三年初徙頓丘復決濮陽去元封二年塞決時已越二十餘歲始以田蚡言久不事塞河初改流奪漯入千乘復溢而東決於濮陽注鉅野通淮泗南北分流至二十餘年南下之河日洶日深北入之水漸分漸微宿胥西山之故大河淤厚路修無論疏浚費鉅而二十餘年新衝之河掣漚難返埽埧不能立況自定王五年至

此已閱五百餘歲故大河至成平千有餘里帝方憂黃金不就國用虛耗而欲猝舉歷久未舉之工誠知其難也北瀆流行數百餘年新淤易浚引決河歸入故瀆餘流由漯川東行此因利乘便補偏救弊之不得不出於此者言之非艱行之惟艱未可輕議古人也是時河決日久梁楚之地數困緣河之郡隄塞河輒決費不可勝計至是正流歸北瀆餘波入漯川頓止不勞而塞梁楚復寧然自千乘之道啓河於是向東之勢矣

河渠紀聞

卷之三

七

太始二年秋穿白渠

按宣房既塞希進用事之人爭言水利白渠者趙中大夫白公奏穿之渠也引涇水首起谷口尾入櫟陽注渭中袤二百里溉田數千頃民以爲饒前此嘗穿渭渠矣用鄭當時言穿渭爲渠下至河漕山東粟徑易既渠下民田萬餘頃利同白渠然利在田而河則病矣雖指云穿渠引水非古也自溝洫之制廢灌溉之事興渠分大河之水行遲貯淤河身日高水暴至不能容漢人知此者鮮是時涇

河經渠水淘刷日久河底低深水不能入渠白公於上流較高之處別開渠口自上而下接引灌注功成人樂其利而爲之歌曰田于何所池陽谷口鄭國在前白渠起後舉雷成雲決渠爲雨涇水一石其泥數斗且溉且糞長我禾黍衣食京師億萬之口白渠之歌起後有作者皆遵用其法惟有移高渠口以濟一時者矣

漢宣帝地節元年奏奪廣陵王射陂葑田予貧民

按郡國書云射陂卽射陽湖田可耕芟葦可發奪

河渠紀聞

卷之三

七

山陽之利以子貧民射陂之水利固大也射陂一名博支河長三百里與鹽城寶應分界淮安東西諸水皆匯於湖中復灌輸於淮以入海而湖沙溢入淺淤過半芟葦入湖卽沙淤之田也凡山陽之水西流者由阜陵湖入淮湖水盛則由青澗高良二澗循三汊河入洪澤白馬諸湖中間管家湖運河由莠花溝十字亭溝及故城等河入射陽湖射陽湖自南而北折而東又折而西屈曲回旋凡瀆河馬邏港太倉浦等四十水四面奔趨皆會於射

陽湖由故晉口至喻口廟灣口入於海者常也水極大亦由石礎以出口者不常也鹽城之東其水由海浦伍佑新興東入於海不與內水通西南之水若小海大縱馬鞍魚鱉得勝諸湖官鹽蘆溝界汭諸河及東西塘河新舊運河與新揚侍其之水西入射陽湖至縣東北石礎口入於海石礎口北距廟灣口廟灣口地高石礎諸水不能至石礎口地高射陽湖水小亦不能至其間岡門塘橋新河廟洋麻港諸渠開通亦可暢其流石礎界河者鹽

河渠紀聞

卷之三

三

城興化分界之河也興化之水其半由鹽城界輸於石礎其半由高郵入鹽城若高鹽之水道不通則興化漫射陽之利害在寶應者與山陽同射陽在射水之陽陂即塘也山陽陂射陽則可灌可漕射陽在上流不可陂堰壞陂亦無益惟陂於山陽有大利而無害然射陽所以疏淮安東南之水者通塞關係甚鉅湖沙日至黃水數漫葑田益廣水道日塞今淮安通射陽之大港惟涇澗二河涇河距城五十里澗河上通城河下迄於海魚鹽之利

柴米出入胥由於此廟灣石礎諸口今尙通流惟自劉均溝以上百有餘里至菊花溝半就淤淺通菊花溝諸水以利民生爲今日之急務菊花溝明海運出洋大港卽今之澗河也

漢書溝洫志宣房塞後河復北決於館陶分爲屯氏河東北經魏郡清河信都渤海入海廣深與大河等因其自然不復隄塞屯氏河與大河並行大河在東屯氏河在西屯氏河又自信成縣分支爲張甲河東北流至蓇縣入漳大河又自靈縣分支爲鳴犢河東

河渠紀聞

卷之三

四

北流至蓇縣入屯氏河四河並行凡七十二年按屯氏河分流北出今館陶西之衛河卽古屯氏河故道也孝武塞瓠子引河入北濱分行漯川因頓邱之衝隨流轉徙大河南北分流日久下源填淤反壤新開之河冲刷不能深廣水無所容未幾果決館陶自沙邱堰南汜爲屯氏河館陶東北濱河諸郡時有漫溢而兗州以南六郡無水憂漸有就下之勢矣屯氏行七十餘年地勢居高分殺水勢道里便宜清河以下承河下流土壤輕脆易去



建瓴直趨又得大河並行鳴犢匯流故久而不害  
惟屯氏河北有三曲河一曲則一衝衝則成險下  
流之水反紆緩而停滯宣帝地節中郭昌於曲處  
穿渠裡直東郡不令北曲當時咸以爲利越數歲  
河更從第二曲間南合曲勢斜直貝邱水復不利  
時復議穿渠東行不果治河逢灣取直使其流行  
迅疾刷沙有力沙不中停河底日深始能行之久  
遠若修治不豫全河之力聚於曲灣曲久生變滿  
濞乘之爲難壅而必潰屯氏河所以不能有終也

河渠紀聞

卷之三

五

漢元帝建昭中南陽太守召信臣創建鉗盧陂於穰  
南築堰開六門又開渠於唐州歲增良田數萬頃  
按南陽唐鄧之間漢置陂堰東西散布惟鉗盧陂  
召堰爲最大渠堰障水溉田引用消河之水其源  
自嵩縣雙鷄嶺東南流經南陽新野會梅溪澗灌  
澗水留山黃渠栗鴉泗潦刁等河與泌水合南至  
襄陽入漢江其水有四堰曰上石谷馬陵港蟻堰  
沙堰引溉民田又築昆水三堰上堰在葉縣西南  
中堰在縣東下堰在縣東北其在唐縣者曰召堰

鉗盧陂曰玉池澤皆障水泉廣灌溉得水田三萬  
頃又開六門陂於鄧斷澗水立穰西石碣引灌穰  
與新野涅陽五千餘頃歲增良田四萬餘頃以利  
農民史稱信臣爲人勤力有方畧好爲民興利務  
在富之躬耕勸農出入阡陌止舍離鄉亭稀有安  
居時行視郡中水泉開通溝洫起水門提閘凡數  
十處以廣灌溉歲歲增加多至三萬頃民得其利  
蓄積有餘又爲民作均水約束刻石立於田畔以  
防分爭居民利之名其渠堰皆曰召越六十餘歲

河渠紀聞

卷之三

六

杜詩遷南陽太守建武七年詩至官仿召臣遺跡  
修復其業治陂池廣拓田土分疆刊石使有定分  
激用溼消諸水以浸原田召渠乘高瀉水類關中  
鄭渠撥用夫役深濬東西中三渠增廣良田廣種  
稻禾民深得其利時以詩方召信臣爲之語曰前  
有召父後有杜母亦可謂入人之深矣周官稻人  
掌稼下地首言治水蓄蕩舍瀉之法皆用溝洫三  
代時溝洫皆水利也漢賈讓謂多穿溝洫以益民  
田唐宋以後代修召杜之業爲利甚溥熙寧中陳

世修請於唐州石橋南北岸累石爲虹橋駕淮水入東西召渠灌注九子等十五陂使二百里間水利均浹然其後日漸堙沒原流田數萬頃者或溉不及萬漸及數千或在近地溝引河濱水涸灌田千百畝而已築堰疏渠引灌民田之大局至今已爲迂論其故何哉地有遺利民無餘力沙石衝蕩日久遺跡止存一二費鉅利微有積重難返之勢人各治己業此疆彼界隔礙難行惟有隨時隨地設法調劑因民所利與民宜之則實惠在民矣

河渠紀聞

卷之三

七

元帝永光五年河決清河靈縣之鳴犢口而屯氏河絕決河東北出爲屯氏別河至平原南分爲二北由陽信故城東注於海南自平原城北首受大河故瀆東出亦謂篤馬河至陽信故城東北入海

按清河郡靈縣鳴犢口卽今高唐州地決河東出之道也河自沙邱堰汜爲屯氏不復決而南橫流向東上流數決南來之路已塞北上之流復不暢不得不支分東出迨屯氏河絕鳴犢口復決而東一川受數河之水歲增隄防終不能洩屯氏絕流

未久易浚所居地得高勢自高趨下水道峻利當浮沙新淤之時浚歷久深通之河功不勞而患可弭計不出此而坐視就湮之支渠納百川滙流之大水難矣崔楷言兩川分流東北數郡尙得支存及下通鳴犢水大渠狹衆流壅塞爲患於是黃水祇行於館陶東出高唐平原濟北棣濱一道三十年內湍流迴注浩浩洋洋泛濫不止而時不爲思患預防之道方宴然計及度支踵瓠子之故轍其謂之何大名志府治東有屯氏故河卽建始中所

河渠紀聞

卷之三

六

決之河亦名屯氏別河皆分出於館陶而在元帝時經魏郡清河入渤海者屯氏河也成帝時泛充豫入平原千乘者屯氏別河也

漢成帝建始四年大雨十餘日河復決館陶及東郡金隄泛濫充豫入平原千乘灌郡四縣三十二命大司農調均錢穀存給所灌之郡發河南以東漕船五百艘徙民避水

按治河必究其源圖治於廢壞之餘尤當權其輕重緩急扼要施治然後可以達事之變通事之窮

許商能治尙書而不能治河以古例今不達於事也初清河都尉馮逸言郡承河下流城郭所居尤卑下土壤輕脆易傷頃所以濶無大害者以屯氏河通兩川分流也今屯氏河塞靈鳴犢口益不利獨一川兼受數河之任雖高增隄防終不能洩霖雨旬日必盈溢靈鳴犢口所在處下雖令通利猶不能爲魏郡清河減損水害屯氏河不流行七十餘年新絕未久其處易浚又其口所居高於以分殺水力道里便宜可復浚以助大河泄暴水備非

河渠紀聞

卷之三

九

常當時皆是其言瀕河之民寒心於北決五郡南決十郡之病咸引領望治而時以博士許商善算能度功用遣行視覆稱屯氏河盈溢所爲方用度不足可勿浚遂止不治至是河果決於館陶壞東郡金隄泛濫南北此不究其原崇虛語而疎於防患也方館陶初決時水及東郡金隄未沒三尺百姓惶懼奔走郡守王尊廬居隄上身當水衝以安衆心吏民復還就作水不爲災惟其誠也許商無實心任事之誠引經飾辭坐失事機而不恤良可

傷已是時漳水之東大河之西三百里間枝津交錯莽如亂絲自魏州北逮信都清河皆在徒河東畔河流東侵竟域出齊界聊城之西趙武靈王謂吾國東有河與齊共之賈讓謂齊與趙魏以河爲界者皆縱橫錯出於亂流中靡有定向鳴犢新衝之渠勢不能久安長壽津以北故道旣空水無所出譬諸投吳未可歸蜀無路河事敝壞至此禹迹蕩然卽欲尋西山之路循北出之瀆亦有積重難返之勢殆西京之末運使然與

河渠紀聞

卷之三

十

成帝河平元年春以王延世爲河隄使者塞河決三十六日隄成改元河平後二歲河復決平原流入濟南千乘敗壞半建始時按治河患在於審勢先推患所由致之故而亟圖之患在上而所以治患者在下則勢在下也當疏其流以順其性延世職河隄就決治決以竹絡長四丈大九圍盛小石聯舟夾載而下之逾月功成而未悉全河之大勢屯氏之絕上潰下淤塞其歸海之路而水止不行也鳴犢口一支流耳其不能

受全河之水利勢所必然爲河計者宜先後下流以通去路然後從而塞之始可以計久長延世罔識大體塞決而不知決之所由來通水而不審水之於何去就隄治隄遇決治決懼薪之不勝水而負之以石知水之能激石而閉之以絡館陶數決之地其下必湍流爲潭其上必反壤成陸非可以隄壩挽之使回更非可僥倖於水涸程功而忘汎時之千里一壑也不計及此而株守斷岸目盼亂流俟潦盡時苟且成事天子嘉其能謂長於計策

河渠紀開

卷之三

三

功費約省用力日寡初不知其不旋踵而覆敗隨之也及河復決平原議者皆以河經數決水勢各異宜博議利害專任一人非法而時狃於功利任用不改延世再往築治塞決如故費更不貲後河溢不止受害半建始時賈讓言治土防其川猶止兒啼塞其口啼止而斃可立待其言雖於陂澤障川之理未足然以語延世不能順水之性而獨崇防無異止啼塞口不斃者幾何矣

鴻嘉四年河溢渤海清河信都灌縣三十一敗官民

廬舍四萬餘所水患數倍於前決平原時議開隄引入篤馬河不果遂止不塞河自元光以來迄永平之世東都橫流不息爲患八十餘年

按天下有同事而異用者緩則論其常急則論其變拯溺天下之至急者也溺至東郡平原清河等郡之數決急之尤者也知其急而治之患崇虛語無實行崇虛無實之弊有二圖慮本不深遠而好爲高論襲古人已往陳跡遺當前至計其失則欺或有亟應施行之事明知當然衆共屬之而遷延

河渠紀開

卷之三

三

坐廢其失則慢慢而濟之以欺河所以卒不能平也渤海信都之溢丞相御史白遣許商行視孫禁議冀平原金隄開通大河令入篤馬河行五百里卽至海地近溝深水道峻利涸出美田償所開傷民戶田廬省吏卒治隄救水歲三萬人因利乘便權濟一時而商援引九河故說謂徒駭胡蘇鬲津在成平東光逸北篤馬出九河南失禹跡且謂地勢平夷旱則淤絕水則敗沒以飾其辭非真欲索九河故跡而穿之惟思緩其疏築徐觀水勢於所

急者緩之此以欺而濟其慢也於是公卿皆承商  
意旨陳事谷永言橫溢天災姑修政以應之李尋  
解光亦言陰氣方盛水不潤下天道有因俟稍成  
川順天心圖之遂止不塞遺患八十餘年至永平  
十三年而後已厥後河決魏郡泛清河以東徵能  
治河者而言人人殊關並言河決率於平原東郡  
左右其地形下而土疏惡聞禹治河時本空此地  
水盛則放溢水少任其蕩漾宜空其地勿爲官亭  
民舍此知蓄而不知洩也韓牧言應尋九河故迹

河渠紀聞

卷之三

三

而穿之縱不能爲九但爲四五宜有益此沿襲舊  
聞而無真識王橫言禹行河從西山下東北去今  
所行非禹所穿宜復禹迹使緣西山足乘高地東  
北入海迺無水災意美而艱於行當時言治河者  
以百數皆侈陳閎論往復辨證卒未有能起而行  
者蓋猶循戰國餘習祇求議論勝人取快一時而  
不爲國家計久長雖指以許商稱明經術而其方  
畧乃在節費援九河之迹以止其事守常不達變  
通經者不如是此大河所以漸推漸東而徒歲日

下也

緩和二年鉅鹿太守平當以經明禹貢使行河爲騎  
都尉領河隄奏請博求能浚川疏河者

按漢武置左右使都領都水官屬河防之重寄也  
平當領河隄洪流四出力不能任其事疏言九河  
故道今皆寘滅河從汲郡以東迄北多溢決水迹  
難以分明考按經義治水有決河浚川無隄防壅  
塞之文請令舉吏民能者治其事其意專主於疏  
謂隄防爲非計所言近是而未明其用賈讓三策

河渠紀聞

卷之三

三

世皆偉其論而不用其法河自漢武舍西山故道  
決頓邱暴衝行於平地數敗之場雖自滄州交河  
而北猶合漳清二瀆存四百里之禹迹而由長壽  
津北趨絕漑而行生地東平迤西本皆汗澤河至  
此停頓迴旋東光南皮以下之慢流泥沙漫於前  
是以溢入平原也溢不已而至再卽徑由安德逆  
折而東歸于海則自平原以下皆其淤漫之所矣  
河旣由平原東去則自平原以北皆空虛無用之  
地矣關並言空其地以讓之水者已不啻空之矣

斯時長壽分津之故瀆已空清河匯流之下行不疾河欲北出而不能欲南來而不得潞澗於平原千乘而衝入海之路斯天之所以開平治使王景引河而東也如平當言不事隄防則王景築隄自滎陽至千乘千里之遙宜皆堙水河何以不侵汴而安流也十里束水之門隄以束之非防何以約水此所謂不明其用也禹貢青州不言河今大河已入青州之域橫截濟南北境而歸海則所云徙民居穿水門尋九河故道皆迂曲難行此所以終

河渠紀聞

卷之三

三

日言河百無一得而決溢不已河志云刑政修而河伯效順者上也簡賢任能而用得其當者次也朱子嘉平當之奏大書以美之宋開寶之詔禹導河至海隨山浚川未聞力制湍流廣營高岸箕子荅武王之訪言鯀堙洪水此皆言其常理非謂河之必可以濬而決之也當洪流方長之時隨濬而隨塞矣經流不到之地前決而後淤矣徐節孝言決長河浩然之勢積斗筲之土以爲捍禦無異捧土而塞尾閭以杯水救車薪之火此亦就地勢迫

隘爲言非謂河可無防束水攻沙其理不易漢之末運刑政不修水官不得其人故至水不潤下岷山崩壅江水竭珍應於漢興初起之地固難與言河矣

哀帝建平元年求能浚川疏河者待詔賈讓奏上治河上中下三策

按是時東郡患水讓應詔進三策大略以徙冀州民當水衝者決黎陽遮害亭放河使北入海爲上策多穿漕渠於冀州地使民得溉田分殺水怒爲

河渠紀聞

卷之三

三

中策繕完故隄增卑培薄勞費無已爲下策邱文莊謂古今治河無出此策者非閱歷之言也劉文莊潘宮保靳文襄論之詳矣三公皆治河能臣身親其事心能知口能言備舉諸說而折衷之文莊之言曰讓上策放河使北入海妨運不可行中策謂據堅地作石隄開水門備旱潦中州大名之境無復堅地河流與水門不相值或并水門衝決淤漫所溉之地再歲而高西方地高水安可往隄防束水勢不能廢尋丈之水非此卽泛濫無歸引宋

任伯雨寬立隄防約攔水勢之說以爲得要所言皆切實近理潘官保之言曰禹貢九澤既陂陂卽隄也隄以防溢正所以導之使循軌入海也如讓止兒啼塞口之說河以海爲口障旁決而使歸海正所以宣其口也若兒口旁潰食飲不下聲氣旁洩何有於口讓上策言徙冀州之民當水衝者民可徙也歲運國儲數百萬石將安適乎中策據堅地作石門水旱開閉不可行與文莊所論畧同而亦引任伯雨寬立隄防爲言符官保築遙隄之意

河渠紀聞

卷之三

三

靳文襄之言曰讓三策中有宜古而未必宜今宜北而未必宜南者前世土滿人稀民易徙後世當水衝者往往通都大邑無地可徙濬滑西薄大山地堅多石故能據堅地作石隄今自開歸至海口多浮沙曠土安得三百里堅石黃河萬里之源豈因冀州一旱卽淺河南土最鬆安能通渠引溉至築隄防河古今通用潘官保終身所守惟築隄束水束水刷沙二語若讓以爲下策則前不當言據堅地作石隄矣東方一隄北行三百餘里則其築

隄束水與潘官保無異讓之言亦有不能行於讓之時者況行之於千百年以後之河道無是理也至以水得有所休息左右游波寬緩而不迫所見與文莊官保畧同惟文襄謂讓三策專爲西漢之世黎陽東郡白馬間數受河患而言未嘗全爲治河立議斯爲創論特識平心論事之言讓言冀州之民當衝卽濬滑之民沿隄築室非統言冀州全境之民也繕完故隄增卑培薄爲下策者卽濬滑曲防遏水百里之間再西三東之隄非專謂隄防爲下策也河一折卽一衝百里之間河凡五衝患安得不烈讓欲徙當衝之民廢曲防之隄別爲徑直之石隄三百里束河以北入海束必用隄隄必以石而至三百里之遙則其倚隄以治亦至矣故徙民於西漢之時在濬滑當衝之地爲上策徙民於千里之冀州是爲無策增隄於三東再西黎陽百里之內爲下策增隄於束水導河之地爲要策論古人必論其世考其時詳其地得失自見毋泥所言辭而闢之斯言誠足以發待詔未發之蘊得

河渠紀聞

卷之三

三

其心所獨注之處非文襄不能見及此也至寬立隄防約攔水勢三公皆指爲機要潘靳二公尤以遙隄爲得策及今試之亦有不得其用而未能如法者徐州以下至清江皆限於地隄防不能展寬其有遙隄之處往往不得其用潛入卽開以內塘過寬易吸大漚隄不能禦卽寬其隄防而漚勢坐灣必及於隄不能束歸中流若舍臨黃大隄而冀倖於遠莫能致之遙隄鮮不誤事然其法自不可廢重門大障自古重之矣

河渠紀聞

卷之三

无

賈讓中策云從淇口以東爲石隄多張水門股引冀州諸渠旱則開東方下水門慨冀州水則開西方高門分河流通渠爲富國安民之道

按黃文叔言濮水通河而酸棗決瓠子通河而瓠子決其始起於一線而後至不可制所言實有指據非虛語也穿渠引黃知腴田而不恤大體自古爲患矣大河乘高勢奔湧而來力大勢猛頃刻異變不容間隙蟻孔之漏漸刷寬深引漚入內其害不測讓以開水門資蓄洩爲中策而獨不可行於

黃河沿河土疏易潰水門難固卽壘石爲門而上流之勢旣洩則下流之行必緩水緩沙停日久淤高河墮不下橫溢四出卽以潘靳二公於黃河大隄築廂壩涵洞如桃源北岸之徐昇三義等壩南岸之涵洞當時亦出於萬不得已保固全河於漲急之際今皆永封不啓懼其難守知非常法也黃河上流寧夏有漢唐二渠引黃灌溉設開啓閉以資節蓄然皆鑿山爲閘天然鎖鑰水不能冲非如東郡之平沙無制也況水能溉地地亦受淤日久

河渠紀聞

卷之三

三

淤高水又安歸加以西山地勢西高東下所云潦則開西方高門分流恐水難洩之高地也引水立水門以時蓄洩利民用古法誠有之惟宜於清水亦必有治人而法始可行孫叔敖於壽春考陂作五門後更開三十六門召信臣於穰縣鉗盧陂作六石門馬臻於山陽鏡湖築塘疏爲二門南北隄置陰溝利由人興也西門豹魏襄王引漳灌鄴田當時以爲利至今漳水挾沙而入沃腴變爲沙田無治人而法不可行況以濁河之石水六泥可輕



言引哉

漢書王莽傳王莽始建國三年河決魏郡泛清河以東及平原濟南千乘而北濱遂空距周定王五年六百七十二歲河之又一變也河初決時莽恐為元城塚墓害及決東去元城無水患遂不塞

按世言黃河五大徙東漢之河起自始建國三年為河之一大變而其實不始於莽也河自鳴犢決後屯氏四河俱絕支津交絡縱橫於清河魏博之間水泛濫入平原千乘濟南東向之勢已成河不

河渠紀聞

卷之三

三

復決而南東郡左右皆成巨壑建始鴻嘉之世再入平原千乘雖兩經築塞而水道猶存下流衝刷成渠形勢過大一遇漲發不得不仍出館陶循決河所行之道河隄使者王延世治決而不治東水歸海之河河隄都尉許商治尚書而不治為害數倍於前之決河反欲俟成川出土然後順天心圖之使為魚之民不得平土而居綏和中河南潁川水發傷人壞田廬遣使循行舉籍蠲租賦處業振贍而未聞有為民捍大災禦大患者魏郡之決泛

清河以東四郡固知河患之必出於此也遷延數歲不復修築輾轉相尋於覆車前此水橫梁楚田蚡利河決而南河北邑食之餽無水而不塞莽亦利水東去不為元城塚墓害而不塞專利病國先後如出一轍徵能治河者卒未考驗舉事徒托空言愚人耳目使數郡之地冰碎瓦裂流毒八十餘年河勢至此亦罕有之厄運矣

河渠紀聞

卷之三

三

漢書溝洫志王莽時長安人張戎習溉灌事言水性就下行疾則刮除成空而河深河水重濁恒言一石水六斗泥今民皆引河渭山川水溉田使河流遲貯淤水暴至則溢決數隄塞之高於平地猶築垣居水應順從水性無復引灌流行通利自無水患

按利民莫大於水因民之利溝洫是也因地之利江湖之水是也湖水平緩可引黃水暴衝捲泥沙同下急則通流刷沙緩則行遲貯淤鴻溝分水河為漏卮自周秦以來已受其患至漢時河已徙而東出矣不復禹迹而募鄭國之渠穿渠引灌盛於關西注填淤之水溉斥鹵之田關西之渠盛而河


則已分矣河一分於滎陽之鴻溝再分於鄭國之諸渠其不遲貯填淤者幾何矣淤填而河噎不下決不止矣語云利不十不興河水淤田利一而害十淤田所獲之利視決河所損孰多孰少河壩棄地民芟牧其中引渠淤為田田數歲河能棄不利田者不能償種久之荒廢利於何有而言利之臣知不及此識大體者能知之庶幾近是

河道紀聞卷之三

三

河渠紀聞卷之四

後漢世祖建武十八年議復汝南數千頃



按鴻卻陂在汝寧府東十里淮北諸水溢為大陂疏引陂水溉田民用富饒史稱成帝時關東數水陂溢為害翟方進為相議決去陂水其地肥美省隄防費而無水憂奏罷之後歲旱民失其利漢書翟方進傳汝南舊有鴻隙大陂郡以為饒成帝時水溢為害方進與御史大夫孔光遣掾行視以為

河渠紀聞卷之四

一

決去陂水其地肥美省費而無水患遂奏罷之及翟氏滅鄉里歸惡言方進請陂下良田不得而奏罷陂云王莽時常旱郡中追怨方進童謠曰壞陂誰翟子威飯我豆食羹芋魁反手覆陂當復誰云者兩黃鵠至鄧晨為汝南太守思復其功聞許楊曉水脈召與議卒成其事漢書許楊傳鄧晨召楊議復鴻陂楊曰昔成帝用方進之言廢堰民失其利多致飢困昔大禹決江疏河以利天下今興立廢業富國安民童謠之言將驗於此願以力効於

是以楊爲都水掾使典其事楊因高下形勢起塘四百餘里數年乃立灌田數千頃汝土以殷魚稻之饒流行他郡陂亦曰鴻池又爲洪池安帝永初三年詔以鴻池陂假與貧民自是陂復廢蓋仍踵省隄防費無水憂之前說棄而不治也未秦觀論其興廢得失云鴻池陂非特灌溉之利菱芡蒲魚之饒實一郡瀦水處也陂既廢汝水無所瀦散漫爲害利去而害隨之誠哉是言然陂塘至數百里之大利鉅而費亦重非有大力者不能舉非出不

河渠紀聞

卷之四

二

費之費爲之亦不能成易廢而難興者勢也防護不周卽至淹浸爲患至議修復而功以浩大中沮日久漸將澄淤之處墾爲腴田執據爲己業孰肯舍現有之利而爲不易成之功且渠爲河水衝擊日就而下陂地浮土所積日就而高河旣不可引之於田惟築隄瀦水彌望皆丈量有糧之地開退水渠於上則水爲漲壅普害於有糧之地開退水渠於下則蓄水不多無補於大田之稼民見害而不見利勢難持之久遠此鴻卻陂之所以至今不

復也

後漢明帝紀漢明帝永平十二年議治汴渠詔王景與將作謁者王昊築隄自滎陽至千乘海口越明年汴渠成

按東漢建都洛陽東方之漕全資汴渠故不曰河成而曰汴渠成重運道也汴渠起滎澤周時導滎爲川與陶邱復出之濟相接會於荷澤分爲二南爲荷水由魚臺入泗達淮平帝時行汴渠通漕東南其北爲濟水東流出巨澤絕鉅野而北合濮會

河渠紀聞

卷之四

三

汶入灤注瓊槐東北入海轉東北之漕自河決入千乘遽折而東枝渠泛濫於北經流橫出於汴濟之間右溢汴渠左亂濟瀆平帝時汴渠決敗六十餘歲汴流東侵河水決入濟亦壞亂王景治之施功自滎陽始者分河汴也築隄起滎陽直至千乘水不得南侵而汴始可治顯宗朝景與王昊修浚儀用塢流法水不爲害茲復用其法十里立一水門令更相洞注東之欲其節省之欲其通固而存之欲其激隄無潰漏之虞水有刷沙之力旣以防

其不足亦恐河溢爲患而汴治矣蓋其時汴行北濟故道河改八千乘與汴相隨中築長隄間隔截分兩界河資以束水攻沙汴得以安流保運景所急在運就其近便易制者爲之不暇更計禹功然史稱景鑿山阜截溝澗防遏衝要疏決壅滯經營締造之艱難權衡於河汴分合之不相值而相濟經制一定南來之漕由淮泗入汴北出之漕由濟入河天庾不憂匱乏景之治功所以獨出冠時歷久而不廢也

河渠紀聞

卷之四

四

永平十三年夏四月汴渠成河汴分流河行漯水故道汴行北濟故道其別出者通於淮泗大河出東北行於濬滑清豐朝城莘縣東昌高唐平原武定濱州之界最爲久長

按千乘去碣石六百餘里王景所治絕遠禹迹亦不更復新絕之故道初河汴決壞汴水東與河合奪汴侵濟歲久不治建武中興嘗發卒營功言者以新被兵革須時更議兗豫之人怨嗟望治至是修築期月功成帝幸滎陽巡行河渠詔濱河郡國

置河隄員吏如西京舊制詔曰自汴渠決敗六十餘歲加頃年以來雨水不時汴流東侵日月益甚水門故處皆在河中溝澆廣溢莫測涯岸蕩蕩極望不知綱紀今豫兗之人多被水患乃云縣官不先人急好興他役又或以爲河流入汴幽冀蒙利故曰左隄彊則右隄傷左右俱彊則下方傷宜任水勢所之使人隨高而處公家息壅塞之費百姓無陷溺之患議者不同南北異論朕不知所從久而不決今旣築隄理渠絕水立門河汴分流復其

河渠紀聞

卷之四

五

舊迹陶正之北漸就墳壤故薦嘉玉潔牲醴祀神東過洛汭懷禹之績令五土之宜反其正色渠下田賦無令豪右得罔其利庶幾世宗瓠子之作遠圖底績景由是知名拜河隄謁者功隆一時而景奏功樹績不規仿前模惟因時勢所宜以次順治其智慮深遠也後之論者撫景遺跡遂有爲黃河入海宜近不宜遠之說者此泥其迹而未深究其理嘗考治河略河八千乘德棣之河又播爲八疏其去路水有所洩而力分合於禹功是以定陶迤

北復就壞墳景非較量近遠也河自徙入千乘魏郡決口下流冰碎瓦裂屯氏鳴犢張甲諸河渠津交絡若仍導入故道路遙工鉅不能東水歸壑且河已奪合二渠漕既不通河亦不利大河徙流已久景於魏郡決口之南別開新河引漯通流直截溝澗防遏衝要濮瓠之水絕而不通屯氏三瀆棄而不用築隄自滎陽至千乘海口以禦黃流侵濟使河自由漯歸海又用塢流法十里立一水門令更相洞注節蓄隨宜束水歸槽以利運東河攻沙

河渠紀聞

卷之四

六

以利河而又得宜洩漲水施工之機要握樞於此是以不從故瀆引河祇順決河立隄或因漯以通流或絕漯以乘便馴致救寧此河由千乘入海之大勢而景因勢利導之功能特出於三代以後也余闕言河至德棣支分爲八河北已絕之瀆滌潦時盡歸沮洳同趨入海正河不得旁溢而力反有所分故自東漢訖唐千有餘年歷久不害亦理之可信者大河自長壽津東入漯川由開州觀城至朝城始與漯分漯北河南至故高唐以東河截漯

北行始入濟南境應劭所謂河南去泰山二百餘里望之如帶若在山趾是也又折而東出樂陵武定之南德平陵邑商河青城之北又東北行至利津入海古千乘地郭景純所言河水於濟漯之北別灑注海者東漢以後河道去禹跡已遠汪武曹謂禹河自大伾北行時在彰德之東大名之西及周徙至漢而出大名之東東昌之西及至王景治河則由東昌之東濟南之西橫截濟南北境入於海而其河及千年乃廢事勢固有不同哉自景治

河渠紀聞

卷之四

七

後沿晉及唐安流順軌下逮宋仁宗慶歷八年河決商胡景河始埋宋人汲汲回河亦欲尋東漢以來大河經流所行之道而復之然無景之識與力鹵莽從事卒歸無策矣

後漢書章帝紀章帝建初三年罷滹沱石臼河初永平中理滹沱石臼河從都慮至羊腸倉轉漕太原連年無成吏人苦役轉運所經三百八十九隘沒溺不可勝算至是使鄧訓監領其事訓考量隱括知功難立奏罷之

按此欲通汾水以漕太原也明帝治滹沱石曰河  
達羊腸倉轉太原之粟太原東出之水曰滹沱合  
平山之蒲吾渠西來之水曰汾接上艾洞渦澤發  
諸水鑿山通道鉅功難立轉運不易故遲久無成  
古今注永平十年作滹沱河蒲吾渠通漕船蒲吾  
水出石臼谷故亦曰石臼水經注嵐州汾陽故城  
積粟所在謂之羊腸石磴縈委若羊腸漢志注綿  
蔓水自上艾東至蒲吾入滹沱蒲吾縣有太白渠  
首受綿蔓水東至下曲陽入斯浚明帝運漕太白

河渠紀聞

卷之四

八

渠入綿蔓水自綿蔓水轉入汾水達羊腸倉積粟  
備邊烏桓時出近地雲擾沿邊屯戍糧運爲急開  
渠通漕以便轉輸而由隘口開道不特燒石剪水  
勞費無已引水與石相觸舟行亦不利以訓言罷  
其役更用驢輦邊地多驢省費億計全活徒士數  
千仁言利溥矣禹貢沿於江淮河濟不鑿也漢武  
帝引汾穿洛鑿三門底柱迄用無成卒歸陸運明  
帝忘前事而敝於無用復踵故轍甚無謂也太白  
渠至晉以後遂廢渠在南行唐曰石臼至平山舊

縣曰蒲吾曰冶河曰甘洵河流入井陘曰綿蔓源  
出平定曰澤發隨地異名都慮一曰都慮卽蒲吾  
孔穎達曰韓信背水陣盡在綿蔓水上樂平有桐  
過水至平定與綿蔓分流西由平定壽陽徐溝清  
源至太原縣之北格等郵注於汾綿蔓水由平定  
東流入太白渠滙於滹沱漢志注自綿蔓轉入汾  
水通桐過也

漢章帝建初八年廬江太守王景修復芍陂

按王仲通以塢流法作浚儀渠成仍用其法治汴

河渠紀聞

卷之四

九

渠十里立一水門更相洞注無復潰漏之患帝美  
其功成拜河隄謁者踰年除廬江太守廬江地方  
有餘民食常不足郡界有楚相孫叔敖芍陂稻田  
徑百里開五門灌田萬頃伏滔謂龍泉之陂良疇  
萬頃謂芍陂也景驅率吏民修起蕪廢教用犁耕  
由是墾闢倍多境內豐給景以其法用之河汴而  
效用之陂塘而亦效所謂大用大效小用小效者  
此其明驗矣安豐界南北之交魏晉時有事於江  
南必出此建安十四年曹操至譙引水軍自渦入

淮出肥水軍合肥開芍陂屯田後鄧艾重修此陂  
堰山谷之水旁爲小陂五十餘所因劉馥之舊而  
廣之沿淮諸鎮並仰給於此隋開皇中趙軌爲壽  
州長史治芍陂更開三十六門唐上元中亦於壽  
春置芍陂屯田元至元中於此立萬戶府屯戶一  
萬四千有奇故芍陂爲淮南田賦之本曹孟德開  
芍陂而軍用饒裕齊梁以還皆於此屯田轉輸無  
擾惟知法者能行法而得其用況景於河汴樹千  
年不敝之功而於安豐一陂安有遺法而不爲民

河渠紀聞

卷之四

十

利哉

漢安帝永初七年建八激隄於石門東

按八激隄壘石爲之積石八所皆如小山以捍衝  
波接連挑護爲力更大蕩蕩出河河洩而汴亦壞  
平帝時河口決敗侵濟奪汴滎陽以下南岸山根  
已盡地平土疏隨處可以決入王景治後河汴分  
流河不能奪汴而仍留石門通津石門一渠當衝  
之處沿隄回溜湍急衝刷堪虞設八激隄以多爲  
之防石門之流順軌石門故碑云河隄謁者王誨

疏達河川述荒庶土大河衝塞侵齧金隄以竹籠  
石葺葦土而爲退壞隄無已功消億萬乃以濱河  
郡徒疏山采石壘以爲障功業旣就徭役用息謁  
者司馬登纘茂前緒稱遂休功亦以伊洛大河南  
則緣山東過大伾回流北岸其勢鬱濤怒湍急  
激疾一有決溢彌原淹野蟻孔之變害起不測於  
是乃跋涉躬親經之營之立激岸側以捍鴻波川  
無滯越水土通演役未踰年功程有畢斯則司馬  
伯志王孟堅之所治也石門在河陰西二十里蕩

河渠紀聞

卷之四

十一

蕩受河之處大河衝蕩齧隄始以竹籠石雜葦土  
遏之而患不息乃築八激隄於石門東鑿山緣河  
壘石爲障積石隄外以捍水遞相接受水不能攻  
隄而汴安流激隄如今之亂石壩隨水上下滾入  
泥中今徐城南岸卽用此法捍禦之良方也

漢安帝元初二年詔三輔河內河東上黨趙國太原  
各修理舊渠通利水道並修西門豹所分漳水爲支  
渠以溉民田

按安帝本紀元初二年春修西門豹所分引漳水

爲支渠以灌溉民田明年修太原舊溝渠溉灌官私田西門豹引漳水溉鄴富魏之河內史起灌其後澄流十二蓄爲屯雲泄爲行雨自昔稱之智伯過晉水以灌晉陽因其遺跡蓄以爲沼分爲二派北瀆卽智氏故渠乘高東北注晉陽城以溉灌東南出城入於汾水修而復之以利民田如賈讓穿渠資灌溉雖非聖人法亦救敗術也然民常罷於救水半失作業至疏內地之渠使同沾溉費重而難善其後官旣不能無累於民使民自爲之非一

河渠紀聞

卷之四

三

人一家之事易起爭端力常苦於不繼如昔分引漳水下地變爲沃土近則惟慮漳水衝入腴田變爲沙磧人事之不齊修守難而漳不爲用也晉陽一滋之水沾溉無多太原迤北山多田少地稍低平處引汾濟涸舊有支渠常慮水不給用蒲吾石曰之渠自潯沱入汾通漕太原吏人苦役連年無成而罷三輔河內疏鑿在前河東上黨趙國山嶺重複泉流澗溪之利微漢以來言事者競稱水利然其得效益寡永元中詔令隄防溝渠順助地理

通利壅塞此猶西河之舊習崇虛語而無實事也漢安帝元初三年春正月甲戌修理太原舊溝渠溉灌公私田

按昔人謂晉中水利以晉祠爲最祠在縣西南十里懸壑山南祀叔虞也水源出祠下水經注晉祠南有難老善應二泉大旱不涸隆冬不凍祠下有泉曰滴瀝導流爲晉水瀕爲晉澤卽臺駘澤也水乘高而下分流南北二瀆北瀆東北注入晉陽城周圍灌溉出城南注於汾南瀆經絳城南亦注於汾

河渠紀聞

卷之四

三

自漢迄唐宋以來分引晉水教民灌溉宋時太原人史守一修晉祠水利溉田六百餘頃喬宇晉祠記泉溢泛爲溪北折而東瀾漫散布決渠穿澮溉田疇方四十里晉陽之民稻粱而食者皆享其利水利之興卽周禮遂人遺意也褚鐵謂代天施益地利國計民生之大者宜各定爲經制核其田畝公其夫役均其水程此其大綱也先民有言地者諸生之根菀水者地之筋脈禹治水自冀始經畫視諸州獨勞太原之地崇山複阜水枯土燥旱所



時有流火千里利水若喝飲焉勺水澍霖紛然待  
命均程蘆弊地利始薄朱嘉祐中公乘良弼浚其  
源爲十分穴廟垣以出其七分循石粒而南行一  
分半折而東入於郭村又一分奏石橋下入於晉  
祠村又支爲半分東南入於陸保河其正東入於  
賢輔等鄉者特七分之四其三分循石粒而北通  
聖母池轉驛廳左入於太原故城由故城入於郭  
村凡水之所行二鄉五村民悉附水爲溝澍而引  
之漫於陸隴間各有先後無不周者明時晉祠水

河渠紀聞

卷之四

古

利禁例分爲四渠以十分計南渠一分有半灌田  
南至棗園頭而止中渠一分灌田東南至東莊營  
而止陸堡河渠半分灌田至大寺村而止北七分  
灌田過城北至董茹村而止分日用用水二月均出  
夫役疏濬渠道三月朔同時起程放澆水少不能  
遍及起賣水買水之弊遂有無水之田無地之水  
今分爲二十二節明立水程統以水甲南北週而  
復始惟有地則有水有水即出夫無地無夫不得  
用此均水之法歷經更正一以水程爲準弊端息

而民用饒矣

漢桓帝永興元年秋七月河溢民饑冀州民流亡數  
十萬戶詔以朱穆爲刺史拯之

按是時河行於高唐平原武定之界由利津出海  
大河經流不出冀州界內然自平原以北大河故  
道猶存地形窪下皆沮洳之區至大水之年經流  
雖歸千乘而溢出之水散漫于冀定諸州漳清諸  
水匯流緒而成澤川陸連濤瀾漫無涯漫久填淤  
九河通塞屢有變更故跡難明積水不能迅下千  
河渠紀聞

卷之四

古

里一壑後之議者所以有穿鑿溝澮分立隄塹所  
在疏通之請也河自王景治後安流日久建初陽  
嘉以來雖有興作亦止修治運道而於河事無問  
也至桓之永興靈之光和始有溢溢瀾漫之事而  
所過井里爲墟爲患頗烈於時中官用事政令逆  
施陰氣太盛水失其潤下之性而逆行橫出雖曰  
天行蓋亦有人事矣故朱穆不能拯冀州之災劉  
陶謂天災不有痛於肌膚獨使下民罹殃謂之何  
哉

漢靈帝建寧四年壘石爲門於敖城西北以遏渠口廣十餘丈水盛則通津水耗則輟流河汴各安其流按自是河與汴不相值河雖時有盈溢而滎陽以東至千乘海口安流如故汴渠成後河不屢告災經流不外洩而通漕利運石門爲之限也胡三省言自漢築滎陽石門而濟與河合流入海不入滎澤箕筭受河而滎澤湮濟與河合而河外洩修石門以遏流絕水河汴之交石門中筭爲樞紐視水盛耗而蓄洩之以立限制亦如王景塢流法水弱則蓄之以刷沙而利運水盛則束之以制暴而防盈鉗口皆有節度故雖分殺黃流而無滿溢之患經流不洩也東漢及晉魏以來大河東行數百年故道無改晉桓溫伐燕欲開石門通水運懼有奪河之患不果於行劉裕伐秦乃遣水軍出石門自汴入河又於北十里更鑿故渠通之而河入於淮漸至不可制後崔季則師王景之意請於冀定諸州多置水口鈎連相注使水有所歸河治而汴自治愈於壞法自用者矣

河渠紀聞

卷之四

六

漢靈帝光和六年秋金城河溢

按是年夏大旱至秋雨霑不止金城河溢出二十餘里時五原山崩鮮卑數出擾幽并陰氣盛而水沴爲之應也金城爲西北古郡黃河在其城北岸高凌東西兩川田畝水不能上下城西南水自馬寒山經阿干河者傍城直瀉黃河東去鑿渠於阿干河引水灌溉金城河溢從此入也陳祥疏蘭州水利記云金城密邇邊塞北逼黃河岸峻不能上水經寧夏始渠引以佃以漁城西南阿干河水通於黃向於阿干鑿渠引水十分之三一自龍尾山麓經流下灌東川田圃一自西郭入注東西南三面墮塹以固城垣禦衝突城北黃河當一面天塹自高崖經古峯寺下灌兩川田圃始稍得沾潤然其水微弗能禦旱議倣寧夏漢延唐來等渠於黃河上流引水用溉未果而水入西郭者亦湮茲復循西郭故道疏渠達於川阿干水利復故然河北土地肥美古所謂金城沃野千里者若如寧夏引黃之利而祛其害隔壩蓄洩得宜無憂水溢矣

河渠紀聞

卷之四

七

漢獻帝建安中下邳陳登爲廣陵太守治山陽築高家堰

按潛邱雜記云高家堰不見於史僅見郡志因考三國志注登曾仕典農校尉巡土田之宜盡鑿溉之利蓋精於水利者又嘗爲廣陵太守治射陽距高堰甚近築堰以障淮水理勢宜然也其時黃淮尙未合堰止受洪澤諸湖不聞有潰決之患而千餘年來無言及高堰者及讀宋史李孟傳云修復陳公塘有灌溉之利始知陳公塘卽今高堰也然

河渠紀聞

卷之四

六

考唐書開元二十七年齊澣疏揚州陳登塘以益漕河則是登所疏揚州之陂塘也顧寧人云登爲廣陵太守治山陽築塘爲田民享其利號曰陳公塘而史稱登有威名兼文武其所築豈止揚州凡淮揚之塘堰皆其遺意高堰當起於是時考之地勢西高而東下壽陽在西淮揚在東水直瀉向東登爲塘以節蓄西來之水爲堰以收東南下之勢相生相濟轉運適宜非登無此精力也並存其說以備參考

漢獻帝建安三年曹操自將擊呂布圍下邳久引泗沂灌城月餘下之

按漢時泗水合汴交流經下邳入淮沂合蒙嶧諸山之水注駱馬湖由六塘河下海來流甚大伏秋漲時洶湧異常禹王臺築壩堰水歸東自邳以下皆賴之其分支出駱馬湖滙流於邳之南北若啓禹王臺之壩縱汴入沂堵泗汴入淮之路激使橫流則汎濫於下邳實有不可支之勢布之所以成擒也智伯決水灌晉陽趙襄子曰吾今而知水之

河渠紀聞

卷之四

九

可以亡人國也江南古澤國本鍾水之區泗沂交會南下漲時不異黃流故禹貢浮於淮泗又曰淮沂其又知沂泗之爲患而與淮並治故禹跡必經於此操堰智伯之禍水使民其爲魚術甚譎而害亦慘矣厥後下邳卒因河患數遷州治古城杳不復存唯餘故址形勢單危卽不必引沂泗而黃運止隔一隄暴至之水甚不易防亦爲今日最要最險之工也

漢獻帝建安四年廣陵太守陳登築塘溉田萬頃

按陳登治山陽築塘爲田民以陳公名塘樂其利也登爲塘自壽而東隨地高下立堰層層收蓄以時宣洩成沾其利塘縈紆九十餘里岡勢峻昂東南面水西北倚山環以三十有六畢滙於此淳漫涵蓄爲利甚溥漢魏間已設陂障唐轉運江南粟嘗修築置斗門石礎水溢則引之濟運宋開禧丙寅金將入境唐瓌決塘水被真之東北境莽爲巨浸敵登焦山望之知不可越而退後漸占廢嘉靖間請復陂障然久爲軍民占萬餘畝石礎皆爲砢

河渠紀聞

卷之四

三

礎砌甃之具凡諸建白悉罷議又小新上下雷塘及句陳塘長史李襲譽所築合陳塘爲五亦經占廢李春芳爲復塘議云高堰築矣諸塘不復猶之無堰蓋西來諸水由天長六合而下有諸塘以蓄之旱則瀉入漕渠以濟運潦則南注之江一經隳壞西水徑迫三湖漲漫潰隄爲運道憂是隄堰牖塘皆相成以爲運河之利成法具在行之在人顧寧人亦云議者謂陳塘不可復果爾則恭愛之名不著於建安水櫃之制無聞於宋代前哲已試具

有成規西來諸水可引灌者甚多豈今昔迥殊抑事掣肘不易爲耶前時揚守郭光復力復小新上下二塘建牖未幾奸民復盜決防種蒔其中細民雖難與圖始然亦伺上意所向倘成畫已定法令維新設塘長如舊制或令附塘田高亢者卽予佃種防守安在不可復也江都志載濱塘父老皆云浚塘有五利而潘宮保以爲可緩謂五塘皆由响水牖出江與諸湖了不干涉且諸塘水俱無源惟藉雨積局面窄小蓄水無多然此自己占廢後爲

河渠紀聞

卷之四

三

言當時百十餘里之塘固不窄矣前人言天長六合間有徑入高郵之水道水盛時亦不能盡洩於江也惟言民間已佃爲田輸價不貲歲納之課亦不貲必須盡行償貸築隄建牖費尤不貲修復後田高之民欲積田窪之民欲洩盜決者多必須官爲防守當此勞費災傷難於措辦故以爲可緩宮保此言亦當時時勢使然是非謂事之必不可行也亦必有深心大力能耐勞苦者始能積日累功以底於成顧炎武曰國家漕府倉司並設於淮塘

堰陂瀾諸水利尤兼屯法古人平水爲準瀦瀉利  
用之道多在淮揚軍民日用咸資於水蓄洩之利  
豈不重哉晉之末年人依珠玉統綺求一飽而不  
得元之末年求蛙蚌螺蛤以救飢而亦絕思如陳  
公塘之豐利邈不可追矣繼事若李襲譽之引雷  
陂築句城溉田有愛敬水門猶有嗣音登守廣陵  
濬塘築陂周迴九十餘里陂水散爲三十六汊灌  
田萬餘頃爲利甚溥唐食貨志初揚州疏太子港  
陳登塘凡三十四陂以益漕河輒復堙塞貞元中

河渠紀聞

卷之四

三

淮南節度使杜佑乃自江都西濬渠蜀岡之右疏  
勾城塘愛敬陂引水通大舟夾隄高邛亦得灌溉  
淳興八年錢沖之言真州陳公塘周回百里東西  
北三面倚山爲岸其南帶東前人壘築成隄以受  
啟閉旱潦得藉以灌溉通濟漕舟仍修築塘岸建  
置斗門石礎各一所爲久遠計蓋踵陳公遺意力  
圖修復不使豪民占據爲田無復瀦洩之利皆民  
生日用切要之務所必當講求者何承天言江淮  
之間不居者各數百里不知自古迄今經國理民

之大計皆出於此魏攻吳不克還至精湖卽山陽  
湖也水稍退留船付蔣濟濟鑿地爲四五道蹶船  
令聚豫作土豚以革裹土築城遏斷湖水引船運  
入於淮堰湖以通運舟亦猶登之築塘以蓄水通  
運也三國兵爭空湖地弗居曹孫之霸才均力敵  
江淮之間屯戍相望吳經營揚州之田魏擾而取  
之鄧艾築白水屯田儲粟登治農田水利於兵荒  
早飢之時以裕民食又築高堰以禦患軍國之計  
也晉及六朝大農匱乏祖逖謝元圖取中原俱屯

河渠紀聞

卷之四

三

守淮陰以備儲糈謝安收揚州典召伯埭以屯以  
漕隋平陳開山陽瀆李吉甫築平津堰以通運宋  
大中祥符間江淮制置發運司治真州歲藉陳公  
塘灌注長河疏通漕運高堰障其後保運安民明  
時漕艘鹽莢軍屯民田咸有資於水利隄堰塘壩  
陂洞涇函之置悉委之平江平江悉循陳登以來  
遺法疏築並用蓄洩以時數百萬漕糧歲運無虧  
顧寧人謂平江治法集古人之大成登爲先導矣  
漢獻帝建安九年春正月曹操大開汴河通江淮治

濰渠入汴濟運堰淇水入白溝以通漕汴濰合流入淮不與黃通流順軌東入於海

按是時曹操大興屯田所在積穀通渠利轉運開白溝爲坊城立石堰遏淇水東北行因宿胥故瀆經濬縣澶州頓邱湯陰過內黃城南入清河爲白溝併引漳水入白溝會清洹通齊魯東北之運治濰渠入汴達江淮致陳蔡汝潁之粟軍國之饒始於屯田成於轉運得汴渠之利尤在不通黃流濁水挾泥沙而入益汴之利少淤汴之害大曹孟德

河渠紀聞

卷之四

五

深知而遠避之避黃之害興汴之利旁通渠道以廣其用通海濟運經營四方而無齋糧之勞所以爲一世雄也時黃河尙仍王景之舊操惟治運而不治河然使河無旁洩許下亦獲安利卽所以治河也治河惟有束水一法爲保運之道大要在汴不通河卽王景河汴分流之道操通其意而引清避濁南北之漕運皆利矣

漢獻帝建安十年魏鑿渠自溇沱入泲水名平魯渠又鑿渠入潞河名泉州渠以通運道

按魏志烏桓侵擾幽州略漢民十餘萬戶袁紹皆立其酋豪爲單于尙兄弟歸之數入塞爲患助尙謀復故地曹操將北征鑿渠自溇沱入泲水名其渠曰平魯又從洵河口鑿入潞河名其渠曰泉州蓋以疏通運道一引溇沱接泲水一從洵河歸潞河也泲水起雁門葭人戍夫山鑿渠通溇沱至泉州與清河合東入海清河者泲河尾也白溝水過廣宗爲清河濬渠由溇沱入泲由泲入清卽通入白溝也曹操因饒河故瀆決令北注迄於泲河之

河渠紀聞

卷之四

五

尾又鑿三河之洵由洵入潞以通運糧儲充裕由是塹山堙谷經白檀歷平岡東指柳城糧不缺於供所向無不克得平魯泉州二渠之力爲多也唐時姜師度巡察河北兼支度營田使循循魏武故迹並海鑿平魯渠以通餉道由是罷海運力省功多明時開直沽東西新河餉薊州東路亦仿此意順地之高下以役水澹爲安流軍精安枕而至水之爲利大矣

漢獻帝建安十三年曹操開芍陂屯田陂在壽州安

豐城南亦曰安豐塘

按是時操治水軍自渦入淮出肥水渦河古蒗蕩渠分流也自河南陳州歸德逕江南鳳陽縣出肥水肥水逕壽州入淮操軍合肥解合肥之圍屯田久駐三軍乏食治芍陂溉稻田以餉士卒陂在壽州安豐城南周一百二十里以水逕芍陂積而爲湖故名周定王時楚相孫叔敖作芍陂又謂之期思陂與楊泉陂大業陂並作其水西自六安龍穴山東自濠州橫石東南龍池山胥注於陂陂原設

河渠紀聞

卷之四

美

五門後更開三十六門水漲開門以疏之水消閉門以蓄之數百里支流分注溉田萬餘頃刺史楊馥守揚州專以屯田爲戰守之備軍民咸有蓄積思化大行嘗治芍陂民沾其利至是操復開之操之自譙循渦入淮也明訓練備徵調廣積儲粟有政則操舟南下不煩轉運而兵食皆足用仲達務農積穀之策更廣其備防無俟徙濱江郡縣此操之所以稱雄於一時也

後漢書張純傳建安二十四年穿陽渠引洛水爲漕

按世傳陽渠周公所制也曹魏廣田蓄穀以田良

水少不足盡地利開河引水澆溉大積軍糧通漕運之道洛居天下之中引洛水入汴達江淮與後之修洛陽千金塢堰穀水鑿陝南山決河東注洛以通運同一道也初曹操爲屯田廣開漕渠溉東南諸陂潁南淮北倉儲相望軍興泛舟而下兵食皆足懾制天下黃初以後迄晉當時能臣皆以通渠積穀爲備武之道於是豫州刺史賈逵遇鄢汝造新陂斷山潘長谿水造弋陽陂鑿賈侯渠通運

河渠紀聞

卷之四

毛

蓋以南與吳接也尚書郎鄧艾著河濟論自陳項以東至壽春開河引灌又以陳蔡之間田良省許昌左右諸稻田并水東下且田且守正始中引河入汴溉東南諸陂大佃於淮北又修諸陂於潁之南北萬餘頃壽陽至京師農官屯兵連屬蓋皆開渠廣運於用武之地自洛而南雄視中原不獨漳釜鄭白之饒沾溉農田也

後漢章武三年魏黃初四年也六月大雨伊洛溢至津陽城門

按晉書五行志魏文帝自鄴遷洛終黃初不復還鄴祖廟未有定位以爲簡廟廢祀致伊洛之溢晉泰始改元都洛河沁伊洛皆溢時三后廟號未加史引傳義亦以爲水不潤下之徵而義不止此水者陰氣臣象也魏之竊漢晉之亡魏下賊乎上政令逆施水失其潤下之性而百川溢溢水又兵象也民象也稱兵構難人民愁怨志稱陰氣盛故大水而皆應於所都之地川澤異變此其倫也豫志紀泰始水災沒民廬舍禾稼甚廣不載撫卹賑贍

河渠紀聞

卷之四

天

晉書載泰始四年開倉賑濟應天之變不徧及也後漢延熙四年魏正始元年也魏置淮南北屯田開廣漕渠積穀淮上通舟楫之利以饒軍國

按是時開渠通運廣田蓄穀於揚豫之間猶屯田許下遺策也魏武承亂離後民棄農桑軍行乏糧餓則寇畧飽則棄餘用司馬仲達務農積穀之言置屯田國用豐贍至是更廣其用陳蔡之間上下田良并水東下屯卒淮南北什二分休積萬衆五年之食於淮上有事汎舟而下達於江淮資食有

儲而無水害羊叔子之積穀江漢虞武都之開通水運俱用是道司馬仲達承魏武後並爲世雄以智役水之大用先後同軌江淮通氣開隋場邗溝之先路後來漕運皆出於此推廣其法遂爲國計民生之要務也

魏黃初中造龍舟從潁至淮入廣陵江口

按郡國書載郭相奎別記云世傳古運河從六合入天長出盱眙入淮可避揚子口黃天蕩高郵邵伯諸湖之險除瓜儀牯壩之阻吳桂芳復政府書

河渠紀聞

卷之四

天

云宋漕河自真揚導江北趨盱眙入淮訪其跡淮自盱眙天長達六合縣瓜埠與江水合今其遺址尙有存者近時盱眙人語余云縣東南三十里義井鎮東有古大河每當黎明陰霧中隱見白浪瀾漫檣帆出沒之形土人謂之水晶營卽其迹也黃初時從潁至淮入廣陵江口卽由六合出江之瓜埠口也古運河由瓜埠進口其道通行始於魏廢帝時司馬宣王伐吳使鄧艾通天長漕唐魏景倩引淮水至天長通揚州皆出瓜埠躡黃初之跡明



萬歷時有導淮入江與黃分流之議吳桂芳力言不可且云黃最濁非得清淮滌蕩之則海口純是泥沙若永絕淮流不與黃會則渾濁獨下下流壅塞之勢愈增旁決內灌之患轉急雲梯以下滄海將為桑田黃河益無歸宿而至謂淮之不可入江以鳳陵南向淮海黃淮合流入海為水會天心引淮由六合入江挑去抱身之水而不朝入為形家所忌非正論也淮絕黃南入於江黃尾其後而內灌此導淮入江之勢不可行者而魏自淮入江不

河渠紀聞卷之四

三

入洪澤而由六合入江蔣之奇謂洪湖風濤之險以百里是也魏時北神堰阻隔江淮射陽湖屈曲多風不若由天長六合出瓜埠抵淮揚為安便矣唐元和十一年置淮頴水運使運揚子院米自淮陰沂流至壽州入頴口又沂流至頴州沈邱界即從頴至淮之道也

魏青龍初司馬懿穿成國渠築臨晉陂溉田數千頃以充軍實

按是時懿都督雍梁二州軍事與諸葛武侯相距

漢中武侯分兵屯田耕者雜於涓濱之間懿穿成國渠自陳倉至槐里築臨晉陂引沂溉曷鹵之地三千餘頃渠在郿之東北九里受渭水溉田充餉魏軍資食有儲更欲廣田蓄穀於揚豫之間使鄧艾行陳頴以東至壽春艾以田良水少不足以盡地利陂場歲決良田變生蒲葦壽春舊渠及山谷小陂皆當修繕益開河渠以增灌溉積軍儲通漕運為乘吳計又以太祖為屯田積穀許昌以制四方今應遵守遺法正始初奏穿廣漕渠引入汴修

河渠紀聞卷之四

三

廣淮陽百尺二渠上引河流下通淮頴治諸陂於頴南北穿渠三百餘里淮南淮北皆相連接且田且守束皙言荆揚兗豫汙泥之土渠塢繁多雲雨作於畚畝多稔生於決泄不待天時豐年可獲司馬仲達用之以富強平吳平蜀俱以屯田制勝得鄧艾之力為多也

三國魏揚州刺史劉馥開吳塘陂七門堰以溉稻田按潛山吳塘陂瀦水所注也亦曰吳陂堰吳呂蒙鑿石通水灌田即此陂也舒城七門堰源出七門

山下三堰烏羊千功漕瀆同資灌溉漢頡羹侯信所築也史稱複守揚州數年恩化大行百姓樂其政流民越江山而歸者以萬數於是廣屯田治吳塘七門諸場因潛水滙而渠之爲陂以溉田土疏善崩渠壅水行弗利則怒而蓄其隄因勢利導無間修築七門源出西山峻嶺下勢若建瓴奔騰涌潰下有石洞如門者七頡羹侯分封是邑分爲三堰別爲九陂瀦爲十塘而壩而溝而冲引灌稻田三國時水泛濫不可治有洶湧湍激而淪沒故址

河渠紀聞

卷之四

三

者複大加修築集流民合力治之水不爲患歲有蓄積蓋當時袁曹相持複任東南半壁專以屯田爲戰守之備故安集流亡結人心嚴封界使官民咸有蓄積食者民之天水利食之源并及芍陂陂亦治事焉揚州士民謂複守揚州雖董安子之守晉陽不是過陂塘之利至今爲用流澤長矣三國吳赤烏八年鑿句容中道至雲陽通會市築赤山湖以灌田

按中道至雲陽西城卽六朝時運道吳所鑿也其

名爲破岡瀆瀆西南赤山湖卽吳所築以灌稻田者赤烏中權遣校尉陳勳將屯田及作士三萬人鑿句容中道自小其至雲陽西城通會市作邸閣至陳高帝更修復之又築赤山湖引水爲湖立盤石爲疏閉之節湖源出縣西南三十里之絳巖山卽赤山也漢名丹陽郡本此山極險峻其下臨湖縣南境諸山之水悉流入焉下通秦淮及上元之西境賴以灌溉真美利也南北朝宋明帝使沈瑋加修唐麟德中令楊廷嘉因梁故隄修復大歷十

河渠紀聞

卷之四

三

三年王昕復加修周百二十里立斗門二以節旱潦溉田萬餘頃至宋湖禁尤嚴立石柱刻水則於其上歷久不廢周應合建康志云上元句容之丹陽臨泉福祚甘棠四鄉共貯水絳巖灌田外有百堽堰捺水上接九源下通秦淮東至數堽西至雨壇南至赤岸北至青城春夏貯水深七尺秋冬貯水深四尺尤禁侵耕以防九鄉災旱若過令深廣又慮浸毀逢曠旱之年須稍更增取五尺水則水不及處任聽耕墾蘆葦亭北有一盤石東西濶四

尺七寸南北濶三尺五寸石面中心去水面一尺六寸五分卽五尺之則並有察柱爲誌絳巖湖貯水百堽堰捺水建斗門三通湖水出入常令湖中積水五尺或遇山水擁下高於湖內水面卽須全開三斗門放水入湖俟外溪水退放水出溪下秦淮入江酌量湖水不逾原則樊珣記云句容西南三十三里曰赤山天寶中改爲絳巖湖以文變質也山外周流厥有湖塘舊址吳人創之梁人通之洎金火變作積爲習坎灌莽之所大歷中太原王

河渠紀聞

卷之四

焉

斯始謀作則蓄爲湖塘置兩斗門旱則決而全注潦則潴而不流灌田萬頃贍戶九鄉湖自赤烏開其利源待人而治也三國時各守封域備戰守必以屯田爲務劉馥任東南之事吳塘七門芍陂茹陂所在疏築張子布之婁湖呂子明之吳陂皆浚以溉田先時全琮略淮南決芍陂燒安城邸閣與魏將戰於芍陂中蓋皆斷絕糧道而搗其虛也權內勤守備重農貴粟通轉運之道并飭郡守謹察非法農桑時以役事擾民者舉正以聞治建業宮

取武昌材瓦以大禹卑宮爲美而民事修舉如此宜爲曹孟德所重也

晉武帝泰始四年九月青徐兗豫四州大水沒民田禾華嶠奏置都水官有使者一人掌舟航及運部而河隄爲都水官屬

按史稱叔駿才學深廣博聞多識而有經略論安邊及中國河事浚導河渠巡禹之舊跡置都水官事多施行蓋以捍災禦患思復故道非經生言也雖指稱魏晉南北朝河之利害不可得聞考晉書

河渠紀聞

卷之四

焉

五行志魏明帝景初元年九月淫雨冀兗徐豫四州大水溺人淹田禾廬舍至晉泰始中沒溺如故是當時非無衝決漫衍之事也東漢以來士大夫皆盛言禹迹求九河故道而穿之嶠家平原通經熟於掌故著十典雖河自魏郡東北溢決多時水迹難以分明而嶠里居習熟九河所經必有知之明而確一施行者故分晰條理置都水官領其事惜未能行之久遠而其時非無能浚川疏河者也自魏黃初大水之後河濟汎濫鄧艾著濟河論開

石門通之傳祇造沉菜堰拯兗豫水患嗣鑿陝南山決河東注洛以通漕俱表表一時然當時急於漕而不急於河故畧於河事而利害不得聞也

晉書晉泰始七年六月大霖雨河洛伊沁皆溢漂沒民舍秋稼

按自魏黃初大水之後河濟皆溢至是河洛伊沁並漲陰氣盛而百川沸騰溢出爲患河自龍門東湧益以洛伊漲水已憂盛滿沁河出山之水剽悍湍急同時並漲所至衝蕩災重害深而當時未聞

河渠紀聞

卷之四

三

設法補救蓋其所急在漕自河汴分流以後漕已安流河亦不爲運患異漲猝發一時宣洩不及滿而必溢者安之不異也鄧艾於河濟汎溢開石門而通之爲救敗之策固非常法史稱滎陽太守造沉菜堰兗豫無水患當時頌之然當洛沁諸水並漲非一堰所能濟況堰亦通水權通河大勢亦不可行於今日也

晉咸寧四年大水兗豫諸州尤甚詔問主者何以佐百姓杜預言水災東南更劇宜救兗豫等州留漢氏

舊陂以蓄水餘皆決漑令饑者得魚菜螺蚌之饒水去後填淤爲田畝取數鍾典牧種牛給使耕種取租稅民賴其利

按杜預言留漢氏舊陂蓄水餘皆決漑令得魚菜螺蚌之饒水退填淤爲田畝取數鍾漫水過後實有之惟是衝決之害大填淤爲沃壤取效於數年之後而應變在肩睫之前非大加撫卹不能濟急言之大而不切於用者此類是也惟典牧種牛給使耕種使人各安其業爲振敝扶衰之先務晉能

河渠紀聞

卷之四

三

舉而行之以濟艱難斯與民休戚相關通變咸宜之實政也而成於預之一言魏晉以來黃河經流北出歸海偶遇漫水淹浸水落旋卽涸出視爲民間應有之事安若故常預以卹患爲心籌濟所不及其都督荊州時開楊口起夏水達巴陵千餘里內瀉長江之險外通零桂之漕南土歌智名勇功均有得於蓄洩之宜非實心爲民者不能爲是矣晉太康元年杜預引漁洧水以浸田闢水田萬餘頃公私賴之

按杜預於平吳之後安不忘危引水灌田爲屯守計老成謀國固非褊衷者所能窺測漁水源出南陽府魯山縣流至葉縣入沙河清水源出河南府嵩縣流經南陽與泌水合南至襄陽入漢江皆溪澗之水引以爲田間水道所謂盡力於溝洫者在是也預當大功告成返而求久安長治之道於民事通漁清以濟人利物猶給牛耕種拳拳愛育之殷懷也天下自然之利惟水利爲大中州土性沙鬆黃河不可引而泉流可引山泉不涸之源愈引

河渠紀聞

卷之四

亥

愈長利溥而無害乾隆乙酉嵩陽尹疏北山之泉開渠分引灌田至六萬餘畝嵩人利之以名其渠大吏上其事有崇尚實政留心民事之

論師承前人遺意而變通其用與民宜之遂爲永利至今修守不廢因地之利而無棄於地因民之利而不言所利未有爲之而無效既效而不能要諸久長者也

晉永和中陳敏開山陽運道由射陽達末口

按自北神堰界斷溝水由廣陵來者必轉東入湖

於湖中通行運船經樊梁諸湖達射陽至山陽晉時皆由是道湖多風險難行舟艱於牽挽敏初穿樊梁由津湖徑渡達末口與寧中復以津湖多風自湖之南北口緣東岸穿湖入北口行者不復由湖蔣濟三州論又謂淮湖行遠鑿白馬湖至山陽城西卽射陽之故城也晉以前舟行取道諸湖射陽一湖自南而北折而東東而北又折而西轉南復北屈曲回旋至敏始爲直逕謝安更爲埭其後隋皇甫誼唐李吉甫宋張綸柳廷俊皆修陳謝之

河渠紀聞

卷之四

亥

舊至明平江伯疏邗溝引舟自大江歷揚州至淮安又得沙河故道引水自管家湖至鴨陳口易名清江浦就湖築隄以便牽挽仿宋洪澤牯制創新莊福興清江移風四牯遞互啓閉規制益備一統志云古邗溝多迂曲隋開邗溝自山陽直達楊子江此運道直逕之始然至平江伯開清江浦用平水法建牯直而能平始爲運道之大成也

晉穆帝永和中荀羨北征慕容自泚水引汶通渠至

東阿

按此因北征而開渠引汶以通運也兗州刺史荀  
羨以征慕容蘭通運道鑿渠自洸達於汶渠以洸  
爲源而洸之源則汶也洸分流於汶源出泰山萊  
蕪原山之陽折而之南達濟寧河防志洸河起自  
寧陽縣南有兩道一則上承九山口諸處山水與  
滋陽縣之三岔河合流而南一則汶水分流出寧  
陽縣北經滋陽縣之高吳橋南流至八龍橋匯流  
入濟寧卽前明成化間由新堰鑿河入洸經高吳  
橋入濟寧者元至元中治漕運自任城開河分汶

河渠紀聞

卷之四

罕

水西北流至須城之安民山入清濟故瀆通漕至  
東阿卽羨所開之道也羨當穆帝時北鎮淮陰屯  
田於東陽之石鼈監青州諸軍事數敗慕容之衆  
慕容蘭以數萬衆屯汴城爲邊害羨自洸水引汶  
通渠至於東阿以征之卒殪蘭其屯田通渠饋兵  
食便轉輸利濟一時然所開皆內河水道已爲後  
世漕運導其先路矣

晉孝武帝太元中太傅謝安築廣陵之召伯埭

按淮揚運河北接長淮南連大江一線漕隄與河

俱長而邵伯埭至爲險要自金灣北至露筋隄長  
四十餘里隄以西曰上河地勢漸高常憂旱隄以  
東曰下河地勢漸低常憂澇謝太傅築邵伯隄以  
界之東無澇患西無旱憂民皆便之名其埭曰召  
伯蓋比甘棠之遺愛也而運河所以受患之由則  
不獨在召伯一路史爽河防議分治上流中流下  
流之說最爲扼要上流築高堰翟壩閉周橋此清  
來水之源也中流設牯蓄洩山陽則開涇河黃浦  
二牯寶應則開子嬰溝大牯江都則開金灣三牯

河渠紀聞

卷之四

罕

及芒稻河東西兩牯自邵伯至江三十餘里洩水  
最爲直捷復開陸漫溝使運水南北分洩此中流  
洩以爲蓄之道也至論下流出水之海口下河七  
邑四高中窪地形如釜沿隄減牯之水譬由釜邊  
出入釜底之田廬已沒深淵王文通謂下河之水  
旣不通江又難到海者此也故運河之水導之入  
江入海者上也必不得已而洩之下河則當準漕  
隄牯口之水與各場海口之數相等使來源去路  
足以相當而又開通積年行水之道使水有去路

而不至停積窪地亦猶謝太傅召伯之遺意也夢溪筆談云舊傳召伯埭謝公所爲按李翔來南錄唐時猶是流水不應謝公時已有此埭天聖中陶鑑始議復埭節水以省舟船過埭之勞張綸爲轉運副使表行之始爲真州埭歲省冗卒雜費舟載倍於往時自後北神召伯龍舟茱萸諸埭相次廢革至今爲利益召伯埭之作作於漫流之前者也復節水之埭節於通流之後者也埭以節水埭以通水通而有節不相妨而相成此制作之微意因

河渠紀聞

卷之四

望

時而異者史稱安與王羲之登冶城慨然遐想有高世之志而羲之進夏禹勤王手足胼胝之說及出鎮廣陵之步邱盡室而行築壘曰新城以避扇構因築埭於廣陵城北隨地制宜以適所事而已爲後人開節宣之大法卽夏禹溝洫之政也安受朝重寄有殊勲而不遺民事如此行而宜之因民所利益非虛談廢務所謂用之而無不效者也

晉安帝義熙十三年劉裕引水軍發彭城擊魏於河

上

按此用汴水以治水軍也彭城爲汴泗交流之地汴水自大梁東出泗上清水平流順下故裕得而用之也史稱裕治水軍於彭城沂流西上魏人以數千騎緣河隨裕軍西行船有漂渡北岸者輒爲魏人劫掠裕遣丁旣帥仗士七百人車百乘渡北岸去岸百餘步爲却月陣兩端抱河車置七仗士事畢豎一白旆命朱超石視旆舉帥二千人赴之卒破魏軍此因水之利而變通以求勝也自漢晉以來汴渠爲轉運之通津至徐淮泗交流裕用之

河渠紀聞

卷之四

望

以利軍行兼資軍食兩利並進魏不得而擾之由汴不爲河侵而得爲我用也迨後裕征姚秦復濬此渠湍流奔注水峻利岸善崩裕更疏鑿轉漕饋運兵餉蓋至開石門引黃大進河始爲漏卮人汴漸多而侵汴而當擊魏時尙仍清汴之舊也不然河流迅疾而至兩軍相見未有逆流而上欲求勝敵者也

魏延昌二年夏五月魏壽陽大水

按史稱壽陽久雨大水入城廬舍皆沒魏揚州刺

史李崇勒兵泊於城上城不沒者二板將佐勸崇棄城保北山崇曰淮南萬里繫於吾身一旦動足百姓瓦解揚州之地恐非國有吾豈以愛身而取愧於王尊哉惟憐此士民無辜同死可結筏隨高人自規脫吾必與此城俱沒矢死不移引喻王尊可謂忠於所事矣然較其所處之時地視尊尤難尊當天下同軌之日所患惟水崇時裂土分疆強隣壓境耽耽窺伺若持守稍不堅定爲敵所乘隨風俱靡棄城保北山能獨全乎故靜鎮以安民禦

河渠紀聞 卷之四

罌

水之大計也嚴兵以察變守疆之勝算也討裴絢之叛降自守之正也執絢而絢愧死感人之誠也而崇引咎求解當事委任愈專至反間不能離其心蓋其忠篤足以上結主知而通達事變謀慮深遠至於危疑震撼而不渝其素也崇在壽春十年常養數千人能得其死力鄰敵謂之臥虎豈獨防水一節哉

宋元嘉中魏侵宋何承天議大田淮泗

按史稱三國兵爭空江淮之地不居魏方強盛窺

何南土淮泗爲江左門戶適當衝要何承天言凡備邊用屯田守在外也大田淮泗內實青徐安邊固守爲有備無患之道曹孫界連江淮空數百里不居者斥埃之郊非蓄牧之地烽烟之戍非耕桑之所堅壁清野保民全境俟其來以乘其弊此古人屯守法也晉及六朝俱屯守淮陰修塘堰備儲精祖逖以三千軍屯淮陰兵食足而後能遂其力治中原之志謝元先屯淮陰次屯邳徐兵食足而後能接肥水以入洛陽晉之平吳亦屯田江北以

河渠紀聞 卷之四

罌

爲兵食之資北齊穀貴議修石鼈等屯自是淮南軍防食足石鼈卽鄧艾屯田之白水塘也明漕府倉司並設於淮實寓軍政而堰塘壩諸水利尤兼屯法使瀕海沮洳澇鹵之地化爲良田民得莫居不獨以資防守兼利民生故屯政爲不敵之法必使民有贏儲野有積穀然後可以守外安內上下咸有固志而無不備之患矣

南史宋元嘉十八年五月河北大水害民人淹禾稼

邨落爲墟



按是時大河由千乘出海流行五百餘年南來溝澗斷絕餘流分支北出者勢也河自王景治後德棣以下滌潦盡歸沮如遇大水之年冀定瀛鄭諸水不能免於浮漫雖止流入汙地歸海水落仍自涸出而屢遭水厄民困已甚魏書崔楷傳楷言冀定數州頻年汎濫華壤變爲島鹵禾菽化作霍蒲九河通塞屢有變更不可一準古法漢武旣建宣防水還舊迹十數年間戶口豐衍繼決屯氏兩川分流東北數郡之地尚得休息及下通靈鳴渠狹

河渠紀聞

卷之四

癸

不洩衆流壅塞應量其逶迤穿鑿溝澮分立隄場隨地形高下所在疏通等語王景治河時原以下流冰碎瓦裂不能收拾改從千乘入海冀定幽瀛數州出千乘之北鳴犢之害移於冀北久而不蘇其困漲水時至支分四出所以頻年汎濫也楷憂心於此欲使地獲金隄之堅水有非常之備鈞連相注多置水口從河入海所言皆出至誠深中時宜之歎蓋當時尚從北河故迹之說楷反覆開導一以穿溝洩水固金隄爲主而不拘泥古法奏上

詔如議施行未幾召楷還用功未就旋卽追罷魏晉南北朝河之利害不得聞賴楷一言猶餘碩果不食而動多掣肘使不得終事豈河已東八千乘北上溢出之水不入度內較計用度惜費而報罷然楷言自不可易也

梁武帝天監十三年甲午冬十月築淮堰

按淮堰卽史所云浮山堰梁築以堰淮水灌壽陽者魏晉用兵與江東爭雄長必先事壽春昔人謂建業之肩髀淮南之都會南北朝時尤爲重鎮壽

河渠紀聞

卷之四

癸

陽地下適以久雨大水入城廬舍皆沒刺史勒兵泊城上城不沒者二板遂生堰淮灌壽之計時北方有童謠曰荆山爲上格浮山爲下格潼沱爲激溝併灌鉅野澤降人王足引童謠進堰淮策水工驗視沙土漂輕功不可就不納發徐揚人率二十戶取五丁以築之有衆二十萬南起浮山北抵嶮石依岸以築土合脊於中流未幾堰壞集衆復築比及將合淮水漂疾堰復大決緣淮城戍村落十餘萬口皆漂入海又以江淮多蛟龍能乘風雨決

堤性惡鐵取冶鐵及釜鬲鉄鋤之屬俱沉堰所不能合復伐樹爲井幹填以巨石加土其上緣淮百里內岡陵木石負擔殆盡至十五年四月堰成長九里下濶一百四十丈上廣四十五丈高二十丈深十九丈五尺軍人列居其上俯視居人墳墓皆在其下或謂淮瀆不可久塞若鑿湫東注則游波寬緩堰得不壞乃開湫東注復縱反間於魏曰梁人懼開湫不畏野戰魏果信其言鑿山深五丈開湫北注水日夜分流湫猶不減久之魏軍潰而歸

河渠紀聞

卷之四

渠

水之所及夾淮水數百里壽陽城戍徙頓於八公山自天監十三年甲午至普通七年丙午積至十餘年之久三築淮堰壅水大盛夏侯亶乘之遂下壽陽降城五十二獲男女七萬五千十年勞費死者數十萬人而所得僅如是梁以麴易牲牢文錦不得爲人獸形而殘民至此杜弼作檄謂梁主輕險有素矯情動俗毒螫滿懷妄敦戒業猜競盈朋謬治清淨觀於斯而益信矣

河渠紀聞卷之五

隋文帝開皇三年鑿渠引渭水自大興城東至潼關三百餘里名曰廣通渠轉運通利

按文帝於衛洛陝華諸州置黎陽河陽常平廣通等倉水次募丁運米轉相灌輸漕關東及汾晉之粟給京師至是以三門道險自小平陸運至河入渭渭川流淺沙深水力無常命宇文愷大加鑿治決渭水屬於河糧運之自陝入河者絡繹並進以大輸入廣通足備水旱之需關中樂渠之成亦名

河渠紀聞

卷之五

一

富人渠其後祀宋陳亳曹戴譙潁等州困於水災遣使巡視發近丁疏導困乏者開倉賑給租調皆免災民賴以無患帝躬自儉約以率下輕徭薄賦勤於政事慎重軍儲數年以後厩粟所在充滿新陳積壓至大倉不能容亂離後有爲之主綱目亦不沒其實矣

隋書煬帝本紀隋大業元年發河南道諸州郡兵夫百萬開河自西苑引穀洛水達於河自板城渚引河通於淮使梁睿增築漢古堰過河入汴南流通淮泗

名曰通濟

按漢時汴口壘石以遏河流至是引黃入汴濁水  
通流不復節制文帝命薛肅於沂泗之交積石爲  
堰決令西注溉田煬帝襲用其法以濟其欲大開  
板渚引河入之然文帝所引者泗煬帝所引者黃  
泗可引而黃不可引也自漢蕩引黃入汴由魚臺  
引榮入泗河水之入汴者已多然猶以石門爲節  
也至開板渚而益無制束矣唐都關中劉晏轉東  
南之漕修隄堰通津渠導汴入蔡通陳潁皆以河

河渠紀聞

卷之五

二

爲用蕭仿疏汴渠懼河填淤封公私口門而導汴  
口如故也中州志汴水故道自河陰縣廣武山澗  
中合京索須鄭四水流經開封過陳杞睢寧至歸  
德歷碭蕭至徐州東北合泗以達於淮蘇軾謂唐  
以前汴泗會於彭城之東北然後東南入淮隋開  
通濟由歸德直達於淮遏河入汴河幾有奪汴之  
勢而煬帝縱欲自東都至江都畚鍤橫布二千餘  
里官吏督役嚴急逃亡相繼功大徭重未有甚於  
此時者而其事亦自蕭懷靜鑿穿王氣之一言起

懷靜之言曰始皇時金陵有王氣始皇使人鑿斷  
秣陵王氣遂絕今睢陽有王氣大梁西北秦時王  
離決水灌大梁之故道尙在由此起首開掘西自  
河陰引孟津水入東至淮放孟津水出經過睢陽  
穿鑿王氣順達廣陵不須更泛孟津帝以是傾嚮  
東南尅日興工急如星火勞動至百萬衆之多以  
濟其欲而不知止所在騷然欲民心不思亂胡可  
得也

河渠紀聞

卷之五

三

大業雜記大業元年發淮南民十餘萬開邗溝自山  
陽至揚子江渠廣四十步旁築御道樹以柳  
按隋引河合汜水歷榮澤入汴通江淮漕運置洛  
口倉於鞏東建回洛倉於洛北築倉城穿窖以廣  
儲蓄又自大梁之東引汴入泗達於淮致徐兗之  
粟自淮以北漕道通行而淮不入江猶未盡東南  
之利也史載開皇七年開山陽瀆自文帝時已啟  
其端至是益廣其制下詔曰古者採聽輿頌謀及  
庶民今將巡歷淮海觀省風俗命尙書皇甫誼發  
丁百萬開通濟渠又發民十萬開邗溝入江自山

陽至揚子江三百餘里官吏督役嚴急丁男不供始役婦人勞民亦已甚矣

大業三年十月置洛口回洛倉

按是時引洛水達於河過河入汴開邗溝入江淮南北漕道皆通轉輸利便致粟入洛口回洛諸倉東西京倉儲饒裕洛口倉置於鞏東南原上城周二十餘里穿三千窖回洛倉置於洛陽北七里城周十里穿三百窖皆容八千石又轉洛口諸倉之粟於涿郡南北勞敝已甚不獨淮南諸郡開溝之

河渠紀聞

卷之五

四

民困於力役也馬周謂隋貯洛口倉而李密因之竟何益哉

通鑑大業四年春正月發河北諸軍百餘萬穿永濟渠引沁水南達於河又東北開渠北至涿郡二千餘里通龍舟

按通鑑隋引沁水南達於北河通涿郡是時大河由曹濮入千乘不與涿通沁水由武陟縣東南入大河未嘗獨行蓋引沁入河而疏淇洹諸水入衛即曹操枝頭引淇之故道由是而上為故屯氏河

合漳入海亦未至涿郡也筆塵言煬帝開永濟渠引沁水北通涿郡滹沱豫章皆其遺也是不盡然滹沱豫章本天成自古通行無假開浚之力引沁入河則可引沁入衛則不可沁地高水壅下流難受引沁入衛則魚衛勢有必至煬帝所浚者今之衛河也自河南輝縣東北流至臨清合屯氏河煬帝用以通舟北巡呼為御河引淇入衛達涿郡即曹孟德所浚之白河更加修治耳一統志云永濟渠在東昌府館陶縣西二里漢之屯氏河隋疏為永濟渠與會通河合流入海元郭守敬欲引沁餘水合流入於御河即是道也

河渠紀聞

卷之五

五

大業六年穿江南河自京口至餘杭八百餘里廣十餘丈築隄樹柳

按史稱煬帝欲東巡會稽穿渠至餘杭荒於遊宴勞其民而用之糜天下物力於兵燹甫革之餘使人不樂生而致敗然通京口河道迄於餘杭大江以南蘇松杭嘉湖之轉輸由此畢達且開邗溝通淮入江疏永濟達涿郡南北通氣後來言漕運者

咸安其利自後世行之爲軍國之大計而自當時行之爲叛離之禍始同一以水爲用而所以爲用者不同惟辨於公私之間而已矣煬帝用以濟私竭天下之力以供盤遊用不以時民病已甚惟公天下以爲用卽由其道以經國利民通天下之漕開萬世之利昔之所以病民者乃其所以宜民也語云勝者所用敗者之棋筆塵譎煬帝不仁而有功不以人而遺其事也

綱目大業七年山東河南大水漂沒三十餘郡底柱

河渠紀聞

卷之五

六

崩堰河逆流數十里

按是時大河行豫東之間溢而爲患也底柱偃河逆流水壅積於三門以上久而後開壅積之水併流湧下又值漲水大至千里一壑淹溺至三十餘郡民困於力役更加水阨凋敝甚矣蓋自葺蕩出河以來支引河流河已爲漏卮然猶以石門爲節盛則通津耗則輟流至開板城渚遏河入汴奔流南下水盛行疾大河中滋之溜必緩而停沙受淤可知也經流無歸其必散漫四出者勢也况引河

由榮澤分流北通至涿勢必開隄引水爲黃所乘人事之失非天行之愆也時方有修治洛陽還晉家之議帝信章仇太翼言謂雍州不可久居遂幸洛陽以洛陽爲東京底柱偃河逆流雍州之氣不通於中州帝之倒行逆施亦可見矣天人感應之際夫豈微哉

唐高祖武德六年置屯田於并州

按是時突厥數爲邊患并州長史竇靜表請於太原置屯田以省餽運議者以爲煩擾無利靜切論

河渠紀聞

卷之五

七

不已徵靜入與裴寂等問難寂等不能屈卒從靜議晉陽晉水所出東入於汾引以灌漑歲收穀數千斛太原井苦不可飲架汾引晉入東城亦猶雁門井水鹹苦鑿山引水也是時秦王復請增置屯田於并州之境河中刺史薛萬徹開虞鄉涑水渠自閭喜引涑水下臨晉灌田浚閭喜沙渠引中條山水於南陂下溉涑陰田崔翳開絳州曲沃之新絳渠以溉田汾州刺史蕭顓開文水之柵城常若渠引文谷水通於田又引水入甘泉蕩沙靈長千

畝等渠溉田數千頃凡以爲屯田也建中初楊炎請置屯田於豐州發畿縣民開陵陽渠役作旬時渠卒不就貞元中李景略鎮天德開豐州九原之成應永清二渠溉田濟餉卽楊炎未竣事者更治之兵民咸安其利治之以時而民不擾得順事之道也

唐高祖武德七年自龍門引河溉田六千餘頃又於隴州開五節堰引隴川水通漕

按高祖引河自龍門分大河之水也引隴川水入河渠紀聞卷之五

八

渭以通漕也垂拱如意中開昇原高泉等渠入渭卽此唐都長安關中土地狹所出不足以供京師備水旱歲漕東南粟二十萬石水陸轉運多開水田以贍之固不計黃之有所分也食貨志言高祖太宗之世用物有節而易贍漕事亦簡其後功利繁興度支不給於用歲益增多儲運艱難而民亦罹其弊矣

唐書五行志太宗貞觀十一年七月大雨穀洛溢永徽五年夏四月帝在萬安夜大水六月恒州大水

按唐十道志河南大川曰洛唐以東都爲陪京天子巡幸所居制倂長安隋修東京窮極奢麗唐初毀而復修之自貞觀以後屢幸洛陽宮伊洛諸水連年決溢爲東都患洛水貫東京多暴漲然未有毀宮溺人如斯之甚者而武氏於是年十月入爲才人永徽之世萬年宮夜大水帝方在宮水衝元武門湧入寢殿漂溺多人事在永徽五年四月而武氏甫於三月拜爲昭儀陰氣盛而水爲沴也綱目發明云洛水溢入洛陽宮壞官寺民居溺斃六千餘人越兩月而武氏入宮永徽五年三月武氏再入宮越一月而水入寢殿漂溺三千餘人又一月而恒州大水漂溺五千餘家夫以一女子之禍方入宮而水沴作於太宗之時旣入宮而水沴作於高宗之世天象示警證應不爽若此當太宗之時洛溢在先朕兆猶未昭著至高宗時亂象已成水變不出越月之間又溢入寢殿深切著明而情不加察以迄於亂僞臨朝二十餘年歷如意聖歷久視迄神龍洛水壞天津橋及永昌中橋陰勝已

河渠紀聞卷之五

九

極洛水幾無歲不溢沒溺官室廬居民人不可以  
數計診戾尤甚矣五行志水不潤下百川逆溢壞  
鄉邑溺人民爲災謂此也綱目書洛溢於武氏爲  
才人之先書萬年官大水恆州大水於武氏爲昭  
儀之後發明其義謹之於先以爲世鑒良有不誣  
者矣

唐書唐太宗貞觀十一年九月大水河溢壞陝州河  
北縣毀河陽中潭城

按河陽三城臨大河長橋架木古稱設險河之中  
河渠紀聞卷之五

流東魏築城曰中潭歷以爲防始於晉魏南北相  
持之際爾朱高歡宇文皆據河陽形勢角勝唐襲  
王世充斷其橋郭子儀以朔方軍斷河陽橋俱用  
此道大河自萬里出峽東下湍悍森急變態異常  
其衝決之處對岸必起大灘挑潤激刷三城砥柱  
中流固有不能久存之勢中潭之毀可知也河陽  
以上岸高土堅而自貞觀永淳迄於如意大順之  
時河陽連年疊圯並書於史孟州治徙於金大定  
時亦緣河圯天下莫柔弱於水而攻堅強者莫之

能先與之相搏也承平日久固不必與水爭地昔  
人謂豫工惟河陽最險不險於河而險於河中三  
城今三城故迹不可見而河流滔滔東去未嘗告  
警矣

唐高宗永徽元年滄州刺史薛大鼎開滄州無棣河  
以洩潦水

按地志滄州有無棣溝通海卽會要所云無棣河  
也無棣南北地本汙下洩霍潦之水東注於海分  
疏最捷之徑也薛大鼎守滄州時博棣屢決滄境

河渠紀聞卷之五

上

承其下流大鼎博求分洩之道得無棣故渠於清  
池之南自隋以來久已堙廢乃亟奏開之鑿治深  
通屬之海泄汙潦水不爲害商賈流行里民歌曰  
新溝通舟楫利屬滄海魚鹽至昔徒行今騁駟美  
哉薛公德滂被善政之感人如此又鑿長蘆舊河  
自阜城交河以東直至滄之城西疏其壅塞導衡  
漳水霍潦皆歸焉同入於海是時姜師度築永濟  
隄又築永濟北隄分洩永濟之水使不泛溢又爲  
隄以障其衝亦如大鼎治無棣後先共濟大鼎初

爲山南道副大使師屯田以實倉廩所至有惠政  
尤加意水道使滄無淪沒之患滄人德之與瀛州  
鄭德本冀州賈敦頤循聲並聞於時河北稱鑑脚  
刺史有以夫

唐書食貨志唐高宗顯慶元年議鑿三門爲梁通陸  
運發卒六千鑿之功不成

按史稱唐自高宗後用度日繁漕運滋多初江淮  
漕租米至東都輸含嘉倉以車或駝陸運三百里  
至陝率兩斛計庸錢千水行來遠有三門底柱之

河渠紀聞

卷之五

七

險風波覆溺率一斛得八斗爲成勞故議鑿三門  
爲梁通陸運功不成又鑿爲棧以輓漕舟輓夫繫  
二瓠於胸而繩多絕輓夫墜死則以逃亡報繫其  
父母妻子不堪其苦今道過其處見懸崖峭壁間  
尙有鐵鑿大釘石空層疊互穿故迹宛然想見當  
年危崖爲棧逼脅飛輓懸墜之慘苦擾累至此何  
堪再試也

周武氏長壽二年河決棣州

按唐書五行志滎陽下有河災自長壽二年決棣

州始河水入石門分流過盛下流行緩而海口澀  
也下壅則上潰而河決而決於棣州者壅遏之勢  
自近而及遠顧炎武云周末河徙滎口出河而徙  
也然其時東昏以下濟水溢爲雷荷汴水循大梁  
趨睢尙皆絕遠於河水分行則勢殺而民不爲災  
秦始皇引河灌城河始奪汴武帝塞瓠子河已南  
被曹漢之間矣王景分流河汴而河平至魏黃初  
中大水河濟泛溢鄧艾開石門以通之桓温伐燕  
大開石門行水運慕容渠稱王於滎陽鑿石門濟

河渠紀聞

卷之五

七

河長驅向鄴周齊之間石門爲通津至隋邊河入  
汴分引南北河之入汴者愈多經流歸海者益少  
下流安得不淤河安得不決此棣州之決所以爲  
患始卽後來澶滑之禍所由始也光宅垂拱延載  
間功利繁興漕事歲益增多轉南北之粟唯恐不  
給引渠注白溝通曹堯賦稅開三漕新渠漕海沂  
密諸州而不及於河事患漕而急不在河然當陰  
盛已極之候陽伏而水不能安其流沴氣爲患亦  
有必至者矣



唐中宗神龍中滄州刺史姜師度引浮水注毛河並注於漳以殺水勢

按舊漳河自阜城交河以東直至滄州城西卽長蘆河也毛河來自南皮亦名屯氏洩異漲之水經鹽山東南入於海浮水至東光南界之永濟渠分流下注又受迎河水同歸於海唐志清池縣東南二十里有渠注於毛河東南七十里有渠注漳並引浮水皆刺史姜師度所開浮河受永濟迎河之水分注於毛河下及衡漳滙流入海皆所以洩漳

河渠紀聞

卷之五

十四

衛之漲也開元中開陽通河導永濟之漲溢下流合於毛河卽由是道師度兼支度管田使好興作始廝溝於薊門以限奚契丹循魏武故迹並海鑿平魯渠以通餉滄州窪地積水講求蓄洩之道疏築不遺餘力橫漳永濟浮毛諸河皆有隄以障其衝捍災禦患之法亦略備矣史稱師度喜渠漕所至繇役紛紜不能皆便然其所就俱爲後世利太史令傅孝忠以師度知相地嘲其所嗜正以表其實心任事奏循良之績也

唐書五行志開元四年洛水溢沉舟數百艘五年漚水溢溺死千餘人六年伊汝水溢八年穀洛溢入西上陽宮宮內人死者什七八畿內諸縣田廬蕩盡十年伊水溢毀東都城

按洛陽居天下之中陰陽所會風雨所和而水沴爲患至於屢世不絕久而彌甚者非天行之愆也唐室之變始於貽謀之不臧甚於覆轍之相尋水溢入洛陽宮太宗時兆其端至永徽永淳以後而變極矣元宗親平韋氏之亂再罹女禍開元天寶

河渠紀聞

卷之五

十五

間伊洛諸水大溢十餘載至入上陽宮毀東都城水沴異變天象著明史稱明皇五幸東都近則十月遠至三年計二十四年中半居東都華清之歲月同歸一轍故徵應於所居之地決溢不止綱目於元宗幸東都必具書年月明變所由也歐史言水太陰之氣臣道顛女謁行夷狄疆小人道長嚴刑以逞則陰類勝其氣應而水至司水者爲之變是數者唐兼有之天警屢見與永徽永淳間萬安天津穀洛之變先後如一其亦有非偶然者矣

唐元宗開元十年築捍海塘

按海塘考沿海之有塘用以捍禦鹹潮保護民生唐開元初名曰捍塘起杭州之鹽官迄吳淞江長一百五十里宋乾道中起嘉定之老鶴嘴以南抵海寧之澉浦以西高於城垣內外皆有塘溝天聖中范仲淹因唐李承實之舊自鹽城南抵泰州築塘一百四十里俾斥鹵化為良田宣和紹興以來漸次失修屢有衝決明初命湯和經略海防倚以爲固永樂初加修高倍於前成化中松守白行中

河渠紀聞

卷之五

六

大修海塘自海鹽抵上海界三萬四千七百餘丈又爲外隄起戚淙至平湖縣界五十三里又自華亭抵嘉定界一萬七千七百餘丈又自寶山北至劉河築一千八百丈隄面濶二丈址倍之高一丈七尺嘉靖中又築自劉家河北至常熟界九千二百餘丈規制以次漸備怒潮駭水之所迴薄千有餘里無崇岡峻嶺爲之限隔有颶風鼓浪卽虞侵冒民田復於臨潮吃累處易土甃石增土外護以障蕩雲之波然風濤頃刻異變椿石易壞難修民

生所關不可不慎也

唐元宗開元中刺史齊澣浚汴水下流自虹縣至淮陰縣合於淮

按此由桃源南境疏汴入淮也澣以江淮漕運經淮水波濤運舟沉損請疏汴水下流自泗州虹縣至楚州淮陰縣八十里合於淮旣成而水湍急舟楫艱難尋廢行舊河顧寧人云考地里志虹不過淮陰而云至淮八十里當在淮北桃源清河之界桃南地高於淮陰浚汴水下流卽自古汴泗入淮

河渠紀聞

卷之五

七

之地引汴而淮入之淮汴乘高而下漚勢奔湧湍急漕舟自不能勝此疏於淮之上流者太極中魏景倩引淮水自黃石岡出天長六合至揚州此疏於淮之下流者蓋其時黃河東出利津不復南下射陽諸湖回繞屈曲山陽灣水勢湍悍運舟多覆溺故北疏汴水下流上接汴泗南開瓜埠江路下達維揚不得已而爲之與然自劉蟠議開沙河喬維岳開河自楚州至淮陰舟行便利不復由其道矣

開元七年同州刺史姜師度引洛堰河溉田千餘頃  
按地里志同州朝邑北四十里有通靈陂洛水在  
朝邑城南渭水自華州東北流會焉同入於黃河  
姜師度引洛堰河溉農田民食其利唐書姜師度  
傳師度爲同州刺史派洛水灌朝邑河西二縣農  
田又開黃河以灌通靈陂收棄地二千餘頃爲上  
田置十餘屯洛河在關中灌溉所有事也隄防溝  
渠所以順地理通利壅塞前民利用之道也禹貢  
漆沮既從洛合漆沮三水同流周禮職方雍州浸  
河渠紀聞 卷之五 六

開元十年六月博州棣州河決八月河水復大漲漂  
損博棣等州田稼  
按顧祖禹方輿紀要博平縣有大河故瀆舊爲河  
流所經開元十年博州河決卽此武定州南五十  
里有大河故瀆長壽二年棣州河溢卽此自博及  
棣皆新河出海之要津是時霑化故港淤斷潔濟  
復匯爲一永徵永淳以來齊淄七州數溢河南北  
大水漫流衝蕩新河日久漸淤下流海口阻遏是  
以有長壽之決唐志河災自長壽決棣始唐末及  
河渠紀聞 卷之五 十九

宋以來河災惟澶滑爲烈澶滑百餘里間爲石隄  
激水使河再西三東迫阨不得安流故下游有變  
澶滑首受其災澶滑之災壞於棣州之不下洩史  
稱河災自決棣州始主澶滑而言也棣州有聶家  
梭隄鋸牙陽成四埽而聶家口工險數決至是復  
決并決博州棣爲博之下流博決而棣仍不免水  
之橫流湍悍海口不暢洩可知余闕言河至德棣  
支分則下流之淤益甚隋唐以來大河平成日久  
人忘其害欲專其利沿河公私斗門分引旁洩正

河流緩沙停填積日久不能容驟至之水此所以博棣諸州壅而爲潰也然大河如故仍無遷改者河汴分行潦水隨長消涸故久而不敗也綱目自王莽辛未書河決至是始復一書大河流行七百餘年河道自汲縣南胙城縣北經濬縣清豐觀城聊城平原陵縣商河齊東惠民蒲臺利津入海後徙逕濱州海豐不入蒲臺利津皆唐歷五代及宋初大河經行之道

開元十四年秋大水河決魏州河南河北支川皆溢

河渠紀聞

卷之五

三

懷衛鄭滑漂沒禾稼田廬人或巢或舟以居

按黃河大水伊洛沁同時並漲淹沒至千里而遙民其爲魚而河渠塞決無聞新舊唐書不載其事前時鞏洛暴溢毀郭邑廬舍不數年又有博棣之災伊洛瀝穀連年告溢澗穀溢毀澗池縣治水不潤下爲患而塞決無聞新舊唐書不載其事蓋當時藩臣分疆畫守黃河通塞之故未暇慮及境外故河事不可問延累無已時也程伊川言唐土德少河患開元十餘年間河患不爲少矣又云漢火

德多水災胡肅明謂伊川之意欲明宋多河患以火德故然東漢亦爲火德而河患絕少何也豈皆德運所爲五德之運固不可以論萬里之河而亦難爲有宋諸人回河爲難者追其責矣

唐元宗開元十五年冀州河溢

按自河汴分流終漢之世迄於晉隋迄無大患史不多載唐時河患始於博州之決未幾魏州亦溢河南北大水懷衛鄭滑皆被其害至是復溢冀州漂廬舍沒禾稼河未嘗無患也議者或謂終唐之

河渠紀聞

卷之五

三

世河患四見魏博冀滑外其他無聞猶蒙東漢遺烈大河之委有所瀉而力分合於禹功由是訖東都至唐河不爲大害然如余闕所云德棣之河又播爲八河入千乘下游分流殺勢千乘不爲他水所涸而下流爲受水之壑德棣以下滌潦盡歸沮洳不能免於浮漫此冀州所以告警崔楷所言冀定數州屢有水厄長河激溜洪波汨流者是也惟地勢就下歸流行速入海之路近至水落後仍還故居爲患不烈於前時大河歸東千乘入海之勢

重也嗣後強藩橫肆割裂封疆左強右傷唯勢所  
爲河亘千里之外非一方所能治大水游至皇皇  
遷避之不暇疏築之法不復有事河患自是漸多  
已爲五季之禍始矣

開元十六年以宇文融充九河使融請用禹貢九河  
故道開稻田興役不息事多不就

按是時大河東出千乘伏秋時盛漲有餘之水普  
漫德棣而北形勢甚大莫利於疏浚下流暢其北  
出之路九河去海未遠禹迹難明而就下之形勢

河渠紀聞卷之五

三

易見時方重營田而疎河防開稻田於故道非以  
民生爲急也漳金鄭白之饒溝渠沾漑之利言者  
競以爲功高祖初年雲得臣自龍門引河漑田六  
千餘頃以爲稱旨然皆穿引溝澮所在疏通未聞  
以捍災禦患之事擾民而欲竭其利也如開九河  
則渠必鑿開稻田則圩必築疏而反防是塞之也  
況回易陸運尤傷政體融以言利得幸於時心知  
元宗有意邊功議取隱戶剩田至八十餘萬羨錢  
數百萬緡之多以中所欲九河之疏直視爲不急

之務因以營田巧爲迎合亦可慨已夫九河之不  
復久矣高談經術者援九河以佞其辭隱懷市心  
者借九河以賈其利惟上急於邊功而下憂度支  
之不給徵調兵食無時他不遑恤而文其說也不  
然河南北連年受淹民艱舟以居而兼九河使者  
何不聞疏之如彼其急也

唐元宗開元十九年宣州刺史裴耀卿條上便宜

按是時東都漕運益廣長安地狹水旱易匱唐初  
祿廩尙少歲增粟二十萬足用至是用度數倍於

河渠紀聞卷之五

三

前特漕江淮數百萬粟以給用故漕事益重耀卿  
言江南戶口多而無征防之役歲輸租庸調以二  
月至揚州入斗門四月後始度淮常苦水淺六七  
月乃至河口而河水方漲須八九月水落始得上  
河入洛而漕路多梗船檣阻隘江南之人不習河  
事轉僱河師水手重爲勞費得行日少阻滯日多  
今漢隋漕路瀕河倉廩遺跡可尋應於河口置武  
牢倉鞏縣置洛口倉使江南之舟不入黃河黃河  
之舟不入洛口而河陽柏崖太原永豐渭南諸倉

節節轉運水通則舟行水淺則寓於倉以待則舟無停畱物不耗失爲漕運永利因人治事隨地制宜順時立法三者俱備天下無不集之事後來言漕務者推劉晏而此已先定規模法度皆取於此不啻爲前路之導矣

開元二十二年罷陝陸運於汴水入河之口置河陰縣設河陰倉三門東設集津倉三門西設三門倉亦曰鹽倉鑿北山十八里陸運以避三門之險從裴耀卿之請也

河渠紀聞

卷之五

五

按漢時諸農各致粟山東由河入渭河渭漕輓天下西給關中隋煬帝自板渚引河水歷榮澤入汴江淮漕船西上亦自汴入河漢唐俱都關中自河達渭底柱險不可渡唐初漕至東都輸含嘉倉陸運三百里至陝至是裴耀卿請漕船至河口輸米河陰倉易河船運至三門東貯集津倉而鑿三門北十八里山徑陸運以輪之西倉復以船漕自河達渭輸漕粟七百萬石省陸運傭錢三十萬緡時以爲能而不久卽廢者河水東流貫底柱觸闕流

歷百二十里之五戶灘舟行患之遂止北運其後李泌復遵耀卿法益鑿集津倉山西徑爲運道屬於三門倉始以河船達渭然河阻不得修治灘水湍澹難濟故有衆峽諸灘之言而不能復由其道行之久遠也

是年潤州刺史齊澣開伊婁河

按南北運河大江爲之限漕舟皆會於揚州唐都關中漕江南粟每以歲二月至揚州斗門四月始渡淮入汴置巡院發運使於揚子潤州北界隔大

河渠紀聞

卷之五

五

江至瓜步紆迴六十里船繞道曲轉多爲風濤漂損澣守潤州移漕路於京口埭下直渡江二十里復治伊婁渠今瓜州河也達揚子縣二十五里卽至治所以是直達舟得無敗歲減運費數十萬澣之移守汴州也淮汴水運路自虹縣至臨淮一百五十里水流迅急舊用牛拽竹索上下流急難制澣奏自虹縣下開河三十餘里入於清河百餘里出清水乃開河至淮陰縣北岸入淮免淮流湍險之害唐書地理志宿州虹縣廣濟新渠齊澣開自

虹至淮陰十八里入淮以便漕運既成湍急不可用遂廢此便民保運之善策而地形有高下故水流湍急治工時未用水工準法得平水之道故至不能濟事漕經營潤汴運道一成一廢得失互見然同一利濟之盛心固不可異視矣

唐代宗廣德二年以劉晏爲河南江淮轉運使時汴水湮廢漕運自江淮抵梁洋迂險勞費關中斗米千錢晏疏浚汴水陳漕運利害令中外相應歲運米數百萬石給關中漕道大通後來者皆守其法度

河渠紀聞

卷之五

三

按史稱劉晏轉運關東穀入長安以江淮河渭水力不同隨宜製造運船江船達揚州汴船達河陰河船達渭口渭口達大倉緣水置倉轉相受給船十艘爲一綱使軍將領之歲無沉失其人數運之後髮無不斑白者晏精敏有機智官屬居千里外奉教令如在目前莫敢欺給運船由江淮入汴由汴入河河汴通流浮沙易墊沿河汭流而上牽挽維艱三門迤東河流湍悍衝擊運十得八卽爲成勞人皆竭智盡力至於數運之後無升斗溺亦不

憂欠耗大要以囊米轉運便漕而無害於軍貢糧繇潤州陸運至揚子斗米費錢十九晏命囊米而載以舟減錢十五繇河陰距河陰斗米費錢百二十晏造歇艍支江船二千艘每船受千斛十船爲綱每綱三百人篙工五十自揚州遣將部送至河陰上三門斗米減錢九十江船不入汴汴船不入河河船不入渭江南之運積揚州汴河之運積河陰河船之運積渭口渭川之運入太倉歲轉粟百十萬石無沉失之患邱文莊采晏囊米之說謂可

河渠紀聞

卷之五

三

行於今日以晏歲運粟百十萬石當時未聞有加兌也今加兌浮於所運之半而歲有損溺官軍賠償者政坐剝淺費廣挨次日多遇有沉溺顆粒無餘誠行晏法米皆囊盛遇淺則暫昇岸上過復歸舟或分載小舟以過淺既無散失不幸沉溺撈而出之縱有泡爛亦可他用以爲利運郵軍之道然其事繁重難以持久長河獨運至京非如晏之隨處轉換積壓經時仍有蒸變損耗之患且必如晏而後能行晏之法晏領漕事所行皆大江大河其

時河運之險阻艱難而晏之精力周至可知已唐世稱漕運之能推晏爲首法度精密而能持大體人不厭苦卽造運船一節艘給千緡或請損之晏以事謀永久必使私用無窘而後官物堅完若減至過半則不能運矣後果如其言咸通中有司計費減值船益脆薄而漕運廢是其持籌國計實有通變宜民之用視屑屑較計以言財利者固有殊軌不可同類而共道之也

唐代宗永泰元年轉運使劉晏刺史韋損重開丹陽河渠紀聞卷之五  
之練湖作斗門以通灌溉

按練塘之爲利源流遠矣自晉大興中陳敏鑿練湖至齊建武梁天監間踵事增治廓而廣之隋唐皆因其利後以豪家竊占泄流爲田至劉晏協潤守韋損復啓之唐時綜理水運心計之精敏無踰晏者李華練湖頌序曰潤州之藪曰練湖幅員四十里菰蒲菱芡之多龜魚螺鼈之產饜飮江淮膏潤數州其旁大姓泄流爲田旱則懸耜水則具舟罹害九十餘祀奔告所司紛紜與奪八十一斷強

可吞弱怨痛沉聲永泰元年京兆韋公損爲潤州知截湖爲壤指期興復轉運使劉公晏白三事以聞農民呼忭從役畚鍤盈野增理故塘繚而合之廣湖爲八十里多疏斗門旣殺其溢又支其澤百年浸塞啓於一旦四縣以是無災蓋爲民利如此自是以還旱則引灌潦不奔衝利田幾逾萬頃環湖而居衣食於漁者凡數百家延及唐季漸廢爲田南唐昇元中再議修復紹聖元符間嘗浚之而於呂城牖車水入澳注牖濟舟視水無走泄爲賞

河渠紀聞卷之五

三五

罰而湖半涸矣崇寧初以練湖賜茅山道觀後易以沙田至宣和補葺隄岸大工未舉紹興七年兩浙轉運使向子諲置練湖斗門石礎疏略云鎮江夾岡高仰春夏不雨官漕艱行詢究練湖本未始知此湖在唐永泰間已廢而復興因隄岸弛禁致有侵田冒決湖水不能蓄公私交病增修隄防置斗門石礎以瀦之乾道中議者言丹陽練湖納長山諸水漕渠資之語云湖水寸渠水尺唐禁盜決者罪比殺人修築碁嚴春夏瀦蓄盈滿民運兩利



日久隄岸圯闕不能貯水疆家因而專利爲田遂致淤澱請嚴盜決侵耕之法歲以爲常元有江南後豪勢之家於湖中築隄圍田侵占既廣不足受水遂致泛溢世祖季年依宋例疏治侵占者驗畝加賦泰定延祐至治間數役夫濬滌專置河兵百人責任修理至明永樂八年猶事補苴迨後侵佔日久隄缺不補而湖涸矣潘宮保於修復五塘之議謂民佃田輸價更易數主納課捐租處分不易築隄建厠費鉅議緩執役其說通於練塘然於古

河渠紀聞

卷之五

三

人已行之事謂後人必不可行固無是理使行之無效更歷數十世至千有餘年屢廢屢興廢而後舉不忍捨置者利在農田歲省疏鑿之勞爲運計也然其難復易廢者何也奸民盜決無時百日治之一朝決之風雨難防也又加以謗議之搖惑租課之挾制曾參殺人望而思避矣孰肯傾其身敝所事而與民同患也然以其難治而舉數十傳已效之良法美意謂可竟廢智計亦難言之姑存其說以待後之有志典舉者

唐德宗貞元二年李泌開關東運道成泌鑿山通道自集津至三門開山徑十八里避底柱之險不踰年功成

按唐時治三門水運修棧道穴石引絳功卒不就李齊物鑿砥柱爲門以通漕三門壘河中流水益湍悍舟不能入漢運渠起關門西抵長安通山東租賦韋堅壅渭爲堰絕灞澹並渭而東注永豐倉下復與渭合然永豐倉在渭水入黃河之交而關東運道自漢稱險裴耀卿請置東西倉避三門水

河渠紀聞

卷之五

三

險水陸兼運浮渭以實關中而集津至三門之道未治李鄴侯開運道自三門東鑿山徑十八里避底柱之險不踰時而功成漕運絡繹不絕人以爲便唐都關中土地狹所出不足給京師常漕東南之粟高祖太宗用物有節易贍漕運不過二十萬石高宗後度支歲益加多至德宗初年支用尤繁關中倉廩空時比歲旱荒灑澹將竭長安井皆無水度支奏中外經費纔支七旬禁軍呼於道韓滉運米三萬石至卽慶得生及麥熟市有醉者人以

爲瑞三門山運道成得轉輸之利漕運之自東至者陸續並入於渭無憂匱乏漕路旣通并議京西屯田上言京西戍卒十七萬計歲食粟三百四十萬斛國家比遭饑亂經費不充就使有錢亦無粟可糴吐蕃久居原蘭之間以牛運糧糧盡牛無所用請發左藏惡繪染爲綵纈因黨項以市之計十八萬匹可致六萬餘頭命諸冶治農器糴麥種分賜緣邊諸鎮募戍卒耕荒田而種之約麥熟倍償其值其餘據時價五分增一官爲糴之來春種禾

河渠紀聞 卷之五

三

亦如之沃土久荒所收必厚戍卒獲利耕者浸多糴價必賤名爲增之而所減多矣旣而戍卒應募願耕屯田者什五六糧儲遂裕無須徵糧減卒一轉移間化無用爲有用國家當饑饉薦臻民窮財盡之時身任天下之重權其難易緩急開關東之道屯京西之田此宏濟艱難之大用非尋常漕運屯田通行之法也徵鄴侯不能及此綱目於運道成書其人以予之美其速成如周河隄之書成而京西屯田尤與運道爲表裏矣

唐憲宗元和元年疏嘉陵江通漕饋成州戍兵按是時劉闢阻兵成州戒嚴糧運饋送至成旱道險曲議開嘉陵江通水運石礪以興州刺史爲本道節度使儲備軍糈疏治運道自興州長舉而西浚二百餘里有山根不可鑿焚巨石沃醴以碎之成州漕道以通戍卒饋運宜便柳宗元興州江運記云自長舉而西導江而下二百里至成隨山之曲直以休人力順地之高下以殺湍悍決壅土疏導江濤雷騰雲奔百里一瞬旣會旣遠澹爲安

河渠紀聞 卷之五

三

流烝徒謳歌枕臥而至戍人無虞專力待寇敘其安利如此是時常州刺史孟簡開武進之孟瀆引江水南注通漕疏無錫泰伯瀆通蠡湖猶是道也劉晏領轉運租庸使按行浮淮泗達汴入於河修砥柱觀三門遺迹而未如礪之焚石沃醴蓋知不可而止各因江淮河汴之船以通其利無假鑿治也石礪餽餉便運成平後以儲備有素擢鎮東川簞簞不飭人皆賤之然通嘉陵江之運以濟軍不可以人而軼其事也

唐憲宗元和三年節度使李吉甫築平津堰於高郵按平津堰之設以平水也宋平河之法造端於此運河高於江淮水易直瀉妨運病農立牘蓄水作歸水澳惜水如金而當時行直達之法走茶鹽之利或啓或閉不暇歸水吉甫廢牘置堰治陂塘泄有餘防不足有自然之節度不假人爲所以爲平也平則水無不足而漕運通流宋元祐中江淮發運使賈琮以歲漕自真揚入淮汴過壩者五糧載煩於盤剝軍民罷於牽輓議開揚州古河繚城南河渠紀聞

卷之五

三

唐憲宗元和五年漕運不繼轉運使盧坦糴以備用以通其變也

按唐時劉晏主財穀三十餘年歲漕釋絡不絕嘗以關內豐穰減漕十萬石度支和糴以優農晏後漕寢減少至是大減江淮至渭橋者纔二十萬斛轉運使糴以備一歲之費唐食貨志初陝郡太守李齊物鑿砥柱爲門以通漕開其山巔爲挽路燒石沃醴而鑿之然棄石入河激水益湍怒舟不能入候其水漲以人輓舟而土覆者幾半河中有山號米堆運舟入三山門雇平陸人門匠執標指麾下舟百日乃能上諺曰古無門匠墓謂皆溺死也

河渠紀聞

卷之五

是年王仲舒治蘇隄淞江爲路

按蘇松之藪曰澤財賦甲天下由田有隄防水之蓄洩得宜也隄防不立風波馳突廢民田以漚水賦從何出范文正公上宰相書云姑蘇四郊平窳而爲湖者十之二三太湖納數郡之水東入於海名曰淞江積雨之時湖溢而江壅支流並塞疏而關之不惟使東南入於海又使東北入於江此治蘇松不易之法也而疏以導其流必防以止其漫吳江逼近太湖南西北西俱水鄉抵郡無陸路隄路以達之節太湖散漫之水利益田疇不獨利涉也

河渠紀聞

卷之五

五

郡之東北曰常熟昆洋諸湖之水分流由常熟之福山白茆入於江自齊門北至常熟百有餘里旁引湖水下通江潮支連派分近委遐輸貞元以來河道填淤日積元和中刺史李素疏治之除反壤之害兼利涉之宜爲塘以通陸曰元和下建橋梁通水分流南北支港用資灌溉郡之東曰崑山分洩太湖之水入婁江江之南北皆有湖宋至和中崑山主簿邱與權作崑山塘曰至和東水歸海便行旅爲橋梁五十二分利支渠又以其餘治小虞

山塘及新洋江浚渚涇六十浦四十塘六蓋皆防而兼疏於是自蘇以東田無洿漚民不病涉隋開江南河至餘杭八百餘里隄隨河立而河以東入海入江之大港至是無不並治矣

唐憲宗元和八年六月大水出宮人

按是時南北大水帝以爲陰盈之象出宮人二百車前時貞元中四十餘州大水溺斃民人億計至是復告警水陰象也陰盛陽伏不出水沴爲患出宮人順陰氣恐懼修省之義也綱目以爲主德而

河渠紀聞

卷之五

五

書之義自見矣

是年河溢瓠子東及滑州城下鄭滑節度使薛平開新河長三十里決河注故瀆滑州水患稍平

按此引河東出而從大河再徙之故道也河水驟至浸滑州羊馬城之半薛平議開新河道出黎陽田宏正從薛平之請易地施功協力共治徵役萬人於黎陽山東開古黃河道以灑水暴流有所洩而不爲患此雖治標之策亦得和衷之誼強藩帝制自爲宏正以忠順奉貢能自全於猜暴之時奉

尊王之義勤民修好而有吉凶同患之情斯非不知道者所能爲也不然各守封界河溢亘千里之外非一方所可治爾詐我虞孰肯舍田而芸也故其時非無衝決之事而河所經地四分五裂動多掣肘遇有漫溢惟移於高阜遷避之而已是以罕有紀載采其散見於傳記者錄存以補遺闕蕭仿鎮義成徙流樹隄固西北之防滑賴以安與薛平所爲略同事見蕭仿本傳此外寂無聞焉河水爲患唐以後多出澶滑唐會要云元和中河溢瓠子

河渠紀聞卷之五

五

唐穆宗長慶二年開楚州棠梨涇

按宋河渠志云凡泄水處直曰涇橫曰浦今淮揚間往往有涇浦蘇松亦然涇在淮陰縣南九十里開以通流灌田者郡國書淮陰西南九十里南店地方有堰曰唐堰乃唐人所築也堰中高旁夾二子堰其形爲一中

疇水足徐灌東田蓋因地勢以行水而爲之制也堰在山陽盱眙寶應之間開棠梨涇與堰兼資爲用大歷中李承置常豐堰於楚州灌屯田瘠鹵收當十倍貞元中李襲譽引雷陂渠又築句城塘以灌田有愛敬陂水門杜亞自江都蜀岡之右引陂水趨城隅以溉夾陂田皆爲民利猶開棠梨之意也唐時黃河自王景治後安流無患故不急於河專力於東南漕運歲輸江南財賦揚州都督府淮南節度使皆治江都以通輓引灌爲務轉運使劉晏於揚州造船轉江南粟自淮泗入汴爲通濟渠運道取直逕涇堰塘諸水利悉用平水法故平河通津自唐始開棠梨亦所以平水也

河渠紀聞卷之五

五

唐文宗太和二年夏大水河決壞棗州城

按自長壽迄於開化棗州屢有河患自是復決至壞其城壅遏不洩之故已非一日薛平引流東出便安一時而下流不治洩水而不能通水之去路漫散別出論者謂澶滑之患已始於是時博棗以下淤益甚矣當時治決惟事減水分水愈多經流

愈緩河之挾沙而來者不能出沙之隨潮而入者不能去棣州決不能守則蒲臺以東塞可知已塞而後決決不已而後徙上游之迫阨患積於澆滑下游之噎塞壅潰於無棣而河無寧日矣

唐宣宗大中十二年大水汎徐兗青鄆至滄州杜中立引御水入毛河東注於海滄州水患平

按滄州地勢極卑衆流所歸汎時宜洩不及每至瀾漫中立引御水至毛河歸海分殺其勢水道順利毛河自南皮西來亦名屯氏經鹽山縣東南入

河渠紀聞 卷之五

卑

於海唐志開元十三年開毛河入清池縣導永濟水入毛河以洩其暴溢中立因而疏之俾漲水別由毛河歸海州境以寧是時徐兗青鄆水不循軌汎濫及滄州境內疏洩合宜得以化險爲平宋敏求云鄭畋爲相時令宣武感化節度使封閉公私斗門感化卽徐州也徐兗青鄆病在分水淤河漲水大至河不能容溢而肆出滄州一帶窪下之地尤易停積中立以貴戚出鎮義武豁海濱三千乘之徭車而於汎水漲發時躬自按行得毛河洩水

故道引水注之使畢歸於海事不勞而自治使瀕海編民獲免昏墊捍災禦患之實政也史稱中立居官清明羣下畏伏雖坐免復用治事不稍寬假引水入毛河弭患一節可得其概矣

唐昭宗景福二年河徙自武定之厭次界決而東北流逕濱州渤海故城又東北至海豐之無棣故城逕馬谷小山東入海此千乘改流之始

按自禹河再徙以後大河橫截濟南北境東入於海是時東光南皮之北清河行漢北瀆故道滄州

河渠紀聞 卷之五

卑

交河而北漳河合清河行禹東河故道而千乘海口衝刷寬深獨流迅利迨其後日久患生新河漸淤出海不暢始有長壽棣州之決至博棣屢決復改流東北入海俗所稱徒駭馬頰禹津之河卽改流後衝出之渠也時棣州已壞其城澶滑間屢被河患厭次以下填淤日甚上流奔衝漫決而巳勢倖然也宋時商胡河徙之由實起於此夫棣州屢決而其禍先見於澶滑者澶滑卑下而阨塞下流滯而上壅禍先及此上壅則下愈塞至景福而

河有不得不改流之勢改流新衝之口不能驟刷寬深以致逼流大決棧州徙城陽信大河徘徊於棧濱之間而不得下遂爲宋決河發難之始蓋由承平日久人不知河患疏築懈而輾轉相尋馴至不可救也

唐昭宗乾寧三年河漲將毀滑州朱全忠決其隄爲二河爲患滋甚

按是時河圯於滑朱全忠決爲二河夾城而東散漫千餘里不仁之人圖計目前而不顧下流之遺

河渠紀聞

卷之五

望

殃黃河暴漲之時一決則奔流直注隨處瀰漫盈科後進有千里一壑之勢大河中法之流旁洩正河水勢必弱慢緩紆徊不能衝刷淤沙久而成淤中流既淤分流旁出之水浮原漫野無深槽可歸終亦滯澁難行兩失其道河於是益奔騰橫衝潰壞至不可收拾前時河溢滑州薛平鑿河經黎陽舊潰尙有古黃河故道可循下流仍會於大河故滑猶得少安朱全忠橫開生地夾河而東是以下流之魏博爲壑也是時河工徙從渤海北至無棣

入海下流日就堙塞而全忠復決亂流於暴漲無歸之時民之不爲魚者幾何矣河朔自天寶以後久屬藩臣事不聞於朝廷顛倒任意河事所以日就廢壞而不能復故也

五代史梁開平四年吳越築捍海塘

按唐末置節鎮於臨安錢鏐居其地擁兵闢土爲東南雄鎮景福二年作羅城城東二里卽捍海塘也塘近海潮汐晝夜再上奔騰衝擊聲撼地軸沿江之塘歷代修築至是鏐築候潮通江二門潮水

河渠紀聞

卷之五

望

衝擊版築不就積石植木爲塘城基始定臨安志江挾海潮爲杭人患梁開平中錢武肅王始建候潮通江門潮洶湧不能施功因命強弩數百以射潮頭旣而潮水漸向西陵乃施木石築基基定而門成吳越居湖海之間澤國水利甲於天下宋郊僑云錢氏循漢唐遺事自淞江東至於海遵海而北至揚子江又沿江而西至江陰界一河一浦大者皆有牖小者皆有堰其來源去委悉有法度旁分其支脈之流不使溢聚以爲腹內畎畝之患分

部置撈淺夫以時疏濬今湖秀間築隄於水中以固田西塘之岸至有高丈餘者皆其遺法也是以錢氏有國時歲多豐稔惟長興中一遭水耳納土後人私其業水患方劇唐時藩鎮跋扈鑿貢獻不絕楊李據有江淮吳越貢賦由登萊泛海入洛歲以爲常內修農田民事如家事出強藩之右歐陽公五代史謂英豪草竊託於妖祥人亦樂爲之傳射潮事屬不經而於鏐無怨辭鏐於五代干戈之際竊據一方興水利疏築盡力與民休養而息

河渠紀聞

卷之五

四

之國以富庶百年之間田疇易治滋殖繁多雖性喜奢僭其功亦偉固不可與魏博諸鎮同類而共道之也

五代史梁主瑱貞明四年梁人決河以限晉兵

按是時梁發兵戍楊劉沿河列柵倚河爲固晉視河冰已堅引步騎急渡列柵皆陷之進攻楊劉拔其城楊劉今東阿地也梁人氣奪晉擁兵日進梁將謝彥章攻楊劉決河水限晉兵瀾漫無涯晉王自泛舟測水謂諸將曰梁軍非有戰意但欲阻水

以老我師當涉水攻之引親軍先涉諸軍隨之塞甲橫槍結陣而進彥章拒之稍却鼓譟復進大敗梁兵河水爲赤陷濱河四寨險不足恃也然自梁人決河河從茲開隙矣此隙一開連年重爲曹濮患唐雖塞之未幾復壞至晉天福以後告決不已綱目重開河隙故引河溝以灌魏則書決河以限晉兵則書所以著梁之罪也

河渠紀聞

卷之五

五

日甚

按是時晉大舉伐梁梁晉相拒於河上梁攻晉德勝南城以竹竿聯艨艟十餘艘蒙以牛革設礮戰格橫於河流斷晉兵晉遣人被鎧操斧斷其竹竿以木甕載薪沃油燃火於上流縱之艨艟隨流漂湍梁兵焚溺死者過半晉復廣德勝北城日與梁人爭大小百餘戰梁不能禦至是復遇於酸棗梁將段凝以唐兵日逼復自酸棗決河東注隔絕唐軍謂之護駕水曹濮之間莽爲巨浸決口日衝



日濶釀成大患貽害無窮宋時橫隴決河卽由此東注也河患莫烈於決河治河莫難於塞決河經流迅行之地一決則不可復禦爲患大而最酷綱目書梁決河限晉兵著梁之罪重開河隙也河自乾寧中毀滑州城朱全忠決爲二河夾城而東散漫千餘里已爲禍始至彥章決楊劉疑復決酸棗爲禍不已遂奪全河之溜決口日大東衝西潰縱橫於曹濮之間連年漫流民不堪命方梁晉之相距於河上也李存審於德勝南北夾河築二城跨

河渠紀聞

卷之五

聖

河而守晉扼楊劉梁不能拔楊劉塞東阿之隘德勝據濮陽之津大河之險已入於晉不仁之人損人而卒不自利千里昏墊流毒及於後世是時夏秋彌月陰雨罕見日星江河百川皆溢至七十五日乃霽陰氣亦太盛矣綱目自梁龍德至晉天福以後二十二年中九書河決正以見決河之不易卒復而重著梁罪也

唐莊宗同光二年秋七月唐發兵塞決河

按是時梁所決河六七年未塞決水縱橫於曹濮

兗鄆之境連年衝激四出震撼不已瀾漫無垠人民蕩析離居千里爲墟命將軍婁繼英督汴滑兵塞之未幾復壞凡塞決河必疏其去路使足以容納然後可束水歸流繼英就決治決水不下洩而復潰勢所必至也復使符習往視其事既不能審全河之勢使河歸墟有路復不能堵禦暴衝使民少得安息但於水緩溜平之處築遙隄以禦之爲苟且塞責之計滑帥張敬詢益廣其防自酸棗至濮州二百餘里增廣一丈五尺之隄設治視習有

河渠紀聞

卷之五

聖

加而衝潰如故治猶不治梁之罪爲不可追矣晉主重貴開運元年滑州河決發數道丁夫塞之按此全河南徙之始也河自天福三年決鄆州明年決博州越明年又決滑州是時晉已徙都汴梁以洛陽漕運有闕東巡汴州而博鄆滑之衝蕩弗恤救治無策至是復大決於滑州侵汴曹單鄆五州之境袁梁山會於汶梁山在壽張東平之間汶水東來與濟會暴流瀾漫潰溢南下之勢已成安彥威初塞滑決兼及瓠子自豕韋北築隄數十里

以防之雖暫止其害而不能貫徹於河之上下彌  
河隙而隙更開川壅必潰也至是大集兵夫治之  
卒塞決河決既塞晉主欲刻石紀其事楊昭儉曰  
陛下刻石紀功不若降哀痛之詔染翰頌美不若  
頌罪已之文乃止越明年再決楊劉西入莘縣自  
朝城北流大河輾轉橫潰梁山通於淮泗洪流日  
徙而南澶滑接壤遂爲五季及宋決河發難之始  
綱目於五代書決河九而滑自開成後十餘決澶  
自廣順後亦十餘決滑當衝於前澶移禍於後數

河渠紀聞

卷之五

吳

百年間民無安土之樂地有分裂之患梁爲禍首  
河患之劇無有逾於此時者矣

周太祖廣順二年河決鄭滑明年周遣使塞決河  
按自梁開河隙後鄭滑數百里間幾於無歲不決  
雖屢修塞而決如故漢乾祐初河決魚池今之滑  
州也越明年河決鄭州水散漫無可收拾任其衝  
潰塞決無聞至是復決鄭滑周遣使修塞暴流善  
潰不可卒塞周主以決河爲憂遣王峻親往巡視  
功不就至廣順三年八月大水之時集民夫併力

塞決雖未能疏使通流歸海決止不塞而爲民請  
命有君人之度故綱目書周塞決河以予之也

周世宗顯德元年十一月周河隄成

按綱目於李穀之塞楊劉書成以美之河志言穀  
之治水順水性而非障塞工止一月故綱目美其  
成此就其成事論之而未詳事之本末楊劉之決  
屢矣自朱梁開隙後復決於開運三年西入莘縣  
四十餘里自朝城北流決澶滑臨黃周主以決河  
爲憂遣王峻行視而未治顯德初命周訓等分塞

河渠紀聞

卷之五

吳

決河時靈河魚池酸棗陽武常樂驛河陰六明鎮  
原武決口凡八功未施五月河大決東平之楊劉  
至博州東潰分二派滙爲大澤瀾漫數百里壞古  
隄而出灌齊棣淄諸州至於海涯漂沒民田廬舍  
無算流民采菰稗捕魚給食訓等久不能塞至是  
遣李穀詣澶鄆齊按視隄塞穀順水立隄自陽穀  
抵張秋口遏之役徒六萬逾月畢工成事不可謂  
不速此綱目所予也然不能疏浚故道以清去路  
使水有所歸俾功於冬深水涸之時滌潦至而溢

溢隨之以致下流壅塞河不得復歸故瀆衝漫別出離爲赤河河身狹小不能容又離爲游金二河歐陽公所云游金赤三河皆故瀆東南新衝之渠也先時河在頓丘德勝城內五代前在頓丘北東至滑州至是徙而南水患轉劇有宋橫隴諸決之變皆胎禍於此正以不能順水性而無異障塞此所謂不揣本而齊末也綱目一千三百年書河決無過十六新莽三年至唐末書河決者僅一五代自晉至周二十二年書河決者九河至五季當亂

河渠紀聞

卷之五

辛

離之時自有不能安流者矣

周顯德二年疏胡盧河

按胡盧河在趙州寧晉縣東南名寧晉泊亦曰北泊漳滏諸水所匯古大陸澤也流至冀州合於滹沱是時契丹屢窺河北輕騎深入無藩籬之限邊民困弊言事者稱深冀之間有湖盧河橫亘數百里可浚之以限其奔突詔王彥超韓通將兵夫浚之工竣築城李晏日置戍而還備邊之道也

是年周疏汴水

按汴渠自唐天寶以後日久湮廢潰決宿州涌橋迤南悉爲汙澤汴之故跡不可復尋禹貢河出爲澗卽汴水也春秋謂之汭水汭卽阪後避反改爲汴漢曰鴻溝曰蕩蕩曰陰溝皆因其所至而易名先是盧振言汴河兩岸隄堰不牢每歲潰決沿隄有河故道相視陂澤立斗門水漲溢時以分其勢澇無漂沒之患早獲澆溉之饒議久不行至是世宗謀擊唐命武寧節度使武行德發民夫因故隄疏導之長竟六百餘里東至泗上議者皆以由汴

河渠紀聞

卷之五

壬

至泗路遙功鉅慮其難成世宗謂曰數年之後必獲其利益以淮南平後藉以通漕將獲其利也發徐宿宋單等州夫以浚之尅期成大梁舟車所會便於漕運居天下之中命將行師開漕道以利轉輸糧運不勞食足而兵氣自揚軍國之大計也周顯德四年疏汴水入五丈河

按五丈河卽宋之廣濟河也水經云河水於白馬縣南決通濮濟黃溝東南逕濮陽縣入濮水所在決會更相通注以成往復於是濮陽濟陰間有五

丈溝因故溝浚之成河導荷水自開封歷陳留曹濟入清河清河卽濟水所匯流也京東自濰密以西起青淄歷齊鄆梁山濼入五丈河達於汴其廣五丈汴濟交通回注利商旅渠不寬深常患淺澀春初調夫開濬唐末汴水潰決河流遂湮河北舟楫皆不能達至是大浚之疏汴水入五丈河東經定陶北入於濟齊魯舟楫皆達大梁復濬渠東過梁山泊以通青鄆之漕旬時畢工而轉輸有賴矣周顯德五年命王樸如河陰按視立斗門於汴口

河渠紀聞

卷之五

奎

按汴口爲分河入汴之道河陰西北之石門渠卽汴口也汴河自隋大業初疏通濟渠引黃河通淮至唐改名廣濟宋都大梁以孟州河陰縣南爲汴首受黃河之口屬於淮泗大河向背不常河口歲易易則度地形相水勢爲口以逆之春首役夫修治設斗門爲節始無決溢之患汴渠派分洪河梁宋東南畎澮之利凌流此渠以成其大歷代重之丁晉公談錄云梁宋地平溝洫之水皆歸汴渠隋煬帝析黃流築左右隄三百餘里舊所奏水悉爲

橫絕散漫無歸宋亳之地遂成沮洳昔之安流今乃湍悍昔之漕運冬夏無限今則春開秋閉歲運止得半載昔汴沿兩無艱阻今則逆流而上重載難運沿流而下虛舟空浮汴梁建都汴水貫都東下每歲霖澍決溢爲慮晉公之言信矣而其原皆由引河爲漕汴口不節之故至通論河汴之大勢固有獨出之遠識矣

周顯德五年導汴水入於蔡水

按是時周疏汴渠導河流達於淮通江淮舟楫又

河渠紀聞

卷之五

奎

疏汴入五丈河通濮濟青淄汴濟交通回注利盡南北至是更導汴水入蔡通陳潁之漕蔡卽汴之下流汴水至浚儀分爲二南流曰沙河東注曰汴河沙卽蔡也蔡徙流入沙河汴南閔洧澗之水由尉氏許田大隗出者悉與蔡會濬渠自汴口至浚儀東南歷通許尉氏扶溝太康志鹿邑南合潁河謂之蔡河經太和潁州潁上至壽州西北正陽鎮入於淮卽唐時轉輸江淮之故道也又蔡合閔亦曰閔自是以西南爲閔河東南爲蔡河後復改爲

惠民皆是河也汴以南之漕無不至矣

周顯德六年四月汴渠成分引南北漕道大通

按筆塵云周世宗疏汴口之渠道河達淮通江淮  
導汴入蔡通陳潁浚汴入五丈河流經定陶入於  
濟東過曹濟梁山濼漕齊魯此皆宋之漕運所由  
始也漕運自唐天寶後自江漢抵梁汴迂險勞費  
劉宴開汴水通運迨後江淮割據漕運不通水道  
日就涸塞漢乾祐初河決鄭州汴河隄兩岸連年  
潰決盧振請於汴河故道陂澤處立斗門以備旱

河渠紀聞

卷之五

五

潦亦祇及於汴口未能權通河之大勢至是大浚  
北極齊魯青鄆薊燕南浮江淮東通徐泗所在漕  
流漕舟連檣而至規制大備斯卽復三關平淮右  
取秦隴之氣象也又開御河爲薊燕漕運計自青  
鄆齊魯薊燕以北無不到矣前乎此者太和之梗  
漕運義熙之濬湍流未及其廣大後乎此者熙寧  
之開訾口元豐之引洛水猶遜其周妥不數年間  
向之割據一方專利不相通者至顯德復滙於一  
濟民利物有君人之度綱目書汴渠成以美之美

其心之志於仁也嘗讀書見唐元稹均田圖慨然  
曰此致治之本也王者之政自此始期以一歲大  
均天下之田而不果卽開渠一事想見其規爲歐  
陽公謂制作之法皆可施於後世偉然爲一代之  
賢主而得之五季豈天欲生聖人以致太平而先  
爲之兆與

周世宗顯德六年河決原武遣使行視發近縣民夫  
塞之

按原武春秋時之扈地水經注河水東北經卷之  
河渠紀聞

卷之五

五

扈亭北晉出公時河絕於扈卽是地也前時河決  
陽武原武居其上流水壅於曹鄆浸入東平之安  
山上流無患也然下流縱橫旁出正河受淤新衝  
之渠勢不能容納全河壅於下者潰於上此原武  
河隄之不能免於決也世宗晚年憂心於決河每  
決必遣官分往塞治至是發近縣民夫徵調不及  
遠地使各自顧其家兼資口食掾災卹患之道也  
以世宗之精力由此更治積日累勞安見橫流不  
可就理惜未能承年而成治也

周世宗顯德中開老鵝河

按是時世宗有事於江南欲引戰艦自淮入江阻北神堰不能渡擬鑿楚州西北灌水以通其道灌水在楚州城西卽老鵝河俗所云烏紗河是也周師至北神堰已抵城下而不得渡者吳夫差溝通江淮以淮水底低溝水底高懼其泄而立堰於此以截江流不議開也開灌水時言者皆謂地形不便計功甚多世宗親往相視授以規制發楚州民夫浚之旬日功成用甚省巨艦數百皆達於江唐

河渠紀聞

卷之五

五

人驚以爲神世宗雄略非常疏治南北河道所在通流自非灌水所能阻止其規畫精密力少功多初非刻削以厲民然以內外不平之水而使未習水勢之巨艦當急流之衝亦非動出萬全之道或其時適當內外水平爲姑濟一時之權未可知也宋時平水用水工准法水勢與地勢相劑而平故得無患而當周師至時堰猶未平灌水尤非通流之地固不可以權濟一時而易其常道矣

南唐昇元中浚丹陽湖作斗門以通灌溉丹陽湖古

名練湖

按山居贊論云練湖自唐以來皆議引以濟運宋元時言治水者咸云練湖自長山合八十四流而爲辰溪自辰溪瀦而爲湖又別爲重湖環湖爲隄四十里亦巨浸也唐時近湖民築隄橫截十四里開瀆口洩水取湖下地作田遂分上下二湖代宗永泰二年州刺史韋損請重開下湖謂練湖未被隔斷以前每春夏雨水漲滿左近百姓得引溉田苗官河涸淺又得湖水灌注官私往來至爲便利

河渠紀聞

卷之五

五

若霖雨泛溢卽開瀆洩水入江自隄築以來湖中地窄無處貯水橫隄壅礙不得北流秋夏雨多奔注丹陽延陵金壇等縣良田八九千頃常被淹沒稍遇亢陽近湖田苗無水灌溉所利田百餘頃損三縣百姓之地望依舊漲水爲湖官民兩利報可遂增理故塘潦而合之廣四十里湖爲八十里大歷初劉晏爲轉運使分官吏主丹陽湖河漕不涸至是因韋損之舊大加浚治增修斗門歷宋紹聖大觀宣和間歲時修濬時有以練湖賜茅山道觀

因潤州田多高仰及運渠夾岡水淺不能接濟別取大江漲沙田賜之仍舊修築湖與晉陵新豐壤地相接廣八百餘頃溉縣民田以一寸益漕渠一尺爲利甚溥宋南渡以後土地分割軍國之計止仰給於蘇松數郡不得不盡心經理人自爲治牐壩節節關束名卿重臣董其成豪右上戶不能壞其法紹興中轉運向子諲言練湖隄壞不能滿蓄水涸舟膠一遇霖雨卽滄及丹陽金壇延陵一帶良田如議增置斗門石礎修補隄防盡復舊迹乾

河渠紀聞

卷之五

五

道中言者以練湖向來修防甚嚴兵變以後奸民侵占隄岸圯缺遂致淤澱奏請修浚因卽命治防築南北斗門礎函嚴盜決侵耕之禁歷淳熙淳祐修補無間其後上湖又爲民所侵築圩岸以限之元初豪民於湖面高處圍裹爲田至元中復濬爲湖歷大德至治濬築如故初鎮江路總管毛莊言本路漕渠每遇淺澁全藉練湖之水所謂湖水放一寸河水增一尺也近來漕渠轉輸必勞民力自京口至呂城百二十里宜濬練湖淤塞宜挑泰定

初濬漕渠由江口程公壩抵浦河口百二十里又濬湖築隄置斗門及石礎石函以蓄洩啓閉練湖復治至明建文時重修壩牐正統景泰成化宏治間歲修爲常及至萬歷時修防漸疎鎮守吳搆謙言練湖上下二湖界汊中梗現石牐有三引上湖之水達之下湖更有石牐三石礎一引下湖之水達之運河外函洞十二引上下湖之水達之田間牐洞以時啓閉民運兩得其利爰著爲令此善政宜民自唐以來數百年興修之大局歷有成謨而

河渠紀聞

卷之五

五

廢於萬歷時之疎防潘宮保目擊久壞不治謂練湖本無泉源霖雨滙注成湖旱乾卽涸湖水入漕勢皆東趨似於漕無益山居贅論不然其說謂自唐以來迄宋元明皆議引練湖濟運歷有成效而潘氏乃云湖無泉源又謂無益於漕夫漕乾湖亦乾豈非淤塞之故與湖入漕而東趨此非呂城奔牛所以置牐之意與因以潘氏之說爲過大抵宮保立論起於練湖既壞之後積重難返因以爲言也贅論湖練湖濟運灌田之舊迹證以呂城奔牛

二牖而以宮保之言爲過其說較優要以宜民利運行之數百年使無源易涸亦當久涸矣北來之水得湖水頂托亦不驟洩劉晏向子誣諸人非不習河事者今京口至丹陽百二十里歲事畚插勞費無已土積千層河流一線使宮保目擊情形亦不能不動懷古之思矣

南唐寶大中楚州刺史田敬洙請修白水塘屯田以備邊

按是時李璟據有金陵真楚爲屏藩之地屯田白水渠紀聞

卷之五

李

水塘以爲外護關治曠土修復湮廢渠塘安邊固守策之善者而吏因緣侵擾大興力役奪民田歸屯至民怨沸騰遣徐元視之元籍民田悉令歸主旋治元擅作威福之罪而白水塘竟以議阻不成塘在山陽盱眙之間源出自塘山岡阜重疊谿澗縈紆凡四十里水自高而下入富陵河塘有三堰曰潭頭下堰曰河嘉中堰曰劉家上堰三堰旣置則塘山以下四十里內外之水不得入富陵河東滙爲白水塘塘之西南二面皆因岡阜爲限東北

平地築成塘岸高一丈以上方可瀦水舊塘有八

斗門溉塘下田歷皆屯田戍守顧寧人云楚吏多

擾民自昔已然屯田入邊國之大計古人所已行

元以奪田還主以曠土屯田可也安得概阻不修

楚多荒田主不能耕有耕輒有認主旣認亦不能

耕與其荒於家曷若屯於國鄧艾祖逖荀羨謝元

俱屯淮陰以足國裕民取威中原前事可師周師

臨江唐輸數百萬以求退師曷不分所輸之一二

酬田主而佃其田追踪昔賢而甘自屈抑計亦左

河渠紀聞

卷之五

李

矣至宋取江南卽用其策修白水塘灌田不啻因糧於敵昔之聚議經年而未獲一試者反以所事予人而授之柄其所阻止乃其所自敗也農田水利軍國生民之大計敬洙之策曷可少哉





河渠紀聞卷之六

宋史河渠志太祖建隆二年浚三

按宋都大梁居天下之中四方漕運所

大河有四曰汴曰惠民曰廣濟三河合黃而為四

建隆以來首浚三河汴河所漕為多財賦百貨悉

由此進自隋引黃河通淮汴入於河河陰縣南為

首受黃河之口屬於淮泗河口均調水勢止深六

尺以通行重載為準大河向背不常河口歲易度

地形水勢為口逆之導索水受旃然與須水合入

河渠紀聞卷之六

於汴疏壅滯固隄防沿隄課民種榆柳惠民河合

蔡水兼閔洧潁諸水通行舟設斗門節之發畿甸

陳許夫浚蔡水南入潁川廣濟河通荷水導河自

開封歷陳留達曹濟鄆發曹單丁夫數萬浚之三

河治事皆以陳承昭董其役汴渠派分洪河南北

漚流濟運惠民入閔水自尉氏歷祥符合於蔡洧

水自許田注鄆陵歷扶溝合於蔡潁水自大隗山

注臨潁歷扶溝合於蔡而皆通於惠民助漕運廣

濟以京索為源引京索水架流汴水之上以備浚

曰天源東匯於五丈河通東北漕四河轉運均輸

惟汴首承大河漕引江湖利盡南海半天下財賦

所出而引汴入淮之道凡經屢更周末滎陽下引

河東南為鴻溝通宋鄭陳蔡曹衛與濟汝淮泗會

於楚此即四大河交通之原秦漢皆由其道孝文

時賈誼言漢以江淮為奉地通鴻溝也隋開邗溝

自山陽至揚子江又自板渚引河通於淮唐開元

中裴耀卿言江淮租船自長淮西北泝鴻溝轉相

輸納此由渦至潁入淮隋煬所開通淮之道也開

河渠紀聞卷之六

元中齊澣以江淮漕運經淮水波濤有沉損濬汴

水下流自泗州至淮陰合於淮既以水流迅急廢

罷德宗時叛將李正己田悅分軍守徐州臨渦口

梁崇義阻兵襄鄧南北漕引皆絕運使杜佑始請

改漕路自浚儀西十里疏其南涯引流入琵琶溝

經蔡河至陳州合潁水此即惠民河之下流秦漢

以來故道也又盧壽間有水道雞鳴山平岡亘其

中疏其兩端通舟江湖黔嶺蜀漢之粟操方舟而

下經廬壽浮潁涉蔡歷琵琶溝入汴河不復經泝

淮之險功寡利溥時亟欲行之而徐州順命淮路乃通東坡言自唐以前汴泗皆會於彭城之東北然後東南入淮卽徐州通淮之道也至宋時鴻溝噴淤已久汴河漸非其舊嘉祐中汴河淺溢常稽運漕都水言自應天抵泗州直流湍駛無阻應天至汴口岸濶淺漫宜爲狹河以束水勢至道中邢用之請開白溝導京師積水自京師抵彭城呂梁口凡六百里通長淮之漕而不果於行熙寧六年都水侯叔獻請儲三十六陂及京索二水爲源倣

河渠紀聞

卷之六

三

真楚州開平河置閘則四時可行舟因廢汴渠時以白溝與汴蔡皆通漕爲利甚大修白溝自濰河至於淮此卽所謂符離河引汴入濰者昔人謂北宋轉漕於此由是道也蓋下流渦汴就淤南下滯澁不得已而出於此吳桂芳復政府書云宋漕河自真揚導江北趨盱眙入淮是卽唐魏景倩引淮水至天長通揚州之道而宋遵行之也熙寧八年王安石再相侯叔獻言浚汴河自南京至泗州通利虹縣以東有礪石三十里不可濬於是清汴之

議興而汴日淤然汴乃建國之本歲漕六百萬轉輸於此雖經漶漶通流不絕漕運以儲積爲本宋法置三轉搬倉於儀真淮安泗州以發運官董之江南之船輸米至三倉卸納卽載官鹽以歸舟還其郡卒還其家汴船詣轉搬倉漕米輸京師爲漕運良法宋人都汴漕運視漢唐爲便載東南六路之粟於真泗楚轉搬倉江船之入至此而止無留滯也汴船之出至此而發無覆溺也故三倉常有數年之儲邱文莊謂前代運粟皆用民夫轉遞今

河渠紀聞

卷之六

四

易民以兵而長運江河之船遠自嶺北湖南達京師宋漕卒猶有番休回船例得載鹽今皆無是宋法或可仿行然此爲當時言之今自中河一開水路直達天津無需轉船北上則附載有數回空則土儀無禁法制視宋益密漕運尤便於四大河也宋太祖乾德中清河水溢壞高苑縣城沒民舍田禾按清河圖論云高苑地勢爲濟水所經濤山浪屋病民殺稼地廩爲濟水所瀉六月如冰一望無牽沮洳斥鹵之墟地下土疏每夏秋水發西南山

壑之水咸萃河渠淺狹岸善崩恣爲民害小清河  
底視平地尙高丈許白雲孝順及青州迤西諸山  
之水匯注河窄不能容就高趨下畢注高苑水壅  
而城圯勢使然也元豐初章邱山河水溢壞公私  
廬舍毀城垣皆因小清河淤淺不洩也故謂地中  
之河行水持久地上之河經水卽淤者此也又以  
沿河居民盜決圖利水渾則欲其來以沃田水清  
則欲其洩以佈種旣利渾水淤地及水旣清又欲  
以隣爲壑已享渾水之利使人受洪水之害尋擊

河渠紀聞

卷之六

五

構訟終歲無已或欲開紀家口入大清而齊東虞  
其害議開支脈溝入海而博興樂安畏其衝與其  
驅水害人曷若因勢利導昔人言轉害爲利有二  
一通舟楫以資貿易一興稻田以教務農劉瑀小  
清河記云濟清之區有河曰大清曰小清小清源  
出趵突泉滙清潔籠諸水東南抵樂安入海大清  
則濟水渠也自張秋抵利津富國鹽場入海往時  
舟楫浮於二河商鹽便於齊魯迨後堙塞水失其  
經一值淋雨茫茫巨浸成化間叅政唐言令水工

準高下自歷城濬至堰頭又至樂安小清通矣自  
張秋濬至平陰之滑口大清通矣水歸故道退出  
腴田數萬頃河內備淺置瀦水閘防溢置減水牐  
牐旁各置月河濬通水路五百餘里於是清船入  
於濟濟船入於張秋清河通舟楫之交居民遂魚  
鹽之利高苑設稅課局舊時民人富庶以此元史  
虞集曰京師之東瀕海數千里北極遼海南濱青  
齊海潮日至淤爲沃壤用浙法築堤捍水爲田聽  
富民欲得官者分授以地官定其畔爲限三年視

河渠紀聞

卷之六

六

其成有謂地鹹難稻引水灌田有害者載觀周禮  
草人掌土化之法以物相其地而爲之種凡糞種  
蠶瀉用貍釋者曰凡糞種者皆取其糞和水漬其  
種也蠶瀉者逆水之處水已瀉去而地爲鹺鹵也  
貍貉類徧求貍糞漬種相地形瀦洩試之頗驗考  
察清河原委上而白雲湖一帶汪洋無際小清河  
深澗不及大清復加淤墊滲洩甚微若通舟楫備  
淺防溢蓄洩有法旁及農田卽禹溝洫遺意周公  
瀦防之成法足以化瘠爲腴淳于甌篋滿篝之祝

東坡霜風綠錦之咏再見於今大小清河間水歸於壑民安其居何事歲憂蕩析皇皇於壑隣構訟爲此疆彼界之紛爭哉

宋史河渠志太祖乾德二年河決東平之竹邨卽赤河也七州之地復罹水災

按河自建隆初決棣州壞厭次商河居民田舍是年復決公乘渡壞臨邑城八年決齊州至是決赤河棣州連年患溢病在棣以下有所噎而上流之隄不能束然其受病之源在赤河李穀監治楊劉

河渠紀聞

卷之六

七

之決自陽穀抵張秋過之水患少息然決河不復故道離爲赤河行於濬澶濮鄆齊棣濱諸州之境狹小不能容新衝之口下洩不暢患乃自下而上棣州屢有壅潰先受其病次及厭次商河次及臨邑又次及齊州而後有竹邨之決此所以相遞爲患也時議以舊河不可卒復古隄力役工大治遙隄以約攔之藥與病不相值築愈繁而決日甚昔賈讓言古者大川無防小水得入陂障卑下以爲汙澤使水得有所休息游波寬緩而不迫胡天游

祖其說遂謂河流行旣久不可以人力制惟寬立隄防約攔水勢使不至大段漫流卽遙隄之意而不知其不易得用也大河下流旣塞大湏急不能洩橫行激蕩遙隄內塘寬濶勢大引漚漚水歸灣奔騰暴衝所至輒潰雖寬留河地約攔水勢皆空虛無用之所路遙功鉅不足爲恃自明以來以治河名於時者其所築遙隄今俱不用爲其氣長引漚不加增培偶遇漫溢皆冒隄而過從無能守者此遙隄之不足恃也治遙隄以飾耳目而不慮赤

河渠紀聞

卷之六

八

河之狹小難容斯難與論河事矣

乾德四年滑州河決壞靈河縣大隄詔韓重贊王建義等督士卒丁夫數萬人治之被泛者蠲其租

按宋初承五季殘破之後澶滑久成漏卮乾德三年秋霖大水陽武及澶鄆告決水壞孟州中潭發州兵治之漲水驟至淹及水退不爲大患至是滑州大決壞靈河大隄諸州連年被衝沿河隄岸半皆廢壞始命韓重贊等督兵夫修治時北漢未入版圖南漢正勤招討帝以兵燹之餘不以河事重

擾閭閻遣兵治河命將督役不獨重農惜民愛養  
黎庶亦以備戒不虞此用兵治河之始也又以河  
隄屢決所在殘毀遣使行視發畿甸丁夫繕治自  
是歲以爲常皆以正月首事季春畢事此河工歲  
修之始也又命開封大名府鄆澶滑孟濮齊淄滄  
棣濱德博懷衛鄭等州長吏兼本州河隄使此沿  
河印官兼理河務之始也帝重水患謹力役孳孳  
求治連年屢勤修築然不習河渠疏導之法命使  
遣丁治不一效今歲衝毀之防至明歲復然雖有

河渠紀聞

卷之六

九

築塞顧東失西此完彼漏固由久壞之長隄不能  
一時并治抑未嘗提挈綱領導流節洩也然以開  
國之規模卹重困之餘黎苦心調劑隨地求安亦  
有不遺餘力者矣

綱目宋太祖開寶四年河決澶州五年夏五月大雨  
河決出宮人

按綱目書河決澶州災在天下也澶州宋地不言  
宋而但書河決致決之由不起於宋也書大雨河  
決出宮人陰氣盛而出宮人以應天警恐懼修省

所以予之也河之決屢矣開寶初水溢明年決夏  
邑又明年決原武穀熟宋城鄆州及汝清河皆溢  
注東阿至冬初復大決澶淵泛數州咎官守不時  
上言通判州牧論如法蓋自五季分裂以來河之  
壞潰至是已甚揚劉之塞決河不復故道離爲赤  
河由濬澶濮鄆逮棣濱東流至海豐入海此流毒  
所由始也赤河狹小一線新衝不能容伏秋無涯  
之水下洩不暢轉而上潰太祖之世赤河經流壅  
激歲有塞決殆無虛日冬春加增隄防汛時決漫

河渠紀聞

卷之六

十

如故力役終年不息加以靈潦爲災大雨彌月平  
地水深丈餘五行志水不潤下百川逆溢壞鄉邑  
溺民人又云水陰象也陰氣盛而水沴爲災大河  
數決出宮人順陰氣反躬責己之義也而其患實  
胎於赤河迨後赤河分爲游金二河游金赤三河  
並淤而患無已時矣

開寶五年河復大決濮陽再決陽武之小劉村發州  
兵及丁夫五萬人治之召東魯逸人田告至詢治水  
之道善其言欲官之以親老辭去

按是時曹翰董塞河之役連年霖潦爲患決溢不止下詔曰近者澶濮等州縣霖雨薦降洪河告警每閱前書詳究經瀆若夏后所載但言導河至海隨山濬川未聞力制湍流廣營高岸自戰國專利堙塞故道小以妨大私而害公九河之制遂隳歷代之患弗弭縉紳草澤之中有能素悉河渠深知疏導者許詣闕上書帝每聞河決焚香上禱於天願以身代勿延於民下罪已之詔降哀痛之辭可謂誠切更求疏導之策廣咨博詢至是召東魯逸

河渠紀聞

卷之六

十一

人田告詢治水之道逸人著禹元經十二篇考證移時心善其言雖未得要領而虛懷求治已知力制湍流之非法矣是時翰所治決河皆塞而已塞復決橫潰不已殆就決治決未究決所從來之原而治其本與昔王景引河入千乘垂及千年而壞於五季之專利爲害以致經流壅積水不得復由其道新衝之口不能洩瀦而生湮壅而致潰分流平漫故道淤澱山積未易以人力修復逸人至卽謝去豈知其時之未可爲抑其力之有不言之

而不能行之也而其書不傳固難深論曹翰以一武人護役塞決傾囊助役沉所乘白馬虔祀再護並有成績雖未徹河之原委而卽事求治可謂不廢事矣

宋史河渠志太平興國二年汴水大決發畿甸丁男三千命梁迥護塞汴口

按宋建都大梁汴水貫都東下每歲霖霪決溢爲患丁晉公談錄嘗言之且言梁宋吠滄之利奏流此渠煬帝析黃河之流築左右隄三百餘里舊所

河渠紀聞

卷之六

十二

湊水橫截斷絕宋亳地成沮洳此言其常道帝都天下之樞財賦百貨半資汴轉運然分引洪河貫都滙流石門不守遂成大患前歲汴水泛溢壞開封大寧隄浸民田害稼逾年復大決黃水衝汴口奪汴東下非決於汴仍決於河也河流向背不常河口數易湍瀉壅注搜後滅頂衝潰隨之圖利而不卹害非所以重帝都也汴口初決時帝乘步輦行泥淖中近臣泥滓沾衣數十萬甲兵百萬民戶天下轉漕所在帝不能回馭捧輦而出蓋亦有警

子之懼矣開汴口通淮導汴入蔡通陳穎浚汴爲五丈河達齊魯周世宗嘗用力於此宋因故跡更疏之而河陰受黃之口修守不慎使黃倒灌而入金水河滙京索須入汴之水皆助黃爲難矣時孟溫榮澤頓工皆決河患益烈不獨於汴也

宋太宗太平興國三年十月滑州靈河縣河塞復決命郭守文護塞決河率卒塞之

按滑州靈河大隄自曹翰塞決後澶濮鄆州之決未息太平興國初澶復決頓上溫縣榮澤滎陽並

河渠紀聞

卷之六

三

告警沿河隄岸殘破不能守遣李崇矩乘傳自陝至滄棣案行河隄察水勢治隄岸之缺獨被水之租復命十七人分道行視隄岸及時繕治以備水患籌慮不可謂不至矣然隄以束水而水不下洩束亦無益束水以刷沙隄不保固而水旁洩沙無從刷此靈河大隄所以塞而復決也時材葦未具遣李神祐馳往垣曲伐薪蒸四百萬以濟用路遙役重轉運艱難卒以民力復補其缺然未自原及委疏治如法此塞彼決迭爲消長不易時而變隨

之矣

宋太宗興國四年開襄陽漕渠直抵汴京以通湘潭之漕渠成而水不行

按此開白河以通襄漢也白河出唐州南流入漢督漕程能議開是河發八州民數萬命王文寶董其役渠既成水不下行地形之高下未審不能與水平也爲渠之法必就高阜鑿岸爲渠截流爲堰然後水行數里方至平田用鄭白渠扼流蓄水之法水乘高勢下流大渠分置斗門瀉餘水水盛溢

河渠紀聞

卷之六

四

則下板閉渠以防奔注襄陽古有二渠長渠木渠是也宜城令孫永治長渠時蓄洩止侵爭者爲令上大司農會鞏爲記云秦昭王三十八年白起攻楚去陽百里立竭壅水爲渠以灌陽今長渠是也秦得陽爲縣漢改宜城因故迹立堰引其流溉田七千頃蓋水出西山諸谷者其源廣而流於東南者其勢下故得用也熙寧初宜城令朱紘修復水渠溉田六千餘頃皆用此法大要開渠在得勢然後水可通流若勢既未得又無法以佐其治傷財

害民不知其已也

綱目太宗太平興國八年五月河決滑州韓邨汎澶濮曹濟諸州東南流至彭城入於淮十二月決河塞九年春滑州房邨河復決發卒五萬塞之以田重進領其役未幾役成

按自靈河再決復塞後閱五年而復大決於韓邨前此河決宋城決汲縣壞新場隄澶州大水河漲蹙清河凌鄆州城水溢入城是時河流漲入小清河下流冰碎瓦裂漫散橫衝並無獨出之路可以

河渠紀聞

卷之六

十五

歸墟此所以復決韓邨也決河泛澶濮曹濟諸州南下徐州水漲丈有七尺塞州三面門禦之別由澶濮而東漫長垣封邱酸棗中牟浚儀及尉氏襄邑雍邱等縣汪洋浩瀚千里一壑大發丁夫塞之使劉蟠調其餉役久而後成帝作平河歌紀功及韓邨再塞復決滑之房邨與韓邨相去不遠卽再塞而更易一地水無所歸決仍不已方韓邨之隄久不成也使者按視隄址始知遙隄無益不如分水勢赤河窄不能容自應分水然祇於澶滑二州

最狹之地分疏南北北入王莽河以通於海南入

靈河以通於淮設斗門啟閉如汴口法而不知決

水由彭城入淮大河已爲漏卮更引入靈河入淮

之路開則入北瀆之流緩久而必塞下流去路壅

積愈分而愈不可制也蓋遮害以東窪下之地滑

之東境也滑與澶壤地相接下至長壽亭清豐界

內卽頓邱地段疑決酸棗注之朱全忠分滑之決

河爲二夾城而東散漫千餘里皆行於窪地東阿

東平鄆城壽張水澤所鍾自東阿至博州滙爲大

河渠紀聞

卷之六

十六

澤環梁山會於汶瀾漫無涯際迨河決棣州浸厭次商河下流淤高壅滯乃決上流低處離爲赤河復徙河自南而東決東平之竹邨而澶淵頓邱窪地之隄俱不可保則所云行平地易爲敗者信然矣此所以屢塞屢決也韓邨之決滑南北州縣皆爲魚龍之宮太宗驚心蕩析刑牲沉璧於白馬之津稍有成績至復決房邨鑿於韓邨之勞民愆期發諸軍代之以迄事禦患愛民之深衷可以下對臣民然未審於全河之大勢而枝枝節節爲之



有未盡也時江漢灘穀洛瀝澗皆溢水患亟矣  
宋太宗淳化四年十月河決澶州陷北城壞官民廬  
舍決水西北流入御河浸大名府城詔發卒代民治  
之

按是時大河南北橫溢淳化初奪汴壞浚儀連隄  
又決宋城詔決水所經地免租稅聽民種藝明年  
上津霸州並報溢至是復大決於澶州時帝方命  
長吏及巡河主埽使臣經度行視固守河隄違者  
寘於法而決如故滑州之禍移於澶州始以滑州

河渠紀聞

卷之六

七

土脉疏岸善潰每決率在南岸用梁睿言於迎陽  
埽前鑿渠引水凡四十里至黎陽合大河渠成又  
命杜彥鈞率兵夫鑿河自韓邨埽至州西鐵狗廟  
十五里復合於河以分水勢河東西植榆柳固隄  
防至河溢入大名賦州縣薪石榷檉芟竹輸大名  
宋以大名爲北京隄防時決塞不已大河貫境奸民  
監令長吏並兼隄防時決塞不已大河貫境奸民  
乘間圖利豪戶峙芻茭誘姦人潛穴隄防潰而  
居奇貴售歲時竊發知天雄軍趙昌言偵其奸徑

取豪家唐積給用奸不能行方漲水之漫京城也  
昌言籍府兵負土增隄索禁卒佐役皆偃蹇不進  
昌言大聲疾呼城墊人溺不從命者斬衆股栗赴  
役不浹旬城完治事赴功之嚴明爲時所重然河  
方奔衝東西皇皇赴救之不暇遙隄旣難爲功分  
水亦不濟事導河濬川之大要未有能任其事者  
嗣鄆州河漲壞連隄明年河決鄆州詔徙州城太  
宗臨御二十餘年澶滑鄆濮間塞決無已時至徙  
其城而河患益烈矣

河渠紀聞

卷之六

六

宋真宗咸平三年河決鄆州王陵埽浮鉅野入淮泗  
水迫州城命使率諸州丁男二萬人塞之踰月而畢  
按是時大河南北橫流決水南入淮泗而北來水勢  
仍復悍激侵迫州城至塞其門以遏水州東王橋  
渡廢不用避赤河之衝赤河擁濟泗交侵鄆城常  
苦水患至是遙潦益甚淹浸彌月雖旋塞決而患  
不息徙城於舊治東南十五里陽鄉之高原從陳  
若拙闞承翰之議也赤河自汴濬東北行至海豐  
入海凡歷四十五年溢決無虛日以太祖太宗之

英明而不能平蓋五季之流毒離爲赤河一線新  
衝不能容伏秋無涯之水此所以復有橫隴之變  
也

宋太宗至道元年張洎疏陳汴水惠民金水五丈四  
渠開鑿之由

按宋以黃汴惠民廣濟爲四大河又分惠民金水  
五丈及汴爲四渠淳化間汴決太宗步輦臨視興  
徒塞之隄立而水勢定河陰汴口每歲均節水勢  
濟江淮漕運至是詢汴水疏鑿之由洎言惠民金

河渠紀聞

卷之六

五

水五丈汴水四渠派引支分會於天邑舳舻相接  
贍足京師惟汴水橫亘中國首承大河漕引江湖  
利盡南海半天下之賦由此而進大禹疏鑿煬帝  
開明終爲國家之用漢末河入於汜永平中自滎  
陽築隄至千乘汴出大河之南絕河而受索索水  
自旃然與須水合入於汴桓溫將通之而不果皇  
甫誼鑿之爲通濟渠唐改通濟爲廣濟裴耀卿劉  
晏杜佑轉江南租船自淮西北汴鴻溝輸河陰含  
嘉太原等倉歲漕數百萬石其興鑿濟漕之本末

如此曾南豐集昔禹於滎澤下分大河爲陰溝出

之淮泗至浚儀西北復分二渠其後或曰鴻溝始

皇疏之以灌魏郡者是也或曰浪宕渠自滎陽五

池口來注鴻溝者是也或曰浚儀渠漢明帝時循

河流故瀆作渠渠成流注浚儀者是也或曰石門

渠靈帝時於敖城西北累石爲門以遏渠口者是

也石門渠東合濟水與河渠東注至敖山之北而

兼汴水又東至滎陽之北而旃然之水東流入汴

滎陽之西有廣武二城汴水自二城間小間中東

河渠紀聞

卷之六

三

流而出濟水至此乃絕桓溫將通之而不果者晉  
太和之中也劉裕浚之始有湍流奔注而岸善潰  
塞裕更疏鑿以漕運者義熙之間也皇甫誼發河  
南丁夫百萬開起滎澤入淮千有餘里更名之曰  
通濟渠隋大業初也裴耀卿言江南租船自淮西  
北汴鴻溝轉相輸納於河陰含嘉太原等倉凡三  
年運米七百萬石者唐開元之際也後世因其利  
焉太宗嘗命張洎論著其興鑿漕運之本末如此  
宋至道之間也南豐著論尤爲精備至隨汴分出

之河金水五丈惠民皆通於汴金水自京索導源  
由滎陽過中牟名曰金水鑿渠引水百餘里抵汴  
城西架其水橫絕於汴設斗門入浚儀溝東會於  
五丈河楊侃所謂越廣汴湍流之上轉皇城西北  
之隅貫都注御溝之口轉漕通廣濟之渠者是也  
五丈河自汴城歷曹濟及鄆其廣五丈周顯德中  
疏汴水北入五丈河齊魯舟楫皆達大梁通東北  
之漕運改名廣濟惠民河與蔡河一水卽閔河也  
蔡河貫汴梁兼閔水清水潁水以通舟植木橫棧

河渠紀聞卷之六

三

爲水之節閔水自新鄭與蔡水合南歷陳潁通淮  
右之漕時以東南爲蔡河西南爲閔河諸水滙流  
汴南土疏地平水易泛溢淳化間潁水漲盛自長  
葛開小河分流二十里合於惠民咸平中惠民河  
溢寇準治丁岡古河泄導之祥符初自許之長葛  
浚減水河及治棗村舊河以入蔡河又於頓固減  
水河口修雙水門減陳潁水患宋祁作泄水河頌  
以美其事三河異名同源統歸於汴汴河水勢樞  
紐於滎陽水口河陰都監常以知水者爲之史瑩

請開汴口引貞觀中琢石爲門夷岸成壩故事議  
於汜水孤柏嶺山趾鑿山導水時不用其言而開  
減水河四亦治標法也

宋真宗咸平五年六月河大溢惠民河並溢調丁夫  
十五萬命王濟馳往治之

按是時帝巡師大名河決於浚儀汴溢於惠民廣  
調丁夫命王濟經度濟省十六七召濟入見張齊  
賢請令濟署狀保河不決濟曰河決亦陰陽災沴  
所爲宰相苟能和陰陽弭災沴爲國家致太平之

河渠紀聞卷之六

三

福河之不決臣亦可保帝爲動容時澶滑歲警棣  
鄆徙城力役連年不息齊賢令濟署狀責其成濟  
心知帝之愛惜民力兵燹後用度不給減省六七  
亦持籌之常至以河之不決責在於相陰陽之理  
固然而非職河者所宜藉口也河決固由天災而  
補救在人苟疏築得宜安流可冀當濁流泛溢之  
時奉身肩任河防早夜孳孳勞怨不恤一以國計  
民生爲念求事之有濟而後已其濟則君之惠也  
民之福也不濟則職之失也身之罪也以民爲心

而視溺猶已矣不然而功則思歸於已過則輒諉諸人雖日巡行河干侈談機宜事至擇利乘便終無望其事之有濟也河工分功嫁禍之習最誤國事然如濟之持正惜民力亦非不能任事者矣宋真宗景德元年河決澶州橫隴埽詔發兵夫完治之

按此卽赤河決水別出爲橫隴河也決河出京東故道之南與故道改流不過三百里未大變遷今濮州東東平西范縣陽穀之東東阿長清之北皆

河渠紀聞

卷之六

三

有古黃河故迹卽橫隴決河所行也橫隴雖修復舊埽河道已徙行於齊棣濱三州之境順流入海去路近便東平東阿以下地尤窪下乘初決之勢成建瓴之河沛然莫禦自長清東北仍行京東故道其西南故道之淤者尙仍其名橫隴與赤河分道並行橫隴由大清河至利津入海赤河由東平州至海豐入海二河並行二十四年是爲東流嗣景德四年復決澶州王八埽修治旬時畢工仍歸橫隴所行之道此有宋諸人所切切於回河而不

忍捨者也其後言復故道卽復橫隴出利津之道也言修六塔卽導入橫隴也言開二股河開直河卽挽河由篤馬出海豐之道也其議分水懼新河窄狹而分洩也進上下約辦水使流向東也大指總以復故道爲主夫橫隴故道非不可復在先治其下游自海口訖澶滑疏其壅滯寬其阨迫王景千年之舊迹至今可存澶滑之患亦紓歐陽公言下流梗澀終虞上決爲患無涯適中當時謬誤之病而水官皆不得其人至於所爲輒左卒不可治

河渠紀聞

卷之六

三

非故道之難復也宋真宗景德二年汴水決南至亳州合葭蕩渠東入於淮

按此黃河奪汴合流南下入淮因以爲汴決也宋都汴梁歲漕東南粟六百萬斛江淮漕最重由汴入淮抵揚汴決則阻漕議者請自汴梁東分廣濟河由定陶至徐入清河以達江湖漕路役旣成覆視地有隆阜水勢極淺雖置埽堰又歷呂梁灘積之險斷不可漕遂罷其役又以高郵新開湖水散

漫多風令漕舟東下者還過泗州載石輸湖爲隄  
蓋汴水決後議疏由徐入清河之路而不果行漕  
舟道經泗州便載輸石於湖則其經汴入淮而不  
由徐入淮可知也自隋迄唐宋通運以來河道凡  
屢更郡國書云煬帝鑿汴梁以通揚州世傳自天  
長六合間達揚州觀音閣爲聚舟之渡頭今羅泗  
橋西北河身猶存羅泗橋儀真縣治東南隅之橋  
也又云盱眙龜山蛇浦口經天長至六合瓜埠出  
江隋唐行河於此又穿瓜埠抵天長由天長出新  
河渠紀聞

卷之六

三

溝七里湖入高寶是瓜埠六合之水道隋唐以來  
皆行之不必定出徐州也

宋真宗大中祥符四年九月河決棣州聶家口已塞  
復決州東李民灣徙州治於陽信之八方寺

按是時橫隴河道行於齊棣濱三州之境決河高  
民屋數丈湍流益暴孺地益削溢決相連並至宋  
人謂橫隴決而東爲棣濱諸州患是也初河決通  
利軍合御河壞州城自後決溢常在州境寇準知  
棣州議徙城商河踰年稍捍護完築而衝蕩不止

乃相視陽信八方寺地徙州城未幾河復決濱州  
河流壅激如故著作郎李垂上導河形勝書言河  
壤澶滑未至平原而上已決九河在平原以北決  
河出九河之南矣追咎漢武發頓邱暴衝濫兗汎  
齊流患中土謂大伾故道可復祖王橫之意而變  
通其說似爲近理惟所言起滑臺下派之爲六緣  
流就下湍急難制恐復滙爲一不能各依所導卽  
竟成六處河口亦難隄防引入滹沱漳河漸至於  
塞益爲民患陳彭年王曾具論之遂寢其議山居

河渠紀聞

卷之六

三

贅論謂垂導河形勢書所見近是而迂迴繁複不  
切於用若未達因勢利導之方而獨斷孤行恐亦  
不免六塔二股之譏亦通論也其後郭諮言澶滑  
隄狹無以殺大河之怒故漢以來河決多在其地  
議引河出没子山下穿金隄與橫隴合以達於海  
當時不用其言猶愈於議分水治遙隄之不審原  
委也

宋真宗大中祥符七年河決澶州大吳埽役徒數千  
築隄亘二百四十步水乃順道

按大吳埽去橫隴不遠隄成而水卽順道者順橫隴之道也澶州數決水不循軌役徒數千築隄導入橫隴通橫隴之道而橫隴所出之道尙未及也陳堯佐奉命規度以開滑州小河分水勢定議自三迎楊村北以次順治引水分流開支河於上游泄其壅溢時以爲利自開寶興國以來澶滑更迭遞決未有策水之來源去委以施治者唯築遙隄議分水而已至遙隄無可用專治分水分洩於澶滑二州最狹之地下流散漫無歸如梁審鑿渠於

河渠紀聞

卷之六

三

迎陽埽前引水至黎陽合大河杜彥鈞鑿河自韓村埽引水至州西入於河卒未收分洩之益堯佐議開河分水爲城郭人民計於救災卹患之道則得矣而一隅之水未能疏全河之勢導之東行也大吳之塞決不可恃若欲遠避黃流俾必不可成之功如李垂所云固不爲當時所重也

宋真宗大中祥符八年浚汴河通汴口運道

按宋時運道出汴口泗州盱眙兩城間淮流襟束之處汴水由灘入淮之道出於此時汴水屢決壅

沙填淤阻滯漕道舟行多不利太常卿馬元方請浚汴河言泗州至開封府崖澗底平水勢薄不假開濬請自泗州夾岡用功以宿亳丁夫充其役功成漕艘直達於淮汴口通流川瀆異同云汴水自河南界流經泗州城東合於淮謂之汴口宋時以此爲漕運要衝胡朏明言自唐以前汴水會泗於徐城之北合流入淮不知何年改流從夏邑永城宿州靈璧虹縣至泗州入於淮宋時東南之漕率由此以達京師汴口改流始於宋唐齊泴開廣濟渠自泗州虹縣至淮陰合於淮旋以水急難行停廢仍由徐入淮杜佑因叛將守徐漕引路絕議改漕自浚儀西引流經蔡河至陳州合潁議行而徐淮路通罷役仍由舊不改宋時渦河已淤下流梗塞引汴入灘達淮卽所謂符離河也疏夾岡約鋸牙隨時修治通運之常道也

河渠紀聞

卷之六

三

宋真宗天禧三年六月滑州河溢天臺山潰於城西漫溢州城歷澶濮曹鄆注梁山濼合汴入淮漫州縣三十二遣使集夫治之明年二月決河塞復於天臺

旁築月隄六月望河復決天臺下走衛南浮徐濟書如三年而益甚

按自祥符四年河決通利軍水淹及滑至是滑再溢已塞復決民困歲殺官第於智計議塞議疏迄無定見或以黃水入王莽河與河故瀆注赤金慮水大難於隄備決處槽底坑深舊渠遂塞之旁必復壞若決河而北水注御河運乾寧軍入獨流口及契丹之境亦恐因此搖動邊鄙李垂疏河利害言自上流引北載之高地東至大伾醜爲二渠分

河渠紀聞

卷之六

二无

流滙注復合於澗澗舊道滑州不治自澗朝議以鑿山決古隄煩擾不用時當河事孔棘水沴洿至京東西及河北江淮以南皆大水天臺已塞復決牽延幾及十年怨氣鬱而成沴陰盛致水有由然也滑州連年衝決壞西北隄防城無外禦陳堯佐加築大隄壘埽於城北護居民復就壘橫木下垂木數條置水旁護岸謂之木龍當時賴之今猶用其法並於舊河開支流以分導水勢皆受其益雖未得敷治之本然當水橫郊關塞決無時亦不無

小補矣

宋仁宗天聖元年詔京東河北陝西淮南民輸新芻調兵伐瀕河榆柳

按此因滑州決河未塞而徵調也是時歲饑連年大興力役賦料至千六百萬發兵夫至九萬賦役近遠均輸宋之民力竭矣宋制歲虞河決有司常以孟秋預調塞治之物梢芻薪柴樵楸竹石芟索竹索千餘萬下瀕河諸州所產地農隙收采備用伐蘆荻謂之芟山木榆柳枝葉謂之梢辦竹糾芟

河渠紀聞

卷之六

三辛

爲索以竹爲巨索長十尺至百尺不等其徵調之例皆行於境內滑州塞決募民輸薪芻自京東河北遠而及於陝西淮南之屬不獨困一方之民矣方天臺初啟工時夫料已調集帝以歲飢罷役寇賊總領其事言病民者特樵芻耳幸調率已集若積之經年則朽腐爲棄物後復興工斂之是重困也其言洞達得制用卹民之道提舉崔立受納薪蒸計其用有餘而奏弛下戶未輸者二百萬李若谷調取芻樵効同列之擾州縣者至構難不悔卹

重困之民力於河事孔棘之秋寬一分民受一分之益非通達治體者不能矣宋史河渠志凡緣河諸州皆有埽埽之制密布芟索鋪梢芟芟相重壓之以土雜碎石卷束爲大埽而下之埽下非積數疊不能遏迅湍又爲馬頭鋸牙木岸以厯水勢護隄諸州之埽滑州除天臺外有韓房二村憑管石堰州西魚池迎陽七埽澶州有濮陽大韓大吳商胡王楚橫隴曹村依仁大北岡孫陳固明公王八十三埽通利軍有齊賈蘇村二埽大名府有孫杜

河渠紀聞

卷之六

三

侯村二埽濮州有任村東西北四埽鄆州有博陵張秋關山子路王陵竹口六埽齊州有采金山史家隅二埽濱州有平河安定二埽棣州有聶家梭隄鋸牙陽成四埽孟州有河南北四埽開封有陽武埽埽制與今小有異同而用則一料物皆以歲計而取足於民今則官自購備不復問之民矣

宋仁宗天聖四年六月京師大雨京東西河北淮南大水

按史稱是年七月京師大雨平地水數尺壞民舍

壓死數百人京東西及河北江淮以南皆大水帝避殿減膳肆赦蠲民租撫流民方水之作也卒執晨朝未入有旨放朝王曾附中使奏曰天變甚異乃臣等燮理無狀豈可退安私室請入見陳備禦之法此治事之常道也南北連年水泛澶滑曹鄆由梁山合汴入淮遠近震恐汴城霖雨連朝水聚不洩黃水漲發都人咸懼大水入城謠言汴口決水且大至百姓惶恐不知所出遠欲東奔其時一線單隄實有危急可懼之形汴口之得免於決幸

河渠紀聞

卷之六

三

也民之不察虛實而欲奔形勢使然人情之恒非無稽之傳播也曾奏對決奏未至民間妖言不足慮以靜鎮無事處之民心安而言自息越明年江南河北大水遣近臣十七人巡行安撫賑恤南北患水未已綱目發明引春秋桓元年大水傳曰大水者陰逆而與怨氣並之所致以變不虛生著修省之義不獨天行之愆矣

宋仁宗天聖五年七月發丁夫三萬八千卒二萬一千緡錢五十萬塞滑州決河十月河平名曰天臺埽



按決河自天禧屢塞未成帝慮殫困民力詔京東西河北路經水災州軍勿復科調丁夫其守扞隄防役兵番休存恤蓋知民力耗竭休養須時也至是決口久不塞衝蕩日甚乃大發丁夫緡錢塞河命轉運使五日一奏事核實程功澶滑自景德以後幾無歲不決地形窄狹而汙下又當由東轉北之交大河乘高而來自高就卑當衝者易敗魚池之滯入減水河無幾也然以計日圖功至十月潦盡而後塞十年未竟之功至是始有成績凡治決

河渠紀聞

卷之六

三

河必審地形通去路合上下權首尾並治就決治決而決之源流未悉治如不治塞決之明年河北大水水之壅於上可知也滄州海口之滯流非一日矣棣濱連年遞決水不下達中滋之填淤日積而日厚新衝暴流不能納全河浩瀚之水壅而逆行澶滑之再折三曲適有以阻阨之故下流淤塞之患先見於澶滑衝決既久決處槽底坑深渠高難以逆上已塞復決其旁此天臺決口自景德迄天聖所以久而不治也天聖初帝憫民久困水阨

詔募京東河北陝西淮南民輸薪芻調兵伐瀕河榆柳凋死之家遣使詣滑行視河勢然其所以治之者不過築隄置埽開減水河而已而不知河淤常先下流下淤則上必決分水愈多沙淤更甚治河不得要領使河下行不疾徒治澶滑無益也自天臺埽成滑州之患更移於澶州矣

是年范仲淹議築捍海塘功名其塘曰范公隄

按海塘之制始於捍禦鹹潮以便耕稼宋開寶中增修揚州捍海塘年久缺壞范仲淹監西溪鹽倉

河渠紀聞

卷之六

三

建議更築發運副使張綸上其事自請知泰州以仲淹令興化董修築之役隄首起海陵尾屬鹽城兩縣間長百四十三里基濶三丈面一丈高一丈五尺越明年功成方仲淹請修時綸力主其議言者以爲濤患息而蓄淹之患與綸曰濤患十九潦患十一治其多者卒成堰仲淹撰張公祠序云維茲海陵古有潮堰舊功弗葺驚濤薦至鹽其稼穡偃其桑梓請復厥功橫議囂然再列其狀用觀厥成以是知文正之相與有成有爲之先者也後數

十年公所作堰半圯於水如臯境許公莊後前時  
規略所不及敗於潮汝海陵令魏欽緒作而治之  
復如初以是知隄之垂於無窮有爲之後者也而  
范公之名獨存惟公之精誠足以貫之合於人心  
所同然故歷千載而彌光也

宋仁宗天聖六年河決澶州之王楚埽

按自天臺埽成後大河東行白馬滑界河流平緩  
萬年隄廣植林木固其地勢然右疆則左傷滑患  
移於澶至是澶州告決明年復壞澶之孫陳埽始

河渠紀聞

卷之六

三

詔轉運司計塞河之備先時詔罷遙隄以休民力  
茲復遣使行視議於滑界開廩邱河以分水勢廩  
邱河卽濮水也暴衝之河勢不能容萬里之流而  
引渠分洩洩水過甚河溜隨之大河出朝城之南  
濮州之北漲水瀉入小清河濟南淄州並遭蕩浸  
徙朝城縣治於杜婆邨廢鄆州之王橋渡淄州之  
臨河鎮而河患益烈矣

宋仁宗景祐元年河決澶州橫隴埽

按是時橫隴爲大河之經流自奉詔停修決河日

久不塞議開分水河以殺其暴未興工而河流自  
分大河經流注橫隴瀉赤河又有廩邱及王楚埽  
分流之河並行長清迤北入京東故道卽由千乘  
入海之道今所謂大清河也自宋以來古河盡湮  
大清河深濶如故昔時大溜經行之處出海迅利  
橫隴再決引河入大清兼得三河分行垂二十年  
而後變有宋諸人汲汲回河必欲挽之使東其以  
此也然卒不能抑使歸東者蓋有道矣黃河挾沙  
而行不能敵海沙之日壅惟清水足以刷之禹河

河渠紀聞

卷之六

三

出章武章衛滹沱諸大川及連澗滹蕩山澤之清  
水奔流刷沙故久而不做獨流河深通可驗也今  
河會淮出海引清滌濁海沙不能上大清河雖爲  
濟正瀆挾汶入海合漯同流而汶濟一線之清水  
無異涓滴細流何能禦潮汐時至之壅沙泥渠狹  
不能容而又分其勢也歐陽子謂橫隴之海水口  
先淤百四十里其後赤河復汎爲游金二河亦相  
繼並淤水不下達議分水而愈分愈淤抑猶未知  
大河入青齊二州之境無大川廣澤爲之匯流關

沙而終必塞也求入故道不得矣

是年閻貽慶請治五丈河

按五丈河自汴河分流東通曹鄆諸州宋開寶中改名廣濟爲漕運四河之一九域志五丈河卽禹貢之荷澤自汴城歷陳畱曹濟及鄆廣五丈周顯德中嘗浚之東過曹濟梁山通青鄆之漕便商旅建隆中陳承昭於京城西夾汴河造斗門自滎陽鑿渠百餘里引京索二水通城壕入斗門架流汴水上東匯於五丈河以便東北漕運至是貽慶言

河渠紀聞

卷之六

七

廣濟河下接濟州之合蔡鎮通梁山濼請治五丈河入夾黃河引水注之因立橋梁置壩堰夾黃河者鄆濟間小河也是時濟澤河壩不復可尋原其始經定陶溢爲雷荷兩澤者濟水也循大梁趨睢南下者汴水也皆與河無涉自河汴混一而運渠時有湮淤宋時儲廩仰給京東西數路轉漕爲急而京東自濰密以西青淄齊鄆轉梁山濼入五丈河達汴都歲漕百餘萬嘗苦淺澁春初役夫大濬歲以爲常貽慶以大河決蕩溺民田壞道路合蔡

而下漫散不通舟亟請鑿治利國裕民之要圖也宋仁宗景祐二年范仲淹守鄉郡親至江泚督濬白茆福山黃泗許奚三丈浦而茜涇下張七鴉次之設鎮屯兵專治浦牖利及數州

按周官有稻人掌稼下地之法其瀦水則今之湖塘也其瀉水則今之渚浦也太湖瀦數州之水而松江爲專洩太湖之正道昔人慮吳淞一江不能勝受於常熟之北開二十四浦導入於江崑山之東開十二浦分納諸海諸浦之興始於天禧成於

河渠紀聞

卷之六

七

景祐錢氏時命都水庸田司督撩淺夫疏導諸河其來源去委悉有隄防堰牖之制旁分其支脈之流不使溢聚以爲畎畝之患端拱中轉運使喬維嶽不究溝洫吠澮之利惟務便於轉漕堰牖一切毀之營田之局又以閒冗罷廢乾興天禧間專遣使者興修水利遠方之人不識吳之地勢與夫水源來歷及前營田之利積水常不治至是文正守鄉郡親悉其利害旣導吳淞入海又於常熟之北崑山之東入江入海之支流普疏而徧治之且言

江南圩田蓄洩有備錢氏偏安民間歲多豐稔米石錢五百今米石不下一貫其故可揆請飭轉運司令吏民各陳農業利病擇其簡易者著爲令以爲養民之本疏白茆茜涇七鴉福山諸浦助吳淞之所不及決壅滯而防汛溢明時凌雲翼言吳人習知吳事吳地不能當天下一而歲賦十之二漕粟給司農遂當天下一半其農日夜從事桔槔而間者水多闕無所灌洩請浚楊林七浦福山諸塘七浦在白茆之南楊林在茜涇之北鹽鐵在

河渠紀聞

卷之六

三

福山之北與文正治鄉郡水利同一道也然浦之通流在疏而疏之實效在牐浦視牐之廢置以爲通壅者也茜涇白茆楊林諸港皆通海之道潮汐往來諺云海水一潮其泥一筭渾沙泥滓釀成土阜文正有言曰新導之浦必設諸牐以禦來潮沙不能壅也故設置屯兵專治浦牐啟閉以時節宣由人黃震謂文正守吳郡開茜涇諸塘爲一方之利今浦牐盡廢茜涇一帶幾成坵莽遍地皆種木棉種棉久則土膏竭而腴田化爲瘠壤盡仰藉於

轉糴失古人立法之意矣嘉慶壬戌癸亥先後濬劉河七浦工竣議善後劉河舊有牐久不下板修補試用啟閉如法清水蓄高趁退潮之勢並黃刷沙力大而刷深明效大驗如此然後知文正之實心爲民行而宜之必至盡善然後已此先憂後樂之實功也

附劉河大牐啟閉事宜記

壬戌之春大濬劉河復舊牐時啟閉記其事宜以垂久周禮考工記曰善溝者水漱之漱者何漱其

河渠紀聞

卷之六

單

泥沙也水何以漱泥沙潮沙必得清水而後去也海潮捲沙而來清水力弱不能衝渾激濁新開河道水性未順任其紆迴蕩漾潮水之蔽江而入者不能盡出清水之隨潮而下者不能暢流水緩沙停勢必復淤理本如此然海潮力大勢猛非十數丈清水之河所能抵禦內雖加浚寬深極遲至十餘年必須重濬勢無如何也清江浦淮黃交會兼資爲用黃水挾帶渾泥不能蕩滌海沙借清淮合力滙流入海而後沙可滌婁東一江之水不能比

於全淮亦勢也然則何道以處此曰惟有設牐啟閉蓄清滌渾以水治水而已昔范文正公力排衆議獨開茜涇立牐限水收蓄洩之利其論枕海開河必先築牐隄防而乘除之今大濬劉河牐內之河竭人力浚之使深欲其可久而牐外餘存之浮沙海潮往來人力不能施必借清水之力刷之使通工竣開壩先將壩根內外浮沙搜剔淨盡使呼吸通利至放水之時下板收蓄清水阻止潮進俟潮退二三分後卽啟板開放清水借退潮之勢隨

河渠紀聞

卷之六

望

潮衝蕩海口潮上次第下板使渾濁不能入蓄高清水啟閉如前此以人事之巧力補天行之缺陷清水蓄全力以敵海轉合退潮之水以攻沙以水治水仍以海敵海變通於清黃交會之義節有餘以益不足轉弱爲強行之如法而有常江可常通於海豈直十年哉

宋仁宗慶歷八年河決澶州商胡埽直走大名入衛河至清池合口與漳滙流注乾寧軍其東岸爲今冠縣館陶臨清夏津武城棗強德州吳橋東光南皮滄

州西岸爲今廣宗威縣清河故城景州其東光南皮滄州之道卽西漢大河故道也自是會流逕獨流口又東逕劈地口三义口入於海其西岸爲今青縣東岸爲今靜海南岸爲天津獨流口在靜海北二十里劈地口在縣東北三义口卽天津東北之三义河是爲宋黃河北流之道商胡決後二十二歲爲神宗熙寧二年導東流而北流閉又十二歲爲元豐四年河復北流哲宗紹聖初又閉後數歲爲元符二年東流斷絕河竟北流蓋自慶歷八年下逮金章宗明昌五

河渠紀聞

卷之六

望

年北流凡一百四十六歲

按自商胡決而北流王景之河始廢橫隴決河久不塞橫流四出橫隴出海之口先淤百四十里赤河下流分游金二河游金與赤河相次繼淤於王楚廩邱之流亦絕分水愈多經流愈緩所在填淤盡爲黃流已棄之高地河梗噎不能下不得不決入永濟已成之渠由故道北流也歐陽公言河本泥沙無不淤之理淤常先下流下流淤高水行漸壅乃決上流之低處天禧中河出京東故道下流淤

河渠紀聞

卷之六

聖

塞乃決天臺塞未幾又決澶之龍門埽數年後塞復故道又決王楚埽所決差小與故道分流而故道又淤復大決橫隴是決河非不能力塞故道非不能力復所復不久終必決於上流者由故道淤而水不能行故也誠哉是言實足發是時決河之蒙商胡之決亦正坐此大河自決入永濟後澶州之患稍緩下流至青池西與漳水合由界河趨獨流口入海順利後決入漳水遂爲大河之所經地勢東高西下北流屢自西決是以議者欲導全河

入漳以合禹跡前賈讓請決遮害亭放河使北入海至是宋之北流卽行其道數千年滄桑更變而禹迹無改百世不易其治明德之遠於斯益見商胡初決時遠謀修塞科稍芟一千八百萬配六路一百餘軍州官吏催驅嚴急或物已輸官或人方在路未及興役尋以報罷歐陽公病其舉事輕銳爲害宋之民力竭矣

宋仁宗皇祐三年七月河復決大名府館陶縣之郭固口明年塞郭固而河勢猶壅議開六塔河

河渠紀聞

卷之六

聖

按是時河患未息塞郭固而河勢猶壅議者請開六塔以披其勢賈昌朝欲復橫隴故道李仲昌請自澶州商胡河穿六塔渠導入橫隴費省功倍陳執中主昌朝富弼文彥博主仲昌遣使詣銅城海口約古道高下之勢卒以開銅城故道功大難成議因六塔水勢導入橫隴遂以至和二年修六塔河河在清豐縣西南三十里引商胡決河通橫隴過六塔集故曰六塔河之支渠也修六塔卽開橫隴之意而陰用其說者橫隴湮塞二十餘年河長千有餘里聚三十萬衆鑿黃河已棄之高地於災譴變異之時誠知其難也而仲昌變其說假六塔爲回河之計飾言費省使其易舉殊不思下流淤而河始別出六塔河一支流耳周沆勘視河廣不及五之一數丈之漚不能衝千里之波偏注之渠不能回全河之勢奚待智者而後知也善乎歐文忠之言曰議故道者未詳利害之原述六塔者近乎欺罔之謬橫隴湮塞已二十年商胡決又數歲故道千有餘里已平難鑿今但見河北水患遠欲

還之京東初不計前時屢決之因故道無可復之勢六塔有減水之名無減患之實今以別河下流已爲濱棣德博之患若全回大河注之濱棣德博河北所仰之州不勝其患而又故道淤塞上游必有他決之虞就令商胡可塞故道未必可開蘇陘洪水九年無功禹得洪範五行之書知水潤下之性乃因其流疏而就下河患乃息今欲逆水之性障而塞之奪洪河之正流使人力幹而回注此大禹之所不能有害而無利也宋時議河惟歐陽公河渠紀聞

卷之六

壘

深得事理潘宮保於公言黃河棄地難復引大禹疏淪排決未嘗創掘一河漢武塞瓠子在湮淤二十餘載之後謂故道非不可復亦不能舍故道而別鑿新河其意謂王景千年之舊迹可復也此論其理而未究當日事勢大河分流日久冰碎瓦裂無可收拾景築隄自滎陽直接千乘斷截溝澗水無他洩之所而後能東使歸海宋時水官皆不得人而力又不足以副之誠知其難也卽謂新河可鑿亦斷非六塔狹小之河所能畢此鉅工開六塔

而思濟事直以河爲戲矣

嘉祐元年四月塞商胡北流入六塔河河小不能容當夕復決河北被患者數千里始議仲昌等不俟秋冬進約致決謫戍有差自後無復言橫隴者京東故道遂廢

按商湖一塞六郡同患下流梗澁海無可出之路河北數千里共爲波臣仲昌罪固難追昌朝欲移全河於故道亦非人力所能至矣禹貢雖指云河災自唐長壽二年決棣州始自是開元數十年間

河渠紀聞

卷之六

壘

博棣魏冀河患漸多下流日壅上流屢決至噎不能下徙從無棣入海至宋時滄州海口復淤大中祥符間決塞不已澶滑歲無寧日自唐迄宋治河惟築隄分水二議從未議及下流故有橫隴之決而其時京東故道未埋也疏德博至海口之壅滯徐理故道澶滑之患可紓王景舊迹可復至橫隴旣通又不專治下流致使海口先淤游金赤三河亦淤故復有商胡之決仍不從事下流而治廣數丈之六塔以俸功北流一閉當夕而敗固其所也

胡朏明著論通達源流并引歐陽公下流梗澁終  
虞上決之語以爲深得大禹之旨其言王景故道  
可復非無其理景治河使河汴分流滴水不洩築  
隄自滎陽至千乘千里同功非若宋之枝枝節節  
爲之此通彼塞也然是時回河旣不效而大河出  
信都渤海間獨流口通快順利濶至五六百步深  
至三四丈入海之勢甚迅安流數十年自澶州至  
乾寧軍創隄千有餘里有基可恃由此歲加修守  
較西漢故瀆尤爲順利固可不言千乘也山居贊

河渠紀聞

卷之六

吳

論言大河自天禧以前漸引北去其後河益徙而  
北奔流到海禹跡可復而壞於宋之朝議惜哉

宋仁宗嘉祐五年春正月鑿二股河

按河流派別於魏之第六埽曰二股河行魏恩德  
博之境曰四界首河韓贄言四界首古大河所經  
宜浚二股於此分流入赤金河商胡決河北至乾  
寧入海二股河東至德滄入海分行殺溢其別由  
冠縣至清平與二股合曰五股河之支流也二股  
暴衝之河寬不及廿丈勢不能容納成河浚商胡

岐出之別派分流東注紆恩冀之患其謂分而爲  
二上流不墜下可無決溢也而患益甚河事自李  
仲昌謫後久無議者贄創議鑿二股又于二股西  
築土隄約水東流作無益以害民春秋所以譏浚  
洙也宋河渠志嘉祐七年河決大名第五埽治平  
元年始命浚二股五股河與贄傳異併存之

宋英宗治平元年唐州守趙尙寬興復召信臣故渠  
增秩卒其功

按唐州自兵燹後土曠民稀趙尙寬守唐按視圖

河渠紀聞

卷之六

吳

記得召信臣故迹發卒復三大陂一大渠皆溉田  
萬餘頃嘉祐時包拯言京西多閒田唐州四縣田  
之入草莽者十八九民多流散守臣趙尙寬興復  
召信臣渠及境內陂堰溉田數萬頃荒瘠變爲沃  
壤流民自歸淮南河北之人至者萬餘戶尙寬又  
教民自爲支渠數十轉相浸灌招懷遠人散耕於  
野來者給以閒田計口授之貨錢買牛比三年皆  
爲膏腴增戶萬餘至是增秩褒美王安石新田之  
詩曰離離新田其下流水孰知其初灌莽千里其



南背江其北逾淮父抱子扶千百其來蘇軾過唐  
作新渠詩以美之其略云新渠之水其來舒舒溢  
來其野至於通衢新渠之田在渠左右渠來奕奕  
如赴如奏如雲斯積如屋斯溜蓋紀實也前召後  
杜皆用強清諸水以濟民食尙寬繼其後故文忠  
諸公爲詩褒之有父母之責者當爲民利也

宋神宗熙寧元年六月河溢恩州烏欄隄又決冀州  
棗強埽北注瀛七月溢瀛州樂壽埽

按此卽二股河分洩水勢下流受淤水行漸壅而

河渠紀聞

卷之六

兗

上決也宋人謂商胡決而北爲河北患決河通注  
蝕隄壓遏湍怒而成患非北流之能爲恩冀瀛患  
乃河淤在下而恩冀瀛之不能隄防也歐陽公言  
因水所在增治隄防疏其下流浚以入海則可無  
決溢散漫之虞其言平正通達時不能用浚北流  
決出之二股河仍入赤河歸海之道合流向東而  
商胡就湮至河溢恩州決棗強而北宋昌言議開  
二股河於西岸立上約澗水令東俟東流漸深卽  
塞北流各還御河胡盧故道紆恩冀深瀛以西之

患而不知大河非一約所能澗二股新衝之河滄  
州久淤之口固不能容納而順下也北流二十餘  
年自澶至乾寧創隄千有餘里棗強衝奪故道議  
創生隄韓魏公言恩深所創生隄其東則大河西  
來其西則西山諸水東注腹背受水兩難捍禦固  
知防守不易而二股下流東狹無防不能容納漲  
水與北流合爲一而患愈大魏公早見及之矣當  
時非無可採之議也

綱目宋神宗熙寧二年河決時東流未徙遽閉北流

河渠紀聞

卷之六

辛

河自其南四十里許家滂東決汎濫大名恩德滄永  
靜五州軍境

按綱目於安石用事之初書河決恩冀瀛州至此  
又書河決謹天變也沴氣應而河決有自人使之  
決者于天地之和變出非常也北流由故道暢行  
入海顧欲挽之使東又以帝方嚮用而力主其事  
竭天下之財排天下之議悍然爲之必求遂事而  
後已至謂天變不足畏人言不足恤舛拘亦甚矣  
初張鞏議閉北流司馬光言地勢東高西下宜專

護上約及二股隄岸俟東流添至八分以上北流日減再行閉塞而鞏持議甚堅光以遠塞北流恐移患滄德而安石嚮鞏持之愈堅慮光梗議風茂則言東傾已及八分遂定塞議北流一閉許滂大決汎濫五州軍開已塞之河侍難成之功簽使東趨適足爲患方昌言獻議時提舉河渠王亞力言黃御河北行入獨流經乾寧軍直達大海海口濶六七百步深八九丈其勢愈深其流愈猛天之所開也乃未覩黃河在界內東流之利而必欲閉之

河渠紀聞

卷之六

至

以快其說難已綱目於書河決之下繫以地震天變示警亦大可畏也哉

宋神宗熙寧三年以邾宣爲司農寺丞提舉兩浙興修水利尋罷之

按邾氏父子以水利名其家多所建白適當元豐變法之時荆公錄而用之世以是不重其人並廢其書然由今考其所言皆有條理如論地形高下之宜曰蘇州五縣號爲水田其實崑山之東接於海之岡隴其地東高西下所謂東導於海而水反

西流者也常熟之北接於江之漲沙其地北高南下所謂北導於江而水反南下者也是皆爲高田崑山西抵常州常熟南抵湖秀其地低下皆謂水田高田常欲水反流而不蓄故常患旱水田常患水反瀦而不洩故常患潦論古人蓄洩之跡曰崑山迤東太倉埭身之東有一塘焉西徹淞江北通常熟南北其塘謂之橫瀝又有小塘貫橫瀝而東西流者謂之埭門古者堰水於埭身之東灌漑高田又爲埭門者恐水之或壅則決入橫瀝以分其

河渠紀聞

卷之六

至

流也故埭身之東尙有坵畝經界溝洫之跡因埭門壞不能蓄水而爲旱田若水田遺跡卽今崑山之南夏駕小虞等浦皆決入淞江之道也有橫塘以貫其中而碁布之古者旣爲縱浦以通於江又爲橫塘以分其勢使水行於外田成於內有圩田之象故水雖大不能爲害必歸於江海而後已宋時盤門久塞蘇州五門皆有堰俗呼城下爲堰下齊門猶有舊堰之稱隄防旣完水無所瀦容設堰者恐其暴而流入於城也至和初開崑山塘得古

牖於黃亭之側是古者水不亂行之明驗也及隄防既壞水亂行於田間而有所滯容故蘇州得以廢其堰夷亭無所用其牖也爲民者因利其浦之濶擴其旁以爲田又利其行舟之便決其隄以爲涇今崑山諸浦一二里間卽有小涇皆破隄爲之也浦日以壞故水道涇而流遲涇日以多故田隄壞而不固日久蕩然爲陂湖矣今秀州海濱之地皆有堰以蓄水海鹽一縣有堰百餘所湖州皆築隄於水中以固田而西塘之岸至有高一丈餘者

河渠紀聞

卷之六

五

此其遺法猶存也論治田先後之宜曰今取崑山常熟之高田設堰滯水以灌溉之浚其經界溝洫使水周流其間而浸潤之立壩門以防其壅則高田常無枯旱之患水田亦減數百里流注之勢然後取水田循古今遺跡五里七里爲一縱浦七里十里爲一橫塘因橫塘之土以爲隄岸使塘浦濶深隄岸高厚水通流而不能爲田害然後擇江之曲者決之使必趨於海又究五堰遺址而浚之使水不入於城如是高低皆利無水旱憂然後倣錢

氏遺法收圍田之利養撩淺之卒更休迭役以濬其高田之溝洫與水田之塘浦則百世之利也司農丞條議大約以高田立壩門爲蓄洩之道低田治縱浦橫塘深河高岸爲通流壅水之法引蘇州五堰爲證古人締造之艱後人變法之由歷歷如見然當相沿既久之後欲興大役必先安民而後可集事若舉一切涇浜概行罷去多立壩門重理塘浦勞煩不已吏得因緣爲奸民無安枕之日矣王荆公動援周禮而其所爲乃至虐民如直所言

河渠紀聞

卷之六

五

行之固難免於騷擾錢氏圍田收利養卒撩淺更休迭役以浚其溝洫一家之勢旣成力又足以副之若人私其業家自爲治改絃而更張之益之勞也直擢任司農旋卽罷斥或竟以此然觀此猶得見古人立法之意行法之迹高下蓄洩之宜其言自不可廢直卒後其子將仕郎僑嗣緝其說曰古人建立隄堰所以防太湖泛溢滄沒腹內良田若惟就東北諸港決水入江是導湖水經由腹內之田瀾漫盈溢滯於蘇常湖秀民田然後及北江東

海之港浦水勢方出港浦復爲潮水抑回水聚不可施治今三江疏洩之道既隘於昔吳江之南築塘障水又多侵占種植菰蒲蘆葦置督餉阻遏來源日淤月澱下流淺狹一遇積雨諸山之水併溢港浦連爲巨浸究治水之利先於蘇州關吳江之南石塘多置橋梁仍開濬吳淞江築兩岸塘隄尋究昔日涇港以漸築爲隄岸所在陂澹築爲水堰柘湖澱山湖等處凡有障遏水勢並與開通宜歛杭睦等山源決於浙江此旁分支脈歸流不爲內

河渠紀聞

卷之六

姜

地吠畝之患者也僑輯直說兼採單鏐言大指以江海岸高於內地築吳淞塘岸治五堰止浚崑常東北諸浦恐水不能外洩而內滯也吳淞一江直接太湖洩湖水最近最捷之道隄以東之使直達於海靳文襄議拯下河之淹高隄束水歸海說本於此其言測下河州縣地勢低海潮五尺築隄丈有六尺束高一丈之水高過海潮五尺尙餘高六尺束水之力既堅趨海之水必速下河形如釜底水無游蕩之處故立議如此與蘇松形勢不同異

淞惟在加浚深澗浚出之土作岸原不專恃高隄卽文襄下河之議亦以道遠功大防守不易而寢不輕舉也今五堰已閉矣九陽諸江之水西下蕪湖不東注震澤常州之港瀆以時修治分流入江望亭堰可不設也嚴湖水南下浙江蒼雲之水亦少殺崑常東北諸浦久未開濬開劉家河疏夏家浦而婁江之塞者以通華亭諸泖之水分歸黃浦而東江之礙者以大斜堰決而七浦白茆爲洩水尾閘震澤水漸北徙自胥口吐之郡濠由元和塘

河渠紀聞

卷之六

姜

北入於江分由至和塘東入婁江古今事勢不同非株守一法也而要在疏浚以時節宜有道張楨論吳中之水尤爲切實可與僑說參觀矣  
宋神宗熙寧四年八月河溢澶州曹村十月溢衛州王供埽

按大河自許滂東決後下游汎溢無歸先於北京新隄第四埽第五埽衝決漂溺館陶永濟清陽以北被害更甚新隄凡六埽已決其二水過而致敗也至是復溢於澶再溢衛決水下屬恩冀貫御河

奔衝爲一帝心憂之而未得所主也初北京留守韓琦言德博至滄皆二股下流既無隄防必侵民田若河門束狹不能容納漲水上下約隨流而脫二股與北流合衝爲一其患更大司馬光亦言治河當因地形水勢彊用人力引使就高橫立隄防則逆激旁潰不惟無成仍敗舊績帝偏於所主屢進不納以至橫潰無已至是復爭言導河之利且云二股河地最下舊防可因堙塞祇三十餘里度河之湍淺而逆之又存清水鎮河以折其勢則悍者可回決者可塞遂修二股上流並塞第五埽閘二月河成水入於河決口亦塞未幾河溢夏津前功俱廢專已遂非至於屢挫不悔亦不畏人言矣是年浚漳河

河渠紀聞

卷之六

壬

按唐十道志河北大川曰漳水初由臨漳歷肥鄉合沙洺諸水南入冀州交河縣合於滹沱此漳之經流禹貢所稱橫漳者也經大名入東昌館陶合衛者支流也自元以來資漳河助轉輸賴其通流宋時運不資漳而徒故道入於大河則有衝決之

患故復疏入正河王安石之議也役兵萬人浚之袤一百六十里帝患財用不足文彥博曰足財用在安百姓安百姓在省力役漳河不開久矣不出於東則出於西利害一也發夫開治徒東從西何利之有安石謂使漳河不由地中行或東或西爲害則一治之使行地中有利無害然漳之水流淤濁經流盛則支流衰支流盛則經流竭消長有時決塞不常水小走灣水大走灘水之性也開疏小渠引挾泥帶沙盛大之水衝灘而出溜轉則新疏之渠必淤固難以人力東使就範時以河北風變詔令省事安靜漳役妨農緩至來歲而安石格詔不下執拘專恣甚矣

河渠紀聞

卷之六

壬

宋神宗熙寧六年提舉濬河司范子淵開直河按宋人回河之謬意在復京東道及河流趨北兼恐失險又以王安石之拘范子淵諸人之巧附會迎合至於屢挫不移自六塔回河不成無敢復言橫隴變易爲二股之說二股塞焉更進上約簽河由篤馬入海猶穿六塔入橫隴也至東流未徙遽

塞北流汎濫五州軍境漫及澶衛恩冀諸州貫衝  
爲一患更甚於決棗強時而猶執前說更開直河  
置浚河司以范子淵提舉司事是時北流閉已久  
水或橫決散漫常虞壅遏命范子淵及朱仲立於  
大名四五埽間開河入二股故道河深八尺用濬  
川杷浚二股及清水鎮別出之河凡退背魚肋皆  
塞之濬川杷者選人李公義鐵龍爪揚泥車之法  
也安石善其法官黃懷信以爲可用患其太輕  
增損別製曰濬川杷其法以巨木長八尺齒長一

河渠紀聞

卷之六

五

尺列於木下如杷狀以石壓之兩旁繫大船各用  
滑車絞之去來撓蕩泥沙然水深則杷不及底水  
淺則齒碍泥沙曳之不動丁役畏責反齒於上而  
曳之人皆目笑安石以爲善賞懷信而命公義官  
且言於帝曰開直河以杷濬之水當隨杷入河置  
數千杷則諸河淺澱皆非所患下其法於大名子  
淵試不可用會安石意遽易其說曰善是皆以天  
下爲可罔也歐陽公言大河負三決之虞復故道  
開六塔不浚使入海則上流必決海口淤而橫隴

商胡屢決皆以下流而害及上流者也與其虛費  
天下之財虛舉大衆之役而不能成功終不免爲  
數州患空勞歲用之夫何如因水所在增治隄防  
疏其下流浚以入海此深悉回河之有害無利知  
河之不可力挽而東也況水已北歸海口深濶創  
隄千有餘里此基可恃因而善守之上可復禹河  
故跡下亦較西漢故瀆爲近古延至曹邨大決六  
塔二股直河皆廢河流自北而南禍遍於澶濮濟  
鄆下及徐邳回河之誤一至於此安石力主范子

河渠紀聞

卷之六

六

淵程昉及去位後昉以不白水災憂死呂陶劾子  
淵興役糜帑虐民功七年不成黜知峽州蘇文忠  
爲詞曰汝以有限之材興必不可成之役驅無辜  
之民置之必死之地世以爲名言綱目書開直河  
以著率民入塗炭之實書子淵提舉濬川司以正  
爲禍始之罪而義自見矣  
宋神宗熙寧八年開王供埽引大河注御河通江淮  
漕運置斗門啟閉  
按御河源出衛之百門泉自乾寧入界河達於海

上源泉水旺盛至衛州以下四時行運未嘗阻滯隄防不至高厚亦無水患至是以衛州沙河湮沒自王供埽開濬引大河水注之御河以通漕運仍置斗門時其啟閉文彥博覆言沙河自放水以來漲落不一所行舟楫皆輕載無利御河上源本旺今取黃河水益之大卽不能容納必致決溢小則緩漫淺澁久亦淤澱且衛州居御河上游西南正當王供埽向著之會所以捍黃患者止恃一隄穴隄引河而置牖之地纔半及隄身礮水暴發河身

河渠紀聞

卷之六

奎

出牖口上泛濫爲患未幾河果決衛州宋河渠志黃河數於王供埽諸處溢入衛河有司輒塞茲更開埽引入御河狹隘隄薄不任受大河分水提舉司仍令綱運轉入大河復請開撥以利漕運時漕運每議輒下水官相度作輟迄莫能定而御河自小吳埽決大河北流數爲漲水所冒亦多湮沒矣宋神宗熙寧十年河大決於澶州曹邨東滙梁山滌分爲二派一合南清河入淮一合北清河入海北清河歷東阿平陰長清齊河歷城濟陽齊東武定青城

濱州蒲臺至利津入海南清河歷汶上嘉祥濟南合泗水至徐邳達清河縣入淮凡灌郡縣四十五濮齊鄆徐尤甚壤田逾三十萬頃

按此卽河道南徙之由河之一大變也河自漢武帝時入淮泗後至宋真宗咸平三年復浮鉅野入淮泗天禧三年又從滑州決注梁山泊入淮泗南清河下本有自漢以來渲蕩已成之枯河連次疊加淘刷至此更成大壑河流雖分南北兩派大半皆入於南北派行久淤之河南派出山歸槽之水

河渠紀聞

卷之六

奎

勢有不同而流更大也大河南徙實由於此自直河開後水勢增漲泛溢衛滑王供韓邨等埽德州河底淤澱上流塞遏河勢四散漫流田廬益壞而時方汲汲回河止固護東流北岸南隄三年不治官吏希省費之賞大名曹邨諸埽計料未培埽兵皆給他役而水官不爲經制至大決徙流而勢已難回文彥博謂人力不至非天災信有然也方初決時蘇軾知徐州水滙城下城將敗富民爭出避水軾曰富民出民皆動搖吾誰與守驅使復入率

丁卒築東南長隄首起戲馬臺尾屬於城城不浸者三版官吏分堵以守卒全其城明年曹邨新隄成決口斷流河復歸北至是更不修閉神宗語宰執曰河決不過占一河之地若利害無所校聽其所趨當時事勢帝非不知之而誤於一人患流南北綱目書河決澶州志天變也變不虛生陰逆與怨氣交并水沴應之其可不知警哉

元豐元年四月曹邨決塞詔改曹邨埽曰靈平五月新隄成堵閉斷流河復歸北

河渠紀聞

卷之六

壩

按商胡決後三十餘年大河北行挽使歸東幾至不遺餘力矣河道填淤漸高屢塞屢決隄防歲增泛濫未息而黃流北出如故議河事者至此亦知東流難回不敢復言挽河思復禹跡孫陳大小吳埽並溢未圖修閉陳佑甫言商胡橫隴故道地勢高平土性疏惡皆不可復復亦不能持久禹故瀆尙存大伾大行之間地卑而勢固尙可施功援李垂孫民先前議更思修復與李立之力主立隄意正相合帝心知之而未卽行也當是時東流填淤

神宗意亦少衰知河之爲患已久而東水歸北知水之趨下其性而回心嚮用非無可乘之機卒未止決歸流非常之功必待非常之人非都水諸人所能任也

宋神宗元豐四年河復大決於澶州之小吳埽自澶注入御河

按是時孫陳大小吳決口未塞小吳復決連年塞治諸埽無復儲蓄當民窮財盡之時決水滙注御河合流至劈地口入海恩州當衝危急詔李立之

河渠紀聞

卷之六

壩

經畫以聞帝於是愛惜民力思順水性謂輔臣曰河之爲患久矣後世以事治水故常有礙夫水之趨下水之性也以道治水則無違其性可也如能順水所向遷徙城邑以避之復有何患是時安石已去用事者皆以罪免故有東流填淤難復更不修閉之詔大河自奔流入御河後澶州之患稍緩其時橫隴久淤二股六塔分流旁洩冀州以上滯澀不利及自澶決入御河順河流已成之勢直達海口小吳埽可不閉澶州數年無驚此思復禹迹



之議所由起也時復有以遙隄之說進者請自王  
供埽迤上添修南隄小吳口北創設遙隄俟礮山  
水下決王供埽使直河注東北從故道入海皆拒  
不納其意固有專屬矣

是年築河隄自大名至於瀛州

按是時小吳決河自澶州御河直趨乾寧軍河分  
入東西兩塘李立之循視決口擬就勢立隄更申  
前議詔小吳決口議立隄防按視河勢向背毋或  
虛設於是分立東西隄埽五十九以河勢著隄順

河渠紀聞

卷之六

奎

流離隄次其等退背亦如之以去河最遠次遠次  
近別其用及河溢內黃決大吳埽以紓靈平水患  
皆導歸北之流使之順下也蓋自河決而北議者  
始欲復禹故迹回河之議轉爲復古立之主立隄  
於衆論紛紜之時至是竟如其言可謂不負所言  
矣然河經橫出日久下流灘積漸生偶遇暴流壅  
遏爲患功難卒就神宗雖有悔心之萌而水官不  
得其人糜費無成決原武決元成橫隄趙邢洛磁  
相諸州並溢大河四散漫流以致中國疲敝甚無

謂也方河決元城時水破橫隄入城黃流暴至數  
十萬衆號呼求救而錢穀稟轉運常平歸提舉軍  
器工匠隸提刑埽岸物料兵卒屬都水皆分駐在  
遠倉卒不能赴救卽有至者拘於分例輾轉牽制  
坐視沉溺而不爲之所後雖言之亦無及矣以此  
應變曷以掇濟急難然自元豐元年後河雖屢有  
衝決經流仍自北行故道無改凡十六年迨後河  
流雖北而孫村低下夏秋霖雨漲水往往東出小  
吳之決旣未塞又決於下流河北諸郡災患不息

河渠紀聞

卷之六

奎

無以杜回河諸人之口於是復理濬迎陽之說矣  
宋神宗元豐五年引洛入汴自河陰穿渠導洛水屬  
於汴

按是時安石再相張方平以汴河乃建國之本恐  
議者屢作改更日失其舊請罷役爲遠慮爲安石  
發也安石主侯叔獻引汴淤田用范子奇不閉汴  
口之議至是清汴之役復興從宋用臣言也用臣  
倡議導洛清汴自任城沙谷口至汴口開河五十  
餘里引伊洛水入汴每二十里置東水一節湍急

之勢用古索河爲源注房黃孟家三十六陂潴水爲塘以備洛水不足決入助流創置廣雄武等隄埽於黃河沙灘上仍修護隄埽以保新河又自汜水關開河屬於黃河置牐啟閉通舟設水達於洛河舊口通黃河泄暴漲施工六十日清汴成洛水入汴至淮河道寬濶水平漫多淤淺更修狹河已而汴水增漲京西斗門不能洩增修萬勝減水河立斗門元豐七年武濟河大潰縱其分流止護廣武三埽大河自導洛後頻年屢決始猶勢稍向北

河渠紀聞

卷之六

七

潰溢北出後漸臥入南廣武諸埽在京城之上隱憂不測而安石宴然安之一以范子涵諸人爲用以致汴不通流河入爲害填淤梗運汴壞而河亦壞又不獨回河東流之謬戾矣梁燾言導洛通汴始聞其說若可喜及考其事則大可懼廣武山之北卽大河故道夏秋漲溢每抵山下洛水至此流入於河乃乘河未漲就嫩灘之上峻起東西隄闕大河於隄北攘其地以引洛水中間缺爲斗門名通舟楫其實盜河以助洛之淺涸也洛水本清

汴常黃流是洛不足以行汴而所以能行者附大河之餘波也增廣武三埽之備竭京西所有而不足或於安流之說稅屋之利恬不爲慮而不知新沙疎弱力不能制悍河水勢一薄則溢漫潰散怒流循洛而下直冒京師是甘以數百萬日增之費養異時萬一之患亦已誤矣燾所言切實近理視蘇頌濱之議水磨除二稅尤爲扼要惜不能用異時廣武埽告警帝謂輔臣曰廣武去洛河不遠須防漲溢下灌京師吳安持言水衝廣武埽刷塌隄

河渠紀聞

卷之六

八

身二千餘步勢甚危急欲自鞏縣東至洛口別開新河引導河水近南改流紛更不已皆徃於導洛清汴爲無事之擾也  
宋神宗元豐六年開龜山運河  
按地理志龜山鎮在阜陵湖尾湖浸泗州龜山之麓許元開淮陰新河四十九里屬之洪澤在洪澤以下也羅拯議鑿龜山裏河五十七里達於淮在洪澤以上也發運使蔣之奇言上有清汴下有洪澤風濤之險以百里沒溺公私之載不可勝計轉

運諸道糧艘涉湖行江已數千里而覆敗於此百里間良爲可惜宜自龜山蛇浦下屬洪澤鑿左肋爲複河取淮爲源不置廂可免風濤覆溺之患當時言者亦以淮陰至洪澤已開新河獨洪澤以上未克興役今卽不用廂蓄水惟隨淮面高下開深河底與河通流形勢利便如議調夫十萬治工功成由龜山裏河達於淮明成化中議漕運從盱眙龜山蛇浦口經寶應天長縣界至六合瓜埠出而不果行是卽阜陵湖尾之龜山也古人用水以漕

河渠紀聞

卷之六

堯

爲國也因以溉田爲民也阜陵湖不可漕不可溉避淮之險反入於險舍安流而就四十里淺深不一之長湖故不能爲轉漕長利也

宋哲宗元祐元年十月決大名小張口河北諸郡皆被水災

按是時河流歸北而孫邨低下小吳決口未塞益以小張新決之水河北諸郡受患於是回河減水之議復起主其議者王令圖范子奇於孫邨濬河置約大吳北岸進鋸牙張問於南樂開直河引水

入孫邨大意仍以復東流故道爲主安燾深右東流文彥博呂大防王巖叟皆主其說帝依議行范純仁方言四不可且云自古惟有導河並塞河導河者順水勢自高導令就下塞河者爲河隄決溢修塞令入河身不聞鑿引大河令就高行流也蘇轍言河朔災傷困敝聚梢椿等物三千餘萬興必不可成之功爲是議者其說有三一曰御河湮滅失饋運之利昔大河在東御河自懷衛歷邊郡饋運商賈利便自河西流御河湮滅失利天實使然

河渠紀聞

卷之六

辛

今河自小吳北行占壓御河故道雖使自北京以南折而東行御河湮滅已二二百里何由復見此御河之說不足聽也二曰恩冀以北漲水爲害公私損耗臣聞河之所行利害相半水來雖有敗田破稅之害其去亦有填淤宿麥之利况故道已退之地桑麻千里賦役全復此漲水之說不足聽也三曰河徙無常河自契丹界入海邊防失備河西郡縣與契丹接壤無山河之限建塘水以捍其衝今河既西則西山一帶契丹可行之地無幾邊防

之利不言可知議者猶恐河復北徙海口出契丹界中造舟爲梁便於南牧臣聞契丹之河自北南注以入於海地形北高河無北徙之道而海口深浚勢無轉移此邊防之說不足聽也范百祿趙君錫奉命按行獨流口言自元豐四年河出大吳就下行疾衝入界河刮除空洞至五百餘步深至三丈餘尺經今八年晝夜不舍界河兩岸日加濶深趨海之勢甚迅雖遇元豐七八年迄元祐泛漲非常而大吳以上數百里終無決溢之害此廼下

河渠紀聞

卷之六

三

流歸納河流深快之明驗也塘漾有限遼之名無禦遼之實淺足以塞裳而涉深足以維舟而濟冬塞冰堅尤爲坦途及今四十二年迄無邊警亦無人言爲隱憂諸議透快明確如此自回河議起首以邊防聳聽自古堯舜都蒲冀周漢都成鎬皆歷年數百不聞以河限外而大河安流合於禹迹未有如此之利便者河入御下行初決南宮再決宗城三決內黃亦皆西決地勢就下可知謝卿材謂水行地中無可回之理而逆地勢戾水性二三

說反覆求合議久不決宋之時事可知矣

宋哲宗元祐六年罷修河司李偉以趙偁權轉運使按此欲止回河之役而更置也初以東流可復置修河司蘇轍言河不可回宜罷修河司李偉令河北轉運司專治北流隄岸遂以偁權其事偁嘗言有司回河幾三年功費騷動半天下復爲分水又四年矣橫截河流置埽約以扼之開濬河門徒爲淵潭今惟當繕北流兩隄閉宗城口廢上下約開闕村河門使河流湍直聚三河工費以治一河

河渠紀聞

卷之六

三

外丞司責成轉運使河患庶幾可息時皆是其言而吳安持等開沙河放水入孫村口遂謂河水已東仍於北流施軟堰而河事焚如矣蘇轍言大河正流數倍東流河水流行不絕軟堰何由能立蓋欲以軟堰爲名實作硬堰陰爲回河之計趙偁亦言河事大利害有三而言者欲專閉北流止知一日可閉之利而不知異日旣塞之患知北流伏槽之水易爲力而不知闕村方漲之勢未可併以入東流也見近忘遠微倖益功直以河爲戲其言切

中事理而都水卒進約漲至水壅而潰如之何矣  
宋哲宗紹聖元年梁村進約水橫德清北流淤斷

按是時郭知章言大河宜閉北行東河水大勢趨  
東趨北者十止二三吳安持請塞梁村口開青豐  
口以分水勢范純仁蘇轍力言不可大名安撫使  
許將言度今之利若舍故道止從北流則慮河已  
下涇而上流橫潰爲害益廣若直閉北流東徒故  
道復慮受水不盡破隄爲患宜因梁村之口以行  
東因內黃之口以行北而盡閉諸口以絕大名諸  
河渠紀聞卷之六

州之患俟春夏水大至乃觀故道足以受之則內  
黃之口可塞不足以受之則梁村之役可止此觀  
大河之勢爲調停之說而勢有不能平者自古河  
無兩行兩行則力分流緩易淤淤必決而旁趨不  
能由人置設也趙偁言河自孟津初如平地必須  
全流乃成河道禹治水自冀抵滄棣始播爲九河  
以其近海無患非謂可隨地分流別出也元豐間  
河決南官議論經年神宗歎曰神禹復生不能回  
此河矣蓋知河之日趨於北俟其汎濫自定耳願

以回東爲紹述而進約閉北者何也

宋哲宗元符二年河決內黃東流斷絕大河水勢十  
分北流吳安持李偉鄭佑李仲等三十人分別竄責  
有差

按河自王宗望代吳安持爲都水奏築金隄七十  
里盡障北流使全河東還故道而是時東流隄防  
未固瀕河多被水患至是河決內黃口東流斷絕  
都水諸人糜有限之財事無涯之功及梁村進約  
孫邨窄狹不能容納水橫德清其亦可止矣然猶  
河渠紀聞卷之六

不悛欲斷北流而不執其咎假分洩水勢施軟堰  
於北流實作硬堰陰謀回河知河衝之不可以軟  
堰禦則又爲決堰之計枉費橫役殆無窮時趙偁  
言北流全河患水不能分也東流分水患水不能  
行也宗城河決患水不能閉也於所不能分者而  
塞之於所不能行者而約之於所不能閉者而廢  
之自關邨下至栲栳隄七節河盡皆閉塞創築新  
隄七十餘里堰全河之水東還故道北流因淤遂  
斷都水長貳交章稱賀請付史官然遏北流俱歸

於東故道迤下形勢高仰水行不快東流隄防未及繕固瀕河亦多被水安持復請俟漲水前相度開澶州故道以分水而爲悠悠之談議者已知狡兔三穴自爲潛身計矣而果以故道難容水不下洩元符二年六月漲水大至河決內黃口東流一瀉斷絕大河水勢十分北流竄吳安持李偉鄭祐李仲明正其罪投之遠方順先帝北流之志伸國法而快人心綱目具書河決內黃著主回河東流之罪也大河自紹聖元年閉斷北流復東行凡五

河渠紀聞

卷之六

七

年至是河歸故道至金世宗大定六年雖屢築屢塞總不出深冀武強河間樂壽諸州之境凡六十七年

元符三年四月河決蘇邨復置北外都水丞司

按自蘇邨決後全河漫流自高注下湍急奔猛所至衝潰故有立西隄之請高宗初御意嚮工作熙豐用事之人次第牽復夤緣求合復理前說進獻東流之計然當災傷困敝之餘公私匱竭力固有不及而河流潰決未久勢不可改任伯雨言前此

小吳決溢謫謀異計牽引百出倖功邀賞不顧地勢不惜民力國用力建東流之議當洪流中立馬頭設鋸齒梢芻材木耗費百倍過水東注水不由地中行澄沙淤泥久益高仰一旦潰決又復北流河流混濁泥沙相半流行既久迤邐淤澱久而必決者勢不能不變也宜因其所向寬立隄防約攔水勢使不至大段漫流如恐淤澱漕泊祇宜就岸增設隄防若再議東流北傾難回公私徒耗實爲自困之道時以伯雨言遂止其議然小人易進難

河渠紀聞

卷之六

七

退誤國殃民至於竄逐流播死而復生卒怙其惡僉王可畏如此然時事日非地已入金宋志所爲太息言之也

宋徽宗崇寧三年詔開修直河以殺水勢

按此分減大河北流下注之水也時大河合西山諸水在深州武強瀛州樂壽埽俯瞰雄霸冀州及沿邊漕濬奉詔措置修治隄防捍禦漲溢分遣條屬相視恩州之北由西路歷沿邊州軍循河隄至深州北下衡水達於冀具言河流次第順達水性

無有不下引之就高決不可得西山積水勢必欲下各因其勢而順導之自無壅遏之患上流不壅則下不潰矣爰開修直河分洩埽下漲水面濶八十尺底濶五丈深七尺南北兩丞司合力共舉逾月工畢又於深瀛諸州增二埽場厚其儲蓄以備漲水是歲大河安流其明效也北流至大陸以下勢大土疏禹治水至此疏爲九河分流入海殺其勢也小吳決出之水北流入御河下合西山諸水至清州獨流砦三义口入海雖據上流形勝而歲

河渠紀聞

卷之六

七

月寢久侵犯隄塘衝壞道路勢不能不加修治東其散漫之勢此不獨疏洩漲水亦慎重邊防之大計也

宋徽宗大觀二年秋黃河決陷鉅鹿縣冀州河溢信都南宮兩縣復被水詔遷鉅鹿縣治於高地趙州隆平下濕亦遷之

按自黃流決入御河合西山諸水至清州獨流三义入海水勢自高而下西山露潦奔匯傾注河北州縣當衝之地勢難免於災害歲月寢久侵犯塘

隄衝壞道路齧損城砦時有告警吳玠言自元豐間小吳口決水北注雖得保固形勝之策而所在迎灑築八尺之隄當九河之尾遇有衝損修復旋卽墮壞與塘水相連非計也詔如議飭修并開直河以殺水勢然自恩州以北漸入沮洳水性無有不下引之就高決不可得西山積水勢必欲下惟有因勢順導防其壅遏河防夫工歲役十萬上戶出錢下戶出力濱河之民困於調發隨宜修治已壞之地遷易高原以爲補偏救弊之道蓋其時固

河渠紀聞

卷之六

七

有不能自立者矣

綱目宋徽宗大觀元年黃河清乾寧軍言河清踰八百里凡七晝夜詔以乾寧軍爲清州

按綱目於大觀初書黃河清徽宗不德而河反清是反常也發明云有道之世雖遇異而爲祥無道之世雖遇祥而爲異河清自徽宗言之則爲異其理固然而義未足水動物也動則濁靜則清宜動而不宜靜水性之自然也黃河亘地飛沙括土奔流到海自古迄今而常濁者以其性之動也動則

奔流靜則沉沙河之通塞因之通則順其性而寧靜則水澄淤貯而不寧河清於乾寧軍乾爲君象國體不寧之象也元順時亦有是可類觀矣舊史災異嘉祥並記要亦存乎其人耳

宋史高宗本紀宋高宗建炎二年冬杜充決黃河自泗入淮以阻金兵

按大河始於梁將決河限晉兵爲河徙故道之先聲終于杜充決河阻金兵爲全河入淮之前導豈有數存其間耶顧祖禹言河患萌於周季浸淫於

河渠紀聞

卷之六

七

漢橫潰於宋此就人事言之河至宋而橫潰已甚宋諸臣實使之也自古竭天下之力以事河而迄無成功者莫如宋徇偏見而欲屈大河之勢以從人者莫甚於宋之諸臣自商胡旣決河歸北流去禹河最近昔賈讓爲放河入北之策時不見用李垂祖其說欲自大伾北載之高地亦托空言至是河自北出於信都渤海間奔流如駛所向深闊自近古以來未有大河安流適符禹迹如斯之順利者使因而導使歸北歲修已創之隄而善守之功

不在王景下矣乃天欲開之人必欲塞之朝議紛起以北出就下之河挽之使東倖必不可成之功持之愈急六塔旣敗二股更興回河不成又策分水潰決至於再三而大河經流北歸如循一轍似非人力所能轉移者而時方伐異黨同以至元老大臣憚於改過反借契丹不測之憂以聳聽他何論已紹聖諸臣猶假河事以明紹述直以河爲戲矣千載一時之機空言坐失宋事之不可爲豈惟用兵爲然哉

河渠紀聞

卷之六

八

宋徽宗政和五年夏六月作三山河橋

按濬東臨河之山有三曰大伾其小山曰居山曰汶子山居山一名紫金山汶子一名鳳凰山俱大伾之支隴也蔡京以孟昌齡爲都水使者引河穿大伾及東北二小山分爲二股合於下流因三山爲址作天成聖功二橋在滑曰天成在濬曰聖功調役數十萬民不聊生至是畢工未幾水漲橋壞京務以侈靡惑人主假周官惟王不會爲說每及前朝惜財省費者必以爲陋至於土木營造率欲



度前規而侈後觀又覩帑庾盈溢遂倡爲豐亨豫大之說視財物如糞土河橋之作調役夫至數十萬之多又當鄰國侮慢之秋不修舉政教號令天下而作無益以害有益謂之何也至引河穿大徑疏二小山引水回環分流匯注於河事疏導陂防之宜絕無所與因山爲址跨河立橋如園亭山水直以河爲戲矣橋立河之中流河寬中必虛水衝則傾而勞民傷財以至病國昔人言譬猶百圍之木膏液內潰然後風可得而拔也豈不諒然哉

河渠紀聞 卷之六

全

宋徽宗政和六年趙霖提舉常平開平江諸浦

按范文正公言江雖三里不及十牖又曰新導之河必設諸牖蓄清拒渾借清水刷沙之力淤不停而河成記曰善溝者水嘴之蓄清刷沙之謂也錢氏循漢唐法自吳江松江東至於海沿海而北至於揚子江沿江而西至常州江陰界一河一浦皆有堰牖所以賦水不久清水暢出泥沙不得積錢氏百年間歲多豐稔霖修平江諸浦以水利自任尤重牖壩上言治水莫急於開浦開浦莫急於置

牖置牖莫利於近外近外置牖潮上則閉潮退則啓外水無自入內水獨出則泥沙不淤於牖內港浦常得通利瀕海之地仰浦水以溉高田每苦鹹潮多作堰斷若決之使通則害苗稼若築之使塞則障積水置牖啓閉水有洩而無入牖內之田盡獲豐利置牖去江海三五里牖外日有澄沙歲事緝治易爲工力浦港深濶積水通流或遇泛海風作得以入口停泊復言水利盛於平江平江之田以低爲勝自田圩旣盡水通爲一古人築圩裏田

河渠紀聞 卷之六

全

非徒謂得以播植也將恃此狹水之所居耳開浦置牖後有積水之田盡築圩岸使水無所容斯爲成治吳光洵上吳中水利疏云蘇松居常鎮下流水易瀦難洩每遇秋霖泛漲風濤相薄河浦之水逆行田間衝嘴爲患宋轉運使王純臣常令蘇湖作田墜禦水司農丞郊亶亦云治河以治田爲本吳下之田視圩岸爲存亡圩岸高則田自固且足以制諸湖之水使咸歸河浦河浦水高於江江水高於海不待決洩自然湍流而岡隴之地亦因江

水稍高又得吸引以資灌溉爲高低咸利之道又云河浦之水皆自平原流入江海水漫而潮急沙隨浪湧其勢易淤夾流爲厝隨潮啟閉以禦淤沙歲旱則閉以蓄其流歲潦則啟以洩其溢爲水旱無虞之道明者所見略同霖開平江諸浦亦正謂此然知非難而行其所知爲難協力行之尤難錢氏守浙時專治一方無他牽制故得盡力農田宋南渡後分疆獨守軍國之需悉惟仰給南漕公卿大臣皆嘗從事溝洫承平後各私世業不顧全局

河渠紀聞

卷之六

全

往往動輒牽拽長民者因時敷治而善導之庶可

漸復於古矣

宋徽宗宣和元年五月京師大水

按史稱是年五月京師大雨如注歷七日而止京城外水高數丈停蓄深廣命戶部侍郎唐恪決水下流入五丈河起居郎李綱言國家都汴百五十餘年未嘗有此異變變不虛生必有以消復之蓋謂陰氣已盛欲求直言防外患以答天戒也然變起於陰盛而水不下洩人事之徒遷實有自致者

京師大水屢矣宋時四大河勻調水勢所在周通大都以汴爲本而分支順導故得安流無患自王安石惑於清汴之議引洛水通漕又廢汴滸水爲塘名爲水櫃而水不通流洛水引入淤河支脈塞滯外水壅高內水不能出聚於京師自都城以西漫爲巨浸前時引京索水架流汴水上名其水爲天源導流入內又截流而東灌於五丈河上通曹濟今內水不出勢必疏入五丈河爲歸流之道安石始以引黃淤汴繼以分汴廢汴汴廢而廣濟惠

河渠紀聞

卷之六

全

民隨以俱壞以致水積京師沉淪胥敗雖曰天時豈非人事哉

宋徽宗宣和二年九月以真揚等州運河淺澁遣發運使陳亨伯治之

按史稱淮南連歲旱漕運不通欲濬運河與江淮平令發運使陳亨伯相度亨伯遣向子諶視之言運河高江淮數丈自江至淮數百里人力難濬議築壩於真州海陵河使諸塘水不爲瓜州真泰三河所分作壩北神堰復朝宗厝時各厝啟閉無時

河渠紀聞

卷之六

金

走泄運水妨滯綱運議自揚州灣頭港口至鎮西山光寺發卒開濬募民疏瓜州至淮口運河而敵氛未靖其後已不暇及紹興四年以金兵蹂躪猶未退師詔燒毀揚州灣頭港口牐泰州姜堰通州白蒲堰其餘諸堰並令開決焚毀不通敵船又使毀拆真揚堰牐及陳公塘無令走入運河以資敵用時事至此謬戾極矣夫敵至而先事預防上也勢不能遏敵騎徒廢堰以漫漫民田先自敵也如既引賊入室而盡毀其室中之所有以弭患使人

無固志患益深錮不可治愚之甚者財賦重地變爲戎馬之場誰職其咎也

宋徽宗宣和三年詔發運副使趙億以車畎水運舟按時當宋之末造綱紀漸弛淮南運河水淺綱運擁集不能速發初以真揚等州漕運淺澁委發運使陳亨伯措置嗣以李琮言南岸有泄水斗門去江不滿一里河去江十丈築軟壩引江潮入河然後用人工車畎以助運漕舟始得通行詔曰江淮漕運尙矣春秋時吳穿邗溝東北至射陽湖西北

河渠紀聞

卷之六

金

至末口漢吳王濞開邗溝通道海陵自山陽至揚子入江雍熙中轉運使劉蟠以山陽灣迅急始開沙河以避險阻天禧中發運使賈琮開揚州古河緣城南接運河毀三堰以均水勢今運河歲淺當詢訪故道及今河形勢與陂塘蓄水之地講求永利以濟不通其條具措置以聞此因運阻而求治法法立而行法無人如無法也初柳廷俊言真揚楚泗高郵運河隄岸舊有斗門水牐七十九水勢常得其平近多損壞以致運淺願寧人云運河通利以澳蓄水啓閉有節水不外洩自無匱乏承平日久權勢自由不復知有國計雖有提舉澳牐修浚斗門之詔下莫能恪守舊制由是水不歸澳運河淺澁乃禁綱舟篙工附載私物時值雨水浮送足用遂以河水增漲一切如舊而淺澁如前矣澳牐蓄水啓閉無時盈者反涸病運由此可不慎與宋孝宗隆興二年議開青溪故道通柵塞門按是時大興水利南渡後尤重農田嚴塞水之禁詔江浙勢家園田湮塞流水守臣按視以聞於是

江寧守張孝祥請復柵塞門通青溪水道言秦淮  
河自正河通流入江外其分派爲青溪由淮清橋  
入經四象橋自天津橋卽今內橋西流出柵門入  
江宋時水西旱西二門外未有土石城下卽臨江  
柵門左近有力者自此築斷青溪爲花園每久雨  
水暴至正河不能洩汎溢城內古潮溝青溪運瀆  
河身皆爲居民侵占湮塞故議開柵塞門使青溪  
直入江則城內永無水患疏入詔後守汪澈指定  
以聞澈言開西園古河道通柵塞門便如議開濬  
河渠紀聞

卷之六

七

水道通行戚志秦淮水源甚遠衆川匯流夏雨暴  
至江潮復湧水卽泛濫經流城內河入江所過橋  
梁爲木石岸堰束扼居民築土侵狹河道水流弗  
順故必資柵塞門長干橋分洩下河長干橋卽今  
之南門大橋也三國吳時孫權引秦淮名運瀆入  
倉城冷斗門橋以北至鐵窗橋也開潮瀆以引後  
湖皆通於青溪秦淮河自明萬歷中丁賓奏開後  
又闢百有餘年日久侵占驟難移動然關宜洩漲  
水導流通氣不可不存其說

宋孝宗淳熙九年大修常州水利

按此浚水利之源以灌田通運也先時常州守章  
冲言常州東北曰申港利港黃田港夏港五斗港  
其西曰竈子港孟瀆泰伯瀆烈塘江陰之東曰趙  
港白沙港石頭港陳港蔡港私港合節港皆古人  
開導以灌田爲無窮之利者也今所在湮塞不能  
灌漑州之西南有溪曰白鶴自金壇縣洮湖而下  
淺狹止七十餘里若加功一濬漕渠無乾涸之患  
其南曰西蠡湖自宜興大湖而下止開浚數十里

河渠紀聞

卷之六

八

引太湖水來漕渠一百七十餘里可免濬治之擾  
修望亭堰節陽羨諸瀆奔下之水潦不致滯溢  
早得沾灌漑運河亦資節蓄通江陰之夏港蔡涇  
諸水以達於運舟楫走集之地引灌宜便緩急可  
恃之道也至是大浚人以爲利史記載丹徒水道  
自六朝千百年通吳會依古以來民皆倚水爲利  
梁邁惠山潛溪民曰梁溪因利於民而白鶴西蠡  
尤爲濟運之幹渠開白鶴西蠡以通其氣支港隨  
地導引盡還前人造跡所在通流補修原有堰廡

啟閉以時又何患江湖之不足以濟其涸此因民  
所利漚流歸運之正道或謂常州地勢東傾奔牛  
呂四等廂不足以時蓄洩別有旁通之道足以濟  
江而引灌則孟簡所開秦伯瀆人稱爲孟瀆者也  
郭思極奏議江南漕河北高南下京口一帶地形  
高亢河流易涸奔牛呂城二廂例應冬閉春啟蓄  
水以待運船然秋冬之交回空運船與往來官船  
必取道於此欲恪守成規勢不可得惟武進之孟  
瀆不由二廂而可以間道達江外通長江內資灌

河渠紀聞

卷之六

允

漚運廂得啟閉之宜漕河資接濟之力曩時河道  
涸竭多出孟瀆濟江而江道險遠不可爲常江潮  
壅沙日積易淤難濬六十里長河民力時憂不繼  
至疏導通行尤須防守故惟內地港河可計久長  
修治必以時也否則河道淤淺漲至不能容旋卽  
走泄南入於湖北歸大江東徑注於吳江雖有江  
湖之利不見其利而害轉滋矣

宋孝宗淳熙十三年提舉常平羅點奏開澱山湖

按澱山湖旁通太湖滙蘇湖秀三州之水上承下

洩華亭在其南崑山在其北水自西南趨東北所  
由歸墟之路不容壅遏也點言澱山湖洩水之道  
東有大盈趙屯大石三浦西有千墩陸虞道禡三  
浦中間南趨澱山湖北趨吳淞江並湖以北中有  
一澳爲吞吐湖水之地今名山門漚正當湖流之  
衝衆浦貫山門漚之中又有斜路港上達湖口當  
斜路之半西過爲小石浦上達山門漚下入大石  
浦凡斜路港大小石浦分爲三道殺洩湖水並從  
上而下通徹吳淞江江湖之水曉夕往來流貫不

河渠紀聞

卷之六

允

息以此浦港通利無泥沙壅塞宜導水源今於山  
門漚之南東趨大石浦西趨道禡浦並緣澱山湖  
北築成大岸延跨數里遏截湖水不使北流盡將  
山門漚中圍占成田斜路及大小石浦洩放湖水  
之處圍斷浦脚泥沙隨潮而上潮水又不下流無  
緣滂滌通利填淤反高於田潦則水無處洩旱則  
水無從取所以亟請開浚也未法禁人占湖爲田  
申嚴遏水之例錢氏歸附後權勢占據爲田山寺  
在田中雖有港漚悉皆淺狹潮與湖水不相往來

攔阻去水東南風水回太湖則長興宜興歸安烏程德清等處泛溢西北風水下澱山湖泖則崑山常熟吳江松江等處泛溢圍占日久率難復舊湖水自大曹港橫泖達於上海新涇入海然澱湖之道塞則吳淞之勢阻潘應武言澱山湖北有道謁石浦干墩小瀝四處趨江頗近水勢甚迅先於此開浚俟水減退然後次第開濬諸港下流既通上流可導實爲居安思危經理根本之大計近時墜淤如故壅田歲加闢展甚有以輸公租入書院給

河渠紀聞

卷之六

空

長吏者雖飭禁不行而開復故道仍有望於實心爲民者之繼事而振舉也

宋光宗紹熙五年淮東提舉陳損之大興淮南水利按廣陵地形高阜西自盱泗壽春諸汭濶泉潦之水注於高寶三十六湖東北趨射陽鹽城入海東南入江水順流徑直易洩胡宗宿所謂江習下而河踞高若隄河一決涸可立待而是時楚州高郵之間陂湖渺漫葑蕀彌滿隄堰未立入江入海之道未闢無以爲瀦泄之地陳損之上其狀得請築

隄自江都經高郵楚州寶應達於淮壑新河自高郵入興化東自鹽城極於海又於揚州蘆鎮創斗門引水由泰州海陵南至泰興徹於江顧寧人詳紀其修治所訖分流導引歸宿之地謂近日議入江入海水道當以此爲據然入江下洩而易達入海紆曲多淤淮南水道以射陽湖爲歸七州縣之水皆瀦焉涇澗二河淮南溪北溪東官西官穿場故城及諸港汊之水由射陽湖通蝦鬚溝出廟灣海口此口空洞距海較近實爲下河州縣之尾間

河渠紀聞

卷之六

空

出海莫捷於此而今昔情形有異宋時黃河未徙其合南清河入淮者俱已築塞淮水獨趨雲梯關下海不闢入於諸湖故淮南雖有泛溢猶得盡力於疏壑迨後全黃俱入於淮南岸一有決失水入射陽散漫停淤涇澗以東之溪河皆塞明自嘉隆以後蘇嘴柳浦新溝建義諸決湖日淤積至康熙三十五年童營衝漫鄰湖之支流亦塞雖有順下之海口水不東注叢奔湮潰歲時疏導之力固不可緩所當以人事之勤補天行之缺也

南宋高宗紹興十五年開顧會浦

按志稱顧會浦在華亭縣西北六十里自縣之北門至青龍鎮南達漕渠下屬於松江舟艘去來衝要之地也唐宋以來歷經修治惟自葦山之陽地形中阜歷久積淤漸高慶歷初復自邑郭訖江滙加濬深廣至是吳中大水婁門以東悉為巨浸通判曹泳考視高下等顧浦故道而治之於浦之上流得故牖基僅存敗木原為旱澇潮水蓄洩之限復得慶歷修河記於縣圃始知河道淺深廣狹之

河渠紀聞

卷之六

壑

制役徒錢穀之數遂因舊基為牖而新之開治行道於河東建石梁四十六通諸小涇以分東鄉之渟浸不浹旬水落土墳由是葦山東西民田皆出為膏腴後因水汎決華亭十八堰以泄湖水水未洩而鹹潮灌進大為民害姜詵之言曰東南瀕海之地視諸港反高雖有神禹不能導水使上宜浚通波大港以為建甌之勢大港即顧會浦也浚河置牖相時啟閉瀉西北積水順流以達於江東南鹹潮自無從灌入治其源而利可永惠民無殊先

後矣

宋孝宗乾道九年修華亭瀕海十八堰移新涇堰於運港

按松江府志稱華亭東南並海自柘涇塞置堰一十八政和中修水利欲涸亭林為田盡決諸堰華亭地勢東南益高西北益卑水自三泖五浦下注松江以入海雖決諸堰湖水不可洩鹹水竟入為害東南四鄉化為斥鹵民不能堪仍復故堰獨留新涇塘以通鹽運海潮晨夕衝突塘口濶至三十

河渠紀聞

卷之六

壑

餘丈鹹水延入蘇湖境上邛崃知秀州奉命行視以新涇塘湖勢湍急運港距新涇二十里水勢稍緩募夫移堰於運港併築堰外諸港及運港之兩岸東西各長二十餘里置監堰官於亭林防鹽運私發諸堰堰遂不壞凡興修水利先審地勢未有求利於勢不行之地而可倖功者松江華亭水之自三泖五湖而洩入於海就下之勢利也決湖水入東南而引之使上不能出清而鹹入為害昧於高下之勢而以害為利為鹽運所愚也移新涇於

運港以緩其勢置監亭林以杜其私堰固而湖水  
自循就下之勢矣

宋寧宗嘉定八年議復白水塘三堰

按白水塘介山陽盱眙之交唐證聖長慶間先後  
開置屯田堰水屯種所堰之水通阜陵湖日久堰  
圯水散漫流溢廢而不治時方軍書旁午議者謂  
淮陰白水塘東至浮圖莊南至褚廟岡脊大堰荒  
廢已久今脊猶在請復之塘周圍百二十里水通  
阜陵河源出盱眙之塘山岡阜重疊谿澗縈紆凡

河渠紀聞

卷之六

叁

四十里水自高而下至劉家渡入阜陵河而白水  
塘三堰一曰潭頭下堰一曰河嘉中堰一曰劉家  
上堰三堰既置則塘山四十里內外之水不得入  
阜陵河然後東滙爲白水塘塘下西北高亢民田  
多荒東北亦有高田得塘水灌溉皆成沃壤盱眙  
兩家渡等處因水限隔就高保聚夏秋開斗門灌  
注水自高而下亦可沾利惟塘內上腴之田二千  
餘頃廬墓莊院皆瀦於水底居民遷徙無所工費  
亦不貲議復白水塘誠知其難也此用於軍興時


堰水占勢屯宿重兵若當民安物阜焉肯捨二千  
頃之腴田廬墓而問諸水濱也故以古擬今不達  
事之變矣

河渠紀聞

卷之六

叁

河渠紀聞卷之六





河渠紀聞卷之七

金史河渠志金始克宋兩河悉界

金境金人設官置屬主其事沿河上下埽凡二十五

六在河南十九在河北

按朱子語錄云元豐間河北流中原多事後南流

金人亦多事近又北流蓋其時河嘗南流尋復歸

北也大河自入金境數十年間或決或塞遷徙無

定南渡後北流漸少大河已離濬滑勢益趨而南

金得北州之地利河南徙以宋為壑任其通行孝

河渠紀聞

卷之七

宗隆興之初金世宗大定四年也范成大使金見

濬州城西南僅有大河利水河離濬滑已在高宗

之世南流日盛決勢已成駭駭有南遷之象不待

陽武大決而始知滔滔南下之不可回也

金史河渠志金初都燕瀕河諸路置倉通漕至通州

達於京師

按是時京東北米粟航海行山東內地北上之漕

分行各河由舊黃河則行滑州大名恩州景州滄

州之境由衛河則通蘇門獲嘉新鄉濬滑彰德磁

洺之餽由衡水則經深州會漳沱來獻州清州之

餉皆合於信安海濶沂流至通州由通州入牖至

京霸州之巨馬河雄州之沙河山東之北清河皆

其灌輸之路轉運於恩景清會獻深六州之倉以

實外庾庸河或通或塞春運以冰消行暑雨畢秋

運以八月行冰凝畢綱將發合衆所載之粟苴而

封之先付所卸慈地視與所封樣同則受蓋以重

根奉廣儲蓄而慎理漕運如此

金世宗大定八年河決李固渡水歸曹州城分流單

河渠紀聞

卷之七

境遣都水監梁肅往視之

按是時大河積淤已久不能受水故有潰決分流

之患梁肅行視新河水六分舊河水四分且言若

塞新河三水復合為一遇漲必決南則害及南京

北則山東河北并受其衝議於李固渡築隄以防

決盜為將就成事之計世宗臨御之初人心不固

沿河數郡之地驟興大役深慮人心動搖構為邊

患從宗敘故道難復塞亦必潰之議姑為分水計

不恤河勢南趨然當立國之始不務勞民動眾愛

惜物力懼其委積謂宗敘曰卿言黃河利害甚悉河工凡有差調吏互爲奸若迫期徵斂民增十倍之費所徵之物委積經年至腐朽不可復用使民數十萬之財皆爲棄物此非細故當革弊擇利而行大哉王言斯英主之所爲矣宋制都水監廉舉都巡河官六總統埽兵萬二千人歲用薪百一十萬餘束草百八十萬餘束椿杙之木不與備河之恒制也崔守真言黃河調用芻藁物料雖云折稅每年不下五六次或名爲和買而未嘗還其值禦

河渠紀聞

卷之七

三

水不過隄埽若土功從實薪藁椿杙依期徵斂無難集事而料取不以時遠近多少無定準大爲時病禦患所以安民農隙均輸核實定議使之分限交納民力紓而工用自足安民以禦患此仁言也金主重民之力首先及此視宋世諸人竭天下之力而不恤者固不侔矣

金世宗大定十一年河決濮州之王邨南京孟衛州界多被其害

按是時大河南決水向東南行其勢甚大而不議

塞決至明年遣官檢視始議自河陰廣武山至原武陽武東明孟衛等州縣增築隄岸逾年修孟津滎澤崇福埽隄並雄武以下八埽以備水患此河補救而不及捍災禦患之大計蓋圖慮目前而力不繼也濮之患決久矣自漢以來河南遷始此濮已爲漏卮治不以時滔滔日下河南孟衛以下沿河州縣告警固不待言也孟津在漢時出大河之北南岸山根逼溜北趨北岸刷塌成河孟津乃出大河之南唐時屢遭水患自後兩岸漸闕地高

河渠紀聞

卷之七

四

土堅不至遠潰修防之功亦稍疎緩至是下流壅塞黃水由河陰廣武山循河而東灌孟津及滎澤地居南北兩岸上游若棄而不修使浸水先潰於上爲患甚大故亟修埽以備之並雄武以下一體從事以爲思患預防之道宋志言河潰於宋貽禍金源氏固有然也

金世宗大定十七年秋七月大雨河決白溝役夫修築河隄六十日畢工

按是時以秋霖河決大河決入白溝非白溝自決

也白溝無山源水潦則通流踰月不雨卽竭初邢  
用之請開白溝自祥符抵彭城呂梁口通漕不果  
嗣侯叔獻請修白溝自離河至於淮通漕儲三十  
六陂及京索二水爲源入白溝王安石議當別爲  
漕河引黃河一支乃爲經久發穀熟淤田司并京  
東河清兵赴役功成仍開河溝引黃爲用時人皆  
以白溝不可爲以引黃也安石獨以黃可引而爲  
之至是河決入白溝淹漕南北安石方以白溝役  
成無窮之利茲不見利而受害甚乃欲開白河而  
廢汴渠何見之謬也

河渠紀聞

卷之七

五

金世宗大定二十年河決衛州及延津京東瀾漫至  
於歸德

按前時濮州河決汎及衛州不卽救治但築沿河  
之隄而決如故至是霖潦暴漲復決衛州水失故  
道益徙而南乃復循故事自衛州下接歸德南北  
兩岸增築隄岸又自陳橋東至陳留潘岡築隄四  
十餘里歸德京埽設巡河官各一以爲修守有備  
實未通徹源流修者自修決者自決多爲之防而

河之南遷不問豈利河之歸於南而不復置計與  
金世宗大定二十五年始命河隄種柳

河渠紀聞

卷之七

六

按天下有取用極小而利甚大用甚便而有實用  
者河隄種柳是也固隄根緩水勢澄沙填缺此效  
之見於平時者也當搶險工緊料物不及備之時  
就近芟柳枝夾雜草用之當其衝要化險護工此  
用之宜於濟急者也世宗聞劉璣種柳之言喜其  
益河防省修費重賞而擢用之誠見其大也河工  
植柳本常事以種多而成奇柳生下地本易事以  
持久而見難初種若不濟事數年後萬柳成陰隄  
有盤根之固浪無侵隄之虞夫役有棲息避暘之  
地而又得取材爲用一事而數善備然以常行易  
治之事而不爲爲之不能要其成者人以傳舍視  
其官而不爲久遠計間有能任其事者前後受代  
殊事異心往往前之所植至其後而廢矣伐於採  
薪之斧斤傷於牧人之牛羊其與存者有幾又如  
南皮民之種柳輸課至河決柳沒官猶徵之子孫  
貧不能償反以爲累此所以持久爲難也劉天和

六柳之法周詳明備惟實心爲公者始能爲十年之計也

金世宗大定二十六年河決衛州隄壞其城徙衛州  
胙城縣自衛抵清滄皆被其害使劉璋往塞之明年  
春隄成河乃復故初議遷衛州治於蘇門至是停遷  
按河之治以漸而成其壞亦以漸而致自大定以  
來河決曹濮漫及衛州增築原陽隄岸已非一日  
迨二十年河決衛州河益徙而南已有并力南趨  
之勢至二十六年衛州大決壞其城遷治蘇門自

河渠紀聞

卷之七

七

衛及大名清滄皆被其害不數年復決衛州仍漫  
清滄大河有不得歸墟之勢則自衛以下之壅塞  
可知自衛以上之橫潰難保凡河每決必淤下游  
而近口以下千餘丈填淤尤厚河流南趨則淤在  
於北決水北出則淤在於南衛州決非一次則淤  
亦非一處而入淮之水獨大則歸北之流必緩緩  
則沉沙滯澁大清河窄不能容伏秋水漲不出於  
南而安歸也其時南北皆警而命往備禦之侍郎  
王寂專以集衆網魚取官物爲事視被災之民不

爲拯救僉謂天災流行人力不能禦惟當徙民以  
避其衝劉璋奉命往塞謂河決爲土不勝水天生  
五材遞相休旺俟秋冬之交水勢稍緩以漸興築  
決庶可塞至期舉事河復故如其言此塞決之常  
法而下流不治能塞於潦盡水枯之日不能不敗  
於水漲溜急之時塞在下者決於上此陽武大決  
之所由來也

金世宗大定二十七年以徐州彭城蕭豐滕州沛州  
長佐貳皆提舉河防事縣令佐皆管勾河防事以重

河渠紀聞

卷之七

八

河防

按河患將成必先開河隙或前此經流餘波申入  
漲至由故隙衝刷成河明昌之決河大徙於泗合  
泗入淮以爲河入淮之始然考大定時河由徐豐  
蕭沛南下始命長佐勾管河防胡朏明言徐州之  
彭城蕭豐滕州之沛皆爲沿河之地則當時河流  
所經大略可知也宋熙寧十年河南徙合清入淮  
南北清河之名已見於是時今豐蕭至徐南流之  
道仍循熙寧南徙故道分流入淮胡朏明猶以邱

潞言熙寧十年入淮之始爲誤援据天禧咸平大平興國湖至漢元光時河決史皆載入淮之文其來已久待至是始南流不返耳金史河渠志御史臺言沿河京府州縣坐視管內河隄衝潰不理令於名銜管勾河防事如能禦患或致疎虞分別賞罰此亦慎重河防之道然得人則資其力不得人則秦越異視在上游之督率爲轉移矣

金章宗明昌四年河決衛州魏清滄皆被害

按衛州已塞復決者數矣至此決水北趨魏清滄

河渠紀聞

卷之七

九

皆被害患又及於河北王汝嘉議疏南岸分流河口濟北埽以北創起月隄是欲固北而鑿南也田櫟以河水趨北蓄長隄隄外率多積水難創月隄先於南岸延津縣決隄洩水北岸自白馬以下定陶以上加功築護是欲疏南而衛北也議雖久不決未得施功意嚮未嘗不在南也都水科計土功薪藁不以實河防差役煩重沿河居民多困乏逃移棄隄弗守河欲不北徙而不得也然河雖北徙而無歸宿之地大勢已歸於南故不久卽有光祿

之決也

金章宗明昌五年宋光宗紹熙五年也河大決陽武之光祿村灌封邱而東南連大野歷延津長垣蘭陽東明曹州濮州鄆城范縣諸州縣界中至壽張注梁山灤分爲二派北派由北清河入海卽濟水故道今大清河自東平歷東阿平陰長清齊河歷城濟陽齊東武定青城濱州蒲臺至利津入海是也南派由南清河入淮卽泗水故道今會通河自東平歷汶上嘉祥濟寧合泗由徐邳至淮安清河口入淮是也

河渠紀聞

卷之七

十

按此卽全河南徙之始河之一大變也河徙陽武而東其地卽古之博浪沙土脈脆惡大河頂衝極險一決則大潰不可治分流南北而大半入淮已具并力趨南之機河自熙寧斷絕北流大決曹邨河道南徙東匯於梁山灤分注南北清河至是大河徙於故道之南東至梁山灤匯流分爲二脈如熙寧曹邨決時此南清河下自漢以來衝出之故渠導河南徙之先路也初都水監丞田櫟言前代每遇古隄南決多分流南北清河南清河下有枯

河數道河入其中長至七八分北清河及濟水故道止容二三分應於北岸牆邨決河入梁山灤故道使兩清河分流王汝嘉亦言大河南岸舊有分流河口宜疏導以洩水勢未及行而河決竟如其言夫河之入淮屢矣自漢決瓠子通於淮泗至宋太平興國迄於咸平天禧熙寧間河過大伾而東不決則已決則東南注於淮然其時皆旋決旋塞塞之遲速不同無不塞者而視爲固然任其通行不塞自明昌大決始決河出南河故道之西奔流

河渠紀聞

卷之七

十一

下注初猶分行南北清河未幾全黃南下滔滔盡入於淮汲胙之間河流遂絕當明昌未決以前汲胙之流南距開封之祥陳杞二百餘里至鄆濮曹單及歸德之寧陵虞城徐之銅豐蕭陽遠者七八百里近者二三百里及是皆爲沿河之地河之必決而南固可知已王汝嘉田櫟專司河務心知大河決象已成北流不能奪河將有并力歸南之勢因而利導之殆亦以宋爲壑利河之南而不欲其北也及今五百餘歲河淮竝爲一瀆深原始末大

難實發於宋而金承其敝也衛州志胙城汲縣皆有漢古隄明昌之決南河故道變更汲胙之流始絕禹迹益遠金延州刺史溫撒可喜以河由徐邳入海河南地狹請自新鄉西決河使東北流其南有舊隄水不能溢行五十餘里與清河合循故道由濟州大名觀州清州柳口入海則山東大名等路皆在河南足資備禦單州刺史顏蓋天澤亦言當決大河使北流德博觀滄之境故隄尙在水就下無慮漂沒其勢散漫淺不可以馬涉深不可以

河渠紀聞

卷之七

十二

舟濟爲守禦之大計朱子語錄云劉樞中原圖黃河自西南貫梁山灤入淮宋神宗時河北流故金盛今卻南來勢亦少衰溫顏似皆有見於此欲引河北歸其言雖俱爲防守計然亦知河之宜北歸而不欲南下也而金自貞祐後國勢已蹙無暇及此矣

金章宗泰和六年始命沿河府州皆帶提控漕河事屬縣皆帶管勾漕河事府三大興大名彰德州十二恩景滄清獻深衛滑磁洺通縣三十三大名元城

館陶夏津武城歷亭臨清吳橋將陵東光南皮清池靖海興濟會川交河樂壽武強安陽湯陰臨漳成安滏陽內黃黎陽衛蘇門獲嘉新鄉汲路武清香河滏陰

按是時綱戶以盤淺剝載爲名滋生奸弊致漕道多有淺滯漕河所經之地沿河州縣每以無所責成置不復問由是漕弊日甚綱戶隨地逞奸地方官耳目最親子之以權不難立時懲治因以催檢綱運營護隄岸繕道有損壞妨運者集力修治之

河渠紀聞

卷之七

七

則無不利之運弊無從生而漕自治行之久而可守也

金宣宗貞祐元年遷於汴按蔡汴舊渠以通漕運

按宣宗旣遷於汴以陳潁二州瀕水欲借民船以漕不適於事遂設提舉官募船戶籍之通陳潁諸州之糧又置通濟倉於歸德受東郡之粟陝右漕關東自渭入河順流而下又於靈壁設倉由萬安湖舟運入汴開沁水接汴蔡諸水以便轉餽而中京之輸將不勞矣

元史食貨志元都燕漕運仰給東南分春夏二運歲漕三百萬餘石

按京師之在燕自元始漕運之自南而北亦自元始凡百司庶府之繁衛士編民之衆無不仰給江南歲漕數百萬水政之重皆以重臣領之唐虞有澤虞之官周爲川衡漢置都水東漢改設河隄謁者自晉迄唐宋皆置都水復置監掌川澤津梁渠堰陂池之政元興以興舉水利修河隄通運爲務東南之粟由海至者道通惠河以達決雙塔白浮

河渠紀聞

卷之七

七

諸水濟通惠之運貢賦上供之自南來者絕江淮河而至開會通於臨清通南北之貨凡商賈懋遷民生日用所需汴流而上皆達通惠又導渾河疏灤水拯武清平灤之溺浚治河治滹沱免真定決嘴之患一代之事功固不可沒也

元世祖至元三年六月衛輝滏雨丹沁河泛漲入衛與御河通流平地深二丈餘民皆棲於樹木郡守以舟載飯食之移老弱居城頭日給糧餉月餘水方退按是時元世祖大興水利理漕渠禁引漳金洹水

灌田慮御河淺澀塞分渠以復水勢復引沁水通衛濟漕自武陟山原邨東北由紅荆口經衛輝六十里與衛通衛水薄弱塞漳釜洹分渠以益衛之下流上流引丹沁以助衛之不足凡以爲運計而沁與衛之形勢有未悉也衛河渠道窄狹不能容蓄暴至之水地形低於上源丹沁乘出山之勢從高倒傾而下出槽漫灘汪洋浩瀚衛輝城如水中之孟里井田廬沉於釜底暴流奔湧而東患有不可勝言者丹沁之不可引自古戒之矣

河渠紀聞

卷之七

五

元世祖至元六年濬洗河自牖口至石刺以通運按元時於汶水之陰堽城之左作斗門遏汶南流入泗謂之洗水經注洗水上承汶水於岡縣西關東爾雅汶別爲闡猶洛之有波也時以霖雨大作泰岱萬壑溝瀆間合注而之汶洪濤洶湧泥沙濁奔入洗淤填日積都水監集夫濬之自牖口至石刺通流而下源猶未盡利乃更治之李維明重浚洗河記云洗河水分流於汶源出泰山萊蕪洗之源汶也至元六年監丞宋公濬洗上自牖口下訖

石刺通洗之源深廣無滯然源雖通而其流猶梗不疏其流源將安之又恐棄前功而泗會通之津也量度自石刺至高吳橋南淺澀五十餘里亟治之以竟前功東平濟寧兼贊厥役閱月工竣卒竟濬洗之役然自會通河成議者謂洗河濬深則汶水盡出濟寧南流北運乾涸滯漕洗河上截自舊堽城壩口至柳泉無益於運年久廢棄自柳泉至濟寧係汶泗諸水會流之處疏淤導引二水專接濟寧迤南運道自後洗河遂廢今古之用不同也

河渠紀聞

卷之七

六

元世祖至元九年夏霖雨南陽懷孟衛輝順天等郡洺磁泰安通灤等州大水河水並溢圯田廬害稼決新鄉縣廣盈倉岸都水率丁夫築之按是年河決新鄉廣盈倉南河北岸五十餘步尋又崩一百八十餘步衛州水淹已久地如冰碎瓦裂水至卽穿溝灌入衝及廣盈倉城市可知其時河猶在新鄉陽武間也後又決而西徙明昌決口迤上自原武出陽武之南由渦至懷遠入淮新鄉之流遂絕而汎溢於汴梁州縣間漂蕩民人田禾



廬舍開封以南尚未創設隄防節制狂流任其自  
去自來患無寧日矣

元世祖至元十七年遣使窮河源

按河源自漢張騫使西域見二水交流發葱嶺趨  
于闐匯鹽澤伏流千里至積石再出世皆師其說  
至是命篤什爲招討使往求河源四閱月始抵其  
地河源出吐蕃朶甘思在今青海境內西鄙有泉  
百餘法方可七八十里燦如列星名鄂端諾爾卽  
火敦腦兒火敦譯言星宿也羣流奔轉近五七里

河渠紀聞

卷之七

七

匯二巨澤東鶩成川又合伊爾齊呼蘭伊拉齊三  
河始名黃河又岐爲八九股名也孫鄂洛木譯言  
九渡自是行二十日有大雪山山石斑駁上多冰  
雪爲青海望山其山最高譯言騰格哩哈達卽崑  
崙也河繞崑崙南行十餘日有水西南來名納琳哈  
喇譯言細黃河也又兩日水南來名奇爾穆蘇二  
水合河北流復折而西流過崑崙北又轉而東北  
約行半月至貴德州又四五日至積石州始入中  
國元史採潘昂霄河源志及朱師本所譯梵字圖

說注河源猶多謬誤我

朝康熙年間遣使往窮河源得於枯爾坤山有泉千  
百法歷歷如星爲河水潛行復出之象所謂星宿  
海也史記大宛傳云河源出于闐其山多玉石名  
河所出山曰崑崙漢書西域傳河水一出葱嶺一  
出于闐合注蒲昌海一名鹽澤者也潛行地下南  
出于積石爲中國河黃河大源發於崑崙至蒲昌  
海潛行復出而發於積石爲中國河源故謂河有  
重源也今西域底定回部內屬葱嶺于闐蒲昌海

河渠紀聞

卷之七

六

諸境俱隸版圖按之今時形勢與史漢所稱適相  
符合河源出于闐河之大源也大雪山爲真積石  
中國河源所出非崑崙也河州之小積石非禹貢  
積石也詳載於通鑑輯覽昭若發矇矣

元世祖至元十九年始海運

按通鑑大都糧運仰給江南者自浙西涉江入淮  
由黃河逆流至中灤陸運至淇門入衛河抵京師  
又或自淮達泗入大清河至利津入海或開膠萊  
河膠萊分南北二流南流至膠州麻灣口入海北

流經平度州至掖縣海倉口入海均勞費無成巴  
延平宋時遣海盜朱清張瑄等載宋庫藏諸物從  
海道入京遂言海道可通乃命羅璧暨瑄等造船  
六十艘運糧四萬六千餘石逾年始至尙未知其  
利仍通舊運尋以蒙固岱言海運爲便遂立萬戶  
府四總其事又併四府爲都漕運萬戶府令清瑄  
二人掌之海運自平江路劉家港入海經通州海  
門縣開洋沿山嶼而行其道險惡復開生道自劉  
家港開洋轉放大洋取道差爲徑直後殷明畧又

河渠紀聞

卷之七

五

開新道從劉家港入海至崇明之三沙放洋向東  
行入黑水大洋取成山折而西至登州沙門島放  
大洋至直沽舟行風信有時自浙西至京師不過  
旬日然重洋洪濤難測風信不時往往受害不若  
河漕飛輓之安流無患也元以海漕利溥終元之  
世海運未罷然卒受其害蓋海運必資海道熟習  
之人能事者率皆海上亡命朱清張瑄卽海盜中  
巨魁方國珍張士誠皆以鹽梟而出沒海上爲盜  
劫掠漕運者海漕歲運米三百餘萬石船九百餘

隻分爲三十綱船戶八千餘人水手先置揚州教  
習利重勢大故滿瑄用事時田園館舍徧天下巨  
艘大舶交諸番中宗戚從僕至有佩金虎符爲萬  
戶千戶者成宗覺而誅之及至正中猶用張士誠  
方國珍廉以好爵士誠輸粟國珍具舟資以運漕  
接濟數年卒成大患至於不救甚矣海運之未可  
輕議也

元世祖至元二十年衛輝懷孟大水沁河水涌及衛  
輝城城不沒者數版急修隄防止其患

河渠紀聞

卷之七

五

按沁河於至元中屢有漫溢衛輝一帶危如累卵  
世祖初御首重漕運陸路轉輸艱難兼資御河接  
濟御河卽衛河也水微弱不任重載不知者引沁  
益流權濟一時至漲水大至下流昏墊不可救治  
衛輝首當其衝沁河出山之水猛厲迅疾衛地形  
勢窪下水發瀾漫受淹下及大名諸路共爲波臣  
雖爲時不久而爲害最烈自來防河者最慎之視  
黃河尤甚先時衛輝路總管董文用以漕司不達  
形勢議通沁水入御河便漕上言衛郡地最下測

量城中浮屠最高者纔與沁水平大雨時行沁水輒溢出百十里若更引之使來豈惟無衛將無大名長蘆矣其言洞達時勢民生國計所關甚鉅當時以文用言寢事後來言便漕者尙踵其說未敢輕議沁至衛二百餘里水高城數丈未可鹵莽從事也

元世祖至元二十年以李奧魯赤爲總治河防使鑿任城至安民山通漕分汶北流爲牐十四以資蓄洩通江淮水運

河渠紀聞

卷之七

三

按是時南北混一始行江淮漕濟揚州運河漕東南之粟疏通州運糧河達於大倉自淮以上海運有風濤之險陸運轉淇閘公私交瘁因議穿內河之渠以利運此卽會通河之創始也初畢輔國引水濟運爲堽城牐以導汶水入洸爲金口黑風二牐以遏泗水金口自北而南會洸出魯橋黑風自東而西由府河出任城會源閘卽濟寧天井閘也至是自任城開渠分汶西北流至須城故瀆通漕地勢有高下水流有緩急自濟寧至沽頭地降百

十有六尺爲牐九以節蓄之南入於河曰分水曰天井曰在城曰趙邨曰石佛曰新店曰師莊曰棗林曰南陽各置守卒春秋觀水漲落以時啓閉隨地節束利通江淮是時糧運至安山入清河仍由利津海道由東阿抵臨清間以陸運而水道以大疏通此未開會通以前建置之始奏功之先扼其要者

元世祖至元二十三年河決汴梁衝突河南郡縣凡十五處開封祥符陳留杞太康通許鄆陵扶溝洧川

河渠紀聞

卷之七

三

尉氏陽武延津中牟原武睢州皆被害役民夫二十萬塞之

按是時陽武改流由渦入淮之勢已成北派之水皆并於南南北故道俱堙水聚於上而不得下汴南皆成巨壑元時慎重河防內立都水監外設河渠司治其事而水溢不止前時大河南趨時或溢於北馬琪經畫河事有疏治南北之議以河猶南北分行北清河尚未斷流也自河決原武又越陽武而上之決口愈西南流愈急改道出陽武之南

故道填淤至秋霖水漲大勢盡出於南汎溢於汴  
梁郡縣間由渦入淮之道又以旁決橫出未有定  
向水壅而益潰中州之患無已矣

是年置芍陂屯田

按史稱時當兩淮兵革之餘荆榛蔽野宣慰使昂  
吉爾議立屯田以給軍餉因用兵日本未即舉行  
先令千人往試其地果大獲遂以兵二萬屯之芍  
陂一名朝思陂在壽州安豐城南即安豐塘也陂  
始作於楚相孫叔敖與楊泉大業二陂並立水自

河渠紀聞 卷之七

三

六安龍穴山濠州橫石東南及龍池山胥注於陂  
陂設門五後更開門三十六減水牯四水漲開門  
疏之水小閉門蓄之三百餘里支流分注溉田萬  
餘頃又有在壽州下蔡城西北六十里曰黃陂八  
十里曰鷄陂百二十里曰大滌陂下蔡東北八十  
里曰涓陂皆蓄以溉田者自漢及唐有事於東南  
必興屯田立屯必置陂劉馥之三堰七門赤烏之  
銅城吳塘皆以資灌溉而利屯守世宗當草創之  
餘人民凋敝土田未闢兵食饋運不繼立屯田充

餉隨地所宜而制其用又以興舉水利爲務自北  
而南凡有益於農田者皆舉之屯守資水田尤水  
利之大者也

元世祖至元二十五年五月大霖雨河決汴梁路灌  
開封陳穎等州縣二十二水由渦至懷遠入淮河道  
一變

按此大河改流而患及梁宋以下也河出陽武之  
南則并陽武延津封邱東明皆在大河之北大清  
河北流之派至是皆混於一南下如奔馬南北故

河渠紀聞 卷之七

三

道俱湮自開歸迄於陳穎皆其衝突瀾漫之所矣  
方明昌之初決也河出開滑胙城長垣之南新鄉  
之流未絕任其入於南而不塞漸至下流填滿乃  
更移於上流決出明昌舊口之西而改流之決口  
愈上則下淹之州縣更多宋時東南漕道嘗因汴  
渠改流由宿虹入淮至是水道一變北派南下之  
道埋則自東平歷濟寧轉輸不便不得不鑿渠開  
道而有會通之役矣先時田櫟諸人利河之入於  
南浸至日引月盛散漫於梁宋之野南淹州縣一

十五東南淹州縣二十二當時未聞有急起抹之塞其決者決河至千里同昏浸城郭漂室廬壞禾稼民罹毒已甚始議修治至於久而不決其害滋大南岸隄防未設無可修守力固有所不及是以急於漕而不急於河然自明昌以後汴梁之河尤急於漕也

是年壽張縣尹韓仲暉建議開會通河引汶由安山下漳衛安山至臨清爲闢十有六度高低分遠近以節蓄洩

河渠紀聞

卷之七

五

按是時河已由渦水至懷遠入淮徐州大河南派之故道俱湮轉輸不便漕道除海運外內地則由江入淮由淮入渦溯流至中灤陸運抵淇門入御河李奧魯亦開新河自任城穿渠分汶導洸泗入大清河至利津海道達直沽未幾利津河亦淤海口沙壅覆舟又從東阿抵臨清二百餘里舍舟而陸車輪至漳御道出桂平地勢窪下夏秋霖雨泥濘牛僮輻脫艱阻萬狀於是壽張尹韓仲暉建議自安民山開河由壽張西北至東昌達臨清引汶

水入御河長二百五十餘里桑哥亦言安山至臨清開濬爲渠工費與陸運相等渠成爲永利太史令邊源亦以爲言乃令馬之貞按覩上狀報可命之貞與張孔孫李處巽等主其役分汶水西北流入漳衛安山至臨清地降九十尺爲厠十有六戴廟荆門阿城七級周店李海通濟永通梁鄉土橋戴灣新開南版各厠以次分年設置度高低遠近而蓄洩之又以新河岸善崩舟行淺澀罷輸運站戶專供洩河役易厠以石邱文莊言當時河道初

河渠紀聞

卷之七

五

開岸狹水淺不能負重歲運不過數十萬石不及海運之多故終元之世海運不罷而內河漕運鑿渠通舟尤費經營居濟一得云元人分水於濟寧猶未審地勢之宜濟寧北高南下故水南行易北行難南水常有餘北水常不足地踞高而水就下不能挽建瓴之水引以濟上源之涸厠河水淺不獨岸狹善崩也抑未得地之利而於南北調劑之權衡尙有未盡其用者然安山一啟避險就安已開漕運百世之利矣

元世祖至元二十六年建金口淡水壩又於其西築金口壩引泗由府河達濟寧入運

按牛運震空山集云元築淡水壩於兗東與黑風金口壩一時並建其制壘石爲隄立涵洞時啟閉泗水穿城濟運充志元時於兗州東門外作壩建壩遏泗之南趨延祐以後修堰爲壩門者五金口壩爲壩門者二冬閉金口導水入黑風口西流府河至馬場湖收蓄以濟天井等八壩之用若下游水淺仍開金口閉黑風使南出魯橋濟棗林等八

河渠紀聞

卷之七

七

壩之運視前制加密焉元劉德智言至元中穿會通河引泗汶會漳以達於幽由是天下利於轉輸泗之源會沂雩於兗之東門其東多山水潦暴至漫爲民患職水者訪其利病隄土束石以洩其流此壩壩之所以作也元置壩壩以通渠皆因隋季之舊渠之由漑而運也壩之易土而石也雖稍更治舊制不失議者或欲改黑風爲減水壩以爲魯橋不壅則白馬河不溢且懼嫁魯橋之害於府河也然洩水不患無路未可輕言改制矣

元世祖至元二十六年會通河成引汶絕濟直屬漳衛名曰會通

按會通始於濟寧南迄徐州北抵臨清遠及千里修置壩壩積水行舟漕運通濟天下之利也運河無上源必淪汶注洗決引泗源西入於兗南入於濟達任城合於新河北下漳衛所以爲會通也會通中分而南北之氣通黃遂與運相終始矣運通於河治河必先保運而河益不治大河自金明昌甲寅之徙黃水大半入淮北清河流猶未絕自會

河渠紀聞

卷之七

七

通河成以一淮受全河之水會通之名始見於此初汶汶入洗尙未分流於北至是絕濟而北直屬漳衛與大河南北分行全河由淮入海遂一成不變河之南徙亦運會使然與而人事之推遷亦各有自其始也變自上流而下流之害隨之引河於滎陽而大河爲漏卮矣別出爲靈鳴張甲而北瀆故道遂空矣其繼也下流壅塞而上流之潰決隨之海口先淤而景德改流游金赤河繼淤而橫隴商胡屢決尤莫甚於宋之閉塞北流至漕渠一啓

而河始有不得不南之勢人事莫非天事矣顧一  
柔論黃河自陽武入封邱東南流至荊隆口直東  
則經長垣東明出曹濮直趨大清河較出徐邳合  
淮泗以入海者道爲徑易河道宜直不宜紆入海  
宜近不宜遠河兩岸宜闢而歸流宜深使用王景  
更相迴注之意水不得旁洩河未必不可東也然  
大河東出則必穿運而會通河廢會通不廢則河  
不得而東治河必兼治運故河雖屢決而東終抑  
之使南人事與時轉移此又今古不同之極致矣

河渠紀聞

卷之七

无

元世祖至元二十七年大水河溢太康又決祥符義  
唐灣汴南莽爲巨浸民流者四十五萬餘人發粟五  
十八萬賑之

按自陽武大決後大河南遷地勢南高於北初猶  
從懷遠入淮日久淤高不能下轉向東南開歸陳  
潁許汝間衝蕩淤漫千里一壑亟發倉廩賑濟出  
數十萬石之粟使災黎得食君民一體之誼固如  
是也行省博羅權於巨浸滔天之時躬行決口督  
工繕築開封尹張庭珍於水灌太康漂溺人民之

時括商漁船縛木爲筏載糗糧四出拯救水入善  
和門督運薪土不能止其流頽城爲堰遏之水退  
增外防雖未能遽止水厄而與民同患猶良吏之  
所爲矣

元世祖至元二十八年建堰城壩作斗門遏汶入洸  
按是時霖雨岸崩河道淤淺故建壩作斗門遏汶  
入洸會沂泗以出天井元分水在濟寧以上堰水  
入會源以濟淺也初畢輔國請於嚴東平始於汶  
水之陰堽城之左作一斗門遏汶水入洸益泗漕

河渠紀聞

卷之七

辛

餉宿靳戍邊之衆兼溉濟兗間田汶由是有南入  
淮泗之派輔國作石斗門在堽城西後都水少監  
馬之貞又於其東作雙虹懸門牐虹相連屬分受  
汶水旣又以虹石水易圯乃改虹爲今牐制通謂  
之東牐輔國所作爲西牐後改作址高水不能入  
獨東牐受水汶水盈縮不常歲常以秋分役丁夫  
採薪積沙於二牐左絕汶作堰霖潦時至堅閉二  
牐聽其壞堰而西循故道入海故汶之堰歲修之  
貞始作沙堰有言作石堰可歲省勞民之貞曰汶

魯大川底沙深濶若修石堰須高平水五尺方可  
行水沙漲淤平與無堰同河底填高必溢爲害晉  
杜預作沙堰於宛陽遇白水溉田缺則補之雖屢  
勞民終無水害固知川不可塞也且言後人勿妄  
興石堰壅遏漲水爲民害勒其言於石至後易沙  
以石閘月輒壞竟如其言迨宋禮移分水於南旺  
遏汶之功全在戴村與元時分水大勢移步換形  
然川不可塞石堰囊沙之說通於坎河黃河灘築  
壩攔水久之淤與壩平衝激更甚猶是理也

河渠紀聞

卷之七

三

元世祖二十九年建臨清會通廂壩束水便運

按河道自臨清南至徐州千餘里地勢高下懸殊  
置廂蓄水以通舟濟運臨清有會通廂自是始會  
通河引汶水由安山歷東昌至此入衛故廂亦以  
會通名上源泉流微澀蓄縮而節用之過此則衛  
河承之無留行矣地勢陡峻數壞舟楫前人立廂  
於此收蓄全河爲會通盡境北運之一大結束也  
汶清而微衛濁而盛倒灌卽沙壅故又爲壩以挑  
護之每逢春雨少泉濇廂河既淺衛河又消高

下陡峻若建版一啟板水卽耗盡潘官保謂宜於  
廂口百丈外築土壩中留金門安置活板將啟廂  
先閉活廂使外有所障水不急而船易行衛水大  
發卽拆卸亦權宜之術自明以來復設板二廂  
上啟下閉均勻水勢而法始備矣

是年始建都水分監於東阿之景德鎮

按都水設監察吏司明賞罰而齊衆力也會通河  
初成飛輓啟閉之節在官吏之稽察而責成在監  
肩任重鉅揭傒斯記畧云會通河成之四年始建

河渠紀聞

卷之七

三

都水分監掌凡河渠廂壩之政令以通朝貢漕天  
下實京師地高平則水疾洩故爲埭以蓄之水積  
則立機引繩以輓其舟之上下謂之壩地下遮則  
水疾洩故爲防以節之水溢則繩起懸板以通其  
舟之往來謂之廂皆置吏以司啟閉而聽其獄訟  
焉雨潦將降則命積土壤具畚插以備奔軼衝射  
水將涸則發徒以導淤滯塞崩潰時而巡行周視  
以察其用命不用命而賞罰之故監之責重以煩  
河南張仲仁能其官北自永濟渠南至河東極汶



泗之源滯疏決防凡千百餘所成底於理乃爲堂於故暑之西偏文不勝質物不踰軌昔丞相忠武王建議於江表未平之日少監馬之貞奏功於海內一家之時分治於此者正官守肅上下崇本立政公署不偏廢也惟國家不可一日去河渠之利河渠之政不可一日授非其人原所以設官之意而重之以人此作記之意也

是年開通惠河以郭守敬領其事

按元初興舉水利郭守敬建言水利十二事開通

河渠紀聞

卷之七

七

惠河卽用其法通惠河今大通河也自昌平州流貫都城由大通橋至通州入白河省陸輓之勞立法甚便初導昌平白浮村之神山水過雙塔榆河引一畝玉泉諸水入城環禁城北安門宮牆左右滙積水潭從東折而南入金水河南流出玉河橋水門東行會南北城河二流由大通橋東下通州高麗莊入白河白河會渾榆水合流卽潞河也每十里置一牓以時蓄洩濟漕運然大艘徑達積水潭地勢高仰難灌注至明季故道遂淤今暢疏諸

泉多建橋屈雙流暢達南來百川之水至是會同其法始善守敬議開鐵幡竿渠以山水暴下必大爲渠堰廣五六十步執政惜費縮其廣三之一明年霖雨大下渠不能容幾犯行殿帝惜其言不用特識類如此世宗御宇勤理河務疏濬浚冶障滹沱又不獨通會一河矣

元成宗大德元年河決杞縣蒲口塞之明年復決

按是時水橫於汴郊先是河決汴梁發丁夫三萬

塞之至是蒲口復決命廉訪使尙文圖久利之策

河渠紀聞

卷之七

七

文言陳留抵睢百餘里間南岸高於水六七尺或四五尺北岸水高田三四尺或高下等大較南高於北約八九尺隄安得不壞水安得不北也決口千有餘步東走歸舊瀆行二百里至歸德橫隄之下復合正流或強遏之上決下潰功不可成宜令河北郡縣順水築長隄以禦汎濫歸德徐邳民任擇所使避其衝突被患之家量給河南退灘地爲業蒲口不塞便而河朔郡縣及山東憲部爭言不塞則河北桑田盡爲魚鼈之區遂塞之明年蒲口

復決徐邳睢宿河水亦大溢壅而不下塞河之役無歲無之河之決入於北而旋塞旋決者南岸地形高北岸數尺餘決口一塞水仍歸北大定以後河防疎於講求南漕渠未寬深又絕其北歸之路是以頻年溢決泛溢於汴徐陳潁間尙文爲倉卒救荒之策河朔人民各顧田業焉能聽其北入棄室廬而逐水也後水自北入復河故道祀患遂已竟如文言當時皆以文言徵信而不審究原委如醫之治標而忘其本也惟當時水橫梁地南岸未

河渠紀聞

卷之七

七

設隄防無抵禦洪流之具亦無如何矣

元成宗大德二年立都水監庸田使於平江路

按平江立都水監先於至元初任仁發言吳淞江

淤塞奏立都水監朝議罷之至是中書省奏立浙

西都水庸田使於平江路專治圩圍疏河道平江

號稱澤國太湖納宣歙嘉湖之水東入於海湖海

水會而江水平故曰平江環湖低田利在洩潦沿

江旁海河港湖流奔注衝沙低圩築圍灌田利盡

東南歷久不治漸失其利又困於征輸而民病立

監興水利通利源也仁發之言曰松江故道堙塞太湖東岸出水處或釘柵或作堰或築狹處爲橋又有湖泖港汊慮私鹽往來多行塞斷清水日弱渾潮日盛泥沙漸積吳淞江日就淤塞晉宋以降倉廩所積悉仰給於浙西之水田國家收附江南三十餘年浙西河港圍岸廂實無官整治漸致廢壞今若募夫供役必取辦於富戶部夫督役必責成於有司二者皆非所樂是以猾吏豪民構煽必沮之而後已朝廷未見日後之利但厭目前之擾

河渠紀聞

卷之七

七

所以成事則難壞事則易東坡亦云官吏憚其經營百姓畏其出力所以累行而中輟不能成久遠之利也立論明確自立監後仁發濬澗山湖吳淞舊江大盈浦烏泥徑又置趙浦潘家濱烏泥徑三廂皆有治績可紀非僅托之空言矣

元成宗大德五年築華亭縣捍海塘

按志稱華亭東南大海古有十八堰捍禦鹹潮堰

有廂歷皆築塞不通內河蓄清拒渾東南水利之

定法也塘築於開元元年起杭州鹽官抵吳淞江

其時華亭尙未立縣也塘成後海水既不闌入江湖之水又藉以停蓄耕者獲其利日益蕃富由是建縣瀕海十八堰一概截斷官民田無鹹潮之患兼禦鹽艘往來鹽運數十百艘隨潮出入無緣斷絕鹹潮閉堰以截其流惟海潮遇風鼓浪西注則能敗塘有缺則乘隙而入流溢四境所過禾麥豆蔬立槁自宋宣和紹興迄元初風潮怒盛卽有衝決之事屢被其害每一修築必請大興工役往往以工鉅中止至是始大舉延袤亘三百餘里高濶

河渠紀聞

卷之七

三

皆一丈底寬二丈集力程功凡支河小港近塘之渠一切塞斷閱十六月工成自後稍有損壞隨時修葺至正四年都水庸田使增築千有五百餘丈補缺增高用圖經久無虞鹹潮之入矣

元成宗大德中建荆門阿城七級石牐又分建上下牐以嚴啟閉

按分汶入北塘河當要之牐曰荆門曰阿城曰七級所以束水不使下洩者也北河引汶行運惜水如金自分水北流至戴廟而下荆門牐先受之爲

水門一大關鍵與軛板天井在城諸牐等重次則阿城受荆門之水積蓄而節宣之其在荆門下猶天井在城之有趙村石佛也又次則七級承阿城下流荆門順下之水漸落漸低若七級不束下源告涸矣古人於此籌蓄洩之宜一牐不足濟用南北爲二牐分上下一啟一閉上啟則下閉下啟則上閉以節水勢蓋幾經籌畫始定規立則後來者永守其法荆門上下相距二里水來甚急也阿城上下距四里七級上下距三里稍緩於荆門而上

河渠紀聞

卷之七

三

啟下閉之道則一若司牐者不察古人建牐之義兩牐齊啟齊閉上源之水一洩無餘東昌一帶在淺阻矣張清恪言荆門上牐關南旺以北運河之水宜設鎖如天井牐制阿城七級視之諸牐皆建於成宗時因地所宜以利運也

元成宗大德七年修任城東牐以節水勢

按任城東牐今之在城牐也元人分水於濟寧濟寧北高南下水自北而南直瀉不停故爲牐以節之是時會通初成導汶泗以會其源而在城一牐

居天井下游地勢尤極卑下必於此關束上源之水使不至易洩妨運故在城廂爲南運一大關鍵經理漕道首事於此元俞時中任城廂記云至元二十年朝廷初以江淮水運不通命前兵部尙書李奧魯赤等調兵夫給庸糧自濟州任城委曲開通河渠導洸汶泗水由安民山至東阿三百餘里以通轉漕然地勢高下不一水流時有澗澀二十一年創爲石牐者八各置守卒春秋觀水之漲落以時啟閉雖歲或亢暘利足以濟舟楫任城廂東

河渠紀聞

卷之七

三

距師家莊表六十里土壤疏惡霖潦灌注經時損壞都水石抹聞之中書省易而新之不數月蕪事此奏功之機要也然其啟閉之節尤視下流水勢之大小以定此牐啟閉之疎密又必度上下塘船隻之多寡以爲準則然後可以利運而不匱也

元成宗大德八年築孟陽泊石牐以通運行

按自會通河成後江淮漕運商旅之轉販仕宦之往來皆由會通濟舟楫而魚臺孟陽泊地高水急水至此不能停蓄遇淺推挽竟日民以爲苦議立

牐堰以節蓄之工成而漕運大行元趙文昌孟陽泊石牐記云會通河作於元定鼎之後於今幾二十年歲月滋久霖潦浸滯岸移谷遷不無壅塞都水監行視訪求利病以孟陽泊上下沙深水淺地形峻急水不能浮舟遇有淺阻必驅瀕河之民推之挽之不下千餘人妨農病民議以水積不厚不足以負大舟蓄不廣不足以供下洩立埧積水立牐通舟漲水時至漫流於上不爲大害於是視地之高下程廣狹量深淺計日興事堰橫長一十二

河渠紀聞

卷之七

四

丈中爲牐外石內甃高丈有四尺餘悉如式五閱月功成此卽南陽牐也居濟一得云南陽兼利建邢莊二牐下板不嚴魯橋棗林勢必淺阻於上下兩牐之中先閉一牐再行啟板則水不直瀉糧運無梗凡以地高而水易洩故也

元成宗大德九年河決陽武思齊口灌開封並溢歸

德陳州發河南民夫十萬築河防

按大河於大德八年溢汴梁之祥符太康陽武衛輝之獲嘉南北蕩析離居至是復溢開歸黃流東

河渠紀聞 卷之七

望

徒逼近汴梁幾至浸沒當事者急不能措權宜開關董盆口分入巴河以殺其勢然黃河大溜經行之時最忌旁洩一洩則湍湑併趨支流正河之水必緩而停淤分流之巴河狹隘不足吞伏漫衍四出為患更甚斯時即急閉董盆口而其勢愈大不復治南決歸德諸處北入濟寧境內連年淹浸而患無止息也時以患水日甚補苴無效欲為經久之計思得通知古今熟悉地形水勢者專任河防以時疏塞而議論紛紜迄無定策巡河之使徒應故事或至勞民動眾阻遏水勢而患愈深矣

元武宗至大二年河決歸德又決封邱

按河自陽武以下土性疏薄兼帶沙滷河流南徒疏治不時水聚於開封歸德崩潰決溢歲以為常初因湍浪迅猛分殺其勢於杞縣三汊口播河為三後以歸德太康災重居民憤有煩言堙塞南北二汊止畱一汊瀉水伏秋漲發三河之水併而為一下流不通上溢為災時復以塞杞二汊奪分泄之利水勢就下并恐為曹濮齊鄆患請置都水分

河渠紀聞 卷之七

望

監選知水利之人專職其任而於汊口應否開閉迄無定議蓋知分水之不可為常而又無經久可行之策以濟變也是時荆襄大水山崩陰亦盛矣元仁宗皇慶二年河決陳亳睢三州開封陳畱等縣皆決漂沒田廬無算

按是時連年潰決陳畱通許太康舊有蒲葦之地任水游蕩後因為勢家占據閉塞西河塔河諸水口水無所洩杞縣小黃村舊決之口洩水甚利而陳州低窪受其浸籌議決塞數年未定至是僉議

上至河陰下抵歸德小黃口分洩漲水甚利夏間水漲並無衝決已有明驗若徑閉塞則移患鄰郡決上流南岸則汴梁被害決下流北岸則山東可憂事難兩全當遣小就大小黃村決口仍舊通流恤下游受惠之州縣免陳州差稅賑貸陳畱通許太康被災之家修治汴梁上下河隄及應當疏通者並疏治之此亦權濟一時非萬全無弊之道惟當全河合并南流之時下游地勢高於北岸水壅遏橫出東衝西激不能東歸一路猝難就治而時

無深知水利通達金河之人不得不從下策也

元仁宗延祐四年修金口壩改牐爲洞以資節宣

按金口壩卽薛甯於泗沂之交堰水西注灌田者至元中爲滾水壩因隋舊堰爲之壘石爲隄下穿涵洞俾不爲害至是重修改作疏爲三洞張清恪云金口牐改三洞節宣水勢法乃兼備黑風口去郡城五里堰巔較城堞高一尺三寸泗河之水乘高而來直瀉百里郡城州邑城社所關若牐口不支建甌直下爲患不細故爲涵洞安爲板牐危此

河渠紀聞

卷之七

壘

爲郡城權其輕重而措置若此然下流之水亦有必待宣洩者否則董家口頻年被刷汶水漫溢入洗矣復建滾水壩於董家口疏水入白馬湖迤南引歸獨山湖爲新泗河又開支自貫家灣西達魯橋嗣以壩脊過高水壅於壩上寧陽石梁日小腿灣等處汶水漫堰入洗頂阻府河水淹沒民田再將董壩展寬疏漲水由孟家橋下注水小堵孟家橋使由興隆橋入運築石梁口俾汶不入洗自是下流始可無患陸朗甫具述情形義自見矣

元仁宗延祐五年建運河棗林牐以平水

按泉志泗河自魯橋入運濟漕棗林牐名爲泗河派伏秋水勢洶湧挾沙注河歲有停積傍有白馬河匯鄒縣諸泉並蓋云二河之水經埭里與泗合流出魯橋因泗強白弱以致河身受淤張清恪言白馬河之水出魯橋以濟棗林諸牐之淺者應大加挑濬蓋以重南運也而棗林爲南運門戶南陽上下諸牐之樞紐建牐以平水因地所宜也劉天和問水集云元明於運河先後置牐牐底面高低

河渠紀聞

卷之七

壘

不一棗林牐過高南陽牐過低如下牐過低積水盈板卽須啟放一啟則上牐之水必迅急而舟難入水急則易涸而舟難行如水至棗林牐露牐面三尺南陽牐已沒入泥底培而平之始得其用蓋棗林與南陽爲表裏一啟南陽一閉棗林互相閘闢勢如呼吸潘宮保云新河成後棗林上下水平牐而不行遂裁棗林牐官不設統於南陽至久旱水淺木牐啟閉爲急若無官居守付之牐夫官船則莫敢誰何民船則夫爲箝弄旣以病商復以弊

運河道轉爲無人之境况棗林尤南運之樞紐哉  
元仁宗延祐七年河決榮澤之塔海莊又決開封縣  
蘇村及七里寺併工築塞引水歸徐以殺其勢

按是時杞縣小黃口未塞大河滔滔南流不能禦  
遏下游陳潁瀕河之地屢被淹浸水距汴城日近  
時以陳潁頻年漂沒水逼汴城倉猝難以防禦引  
水歸徐俾由故道下達於淮入閩月畢工自大河  
南徙以來水橫開封歸德之境停蓄不能下歲有  
決溢會不一加修治至是疏汴引黃東出不治河

河渠紀開

卷之七

聖

而適協河之樞要此河南徙後之一大轉機也  
元英宗至治元年改建會源牐自臨清至彭城延袤  
七百里疏其淤塞築其隄防

按濟寧會汶泗諸水之源牐設其中曰會源南運  
之關鍵也運渠噴沙貯淤歲有疏浚而治之以時  
揭傒斯記畧云濟州臨齊魯之交據燕吳之衝導  
汶泗以會其源置牐以分其流會源牐歲久政弛  
土崩石泐岌不可持乃伐石區里之山轉材淮海  
之濱度工卽功導水東行遏其上下而竭其中撤

故牐夷均法徙其南爲基植栗貫松地無罅漏橫  
縱分爲門崇廉其中而翼其外崇翼之外更爲石  
防以禦水之洞洑衝薄爰琢爰斲犬牙相入苴以  
白麻固以石膠關以勁鐵冠以飛梁功於是成凡  
河之險者闢壅者滌決者塞拔藻荇禁芻牧隆其  
防而廣其址修其石之巖陀穿漏者築其壤之疏  
惡者延袤羸七百里防之外增爲長隄以闕暴漲  
而河以安流潛爲石竇以納積潦瀕河三郡之田  
民皆得耕種北自臨清南至彭城東至陪尾絕者

河渠紀開

卷之七

聖

通之鬱者斲之爲杠爲梁而挽舟之道無不夷此  
歲修之常也惟公乃明惟勇乃成惟廉則恕前型  
具在職河者勤於其職無壅遏之憂矣

元泰定帝元年大河改從古汴渠至徐城東北合泗  
入淮

按是時新鄉河流已絕大河出獲嘉南六十里負  
陽武而東直抵祥符商邱至徐州合泗水行古汴  
渠道卽今大河所行之道也古汴渠嘗改流從考  
城宿州虹縣至泗州直達於淮北宋東南漕道由

之而堙於南渡之後蓋大河改由渦水至懷遠入淮餘流散漫入汴渠而古道遂湮河之由渦入淮者不能暢達停聚於歸德小黃間壅積日久無去路可歸不能不變而東出古汴渠故道尙在漲水大至之時循故道冲刷通流遂挾泗水東南入淮明昌初決大河已出開滑州城長垣之南矣至是改從古汴渠入泗并陽武延津封邱及江南之豐沛邳宿清安皆出大河之北河道變徙無常而由泗入淮由淮入海之道實自漢決瓠子始下及宋

河渠紀聞

卷之七

望

太平興國中河大決滑州東南至彭城入淮天禧中決滑州注梁山濼合古汴渠入淮咸平之決鄆州熙寧之決曹村皆由是道自漢迄宋以來大河南流之道率出徐州迨故道復湮西來之水不能逕達於淮不得不修治汴渠以爲分洩之計而汴渠自王景治後尙未盡泯大河乘漲入渠經流畢注已得順成之勢加以白茅千金隄之決灌兗州東昌延及濟南河間於是決策於挽河歸徐爲由淮入海之道蓋天時人事至此亦有默與爲轉者

不盡關乎人謀也禹貢雖指云元大一統志僅存十一河所經不可得詳大約決河所行之道由渦至懷遠入淮至泰定元年始行汴渠至徐城東北合泗入淮卽今大河所行之道因撫近志各州縣界中見行之河銓次如左黃河自武陟縣南東逕滎澤縣北其北岸則獲嘉縣東逕原武陽武延津縣南又東逕祥符縣北其北岸則封邱縣又東逕陳留蘭陽儀封縣北又東南逕睢州考城商邱縣北其北岸則曹縣又東逕虞城夏邑縣北其北岸

河渠紀聞

卷之七

哭

則單縣又東逕碭山縣北又東逕豐縣沛縣南其南岸則蕭縣又東逕徐州北與泗水合又東南逕靈璧睢寧縣北其北岸則邳州又東逕宿遷縣南又東逕桃源縣北又東逕清河縣南與淮水合又東逕山陽縣北又東逕安東縣南而東北入於海元泰定帝三年秋七月河決陽武漂民居萬六千五百餘家十月水溢汴梁路壞樂利隄發丁夫六萬四千人築之

按是時河雖徒歸故道而下流受淤已久下行不



疾故壅而決於上流河自秦定以來水溢汴梁路被災者十五縣汲睢之河亦決時以河水屢決請立行都水監於汴梁倣古法備捍潁河州縣兼知河防修濟陰河隄以障水至是復決陽武壞汴梁樂利隄明年汴梁路復決漫淹扶溝蘭陽虞城夏邑並及濟寧水聚於開歸而不得洩雖加賑卹而田廬蕩盡河以南皆爲魚龍之居矣史稱秦定之世災異數見君臣之間亦未見引咎責躬之實然運會至此已有江河日下之勢而非人力之所能

河渠紀聞

卷之七

癸

同矣

元秦定中虞集建議京東築隄捍水爲田以興農利實倉儲

按京東皆瀕大海煙火數千里水利農田便民日用凡民難於圖始虞集爲翰林直學士上言京師之東北極遼海南濱青齊桂葦之場也海潮日至淤爲沃壤用浙人之法築隄捍水爲田富民欲得官者合其衆分授以地官定其畔以爲限能以萬夫耕者授以萬夫之田千夫百夫亦如之察其情

河渠紀聞

卷之七

辛

者易之三年視其成以地之高下定額以次漸征之五年有積蓄命以官就所儲給以祿十年不廢得以世襲如軍官之法時不用其言邱文莊復申其說請如虞集策浙閩濱海州郡隨宜相勢分疆定畔因其多少授以官職且言常聞閩浙人言凡瀕海之地多鹹鹵必得河水以蕩滌之然後可以成田故爲海田者必築隄岸以闌鹹水之入疏溝渠以導淡水之來然後田可耕也嘗泛漳御而下由白河至潞觀其入海最大之水無如直沽然其直瀉灌溉不多請於將盡之地依禹貢逆河法截斷河流橫開長河一帶收其流而分其水然後於沮洳盡處築爲長隄隨處各爲水門以司啟閉外以截鹹水俾其不得入內以洩淡水俾其不致漫如此則田可成矣於凡有淡水入海所在皆依此法行之則沿海數千里無非良田非獨民資其食而官亦賴其用由是可以寬東南之民由是可以壯西北之勢虞集之言不見用於當時亦得行於今日當時皆是其言並勒爲成書然卒未見諸施

行顧寧人兼探其說以爲經緯南北利濟羣生之大用果能悉如所議疆而行之寬東南民力壯西北盛勢事未有善於此者然沿海施工隄河並治非一時可竟之功非一人能任之事潮汐衝蕩汎水暴發辦理不易防守更難非常之原黎民懼焉是以雖有其言至於數世不能舉然能成事爲大用不能大成而墾荒爲熟所在皆宜不可不存其說使後有考也

元文宗至順元年河決大名路長垣東明二縣濟陰

河渠紀聞

卷之七

至

縣新舊三隄俱決併工築塞

按是年江南大水浙江湖廣尤甚水沴爲災南北同患河自泰定以來無歲不決然皆壅注於汴梁一路壅久而潰決則千里一壑至是復決於北河勢南高北下南流水不暢達是以鬱於南者又溢於北長垣東明以迄曹州決水經行之故道也大河南徙日久官司不能爲遠慮初不計河之復出於北而搶護之道亦有未盡者河渠志載濟陰尹言魏家道口臨河舊隄將決創修護水月隄而水

勢瀚漫復於近北築月隄功未竟而水忽泛溢新舊三隄一時並決外隄復壞漲水衝突大隄此迫不及待之時而分其力以事月隄緩不濟急無異以隄子水新築之士不能堅實新舊並決勢所必至至言湍流迅猛有蛇時出沒其中所下椿土一掃無遺誕不足信水患經年不息時江南大水湖廣患水尤甚難諉於天行之愆矣

元順帝元統元年六月大霖雨京畿水平地丈餘饑民四十餘萬黃河大溢河南關中水災千里同患

河渠紀聞

卷之七

至

按順帝御極之初水沴見於帝畿關中河南腹心之地水橫彌野至元初河復決汴梁封邱自是而還連年漫淹幾無虛日蓋陰盛陽伏已極之秋也積至汴梁雨血着衣皆赤彰德雨毛色綠如線又不獨恒雨爲愆矣天之垂戒示警至此而顯明昭著而泄泄者不聞敬天之怒也

元順帝至元三年六月辛巳大霖雨自是日至癸巳不止京師河南北大水黃河御河沁河渾河同時并溢沒人畜廬舍甚衆汴梁歸德尤甚

按是時南北河水並溢水沴爲患之烈從來罕有  
汴梁歸德淹浸數年但有告警之文無拯患之實  
尙書李綱目擊昏墊奏請躬祀郊廟近正人遠佞  
邪以崇陽抑陰而當陰盛之時有鑿枘不入者矣  
是年丹沁水漲入衛泛溢至臨清瀕河居民大困

按自元世祖初年丹沁泛漲由紅荊口通流入衛  
至是復溢入御河引沁濟運開其隙也元時會通  
河初成岸窄水淺力不能浮重運引沁以濟衛之  
不及未獲利而害踵至習於紅荊通衛之故道相

河渠紀聞 卷之七

壘

沿成患及汎水大至建瓴下注洪流所浸彌廣沁  
水自山西穿太行而南至木蘭店東決奔流入衛  
隄外遺有河形直抵衛泚漫溢之新衝不可據以  
爲用也白莊恪議沁不可引畧云沁河沙底虛鬆  
不能簽椿下石難以建厓開隄分沁自撤屏障沁  
水穿隄奔注黃必隨之而入一往莫禦兩岸民田  
廬舍無可遷避汲新濬三縣城垣徙於何所濬邑  
境內山根石底人力難施若高築隄岸新淇等縣  
近依大行束沁築隄則阻山水歸路橫流爲害並

引歷來奏議如董文用言沁高於衛輝浮屠則害  
在衛輝併及大名長蘆常居敬言沁水沙多善淤  
入漕淤厓明嘉靖時沁決入衛至臨清逆流上擁  
運河泥沙沉積輒板二厓淤塞二千餘丈害又在  
漕運張鵬翮言牽動全沁黃躡其後黃水勢分流  
緩下流必淤患又在黃河分沁入衛害延城社民  
生漕運並及黃河元人未悉原委輕於嘗試至於  
數世相沿衛河歲有溢決患無已時此自世祖已  
開其端更難責之末季矣

河渠紀聞 卷之七

壘

元順帝至元五年重濬會通河  
按會通河受汶泗沂沭山澗溝瀆之水匯流入運  
出山之泉挾帶泥沙河成後積久未浚水淺不能  
負舟至是大興徒役度地計工以時並舉閱五旬  
竣事運道大通元趙元進重濬會通河記云前至  
元二十六年開會通河道南自徐迄濟北抵臨清  
遠及千里修置厓壩積水行舟漕運通濟乃天下  
之利也惟河上無來源必淪汶注洗決泗引沂通  
者山水漲泛上自埜城厓口下至石積漫延一十

八里淤填河身反高於汶是以水來淺澀幾不能  
接引漕運都水監丞宋公伯顏不花奉命分治堵  
河水淺小因上源壅塞選差塚寨岳聚並汶上奉  
符等縣人夫七千餘備糗糧具畚鍤挑各淺計  
日畢工又以會源牘中央廣袤里餘停泊舟航常  
儲水滿方許放牘近漸淤澱澮水甚少加挑復舊  
以寬艤艤會源牘北原有濟河舊跡河身填平再  
令挑去泥沙東連米市西接草橋水勢分流凡以  
疏壅導滯宜會通所不及歲修最要之工也

河渠紀聞

卷之七

壘

元順帝至正元年建黃棟林新牘

按黃棟林新牘卽今之新牘也自濟以南地勢皆  
北高南下南陽棗林二牘建於至順延祐間承西  
下之水新店石佛趙莊各牘建於大德延祐泰定  
時蓄會源之流而新店至師莊二牘之間無牘以  
蓄水漕舟至此淺澀難行於是始建新牘補前功  
所不及元楚惟善黃棟林新牘記云會通河導汶  
泗北絕濟合漳南復泗水故道入於河自漳抵河  
袤千里分流地峻散渙不能負舟前後置牘若穀

亭者十三新店至師氏莊水淺舟行不利每漕船  
至此上下畢力終日叫號進寸退尺必資於陸而  
運始達議立牘久不決都水監丞也先不華分治  
東平緝熙前功以紓民力相度地宜黃棟林適居  
二牘間卽其地庀徒歲事經始於至正改元春二  
月訖工於夏五月先是役民於河率有常廩時適  
游饑貧寒者入役有養咸趨就食成於不日又開  
月河於河東岸以符其制至是上下水勢得此居  
中停蓄層層翕開以次遞及無不足用之水矣

河渠紀聞

卷之七

壘

元順帝至正二年開金口河

按金口渾河水卽桑乾水也發源太原之天池伏  
流至馬邑雷山之陽渾泉溢出東下大同抵宣府  
鴈門雲中諸水皆會穿西山入宛平界分爲二一  
東由通州入白河一南流霸州合易水南至天津  
入漕河卽盧溝之渾河也河過懷來東兩山間至  
都城西石景山之東地平土疏衝激震盪遷徙弗  
常名曰小黃河博囉特穆爾議開河引渾河水東  
流接引海運許有壬言渾河水勢高峻湍悍易決

金時在城北流入郊野不爲大害近時河出都城西南若霖潦漲溢將有衝決之患時不能用其言鳩土開挑及河成放牒放水流湍勢急沙泥壅塞船不能行而開挑之時毀民田舍廬墓夫丁苦役又費用不貲卒以無功元季帑藏空虛而耗財力於無用之地爲大不便民之舉其謂之何史載其事以爲妄言水利者戒可不慎與

元順帝至正四年汴梁自四月至七月霖雨不止黃河暴溢平地水深二丈許北決白茅隄又決金隄北河渠紀聞

卷之七

堯

侵安山沿入會通河延袤濟南五年不能塞按大河自順帝御宇六七年間無歲不決南極汴梁歸德北逾曹濟通受水患水陰象也陰盛伏陽在下而水溢南北並河郡邑方數千里災沴相仍民居昏墊北侵安山及濟南壞兩漕鹽場妨國計近古以來罕有之厄運也天時人事相因成患遷延至五年之久漲水更迭交侵蕩析無時民窮於轉徙官窮於智計然事當流極之時必有窮而思通之道於此而導流溯源宏濟時艱蓋非大有力

通達事理者未易理其緒矣余闕言河患自南渡至今殆二百年而河旋北乃其勢然也中原之地平曠夷衍無洞庭彭蠡以爲之滙故河易橫潰必多爲之委以殺其流禹治河自大徑而下折爲三渠大陸以下播爲九河多其委而河之大有所瀉力有所分然後患可平自周定王時河始南徙漢武乘文景富庶之業終不能塞瓠子及瓠子再決流爲屯氏諸河其後河入千乘而德棣之河又播爲八河之力有所分由是訖東都至唐河不爲害

河渠紀聞

卷之七

堯

者千數百年至宋河復南決南渡時又東南入淮以一淮爲衆河之委無以瀉而分之故河患日亟建議者以爲當築隄起曹南訖嘉祥東西三百里障河之北流慮河入於北則必穿運而會通之漕廢子則以爲無慮此者漕以汶不以河也河北則汶亦可漕所謂浮於汶達於河是也蓋欲防鉅野而使河不妄行俟河復千乘相水之宜而修治之殊不知千乘不易復而河不可分也邱文莊信賈讓上中二策爲可行而是尙文分洩水勢之說豈

篤論哉

元順帝至正七年大修吳江石塘名曰至正石塘

按吳江自唐王仲舒隄松江為路抵郡始有陸道  
常熟崑山唐宋時皆建塘通道而吳江向未有石  
塘也大德初立都水監庸田使司於平江路專一  
修築田園疏濬河道天歷初吳江知州孫伯恭修  
長塘仿常崑之制皆易以石至是那海復鳩工大  
修壘石厚砌高一丈廣四丈四尺長千八十丈為  
環洞一百三十有六立石亭於南浦建坊於上而

河渠紀聞

卷之七

堯

表之曰至正石塘蓋龔元和至和之意而與唐宋  
爭美也又建庵為居守置常稔田備修葺元時重  
農田水利至元中詔平江松江等路府修治湖泖  
河港以為民利而於沿河隄岸復加意修築為環  
洞通水引灌田疇不使唐宋獨隆於前宜民之實  
政也嘉靖中吳江令劉俊復踵其事築石塘十  
萬餘丈為橋十有三為竇三十有七南連構李北  
接茂苑石博尺有九加二以為厚四壘其厚以為  
崇倍其崇以為基和之用灰支之用木以為一勞

永逸之道事載周道登記內亦善繼事矣

元順帝至正八年正月河決陷濟寧路二月詔立行

都水監於濟寧鄆城以工部郎中賈魯為都水監  
按是時白茅鄆城濟寧皆為巨浸訪求治河方略  
或言當築隄以遏水勢或言必疏南河故道以殺  
水勢而水官不得其人迄無定見立行都水監於  
鄆城以賈魯充其使托克托薦之也魯嘗奉使宣  
撫循行被水郡邑具得修捍成策及至官奉命詣  
河相視考察地形往復數千里悉其要害圖進二

河渠紀聞

卷之七

卒

策一築北隄以防橫潰一疏塞並舉挽河東行托  
克托為相慨然有志事功論及河決毅然身任其  
事集眾共議用魯後策昌言於眾曰帝憂下民昏  
墊臣下職當分憂事有難為猶疾有難治自古河  
患為難治之疾去疾務盡而言人人殊殆非至計  
由是力主魯策排成遵禿魯之議獨行其是斯壞  
極患治之轉機也  
元順帝至正九年白茅河東注沛縣遂成巨浸  
按白茅初決於至正三年至四年復大決濶河單

碭豐沛至濟寧曹州郡邑皆罹水患而沛縣地尤  
窪下淹浸至數年不治水自近而遠下流漸緩停  
淤不能下達旁溢於上流之窪地其勢然也由沛  
及魚豐皆浸灌之所必及水聚於此滙爲大澤民  
有爲魚之患凡塞決必及時堵築乘冬令水涸之  
時一鼓竣事使不爲後患若遲至桃花水發則水  
力漸盛土埽不能順下延及伏秋盛漲暴流東西  
靡定初決時之深者反淺淺者反深水隨溜轉而  
所及之地愈廣則所注之地尤重沛所以成巨浸

河渠紀聞

卷之七

至

也而自沛以下之郡邑皆有望洋之嘆矣

元順帝至正十一年詔開黃河故道命賈魯以工部  
尙書充總治河防使發河南北兵民十七萬自黃陵  
岡南達白茅放於黃堍哈只等口又自黃陵西至楊  
青村凡二百八十里有奇四月鳩工七月疏鑿成九  
月舟楫通行十一月諸埽隄成河復故道南滙於淮  
東入海

按賈魯於衆謗羣疑之時力任天下之重以疏南  
塞北復河故道立議爲民捍大災禦大患樹建非

常必有深識大力而後能任其事尤必得大有力  
者主於上爲之主者又必有定識定力辯言不能  
入浮議不能撓專其責成而信任之使得便宜從  
事然後有以盡其力竭其才任艱鉅而克潰於成  
自古能濟天下事者皆由此否則功未及半干城  
之寄不崇朝而隳矣至正以來河無歲不決旋修  
旋決豐沛濟鄆遂成巨壑魯自爲都水循行考察  
往復數千里備得要領圖進築北復故二策進言  
數年無有人起而應之者而成於托克托之一言

河渠紀聞

卷之七

至

蓋其時托克托方爲相用事論及河決慨然有志  
復古建魯後策難以成遵禿魯之力陳不可更以  
遵腕可斷議不可易之堅執卒以黜遵而進魯力  
贊成之當是時魯受君相特達之知矢心圖報調  
遣汴梁大名十三路民夫力役至十五萬之多發  
廬州等戍十八翼軍用兵至二萬之衆時正炎夏  
水力方盛而魯一意奏功急不待時以四月二十  
二日鳩工濬河自儀封黃陵岡南達曹縣之白茅  
放於單縣之黃堍歸德之哈只等口又自黃陵西

凹里村至曹縣楊青村合於故道深廣不等凡二百八十里有奇黃河故道自虞城以下蕭縣以上夏邑以北碭山以南由曹縣之新集商邱之丁家道口虞城之馬收集碭山之韓司道口牛黃堦蕭縣之趙家園薊門集至徐州小浮橋入大河其自黃陵岡至哈只口正引河也自黃陵西凹里村至楊青村減水河也而皆會於黃河故道三閱月疏鑿成至八月放水入故河其治隄之刺水截河護岸縷水治埽之岸埽水埽龍尾欄頭馬頭埽臺及

河渠紀聞

卷之七

壺

乃精思障水之法急用石沉舟爲挑水壩以逼之逆流排大船二十七艘前後連以大桅長椿用大麻索竹緹絞縛綴爲方舟用麻索竹緹繳繞船身上下合牢不可破乃以鐵貓于上流種之水中又以竹緹繫兩岸大樑上種舟使不得下船腹鋪散草滿貯小石用板釘合板上布埽二重三重以大麻索縛急復縛橫木三道於頭桅皆以索維之用竹編笆夾草石立桅前長丈餘曰水簾桅以木椿柱使不偃仆然後選水工每船各二人執斧鑿立

河渠紀聞

卷之七

壺

推卷牽制蕤壘之法用土石鐵草木杙緹之方皆有法度具詳於歐陽元至正河防記而至奇極險費重難成卒得其用者莫過於障水入故河之石船隄方魯之導流入故道也時方八月正值秋汛之期漲水尙多決河中流深廣水力尤大水入新河止二分決河多至八分而所修刺水及截河三隄形勢猶短力未足恃河口水勢刷岸北行洄漩湍激難以下埽埽行或遲水盡湧入決河新挑之河勢必受淤而汎水猛厲剽疾尤爲至難極險魯

船首尾俟岸上鼓鳴齊鑿舟穴水入舟沉遏水怒溢暴增卽重樹水簾後復布小埽土牛白闌長稍雜以草土等物隨宜填築石船下詣實地出水漸高卷大埽壓之前船勢略定以次用前法沉餘船竟後功昏曉百刻役夫分番無少間斷船隄後將前築草埽加築中置竹絡盛石並埽置椿繫纜四埽聯絡如修截水隄法蓋前有石船隄當衝船後四埽不着溜倚石船隄爲靠尤易施功也船隄四埽壁立迫河南注水勢峻湧若自天降下歸入引



河通流暢達決口水緩不着重然後議進龍門大  
埽卷高二丈餘千夫推送入水俟前埽到底後埽  
繼進至河口十餘丈水勢陡峻龍門喧逐猛疾撼  
埽陷裂欹傾俄遠故所弁衆愕視以爲難合魯神  
色不動機解捷出獎諭官吏工徒十餘萬人齊心  
併力至十一月中旬堵合決河斷流故道復通自  
沉舟至是凡閱六十五日竣事蓋中流水深施功  
數倍於前裂陷補修有須時日俟冬深水涸水力  
慢緩始得奏功合龍後於龍口上水隄前通卷攔

河渠紀聞

卷之七

奎

頭埽管心大索繫前埽碰後關頭埽之後後埽管  
心大索繫小埽碰前關頭埽之前後先羈縻以固  
其勢今之揪頭繩也又於所交索上兩埽間壓以  
小石白關土牛草木相半相勢措置今之門埽也  
埽隄後自南岸復修一隄抵龍口長二百七十步  
今之後戩隄也船隄四道穴石立木如比櫛櫛前  
埽之旁以橫木貫其後又穴石貫繫橫木密掛龍  
尾大埽卽用大樹連枝梢倒掛埽前以防冬春凌  
下剗割草索今之逼凌椿也餘如接單隄至大隄

及治護埽護岸馬頭等隄修歸德至徐州缺口一  
百七處補築增培舊隄各如法功於是成昔人言  
賈魯河爲銅幫鐵底土性膠泥粘結水不能旁沖  
魯相度地勢土性定議於此是以行之久遠今驗  
視黃陵岡以下舊河土性良然其時會通河已成  
漕運必由之地若回河使北勢必穿運魯不得不  
於南河籌計而大河衝潰無時所在沙淤勢難束  
水歸槽欲求堅整可用而無後患者無過仍循汴  
渠故道汴渠自開封經葛壩至丁家道口以下入

河渠紀聞

卷之七

奎

徐賈魯河始自白茅堤雖與古汴渠稍異而下流  
自丁家道口至小浮橋仍循故道數百年行之不  
改魯嘗言用物之效草雖至柔柔能狎水水潰之  
生泥泥與草并力重如硃而堵築決口用石船嘗  
疑石頑有縫船方而中多架隔壓擠不到河之淺  
深不一船底平不能隨流填墊必有透漏之患靳  
文襄謂魯用以代壩逼水非用以合龍且當秋漲  
水疾勢難下埽沉舟搶救以濟急其言適合時宜  
而以石船爲堤河底終無透漏者猶自有故蓋船

用以代壩而船底過水壩卽約水無力且大溜衝激久之洶深沙潰縱不能漂去亦易傾側裂縫壩終難立其壩能得力而卒成功者在石船後補填前築之短埽以閉其氣爲移步換形之竅妙短埽得石船當衝石船得短埽壓縫又填中心空檔周遭充滿加築寬長與石船聯爲一體所以行之無弊否則未有能成者今以沉舟爲奇策而不知非作代壩不可用非遇險難之大水不必用非有精思不能用尤不可輕用以合龍蓋龍門水力最大

河渠紀聞

卷之七

壻

專而且利別無出路勢必尋隙崩潰否則迴漩搜刷左右邊埽大壩終難穩固此不可執古法而誤用也胡麟明謂魯巧慧絕倫奏功神速古未曾有而惜其大才小試使魯生漢武之世則導河入宿胥故瀆當無所難生明帝之世亦必能導河入清河合漳水至章武入海悼其功成難作反令庸人執爲口舌而其被議招尤亦各有不相掩者以魯之才智巧力可爲後法者多矣大河所行卽由其道於今爲烈南北橫流數十年不復之故道不移

時而奏功視虛語無實事費材力稽時日輾轉爲民患俟其自定者賢不肖相去遠矣然魯當伏秋大汎河流暴漲之時竭天下之材力聚二十萬衆於災祲荒歉之地用民力於農務正殷之候驅官弁夫役於炎天酷烈之際使之廢農冒暑難免清議而積勞生困積困生怨亦理勢所必至靳文襄謂魯於是役犯三忌信然而至以石人一眼之謠坐魯以亡元之罪甚爲止兒啼之喻謂塞口而兒斃抑未可以成敗論也宋濂言元亡基於上下因

河渠紀聞

卷之七

壻

循晏安紀綱廢弛風俗偷薄致亂匪伊朝夕不興是役亂亦自起斯爲通論高平魯故宅壁間題詩云賈魯修黃河恩多怨亦多百年千載後恩在怨消磨尤達事理托克托能知魯而專任之卒至底績亦有足多而魯思報君相知人之明不擇時地不畏人言冒危難以成一時之烈怨尤卒不免若此則不如魯者尤當熟籌時地顧恤民力爲國家圖安全之利不可忘大體而取快一時也

元順帝至正十六年河決鄭州河陰縣官署民居盡

廢遂成中流旋築塞之命賈魯疏治合河京水雙橋之水以通漕起鄭州至朱仙鎮亦名賈魯河

按河陰居鄭州之西河之上流河陰瀕河立治漲水衝刷南岸縣治民居遂成中流然內地土高漲落水自歸槽賈魯河固無恙也而別引內河之水以通潁亦名賈魯河者不與黃通也目遊四海記云鄭州北有賈魯河自滎澤縣東流入中牟其源有三西源自密之聖水峪中源自滎陽之煖泉冰泉東源自州之九仙廟合於張村名曰合河至京

河渠紀聞

卷之七

充

水鎮曰京水河北受須索二水曰雙橋河賈魯引諸水以通潁蔡許汝之漕起鄭州由朱仙鎮下達此不通於黃者也黃陵岡賈魯河故道經曹縣梁進口下通歸德丁家道口由徐入淮此賈魯治河之道也明時故道已淤而徐恪議疏梁進以北八十里未通之河自嘉靖以前猶爲運道萬歷中楊應文議開趙渠仍循自商虞下徐之道則賈魯河雖湮而不湮也今大河已歸故道而朱仙鎮由周家口下注之河商賈通行賈魯之治功與河並存

矣

元順帝至正二十年開河自任城至安民山濟北運按志稱至正二十年朝議以轉漕不便乃自任城開河分汶水西北流至須城之安民山今之開河廂卽當年之舊廂也開河廂分水入北兼濟北運時會通初成河不甚濶深岸狹善崩元人分水於寧地勢北高南下水性就下由北入南易故常有餘由南入北難故常不足兼分水以北別無山澗溝瀆之滙流水無來源勢須接濟不得已開河引

河渠紀聞

卷之七

充

汶使北此調劑之善法後來漕運皆由是道居濟一得云汶水長發水不甚大之時將開河廂並十里廂嚴閉收入南旺湖湖滿將開河十里及迤北各廂板全啟放水北行分汶水專濟北運泗水專濟南運水小東昌一帶不至膠舟水大南旺夏鎮徐邳以下不至爲澤國又云開河廂下板北運無不淺阻之理蓋爲糧艘遇淺而言也向時開河西岸闕家大廂五里滾壩皆放水濟北運運河水不足則由開河下兼濟廂放出濟運今皆不能放水

則引汶入北爲依古不易之章程猶元人遺意也  
元順帝至正二十五年河決小河口由清口入淮

按是時河道初復下流洶刷不及爲患上流前時  
河決鄭州河陰縣官署民居盡廢此決在上者也  
至是決小河口此壅於上者決在下也決水由清  
口入淮今之清口非古泗口也古泗水由邳州下  
泗口入淮至唐時齊濟以漕運經淮有沉損乃浚  
汴河下流自虹縣至楚州淮陰縣合淮是濁河絕  
泗東出之始也終唐世由之五代時斷流其時黃  
河渠紀聞

卷之七

圭

河南徙假道於泗亦祇從泗州入淮元初亦然至  
是始由清口入淮而淮安清江浦黃淮漕三大河  
交通互注矣  
元順帝至正二十六年二月河北徙自上東明曹濮  
下及濟寧路至德州齊河皆被其害

按元史五行志載至正十一年七月河決歸德府  
永城縣壞黃陵岡岸事在黃陵岡未合龍之前決  
水南趨掣動溜勢岸雖壞而北流之全勢已分塞  
決得力於此魯治白茅決河束於會通之運道塞

北河開南河以絕渾河倒灌漕渠之患而地勢南  
高北下北岸低於南岸數丈踞建瓴之勢當盛漲  
之時奔騰迅下掣曳推排之力大新柴暴土難以  
遽得其用幸南岸永城一決吸溜歸南稍緩北下  
之勢因得從容展布閉斷北流魯之精心大力任  
重不疑亦由天行之順轉與人事奏合而成黃河  
天泉信有數存治後越十有五年而河復北徙南  
岸故道初復勢使然矣曹濟之東梁山泊地曠窪  
下決水至此必停留而不去河由濮北趨經曹單

河渠紀聞

卷之七

圭

溢鉅野浮濟鄆挾汶濟以入海曹濟爲大河經行  
已久之道遇漲溢則由故道出海此所以不久仍  
徙也然河雖北徙而河之經流未改不踰年仍復  
其舊固知賈魯河之可與圖終後人不能善守潰  
於蟻穴而旋復之蓋勢本就下而銅底鐵帮之河  
有不能遽徙者矣

元至正中濟南山水暴漲衝入小清河會諸山之水  
入大清河漂沒民居田禾

按元時海運導汶水北流入清濟由東阿至利津

入海卽今大清河所行之道濟水之故瀆也濟南一郡南受諸泉峪之水東引青州迤西大河奔湧並至溢而四出小清不能容歸入大清仍由濟故道入海禹貢導汎水東流爲濟又東北會於汶又北東入於海大清所經自歷城至東阿皆濟水故道至濟陽齊東青城諸縣則古灤水所行蒲臺以北則古河水所經大清兼行河灤二川其小清所經之章邱鄒平長山新城高苑博興樂安諸縣則古濟水所行之故道也大清河雖首受入運之汶

河渠紀聞

卷之七

七

實合東阿山中西流白鴈諸泉及濟南諸水以成巨川灤泉卽濟水之伏流旁出者脈絡相同皆謂之濟又爲鹽河鹽運至灤口放關由大清河上泊於魚山南則由河渠至東平西由小鹽河至張秋明正統宏治間河決張秋皆由小鹽河入大清小清河歸柳塘口故道會省城東北諸水徑入大清勢旣順而歸墟之路亦得也



河渠紀聞卷之八

明太祖洪武元年河決曹州從雙徐達開場場口入於泗以通運



按是時戴邨未壩汶水由東平注大清河入海決水由南陽至周邨泥淤窒塞自元末大河北徙東明以下曹濮濟寧並被水淹濟寧迤南轉漕故道皆淤會通河已廢不用至是河復決曹之雙河口入魚臺運道大阻時方定河洛轉戰晉冀糧餉挽輸不便乃開場場口由牛頭河引河入泗以濟運

河渠紀聞

卷之八

一

而徙曹州治於安陵場場者濟寧以西耐牢坡以東直抵魚臺南陽之道耐牢坡建一牖曰永通束水由塌場口出穀亭運道通梁晉轉餉資河爲用也南河自揚至蔡達濟壩堰皆沙塞崩塌薛祥爲漕運使疏通修築直接塌場南運亦通又由師莊石佛沂汶濟以達燕冀循海運萊州海倉粟以給永平遼左及迤北數用兵遣吳禎唐勝宗張赫朱壽先後轉遼餉以爲常應天居中定都湖廣之粟由漢沔下潯陽江西漕舟出章江之鄱陽會於湖

口同上江六郡之舟浮大江入儀徵通江牯沿江湖港可泊舟無漂溺者浙西吳中之粟由轉運河鳳泗之粟浮淮河南山東之粟下黃河嘗由開封運粟沂河達渭以給陝西有事於西北者甚鮮淮揚之間築高郵湖隄開寶應倚湖直渠靡不有事於運江淮河海之會所在通流矣

明太祖洪武二年開淮安東北之菊花溝以通海運按是時海運遼餉糧艘會於淮安以淮安侯華雲龍掌淮安衛航海侯張赫舳艫侯朱壽督海運菊

河渠紀聞 卷之八

二

花溝卽濶河也臨河有牯啓閉蓄水有餘則洩之淮安東方諸鄉及諸州縣米芻貨貨出入之道運船卽由此車盤入淮永樂初平江伯督海運由山陽之東壩入淮卽是道也置轉搬倉於淮安轉搬倉卽宋之上供倉歐文忠公子役志所謂次楚州泊於西倉飲於倉亭者海運之道有四元初置倉於崑山州謂之太倉海運由劉家港入海初以海道險遠三易生道開新道由崇明三沙放洋至登州沙門島入大洋抵直沽三千三百九十里自菊

花溝出淮入海由雲梯關歷鷹游山至登州城北新海口轉萊州海倉至天津道里同又登萊度金州至旅順口達朝鮮明人餉遼之道所謂餉遼莫如海運海運莫如登萊者也又自淮泗入大清河至利津入海放洋抵直沽至天津元人未開會通以前之運道也然終不如內河漕運之安便矣

明太祖洪武六年發松江嘉興民夫二萬開上海胡家港自海口至漕涇千二百餘丈以通海船

河渠紀聞 卷之八

三

資蓄洩以便海漕也胡港之南卽劉河其南卽吳松口爲分洩太湖之正河少北爲揚林卽范文正所疏之茜涇也其上爲七了浦又北爲白茅港皆宣洋澄昆承諸湖之水入海者也其時用海運餉遼卒故通港口以利餉道凡有關漕運者急治之隄塘堰壩可資節宣備旱潦者兼修之有司以黃沁漳衛沙河所決隄岸丈尺之數圖計上聞詔以軍民兼築大抵皆急於漕而緩於河故於河雖勤於求治而爲運計者多也

是年大疏真揚運河

按江漕至儀徵通江口入漕儀徵為雜揚門戶安徽湖廣江西運艘浮江而下者由儀徵進口真揚運道南運之脈絡也太祖定都金陵首重漕運四方天庾之供引江帶湖環拱白下通清河涑水轉漕故道輸北平之餉疏開封小木橋至陳州沙河十八廂之淤以利漕置中都傍近州縣通水路漕運者隸之而於真揚一路疏治尤勤凡漕船經由淺澁梗運之處分道並疏浚揚州儀徵河九千一

河渠紀聞

卷之八

四

百餘丈置廂壩十三又揚州官河自揚子橋至黃泥灘九千四百餘丈江都申港以下河道五百六十餘丈一律疏通接築申港壩遣官赴高郵督修並湖隄岸移通泰等州批驗所於儀徵以便稽核凡以為運計也是時經營梁晉開場場轉餉黃河改流由鳳潁南下不經由徐泗南來故道久湮大勲甫集之時未敢輕舉大工重勞民力而於漕運明定章程修復南運必經之道以時疏築一代事功興舉之始也

明太祖洪武七年河決開封詔叅政安然塞之

按是時賈魯河下流受淤河不能東入於徐決隄而南水橫開封之境田廬俱沒於水河行生地不能容萬里之流輾轉為患雖命官塞治而此壅彼潰終難固守自是曹北之患復移於汴南矣

明太祖洪武八年河決開封大黃寺南流挾潁入淮按是時黃河南流挾潁入淮河之形勢使然潁小而河大不能容受壅於下而必潰者勢也民人蕩析離居集丁夫三萬塞決而於所以致決之原

河渠紀聞

卷之八

五

仍未深究其理而竟其用也時河隄屢決當事請敷治但令護舊隄而已河自南徙以來南岸未設有隄限舊存之隄在北河入於南而護北隄豈惟慮河之入北而不慮南下以汴南之土地人民子水與抑其時軍用繁夥力不暇及於此與然河至十年不治開歸陳潁之元氣大傷非復前時之京國矣

明太祖洪武九年開寶應直渠

按元時海運漕糧至天津置海道轉運使凡東南

漕俱仰海運終元之世海運不息未嘗專力於南河於是唐宋以來淮揚轉輸之漕道日久漸湮明興定鼎金陵引江帶湖運艘卣尾鱗次環供天庾江以北不事漕至是思復北運盡湖河之利用寶應縣老人柏叢桂言發淮揚丁夫五萬令有司督發高寶湖隄六十餘里以捍風浪既又以寶應自隄樓抵界首沿湖隄地形勢紆曲受風屢修歷圯居民苦役無已時仍從叢桂言開直渠就湖外直南北穿渠四十里築長隄與渠等期月而成引水

河渠紀聞

卷之八

六

於內行舟爲一勞永逸之計舟行揚帆直進免沉溺之患惠民之實政也是時黃河正流南出潁州會淮直湧而東奔淮亦以河利其入小浮橋經徐邳出淮陰者支流也黃無南衝奪淮之勢淮亦得黃之力奔流同歸於海淮揚安全治水筌蹄云固高寶臨湖隄岸濬諸湖之巨浸歸射陽入海之洪流蓋謂此也而開渠引安流尤爲太平盛事矣明太祖洪武十四年秋河決原武並決祥符中牟明年又決滎澤陽武民饑無食命李祺往賑之

按是時開封歲以警告而不事塞決決水經懷遠縣由渦入淮始命官往賑之諭所在有司曰大河之水天泉也必有神以司之若所在牧守得人政務修舉則其水蜿蜒東注無摧山裂石之患而民安焉苟非其人則衝決城邑蕩析民居而牧守亦與其禍宜加修省帝以反躬責己之道責之有司而既溺之民不堪久淹或曰帝惑於水會天心之說故止不治其言誕不足信也

明太祖洪武十六年河決開封復決杞縣入巴河

河渠紀聞

卷之八

七

按是時水聚於開封之境初決開封決水不能下遞決而上決祥符中牟再決而上及滎陽陽武皆在開封屬內至是決開封東月隄自陳橋至陳留潰流百餘里復決杞縣入巴河淹及歸德開封之患又移於歸德遣官督所司塞治而力不能任矣是年濬桑乾河自固安至高莊及霸州支河按桑乾爲蘆溝上源漢王霸治飛狐道漕濕水以省陸輓亦曰渾河金元皆築隄防武清固安每費修塞霸州上下水漲無所洩所在漫湧倒流泛溢



害稼畿封病之隄防爲急至是並濬以通其流桑  
乾源出靜樂之天池伏流至馬邑雷山金龍池渾  
泉溢出東下大同古定橋抵宣府雁門雲中諸水  
皆會東過懷來東兩山間不得肆穿西山至都城  
石景山之東地平土疏衝徒不常嘉靖中御史宋  
儀言大同卜村有亂石宣府黑龍灣有峻崖僅四  
五十里嘗駕小舟自懷來至黑龍灣更由懷來載  
米逆水上達古定橋請疏鑿以通宣大之漕李文  
進右其說復言古定至蘆溝水陸並運造淺船由

河渠紀聞

卷之八

八

蘆溝達天津建倉務里諸處備撥運然地峻水濁  
山石阻礙不堪舟楫漕渠屢浚不成蓋桑乾之水  
泛則迅激難制涸則一葦不通漲水大下挾沙石  
而行淺深無定處故不能爲漕永利也

明太祖洪武十七年河決臨漳遣官修治凡隄堰塘  
壩可禦水患者皆治之

按是時臨漳無河漳河決也漳源出長子曰濁漳  
樂平曰清漳俱東經臨漳汛時水漲會諸山之水  
奔湧而來地平土疏故有是決元時分支由館陶

入衛河以殺其勢迨後堙塞疏復故道漳河水既  
減洩衛河得水亦便行舟太祖知黃河天泉之不  
可以人力制而專心於水利兼築漳沁衛沙之決  
臨漳去漳源不遠瀕河之田賴隄以稼預爲之防  
更於窪下不可耕之地皆以堰隄塘壩蓄洩而疏  
導之自古遂溝洫皆通於川遂縱溝橫洫縱洫  
橫遂入溝溝入洫洫入澮澮注川而溝必因水勢  
防必因地勢有周井疆之法雖不行而隄堰塘壩  
卽溝洫之遺意也漳河故道經絡旁午於其間者

河渠紀聞

卷之八

九

相地所宜因勢而利導則凡高田遇旱由溝蓄水  
而可施灌溉之功下地逢潦由溝洩水而可無潦  
沒之患皆由是變通以盡利衛水仰漳而不病涸  
漳水納金而不患溢民運兩得其便矣

明太祖洪武二十年河決開封城自安遠門入淹沒  
官民廨宇逾年河水陷儀封城徙縣治於白樓村

按開封自大黃隄決以來歲有決溢淹浸數百里  
然猶不及郡城也至是決水灌城乘虛而入城內  
如金底民居屋市盡沉水中中原財賦聚集之地

一洗而盡非常之異變也逾年復陷儀封城遷縣治數州震蕩而未聞一事疏築有司以爲言曰此天災也塞之徒勞民力帝以勿重困吾民爲言而災沴至陷郡城移縣治轉徙流亡盈於道路民困已甚古所稱爲民捍大災禦大患者誰屬也豈惟帝之不欲擾民抑當時秉國鈞者之不以民事爲事也

明太祖洪武二十三年二月河決歸德州東南鳳池口浸夏邑永城諸縣發興武等十三衛士卒與歸德

河渠紀聞 卷之八

十

民併力築之及秋又決開封

按水患自開封郡城失陷爲河之大變而水不下洩開封之患又移於歸德時黃河漫缺日久有司率不報聞民詣闕訴之始發軍民修築而此築彼潰卒未能止其患帝以兵革甫定欲與民休息俟民力少甦然後用之南北漕運亦不專事於河江廣浙吳之漕浮江淮豫東浮河海運遼餉故不急於河須時而治卽位之初嘗因北狩越淮入河舟行三旬觀湍流洄伏飛濤怒激之勢若萬馬奔馳

大地轟雷山迴石起之處水盤繞如羊腸暴流觸岸東蕩西坍汗漫浩蕩不可測度之形爲說以述其事聞河南告警援天自慰若未敢一撓其怒者當時臣下微窺帝意水災匪不上聞以致河流橫決無歲不警開封歸德間輾轉爲患糜爛已甚矣終明之世開歸徐邳曹濟豐沛水患尤烈實肇端於此時

明太祖洪武二十四年河決原武黑洋山東經開封城北又東南由陳州項城太和潁州潁上東至壽州

河渠紀聞 卷之八

十一

正陽鎮全入於淮賈魯河故道遂淤又由舊曹州鄆城兩河口漫入東平之安山元會通河亦淤明年復決陽武汜陳州中牟原武封邱祥符蘭陽陳留通許太康扶溝杞十一州縣發民丁修築旋以冬寒罷役按此賈魯河淤之始也河歸故道四十七年而復堙西由黑洋山南下潁州入淮卽宋時閔河故道大河經行不到之地決水至此從來所未有也壽州東鎮曰東正陽與潁上之西正陽夾淮相對河出其中奔騰浩瀚兩岸瀾漫無涯大河經流直趨

而南東出徐州之故道流緩貯淤先時河在開封府城北去城四十里至是南遷三十餘里去城僅五里許汴北四十里東出之河及賈魯河俱淤其由曹州北出者經鄆城至東平之安山東平地下安山湖蓄水入會通河濟運漫水汪洋一片溢入湖內水止淤滿穿會通河東出南界分水之脊水不能通北接漳衛之流水不能下會通河所以中阻也是時決河未治罷役江淮之粟不復北上始命朱壽率舟師海運濟寧以北陸運至德州入河

河渠紀聞

卷之八

三

而開封以南瀾漫千里歲無寧居河之決入於北者新衝之渠至入大清河而止南流滔滔不息汎溢於汴梁陳頴不復議修汪武曹言黃河南岸祥符至礪山至隆慶六年方有隄明初大河分派並行入淮其時開封迤南尙未設有隄防隨流南下衝蕩莫禦而北岸大隄重重防護蹙河使南河之由北入南至於往而不返者蓋非一朝一夕之故矣

洪武二十五年大興水利議鑿鬱林州南北二江以

通舟

按是時遣使督修水利凡陂塘湖堰皆因地勢修治諸所在有司民以水利條上者卽陳奏是以鬱林州民有鑿山通江之請也其言州南北二江相去三十餘里請開鑿通流設石隄前此未有也鬱林南北二江介在兩粵之交南江源出大容山流經博白至廉州入海北江下容藤北出大江北流縣北五里有分水山下有二水一順流十里至縣城東一逆流十里至鬱林皆分流入江二江岡隴中截欲建隄積水壘二十餘里之石渠不易治也南北水勢峻急勢難使之平流山隴下有伏石不能開故卒寢其議乾隆癸巳余守珠官疏城東龍門南津之水合流環城南入廉江而於南北二流數涉其地無能爲力也太祖開創之主雄才大畧鑿溧陽銀墅開胭脂河十五里生地沃醴燥石以通流故允鬱林州民之請實非自然之利也鑿以爲利則擾矣

河渠紀聞

卷之八

三

明太祖洪武二十六年八月開胭脂河於溧水命李

新董其役

按明初貢賦輸於金陵漕兩浙之粟水陸轉運艱難由浙河至丹陽舍舟登陸人力勞費水運從大江沂流而上風濤之險覆溺堪虞鑿臙脂河焚石剪水引石曰湖水會秦淮以入於江河道徑自畿甸通於浙俾運輸者不勞商旅獲便帝留心民事浚儀徵湖及揚州官河萬有八千餘丈築江都申港壩並高郵臨湖隄岸至是更開臙脂河糧艘西達大江東通兩浙銜尾而至自永樂遷都運道

河渠紀聞

卷之八

西

廢日久不治而遂湮矣

明太祖洪武二十七年甲戌秋八月遣使分行天下大修水利

按是時黃河散漫於開封歸德間南流滔滔不息已閱歲時大河南徙後南岸未設有隄防過漲則溢而四出若非人力所能為者而帝垂意農桑興修水利嘗鑿奚浦開至和塘堰壩濬濬無錫新河及武進江陰之申港烈塘孟瀆橫河皆嘗有事併疏太平河建孟河厝築蠡瀆河堰凡以為民計安全

也至是論工部凡有湖堰陂塘可蓄洩以備旱潦者俱因地勢修治分遣國子生遍詣天下督修水利凡開濬塘堰四萬九百八十七處皆因民所利以為利陵陸川浸之勢屢遷民生日用之計資於地灑沉澹災導流惡復桑田因地則氣不壅達變則民不倦自唐宋以來召父杜母之惠莫不由此史稱太祖晚歲憂民益切嘗以一歲開支河暨塘堰數萬以利農桑備早潦開二百餘年無疆之業有由然矣

河渠紀聞

卷之八

五

明太祖洪武二十九年濬京口至呂城漕河修犇牛呂城壩築練河斗門

按京口漕河東南漕道之咽喉也京口牖廢漕運轉新河江陰二港出江多為風濤所擊舟數敗內地漕河源淺仰練湖水以益漕湖有三斗門廢壞不能蓄水濟運民田亦不稔至是濬京口至呂城百二十里淺澁之河犇牛呂城堯石作壩修京口牖門順水勢之出入補築練湖斗門使水有收蓄以時協濟運舟既通湖下之田亦稔浙湖轉輸之

漕道其境上揚帆直上時帝方遣使修天下水利  
練湖利廣漑丹陽金壇延陵之田以一寸益漕河  
一尺歲久不治故既開塘堰四萬餘所京口牖壩  
湖塘之修復亦因時而起者矣

明太祖洪武三十年八月河決開封城三面受水詔  
築倉庫於滎陽高阜以備不虞自是開封城圯

按城邑考元至元中盡燬天下城隍開封城僅餘  
土阜洪武元年始營築楚以磚石洪武二十年河  
決開封決水穿城漫入沒官民廨宇然其時大河

河渠紀聞

卷之八

六

去城四十里之遙水平漫入城雖受淹而無大害  
城猶未圯也至是決水去城僅五里大溜衝蕩城  
宛在中流圯於洪武丁丑至永樂甲申相距八年  
之久始事修築而當時祇虞浸水浸及軍儲巨盈  
左藏詔令於滎陽高阜處預築倉庫待之不數年  
河再決開封壞城二百餘丈患無異丁丑初圯時  
開封居天下之中當四通五達之衝黃流逼城滔  
天之浸近在咫尺自明昌決後全河南下而不計  
及南岸之隄防任其衝潰以開封爲壑患無已矣

是年冬十有一月蔡河南徙入陳州

按大河先由開封城北東行至是下流壅塞又決  
而之南挾蔡同行蔡徒流入沙河隨黃南下初由  
汴北分流亦曰沙水汴南閔洧渙之水由尉氏許  
田大隗出者悉與蔡會自尉氏北流至汴城爲西  
蔡河經通許接舊蔡河爲東蔡河皆奪於河經鄆  
陵扶溝至陳州蔡河口入沙河明年陳州沙河水  
溢決入於黃合注東南益不可制時河行新道從  
汴北五里流入陳州由鳳陽入淮者爲大黃河

河渠紀聞

卷之八

七

東出至徐以南者爲小黃河分行幾二十年  
明成祖永樂元年饋運自陳州潁岐口北輸於京  
按是時黃河南行饋運由淮至黃多淺灘跌坡戶  
部尙書郁新請自淮安用輕舟運至沙河及陳州  
潁岐口仍以大舟載入黃河復陸運衛河轉輸北  
京大河南下河病而漕亦滯陳州爲黃河新衝別  
出之道資以濟運然只能用小舟轉入黃河仍須  
由八柳樹車盤至衛繫費多艱不得不思變計矣  
是年命平江伯陳瑄督海運

按歲漕數百萬水陸轉運艱難始命瑄督海運糧四十九萬石餉北由山陽之東壩入淮海運抵直沽用小船轉運至京天津置露囤千四百所以廣儲蓄嗣復海陸兼運建百萬倉於直沽命江南糧一由海運一由淮黃陸運赴衛入通州歲以爲常至會通河成罷海運惟存遮洋一總運遼薊糧蓋由會通飛輓北上不憂水陸之艱而由登萊徑達蘄遼對渡而無難也

明成祖永樂二年夏四月命戶部尙書夏原吉浚吳

河渠紀聞

卷之八

六

淞江兼引入黃浦婁江

按是時蘇松嘉湖頻年患水浙西諸郡蘇松居下流太湖在其西南綿亘五百餘里年久浦港堙塞太湖之水不得下洩漲溢害稼原吉言拯治之法在濬吳淞諸浦而吳淞江自夏駕浦以下皆爲潮沙障塞因鑿夏駕浦掣吳淞江水北達婁江復挑顧浦南引江水北貫吳塘亦由婁江入海復浚上海縣范家浜掣江水由南倉浦口達黃浦入海而故道直流百里之江遂棄不治蓋其時猶循海運

自元以來劉河爲總運出海之道鑿夏駕浦顧浦引淞江之水皆入劉河助運蓋重在運而不在河也然吳淞口爲洩太湖正河凡五滙四十二灣古云九里爲一灣一灣低一尺江湖與湖水會合分洩太湖之門戶至正統間周忱始濬復故道通流天順成化嘉靖隆慶時崔拱畢亨李充嗣海瑞先後繼疏之嘉靖三十二年倭寇入吳淞江登岸焚掠三吳水道極衝此爲險要吳淞口南爲黃浦卽春申浦古東江之交三江之縮轂也志云舊濶三

河渠紀聞

卷之八

九

十餘丈今橫濶幾二里自嘉興府流入者曰秀州塘灌注於三泖自蘇州府流入者曰澱山湖亦滙流於三泖導流而東滙南北兩涯之水達吳淞江入海海水鹹鹵此地不異江湖饒灌溉之利蓋吳淞黃浦婁江三江之水滙流歸墟北則大江注焉又北則黃淮入焉迴洑蕩激於數百里間鹹水不得進故與北海獨異水利財賦甲天下而爲列朝之所重也

明成祖永樂三年修無爲州周興等鄉及麇揚尉烏

江屯緣江圩岸

按是時攔江隄岸為風濤衝激淪入於江江水橫流為民患發民丁修築以衛民也成祖初年江勢漸更趨於北瀕江州縣圩岸為駭波凌濤之所激盪往往剝蝕頽圯江都之河東等鄉濱江圩岸泰興之攔江隄及和州之銅城厠上抵巢湖下接揚子江一帶隄岸為江潮衝激淪入於江者所在修復至是更修無為州邊江圩岸畚插絡岸蔽川築土如堅城旁引支渠疊石為臺以禦迅湍水不內

河渠紀聞

卷之八

三

侵而反為利大江在州東南上接桐城之百丈墩下距和州裕溪口二百三十餘里夾山朴樹更樓諸河交通裕溪達於大江周與鷹揚等鄉及烏江屯皆江流衝激之所隄堰修治歲必有事江水自岷山盤亘巴荆乘高而來漢自北入彭蠡自南入三江並持東下至江西之湖口縣入南境逕宿松桐城銅陵抵無為勢如建瓴江防考無為江道江心與銅陵繁昌對境州東南泥汊河流入於江上自鯉魚套下至薛家灣泥汊東北為奧龍河江道

上自薛家灣下至奧龍墩又西南為土橋河上自石灰河下至鯉魚口皆通江潮資灌溉又為大堰以防衝決江流至此濶而多夾風動浪湧防守不易顧寧人云無為多山而近江其地平夷與江水相低昂又為巢湖諸水所出故多圩田皆引河渠為灌所利不啻萬頃而江流泛漲亦蹈其害歷考前史漲溢頻書隄防不事我

朝工築以時淪漂無聞轉漕濟渡官私稱便或引江

湖興修水利如銅城韋游臨江扼要之處皆築土

河渠紀聞

卷之八

三

為長堰以捍其衝鑿石作厠門貫以木槌視歲之早潦而闔關之田得常稔水不為災無為州瀕江築岸土俗有頭二三四壩之稱固築以禦江潮別開月河東以厠旱引江水灌田潦嚴閉不使內侵有餘洩之為有備無患之道然善守則利多而害寡泄視則害至而利亡先後緩急之間利害所由分也無為地平圩廣民生俯仰皆資力田隄防修治不時沃土化為荒穢可不慎與

明成祖永樂九年河決入魚臺

按是時大河歲爲決徙修築隄防民困國弊至不可爲理河自洪武中決陽武東經開封城北五里又南至項城經潁上東至壽州正陽鎮全入於淮賈魯故道遂淤至是決益甚復北漫入魚臺當事者以運必借黃欲通運不得不先治黃然黃不可引引黃以益運黃卽尾其後而爲難矣先是侍郎金純導河支流從汴城金龍口至塌場仍合會通入淮用以濟運之淺分黃之勢漕事暫免於涸至汎水大至之時黃卽乘勢決入於北此患之相因

河渠紀聞

卷之八

三

而至者也河自數十年來滔滔南下無正河可歸橫行生地東衝西漫不得順其就下之性久而必澀者勢也澀於南不得不決出於北洪流沖入魚臺塌場分引之支渠亦不得安流入運是欲以濟運而適以阻運也魚臺爲受水之區下流所歸滿而溢入窪地歲無寧居治河至洪永之間有難言者矣

是年命工部尙書宋禮濬會通河築東平戴村壩遏汶水使北不由鹽河歸海南不會流入濟專理漕河

發山東及徐州應天鎮江民三十萬蠲租一百十萬石治之

按會通河爲元轉漕故道岸狹水淺元末已廢不用黑羊山決後其道遂淹用濟寧州同知潘叔正言命尙書宋禮及侍郎金純都督周長等復濬之濬河自濟寧二百八十五里引汶泗入其中泗又東合於沂汶之支流曰洸東與泗合元初畢輔國於垆城築斗門引汶入洸出濟寧會源厓入運猶聽其分流入大清河歸海禮以會通之源必資汶

河渠紀聞

卷之八

三

水用汶上老人白英策築壩東平之戴村遏汶流使南無入洸北無歸海會諸泉之水盡出南旺中分二道南流接徐沛十之四北流達臨清十之六南旺地勢高決其水南北皆注南至沽頭地降百一十六尺爲厓二十一達於徐州北至臨清地降九十尺爲厓十有七達於衛河又開新河自汶上袁家口左徙二十里至壽張之沙灣接舊河疏東平沙河之淤築堰障之合馬常泊之流以益汶濟運坡水之自西來者魏灣與土河相連開二小河



視之又於汶上東平沛縣並湖地設水櫃陡門水櫃在漕河西曰南旺曰安山曰馬場曰昭陽以蓄水陡門建於各閘左右平時常閉水盛啟以洩漲運道大成成祖初建北京河海兼運海運歲八十八萬石險遠多失亡河運自淮至陳州入大河抵陽武陸運達衛輝入御河歲運四十五萬石勞費過甚乃因元人之舊引汶絕濟屬之衛河元時安民山至臨清新開河道岸狹水淺不任重載故終元世海運爲多會通河漸廢至是汶水盡入南旺水

河渠紀聞

卷之八

三

百端商賈不行應鑿石修月河置牖以時啟閉而不果於行越百年餘至瑄始如其言元人開會通河而不得其用至易世始底於成遂爲永利而漕事定矣

是年三月浚祥符縣賈魯河故道

按此疏復賈魯河入徐州小浮橋故道也洪武時河決原武賈魯河故道久淤既決開封又決溫縣至是復大決開封壞城二百餘丈民被患者四千餘戶沒田七千五百餘頃命張信往視信言祥符縣魚王口至中灤下二十餘里有舊黃河岸宜濬之以殺水勢時尙書宋禮侍郎金純方開會通河發民夫十萬命興安伯徐亨侍郎蔣廷瓚借純相治令禮總其役引河自開封北入徐州小浮橋故道分流由封邱金龍口下魚臺場場濟運漕事以定於是運必借黃欲通運不得不先治黃也數十年來河流橫出東南由壽入淮時復南決入渦水聚於開封數百里間張信疏暴流入於汴渠以分殺其勢而復二十年久淹之故道通金龍濟運之

河渠紀聞

卷之八

三

渠一舉兩利近時僅見是時以由壽州入淮之水爲正河故張信言今河卽沙河決堰通入陳州之大河也疏故道入徐卽礪蕭入徐之支流王暹謂之小黃河也古汴渠之道出滎川而東歷祥符商邱至徐州合泗水南下嘗改流由符離入泗北宋轉漕於此嗣改流之道堙古渠故道復通戴金謂河入淮之道自開封經葛岡小壩入丁家道口至小浮橋是也賈魯河始自白茅入丁家道口至小浮橋行汴渠故道河成後四十七年堙於黑羊山

河渠紀聞

卷之八

五

之決又歷二十餘年至是始濬復與會通河合分流入運其經流仍由壽州入淮以爲正河固不塞也引河入漕之道有三小浮橋魚臺陽穀各爲一道宋禮疏河經濮州東北入漕金純開場場由魚臺入漕皆用以濟淺而會於徐之小浮橋其由丁家道口浚河至徐州經二洪入淮者汴渠之正道也其後張秋之役劉忠宣以出孫家渡者爲經流卽由壽州入淮之故道由梁靖口南出曹縣至徐者爲汴河卽黃克纘謂開賈魯河由古汴渠下徐

之支流張信所疏以濟運者自是大河以南水患

稍息矣

是年開濟寧月河建新下新二廂

按元人開漕運治水於濟寧引泗洗及徂徠諸山谷水注之河設在城天井二廂於濟寧以節蓄之糧艘雲集二廂不能容穿月河於廂南而更東以廂所以濟二廂之所不及而通運也明廖莊月河廂記云濟寧天井在城二廂旁建月河上口東密邇天井廂北對會通河二水縱橫若十字逮天雨

河渠紀聞

卷之八

五

潦溢潺湲南注其勢尤傾舟由廂河而西者或至沉覆溯月河而上者艱於逆挽下口去在城尤近舟行有衝激之虞乃議於下口舊廂移入百餘丈改上口於迤西七百武棄會通河不對覆兩口而梁於其上置二廂於兩口之下一曰上新一曰下新時水盈縮而閉縱之前人於天井在城二廂崇其制而月河上下二口尙未及備至是制益周密嗣撤濟安之橋去中流之石更於上下新之中增建一廂名曰中新易濟安爲渡舟二於是水陸無

滯漕道永寧蓋天井在城爲全河之鎖鑰而不可不謀其萬全今運艘不入月河懼洩水過甚也

明成祖永樂十年築海門捍潮隄

按此卽唐之捍海堰范文正修復之名范公隄者隄瀕海南北蔽海捍潮范公築後屢築屢圯至是海溢復圯自海門至鹽城凡百三十里詔陳瑄以四十萬卒築治之爲捍潮隄又以嘉定瀕海地江流衝會海舟停泊無可依傍乃於青浦築土山立墩表識旣成賜名寶山今分嘉定地立縣卽以此

河渠紀聞

卷之八

三

名山周四百丈高五十餘丈海洋空濶遙見千里備防利用之善政也

明成祖永樂十二年大水壞開封土城汴城告警

按開封城之爲患屢矣洪武中河決壞城至永樂八年始修復之至是復壞土城城內地低於外土城壞內城危矣宋時近城惟汴蔡諸水黃流經城之東北以達於海至元時河始南徙逼城流合汴泗入淮明初尤甚城逼於河外繚以隄近隄土疏易遷徙流雜泥沙又易淤澱以故水載高地隄日

增而城益下爲患無已時黃水淹及數郡決陽武

中鹽隄再壞開封府城濶至二百餘丈水冲陳州

城三百七十餘丈之多越三年始修陽武決口而

開封陳州之經略無聞黃水累歲告警修防俱用

民力郡邑困敝開封爲屏藩重地止浚支津殺水

勢以通漕而黃患未已至陽武隄決漫中牟祥符

尉氏而蘭芳按視方以急流不可驟殺祇於新開

河岸捲埽樹椿以資捍衛無異以勺水救燎原之

火固無及已蓋其時急於漕運緩於河防固有不

河渠紀聞

卷之八

三

暇兼及者矣

明成祖永樂十三年河水大漲決開封淹州縣十四

經懷遠由渦河入於淮是時小黃河仍由徐州故道

入淮二河並行凡三十八年

按是時大水決開封由渦河經陳州入淮糜爛十

四州縣河流不返者數十年以太祖太宗之英明

而安之如故不能使復歸於正而水亦滔滔東逝

海口無淤塞之患吳子實言黃河南徙入淮歸海

自汴南會淮同循潁壽鳳泗至清河清以滌濁泥

萍得以不停故數百年無患也然未有坐視人民  
蕩析而不爲之所者或以河流由壽繞泗入淮太  
祖太宗誤聽邪說而久不塞治未可信也蒼葦云  
中州志載永樂九年尙書宋禮治河新港成河復  
故道自是無水患者三十餘年記載之失實也閱  
實錄自九年復故道後十年陽武決鄆陵臨漳壞  
隄岸矣十一年朝城衛城被衝決矣遂平滎澤河  
決隄岸矣十二年壞開封土城矣十三年河南水  
汎濫壞廬舍矣十四年開封等府十四州縣黃河

河渠紀聞

卷之八

三

決隄岸由渦入淮矣十六年工部言河南黃河溢  
決埽座四十餘丈矣二十二十一二等年河決而  
西屢修復衝決開封南陽等府浸淫至二十四州  
縣千里同昏開封爲禍首矣終成祖之世河患不  
息後不無遺憾惟會通河成補元人所未及開後  
來漕運之道其功爲不可沒也

是年開清江浦建淮安五壩

按此鑿河引湖水入淮以通運也漕運北上至淮  
安過壩陸運達清河口勞費甚鉅陳瑄總漕運用

淮上故老言於淮安城西管家湖因宋轉運使喬  
維岳舊跡復濬治之爲清江浦自管湖至淮河鴨  
陳口二十里與清河口相直鑿渠導湖水入淮至  
惠濟祠南接北河置牖四曰移風曰清江曰福興  
曰新莊以時啓閉沿河築隄引漕舟直達於河其  
法全用水平清江口至新莊牖而下因其卑高遞  
爲節束板牖而下至平河橋迤南隄湖鑿渠置牖  
設洞水各相平以時蓄洩又建仁義禮智信五壩  
於淮安新城外仁義二壩在城東門外東北自城

河渠紀聞

卷之八

三

南引湖水抵壩口外卽淮河遇清江口淤塞運船  
經此入淮禮智信三壩在城西門外西北引湖水  
抵壩口外卽淮河遇清江口淤塞官民商船經此  
達淮又慮北河漲溢南侵漕河於北河南岸起清  
江浦沿鉢池山過新城柳浦灣迤東四十里築隄  
以護漕河顧寧人謂陳平江之治淮揚運渠師王  
景瑒流截隄之意兼漢陳登晉謝安唐李吉甫宋  
柳廷俊諸人之法而專事疏防禹平水土有疏有  
防陂下而穿高所以平也平當賈讓不疏不防漢

武防而不疏宋人防自防疏自疏惟景瑪流法鑿山阜破砥磧疏決壅積更相迴注法至千年不做而河平瑄之設四牖節宣以平水也宋用水工平河法古人平水用於天下而於淮揚漕渠尤爲切要淮揚之地西高而東下揚之地高於江淮海濱之地高於河湖平江之法以此爲準其法在淮則有高堰西長隄五牖諸壩以隔黃淮之水於外在揚則有陳公塘收三十六水之利在山陽寶應盱眙天長則有塘堰以節其流運河東岸則有減水

制度悉臻美善矣是年會通河成命陳瑄理漕河事按成祖擇天下形勝都北平京師百司軍府衛士編氓仰東南漕粟爲至急會通河南與淮合跨江絕淮經河越濟兼四瀆之水爲漕用邗溝爲其咽喉視唐宋時益重初治邗溝時有欲由滁州六合縣鑿河通運者瑄以六合多石阻澗輒損舟漲則尤險易爲敗乃決計復唐宋故河疏清江浦浚瓜儀二壩祛湖港之湮築高郵寶應汜光白馬諸湖長隄於高郵河內鑿渠四十里構橋梁以便緯道後白昂開康濟河卽因此又開揚州白塔河以通大江置江口四牖江南漕舟由常州西北孟瀆河渡江自運鹽河至灣頭入漕以省瓜州盤壩之費後以分洩漕水私鹽透漏而廢又仿宋平水法於運河東岸爲減水牖洞立限則水勢七尺卽蓄以濟漕水長減入諸湖會於射陽入海用水有節溉灌尤便岸東西之田皆利焉漕渠自淮南抵北通州數千里皆瑄所經綜至爲詳悉迄今是賴厥

功甚偉而其扼要尤在不開六合故道而疏清江浦得水道之提綱治水筌蹄云漢唐以前至春秋戰國大江由六合邇邗溝取道於高郵寶應諸湖之西北達長淮江南之漕俱由邗溝而苦淺阻陳平江乃隄揚州以及於淮西過諸湖之水遂滙爲一湖港相通三百七十里達於黃河餉道大通邗溝遂絕是不由六合通邗溝之道也又云陳平江開清江浦六十里由天妃廟入黃河官民稱便併於高寶東隄建減水牐數十洩水東注牐下爲支

河渠紀聞 卷之八

三

河總會於射陽湖鹽城入海而鹽城范公隄有入海五道今湮其四下流不疏此高寶興鹽之多水患也平江浚瓜儀二河引各湖水南注儀河窄而淺瓜河廣而深懼儀奪於瓜建楊子橋於三汊河如牐制以節束之儀河不病淺瓜牐江潮近六十里早至遲落更便於儀牐白康敬開高郵康濟河外與湖通水如城田若孟隄不能禦大隄壞二隄隨壞乃爲東隄護之寶應湖東亦築護隄如高郵制此皆維持平江伯綜理漕河之良法美意而推

廣其用也

是年山西解州稍池水溢決豁口入鹽池命官修築按是時解州民言臨晉涑水河逆流決姚暹渠堰入砂地滄民田其時尚未及鹽池未幾稍池水溢決入鹽池以涑水姚暹二渠併流入池勢不能支也稍池卽女鹽池北受姚暹渠決潰之水南受中條山谷之水漲盛趨禁牆爲鹽池害涑水在姚暹渠之北勢高於姚渠涑水下臨晉不勝坡水其勢必橫溢破姚暹而奔騰於稍池入稍池則黃牛卓

河渠紀聞 卷之八

三

刀諸堰不能支而衝決於西禁必然之勢也宣德中姚暹河水漲流入五姓湖轉黃流河兩岸窪下漲水衝至解州浪益急遂潰南岸沒民田三十餘里鹽池護隄皆壞因下流涑水河高壅淤逆流姚暹一決壞及護隄其決敗情形前後如一不可不求其本也鹽地在中條山北麓西距解州東距安邑長六十里廣七里周一百二里近安邑者爲東池近路村者爲中池近解州爲西池池底淤泥溢生鹽形如水晶夏月驕陽薰蒸南風動盪上結鹽

板板上水約三寸翻浪騰花落板卽成顆粒若遇大雨鹽復解散最忌客水環池有牆傍牆有堰皆所以障客水而護池也郡國書云周官鹽不煉而成蓋解鹽也余聞崔敖曰鹽池乃黃河陰潛之功浸滌中條融爲巨浸呂東野亦謂鹽池之成以大河北自蒲州折而東向轉曲之間漸漬蓄滙有此奧衍今陝西花馬池鹽亦近黃河折流之處理或然也然鹽藉主水以生緣客水而散故冷水卽所以治鹽池形若腰盆東西長而南北短南枕條山

河渠紀聞

卷之八

三

兩水易迫然非泉淵所出且橫亘護寶隄高厚依山有桑園趙灣大小李西姚諸堰縱有飛瀑不能驟入北界曠野平疇與水隔絕俱無足慮若東西盡處則俱逼禁堰地分一牆外卽客水所經次東禁堰有壁水月堰及黑龍堰次西禁堰有卓刀七郎稍池客水各從東西自高而下禁堰不能受則入池矣黑龍堰之受害實原於苦池苦池乃姚暹渠蓄而復流之所也稍池之受害實原於涑水涑水在姚暹渠之北勢高於彼者也二水皆自東北

而西南故出自夏縣由巫咸谷來者爲姚暹渠北合洪洛渠東合李綽渠總經苦池迤邐而西自安歷解抵臨晉入五姓湖出自絳縣山谷由聞喜東北來者爲涑水亦從西行受孤山蛾媚坡諸水經猗氏抵臨晉亦入五姓湖由孟盟橋注黃河姚暹首中太狹涑水尾中亦多窄苦池在安邑不勝李綽洪洛姚暹渠之受其勢必自東北泛溢於黑龍入黑龍則壁水小堰月堰不能支衝決於東禁涑水在臨晉不勝山坡之受其勢必自西北橫溢破

河渠紀聞

卷之八

三

姚暹而奔騰於稍池入稍池則黃牛七郎卓力不能支衝決於西禁況北有湧金泉亦注於黑龍西北有長樂灘亦注於七郎故築東禁以及黑龍築西禁以及稍池治其標者也涑姚暹以道苦池涑涑水併歸五姓治其本者也緩於西北而急於東北先本而後標嚴其防障於東西之近堰而於姚暹涑水源流歸宿之處循故道而加濬焉則客水不浸而主水得以因時乘利鹽課充而邊儲足此通達原委窮究治事之理自明迄今未有易其說

者矣

洪熙三年修南昌瑞河兩岸及豐城安沙繩灣隄防  
按瑞河一名筠河出瑞州高安城南爲錦江又名  
蜀水東會象牙潭水與章江合地居上游山水陡  
急湍流直注以隄爲命沿河兩岸當瑞河錦水之  
衝一決則豐城進賢以下諸邑皆遭淹沒其受流  
衝急處惟羅家渡水口衆流滙聚時有衝潰昔嘗  
三築三決歷久始復又以民力不勝動帑修築爲  
江右最要之工設隄以衛民商賈百貨出入於是

河渠紀聞

卷之八

三

歷皆修治歲必有役府屬之豐城古稱澤國居吉  
領下流當五郡之水衝勢若建瓴每遇洪漲害先  
破之滙爲巨浸縣兀然居中城三面臨水外隆中  
窪惟恃隄障安沙繩灣諸塘切一縣利害故名官  
塘其患口急者隄以石緩者隄以土濬悍扼要之  
處用埽以截之楊廉豐城縣新埽記云治水猶用  
兵以正合以奇勝而後可盡其用豐城地勢低窪  
諸隄以縣治之隄爲要縣治之隄以埽爲要埽橫  
波突出成功最難水勢宜埽惟築埽爲久計是皆

水利之大而且急者例應請修以重其防也

明宣宗宣德元年霖雨河溢開封之鄭州陽武中牟  
祥符蘭陽滎澤陳留封邱鄆陵原武九縣明年復溢  
鄭州祥符陳留滎澤鄆陵杞中牟洧川等十縣  
又逾年復溢開封祥符中牟尉氏扶溝太康通許陽  
武夏邑八縣漂沒禾稼淹廬井民大困

按是時以河患徙靈州千戶所於城東開封水患  
之烈無異洪永時決水出原陽漫淹首及開陳南  
無大隄可守爲患無已從河南藩司言濬祥符抵

河渠紀聞

卷之八

五

儀封黃陵岡淤道四百五十里以通其流然無隄  
以束之水平緩無力新開之渠不能敵暴衝之溜  
開未竟而淤卽壅史稱宣宗嘗發軍民十二萬濬  
濟寧以北自長溝至棗林百二十里之運河置牯  
濟淺濬湖塘引山泉又以金龍口漸淤漕道艱澁  
從李懋言濬金龍通運盡心殫力於漕事而不及  
決河開封之決至再至三無歲無之決水散漫四  
出聽其自去自來不能約使就範歸流蓋未得全  
河之要領勞費而無濟於事也明時惟崇北岸之



防疎於南岸大河自孟津而下南岸尙束於山至  
入開封地平如砥漫水不可收拾無以爲防一有  
衝決隨流油刷汎溢經年不息陳啟讓躬率民築  
隄百五十丈而農田有秋民愛之如父母明效大  
驗如此而因循不治惟以引水歸漕畢其責汴南  
之民爲魚矣

明宣宗宣德二年議疏涇陽洪渠堰以利農田

按涇水出涇陽仲山谷道高陵至櫟陽入渭袤二  
百餘里洪武八年命耿炳文濬涇陽洪渠堰溉涇

河渠紀聞

卷之八

四

陽三原醴泉高陵臨潼之田惟涇水勢猛力大壅  
沙填渠堰當衝易潰至三十一年渠堰復圯炳文  
濬渠十萬三千餘丈而功不就至是華嵩言涇陽  
洪渠堰溉五縣田八千餘頃洪武時耿炳文前後  
修濬未久堰壞永樂間管治未竣仍請撥軍夫協  
治迄未舉行僉事李觀亦言涇渠自漢迄宋元俱  
設官主治今雖有瓠口鄭白二渠而隄堰摧決溝  
洫壅滯民弗蒙利成化改元都御史項忠言涇陽  
之瓠口鄭白二渠引涇水溉田數萬頃至元猶溉

八千頃其後渠日淺利因以廢宣德初遣官修築

畝收三四石無何復塞傍渠之田遇旱爲赤地涇  
陽醴泉三原皆患苦之昨請於涇水上源龍潭左  
側疏濬訖舊渠口尋以詔例停止今宜畢其役疏  
上允所請遂自舊渠上并石山開鑿里餘就谷上  
流引入渠集涇陽三原醴泉高陵臨潼五縣就役  
穿大小龍山役者咸篝燈以入遇石剛頑輒以火  
焚水淬或泉滴漚下戴笠被簑從事功未就召還  
嗣以西征過陝促工告成紀功於石名其渠曰廣

河渠紀聞

卷之八

四

惠而渠實未通也余子俊繼事於大龍山鑿竅五  
以取明疏渠之曲折淺狹者而功亦未就阮勤繼  
之發帑募工市財五縣之民更番供役渠口有年  
石臥水中堰水鑿石四尺水得深入竅小龍山架  
板槽擱泉潛疏鑿深者至五尺淺者至三尺廣可  
八丈逾年決去淤塞引涇入渠合渠中泉水深八  
尺餘下流汪洋如河至三限廟溉五縣田八千餘  
畝始畢工袁化中涇渠議云洪堰渠口漸改漸高  
山勢漸狹水利日微項撫軍自舊渠上於龍山後

崖劃開鑿渠里餘欲上收泉泉下通故道而山中石頑如鐵日用炭炙醋淬乃舉鑿焉洞深者百餘尺淺者亦不下五六十尺寬僅四丈工役仰視不見天日興工於成化初年暨余阮二公凡十有七載而工始成名曰廣惠而官民之力竭矣河流而淤塞之患日甚矣灌田僅捌千餘畝此非計畫疎工力少也祇以廣惠渠口直入涇河兼渠身去河不遠北山石堅鑿不甚涇涇冰洶湧沙石滾滾而來則渠口塞而不能入者流不百步水勢稍緩

河渠紀聞

卷之八

聖

沙石並沉龍洞以下有大泉如斗者數十昔皆入渠今自天撈池而上水盡入涇入渠者不過小泉數眼耳不如盡修諸岸以圖利也嘗攷洪口之利始於秦水工鄭國至漢被水衝低水不能入渠白公因故迹徙開渠口降及隋唐至宋其利又廢大觀中復開疏流水入池者五尺下與白公渠相會賜名豐利迨元至大初涇河又低水不能入渠御史王瑀又於上流接開石渠名曰新溝至明御史項忠復開歷十餘年而後成更名廣惠渠水漸微

民勞而利寡原古今渠利之廢蓋因河身漸低渠口漸高水不能入惟有徙口以濟一時久而自塞又舍而之他是白公不能不繼於鄭渠豐利不得不開於白公之後王公新渠不得不開於豐利渠水漸高之餘至廣惠而利益微矣權其輕重多寡得不償失是以君子慎言功利也

明宣宗宣德三年命平江伯經略漕運

按此大臣督漕之始也明初用海道輪餉遼東北平黑洋山決河未治并命朱壽率舟師海運成祖

河渠紀聞

卷之八

聖

初建北京河海兼運瑄歲董漕事以海運艱險浚山東舊河至會通河成遂罷海運建議造平底淺船歲增運至五百萬自淮至臨清置廂四十有七作常盈倉四十區於淮上徐濟臨清德州皆置倉便轉輸慮漕舟膠淺自淮至通置舍五百六十八設卒導舟避淺築高郵寶應汜光白馬諸湖長隄以度穉道開揚州白塔河置新廂潘莊大橋江口四廂令江南糧船從常州西北孟瀆河過江入白塔河以省瓜州盤壩緣是時舟由瓜州尙車盤入

河也築隄於刁陽南莊等湖置閘時閉泄沿隄樹木楊棗易長多陰楊可爲薪棗可噉悉聽運夫爲利凡所規畫宏遠通達至於纖悉細微無不精密自理漕河三十年舉無遺策終明之世漕運賴之濟時之良吏也

明宣宗宣德六年冬十月令官軍兌運民糧

按自改建北京漕江淮粟漕運之規隨時更改初水陸轉漕皆因民運民運不給易以支運支運不常再易民運民運後期更定兌運法屢易而未盡

河渠紀聞

卷之八

四

善也初以會通河開造淺船三千分遣官軍就近輓運交淮徐德通四倉名曰支運迨後官軍多所調遣不敷應用易以民運令江廣江浙南北諸郡之民轉粟於淮徐臨清各倉官始接運至京民運至千里以外道遠愆期往返經年有妨農業復令民兌與附近衛所官軍運載至京量給耗米及道里費謂之兌運又議定耗米遠近爲差民願兌不願兌者聽又給輕賞銀爲洪厝盤撥費且准附載他物以贍軍民以遠運爲艱亦從兌運此明時漕

運之規例也然民運則有盤剝之累交軍則有措勒之虞軍民授受既有乖政體亦重困民力今易以官兌官收官軍長運至京倉交收優恤視前有加斯不敵之善法也

明英宗正統元年秋七月兩畿山東河南陝西湖廣廣東大水開封彰德河南懷慶衛輝五府所屬州縣自閏六月淫雨連綿河堤衝決害稼淹沒田廬巡撫于謙奏聞遣使分道賑恤明年開封府陽武原武滎澤三縣秋雨漲漫決隄岸三十餘處發民二萬軍一

河渠紀聞

卷之八

五

千築塞之  
按英宗卽位之初南北大水幾遍天下水爲陰象沴氣應而水大至陰過盛陽必虛也開河彰衛懷五府被淹開封尤甚開封之原陽滎三屬決隄至三十餘處之多亦罕有之變矣于少保爲民請命蠲租免糧帝諭鄭辰曰民困已甚往視發廩拯濟毋與大役重困吾民截留三十萬石軍米以備賑濟軫恤民艱之意非不肫且摯也卒莫能補缺安流俾民咸登衽席河壞至此亦有智勇俱困者矣

是年議開金龍口舊渠引黃水接張秋通運

按此卽張秋屢決之由也汶洸之水洩於南而引黃北出濟運知爲漕運之利而未計及害之相因而至也初宋禮分水南旺慮北河水小開汶河於張秋西南上達汴梁金龍口建壩分黃河之水達於張秋以濟北運爲調劑一時之用日久不復有事河形淤墊宣德五年平江伯陳瑄言自臨清至安山漕河水淺舟澀張秋西南原有汙河通汴嘗遣官修治水小時於金龍口堰水入河下注臨清

河渠紀聞

卷之八

渠

以便漕運比年缺官遂失水次漕運艱難請仍其舊越數年廷臣復議引黃利運言張秋運河舊引黃河支流年遠沙聚河水壅塞運河幾絕宜加疏鑿至是定議會同河南三司鳩工引黃水入運濟淺大河之水至金龍更加猛厲伏秋水漲時衝隄平岸引渠口門土壩勢難久安一有疎漏建甌下注爲患不測宋尙書專治會通而防患未周平江伯知治運而不知治河引以爲漕河之利利方得而害隨之張秋之害至不可勝言張清恪謂開金

龍引黃濟運計利不計害河事有習近忘遠者此類是也

明英宗正統二年築江陵松滋公安石首潛江監利近江決隄

按江水發岷山抵巴東入荆襄至岳陽與洞庭合其受決害之大而最甚者惟荊州一郡夾岸南北凡六縣北岸則江陵監利南岸則枝江松滋公安石首是時洪水所至決隄無慮數十處而極受害者枝江之百里洲松滋之朝英口江陵之虎渡黃

河渠紀聞

卷之八

渠

灘李埠公安之瑤頭艾堰石首之藕池諸隄衝塌深廣最難爲力者也宣德中修江陵枝江南北沿江隄岸旋修旋決迄無已時先時荊州民言城西江水高城十餘丈霖潦隄壞水卽灌城請先事修治至是決口愈多遣官以次修治胡在恪江陵隄防議云江出岷山漢自嶓冢匯萬川東注荊州正當其衝江水在瞿塘壑預間爲諸山所束旣出峽口倒傾而下展勢前驅夏秋一漲瞬息千里經江陵公安石首監利華容自西而北而東而南勢多

迂迴至岳陽自西南復轉東北迸流直注故決害多在荊州南北諸縣各沿岸爲隄以禦水勢江北之隄自當陽以下迨遙萬城以至監利而江陵之黃灘隄在縣東南二十餘里當江流二百里之衝一決則江陵潛江監利民爲魚鼈古所謂衝巫峽以迅激躋江津而起漲者舊時縣東鎮流至沙市有砥突出大江數十丈捍蔽江水水爲之稍紆抱而黃灘之怒差殺其後衝蕩無存而水之向黃灘者駭崩浪而相碰矣自漢晉以來荊州大水史不

河渠紀聞

卷之八

四

勝書隄防之功信有不可緩者與議者謂荆南以開古穴口爲上策此溯本窮源之論也江水分流於穴口穴口注流於湖渚湖渚洩流於枝河枝河瀉入於江海今古穴口如章卜等穴故道皆爲屢舍畎畝罕存舊跡虎渡枝河流注澧江同入洞庭江南之溪水俱注之郝穴枝河流出漢口與大江復合江北之溪水俱注之衆水會合則流行不絕注瀉有河則水道不壅荆南猶幸二穴獨存可以分大江南北之勢但二穴枝河多淤必勤疏浚使

復淤如古穴荆南昏墊又非修築隄防之所能治矣

明英宗正統三年河南決開封陽武邳州北決溢魚臺金鄉嘉祥濟寧東平巡撫于謙曹宏各奏聞遣官覆視是年沁河亦決並請築沁隄便民耕種卽允所請塞之

按是時連年陰雨水驟漲河溢決於南而復北決者水無可歸之路東衝西潰任所之而不寧也沁河出山之水尤爲猛烈下流衛輝低窪水至卽淹

河渠紀聞

卷之八

四

前歲沁河水漲決馬曲灣入衛河經獲嘉至新鄉水深成河環繞城北滙爲澤南與大河相通沁黃衛三河通連決口未塞之先舟楫往來皆由此權濟一時若引沁併入衛河汎水漲發大名以北俱沉水底故亟築沁堤是爲釜底抽薪之計或議於大名開渠通衛則又爲沁河決水開其路矣  
明英宗正統五年兩畿山東河南浙江江西大水江河皆溢開封歸德彰衛懷諸府自五月至七月霖雨不止河水大漲漂民居禾稼遣官往視

按英宗御極之初大水盈天下不數年水沴復遍於南北陰盛極而陽在下震動不寧之象沴氣流為河患開歸彰衛連年南北告警至是霖雨不止至三月之久河患連綿迭至八年黃汴並溢逾年南溢開衛懷北決大名濟南又逾年北溢陽穀南決金龍口水淹南岸之祥陳杞封原陽睢及北岸之安陽臨漳湯陰林涉磁等州縣千里昏墊蓋其時壽州入淮之水既以新衝而不能持久南流入渦之道又以岸狹而不足有容開封迤南地勢平

河渠紀聞

卷之八

辛

衍廣濶決水不能歸流聚其力以刷沙平漫久而澄淤水為之壅者勢也壅於下者必潰於上壅於南者又決而北南北郡邑歲有淹浸其患皆由於此于中丞為民請命除稅減租終無解於流移其謂隨宜修築亦未嘗塞決導流則於捍災禦患之道無有能起而任之者而時方議開渠大名引諸水通衛河利灌輸總總為漕計而不知暴流之適以病漕也勞民動眾於災祲方亟之時不待鄭辰言之固知其難也而民困已甚河患愈急洪流圍

積於開封而不能下天行之愆通於上下當時之人事可知矣

是年築深水縣葉家橋壩浚臙脂河

按郡國志深水縣廣通鎮之西有固城湖入大江鎮之東有三塔堰河入太湖中隔陸地十五里水不相通洪武間鑿通固城湖水入三塔堰河舟行利便後水溢為災築壩於廣通鎮以禦之而三塔堰水不能至壩不復改築壩於葉家橋臙脂河自深入古秦淮蘇松船皆由此達南京因為沙石

河渠紀聞

卷之八

至

壅塞故濬之此濬故道以引水下達也洪武定鼎金陵以蘇浙糧自東壩入可辟江險浚胥溪河建橋啟閉名其鎮曰廣通而尚阻深水臙脂岡命崇山侯李新鑿山通道引湖水會秦淮河入於江於是蘇浙運道經東壩直達金陵至永樂遷都於北運道遂廢至是猶濬臙脂河洩上源之水以通道也韓邦憲東壩考廣通鎮壩卽世所謂五堰春秋時吳王闔閭伐楚用伍員計開河以運糧今尚名胥溪河旁有伍牙山自是河流相通東南連兩浙

西入大江舟行無阻漢唐言地理家遂以水源本  
通指爲中江故道而實非禹所鑿也蘇常湖三郡  
當三湖下流水患特甚父老言湖底與蘇州譙樓  
底相平水漲時壩一決蘇常便爲魚鼈立堰廣通  
鎮障宜欵金陵姑熟廣德及大江之水使不入大  
湖也宋時宜興人單錡著吳中水利書議築五堰  
謂水不東下則蘇常水勢可殺七八蘇軾稱其有  
水學而未得行永樂初蘇人吳相五以水爲蘇常  
患議改築土壩增設官吏看守自是宜欵諸水希

河渠紀聞

卷之八

垂

入震澤而臙脂河漸廢不行高淳溧水遂爲衆水  
之壑故不能已於疏濬大抵利塞者壩下諸郡利  
開者壩以上諸縣也顧寧人謂金陵地脈經閩浙  
踰東壩至茅蔣勢本聯絡秦漢以前高淳猶爲魚  
龍之宅自有胥溪河三湖東歸震澤民始得墾田  
爲業宋時煙火最盛築壩後田漸淪沒然下流太  
湖所受惟荆溪天目諸水水患已大減於宋元時  
觀吳江長橋迤南水洞多塞沿隄彌望皆成腴田  
其在宋元稍塞蘆葦水卽四溢今無此患西南諸

水不入故也王守溪以東壩來源甚巨爲蘇常大  
患不輕議疏固不可存方隅之見矣  
是年蘇撫周忱浚吳淞江及崑山顧浦

按歸熙甫言治吳中之水宜專力於松江禹故迹  
久廢太湖入海之道獨有吳淞一路爲湖沙堙塞  
湖水之入澱山湖者豪戶圍裹成田水流至此紆  
迴宛轉不歸於江而北流於至和塘經太倉出劉  
家港入海並澱山湖之東南自大曹港東西橫渚  
達於上海新涇入海而吳淞正河不治此周中丞

河渠紀聞

卷之八

垂

所爲有事也宋法禁人占湖爲田爲阻水也開吳  
淞而浚吳江長橋之菱蘆漫沙使水流迅疾漸復  
故道永樂初夏原吉挑嘉定顧浦南引吳淞水北  
貫吳塘由劉家河入海議者謂原吉掣吳江之水  
入於劉河而七十二水之涇塞如故吳淞之流不  
加迅疾潮汐之入者江水不能敵旋即填淤且橫  
衝吳淞入海之路不能無遺議周中丞奏豁蘇松  
積逋重賦有功德於民至是爲民興利先及吳淞  
爲探本窮源之道次及顧浦導其流顧浦在大盈

浦之南土人有三江口之稱鑿之使水南入於吳  
淞卽疏吳淞之上流也取中坻開出之土築兩岸  
隄塘束水東歸于海不使溢入南北溝槽力聚而  
淤不停善後之道也吳越錢氏置都水營田使主  
水事募卒爲部曰撈淺人以爲利而東水攻沙水  
力視人力尤勝惟實心任事而與民宜也呂光洵  
言蘇松水利論事非難建事而能成事爲難前時  
經理吳中者凡十數人有功於水者殆不過數人  
惟蘇撫周忱功效最著吳民至今思之非獨忱之

河渠紀聞

卷之八

壽

才智過人亦由委任特專而歷年又久故得以盡  
行其志近時疏治水患多欲以歲月成功故雖賢  
者不能爲國遠慮此所謂成事之難也惟務爲久  
長之計凡一應錢糧夫役與夫疏治經略之宜工  
程緩急之序聽其便宜從事而責成功焉其沿河  
州縣有司凡遇陞遷行取給由者必考其水利有  
效方予上考其遷延玩愒及處置乖方費財而債  
事隨事糾治以懲不恪如是則事有定規人有定  
志而成功可期斯言信矣而其要總在得人得人

則治不得人則不治然專委任以責成功其言正  
自不易如周中丞之有功於吳固亦有由然哉  
明英宗正統十三年秋七月河大決北決新鄉八柳  
樹由故道經延津封邱漫曹濮抵東昌潰壽張沙灣  
壞運道合大清河入海南決榮澤漫原武陽武經開  
封城南又由陳留歷睢毫入渦口至懷遠界入淮賈  
魯河故道復堙淹地二千餘里開封患尤甚

河渠紀聞

卷之八

壽

按自永樂九年河循故道三十七年至是古渠又  
堙是時大河南北并決入淮入海王暹所謂改流  
爲二者也河自宣德正統以來幾於無歲不決決  
則先漫開封陽武祥符以南爲魚龍之宮者垂二  
十年而當時在廷不聞抒塞治洪流之策惟亟亟  
引水入徐呂濬淤疏泉濟北上之漕卽以爲安而  
不顧其他殊不知開封之屢決由南岸決河橫出  
轉徙淤漫水聚於開歸小黃河故道停淤患及徐  
呂漕道由之遂阻延至八柳樹大決水盡北歸而  
漕運益塞前時荆隆通水之故渠反爲決河開路  
之前導治運而運愈不通乃始急起圖之初命王



永和以冬寒停入柳樹之工而引西灣水通運又不敢塞實沙灣置三空分水牯放水入大清河又設二空牯於西岸以殺西來水勢分水而水不能分引水入運而水不至徐爲世所嘗再勅洪英王暹暹分疏黑洋山引水入徐之路隨濬隨塞英欲引耐牢之水南入運河又恐北運水涸甚至以沙灣駭流湍急石鐵沉下若羽而信齋醮符咒之說抑又下矣復遣石璞璞亦不治入柳樹之決口鑿河長三里避決口上下與運河通以濟漕築石隄

河渠紀聞

卷之八

堯

潰南北兩岸此理之一定而不易者當事止知引水歸漕而不審大河之去路河壞而漕亦壞不得謂湍流難治也至石璞以漕舟壅阻於決口之旁鑿月河三里以通運截東決口令新河運河俱可行舟此濟急一時豈能長行策之下者也閻若璩云漢文帝時河決酸棗武帝而後決瓠子決館陶分爲屯氏河東北入海至元成時始決東郡分流於博州後又決平原再決渤海決信都皆東北出青冀之境以達於海自東漢歷魏晉隋唐及宋初

河渠紀聞

卷之八

堯

並鮮河患迨宋仁宗至和間河始決大名神宗熙寧決澶州曹村北流斷絕河道南徙分南北清河二派黃河入淮自茲濫觴而河之分流南北遂以爲常矣黃河在開封城北四十里至洪武二十四年河決原武故道遂淤全入於淮至正統十三年決滎陽過開封城西南城北新河又淤而汴城反出河之北自徐有貞治後汴城始得復出河南然開封之河患未艾也是年議分漳水入衛河以殺河勢利漕運

按此分漳入衛以利漕也大河衝張秋截流入大清河會通河入衛之水已洩不得不議引漳益衛漳之經流由衛漳歷大名至交河合滹沱入海支流出館陶入衛上流肥鄉等處隄岸逼隘水勢湍急元時分漳支流入衛殺水勢以資運永樂間故道湮塞御史林廷舉請循舊跡開鑿並置閘邊漳水入衛分漳之有餘濟衛之不足立法誠善然恐故道久淤漳衛合力並馳排山倒峽而來一線衛河勢難容受德州首當其衝溜蹙浪湧下流吳橋

河渠紀聞

卷之八

美

等縣亦皆波及此不可不慮者也自明以來歷壽分減之法建牖壩於恩縣之四女寺德州之哨馬營及滄州之捷地牖青縣之建興牖開挑支河使由老黃河等處分洩入海以爲補偏救弊之計而漳衛泥沙擁入過水之後流斷沙停下壅上淤勢所不免屢議建牖而椿立沙中慮不能固萬歷初漳嘗北徙從魏縣入曲固之滏陽河而由館陶入衛之支流絕

本朝康熙三十五年漳忽分流入衛至今收漳之利

而不受其害此則河伯効靈視前時之汲汲籌議而不得其用者相去遠矣

明景帝景泰二年浚徐州小黃河通漕

按自正統十三年河復從黑洋山徑趨沙灣入海南來運道涸澁濬泰皇寺巴河引水入運巴河原係分水歸徐協濟漕運之道年久淤塞水脈微細發軍夫濬之而來源不旺罕能濟事至是復浚徐州小黃河初以河決沙灣水皆東注徐呂二洪淺澁勅王暹措置暹言黃河自陝州以西行山峽中

河渠紀聞

卷之八

美

不能爲害陝東地勢平緩水易泛濫自洪武二十四年河改流從汴北距城四五里許東南轉至鳳陽入淮者爲大黃河支流分出徐州以南者爲小黃河以通漕運至河復趨沙灣止存小黃河從徐州出岸高水低隨濬隨塞故徐州之南不得能水議濬河自黑洋山東南至徐州責成河南三司臨清以南責成山東三司分疏濟運分水濟運之道策凡屢變視河所趨爲轉移有自野鷄岡引水入運者有因荆隆舊渠並蕭碭決河分流協濟者俱

入於徐呂二洪然皆不能久停蓋大溜奔湧南下分出之水力薄勢緩不能刷沙通道久必漫淤也明景帝景泰三年五月築沙灣隄成六月復決沙灣北馬頭七十餘丈掣運河水以東漕道阻塞

按是時河決則妨漕治河必先急漕然河不治而漕益困初王永和通黑洋山西之水由秦黃寺資運河東昌置分水廂放水入大清河而入柳樹工未施王暹石璞先後繼治濬黑洋山至徐州以通漕舟而沙灣決如故議者言河決沙灣臨清告涸

河渠紀聞

卷之八

辛

地卑隄薄黃河勢急故隄甫完復決臨清至沙灣十二廂水勢甚陡漕過後洩乾廂河於臨清以南漕月河通舟直抵沙灣不復由廂則水勢緩而漕運通又議沙灣抵張秋岸薄故數決請於決處置減水石壩使東入鹽河則運河之水可蓄然後厚培隄岸填缺口於是築石隄以禦決開月河引水入運殺其決勢乘水流漸細漲水未至之前儻修畢工及汎水大至減水壩及南分水墩先圮盡衝墩岸橋梁決北馬頭掣漕水入鹽河運舟膠淺軍

民糧艘蟻聚臨清廂上下者以萬數上源洩而決未塞勢使之然也議者又請立廂以制水勢開河以分上流仍命璞往治乃鑿河三里以避決口上下與運河通時軍民挑濬月河築隄遏水北流然北高東下時遇東南風則水勢北上舟可通行風轉西北水仍東注舟不得動兼秋氣已深西北風常多經旬累日舟行不過數里悉聚於臨清艱難萬狀河南按察司僉事劉清言東南漕舟水淺弗能進可自淮入黃河至榮澤轉入沁河經武陟縣

河渠紀聞

卷之八

空

馬曲溝裝載岡頭濬一百十九里以通衛河張秋之決由沁水合黃河遂成奔急之勢若引沁入衛則張秋不復受衝行人王晏亦言開岡頭置廂分沁水使南入黃河北達衛河水漲即閉廂漕運無患令民出石挑河濬地不過百餘里費少利大此即江良材通河入衛之議知運之利而不知黃河不受制束為患大而且速也前時正統四年沁河決馬曲溝入衛河沁黃衛三水相通舟楫往來僅及半年塞決後即止今欲濬其水以資衛河不涸

而病運卽溢而病民民病而運亦涸舍目前疏築最急之務而爲通河入衛之高論牽引黃流以俾成功河之所以久而不治也

明景帝景泰四年命徐有貞爲僉都御史專治決河按河決沙灣至是七年矣前後治皆無功隨築隨決廷推有貞往治至則謂八柳樹不可治專治沙灣時河南水患方深原武西華皆遷治避水金龍鳳池開水入徐濟運之二河皆淤浚黑洋山引渠於河流紆迴之處改挑接入故道徐呂仍未得飽

河渠紀聞

卷之八

壹

水南流衝潰日甚有貞治事以隄潰渠淤驟堰則潰者益潰淤者益淤擬先疏下流水勢平乃治決決止乃濬淤以次敷治遂定議上置水門開支河濬運河三策其略言水性可使通流不可使壅塞沙灣地土皆沙易致坍決作壩作牖皆非善計惟用王景水門法稍加損益於其間置門於水而實其底令高長水五尺水小則拘之以濟運水大則疏之使趨於海有流通之利無壅塞之患又言水勢大者宜分小者宜合黃河勢大易衝運河勢小

河渠紀聞

卷之八

壹

恒淺必分黃合運去其害而取其利請相黃河地形水勢可分之處開廣濟河一道下穿濮陽博陵二泊及舊沙河上連東西影及小嶺其內則有古大金隄可倚以爲固其外則有八百里梁山泊可恃以爲泄新置二牖以宣節之使黃水大不致泛濫小不致乾淺又言水行地中避高趨卑故河道深則蓄水淺則走洩運河自宋禮開會通河浚深三丈其水丈餘日久沙淤陳平江設淺鋪督軍丁兼挑故常通流今河底與岸平視鹽河上下懸絕

上比黃河來處差丈餘下比衛河接處亦差數尺所以取水則難走水則易宜浚之如舊其立論如此或請急塞決口有貞以時方冬令水涸易塞春水加長必決乃治渠起張秋金隄西南行百里踰范暨濮西北經博陵壽張沙河至東西影堂歷漚澗接河沁凡河流之旁出不順者堰之堰有九長萬丈崇三十有六尺厚什之架濤截流柵木絡竹實之石而鍵以鐵功成河不東衝沙灣而北出濟漚乃濬漚渠北至臨清南抵濟寧又作放水牖於

東昌龍灣魏灣廂有八度水盈過丈則洩皆通古  
河以入海復於金龍口銅瓦廂等處開渠二十引  
河水濟運事不中制役以有成當時皆稱其能而  
事理有未盡者河渠志言沙灣之役適因黃河南  
決入淮始克奏捷有貞引河沁之水北出若使全  
河盡入沙灣非魏灣等廂所能分洩運河亦必受  
衝雖云節其過導其微未必盡使之循軌安流也  
惟有餘之水仍洩入南河故道斯得奏功沙灣決  
河垂十年而後塞有貞開渠築堰分流南北河漕  
河渠紀聞

卷之八

壹

尤猛烈有貞獨取濁河灌清河雖取效於數年濟  
運之窮而終未去黃之患後卽有宏治之決黃病  
而運亦塞勢有必至矣方武功之三策定議也有  
撓其議者曰不能塞河願開之耶使者至有貞出  
二壺穿其一爲五竅注水其中與一竅者同瀉之  
五竅者先涸使還議決時帝以轉漕爲急工將竣  
議使中官督京軍五萬人往助役尅期三月畢工  
武功言京軍日費不貲但用沿河民夫自足集事  
議遂寢武功之得君可謂專矣聞其說卽定議推  
河渠紀聞

卷之八

壹

信之誠可謂至矣而謂注水之壺卽足徵信於洩  
水之宜是不盡然無論止水不可喻濁流壺漿不  
足測洪河也卽以爲可洩而洩之洩之過多則淤  
之更甚始雖通而終必滯惟不各循其軌久自不  
能安流此所謂名存實亡也楊循吉言武功在張  
秋治水間於王尙書得分水勢尋水源之法開渠  
引水時或泛濫求得水源投以物不浮鑄長鐵柱  
洞釜底貫而下不踰時遂塞謂鐵汁能蝕珠驅龍  
神其說以張大築塞之功未必事之信有徵也吳

時曹石傾陷卽執纜禹成功之秀辭爲證其不能免於矜伐有由然也雁尙鴻謂河隄築塞多沉鐵其下謂鎮蛟龍大而蛟小龍神物也不爲害蛟屬木屬角宿金能克木取五行運化之義張文敏公於高良澗鑄鐵犀以五月五日及重陽日鑄十六具分奠各險工犀牛屬丑丑屬土土能制水亦如蘇文忠公建黃樓於徐城東北隅取土制水之義無他奇也必指其事以實之則鑿空而不可信史稱武功多智數喜功名功名之心勝御以智數不

河渠紀聞

卷之八

奎

塞八柳樹而治沙灣病卽坐此固不能盡事物之理行爲釜底抽薪之計也

明代宗景泰七年尙書孫原貞議復杭州西湖二牐按浙志明臣議開西湖自原貞始繼之者楊孟瑛有明開濬之功以原貞孟瑛爲最原貞之言曰杭州西湖舊有二牐蓄洩資利近牐圯湖淤積有葑灘往往爲豪戶壅占水塞不通宋蘇軾言杭本江海故地水泉鹹苦自唐李泌引湖水入城爲六井然後井邑日富溉田濟運不可許人佃種周淙亦

言西湖貴深濶引水入城吸飲清潔因招兵二百專一撈湖其後豪戶復請佃湖日益填大旱水涸詔郡守開濬雍去芟荷芟蕩杭民以利此前代經理西湖大畧也今復侵占無已湖水淺狹牐石毀壞民田不得灌溉官河亦澀阻應請復舊疏入如議築濬孟瑛之言曰杭州地脈發自天目羣山飛翥駐於錢塘江湖夾抱之間山停水聚元氣融結西湖周圍三十餘里蓄水利用若竟占塞則形勝破損生殖不繁唐宋以來城中之水皆藉湖水充

河渠紀聞

卷之八

奎

之今甘泉甚多固不全仰六井南井然實湖水爲之根源陰相輪灌若塞西湖水脈不通一城將復鹵飲五代以前江湖直入運河無復遮拜錢氏有國乃置龍山浙江兩牐啟閉以時故泥水不入宋初傾廢遂至淤塞蘇軾重修理牐阻截江湖不放入城中諸河專用湖水大爲民利西湖一塞則運河枯澀南柴北米官商往來上下阻滯闔閭貿易苦於擔負之勞生計亦縮杭城西南山多田少穀米蔬果之需全賴東北其上塘瀕河田地自仁

和至海寧何止千頃皆藉湖水以救亢旱西湖寒而上塘之民緩急無所仰賴復西湖舊制爲便第壞民戶舊有之業怨讟將起而不敢顧忌者以所利於民者甚大也疏上報可興工濬築拆毀田蕩三千四百餘畝除豁糧九百三十餘石功於是成自是西湖始復唐宋之舊孟瑛銳情開拓力排羣議雖以怨謗劾降而功不可掩吳越時以湖葑易合歲置撩卒千人若沙泥壅遏不能撈去積水無多雖廢田無益也沈匡濟清湖議云西湖靈氣所

河渠紀聞

卷之八

突

鍾取潤金水尅制火龍淤填水洞祝融肆虐沾溉無資千頃失望雖兼形家言然非謬妄也

明代宗景泰十八年濬雲南東西二溝自松華壩黑龍潭抵西南柳壩南村灌田數萬頃

按史志稱景泰中雲南鎮沐璘言城東有水南流源發邵甸會九十九泉爲一抵松花壩分爲三繞金馬山麓入滇池一從黑窯村流至雲津橋亦入滇池舊於下流築堰溉軍民田數十萬頃霖潦無所洩請令受利之家自造石牐啟閉以時報可雲

南城瀕於滇池城東北松花壩在滇池上流諸水咸會於盤龍山至松花壩分爲二注於滇池水之總匯也兩大則諸河皆漲築壩於南障其泛溢璘撫滇時置牐於壩因水之盈縮而時其啟閉蓄洩有資至是大挑東西二溝自松華壩抵城北七十里之黑龍潭迄西南柳壩南村沾溉益廣陳文南壩記云南壩池之上流池源出東西屈償昧樣邵甸諸山或潰而流或潛而滲或激而波汨汨而來會於盤龍江至松花壩則岐爲二河一由金馬之

河渠紀聞

卷之八

突

麓過春登里一由商山之麓過雲津橋皆趨於滇築土石堰障之更疏二溝以耕以屯百世之利也明英宗天順元年修祥符護城大隄

按泮梁土地平曠郡城逼臨黃河當河之衝河初在封邱去河尚遠近城惟泮蔡諸水元時南徙去城三十里城北有二支河一由沙門注運河一由金龍口達徐呂轉流東南不爲害正統戊辰決榮澤轉趨城南并流入淮舊河支河俱湮景泰癸酉水迫郡城築隄四十里以爲外護然其地土疏水

發輒潰連年衝決千百餘丈流沙淤澱外高內窪  
隄日加增無異築垣居水指揮夏忠言汴城臨黃  
土城衝缺復補數爲民害城倚護隄爲障水灌土  
隄城垣危矣至是築完然城外彌望皆沙築亦不  
固未幾卽有辛巳之變也

明英宗天順三年議濬南昌城中三湖

按郡國書南昌城中之水曰三湖九津三湖者蘇  
國迤北曰北湖廣濟橋至港思橋曰東湖同仁坊  
至學宮抵水關牖曰西湖總名曰東湖九津志義

河渠紀聞

卷之八

三

取洪範九疇所以洩三湖之水者也廣濶門二津  
惠民進賢順化永和德勝五門各一津章江門外  
二津津各引水歸濠水關橋置內外牖湖水盈則  
放水西達章江江湖俱溢則關外牖使江水不得  
入關內牖引湖達濠繞廣濶章江德勝永和四門  
而東注使城中湖水出豫章溝通流不滯范涑理  
濬二湖檄云舊時設箔於高橋自橋以西及城內  
水關橋不閉惟外水大漲乃下板築塞城外水關  
以禦外入去城內水關橋牖口之箔以泄內溢沿

湖居民有佃占填湖塞壑水道者皆清出通豫章  
之溝府城南臨章江江水自南來滙南贛吉袁臨  
瑞撫建八郡之水至城下折北轉東入鄱陽湖地  
最窪下獨府城占高踞建瓴之勢統攝衆水江湖  
四圍環繞三湖九津之水出入豫章溝流貫血脈  
此洪都之勝勢非獨爲居茲土者疏壅而去濕也  
明英宗天順五年河決開封土城磚城並圯城中水  
深丈餘官民舍俱沉周王及諸官乘舟筏避之

河渠紀聞

卷之八

三

潘沮洳之場城臨水當衝城外復隄以隄前時黃  
河去城五里濁流挾泥沙而至所在淤澱水載之  
高地隄日增而城益下惟倚土城護衛地險難防  
土疏易潰衝缺復補者屢矣至是黃水暴溢土城  
圯磚城亦圯七郡財力所築之隄盡歸無用方水  
之驟至也七月四日初決土城越六日風激浪湧  
突北門以入平地水深丈餘王府及官衛儒黌廡  
井市廛盡浸沒推圯力能結筏者僅以身免老弱  
往往溺死數十年官民資蓄漂失無遺命官治之



明英宗天順六年春三月作石牐成

按黃河至元時始南徙逼開封城隍以隄爲外護  
開封土疏河易遷徙流雜泥沙又易淤激故河溢  
踰防土城遂決至是發大難命薛遠治之呂原記  
畧云遠馳至汴按視地形於決口上流督夫下椿  
捲埽作截水隄二百四十丈又自土城東起獨蠻  
岡訖貓兒岡督夫鑿渠二千三百七十餘丈引水  
東注決旬隄河成決口絕流復於城東南自揚州  
門浚舊渠之堙塞者起太平岡直抵陳渠長萬有

河渠紀聞

卷之八

七

二千四百餘丈洩城中積水使下流可達於黃河  
而近城低窪蓄之水莫能盡出又導而分之初  
環城五門俱有潦水河決後水益瀾漫無津畔米  
薪之價湧貴數倍築道路於大梁仁和等三門以  
通車馬修補城垣缺處創築各門月隄置牌牐於  
揚州門以限內外內水積啟而洩之外水盛閉而  
塞之六閱月牐成輟工昔禹治河多爲委以分其  
勢故大伾而下析爲二渠大陸而下播爲九河穿  
渠治牐蓋知從事於委者然委蓋多而旁瀉分流

原缺第七十三葉

正河之泛溢亦當虞附議於此此原之微詞也蓋  
築隄以截流治其標也黃水無去路病之本也王  
暹言黃河舊從開封北轉流東南入淮不爲害專  
指運道爲言異於沙灣之衝運實則開封爲害更  
甚數十年無有止息居四面受敵之地而欲以一  
綫土隄永障洪流治其標而亦無可治也黃河併  
流入淮此衝彼塞遷徙無常當時議者唯襲徐武  
功諸人之故轍汲汲於分殺其勢或引水入二洪  
不致淺濇滯運卽以爲計之得舍此更無策矣金

河渠紀聞

卷之八

七

景輝以大河南趨舊河支河俱淹水無所歸潰決  
郡城欲先治金龍口河以接漕河然後相度舊河  
別疏泄水之道以平水患又疏陳橋古河由長垣  
經曹州至鉅野出會通河達臨清分引沁水置二  
牐以司啟閉當時皆是其言如議行之而水汎濫  
如故蓋引黃入運黃亦能衝運淤河分引沁水入  
衛暴流不由人制束土疏亦難置牐要未統觀黃  
河之大勢通其去路求分求洩河流愈疏愈橫自  
明初以來南流不塞賈魯河不治使河日趨於南

水聚開封久而成大患是年河益決而西復決陽武西南自獲嘉徙入原武獲嘉之流絕而河益南下矣

明英宗天順七年引沁水達徐復引河入會通濟運按此因水道大變河趨陳潁入淮開沁引河以濟運也明初黃河自滎澤趨陳潁徑入於淮背沁而去鑿渠引沁會黃東注達徐州以濟漕正統間河決滎澤不與沁合乃從武陟東開渠三十里引河入沁以達淮至是水盡歸於南二洪告涸運道阻

河渠紀聞

卷之八

七

塞議者以大河南趨舊河支河俱堙先引沁水分支入賈魯河由丁家道口下徐又以河自安山北至臨清二百五十餘里僅資汶水春月雨少水淺滯舟引水由陳橋舊河北經曹州至鉅野安興地界出會通河并引沁合汶水通臨清則長河均得利濟衛河之水亦加增長江淮民舟併可由徐之浮橋達於陳橋至臨清以爲利濟之道然疏黃沁之水入會通仍恐奪運皆權變以濟漕非經久之大計也

明憲宗成化七年始設總河命刑部侍郎王恕總督河道

按明初設官督理河道俱專爲漕運而不急於黃河英宗初命官督漕分濟寧南北爲二以侍郎鄭辰治其南副都御史賈諒治其北別遣都水司屬協理其沿河廂泉及徐呂二洪皆有專官後復設主事三年一代薛遠喬毅分疏運河亦循南北分治至是河道淤塞廷議分清河沛縣以南德州以北及山東爲三道各委曹郎及監司專理併簡風

河渠紀聞

卷之八

七

力大臣總理其事始命王恕以工部侍郎總理河道駐劄濟寧總河侍郎之設自恕始也又以黃運相關命大臣兼理其事總督之名亦始於是時帝銳意河事令漕河悉聽專掌官區處他官不得侵越凡所徵椿草并折徵銀錢備河道之用者毋得以別事擅支府州縣添設通判判官主簿關壩等官專理河防不許別委管河各官有犯巡河御史等官問理別上司不得徑自提問以專其責成端毅受任之初適黃河不爲大患惟專力於漕河時

連年大旱泉流枯竭漕運水涸分疏濟寧運河濬  
山東泉源河道復建沙灣積水廂改金口及堽城  
土壩均易以石浚高郵邵伯諸湖修雷公上下勾  
城陳公四塘水廂疏治以時而所治皆探其源本  
塘河湮淤日久公獨起而任之浚淤修廂利澤及  
人又深知忠宣之能於河事舉而任之卒成偉績  
公不以治河稱名於時而於職河之能事已抉其  
大要史稱公剛正清嚴始終一致所引薦皆一時  
名臣宏治二十年間衆正盈朝職業修理號爲極

河渠紀聞 卷之八 七

盛者皆公之力卽治河用人一節亦可窺其一斑  
矣  
明憲宗成化十一年移耐牢坡減水廂改置大廂曰  
永通耐牢坡河曰永通河又增置場場口廂曰廣運  
以平水勢  
按耐牢坡卽牛頭河西洩水溝渠由永通廂洩出  
漕渠之水至魚臺場場口入舊運河黃河之故道  
也明初徐達開耐牢坡引曹鄆黃河水經場場出  
穀亭爲運道上有芒生廂通南旺中有永通廂通

濟寧下有廣運廂通穀亭由廣運至湖陵城由湖  
陵城至回回墓上下三百里皆與漕河相接當時  
江南舟楫俱經此行後淤窒不通平江伯陳恭襄  
嘗命工疏浚未及成恭襄曾孫陳銳司漕踵而行  
之耐牢坡河口舊有減水廂移進二里許改置大  
廂曰明鏡一名永通下廂增置場場口廂以節下  
流之疾曰廣運上廂上廂水大則開永通廂水小  
則由濟寧天井廂從南陽達穀亭自穀亭南經八  
里灣至孟陽泊廂在昭陽湖西岸過沛城達飛雲

河渠紀聞 卷之八 七

橋後又從沙河橫截昭陽湖西南經沛縣東抵赤  
龍潭轉入秦溝出茶城以通大浮橋此自明以來  
運河通行之舊道也至運道東移此河隔在新河  
之西地低於新河不能引以濟漕張伯行謂耐牢  
坡之水不可引懼其地下吸川而淹濟寧一帶之  
州邑也然自場場口塞濟寧以南窪地之水不能  
洩入昭陽湖濟之南鄉遂受水患全河備考云牛  
頭河自耐牢坡口東至魚臺之場場口九十里明  
初徐達所開不惟可以通運兼洩窪地之水入昭

陽湖實爲濟寧以南之水道仍應浚牛頭河使達昭陽諸湖以通蓄洩濟寧南鄉一帶窪地築岸分圩效江南種稻法獲水田之利方恒有瀕運諸湖水田議畧云瀕湖窪地仿東南治田法開河築圩岸時其耘籽以種秧苗儲其桔槔以資車戽水荒棄地不難變爲沃壤仿元人虞集視田授官之意開力田之科能開水田者量予頂帶多者遞增其秩其田卽授爲永業似可踴躍趨事陸朗甫歷舉諸說並引商輅言李冰疏江水以得民范仲淹築

河渠紀聞

卷之八

堯

海隄以捍患皆足惠當時而傳後世謂天下無不可爲之事非無見也

明憲宗成化十四年九月河決開封杏花營壞護城隄五十丈不久卽塞

按河自徐武功治後數年南河下流淤塞水壅於開封累有潰決用李衍言疏開封西南新城隄下抵梁家淺舊河口以洩杏花營上流水勢又自八角河口直抵南頓分導散漫以免祥符鄆陵睢陳歸德之災於是下流有所洩而護城隄不久卽塞

開封之患稍息河自宋元符中決蘇村及元至元皇慶延祐秦定間屢有決溢而患未甚也明初衝決日甚潰流數千里灌開封城距河四十里至洪武末決原武而東經城北五里及正統戊辰決滎陽轉趨城南景泰中始復故而大河經城北不過十數里迄天順而爲害尤甚洪流首衝幾與宋之澶鄆同一轍矣蓋下流未疏壅在下者其上必潰開封河患之烈古未曾有薛遠開祥符之曹家溜而水勢卽平李衍疏杏花營下流分導八角河口

河渠紀聞

卷之八

今

而開歸以下無患雖亦祇採時所急非經久之大計然浚淤疏湮之功已有明效大驗惟當時專力漕河而不顧全河之大勢終日議河而河不一治是年河決延津西冪村泛溢七十餘里自延津縣南徒入封邱而延津遂無河河自延津南徙河南滎澤之城勢不能立於舊治遷縣治於北丁鋪以避河患而患未已也

明憲宗成化十七年河決開封詔起薛遠以工部侍郎往塞之至則集丁夫分功授任決口遂塞

按是時開封爲受水之壑水至不決則淹蕩析之禍烈矣薛遠集丁夫分功授任不逾時而卽塞治事之勤集事之敏時所希有而以云捍災禦患猶有未逮凡塞決必審水之去來堵開封之決於潦盡水涸時而不予水以歸宿之路汎水一至圍繞郡城其不至漫入者幾希惟明者能見遠識微先固本根籌其去路下流治而積水自消否則當屢歉之時而有稽天之浸民力不足以禦患城無可守之道無異積薪抱火及大難旣作始欲遷城以

河渠紀聞

卷之八

全

避其患而不知避之無可避也

明憲宗成化十八年秋八月大水河南霪雨自六月至於是不息諸水皆溢水圍汴梁城城幾墊開封府州縣禾稼淹沒民居漂淪無算

按開封歲有河患塞不踰年復有是警前此陷城溺水民有爲魚之慘至是瘡痍未復更憂蕩析方水之圍城也民心洵懼思遷巡撫楊理不爲動曰遷豈易事增築汴隄高厚水亦徐去當事爲民捍大災禦大患當災患猝至時生持以鎮靜使民不

驚然後徐理其緒以次奏功事無不集若先自亂不但無以安民事亦必僨蘇文忠公守徐時決水匯城下城將敗富民爭出避水公曰富民出民皆動搖吾誰與守吾在是水決不能敗城驅使復入公廬居城上分堵以守卒全其城賢者所爲如是是時歸德水亦衝城知州事沈杰築長隄於城外捍之開白茆等河水由之入淮民免墊溺亦如王尊之守東郡古今人豈不相及視其所爲也是秋衛漳河漲溢運河隄岸多決開臨清月河並南旺

河渠紀聞

卷之八

全

各減水牖石堰以洩漲水霪雨至三月之久南北河水並溢異漲漂漫逾年復設總河侍郎蓋因水患而設官分治也

明憲宗成化二十一年復設總河侍郎以杜謙總理河道浚運道自通州至淮揚會山東河南撫按相度經理

按是時南北運隄多有衝決阻碍漕道始設官分治以謙充其使謙至官自通抵淮揚相地勢去淤塞復水櫃導泉源修牘壩河乃復舊鄭元慶謂謙

所爲達於事理爲治河司運者之要訣今水學云  
水櫃之設原以蓄洩濟運遇有淤淺卽當開浚而  
濱水之民貪利占佃庸吏槩令陞科水櫃盡變民  
田以致潦則水無所歸旱則水無所積蓄洩無由  
官民交困陞科之法非但不可行於水櫃亦斷不  
可行於兩河間之淤灘與水爭地隔碍水道爲利  
甚小爲害極大卽淮北之射陽湖江南之開家湖  
皆水櫃也皆不可稅而使水無所容也況川陸變  
徙無常田去糧存反以爲累此亟當清理者也

河渠紀聞

卷之八

金

漕以泉爲源而汶爲大諸湖輔之水微於春夏之  
交而灌輸方盛水溢於夏秋之交而運事已竣則  
惟有節宣一法秋終閉陡門以蓄水待運春終啟  
封板以通水濟運斯爲得之若循古法去淤導泉  
修駟壩歲以爲常而不廢事則無膠舟之患矣  
是年議疏平涼利民渠

按陝之平涼郡治壤接涇州土地平衍廣袤數百  
里涇水經流其間引以灌田易荒瘠爲膏沃以利  
民裕國有實心而復有實政婁謙平涼利民渠說

云圖志所載平涼故無渠埭居民習以成俗舉目  
前填淤之水任其奔流置爲棄物成化甲辰屬歲  
大稜媯川李公衍鎮撫關中周諫民隱創堰以佐  
耕疏決河渠弭變興利尊食平涼率屬荒度土功  
郡之豪右強梁出而齟齬毅然不恤躬親調度始  
自府城治北淪暖泉以灌蔬圃繼分別涇水聯絡  
成渠南引金龍池白水驛河合流花莊開一大渠  
又疏百泉王村金池瓦窰等溝西引汭水分流灌  
注城東地高河下難築堰埭股引木家路家等溝

河渠紀聞

卷之八

金

之水接濟計渠六十有二爲里二百溉田三千頃  
有奇渠之制深十五六尺廣六七尺上爲梁通行  
旅建石刊木架水槽以接不通壘堰壩以固河防  
工於是成此於圖志所無之渠埭獨闢利源渠水  
衍溢土脈漸清爲利普而費則省宜民之善政也  
明憲宗成化二十三年侍郎王濬請尋海運故道與  
河漕並行

按是時運道河水淤淺沁水決入黃河汶泗洗諸  
泉又多壅塞有妨漕運廣籌疏通水利濬方進大

學衍義補因請尋海運故道言海舟一載千石可當河舟三用卒大減河漕視陸運費省十三海運視陸運費省十七雖有漂溺之患然省率卒之勞剝淺之費挨次之守利害亦相當宜訪知海者講求勘視其言雖不行而漕河水淺軍卒窮年不休紛紛思復海運皆師其意以立言新河之議相繼而起矣

明孝宗宏治元年命工部主事朱子覲開吳淞江

按吳淞江爲禹貢三江入海澗深最捷之路而湮

河渠紀聞 卷之八

金

於後世愚民不識大體尺寸與水爭利遂至前之澗者反隘捷者反滯裕國利民之大計廢墜不修致使填淤反壤古今同患言水利者宋時郊氏父子毘陵單錫爲世所重而歸熙甫之論尤得體要顧寧人云世言水利復溧陽之五堰杭州之長河隄常州之望亭堰使水不入太湖此欲殺其上流也開吳淞江劉河白茆七了諸浦使水或南或北俱入於海此欲決其下流也倣古跡於江湖之旁各分爲塘浦是又於下流而貫通之也築圩岸以

圍田作堰遏水畢歸塘浦使東去之水滿盈迅疾所以爲內之勢也置牖以限海水之至使沙不入而水易出所以爲外之防也是數者盡之矣而歸氏吳淞入海之論更爲卓越熙甫云太湖入海之道獨有吳淞江一路愚農貪田腴圍占淞江日隘議者不尋其本別浚港浦而淞江之勢日失海口遂至堙塞自始興王浚以淞江滬瀆壅噎不利從武康紆絡爲渠洽直達於海穿鑿之端自此始夫江之湮塞宜原其始而治之未見有修禹之績者

河渠紀聞 卷之八

金

宜興單錫著書爲蘇子瞻所稱然欲修五堰絕西來之水以人力遏之無是理也余以爲治吳之水宜專力於淞江疏太湖之水東下餘水以次順治蘇文忠言欲淞江不塞必徙吳江之民鑄去隄岸如賈讓之徙民固非易事然視錫之開白蜆安亭江使湖水由華亭青龍入海者識見固不侔矣崇寧初徐確提舉常平考禹貢三江之說以爲太湖東注淞江正在下流欲復古道不果郊氏云吳淞古道可敞千浦其江旁縱浦小時猶見其澗二十

五丈則江之廣可知江南有大盈浦北有顧浦土人亦有三江口之稱江口有渡問之百歲老人云往時南北渡一日往來僅一二迴可知古江之廣也崔恭鑿新道自大盈浦東至吳淞江又自新江西南蒲匯塘入江江面廣十四丈與郊氏所見之二十五丈止及其半惜芟蘆之地而不求復古雖歲開浦支本不正水終橫行禹決九川距四海濬畎澮距川江流既正隨其所在可鈎引灌田古婁江東江之跡亦當自見如劉家港元時海運千艘

河渠紀聞

卷之八

七

所聚至今爲入海大道上海之黃浦勢猶洶湧出海順利可仿而知也與熊分司書曰永樂初夏忠靖公治水於吳朝廷賜以水利書夏公之書出於中秘求之不可得見於故家野老搜訪得書數種其所取水利論僅止一二然以爲世所傳書皆無逾此者郊大夫考古治田濬畎澮距川瀦防溝遂洫澮之制數千百年遺法猶可尋見吳中苦水邇年少雨多旱人忘水之爲害隄防一切廢壞今年久雨吳中田淹沒殆盡若如郊氏所云塘浦濶深

隄岸高厚水大亦無虞當元豐變法擾亂天下郊氏父子荆公所用之人世因以廢其書至其規畫之精自謂范文正公不能逮非虛言也單鏐本毘陵人故多論荆溪運河古跡地勢蓄洩之法其一溝一港皆躬自相視獨於淞江體勢未得要領揚州藪曰澤曰具區其川三江澤不患其瀦川患其不流以一江洩太湖之水力全則勢壯故水駛而常流力分則勢弱故水緩而易淤此禹時之江所以能使震澤底定後世之江所以屢開屢塞也執

河渠紀聞

卷之八

八

事秉節海上開疏瓦浦五十餘年埋沒之河瓦浦迤南二十餘里水皆向北通流若開淞江則自嘉定上海三百里內之水皆南向而流矣熙甫立論洋洋數千言總以開淞江爲正源以復古爲上策吳中水利無要於此然吳江圍佔湖田澁滯江流已數百年誠有積重難返之勢朱子觀以邊氛未靖而不果開江亦知其難也郊氏又謂知開吳淞江而不築兩岸隄塘導上源之水輻輳而來溢入南北溝浦而不能逕趨於海適爲兩州患其理固



然而隨時疏導效可立見如云吳中以旱多雨少民忘水患而不知旱之爲患亦在水不逼流也江流大通旱則有水可戽潦則洩入於海高田種木棉喜燥易收低田種稻水旱無虞故曰常熟嘉慶壬戌開劉家港七了浦出海之口浚蒲漚南橋分流之河及沿河小港其年忽旱忽潦賴海口通流松太嘉湖倍收此尤明效大驗近事之可據者也明孝宗宏治二年河決開封入沁河自祥符西北翟家口決埽頭五所入於沁溢流爲二一自陽武東之

河渠紀聞

卷之八

兌

於家店經蘭陽縣南東至歸德由徐邳入淮一自封邱之荆隆口漫祥符潰儀封之黃陵岡東經曹濮入張秋運河郡邑多被害汴梁尤甚遣侍郎白昂治之按是時汴梁水患日亟議遷開封城避其害不可而止大河南決十之三北決十之七南決者自中牟楊橋至祥符界析爲二一經尉氏等縣合潁水下塗山入於淮一經通許等縣入渦河下荆山入於淮又一支自歸德州通鳳陽之亳州亦合渦河入於淮北決者自原武經陽武祥符封邱蘭陽儀

封考城其一支決入金龍等口至山東曹州衝入張秋運河冬月水消沙積決口已淤併爲一大支由祥符翟家口合沁河出了家道口下徐州昂奉命自淮河相度水勢抵中牟立議決水合潁渦入淮者各有灘積宜疏濬以殺河勢合沁水入徐者小黃河淺隘不能受上游金龍口雖淤久將復決宜於北流所經七縣築隄以衛張秋議定舉郎中婁性協治役夫二十五萬築陽武長堤自原武至曹縣以防東北入海引中牟決水由陳頴至壽州

河渠紀聞

卷之八

牟

入淮浚宿州古睢河入泗又濬睢河由歸德經符離睢寧至宿遷會漕河上築長隄下修減水牖又疏月河十餘以洩水塞決口三十六由是河入汴汴入睢睢入泗泗入淮以達於海復於魚臺德州吳橋修古河隄自東平北至興濟鑿小河十二道引水入大清河及古黃河以入海爲南北分治之道載考吳寬康敏白公傅公至河南相度水勢慮水復趨張秋築陽武長堤捍禦遂導河自中牟決口至尉氏下潁州經塗山合淮水入海又修汴隄

浚汴入泗又浚宿州古睢河入運道以分徐州之勢築蕭縣徐集等口以束其流大指以疏爲主而引汴入睢浚睢通泗爲創舉又考徐溥浚睢河記河泛及汴隄婁性相其便宜自宿遷至歸德並加疏浚其旁築隄以護民居又於符離橋南鑿月河一道沿河置減水牐七浚渠五考其締造之跡卽北宋轉漕之道經營不遺餘力然由是賈魯河不可卒復矣賈魯河淤於洪武初決時經流南去永樂疏復爲小黃河至是河會一大支由丁家道口

河渠紀聞

卷之八

全

下徐州卽賈魯之故道也昂浚睢河以分其勢築徐集隄以束其流而賈魯故道遂塞其治歸流東南以疏爲主昔人言欲疏下源先固上源水力不專則沙不能刷故有以塞旁洩爲疏者懼其力緩而沙沉也昂親聞徐武功一窺五竅之說而師其意於東平以北鑿河十二疏入大清河不數年塞爲平地當洪流汎濫之時疏使循軌就範以濟一時條理非不粲然可觀而以不能遠慮反爲長河增一漏洞厥後徐州水不能下汎濫數十年於此

實開其覺河志云河之入海自碣石而千乘自千乘而入淮至是又由汴入睢矣河之三大遷也然碣石遷於二千餘年之後千乘雖非禹迹亦古濕濟入海之道自西漢以來衝刷深澗王景治之以法閱千有餘年而後遷睢本溝渠之水黃流所未經引黃入之勢不能容漫散於荒陲湖蕩之間久必停淤上游水不下洩潰而四出此睢河之所以不久卽遷而徐邳深河之所以變爲陸地也當金龍初決時東人以爲憂豫民虞其塞集議久不決

河渠紀聞

卷之八

全

康敏兩從其議調停於其間而兼治之倍增汴隄疏其下流遂塞金龍口導河由陳頴至壽入淮築渠堰於徐兗瀛滄之間以殺河勢豫東之民咸宜之李東陽謂康敏治金龍得疏之效其言治河有塞有浚有疏而疏之說勝引徐武功一窺五竅之說謂康敏親得於見聞師承遺法事舉而人和疏之功用爲大然治河無定法在因事順導疏以導流而防其旁洩束水而水自刷沙築之乃所以疏之也引溜歸河而得水之力疏之卽所以築之也

河渠紀聞

卷之八

壘

夫水以氣聚而怒激多穿漕渠洩其氣正流力衰而行遲貯淤則就下之性不得遂而旁決之患繼至宋神宗言後世以事治水故常有礙以道治水無違其性陳潢變其說謂以人治水不如以水治水以水之道治水人力固有所不及也導河者鑿河之形人力所成十之二引河之勢水力所滌十之八故魏灣以下分爲十二河不可持久也康敏治運河開復河於高郵隄東擁土爲隄引舟內行避礙社諸湖之險人懷利涉賜名康濟而於治開封諸決河不能安流於數歲之後蓋運河以人治者也黃河以水治者也康敏分水而水愈不治殆徒知以智役水而未灼然於以水治水之大而可久其識量猶有間矣越三年河決張秋渠道淤廢固知分水之不可常恃也

明孝宗宏治五年河復決金龍口潰黃陵岡再決章邱戴家廟掣漕河與汶水北行侍郎陳政督夫九萬治之弗績以劉大夏爲副都御史治之

按是時黃河南流故道之在陳州及在歸亳者俱

河渠紀聞

卷之八

壘

已淤塞上流遂潰而北趨與沁水合流勢益奔放自祥符孫家口楊家口車船口蘭陽銅瓦廂決爲數道俱入運河壞張秋東隄奪汶水入海漕流絕大溜壅注張秋上下勢甚危急是由決河自祥符諸口北趨踞建甌之勢也陳政未能引水南行通孫家渡飲馬池黃河入淮之故道以殺上流之勢而遽塞孫楊車船等口決入運河之急流積用弗成時以河爲漕患議請殺水勢於東南築隄西北從王恕之請以劉大夏爲副都御史治張秋決河

大夏至行視水勢曰是下流未可猝治也大河所經之地西南高阜東北低下決河乘高勢奔湧而下湍急不可禦下流水勢已逼尤難爲力時方夏半漕舟鱗壅口南先於決口南岸鑿月河屬之舊河使漕道通流糧運可濟然後定議疏賈魯舊河使南下徐沛由淮入海經過州縣修復故隄以障東流發丁夫濬舊河由曹出徐以殺水別鑿孫家渡新河導使南行由中牟至潁以入淮又濬祥符四府營淤河由陳留至歸德釀爲二一由符離出

宿遷小河口一由亳州渦河俱會於淮既卒事然後沿張秋兩岸築臺立表貫索綱聯巨艦穴而窒之實以土至決口去室沉艦壓以大埽且合且決隨決隨築連晝夜不息決既塞改張秋曰安平自安平而下河流北入東昌臨清至天津運道大通下流已治乃治上流黃陵岡居安平上流河口廣九十餘丈荊隆等口居黃陵岡上流廣四百三十餘丈河流至此寬漫奔放再議築塞諸口導河南下徐淮以爲運道久安之計議定興工旬有五

河渠紀聞

卷之八

壑

塞黃陵岡及荊隆等處決口有七於是上流河勢復歸蘭陽考城分流逕歸徐州宿遷南入運河會淮東注南流故道以復又築長堤起胙城歷滑縣長垣東明曹單諸縣下盡徐州亘三百六十里卽今太行堤也復築荊隆等口新堤起於家店歷銅瓦廂東橋抵小宋集凡百六十里二堤相翼隱若長虹仍於張秋南北各造滾水石壩中砌石堤河若東決壩以泄漲堤以禦衝仍導汶水濟漕不引黃水入運自是黃運分行黃不衝運黃陵岡築

斷北流永塞後之司河者遂專治奪汴入泗合淮入海之河以爲翕由之故道元明以來治河必先治漕漕既北上河無北出之理若使南北分流北則衝運而淤漕南則壅下而潰上大夏濬賈魯之故道塞北流之暴漲已開數百年治河之先路雖未大開故道斷絕南流杜後來旁出之隙亦當時急在通運未遑與舉鉅功然其治績已出徐武功白康敏之上至其塞決仍師賈魯沉舟之法而神明其用沙灣屢經潰決沙厚泉湧純用柴土力恐

河渠紀聞

卷之八

壑

不敢故借巨艦以當衝任重使不能漂然後用草土接築填塞堅厚以閉其氣此卽賈魯法外之意也其時合而復決決而復合者數矣幾經挫折而後能有成非知法之意者不能用其法也劉健記略云黃陵岡屢合屢決既塞後築隄三重以護之東西各三百里直達徐州俾河恒南行故道汪武曹云劉忠宣治張秋別由賈魯故道出曹縣至徐州者爲一派實錄所謂分流逕歸德徐州入運河者也宏治之役始爲治張秋久而弗績忠宣受命

治河卽言河流湍悍張秋下流噤喉未可輒治應於上流分道南行復築長隄以禦洪波防大名山東之患俟其循軌而後決可塞其鑿治次第預定於施工之前形勢瞭如指掌然後疏導上流分爲四派入淮以殺其勢而其大指在開賈魯舊河以洩水而利運蓋是時漕運最急地勢西南高於東北大河日漸東注妨運道上源勢力浩大漕渠不能容受下流水勢已逼殊難爲力故用以黃避運之法排障百川悉歸東南疏導賈魯舊河由梁靖

河渠紀聞

卷之八

七

口下徐邳而通漕道築大行長隄又築金龍新隄蹙河使南經流出孫家渡支流分出渦白二河塞黃陵岡金龍之口截流歸淮太行隄橫亘東西張秋安如磐石自是全河南下不復北出矣夫武功作九堰以障橫流康敏築長隄以衛張秋而河運兼濟北流依然忠宣築黃陵岡而北流永絕自古治河之變實始於此然其故不在河而在漕漕之變而在北河之不得不出於南也顧寧人論張秋河政云河自正統以來張秋決者三而宏治癸丑

爲甚諸臣塞決者三而劉忠宣爲最迄今百有餘年遠祛河害猶資汝利追溯始末引黃爲利未有不受害者古黃河自大伾北入海去鎮遠不相及卽汶合濟入海亦於鎮無涉鎮上惟汴及北濟之水至漢元光中決瓠子決鉅野建始中決館陶灌東郡而害始左右波及張秋永平中王景修汴渠河汴分流阿堙之間得免河害者幾七百年至五代北宋百餘年間河復南決四決楊劉七泛鄆濮而張秋非正當津口卽首受下流被害尤極故

河渠紀聞

卷之八

八

李穀治治隄則起張秋宋設鄆州六埽張秋居其一自南渡後河益南徙故道遂涸元開會通河而塞於黑洋山之決宋禮等疏復故道遏汶分流濟運然是時猶自金龍口堰黃河支流也資其利卽不能祛其害故正統十三年河決滎陽衝張秋潰沙灣徐有貞治之上接河沁引河入漕強半猶資其利而河決如故自昂治主於疏塞後不踰三年河復決張秋凡以引河開隙也劉忠宣功成築二百里長隄東水全趨於海歲運如期伊誰之力天

庚正賦惟賴會通河漕東南之粟以供軍國斷無有任其北出害漕者亦無有舍賈魯故道而別求利運者初河奪汶水入海議者謂河不可復思治海運忠宣治河以治漕於北則爲重門以遏暴流於南則疏金龍以灌二洪而河運安流固不以變古爲嫌嘗言居官不獨當戒利亦當遠名故能持大體而成遠謨也

是年濬潮州三利溪

按三利溪在府城西導濠水西歷潮陽揭陽經三

河渠紀聞

卷之八

卷之八

縣境內又有楓溪新溪源出湖山之水來會注於鳳溪達於楓口逕入於海回抱曲折殆數百里而後入海三縣利之下田爲膏腴民省負載之勞讀史紀要云宋元祐間濬三利溪至明正統以來日就堙塞歲久不濬爲泥沙所壅至是議修迄底於成李東陽三利溪記云潮州府舊有三利溪蓋自海陽負郭而西歷潮陽揭陽以入於海迤邐曲折流貫原野三縣食其利溪以是名天順間修明一統志而名不載其利之廢久矣周君萬里知府事

議修復之籍丁夫具畚插月計日督以要其成自

郭西至於陳橋雲梯岡楓洋諸里水旣告濬復慮

其縮而涸也浚南濠渠韓江之水以益之又築關

置鍵以節啟閉使歷冬夏雖旱溢常平無虞數十

年之利復於一旦爲文以紀此所謂因利爲功也

然利亦有無心適得者乾隆乙未余攝惠潮篆務

築北門河隄卽防韓江之水衝入三利溪也初府

城內水溝堙塞日久需潦水無所出城內水深一

二三尺不等行者覓人負渡相望於道設法通溝

河渠紀聞

卷之八

百

數十道城內水始洩出城東瀕韓江江匯贛閩三河之水浩瀚而來城依山根爲固向北連接小山中有一缺通三利溪下經海潮揭三縣之境昔人建隄於此以禦江水爲海潮揭一大關防此隄若決衝入三溪三縣膏腴變爲沙瘠舊隄卑矮不足恃因以疏溝餘力用三合土堅培加高五尺工竣未及一月江水大漲漫及新築之隄水不浸者二尺三尺新土已入水中三縣獲保無虞三利溪亦無衝淤之患此所謂力少功多無心適得者李東

陽言易以利爲四德之一凡卦象之用川者必言  
利涉書陳六府始於水三事亦稱利用顧或急功  
效而傷本基利未獲而已見其害非以爲利也民  
不能自得必藉提警驅策之力而後遂以佚道用  
民之力暫費而大獨民不曰勞我而曰逸我利及  
於民也三利溪利在百年者也築北隄利在一時  
者也當爲民圖永利矣

明孝宗宏治六年戶部侍郎白昂開高郵復河

按設官治河以爲民利利民之事必與民宜之鑿

河渠紀聞

卷之八

百

復河之議不始於康敏民所宜也康敏行而宜之  
爲人之所不能爲而因以爲利所以得民也高郵  
運隄西北與甃社諸湖通繫迴數百里每西風大  
作波濤洶湧沿隄椿石輒壞舟觸岸多覆前此士  
民議修湖東鑿復河以避風濤不果於行康敏視  
運乃亟行之鑿州北三里之杭家嘴至張家溝而  
止長竟湖廣十丈深一丈有奇兩岸壅土爲隄椿  
木磚石固護河岸首尾有牖與湖通岸東爲牖四  
涵洞一以殺漲水功成舟經高郵者人獲康濟名

其河曰康濟民不忘所利曰白公隄此所謂與民

宜之也劉健康濟記略具載其事康敏鑿復河與  
其治張秋同一濟民利物之心而治河不如治運  
之宜民而可久也越六十餘年王廷瞻開寶應泚  
光湖越河汜光湖隄平江伯陳瑄築以蓄水濟運  
也下流無所洩決爲八綫滙成巨潭淮流復奔入  
勢益洶湧前時李世達議開越河不果廷瞻承之  
鑿渠千七百餘丈避其險爲石牖三水牖二石隄  
三千餘丈河成賜名宏濟又以餘料包砌高郵護  
城隄杭家嘴六百丈小湖隄五百餘丈分寶應之  
惠於高郵補康敏所不及宏濟之助與康濟前後  
媲美矣

河渠紀聞

卷之八

百

是年命朱瑄興修河南水利

按是時河南郡縣踰時不雨民飢無食思興水利  
伊洛等渠歲久湮蕪多爲屯營侵塞及勢要之家  
佔作碾磨河撫徐恪言河南伊洛二渠彰德高平  
萬全等渠懷慶之廣濟渠方口堰及許州之棗祇  
河渠南陽之召公渠汝寧之桃陂等堰時勤濬治

亦足以資灌溉隨時所宜以次興舉因民之利莫善於是恪能言之能行之所在求利於民官先爲倡導民有所資藉以齊其力利源不涸畝收過倍治績隆於時人皆慕而效之若爲之不以實力不能持久則破垣衝沙欺隱占據之弊踵至利不一效而害先見王荆公動援周禮而其所爲乃至病民惟不與民宜也若恪之治水利其可多得哉是年築安平鎮減水壩於舊決口之南

河渠紀聞

卷之八

五

南下復建減水壩於舊決口之南以備宣洩李東陽記畧云安平功成黃陵岡築兩長隄束水歸徐淮故道又議以兩隄綿亘甚遠河或失守復至張秋爲漕河憂乃相地於隄南一里用近世減壩之制植木爲杙中實甄石上爲衝木著以厚板堰以巨石屈鐵以鍵之液糯以埴之壩成廣袤皆十五丈又於其上甃石爲竇五梁而涂之梁可引絕竇可通水俾水溢則稍殺衝噴水涸則漕河獲存考治水之法疏與塞而已塞之說不見於經中古以

降用隄堰爲利利與害相值必較多寡以爲輕重若毆役土石當水之怒費多利寡古人所戒惟水勢方迫患尚未形周思豫制以爲之備障亦有利焉茲壩若爲障而實疏之故疏不至漏障不致激去水之害以成利不逆性制物不後天違時無遺智餘力以圖可久之功視唐韋舟築捍江隄竇以疏漲適相侔矣此敘善後之績亦實錄也

明孝宗宏治七年都御史徐恪上治河疏

河渠紀聞

卷之八

高

一按是時黃陵岡大功告成大行隄永斷北流而河流涸潄由故道南下力大而勢重開歸一帶首當其衝深識者見微知著爲思患預防之謀此徐恪之疏意也其畧云去歲孫家渡口賈營舊河使之南注以殺水勢功旣成矣至夏秋水發而榮澤之流遂淤水勢仍趨於北蹙凌水發賈魯之河亦淤若不亟力籌計防守之道以續前修不惟隄黃陵岡鉅功兼恐留張秋隱患且黃陵岡旣塞河必南決陽武以至考城俱當下流首衝城社民人亦當防護若得運道安流遂遺忘一切非有初有終之



至計也今南北兩岸隄防決口皆當修築夫匠糧料之需動以萬計近歲河南游罹災傷人民失業請假九江淮揚及荊州蕪湖等關稅銀數萬兩以濟工需庶於國計民生有賴此緣河不北趨而防其南決老成謀國動出萬全厥後南岸野雞岡諸決迭出繼至下壅上決無已時先機之哲具於此矣

是年三吳大水命工部侍郎徐貫經理蘇湖水利疏濬河道

河渠紀聞

卷之八

夏

按是時蘇湖水溢命貫疏濬水道東南財賦所出倉廩儲積悉仰給於蘇湖常秀水田之利以爲軍國之計港浦久不疏浚則塞農田失利永樂初夏原吉濬吳淞江以濫沙浮蕩猝不可去鑿夏駕浦掣江接浦匯入劉家河歸海猶非吳淞入江之正也至是濬吳江長橋導太湖散入澱山陽城昆承等湖又開崑山東南之大石青浦西北之趙屯等浦浚澱山湖水由吳淞江入海開吳江西北之白魚洪婁江上源之鮎魚口等處洩昆承湖水由白

茆港入海開斜堰七浦鹽鐵等塘洩陽城湖水由七丁港入海下流既通由是開湖州之澗涇洩天目安吉諸山之水自西南入太湖開常州之百瀆洩溧陽鎮江練湖之水自西北入於太湖又開諸陡門洩運河之水由江陰入大江上流亦通不復堙滯凡修濬河涇港瀆湖塘陡門隄岸百三十五道東南水利略具皆見於章奏而吳淞江爲出海正路白茆等塘分消諸湖要略詳於金藻三江水利論其言東江既塞澱湖之水無所洩人以爲千

河渠紀聞

卷之八

夏

墩浦等處可泄澱湖之水殊不知千墩通流止利一方澱湖之水乃屬東江不能逆入淞江淞江既堙又以爲劉家河可泄太湖之水不知劉河但能洩婁江之半節其南來之半節與新洋江及千墩等浦反橫衝松江之腰腹今人有謂黃浦卽是東江黃浦通松江通者未權縱橫之大勢也松江乃東西之水其勢大而橫黃浦乃南北之水其勢小而縱太湖之定位在西大海之定位在東必藉東西之江以洩之則順而駛若藉南北之浦以泄之

則逆而緩蓋松江之塞西由吳江石門之少中由千墩浦與新洋江之橫衝東由黃浦竊權之盛踰口所以不通也黃浦中段南北之勢南爲東江害北引松江達范家港入海名上海浦江有入海之名浦無上海之理今皆反之卽變江爲浦之明驗也其至南折於西接橫潦涇者名華涇塘東去有牯港此皆東江之東段也大泖西北有攔路港陳湖西去有白蜆江此卽東江之西段也但未深廣入海耳三江旣通則太湖東之形勢順矣然後尋

河渠紀聞

卷之八

頁

曹涇金山衛海鹽等處入海之牯河洩嘉興杭州之水則太湖南之形勢順矣疏江陰下港等河常熟白茅等港浚常州運河斗門洩夾苧干等瀆築隄束水入江則太湖北之形勢順矣修溧陽之五堰疏宜興之百瀆則太湖西之形勢順矣至江之有浦猶井田之有澮也水漫則洩溝水以入江水涸則引江水以入溝高鄉溝洫爲急低鄉圩岸爲要老農云種田先做岸種地先做溝此二語切中事宜高鄉花荳不收爲無溝也低鄉稻禾不收爲

無岸也父老言往昔民間足食無事歲時得因其餘力營治圩岸疏通溝洫田益完美近年空乏勤苦力不暇給圩岸漸埋淤泥塞溝歲多災祲水利烏可不講荀卿曰田野者財之本也倉廩者財之末也事業者貨之源也府庫者貨之末也江湖又財貨本原之大者居財賦之地講求財賦所由來飲水而不思源惡乎可也

明孝宗宏治十年開白茆海口

按王守溪吳郡治水記云吳淞江入海雖近而多

河渠紀聞

卷之八

頁

涸其別出一支從常熟白茆港入海最大且駛而海沙淤塞自成化以來每議開濬畏其難而止是港輸昆承陽城諸湖而注之海往時水由是行濶六十丈亘九十里通潮往來吐洩湖泖張士誠大加浚治設厰淺夫歲濬爲常永樂中夏原吉治水慮水獨從七浦入海於湖水交會之衝作斜堰障之分其流注於白茆天順中潮沙日漲港漸狹小其後又有水之獨出七浦而決壞斜堰者於是水遂改道更無流波衝洗潮泥而沙漲日甚至是集

衆大開東起海口西抵支塘澗五十六丈深一丈七尺其因白茆而濬者其上爲鮎口其旁爲尤涇鹽鐵塘皆通白茆並治之是年濬吳江水口口在長橋外橋長二里許有七十二洞外滙爲大沼太湖之咽喉也久爲蘆荻阻礙成淤加工疏治三閱月皆以成告蓋以鮎魚口爲白茆上游長橋爲諸水上游故以次并治而導其源也

明孝宗宏治十一年專設總理侍郎都御史兼軍務以崔巖總督河道河決歸德小壩等處引沁與黃別河渠紀聞

卷之八

覓

支會流經宿州雖寧由宿遷小河口入漕自小河口北抵徐州水流微細徐呂二洪淺阻

按黃河分支初由丁家道口出徐州城東小浮橋流入漕河南抵邳宿水利通行無淺阻往來船隻省盤剝之費至是決河卽由白昂引汴入睢之道出小河口而徐州漕河爲漏卮運道大阻當是時決河之出小河口者散漫而不能暢行徐州故道復淤河流遷徙未定若上源奔放則曹單受害而北運堪虞下流散溢則蕭楊受惠而南漕有阻議

久未決越二歲河決李楊等口淤塞馬水河橫流曹單議挑馬水河入徐濟運而搶修曹縣武家口至單界馬良集一百五十里之長隄蓋自太行隄築後六年河決曹單延及城武金鄉魚臺濟寧一望在洪濤巨浪中曹尹鄒魯就病爲醫而築曹境至單界之堤以爲二堤隄築而馬水河之淤不疏小浮橋澗而滯運矣明時黃河出歸德者至宿遷入漕出儀封者由新集趙家圈經蕭縣北至徐州小浮橋入漕下及徐洪自小浮橋以上皆牖河也

河渠紀聞

卷之八

車

故汶水出高家牖與小浮橋大河會汶與河交會在高家牖由徐南抵邳宿安流順下及上流歸德小壩子衝決與黃河別支會流由宿遷小河口入漕則自小河口北抵徐州水源頓涸河漕澁不能進時欲分沁入黃恐黃反牽沁而南欲自歸德分水入賈魯河濟運而汎水逆流不能挽之使東丁家道口上下隄岸決壞故道淤塞水哽噎不下而小河口之流漸亦不暢於是上源奔潰先及曹單下流散溢於豐沛楊蕭之境河流復徙而北自小

浮橋以上至茶城悉爲大河汶與河交會在茶城而高橋沉河中矣數十年間河流變遷端起於康敏之引汴入睢治河不由舊章師心之患方深矣明孝宗宏治十二年濬寧夏西渠

按黃河嘗爲中國患而寧夏獨受其利引渠溉田無旱潦之災土人呼隄爲湃黃河自出青銅峽以來有支流五道漢延渠橫截第五道之支流出府城東南遠城溉田唐來渠卽唐渠西據漢延渠上流黃河出峽東流渠口卽於峽之盡處開鑿引水

河渠紀聞

卷之八

五

遠城西自西而北行二十里至唐壩設廂六空西四空爲唐渠東四空爲貼渠此漢唐以來循行之故迹也至是陝撫王珣言寧夏故渠三道東漢中唐並通惟西一渠傍山長三百餘里廣二十餘丈兩岸危峻漢唐舊跡俱堙請發卒濬鑿引水下流便民耕種卽以土築東岸積土削牆山口設堡屯守以遏寇衝並請於靈州金積河口因秦渠故道開疏灌田給軍民佃種由是相地制宜於漢唐渠西之故跡大加開治凡河流之淤者濬之使通更

修舊廂及內外退水之廂使水有所瀉亦有所分疏靈州秦渠故道凡稍高不能盡沾者設通水廂蓄其勢使畢達自此大渠以西無不溉之田矣明孝宗宏治十四年河道都御史劉天和覆議朱裳等會勘河道事宜

按是時黃河屢決爲患初決荊隆口再決黃陵岡又決張秋浚孫家渡及宿遷小河分洩河怒而後定於是相度處置河事酌疏濬隄防之宜先是河道都御史朱裳言治河與古不同古導之北以順

河渠紀聞

卷之八

五

其就下之性今導之南以避其衝決之虞考求其策有三曰疏曰濬曰築漕渠狹隘洪廂束捍全河入運勢有難容自須分流以殺其勢今梁靖口趙皮寨孫家渡幸已疏通惟滑河淤漫深廣應濬入正河河過魚臺其流漸北將有越濟寧趨安平之慮宜將魯橋至沛縣東隄百五十餘里修築堅厚又自城武至濟寧創築樓隄以防北溢濬清江之淤宜山東諸泉修南旺湖隄廂壩以通蓄洩此疏濬築並用之道也至是議覆以治河之要在疏支

河以分水勢尤在測地勢以遏暴流防以止水築必選土加水礮用平準法隨地勢高下而低昂之俾一律堅實疏以洩水視水之向背地之高下因其勢而利導之不使過甚有奪河之患開河形如鍋底水落可免淤塞一切隄防之制疏濬之節皆曲盡事理合於工用而又停止海口工程慎重北岸隄防且言親歷淮海間周詢審度黃淮二河下注之水淮安以下河身漸已寬廣下及海口則廣二十餘里初不見其停阻壅淤也使海口果爲流沙積隘則洪河巨流必將停聚於淮安今淮流奔注初無少緩淮人平土而居亦未見其有所害也況海口洪波衝蕩非若安流舟楫可以往來縱有套沙亦非尺寸鐵龍瓜可以爬盪若甘溝菊花北滙等溝馬邏羊寨等港開之未必無益而洪河流向東北溝港折向東南水勢不順亦易壅淤至黃河之當防者唯北岸爲重宋元迄今累築隄岸形址皆在河水湍悍衝徙不常臨湖臨運關係重大擇其中塌損者增修斷者接築使北岸七八百里

河渠紀聞

卷之八

高

間聯屬高厚雖有異常之水得保無虞語云不作無益害有益停濬海無益之工急溯河運道之重洵足爲河運之程法矣  
明孝宗宏治十八年河決睢州之野鷄岡由汴河至宿遷小河口  
按史稱黃河初自原武滎陽分而爲三一自亳州鳳陽至清口通淮入海一自歸德州過丁家道口抵徐州小浮橋一自窪泥河過黃陵岡亦抵徐州小浮橋卽賈魯河也迨河決黃陵岡犯張秋北流  
河渠紀聞 卷之八 高  
奪漕劉大夏塞之仍出清河口至是河忽北徙三百里至宿遷小河口而賈魯河淤由丁家道口抵小浮橋之支河亦淤是時丁家道口決隄未塞河淤三十里雖奉命修築而填淤已厚河不能東出合泗水壅於上流決而南下由前時所開引汴入雖之故道奔湧出小河口入淮於是河徙而運亦病徐呂二洪賴河沁二水接濟沁水自河決滎澤後不由武陟入河別出濟運至是沁亦隨河南下二洪告涸蓋分枝別出之貽害不啻自開其隙而

決在上流河愈潰敗不可復理也

明孝宗宏治中建儀徵縣攔潮牐

按儀徵為江漕喉襟要地安徽江西湖廣之漕浮大江而下者由是進口漕河之水至是入江地勢北高南下高卑異形水一洩易盡不可漕行漕者虞其洩水牐壩屢舉屢更蓋濱江無牐收蓄水壅注內牐力重不能啟閉至是建牐臨江曰攔潮使水有擊束內外相資為用工成人咸利賴揚一清記云儀徵為漕河前代易置宋嘉定間以漕河入

河渠紀聞 卷之八

夏

江高卑勢殊置三牐為蓄水計尋再舉廢洪武辛亥即其地築而壩之舟至車盤過壩舸艦雲接販鬻喧闐居貨食力惟壩是便成化甲午郎中郭君昇建議置牐四為東關為響水為中牐為羅四牐以通於江而罔利者倡為洩水之說遂廢不用嗣因言議復相地所宜復東關羅四二牐廢響水中牐而舟復通利然江濱無牐潮無所蓄上牐啟注不可遏於是復起洩水之議時欲江濱增置一牐或謂近江多浮沙不果宏治己未張公敷華撫吳

總漕事有進攔潮之策者詢知江濱七尺以下土

黃壤無沙遂定議築牐高丈有八中廣二尺有八

表三丈爰琢爰斲犬牙相入磨礮剉硖厓削砥平

壘石數重以固其涯松椿櫛比以固其底工鉅而

官不知費事集而人不告勞四閱月功成視長落

之潮定啟閉之節江河會通舟無留行通數千百

艘於飲食談笑之頃重門之所以利用也是秋霖

潦浹旬潮水大漲啟閉宣洩不至橫決為隄堰害

歲省漕費無算而商民亦獲沾利益通上下而成

河渠紀聞 卷之八

夏

宜非一節之為美矣

